





✓





D. IOANNIS  
SLOTANI GEF-

FENSIS SACRAE THEOLO-  
GIAE PROFESSORIS, ET  
Inquisitoris hæreticæ  
prauitatis

DISPUTATIONVM ADVER-  
sus hæreticos Liber unus:

In quo sub propugnatione articulorum Iusto Velfio  
Coloniae propositorum omnes fermè huius se-  
culi controuersiae discutiuntur.

Operis titulos proximè post præfa-  
tionem reperies.

*Biblot.*

*Secr.*

*Coll.*

*Hom. I. I.*

*Ex Lib.*

*M. Coar.*



COLONIAE.

Apud Ioannem Battemium.

Anno M. D. LVIII.



Habes hîc, optime Lector, controuersiarum præcipuarum elenchum, quæ occasione Apologia Velsianæ, obiter à nobis in hoc libro explicantur, vt tantò commodius & conuenientius illius ratiocinationes cōuelleremus, & obiectiōnibus respōderemus. Tu interim vale, & laborem nostrum boni consule.

EORVM QVAE PRAECIPVE IN  
hoc opere tractantur, elenchus.

De Ecclesia.

De primatu Petri, & Ecclesiae Romanae.

De oecumenicorum Conciliorum authoritate.

De ueritate corporis & sanguinis Christi in  
Eucharistia.

De transsubstantiatione.

De durabili praesentia corporis Christi in Eu-  
charistia.

De ueneratione & adoratione Christi in Eu-  
charistia.

De communione alterius speciei.

De sacrificio Missae.

De Ecclesiae septem Sacramentis.

De ueneratione & inuocatione sanctorum.

De purgatorio.

De templorum aedificatione, & utilitate ce-  
remoniarum, deq; alijs quàm plurimis lectu-  
scituq; dignissimis.

REVERENDISSI-  
MO IN CHRISTO PA-  
TRI AC DOMINO D. GEOR-  
gio ab Egmont Ecclesiæ Traiectē-  
sis Episcopo, F. Ioannes Slotanus  
Geffensis, Salutem in Domino  
precatur sempiter-  
nam.



**I**N Ecclesiasticis hi-  
storijs, integerrime  
& ornatissime An-  
tistes, nulla ex re pij  
Pontifices atq; Do-  
ctores magis commēdantur, quā  
ex diligenti opera pro Ecclesiæ ca-  
tholicæ & orthodoxæ fidei propu-  
gnatione ac defensione gnauiter  
collocata. Prædicantur etenim plu-  
rimum, quòd pro veritate fortiter  
steterūt, & fidem catholicam non  
solum assiduis prædicationibus, ve-  
rùm

## EPISTOLA

rūm etiam scriptis & assertionibus, veris scripturis, veraq; ratioe subnixis, ꝑ catholica doctrina, ꝑ Apostolica & Ecclesiastica traditiōe certarūt, vt ex librorū quoq; ꝑclaris monumētis, ad hæreticorū venena cauenda, etiam posteris munimen & subsidium præberetur. Cū enim hæretici tritico miscerent zizania, hoc est, pura verbi Dei semina suis pestiferis dogmatibus macularent, & mundas areas doctrinæ apostolicæ adulterina admixtione foedarēt, sacerdotes Domini, & circumspēctissimi Ecclesiarum pastores, ex omni parte veluti vigilātes agricolæ, eorum mala semina excutere & expurgare nitebantur, & tanquam solliciti pastores, lupos insidiantes gregibus Christi, clamoribus simul & insectationibus repellebant, commonendo fratres & instruendo, scribendo etiā longè positis, ac posteris cōsulentes, quæstio  
nes

# NVNCVPATORIA.

nes eorū & obiectiones peruerſas,  
editis commentarijs, confutando.  
Inter quos facilè primum locum  
obtinēt maximus ille & inuictiſſi-  
mus Athanaſius, Alexādrinus quō-  
dam Episcopuſ, cuius tanti in Ec-  
cleſia (vt habes lib.10.Eccleſ.hiſto.  
cap.14.) pro fidei integritate, ago-  
nes fuerunt, vt etiā de hoc videatur  
dictū eſſe illud quod ſcriptū eſt: E-  
go em̄ oſtēdā illi quāta oporteat eū  
pati pro noīe meo. In hui⁹ etenim ꝑ  
ſecutiones vniuerſuſ cōiurauit or-  
biſ: & commoti ſunt principes ter-  
ræ, gentes, regna, exercituſ coierūt  
aduerſuſ eum. Sed ille diuinū illud  
conſeruabat eloquiū dicens: Si con-  
ſiſtant aduerſum me caſtra, non ti-  
mebit cor meum: ſi exurgat in me  
prælium, in hoc ego ſperabo.

Quis Eufebij & Hilarij in hoc  
ſtudio diligentia dignè explicaue-  
rit? Siquidē Eufebiuſ Samofatenuſ  
Episcop⁹, ne in exilio quidē apoſto-

Lib.7. Tri.  
hiſt. c. 16.  
& lib. 10.  
Eccleſ. ca.  
30. 31.

\* 3 licis

## EPISTOLA

licis laboribus defudare cessauit. Is  
 enim multas Ecclesias desolatas pa-  
 storibus esse conspiciens, habitu  
 militari suscepto, & τια'ρα caput o-  
 periens, Syriam peragrabat, &  
 Phænicem, pariter & Palæstinam,  
 presbyteros ordinans atque dia-  
 conos, aliaque Ecclesiæ peragebat  
 officia. Sicubi autem inueniret si-  
 bi concordēs Episcopos, eos Præ-  
 sules egentibus constituebat Ec-  
 clesijs. Sed & circuiens Orientem  
 atque Italiam, medici pariter & sa-  
 cerdotis fungebatur officio. Singu-  
 las quasque Ecclesias, abiurata infide-  
 litate, ad sanitatem rectæ fidei reuo-  
 cabat. Hilarius autem ab exilio re-  
 gressus, & in Italia positus, hæc ea-  
 dem erga instaurandas Ecclesias, fi-  
 demque Patrum reparandam molie-  
 batur. Qui natura vir lenis & pla-  
 cidus, simulque eruditus, & ad per-  
 suadendum commodissimus, rem  
 diligentius & aptius procurabat.

Qui

# NVNCVPATORIA.

Qui etiam libros de fide nobiliter scriptos edidit, quibus & hæreticorum versutias, & nostrorum deceptiones, & malè credulam simplicitatem, ita diligentius exposuit, ut & præsentibus & longè positis, quibus ipse per se differere viua voce non poterat, perfectissima instructione corrigeret. Ita isti duo viri, velut magnifica quædam mundi lumina, Illyricû, Italiâ, Galliâsq; suo splendore radiarunt, ut omnes etiam de abditis angulis & abstrusis, hæreticorum tenebrę fugarentur. Horum præstantissimorum virorum exempla, meritò deberent nostræ quoq; tempestatis Episcopos excitare atque extimulare, quando nunc in ouium Christi perniciem, non minor grassetur hæreticorum rabies. Etenim si omnes, qui Christiano censentur nomine, matrem suam Ecclesiam honorare, eamque ab iniuria uindicare tenentur, & ve-

## EPISTOLA

ritatē p virili tueri obligātur (nā q  
 potest & dissimulat, proditor est ve  
 ritatis, ac Ecclesiā labefactat, & id  
 circo dign<sup>9</sup> est opprobrio & execra  
 tione) nōne hos potissimū decet, p  
 retinēdis in fide fidelib<sup>9</sup>, & cōfutan  
 dis atq; cōpescendis hēreticis insur  
 gere, q tanquā arietes gregis dñici,  
 maiori pollēt autoritate & potesta  
 te? Et cōtrā, nōne maximè culpandi  
 sunt atq; arguēdi, qui negligētia, de  
 sidia ac torpore oppressi, pestiferis  
 hēreticis & eorū pessimis conati  
 b<sup>9</sup>, nō solū nō occurrūt, verumetiā,  
 eos impunē spargere lētales errores  
 dissimulāter permittūt? Qui vidēt  
 lupū venientē & fugiūt? Qui dū dor  
 miunt venit inimicus homo, & per  
 suos ministros hēreticos, supsemi  
 nat zizania in medio tritici? His pla  
 nē imputandum, quòd in tam mi  
 fero & calamitoso statu sit Respu  
 blica Christianorum, q lacerata sit  
 Ecclesia Christi, q oīa pturbata, sur  
 sum



# NVNCVPATORIA.

sum deorsumq; misceantur, q̃ tam  
in pphānis q̃ in religionis negotijs  
tot extent hodie dissidia. Porro qd  
mirum si dissideant aduersarij à no  
bis, quū nō minus inter se, quā à no  
bis dissideāt? Et certè propterea in  
ter semetipsos discordāt, q̃a id affir  
māt ac asserūt, quod nō potest sta  
re. Quū verò inter ipsos nō cōueni  
at, q̃ rogo spes poterit esse cōcordiē.  
nobiscum? Nam superbia & arro  
gātia tumidi, non submitūt intelle  
ctum suū in obsequiū fidei, neq; se  
fidei catholicæ coaptant, sed ipsam  
sibi fidem famulari volunt, catholi  
cumq; & orthodoxum id dūtaxat  
existimant, quod eorū phantasticis  
est cōforme capitibus. Deniq; iudi  
cia sua pluris faciunt, quā totius or  
bis sententiā. Apud quos nullū est,  
quamlibet legittimè collectū Cōci  
liū, nullus p̃tereā doctor siue Eccle  
siastic⁹, siue scholastic⁹, in quo nō  
reperiāt q̃ accusent, q̃ oīa ferè con  
uitijs

## EPISTOLA

uitijs, calumnijs, contumelijs & mendatijs agunt. Postremò cùm nullum in Ecclesia agnoscant visibile caput vicarium, omniaq; referant & remittāt ad simplicem scripturæ (cuius & ipsi soli interpretationem & iudicium sibi sumunt ac tribuunt) corticem, qua ratione cōciliari poterit inter aduersarios & catholicos concordia? Quo fructu poterit cū eiusmodi hominibus institui colloquium? Ea propter rectè scribit & comprobat R.D. Robertus doctissimus Præsul Arboricensis, non esse miscenda cū eis (de apicibus fidei disceptando) colloquia, nisi resumpto prius, quod temerè & impiè abiecerunt, obedientiæ & disciplinæ Ecclesiasticæ iugo. Porro inter omnes nostræ tempestatis hæreticos, humanæ salutis aduersarius, maximum sui generis serpentem excitauit Velsium, qui astu & dolo, serpentinaque calidita-

# NVNCVPATORIA.

lidityte, ac demũ simulata religio-  
ne, apud inclytam Vbiõrum Colo-  
niã, eiuscẽmodi excitare conatus  
est tragœdiam, per quam & præcla-  
rã huius Reipublicæ tranquillitas,  
& fidei catholicæ synceritas, pro-  
culdubio fuissent aut plurimũ per-  
turbatę, aut tandem funditũs euer-  
sæ, si non tempestiuẽ vulpinis cona-  
tibus Velsij obuiatum fuisset. Sed  
& cũ esset doctrinæ arrogantia  
tumidus, & scientiæ elatione infla-  
tus, sese cæteris omnibus duceret  
meliozem, & reputaret doctiorem,  
existimaretque omnes Imperij Sta-  
tus, imò vniuersum orbem propter  
se ad vltionem commouendum,  
tacere non potuit, sed vt suam iustif-  
simam, & condemnationem & ex-  
pulsionem vindicaret, pestilentissi-  
mam Apologiam edidit, cui præ-  
misit epistolam satis prolixam ad  
Carolũ V. Imperatorẽ, & Ferdinã-  
dum Romanorũ regem, illustrissi-

## EPISTOLA

mos principes Electores, & reliquos  
 Impij Stát<sup>9</sup>, in qua admodú in synce  
 rè (sed tñ nihilomin<sup>9</sup> cū sui exq̃sita  
 ostētatione & cōmendatione) enar  
 rat, quó secū gestū sit: quasi verò in  
 uictissimo Imp̃atori, et serenissimo  
 Regi, & reliq̃s principib<sup>9</sup> tñ sup̃sit  
 otij, vt nugas nugacissimi hoīs ex-  
 cutiēdas & mēdacia vētilāda, susci  
 pere aut possint aut debeāt. Sed nos  
 (vti cōfidimus) exiguo libello cōfu  
 tatorio, pręābuli loco cōscripto, hu  
 i<sup>9</sup> hoīs mēdatia, cōuitia, calūnias &  
 blasphemias ita refutauimus, & p̃sti  
 gia ac imposturas sic denudauim<sup>9</sup>,  
 ac oībus catholicis & pijs hoībus  
 deridēdas ppinauimus, vt sup̃uaca  
 neū foret de his plura in pręsentia-  
 rū scribere, nisi alia quēdā deliramē  
 ta mēdatijs & criminationibus ple  
 na edidisset, in quibus somnia sua  
 hoībus p̃trudere conatur pro reue  
 lationib<sup>9</sup>, & nugamēta p̃ oraculis,  
 neq; veretur adhuc homo impudē  
 tissi-

# N V N C V P A T O R I A .

tissim<sup>9</sup> vocationē suā diuinā asserere, & diuinitūs totā hāc rē ab eo gestā, atq; adhuc geri, meq; aduersus eandē insurgere, eamq; impugnare. At ego respondeo, me haudquāquā impugnasse vocationē Velsij, quam nullā agnoscebā, sed neq; etiā nūc agnosco, sed demonstrasse vocationē eius penitus esse inanē, futilē, cōfictam ac ab ipso fallaciter excogitatā, quo p̄textu simulatę vocatiōis suę, incautis & simpliciorib<sup>9</sup> q̄busque facili<sup>9</sup> imponeret. Quod aut̄ me falsis criminationib<sup>9</sup>, & cōuitijs insectatur acerbis: deniq; q̄ calūniose traducit, planē contēno ac rideo, neq; ei aliā hīc responsionē dabo, q̄ in confutatione Apologiæ dedisse me scio, sed dicā cū p̄pheta, Dixi custodiā vias meas, vt nō delinq̄ in lingua mea, posui ori meo custodiā, cum cōsisteret peccator aduersum me. Obmutui et humiliatus sum, & color meus renouatus

## EPISTOLA

tus est. Et rursus, Ego autem tanquā  
 surdus non audiebam, & sicut mu-  
 tus non aperiens os suum. Et factus  
 sum sicut homo non audiens, & nō  
 habens in ore suo redargutiones.  
 Quoniam in te speravi Domine, tu  
 exaudies me domine Deus meus. Il-  
 le pro me ultor respōdebit Velfio,  
 qui dicit: Mihi vindictam, & ego re-  
 tribuam dicit Dominus. Sedēs (in-  
 quit) aduersus fratrem tuū loque-  
 baris, & aduersus filium matris tuæ  
 ponebas scandalum. Hæc fecisti, &  
 tacui. Existimasti iniquè, quòd ero  
 tui similis. Sed & pauidi ac conui-  
 cti animi indicium est, cōuitijs, mē-  
 datijs ac calumnijs sese armare, vbi  
 animaduertit se veritate destitutū.  
 Constrictus enim propriæ consciē-  
 tiæ censura, quia in veritate coram  
 Deo, respondere non potest verita-  
 ti, ne videatur apud homines vict⁹,  
 ad conuitia & maledicta confugit.  
 Cū enim in mal⁹

# NUNCUPATORIA.

ſpiciūt ſe ſuperari veritate, nō aliud  
 refugiū habent, quā quod confu-  
 giant ad conuītia, & quò amplius  
 veritate premuntur, tantò vehemen-  
 tius in malitiam excitentur. Sed ſi-  
 namus hominem ſua cæca φιλαυτία  
 gaudere, & ſibi placere etiā ad nau-  
 ſeam uſq; , nos quod facturos nos re-  
 cepimus, præſtemus, & interrogato-  
 ria ipſi Veliſio propoſita à nobis, tã-  
 quam catholicę & orthodoxę fidei  
 cōſona; propugnemus. Exhibemus  
 nunc, Pręful ornatiffime, quod pol-  
 liciti ſumus, atq; eorundem defen-  
 ſionem damus, non quòd confida-  
 mus Veliſium hiſce noſtris commē-  
 tarijs ad reſipiſcentiā aut ad ſanio-  
 rem mentem reuocandum (ipſe ſi-  
 quidem tanquam aſpis ſurda, obtu-  
 rauit aures ſuas ne exaudiat vocem  
 veritatis) ſed vt catholicis ſimpli-  
 cioribus, & præcipuè tyronibus  
 (quorū pleriq; Veliſij fama illecti,  
 & ſcientiā perverſi, facilè poterant  
 ad

# EPISTOLA

ad illius perfidiam pertrahi, si nemi-  
ne resistente liberè permitteretur,  
aut agere, aut scribere quod libe-  
ret) cōsuleremus, quò possent in ca-  
tholica fide & religiōe retineri fir-  
miùs, & perdurare perseuerantiùs.  
Nec propterea sanè (inquit Bernar-  
dus serm. 64. in Cant. Cant.) Nihil  
se egisse putet, qui hæreticum vicit  
& conuicit, hæreses confutauit, ve-  
risimilia à vero, clareq; aperteq; di-  
stinxit, praua dogmata, plana & ir-  
refragabili ratione, praua esse mon-  
strauit, prauum deniq; intellectum  
extollentem se aduersus scientiam  
Dei in captiuitatem redegit: nempe  
cepit nihilominus (qui talia opera-  
tus est) vulpē, & si nō ad salutē illi,  
sed cepit eā spōso & spōsē, quāuis  
aliter. Nā, etsi hæretic⁹ nō surrexit  
de fēce, Ecclesia tñ cōfirmatur in fi-  
de. Cēterū amplissime pater & dñe,  
hāc nostrā catholicarū interroga-  
tionū prouenire: *hæc est interrogatio*



## NUNCUPATORIA.

nuncupare placuit, ea potissimum  
 ratione, quòd scirem te aduersus  
 omnes nostri temporis hæreses pe-  
 ctus robustissimum, ac animum fir-  
 missimū possidere. Quis enim eas  
 magis detestatur? Quis catholicam  
 fidē propugnat ardentius? Quis ad-  
 uersarios compescit diligentius?  
 Quis inuestigat studiosius? Quis  
 deniq; gregē suum à luporum in-  
 cursibus & moribus præseruat vi-  
 gilantiùs? Vt interim taceam singu-  
 larem morum tuorum præstātiā,  
 uitæq; probitatem, eximiam in a-  
 gendis & consultādis prudentiam,  
 & quod omnibus alijs anteponen-  
 dum est, pietatem insignem. Hisce  
 siquidem & similibus virtutibus,  
 odor bonus famæ tuæ sparsus iam  
 est vndiq; ita vt de te verè possit di-  
 ci, quod Christi bonus odor sis in  
 omni loco, eo quòd domus Eccle-  
 siæ impleta sit ex odore vnguenti. 9  
 Nō adulamur tibi, Antistes dignif-  
 sime,

sime, nec tuas virtutes, sed dona Dei  
 in te admiramur ac p̄dicamus, pau-  
 caq; è multis (quæ aliorũ relatione  
 didicimus) à nobis iã cõmemorata  
 sunt, quæ & nos quoque suauitate  
 sua ita affecerunt, vt etiam pertrahe-  
 rent in odorem vnguentorum tuo-  
 rum, permouerentq; vt hosce no-  
 stros qualescunq; labores, nomini  
 tuo dedicaremus. Quos p̄cor vt  
 gratanti animo excipias, & sub vm-  
 bra alarum tuarum protegas, quò  
 facilius superciliosa iudicia tetrico-  
 rum euadant. Deus excellentissimã  
 tuam dignitatem cõseruare digne-  
 tur incolumem & longæuam, ad  
 sancti nominis sui honorem, & Ec-  
 clesiæ commoditatẽ, fideiq; ca-  
 tholicæ profectum. Vale.

COLONIAE, Anno Domini

1557. Ipso die sancti Cle-  
 mentis Papæ &  
 Martyris.

INDEX

INDEX HVIVS OPERIS, Cuius  
ius numerus prior folium, posterior  
paginam designat.

A

- A** Doratio corporis Christi in Eucharistia, fit etiam in spiritu. 272. 2.  
Agnus paschalis typum gessit sacrificij noue legis. 339. 1. & 2.  
Anabaptistis, Martinus Lutherus, sui erroris causam dedit. 289. 2.  
Apostoli in quibus pares, & in quibus non. 84. 2. & 85. 1. & 2.  
Apostoli soli fuerunt cum Christo in ultima cena. 311. 2. 312. 1.  
Aqua, uinum & sanguis accidentibus differunt, non substantia. 200. 2.  
Arca Noe typum gessit Ecclesie. 51. 1. & 2.

B

- Balaam Simoniacus fuit. 35. 1. & 2.  
Baptizandorum paruulorum mos tempore Apostolorum qualis fuerit. 273.  
Baptismi substantia. 276. 1. & 2.  
Baptismi effectus non est à ministro, sed Christo. 261.  
Baptismatis aqua, est unda regenerans uel genitralis. 365. 1. & 2. Est etiam aqua purificans. 336. 1.

# INDEX.

- Baptismo confertur gratia. 336.2.  
 Berengarij hæresis. 264.2. &c.  
 Bibite ex hoc omnes, non omnibus fidelibus, sed  
 solis apostolis dictum est. 311.2. & 312. & 313.

## C

- Cerei ante martyrum reliquias accensi, quid significent? 387.2. & 388.  
 Ceremoniæ Ecclesiasticæ, ad pietatem excitandam & religionem in plebe retinendam, utiles sunt & proficiuæ. 438.1. & 2. & ob id non sunt abolendæ, sed conseruandæ. Ibidem.  
 Caiphas prophetauit non sibi, sed nobis. 38.2.  
 Canonis Missæ antiquitas. 354.1. & 2.  
 Cathedra cogit sacerdotes bona dicere, etiam non bona facientes. 37.2. & 38.1.  
 Causarum sunt plusquam duodecim diuisiones. 45.2. & 46.1.  
 Cause institutionis sacramentorum 219.2. &c.  
 Christus quomodo ambulare dicatur in medio candelabrorum. 21.1. & 2.  
 Christus manet nobiscum corporaliter in Eucharistia sacramento. 161.1. & 2. & 162.1.  
 Christus totus est in Eucharistia sacramento. 168.1. & 2. & 175.1. & 2.  
 Christus unus est. 173.  
 Christus in Eucharistia uerè & realiter præsens, est à Christianis adorandus. 252. &c.  
 Christus in Eucharistia totus est, secundum naturam

# INDEX.

utramq; naturam præfens. 292. 293. &c.  
 Christus in nostro altari unicus est sacerdos.  
 360.1. & 2.

Claues Petro promissæ & datæ, qualem pote-  
 statem significant. 58.1. & 2. 59.1. &c.

Colonia, non nuper, sed inde ab ipsis apostolo-  
 rum temporibus lumine ueritatis illustrata  
 fuit. 135.

Communio utriusq; speciei, ut non omnibus est  
 à Christo præcepta, ita nec alterius est illi-  
 cita. 309. &c.

Communione alterius speciei, Ecclesia potuit,  
 eamq; decuit, et hoc instinctu spiritus sancti,  
 adimere laicis. 321.1. & 320. &c.

Conciliorum inuentum unde? 108.2.

Concilia legitima quæ? 109.1. & 2.

Concilia œcumenica conuocare spectat ad Ro-  
 manæ Sedis auctoritatem. 109.1. & 2. & 110.

Conciliorum regula quæ? 109.1.

Cōcilia œcumenica legitime indicta, nunquam  
 errasse credendum est. 110.2.

Conciliorum œcumenicorum definitiones non  
 sunt rursus in dubiū reuocandæ. 111.1. & 2.

Concilium œcumenicum quale? Velius somniet.  
 115.2. & 116.1. & 2.

Corruptio fraterna à Christo præscripta, cur  
 in uno hæretico locum non habeat? 140.

1. & 2.

# INDEX.

- Corporis & sanguinis Christi ueritas in Eu-  
charistia comprobatur. 142. 143. &c.  
Corpus suum & sanguinem cur Christus dede-  
rit aliena specie occultatum. 153. 2.  
Corpus & sanguinem Domini quomodo sacer-  
dotes intelligantur facere? 165. 1  
Corpus Christi quomodo sit in sacramento Eu-  
charistia? 166. 2.  
Corpus Christi est in celo & in Eucharistia, sed  
non eodem modo utrobiq;. 167. 1. & 2.  
Corpus & sanguis Christi peracta consecratio-  
ne remanent in Eucharistia, etiam ante sum-  
ptionem. 205. 206. &c.  
Corpus Christi uerū accipiūt etiā indigni. 249.  
Corpus Christi permanet in Eucharistia, quam-  
diu species perseuerant saluæ. 251.  
Corpus Christi cum sanctorum reliquijs cur de-  
portetur in processionibus. 254. 1.  
Creaturis inanimatis homo subiicitur. 235. 1.  
Credere rectè & bona docere possunt mali.  
40. 1. 2. &c. & 117. 118.  
Crucis Christi inimicus est Velsus, & heretici  
uniuersi. 363. 1. & 2.  
Cultus Dei absq; caremonijs subsistere nequit.  
438.

## D

- Dauidis pietas in ædificatione templi monstra-  
tur. 434. 1. & 2.

De-

# INDEX.

- Definitiones fidem concernentes, quanam sint  
 censendæ. 119.2. & 120.1. & 2. & c.  
 Deus est in omnibus rebus per essentiam, poten-  
 tiam & præsentiam. 298.2. & 299.1. & 2.  
 Deus præsentia gloriæ suæ approbavit templi  
 à Salomone ædificati dedicationem. 435.1.  
 Didrachma etiã pro Petro Christ<sup>o</sup> soluit. 70.2.

## E

- Ecclesia quid sit. 1.1.  
 Ecclesia duplex, militans & triumphans. 1.2.  
 Ecclesia triumphans invisibilis est hominibus,  
 sed militantem in terris oportet esse vi-  
 sibilem. 2.1. & 4.  
 Ecclesia non est ex solis iustis, sed ex bonis &  
 malis adunata 2.1. & 2. & c. & 4. 2. Exclu-  
 duntur tamẽ ab ea excommunicati, schismatici,  
 hæretici & pagani. 5.1.  
 Ecclesia regnum Christi est. 5.1. & 2.  
 Ecclesiam credimus, non in Ecclesiam. 5.2.  
 & 6.1.  
 Ecclesia est una. 6.2. & 6.1. & 2.  
 Ecclesiæ unitatem requirere, ut sit ordo in ea;  
 & præsit eidem unius autoritas. 7.2. & 8.1.  
 & 2. & 9.1.2.  
 Ecclesiæ certissima nota, est concors doctrina,  
 & legitima Episcoporum successio. 9.2. &  
 10.1. & 2.  
 Ecclesiæ unitatẽ non esse deferendam. 11.1. & 2.

# INDEX.

- Ecclesia dicitur apostolica. 15.1. & 2.  
 Ecclesia Velsij qualis? 16.1.  
 Ecclesia semper habuit dogmatum ad salutem  
 necessariorum ueritatem, semperq; habitu-  
 ra est. 21.2. & 22. & c.  
 Ecclesia typum gessit arca Noe, extra quam nō  
 est salus. 51.52.  
 Ecclesia catholica nō est deferenda propter ma-  
 los. 54.2.  
 Ecclesia nō est confusio Babylonica, sed ordina-  
 tissima. 56.1. & 58.1.  
 Ecclesie unus necessario praesidere debet.  
 56.1. & 2.  
 Ecclesiastici principes quo gladio uti debeant.  
 105.1. & 2.  
 Ecclesia non est apud Lutheranos, sed apud eos  
 oēs toto terrarum orbe diffusos Christia-  
 nos, catholicos communiter appellatos &c.  
 130.1. & 2.  
 Ecclesia non est corpus Christi uerum, sed my-  
 sticum. 157.2. & 158.1.  
 Ecclesia cur consecratione Eucharistiae in az-  
 ymo immutari. 310.2. & 311.1.  
 Episcopi conditiones ponit Paulus, non defini-  
 tionem. 81.1. & 2.  
 Episcopi nulla ex re magis commendantur, quā  
 ex opera contra haereticos grauiter colloca-  
 ta. 139.2.  
 Eucha-



# INDEX.

Eucharistia sacramentum ab alijs sacramentis  
secernitur, & in quibus. 204.2. &c.

Eucharistia excellentia supra omnes res alias.  
300. &c.

Eucharistiam accipiens sub specie panis tan-  
tum, non minus accipit, quam ille qui sub  
utraque. 305.306.

Eucharistia consideratur non solum ut est sa-  
cramentum, uerum etiam ut est sacrificium.  
306.2. & 332.1. & 2.

Eucharistia utramq; speciem, cur sacerdotes &  
non laici accipiant? 307. & 308.

## F

Fidem in Apostolorum Symbolo comprehensam,  
patres in Concilijs latius explicarunt, absq;  
fidei permutatione 121.2.122.1. & 2. &c.

## H

Hæreticus quis censendus. 52.2.

Hæretici Christo non obtemperant. 132.1. & 2.

Hæretici circa sacramentum Eucharistia in le-  
ge præfigurati sunt. 199.2.

Hieronymi Marij libellus sub Eusebij captiui  
persona editus. 138.

Homo esse potest, ab errore ad fidem pertinen-  
te liber, qui tamen à uitij liber non est.  
34.2. & 35. &c.

Hostia cruenta & incruenta unica & eadem  
est. 359.1. & 2.

# INDEX.

## I

Ieiunio nihil detrabunt ieiunantium abusus.

264.1.

Impositio manuum quid mysterij habeat.

376.1. & 2.

In sacramentis cur ea adhibeantur, quæ exteræ  
nè geruntur. 221.

In Eucharistiæ sacramento, sensus nihil aliud  
apprehendit, quàm species panis & uini.

225.1. & 2.

Ioannes Monachus Constantinopolitanus anti-  
stes, primatum sibi usurpare conabatur.

99.1. & 2.

Iudas proditor Domini, gratiam spiritualem  
dispensauit. 41.1.

## L

Leges Dei scriptæ in cordibus hominum, quid  
sint? 361.1.

Litera occidens quid Paulo sit. 240.1. & 2.

## M

Matthiæ Vorsbach gesta. 267.

Missa nõ debet celebrari, nisi à ieiunis, à quibus  
& Eucharistia sumenda est. 330.2. & 331.1.

Missa est sacrificium, & res optima ac saluber-  
rima, in qua pro uiuorum ac defunctorum  
salute, offertur quotidie in Ecclesia Dei  
Eucharistia corporis & sanguinis Christi.

332.333. & c.

Missa

# INDEX.

Missa non est memoria cœnæ dominicæ, sed  
passionis. 341.1.

Missæ sacrificium, quod offertur pro expia-  
tione peccatorum. 343.1.

Missæ sacrificium pro mortuis offerri soli-  
tum. 351.1. & 2. & c.

Missæ sacrificium est Deo gratissimum. 356.1.

Missæ sacrificium est iugiter offerendum. 356.  
1. & 2.

Mulieres nunciæ dominicæ resurrectionis  
nominatim ad Petrū mittuntur. 71.1. & 2.

Mysteria deificæ Synaxeos, hoc est, sanctissi-  
mæ communionis, tēpore beati Dionysij de-  
scribuntur. 328.1. & 2.

## N.

Nestorij perfidia. 172.1. & 2.

Nestorij error de Eucharistia. 175.2.

Non omnia quæ Christus in cœna fecit, habent  
uim legis. 309.2.

## O.

Obtulit semetipsum Christus ter in uno die.  
340.1. & 2.

Ordinis sacramentum gratiam quandam conti-  
net, quæ nō solum in bonis, sed etiam in malis  
sacerdotibus operatur. 41.1. & 2.

Orationem unanimum exposcit Deus in templo  
suo. 437.2.

## P.

Panis

# INDEX.

- Panis substantia, non simul manet cum substantia corporis Christi.** 180.1. & 184.1. & 2.  
**Panis in Christi corpus conuersus, nuncupationem panis seruat.** 180.1. & 2.  
**Papa manet papa, etiam si non pascat & amet.** 76.2. & 77.1.  
**Papa est uniuersalis Ecclesie pontifex habendus.** 78.1. & 79.2. & 101. & 102.  
**Paruuli per semetipsos non credunt, sed per Ecclesiam.** 243.2.  
**Patres in deserto quomodo intelligendi sint eandem escam manducasse, & eundem potum bibisse?** 155. & 156.  
**Paulus Corinthijs nullum praeceptum de Eucharistia sub utraq; specie sumenda dedit.** 314.2. & 315.  
**Peccatores quidam statim post mortem mittuntur ad gehennam, quidam uero non, sed sunt in potestate Dei.** 431.2. & 432.1.  
**Petere in nomine Iesu quid sit?** 409.1. & 2.  
**Petrum fuisse principem, non solum apostolorum, sed & caput totius Ecclesie, ex multis ostenditur.** 57.1. & 2. & 6.  
**Petro soli promissit & tradidit Christus regni sui clauis, cuius potestas hereditaria quaedam successione transit in Petri successores.** 57.2. & 58.1.  
**Petro singulariter prae ceteris commissum a Christi**

# INDEX.

- Christo, ut fratres cōfirmaret dubios & errā  
tes in fide corroboraret. 60.2. &c.
- Petro soli totum ouile suum Christus tradidit  
regendum. 62. &c.
- Petrus sedem suam postremam apud Romā ele  
git, quæ totius orbis caput erat. 64.2. &c.
- Petro collata potestas, etiam successoribus eius  
Romanis pontificibus tradita creditur.  
65. &c.
- Petrus Cephas nuncupatur. 69.1.
- Petro ubiq; primæ partes tribuuntur. 69.2.
- Petri nauem Christus ascendit. 70.1.
- Petrus sepulchrum Christi primus est ingressus.  
72.1. & 2.
- Petrus in subrogatione S. Matthiæ, totius rei  
gestæ autor præcipuus fuit. 73.1. & 2.
- Petrus in die pentecostes solus concionē habuit.  
73. 2. & claudum sanauit 74. 1. Ananiam  
& Saphyram interfecit. 74.1. & 2.
- Petri miracula singulariter describuntur. 74.2.
- Petrus in Casarea solus uisionem uidit de geno  
tium uocatione. 75.1. & 2.
- Petrus in synodo Hierosolymitana, suam senten  
tiam primus dixit. 75.2.
- Polycarpi memorabile exemplum. 272.1. & 2.
- Pontifex summus debet pascere & regere, com  
petitque ei etiam coactius aliqua potestas.  
63.1. & 2.

# INDEX.

Primatum non inhibuit Christus, sed asseruit.

104.1. & 2. & 115.1.

Purgatorij fides est utilis & necessaria. 413.

1.2.

Purgatorium credidit S. Dionysius Areopagita.

14.

425.1. & 2.

## R

Raab typum Ecclesie gessit.

51.2.

Romana Ecclesia fidei integritatem semper conservauit illibatam.

29.2. & 30. & c.

Romane Ecclesie appellatione quid sit intelligendum.

73.2. & 82.1.

Romana Ecclesia, aliarum Ecclesiarum causas examinat & diiudicat.

86.1. & 2.

Romane Ecclesie praconia.

87.1. & 2.

Romane Ecclesie stabilitas.

87.2. & 88.1.

Romane cathedrae primatum & auctoritatem Africani Episcopi agnouerunt.

92. & c.

Romanus pontifex non absque prouidentia diuina, etiam secularem obtinuit principatum.

107.1. & 2.

## S

Sacramenta ante peccatum necessaria non fuerunt.

220.2.

Sacramenti definitio.

226.1.

Sacramenta sunt causa gratiae.

228.1. & 2.

Sacramenta causare gratiam negat Velsius, tamen dicit ea esse uiuificantia.

241.2.

Sacra

# INDEX.

Sacramenti substantia in quo consistat. 276. l.

Sacramentis non obest ministri malitia.

281. 1. & 2.

Sacramenta Ecclesie sunt septem. 369. &c.

Sacrificia semper fuerunt sub omni lege.

342. 1.

Sacrificium crucis & altaris unum idemque est, licet sit modus offerendi diuersus.

395. 1.

Sanctorum pronuntiatio & descriptio, fit in sacrificio Missæ.

329. 2. & 330. 1.

Sancti apud Deum uiuentes, non sunt appellandi mortui.

382. 1.

Sancti apud Deum uiuentes sunt uenerandi, & quomodo?

382. 1. & 2. &c.

Sanctorum honor & imhonoratio, redundat in Deum.

384. 2. & 385. 1.

Sancti orant pro nobis, & idcirco inuocandi a nobis.

391. 392. &c. & 399. &c.

Sancti in cælo fratres nostri sunt, & Ecclesie membra.

397.

Sanctorum cura pro nobis, non perturbat eorum gaudium.

398. 1.

Sanctos duobus modis Ecclesia consuevit inuocare.

399. 2. &c.

Sanguis Christi absque corpore eiusdem esse non potest, nec econtra corpus absque sanguine.

304. 2.

Sanct

# INDEX.

Saul licet malus, nihilominus tamen spiritū san-  
ctum accepit. 36.1. & 2.

Spiritus sancti magisterium non solum aposto-  
lis, sed etiam eorum successoribus pollicitus  
est Christus. 17.2. & 18.1. & 2.

Spiritus sanctus in nouo testamento loquutus  
est per sanctos patres & doctores. 24.1. &  
2. & 22. & 23.

Spiritus sanctus per malos pontifices regit Ec-  
clesiam suam, & conseruat in fidei integra-  
te. 34.2. & 35. & c.

## T

Templa & oratoria externa Deo construere,  
sacrae literae piū esse cōprobāt. 434.1. & 2.

Templorum adificationem commendant Eccle-  
siastice historiae. 436.2. & 437.1.

Traditionis nomine quid accipiendum sit.  
315.1. & 2.

Trāssubstātiatiōis fides adstruitur, autoritate  
scripturae, & sanctorū patrū. 178. 179. & c.

Trāssubstātiatiōem diabolus credit. 185.1. 2.

## V

Verbi diuinitas māsīt inseparabiliter cū anima  
& corpore Christi. 169.2. & 170.1. & 2.

Vnitas sacerdotalis & Ecclesiae catholicae, a ca-  
thedra Petri Romana, nimirum Ecclesia, de-  
pendet. 82.2. & 83.1. & c.

FINIS.



INTERROGATIO-  
NUM AB HÆRETICÆ PRAVI-  
TATIS INQUISITORIBVS VELSIO  
propositarum propugnatio, per  
D. Ioannem Slotanum Geffen-  
sem, sacrae Theologiæ professio-  
rem, & hæreticæ prauitatis  
Inquisitorem.

DE ECCLESIA.

*Primò, An credat vnā Sāctam,  
Catholicā & Apostolicā Ecclesi-  
am, eamq; non solū inuisibilem, sed  
etiam visibilem in terris existere.*



Non est hæc interrogatio leuis  
aut parui momenti existiman-  
da, utpote qua benè intellecta, et  
fundamēti loco collocata, faci-  
lius & reliquas interrogationes  
explicabimus, et Velsii respōsiones cōfutabimus.

Ecclesia Græca vox quum sit, latine multitu-  
dinem, coetum aut conuentum, aut euocatam con-  
cionem significat. Vnde Ecclesia est uisibilis con-  
gregatio siue communitas ac multitudo, non qua-  
lis cunq; sed conueniens, conciliata ac euocata in

A

vnā

# INTERROG. VEL. PROP.

Ecclesia  
triūphās.

Apoc. 7.

unam aliquam societatem uel communionem ex-  
ternæ confessionis, unius fidei, unius doctrinæ, eo-  
rundem sacramentorum, secundum Apostolicam  
& Catholicam traditionem, in uno eodem indiui-  
so uinculo pacis & concordie. Est autem duplex  
Ecclesia, militans scilicet & triumphans. Trium-  
phans Ecclesia, est coetus ille felicissimus sancta-  
rum animarum Christo in cœlestibus conregnan-  
tium, qui de hoc mundo & diabolo triumphauit,  
de quo in Apocalypsi sua beatissimus Ioānes apo-  
stolus & Euangelista scribit, dicens. Vidi turbam  
magnam quā dnumerare nemo poterat, ex omni-  
bus gentibus & tribubus & populis & linguis  
stantes ante thronum & in conspectu agni, ami-  
cti stolis albis, & palmæ in manibus eorū. Quia  
uenerunt de tribulatione magna & lauerunt sto-  
las suas, et dealbauerūt eas in sanguine agni. Ideo  
sunt ante thronū Dei, & seruiunt ei die ac nocte  
in templo eius, & qui sedet in throno habitabit su-  
per illos. Non esurient, neq; sitient amplius, neq;  
cadet sup illos sol, neq; ullus æstus, quoniā agnus  
q̄ in medio throni est, reget illos, & deducet eos  
ad uitæ fontes aquarum, & absterget Deus omnē  
lachrymam ab oculis eorum. Ad hanc Ecclesiam  
etiam pertinent angeli sancti, qui ex quo conditi  
sunt, semper cohæserunt Deo, nec ullum sui casus  
malum experti sunt. Hæc itaq; ciuitas (inquit Au-  
gust. in Ench. ad Laurentium cap. 56.) in sanctis  
angelis

angelis beata persistit, & suæ parti peregrinandi, sicut oportet opitulatur, quia utraq; una erit consortio eternitatis, & nūc una est uinculo charitatis, quæ tota instituta est ad colendum unum Deum. Hæc autem Ecclesia triumphans, ex animabus beatis & sanctis angelis constans, inuisibilis est hominibus. Proinde aliam in terris credere ac constituere oportet militantem, uisibilem Ecclesiam, cœtum nimirum Christi fidelium, nō quidem sanctorum tantum congregationem, in spiritu occultam, quam nesciamus quæ sit, aut ubi eam debeamus requirere, sed Christi fidelium omnium, tam malorum, quam bonorum, qui Christo nomē dederunt, atq; militiæ illius sacramento initiati sunt, conuenientium in una communione externæ confessionis, unius fidei, unius doctrinæ, eorundē sacramentorum, secundum apostolicam & catholicam traditionem, in uno eodem indiuiso uinculo pacis & concordie, in uno grege, in uno ouili, sub uno pastore, sub una cathedra.

Esse debet hæc Ecclesia, uisibilis & manifesta, quæ à quolibet, qui fratrem inordinate ambulantem uelit corrigere, facile iuxta Christi præscriptum, Matthæi 18. inueniri possit, non spiritualis uel mathematica, ex prædestinatis aut charitate præditis, iustis & sanctis cōuersionem suam in cœlis habentibus (quemadmodum damnatæ memoriæ heretici Ioannes Vuicles, Ioannes Hus,

Ecclesia  
militās vi  
sibilis.

# INTERROG. VELS. PROP.

Martinus Lutherus, & Iustus Velsius eorum so-  
boles docuerunt) adunata, sed ex malis & bonis,  
dum in hoc mundo uersatur, coaptata, sicut enim  
olim in arca Noë. erant animalia munda & im-  
munda, ita Ecclesia, quamdiu in hoc mundi pela-  
go iactatur, habet bonos & malos. Id ipsum enim  
declarant parabola Euangelica, de tritico & xi-  
xania in eodē agro, de piscibus itē bonis & malis  
in eadē sagena, de decē uirginibus, quarum quinque  
erāt fatuae, & quinque prudētes, in nuptiarū quoque  
parabola boni & mali congregati sunt, & in nu-  
ptijs regalibus quidā sine ueste nuptiali interfuit,  
q̄ paulō post iussus est eijci in tenebras exteriores.  
Ecclesia denique comparatur uinea, in qua sunt pal-  
mites, non tantum uuas, sed et labruscas facientes.

S. Augustinus de fide ad Petrum ca. 43. firmis-  
simē (inquit) tene, & nullatenus dubites, aream  
Dei esse Ecclesiam catholicam, & intra eam usque  
in finem seculi, frumētō mixtas paleas contineri,  
hoc est, bonis malos sacramentorum communione  
misceri. Sed & sanctus Gregorius: Quousque (ait)  
hic uiuimus, necesse est ut uiam præsētis seculi  
permixti pergamus, tunc autē discernimur, cum  
peruenimus. Boni enim soli nusquam sunt, nisi in  
cælo, & mali soli nusquam sunt, nisi in inferno.  
Hæc autē, quæ inter cælum & infernum sita est,  
sicut in medio subsistit, ita utrarumque partium ci-  
ues communiter recipit, quos tamē sancta Eccle-  
sia

ſia & nunc indiſcretè ſuſcipit, & poſtmodum in egreſſione diſcernet. Et poſt pauca idipſum exemplis ſacræ ſcripturæ comprobans: Duos (inquit) filios habuit primus homo, unus horum electus eſt, alter reprobus fuit. Tres filios Noë arca continuit, ſed ex his duo electi, & unus reprobus fuit. Duos filios habuit Abraham, ſed unus electus, alter reprobus fuit. Duos Isaac filios habuit, ſed unus electus eſt, alter reprobatus. Duodecim filios habuit Iacob, ſed ex his unus per innocentiam uenditus eſt, alij per malitiam uenditores fratris fuerunt. Duodecim Apoſtoli ſunt electi, ſed unus in his admixt<sup>9</sup> eſt q̄ reprobaretur, undecim qui probarentur. Septem ſunt diacones ab Apoſtolis ordinati, ſed ſex in fide recta permanētibus, unus autor extitit erroris. In hac ergo Eccleſia nec mali ſine bonis, nec boni ſine malis eſſe poſſunt. Et poſt aliquāta: Terrere (inquit) nos non debet hoc, quod in Eccleſia & multi mali, & pauci ſunt boni, quia arca in undis diluuij (quæ huius Eccleſiæ typū geſſit) & ampla in inferioribus, anguſta in ſuperioribus fuit, quæ in ſummitate etiā ſua ad unius mēſurā cubiti excreuit. Inferius quippe beſtias quadrupedia atq; reptilia, ſuperius uerò aues & homines habuiſſe credenda eſt. Ibi lata extitit, ubi beſtias habuit, ibi anguſta, ubi homines ſeruauit, quia nimirū ſancta Eccleſia in carnalibus ampla eſt, in ſpiritualibus anguſta. Vbi

# INTERROG. VEL. PROP.

enim bestiales hominum mores tolerat, illic latius sinum laxat. Vbi autem eos habet, qui spiritali ratione suffulti sunt, illic quidem ad summum ducitur, sed tamen quia pauci sunt, angustatur.

Matt. 7.

Lata quippe uia est, quæ ducit ad perditionem, & multi sunt qui uadunt per eam, & angusta porta est quæ ducit ad uitam, & pauci sunt, qui inueniunt eam. Eò autem usq; arca angustatur in summis, quousq; ad mensuram unius cubiti perducatur, quia in sancta Ecclesia, quanto sanctiores qq; sunt, tantò pauciores. Quæ in summo ad illud perducitur, qui solus homo in hominibus, & sine alte

Psal. 101.

rius cõparatione natus est sanctus, qui iuxta Psal mistæ uocem, factus est sicut passer unicus in edificio. Hactenus ille. Ex quibus liquet, inuisibilem internam, spirituales, ac cœlestem illam Ecclesiam, consistentem ex solis iustis ac prædestinatis, conuersationem suam in cœlestibus habentem, non esse Catholicam & Apostolicam, sed prorsus mathematicam, cum nusquā boni soli sint, nisi in cœlo, & mali soli nusquam sint, nisi in inferno, in hac autem uita, semper mali & boni permixtim in Ecclesia sint. Esset quidem optima Ecclesia, si in ea tantum sancti & boni essent, qualis profectò est triumphans Ecclesia in cœlestibus regnis, quæ neq; maculam, neq; rugam habet ullam, sed quamdiu peregrinatur in terra bonos & malos complectitur frustra igitur talis constituitur Ecclesia

clesia, quam nos neq; uidere, neq; audire, sed credere tantum possimus. Non est enim Ecclesia Dei Matt. 5. occulta. Est nempe ciuitas posita super montem, quæ abscondi non potest. Monstratur in Concilijs legitimis, quæ uniuersalem Ecclesiam representant. Monstratur in Sede Apostolica, in uertice eius. Monstratur & in Episcopis atq; præpositis singularum Ecclesiarum particularium. Nisi forte & sancti Lucae Euangelium consimili temeritate dicat aliquis occultum, ob id quod scribit 2. Cor. 8. ad Corinthios Paulus. Misimus etiam cum illo fratrem nostrum, cuius laus est in Euangelio per omnes Ecclesias. Si enim solum occulta & inuisibilis uel mathematica esset Ecclesia, quomodo frater Pauli, habere posset laudem per omnes Ecclesias? Non ergo ad eum modum oportet accipere Ecclesie uocabulum, quo accipiunt superius nominati hæretici, ubi uel Christus de audienda Ecclesia præcipit, uel patres post Apostolos, de auctoritate Ecclesie differunt. Illam enim nobis inuisibilem (quam fingunt aduersarij ex solis iustis et bonis constare) Ecclesiam, solus Deus cognoscit, quemadmodum Apostolus ait. Cognouit dominus, qui sunt eius. 2. Tim. 2. Hanc autem quæ audienda est, & cuius auctoritas sequenda, nobis cognoscibilem atq; adeo uisibilem esse oportet atque sensibilem. Nam cum dominus ac saluator noster dicat. Si peccauerit in te frater tuus, corripe eum inter te & Matt. 18.



## INTERROG. VEL. PROP.

ipsum, &c. Quod si non audierit eos, dic Ecclesia, si autem Ecclesiam non audierit, sit tibi sicut ethnicus & publicanus. Dicant nobis aduersarij, quomodo dicere possumus Ecclesiam (quam constituunt inuisibilem, internam et spiritualem) quam ignoramus, quæ soli Deo nota est? & quomodo eam possumus audire, si nobis prorsus incognita est? Non est ergo constituenda talis Ecclesia, sed statuenda est Ecclesia uisibilis, in qua bonos & malos dicimus esse permixtos, qui & si non sint colligati omnes unitate spiritus, & uinculo charitatis, colligati tamen sunt secundum unionem unius signaculi fidei, & corporaliter coniuncti, secundum uisibilia pietatis sacramenta, quamuis nonnulli inter eos sint impij peccatores, usurarij, simoniaci, adulteri, ebriosi, fornicatores, & id genus homines, secundum exterioris fidei professionem, & exteriorem colligantiam & communionem, formam quidem pietatis habentes, uirtutem tamen eius abnegantes. Sunt itaq; boni & mali in hac Ecclesie societate, per quandam colligantiam eiusmodi professionis, ac exterioris participationis sacramentorum, mali tamē non secus, q̃ palea in frumēto. Quemadmodum enim humano corpori plerumq; adherent membra aut mortua, aut arida, aut putrida, aut languida, quæ nonnunquam ressecanda ueniunt, ne cetera membra horum contagione inficiantur, interdum toleranda



da, ne fortè abscindantur, totum corpus in periculum ueniat, quæ & si membris uiuis in uitali spiritu non communicent, colligantia tamen quadam uiuis adherent, proindeq; adhuc corporis membra dicuntur, & corporis esse partes. Ita de Ecclesia ad hunc modum accepta sentiendum est, ut sit populus in unam professionem fidei, & communionem sacramentorum uocatus, cohærens saltem secundum unitatem professionis, & uisibilem quandam Christianæ fidei formam. Et licet hoc modo in Ecclesia sint boni & mali, excluduntur tamē ab ea excommunicati, hæretici, schismatici & pagani. Excommunicati quidem, quòd publico Ecclesiæ iudicio ab exteriori Ecclesiæ conformatio, donec resipiscant, separati sint. Hæretici uerò & schismatici, quod sua sponte Ecclesiam exierint & deseruerint, eandem & contemnentes & proscindentes & persequentes. Pagani autem uel alij infideles, quocunq; nomine censeantur, quòd Ecclesiam, ueluti in qua nec sint, nec unquam fuerint, nulla ex parte agnoscant, secundum nullam ne exteriorē quidem & uisibilem formam religionis & sacramentorum, Ecclesiæ unquam adscripti sint, seu coagulati. Cæterum hæc Catholica Ecclesia, de qua nunc loquimur, est illud regnū Christi, de quo loquitur Apostolus 1. Cor. 15. dicens: Deinde finis, cum tradiderit regnum Deo & patri, cum euacuauerit omnem principatum, po-

## INTERROG. VEL. PROP.

testatem & uirtutem. Oportet autem illum regnare, donec ponat omnes inimicos sub pedibus eius. Nouissima autem inimica destruetur mors. Loquitur de hoc regno Christi super terram, nō autem de illo cœlesti, quemadmodum ex uerbis eius euidentissimum est. De hoc enim loquitur quod præcedit consummationem aut finem & mortis destructionem. Cœleste autem illud subsequitur hæc omnia. Et quamuis nondum uideamus subiecta illi omnia, hoc tamē proculdubio expectamus futurum, cum plenitudo gentium in hoc ouile Christi introducta fuerit, & uniuersus etiam Israël illuminatus lumine fidei, qui adhuc sub cœcitate laborat, proinde eandem Ecclesiam Catholicam toties regnum cœlorum appellat Christus, quia ad illud ordinatur, & quia nisi ex hoc, ad illud nemini patet ingressus. Hæc itaq; Catholica Ecclesia illud Christi regnum est, quod sibi conquistauit pretioso sanguine suo, in quo regnabit super terram, donec euacuauerit sibiq; subiecerit omnem principatum, potestatem, & uirtutem, non quidē ui & potētia, sed sponte & ultro se dudentibus omnibus, & iugo ipsius & regno eius se subiicientibus. Non enim nisi spontaneos in regnum suum acceptat Christus. Et hæc est Ecclesia, quam in symbolo apostolorū profiteamur nos credere. Credimus enim sanctam Ecclesiam, non in Ecclesiam. Hic nempe in symbolo sermonis uis  
mutatur

mutatur, & omittitur præpositio In. Non enim dicit symbolum, Credo in sanctam Ecclesiam, & cætera quæ sequuntur, sicut dixerat. Credo in Deum patrem, & in Iesum Christum filium eius unicum, & in spiritum sanctum, sed tantum. Credo sanctam Ecclesiam Catholicam, id est, credo Ecclesiam à Deo congregatam esse, non in sanctam Ecclesiam, ut in Deum, ut hac præpositionis syllaba creator secernatur à creaturis, & diuina separètur ab humanis. Vnde Cyprianus in expositione symboli apostolorum ait. Sanctam Ecclesiam, remissionem peccatorum, huius carnis resurrectionem. Non dixit in sanctam Ecclesiam, nec in remissionem peccatorum, nec in carnis resurrectionem. Si enim addidisset In præpositionem, una eademq; uis fuisset cum superioribus. Ne autem in illis quidem uocabulis, ubi de diuinitate fides ordinatur, in Deo patre dicitur, & in Iesu Christo filio eius, & in spiritu sancto, in cæteris uerò, ubi non de diuinitate, sed de creaturis ac mysticis sermo est In præpositio non additur, ut dicatur in sanctam Ecclesiam, sed sanctam Ecclesiam credendam esse, non ut in Deum, sed ut Ecclesiam Deo congregatam, & remissionem peccatorum, credendam esse, non in remissionem peccatorum, & resurrectionem carnis, non in resurrectionem carnis. Hac itaq; præpositiōis syllaba creator à creaturis secernitur, et diuina separatur ab humanis.

Hanc

# INTERROG. VEL. PROP.

Ecclesia  
vna.

Ephe. 4.

Cant. 6.

1. Cor. 1.

Ephesi. 4.

Hanc porro Ecclesiam credimus esse unam. Nam Ecclesiæ Catholicæ nihil ita peculiare est, quàm unitas, proindeq; inter alias notas, qua uiua membra Ecclesiæ dinoscuntur, hæc est, quod supportant inuicem in charitate, sollicita seruare unitatem spiritus in uinculo pacis. Sicut enim uidemus in uno homine unam esse animam, & unū corpus, quod habet diuersa membra, ita Ecclesia Catholica est unum corpus, & habet diuersa membra, anima autem quæ hoc corpus uiuificat, est spiritus sanctus, qui in Canticis Canticorum loquitur: Vna est columba mea, perfecta mea. Hæretici autem, qui diuersas sectas adinuenerunt, nō pertinent ad hanc Ecclesiam, sed excluduntur ab ea, quia sunt diuisi in partes. Constat autem hæc Ecclesiæ unitas, primò unitate fidei. Omnes enim Christiani, qui sunt de corpore Ecclesiæ, idem credunt, quemadmodum Apostolus monet dicens: Idipsum dicatis omnes, & non sint in uobis schismata. Sitis autem perfecti in eodem sensu, & in eadē sciētia. Vnde iterum ait. Vnus Dominus, una fides, unum baptisma. Deinde unitate spei, quia omnes Christiani firman- tur una spe perueniendi ad uitam æternam. Et idcirco iterum dicit Apostolus: Vnum corpus, unus spiritus, sicut uocati estis in una spe uocationis uestre. Tertiò unione charitatis, quia omnia uiua membra connectuntur in amore Dei, & adinuicem amore mutuo.

Vnde

Vnde etiam Christus ascēsurus per mortis suppli-  
cium ad patrem pro fidelibus rogauit dicens. Pa-  
ter sancte, serua eos in nomine tuo, quos, dedisti  
mibi, ut sint unum, sicut & nos. Et iterum: Non  
pro eis autem rogo tantum, sed & pro eis qui cre-  
dituri sunt per uerbum eorum in me, ut omnes  
unum sint, sicut tu pater in me, & ego in te, ut &  
ipsi in nobis unum sint, ut credat mundus, quia  
tu me misisti. Et ego claritatem, quam dedisti mi-  
hi, dedi eis, ut sint unum, sicut & nos unum su-  
mus: Veritatem itaq; facientes (inquit Paulus) in  
charitate, crescamus in illo per omnia, qui est ca-  
put Christus, ex quo totum corpus compactum  
& connexum per omnem iūcturam subministra-  
tionis secundum operationem in mensuram uni-  
uscuiusq; membri augmentum corporis facit in  
edificationem sui in charitate. Et in epist. ad Co-  
rinthios. Sicut (inquit) corpus unum est, & mem-  
bra habet multa, omnia autem membra corporis  
cum sint multa, unum tamen corpus sunt, ita &  
Christus. Etenim in uno spiritu oēs nos, in unum  
corpus baptizati sumus, siue Iudæi, siue gētiles,  
siue serui, siue liberi, & omnes in uno spiritu po-  
tati sumus. Nam & corpus non est unum mem-  
brum, sed multa. Nunc autem multa quidem mem-  
bra, unum autem corpus. Hæc est unica illa in-  
consutilis, de super contexta per totum, quæ scis-  
sa non fuit, de qua Christus dixit apud Ioannem:

Ioan. 17.

Ephesi. 4.

I Cor. 12.

Et

## INTERROG. VEL. PROP.

Et erit unum ouile, & unus pastor. Porro licet mali non sint uiua membra Ecclesie, colligati tamen sunt ipsi uiuis membris Ecclesie, uti dictum est, secundum exteriorem fidei professionem & exteriorem colligantiam & communionem. Ceterum non est existimandum hanc Christi fidelium unitatem ac communitatem esse informem, confusaneam, aut Babylonicam, sed ordinatissimam, tali specie ac forma, qualem Deus autor Ecclesie nouerat illius fini congruere constitutam. Finis quippe Ecclesie nostrum omnium salus est, quæ ut nulli extra Ecclesiam contingit, ita in eadem unitate ac sinceritate uiuæ fidei, & mādatis Dei obsequendi fideli studio eandem assequimur. At uero Ecclesiastica multitudinis non est imaginari formam ullam, qua in unitatem aliquam unius corporis redigatur, præter ordinem, quo uno & conciliatur & continetur inter multos pax, concordia ac unitas. Hoc autem confuso, nihil manet usquā consonum, sed confusa sunt omnia, nec quisquam præstat quod est officij sui. Non est ergo dubitandum, autorem ac architectum Ecclesie Deum (qui tantum studij & diligentie erga Ecclesiam suam adhibuit, ut eam ad finem supernaturalem, ultimum atq; omnium præstantissimum perduceret, ad uitam nimirum sempiternam) eidem Ecclesie sue præfixisse absolutū cōsummatumq; ordinem, sub unius alicuius pastoris rectorisq; auctoritate,

Ecclesie  
unitatē re  
quirere,  
ut præsit  
unius au  
toritas.

toritate, cura, regimine, & imperio, uarijs officiorum gradibus magistratibusq; eandem ordinauerit ac distinxerit, etiam si uerbum nullū de hoc inueniretur in Euangelicis apostolicisq; literis, præsertim cum ubiq; eādem, uel sub regni, uel sub nobilissimæ cuiusdam ac diligenter constitutæ ciuitatis, aut etiam sub domus specie idē ille eius architectus nobis producat, cōmendat atq; ingerat.

Et Paulus eandem inducat uelut animantis immensi corpus aliquod, ex multis membris in solidam aliquā unitatem compositam, quorū adinuicem sit conspiratio, & in communem totius corporis, & mutuam utilitatem ac salutem communicatio, in his quæ ad fidem religionemq; Christi, & finem salutis æternæ & cœlestis patriæ assequendæ pertinent. Qualis unitas prorsus esse nō posset, nisi omnia moderarentur unius ueluti capitis habentis & imperio, quod singula membra in hac uelut communione continere, singulis sua officia præscribere, eorundem ab eisdem rationē exigere, excessus corrigere, turbas sedare, exortas in Ecclesiastica domo quæstiones & controuersias sua definitione componere, et pacem tranquillitatemq; in eadem seruare, sua illa autoritate efficaciter possit. Vt non sit schisma in corpore, sed ante omnia consensus religionis & fidei.

Quemadmodum enim in uno animantis corpore, nisi unum esset membrorum omnium motiuū  
prin=



## INTERROG. VEL. PROP.

principium, nunquam in unum, aut in totius utilitatem conspirarēt omnia, imo uno hāc, altero movente in contrarium, foret schisma in corpore, & membra sese impedirent mutuò, nec ullum assequeretur quod uellet proprium. Ita in omni societatis humanæ genere, nisi ea ordine certo ad suū finem proprium commodè in unum contineatur, & sit qui præsit, cuius dicto auscultēt cæteri, uel ad modicum durare non potest unitas ac concordia, atq; eò minus, quo multitudo numerosior est. Quo enim corpus est uastius, & mēbrorum, quæ colligantur, multitudo immensior, eò efficaciori fortioriꝫ uinculo, quo contineatur in unum, indiget. Itaq; ipsa rei euidētia loquitur & nos docet, multo impossibilius esse, in tam immensa atque adeo infinita in uniuersum orbem diffusa multitudine fidelium (quæ nullo alioqui ciuili uinculo cōtinetur in unum) uel ad momentum conseruari potuisse, aut posse solidam illam unitatem unius corporis, & singulorum membrorum conspirationem, in mutuam, & totius utilitatē, consensumꝫ religionis & fidei, nisi diligentissimè constituto ordine, in quo uehementer uigeat efficacissima unius præsidis autoritas. Nisi enim esset, penes quem sit præcipua autoritas, in qualibet etiam domo aut familia, pax atq; concordia conseruari haud potest. Itaq; etiam si nullum aliud eius rei argumentum haberemus, dubitare non debere-

mus,



mus, ita institutum esse à Christo, qui est caput præcipuum ac principale siue primarium Ecclesiæ suæ, sed quia est inuisibile, reliquit Ecclesiæ suæ uisibili uisibile quoq; caput seu uicariū, Romanum scilicet pontificem, quem Velsius falso appellat caput adulterinum. Nō est ergo, quod quisquam dubitet, de necessitate istius ordinis in Ecclesiā, reducti ad unitatem rectoris ac præsidis. Est enim hic ordo in Ecclesiā retinendus, ueluti quidam Ecclesiæ nexus, non quem humana præsumptio adinuenit, sed quem Christus instituit, qui in Ecclesiā sua omnia ordinatissima esse uoluit, singulaq; mēbra suis offitijs defungi, diuidēs unicuiq; gratiam prout uult. Vnde posuit ac dedit quosdam Apostolos, quosdam autem prophetas, alios uerò Euangelistas, alios autem pastores & doctores, ad consummationem sanctorum, in opus ministerij, in ædificationem corporis Christi, donec occurramus omnes in unitatem fidei & agnitionem filij Dei, in uirum perfectum, in mensuram ætatis plenitudinis Christi. Et cur hoc necessarium fuerit, continuo addidit dicens, ut iam non simus paruuli fluctuantes, & circumferamur omni doctrinæ in nequitia hominū. Vbi planè docet, diuersa & uaria in Ecclesiā datā esse dona diuersos et uarios in Ecclesiā esse stat<sup>o</sup> et gradus cōstitutos, ad prædictā scilicet unitatē Ecclesiæ cōseruandā, ut unusquisq; suo officio intentus,

1. Cor. 12.

1. Petri 4.

## INTERROG. VEL S. PROP.

ad Ecclesiæ ædificationē laboret. Nā huiusmodi  
 offitia, ordines & ministeria sunt in Ecclesia, non  
 solū ad unitatē conseruandum, sed etiā ob salutem  
 Christi fideiū, durabūtq; in ea usq; ad consumma-  
 tionem seculi. Et quia Christus hanc Ecclesiæ uni-  
 tatem in hierarchico ordine durare uoluit usque  
 ad finem, idcirco in locum Apostolorum diui-  
 na dispensatione successerunt Episcopi, qui singu-  
 li singulis Ecclesiis (ut S. Hiero: inquit) in scisma-  
 tis remedium præpositi sunt, ne unusquisque ad  
 se trahens Ecclesiam Christi unitatem rumperet.  
 Inter Episcopos quoq; cuiusque prouintie, unus  
 Archiepiscopus, qui & metropolitanus, & inter  
 metropolitanos patriarchæ seu Primates consti-  
 tuti sunt, quorum Romanus, ueluti cathedram  
 Petri uicaria successione obtinens, Primas iudica-  
 tus est, à qua Petri cathedra (ut Cyprianus ait)  
 unitas sacerdotalis exorta est. Visibili ergo or-  
 dinatione per Christum instituta, & per Aposto-  
 los deinde facta, & in nos continua successio-  
 nis serie deducta, ad retinendam ecclesiæ unitatem  
 quàm maximè opus erat. Nam nunquam schisma-  
 tum finis fuisset, nisi hunc ordinem Christus in  
 ecclesia sua instituisset. Quærenda est ergo Eccle-  
 sia apud eos, apud quos est concors doctrina, &  
 legitima Episcoporum successio, ab Apostolo-  
 rum temporibus, ad hæc usque tempora deducta,  
 quæ est certissima Ecclesiæ nota. Nam Irenæus  
 lib. 4.

lib. 4. aduers. heret. cap. 43. & 63. idipsum testatur. Nam cap. 43. sic inquit. Eis qui in ecclesia sunt presbyteris obaudire oportet, his qui successionem habent ab Apostolis, qui cum episcopatus successione, charisma ueritatis certum, secundum placitum patris acceperunt. Reliquos uero, qui absistunt à principali successione, & quocunque loco colliguntur, suspectos habere, uel quasi hereticos & male sententiæ, uel quasi scindentes & elatos & sibi placentes, aut rursus ut hypocritas, quæstus gratia & uanæ gloriæ hoc operantes. Omnes autem hi decidunt à ueritate. Cap. uero. 63. sic habet. Agnitio uera est Apostolorum doctrina, & antiquus Ecclesiæ status in uniuerso mundo, & caractere corporis Christi, secundum successiones Episcoporum, quibus illi eam, quæ in unoquoque loco est, Ecclesiam tradiderunt, quæ peruenit usque ad nos custodita sine fictione, scripturarum tractatione plenissima, neque ablationem recipiens lectio sine falsatione, & secundum scripturas expositio legitima, & diligens & sine periculo & sine blasphemia, & præcipuum dilectionis munus, quod est pretiosius quàm agnitio, gloriosius autem quàm prophetia, omnibus autem reliquis charismatibus supereminens. Et cap. 45. ait. Vbi igitur charismata Domini sunt posita, ibi discere oportet ueritatem, apud quos est ea quæ ab Apostolis Ecclesiæ successio. Quod

## INTERROG. VEL. PROP.

hinc confirmat, quia posuit Deus primò in ecclesia Apostolos, &c. Quibus uerbis perspicuè euadit, non sufficere ad Ecclesiam constituendam, sacramenta & uerbum Dei uel sanam doctrinā, sed oportere eā peruenisse ad nos ab Apostolis & traditam, per successionis seriem Episcoporum & patrum, qui eam acceperint ab Apostolis, Apostoli à Christo, Christus à Deo. Quæ sunt uerba Tertulliani in lib. de præscript. hæret. Apostolos (inquit) Domini habemus autores, qui nec ipsi quicquam ex suo arbitrio, quod inducerent elegerunt, sed acceptam à Christo disciplinam fideliter nationibus assignauerunt. Ibidem quoq; dicit, nationibus obuénisse doctrinam per Apostolos, & ipsis Apostolis per spiritum sanctum. Et adhuc ait. Si hæc ita sunt, constat omnem doctrinam, quæ cum illis Ecclesiis Apostolicis matricibus & originalibus fidei conspiret, ueritati deputandam, & sine dubio tenentes, quod Ecclesiæ ab Apostolis, Apostoli à Christo, Christus à Deo suscepit. Reliquam uerò omnem doctrinam de mendacio præiudicandam, quæ sapiat contra ueritatem Ecclesiarum & Apostolorum & Christi & Dei. Et adhuc amplius in eodem libro. Christus (inquit) duodecim discipulos lateri suo adlegerat, destinatos nationibus magistros, &c. Hij in orbem profecti, eandem doctrinam eiusdem fidei nationibus promulgauerunt, & proinde Ecclesias

clesias apud unamquamque ciuitatem condiderunt. Quibus traducem fidei & semina doctrinae, ceterae exinde Ecclesiae mutuatae sunt, & quotidie mutantur ut Ecclesiae fiant, ac per hoc & ipsae Apostolicae deputabuntur, ut soboles Apostolicarum Ecclesiarum. Omne genus ad originem suam censeatur, &c. Et iterum. Quid autem praedicauerint, id est, quid illis Christus reuelauerit, & hic perscribam, non aliter probari debere, nisi per easdem Ecclesias, quas ipsi Apostoli condiderunt, ipsi eis praedicando, tam uiua (quod aiunt, uoce, quam per epistolas postea.

Hanc Catholicae Ecclesiae unitatem, nolite o Christiani & Catholici deferere, si non uultis separari a Christo, qui huius unitatis est autor, qui ad hoc uenit in mundum & mortem passus est, ut filios Dei, qui erant dispersi congregaret in unum. Quisquis autem cum illo non colligit, dispergit. Denique non alibi quam in una Ecclesia, una, inquam & indissisa Christus potest reperiri, quae id ipsum & credit & confitetur, Quicumque autem uel se uel alios ab ecclesiastica unitate diuidunt, hi Christo domino nequaquam possunt foederari. O quam nepharium & impium est, hanc per schismata & haereses dissipare, & scindere inconsutilem uestem Christi, dispergere Christi gregem, Christi corporis discerpere membrorum unitatem. Hos sanctus Apostolus Iudas denotat dicens.

Ioan. II.

Luc. II.

## INTERROG. VELS. PROP.

Hi sunt qui segregant semetipsos, animales, spiritum non habentes. De quibus præmiserat dicens. Nubes sine aqua, quæ à uentis circumferuntur, arbores autumnales, infructuosæ, bis mortuæ, eradicatæ, fluctus sæui maris, despumantes suas confusiones, sydera errantia, quibus procella tenebrarum seruata est in æternum. Hi miris artibus seducunt innocentes & incautos. Simulant miram sanctimoniam, fingunt reuelationes, mentiuntur uocationem diuinam, iactitant spiritus diuini impulsu, loquuntur hominibus placentia, promittuntque libertatem, cum ipsi sint serui corruptionis. Sicut enim solent fures abigendis pecoribus pabulum spargere, sic & isti per benedictiones & dulces sermones, seducunt corda innocentium. Sed Apostolus Paulus nos cautos reddens ac præmonens. Rogo (inquit) uos fratres, ut obseruetis eos, qui dissensiones & offendicula, præter doctrinam quam uos didicistis, faciunt, & declinate ab illis, tenentes per omnia Ecclesiæ Catholicæ unitatem, nec in aliquo fidei & ueritatis hostibus cedentes, quia nihil potest esse commune, mendacio & ueritati tenebris & luci.

Rom. 16.

Ecclesiæ  
sancta.

1. Cor. 6.

Sed ut ad propositam materiam reuertamur. Hanc etiam Ecclesiam credimus esse sanctam. Nam per fidem, & fidei sacramentum, membra Ecclesiæ sanctificata sunt. Vnde Apostolus in priore epistola ad Corinthios, cum dixisset iniquos, fornicatores,

tores, idololatrias, adulteros, molles, masculorum concubitores, fures, auaros, ebriosos, maledicos, rapaces, regnū Dei nō possessuros, subiicit dicēs. Et hæc aliquando quidem fuistis, sed abluti estis, sed sanctificati estis, sed iustificati estis, in nomine dñi nostri Iesu Christi et in spiritu Dei nostri. Ephes. 5. Et in epist. ad Eph. Viri (inqt) diligite uxores uestras, sicut et Christus dilexit Ecclesiā, & seipsum tradidit pro ea, ut illā sanctificaret, mūdans eā la uacro aquæ, in uerbo uitæ, ut exhiberet ipse sibi gloriosam Ecclesiam, non habentem maculam aut rugam. aut aliquid huiusmodi, sed sit sancta & im maculata. Quæ tamen posteriora eius uerba, uidelicet ut exhiberet sibi gloriosam Ecclesiam, nō habentem maculam aut rugam, si debeant intelligi de hac Ecclesia militante quōd non habeat maculam aut rugam, accipiendum est de criminibus lethalibus, à quibus omnes qui Christiani sunt, & possunt & debent abstinere, opitulante spiritu Christi, qui confirmabit eos usq; in finem sine crimine, in die aduētus domini nostri Iesu Christi, uel potius, intelligenda sunt de exhibitione, non in isto seculo, sed futuro facienda. Vnde sanctus Augustinus in libro de nuptijs et coniugio, ad Valentinum cap. 34. ait. Per hoc non solum omnia peccata, sed omnia prorsus hominum mala, Christiani lauacri sanctitate tolluntur, quo mundat Ecclesiam suam Christus, ut exhibeat eam sibi, nō



# INTERROG. VEL. PROP.

in isto seculo, sed futuro, non habentē maculā aut rugam, aut aliquid huiusmodi. Nam qui non eam talem esse dicunt, & tamen in ea sunt, quoniam et ipsi fatentur se habere peccata, si uerum dicatur, profectō quoniam mundi non sunt à peccatis, habet in eis Ecclesia maculam, si autem falsum dicunt, quia corde duplici loquuntur, habet in eis Ecclesia rugam. Si autem se dicunt habere ista, nō ipsam, ergo se non membra eius, nec se ad corpus eius pertinere fateantur, ut etiam sua confessione damnentur, Et in libro contra Donatistas post collationem cap. 9. ostēdit, quod licet una sit Christi Ecclesia, eius tamen sint tempora distinguenda. Nam post resurrectionem non erit malis peregata, sicut est hodie.

Sanctus Gregorius lib. 3. moral. cap. 1. de presenti Ecclesia hoc modo exponit. Rugæ sunt sanctæ Ecclesiæ, omnes qui in ea dupliciter uiuunt, qui fidem uocibus clamant, operibus denegant, hi nimirum pacis tempore, quia huius mundi potestatibus eandem fidem honori esse conspiciunt, fideles se esse mentiuntur. Sed cum sanctam Ecclesiam subita aduersitatis procella turbauerit, ilico ostendunt quid in perfida mente moliuntur. Has autem rugas in electis suis sancta Ecclesia non habet, quia uidelicet nesciunt aliud de se foris ostendere & intus aliud habere. Vnde egregius prædicator dicit, ut exhiberet ipse sibi gloriosam Ecclesiam,



clesiam, non habentem maculam aut rugam. Maculã quippe aut rugã non habet, quæ & turpitudine operis, & duplicitate sermõis caret. hæc ille.

Vel potest non inconueniẽter dici, Ecclesiam etiam in præsentī seculo, non habere maculam aut rugam perfidiæ atque infidelitatis, & esse mundam ab omni hæreseos labe. Nam infideles & hæretici quique in Ecclesia non sunt.

Vnde S. Cyprianus in expositionem symboli dicit. Tenet traditio fidei, sanctam Ecclesiam, nõ in sanctam Ecclesiam, quemadmodum dictum est. Hi enim qui suprà in unum Deum credere docti sunt sub mysterio Trinitatis, credere etiam hoc debent, unam esse ecclesiam sanctam, in qua una est fides, & unum baptisma, in quo unus Deus creditur pater, ut unus Dominus Iesus Christus filius eius, & unus spiritus sanctus. Ista est ergo sancta ecclesia, non habens maculam ac rugam. Multi enim & alij ecclesias congregarunt, ut Marcion, & Valentinus, ut Hebion, ut Manichæus, ut Arrius, & cæteri omnes hæretici. Sed illæ ecclesie non sunt sine macula aut ruga perfidiæ. Et ideo dicebat de illis Propheta, Odiui Ecclesiam malignantium, & cum impijs non sedebo. De hac autem Ecclesia, quæ fidem Christi integram seruat, audi quid dicat spiritus sanctus in Canticis Canticorum. Vna est columba mea, una & perfecta genetricis suæ. Qui ergo hanc fidem in Ec-

Psal 25.

Cant. 6.

# INTERROG. VEL. PROP.

clesia suscepit, non declinet in consilio uanitat-  
tis, & cum iniqua gerentibus non introeat. Con-  
siliū namque uanitatis est quod Marcion, &c.  
ubi postquam Marcionis, Hebionis, Manichæi  
& multorum aliorum hæreses, tanquam consilia  
uanitatis perstrinxisset, tandem subiecit. Has om-  
nes ergo uelut congregationes malignantium fu-  
ge, ab his inquam omnibus, fidelis declinet audia-  
tus, sanctam uero Ecclesiam teneat, quæ Deum  
Patrem omnipotentem, et unigenitum filium eius  
Iesum Christum dominum nostrum, & spiritum  
sanctum cōcordi & consona substantiæ ratione  
profitetur, filiumque Dei natum ex uirgine, &  
passum pro salute humana, & resurrexisse à  
mortuis in eadem carne, qua natus est credit, eun-  
demq; uenturum omnium iudicem sperat, in qua  
& remissio peccatorum, & carnis resurrectionis  
prædicatur. Hæc ille. Cæterū quoniam sanctum,  
in una suarum significationum, idem est quod fir-  
mum atq; inuiolatū, dici potest etiā Ecclesia san-  
cta, id est. firma & inuiolabilis, fundata supra fir-  
mam petram, adeò ut ne portæ quidem inferorū,  
aduersus eam præualere possint. Quanquam &  
sancta recte dicatur, quod sit Deo cōsecrata, sicut  
sanctum domino dicitur, quod est illi sacrum.

**Ecclesia** Hanc præterea Ecclesiam, credimus & cōfitemur  
**catholica.** mur esse Catholicam seu uniuersalem, per totum  
mundum dispersam. Appellatur enim Catholica,  
hoc

hoc est, uniuersalis, protendens palmites suos, in  
 quæ libet & loca & tempora, tum præterita,  
 tum præsentia, tum futura, secundum seri-  
 em succeſſionis nascentium & decedentium, con-  
 tinuata sub uno duce inuisibili Deo, in unitate fi-  
 dei & religionis. Hæc proinde Ecclesia non est af Gal. 3.  
 fixa ulli loco, regioni, genti aut familie, dicente Rom. 12.  
 scriptura. Non est distinctio Iudæi & Græci. Non Act 10.  
 est personarum acceptio apud Deum, sed in o-  
 mni gente & loco, qui timet Deum, acceptus est  
 illi. Hæc Ecclesia à Christo capite suo non diuelli-  
 tur, sed semper illi adhæret, & inseparabili gluti-  
 no spiritus, ueluti legitima sponsa copulatur, ut  
 dominus per Prophetam testatur dicens: Sponsa= Osee. 2.  
 bo te mihi in sempiternum & sponsabo te mihi in  
 iustitia, & iudicio, & in misericordia & misera-  
 tionibus, et sponsabo te mihi in fide, & scies quæ ego  
 dominus. Et in secunda epistola ad Corinthios 2. Cor. 11.  
 dicit Paulus. Despondi uos uni uiro, uirginem ca-  
 stam exhibere Christo. Et suprâ ex 5. cap. epist.  
 ad Ephesios citatum testimonium comprobat.  
 Huic præterea Ecclesiæ, dictum & promissum  
 est, ab eo qui fallere nequit sponso eius Christo.  
 Vobiscum sum usque ad consummationem seculi,  
 non quæ heri cepit in Vuiclepho, Husso, Luthe= Matt. 28.  
 ro aut Velsio. Vocamus ergo Ecclesiam Catholi-  
 cam, quod ramos & palmites suos, per uniuer-  
 sam terram extendat. De cuius extensione & dila-  
 tione

# INTERROG. VEL. PROP.

**Isa. 54.** tatione dominus per Esaïam ait: Lauda sterilis,  
 quæ non paris, decanta laudem & hinni, quæ non  
 pariebas, quoniam multi filij desertæ magis, quã  
 eius quæ habebat uirum. Dilata locum tentorij  
 tui, & pelles tabernaculorum tuorum extende.  
 Ne parcas. Longos fac funiculos tuos, & clauos  
 tuos consolida. Ad dexterã enim et ad leuã pene-  
 trabis, & semen tuum gentes hæreditabit, & ci-  
 uitates desertas inhabitabit. Et per Psalmistam.  
 Postula à me, & dabo tibi gentes hæreditatem tu-  
 am, & possessionem tuam terminos terræ. Et ite-  
**Psal. 2.** rum: Deus (inquit) deorum locutus est, & uoca-  
**Psal. 49.** uit terram. A solis ortu usque ad occasum, ex Sy-  
 on species decoris eius. Vide ibidem Augustinum.  
**Matth. 24.** Vnde etiam dominus pronunciauit, Ecclesiam ab  
 Hierusalem incipientem crescere donec perueni-  
**Luc. 24.** at in omnes gentes. Prædicabitur (inquit) Euang-  
 elium regni in uniuerso orbe, in testimonium o-  
 mnibus gentibus, & tunc ueniet consummatio. Et  
 iterum. Oportebat Christum pati, & in nomine  
 eius prædicari pœnitentiam & remissionem pec-  
 catorum in omnes gentes, incipientibus ab Hieru-  
**Acto. 1.** salem. Et alibi: Eritis mihi testes in Hierusalem, in  
 Iudæa & Samaria, & usq; ad ultimum terræ. Ex  
 quibus omnibus consequitur, hæreticos multum  
 errare, qui asserunt totum terrarum orbem erra-  
 re ac hætenus errasse, & fidem tantũ apud se re-  
 māsisse, et à sua parte in quodã terræ angulo esse.

Hanc

Hanc deniq; Ecclesiam meritò confitemur apostolicam, in qua sit sincera doctrina Evangelica & Apostolica. Et hæc est præcipua Ecclesiæ nota, iuxta illud. Oves meæ, uocem meam audiunt. Et quod est apud Paulum. Si quis prædicauerit aliud Euangelium, anathema sit. Sed hæc nota nõ statim defendet nos ab hæreticis. Nam & ipsi iactant apud se solos esse Christi fidem, ueram & apostolicam doctrinam, rectum sacramentorum usum, sed falsò. Sed Catholica Ecclesia fundata est & superstructa siue superædificata super fundamentum Apostolorum & Prophetarum, ipso summo angulari lapide Christo Iesu. Nam Apostolorum et Prophetarum doctrina membra Ecclesiæ sunt imbuti. Quod enim Apostoli prædicauerunt, propheta prædixerunt futurum.

Ecclesia  
Apostolica.

Ioan. 10.  
Gal. 1.

Ephe. 2.

Et quid esse superædificatam super fundamentum Apostolorum & Prophetarum, & esse superædificatam super ipsum Christum, ideo adiunxit Apostolus. Ipso summo angulari lapide Christo Iesu, ut ostendat præter Apostolos et Prophetas, Christum esse principalem, qui cuncta complectitur. Christo enim tanquam primo fundamento totum Ecclesiæ nititur ædificium, & compages hæc tota, ut nusquam cadat, incumbit.

Sola Catholica Ecclesia habet sinceram Catholicam & Apostolicam doctrinam. Habet autem omnem doctrinam Apostolicam, tam scripturis

con-

# INTERROG. VEL. PROP.

contentam, quam Traditionibus sanctis commenda-  
 datam, prout Apostolus iubet, 2. Thessalo. 2. &  
 quæ succedit ijsdem dogmatibus, ijsdem Sacramen-  
 tis, eadem episcoporum & ecclesiarum serie, ec-  
 clesiæ illi, quæ sub apostolis & eorum discipulis,  
 alijsq; apostolicis patribus à Deo plantata est,  
 quemadmodum superius ex Irenæo & Tertullia-  
 no docuimus, in qua florere martyres, uixerunt  
 sanctissimi confessores, triumpharunt sacræ uir-  
 gines, in qua gloriabantur se esse sanctissimi do-  
 ctiores, & sunt & fuerunt omnia munera gratia-  
 rum, graduum, officiorum atq; donorum, quæ spi-  
 ritus sanctus impartitur prout uult. Nā spiritus  
 sanctus non alibi residere credendus est, quā apud  
 hanc Catholicam & Apostolicam ecclesiam, in  
 qua etiam remittit peccata, cui & dixit. Accipi-  
 te spiritum sanctum, quorum remiseritis peccata,  
 remittuntur eis. Hic etiam spiritus copulat & so-  
 ciat, omnia ecclesiæ membra, non secundum cor-  
 poralem congregationē, in unam patriam, pro-  
 uinciam regionem, sed secundum spiritualem co-  
 pulam, in uno fidei sacramento, in una professio-  
 ne, in uno grege, in uno ouili, sub uno pastore, sub  
 una cathedra.

Ioan. 20.

Hæ sunt ergo ueræ ecclesiæ, ueræ notæ, quæ  
 quæ reddunt illam adeò perspicuam & manife-  
 stam: ut quilibet ad eam possit in dubijs recurre-  
 re, et ab illa lumen intelligētiae mutuari. Nā notæ  
 illæ

illæ, quas aduersarij suis conuenticulis falsò sò-  
lent ascribere, nimirum habere Christi doctri-  
nam, & hanc puram, sacramenta & rectum eo-  
rum usum, quanquàm ecclesiæ propriæ sint, non  
sunt tamen adeò claræ, & sufficientes ad ueram  
Ecclesiàm demonstrandam, ut per eas possit nec  
exercitatisimus ueram Ecclesiàm ab adulteri-  
nis conuenticulis hæreticorum, qui has notas sibi  
tribuunt, secernere.

Sed iam uideamus quid Velsius de Ecclesia sen-  
tiat. Admittit itaq; hanc diuisionem Ecclesiæ, in  
triumphantem & militantem, sed militantem ec-  
clesiam secat in duas, quarum una ex solis bonis  
electis & prædestinatis constet, altera quæ uisi-  
bilis in terris statuitur, in qua tam boni, quam  
mali sint. Priorem illam Ecclesiàm, quam ex solis  
bonis constituit, dicit esse inuisibilem, cælestem,  
internam, illiusq; membra dicit esse, qui licet in  
terris adhuc agant, eorum tamen conuersatio est  
in cœlis, quiq; deinceps eiusmodi futuri sunt in  
spe. Hanc ecclesiàm dicit suo pòst tempore, ubi  
primum cœlum, & prima terra, ut inquit Ioan-  
nes, præterierit, & mare non amplius fuerit, in  
specie reuelandam. Hanc dicit corporeis oculis  
inuisibilem esse, fidei tantum & mentis conspici  
posse. Non hanc, sed in hanc credendum esse uult.  
Huic omnia tribuit, quæ nos Ecclesiæ Catholicæ  
uisibili tribuimus, & falsò asserit huc nos omnem  
Christi

Ecclesia  
Velsij.

Phil. 3.

Apoc. 21.



## INTERROG. VEL. PROP.

Christi doctrinam uocare, neq; aliam in symbolis  
tum Apostolorum, tum sanctorum patrum seu  
Niceno expressam, &c. Sed cum declaratum sit  
illam talem Ecclesiam, soli Deo cognitam esse, et  
oportere constituere in terris uisibilem Ecclesi-  
am, quæ bonos & malos complectatur, imò solos  
bonos esse non posse nisi in cælo, & solos malos  
nusquam esse posse, nisi in inferno, hanc autem Ec-  
clesiam militantem comprehendere bonos & ma-  
los, euidentius esse existimo, talem Velsii Ecclesiam  
non esse Catholicam & Apostolicam, præcipue  
cum oporteat Ecclesiam in terris esse uisibilem:  
Corruit ergo ecclesia Velsiana, cum omnibus quæ  
illi adfingit Velsius. Sed & in Concilio Cōstanti-  
ensi sessione 15. hij articuli Ioannes Hus condem-  
nati leguntur. Vnica est sancta uniuersalis Eccle-  
sia, quæ est prædestinatorum uniuersitas. Vniuer-  
salis sancta Ecclesia, tantum est una, sicut tantum  
est numerus unus omnium prædestinatorum. Præ-  
sciti non sunt partes Ecclesiæ, cum nulla pars  
eius ab ea finaliter excidet, eo quod prædestina-  
tionis charitas, quæ ipsam ligat, non excidit  
præscitus etsi aliquando sit in gratia secundum  
præsentem iustitiam, tamen nunquam est pars  
sanctæ Ecclesiæ, & prædestinatus semper manet  
membrum Ecclesiæ, licet aliquando excidat à gra-  
tia aduentitia, sed non à gratia prædestinationis.  
Itaq; præter internam illam inuisibilem & cœle-  
stem



Item Ecclesiam, quam docuimus nec etiam esse in terris possibilem, aliam agnoscit & cōfitemur externam Ecclesiam in terris uisibilem, sed quæ tum una, tum plures censeri queat. Vna, quatenus unitate puritatis doctrinæ, cum recto secundum Christi institutionem ac Apostolorum traditionem, sacramentorum usu coniuncta, ubicunq; terrarū diffusa fuerit, retinēda, seruare studeat unitatem spiritus in uinculo pacis. Plures uerò, quatenus quælibet sub proprijs hierarchis seu episcopis degat. Et in hac, tum una, tum pluribus, tam malos quàm bonos inueniri. Sed etiam superius ostendimus, esse quidem has notas ecclesiæ proprias, sed non adeò claras & sufficientes ad ueram ecclesiā demonstrandam.

Quod autem eandem uocat unam uel plures, parum obest, modò plures particulares ecclesiæ, sub proprijs hierarchis seu episcopis constitutæ, uinculum unitatis teneant sub uno hierarchico ecclesiæ uniuersalis capite Romano pontifice. Nam ex pluribus particularibus ecclesijs, uinculo unitatis ecclesiasticæ coherentibus, sub obedientia unius capitis, constituitur ecclesia catholica et apostolica. Quæ dicitur una, ratione iam dicta, & tamen nihilominus secatur in plures, propter diuersas particulares ecclesias. Proprie tamen ecclesia catholica dicitur una.

INTERROG. VELS. PROP.

*Secundò an credat Christum inde ab initio, apud sanctam suam Ecclesiam perpetuò fuisse, eamq; suo spiritu semper rexisse, recturum deinceps usque ad consummationem seculi.*



Vic interrogationi Christus ipse fidem facit dicēs apud Mattheum ca. ult. Ecce ego uobiscum sum, omnibus diebus usque ad consummationem seculi. Supra quoque diximus Ecclesiam à Christo capite suo non diuelli, sed semper illi adherere, & inseparabili glutino spiritus, ueluti legitimam sponsam copulari. Est enim Christus sponsus Ecclesie, quam sibi desponsauit, Osee. 2. 2. Cor. 11, & ad Ephes. 5.

Huc facit etiam testimonium citatum à Velsio ex Psalmo. 45. sed male attributum duntaxat inuisibili illi Ecclesie, quæ non est catholica & Apostolica sed ascribendum inuisibili in terris Catholicæ Ecclesie fluminis (inquit) impetus, lætificat ciuitatem Dei, sanctificauit tabernaculum suum altissimus Deus in medio eius non commouebitur, adiuuabit eam Deus mane diluculo.

Porrò quòd eam semper spiritu suo rexerit, & perpetuò, nimirum usq; ad consummationem seculi

Seculi recturus sit, ipse quoq; Christus in nouissi-  
 ma cœna, euidenter declarauit dicens: Ego roga-  
 bo patrem, & alium paracletum dabit uobis, ut  
 maneat uobiscum in æternum, spiritum ueritatis, quem  
 mundus non potest accipere, quia non uidet eum,  
 nec scit eum. Vos autem cognoscetis eum, quia a-  
 pud uos manebit, & in uobis erit. Hic audis Chri-  
 stum apud ecclesiam suam mansurum, usq; ad con-  
 summationem seculi, & spiritum sanctum, quem  
 pater rogatus à Christo, dedit, mansurum cum ea  
 in æternum. Si quæris quam ob causam? Audi ite-  
 rum dicentem dominum. Paracletus (inquit) spiri-  
 tus sanctus, quem mittet pater in nomine meo, ille  
 uos docebit omnia, & suggeret uobis omnia, qua-  
 cunq; dixero uobis. Et iterum: Cum uenerit para-  
 cletus, quem ego mittam uobis à patre, spiritum  
 ueritatis, qui à patre procedit, ille testimonium  
 perhibebit de me. Et iterum: Adhuc multa habeo  
 uobis dicere, sed non potestis portare modò. Cum  
 uenerit ille spiritus ueritatis, docebit uos omnem  
 ueritatē. Audis hic quomodo Christus rediturus  
 ex hoc mundo ad patrem, ne destituta & desola-  
 ta maneret ecclesia, non solum apostolis (quos nō  
 ita multo post tempore morituros nouerat) sed  
 successioni eorum, non solum sui præsentiam, sed  
 etiam spiritus sancti magisteriū, quod in ea per-  
 petuò dicit mansurum, Pro qua re orauit idem  
 Christus ad patrem, non pro Apostolis tantum,

Ioan. 14.

Ibidem.

Ioan. 15.

Ioan. 16.

Ioan. 17.

## INTERROG. VEL. PROP.

*sed etiam pro eis, qui credituri erat per uerbum eorum in ipsum, quatenus in unitate manerent, et nunquam à ueritate separentur. Vnde Tertulianus lib. de Trinit. uersans illud 2. Cor. 4. Habentes eundem spiritum fidei, ait. Vnus ergo & idem spiritus, qui in Prophetis & in Apostolis fuit, nisi quia ibi ad momentum, hic ut semper maneret, ibi mediocriter distributus, hic totus effusus, ibi parcè dat, hic largè, nec tamen ante resurrectionem domini exhibitus, sed post resurrectionem Christi contributus. Rogabo (inquit Christus) Patrem, &c. Et postquam paulò post, mirabiles spiritus sancti effectus posuisset, subiunxit. Hic est qui Prophetas in ecclesia constituit, magistros erudit, linguas dirigit, uirtutes & sanitates facit, opera mirabilia gerit, discretionem spirituum porrigit, gubernationes contribuit, cōsilia suggerit, & quaecunq; sunt alia charismatum dona, componit. Et ideo ecclesiam domini undique in omnibus perfectam & consummatam facit. Porro Velsius fatetur Christum inde iam ab origine mundi Ecclesie suae inuisibili iūternæ & cœlesti, semper præsentem fuisse, sed esse & fore. Verum cum Ecclesiam illam inuisibilem internam ex solis prædestinatis & electis constitutam, ostenderimus non esse catholicam & Apostolicā, de ea non loquitur interrogatoriū, sed de uisibili, de qua ita sentit Velsius, ut dicat huic scilicet*

*uisibili*

uisibili Ecclesiæ (siue unam eam, siue plures statuamus, in qua boni & mali inueniuntur) non perinde adesse, quod non omnia eius membra, spiritus ipsius ac peculiaris illius gratiæ (quæ eorum est tantum, qui eiusmodi sunt, cuiusmodi nobis Iudæum describit Paulus cum inquit. Non enim is qui in manifesto Iudæus, Iudæus est, nec quæ in manifesto in carne circumcisio, circumcisio est, sed qui in occulto Iudæus, Iudæus est, & circumcisio cordis, circumcisio est, quæ spiritu constat non litera, cuius laus non ex hominibus est, sed ex Deo) participia reddantur, non ob ipsius aliquam (qui omnipotens est) imbecillitatem, infirmitatemq; , sed eorum potius culpa, qui huiusmodi beneficium à se excludunt, quod (ut in Salomonis sapientia habetur, in maleficam animam non introbit sapientia, neq; habitabit in corpore, quod peccato obnoxium fuerit. Nam sanctus disciplina spiritus fugiet dolum, & resiliet à cogitationibus insipientibus, & superueniente iniustitia repelletur, nec firmiter & immobiliter per se ei adsit (dicit autem per se, quod non quatenus externa est & uisibilis, sed quatenus inuisibilis illius membra, ipsi sunt coniuncta, illi per aliud sic & immobiliter adsit) cum Christus minetur, se totas etiam Ecclesias loco moturum, id est, à se repulsurum ac deserturum, nisi recipiscant. Atque hinc adeò in medio earum, quæ candela-

Rom. 2.

Sap. 1.

# INTERROG. VEL. PROP.

bris adumbrantur, ambulare, non sedere dicatur, ut hinc intelligamus, nulli orbis terrarum loco ipsum peculiariter (quod tamen Antichristiani Sophistæ uolunt) additum, affixumq; esse. Hæc sunt uerba & rationes, quibus probare nititur, apud externam & uisibilem in terris Ecclesiam (quam supra docuimus esse unam sanctam Catholicam & Apostolicam, in qua sint boni & mali) non perinde adesse Christum, atque apud illam inuisibilem internam & confictam ac excogitatam Ecclesiam ex solis electis prædestinatis coaptatam. Quia (inquit) non omnia ipsius membra, spiritus ipsius ac peculiaris illius gratiæ, participia reddantur, quod in maleficam animam non introibit sapientia, neque habitabit in corpore, quod peccato obnoxium fuerit. Si intelligit Velsius non omnia membra Ecclesiæ esse participia peculiaris gratiæ, nimirum gratumfacientis, libenter ei hoc donamus, quia non omnia membra eius sunt uiua membra, sed quædam aut languida, aut putrida, aut mortua, aut arida, uti supra dictum est, quæ tamen capacia denuo sunt uitæ spiritualis, & denuo participia reddi peculiaris illius gratiæ ac spiritus ipsius. Quæ quamdiu non sunt participia gratiæ, non habent Christum præsentem, per inhabitationem gratiæ, sunt tamē adhuc membra Ecclesiæ, per unam profectiōem fidei, & communem sacramentorum societatem, colligantia quæ

tia quadam, secundum unitatem professionis, & uisibilem quandam Christianæ fidei formam, uis uis membris coherencia. Nihilominus tamen loquendo de gratia gratis data, participia sunt gratiæ, & donorum spiritus sancti, de quibus Apostolus agit in primo epist. ad Corinthios cap. 12. cū etiam dominus dicat Matt. 7: Multi dicent mihi in illa die, Domine domine nōne in nomine tuo prophetauimus, & in nomine tuo dæmonia eiecimus, & in nomine tuo uirtutes multas fecimus. Et tunc confitebor illis, quia nunquā noui uos. Discedite à me omnes qui operamini iniquitatem. Verū de illa gratia, non loquitur Velsus, sed de priore illa iustificante & gratum faciēte, quæ illorum duntaxat est, qui iusti & sancti sunt, qui habent conuersationem suam in cœlis, qui sunt membra Ecclesiæ Velsianæ occultæ inuisibilis & internæ, quia eorum est tantum (inquit) qui eiusmodi nobis Iudæum describit Paulus Rom. 2. qui scilicet non in manifesto, sed in occulto Iudæus est. Sed ualeat Velsus cum suis occultis membris, inuisibilis Ecclesiæ, quam frequenter diximus non esse Catholicam & Apostolicam. Nos præsentem Christum Ecclesiæ uisibili non idcirco dicimus, quod singula membra eius gratia gratum faciente uiuificet, cum in ea multi sint mali, non ob Dei omnipotentis aliquam imbecillitatem infirmitatemq; , sed sua ipsorum potius propria



## INTERROG. VEL. PROP.


culpa, qui huiusmodi beneficium prorsus à se excludunt, sed hanc præsentiam eius potissimum metimur ac constituimus in doctrina fidei, & magisterio spiritus sancti, quemadmodum circa tertium interrogatorium dicemus.

Deinde quod dicit per se quatenus est externa & uisibilis, nec firmiter nec immobiliter ei adesse, sed quatenus inuisibilis illius membra, ipsi sunt coniuncta, illi per aliud sic & immobiliter adsit, quid sibi uelit non obscurum uidetur. Nam si ita intellectum uelit, ut dicat externæ & uisibili ecclesiæ non adesse per se Christum firmiter & immobiliter, sed per aliud, quatenus scilicet membra illius inuisibilis ecclesiæ, ipsi uisibili ecclesiæ sunt coniuncta, nihil aliud dicit, quam propter bonos solos (unde ipse Ecclesiam suam internam illam & inuisibilem constituit) Christum adesse externæ & uisibili ecclesiæ, quæ bonos & malos complectitur, & cum dicat malos participes non reddi spiritus ac peculiaris illius gratiæ, concludit huic uisibili Ecclesiæ, Christum non adesse. Sed nos non aliam agnoscimus sanctam catholicam ecclesiam, quam supra descripsimus, & suis notis depinximus, quæ uisibiliter in terris consistens, completitur bonos & malos, quam Christus propter malos quantum ad ueritatem dogmatum attinet, nunquam deseruit, nec deseret unquam.

Denique quod dicit ex Apocalypsi Christum minari



nari, se totas etiam ecclesias loco moturum, id est, à se repulsurum ac deserturum, nisi resipiscant, atq; hinc adeò in medio earum, quæ candelabris adumbrantur, ambulare, non sedere dicatur, nihil contra nos facit omnino: Nam illæ erant particulares ecclesiæ, quas Christus tandem propter Christianorum scelera & peccata, reieciſſe uideatur, quòd illæ, quemadmodum & infinitæ propea modum aliarum prouinciarum particulares ecclesiæ, desertæ sunt à Deo, & tyrānidi infidelium derelictæ. Nobis autem sermo est de ecclesia catholica, hoc est, uniuersali, per totum mundum. dispersa quæ nulli (ut superius dictum est) loco, regi oni, genti, aut familiæ est affixa. Vnde nec ulli orbis terrarum loco, Christum peculiariter dicimus addictum affixumq; esse, quamuis calumniosè ueterator Velsius hoc nobis Antichristianis (ut ipse non sobriè Christianus loquitur) sophistis ascribat, sed dicimus Christum uniuersali ecclesiæ per uniuersum mundum dispersæ adesse tã firmiter & immobiliter, ut eam deserere nequeat, cui sui præsentiam, & spiritus sancti magisterium pollicitus est, & cum ueritas sit, quæ mentiri aut fallere nequeat, utiq; exhibuit quod promissit. Quàm ridiculum autem est quod pro se rapit ac torquet illud Apocalypſeos, quòd Christus dicatur in medio candelabrorum ambulare, non sedere, cum illa Christi deambulatio nihil aliud si-



## INTERROG. VELS. PROP.

gnificet, quàm quod in medio hominum digrediens, corda singulorum & renes inuestiget, quem admodum in eodem cap. angelo Thiatiræ ecclesiæ dicit. Scient omnes ecclesiæ, quia ego sum scrutans renes & corda, & dabo unicuique uestrum, secundum opera sua. Cum ergo in medio candelabrorum, id est, ecclesiarum ambulat, lumen singulorum intuetur quantum luceat, ne forte, sine oleo charitatis, sine operibus dilectionis. Fumiget fides mortuorum. Nam ubi tale quid inuenerit, dicit. Habeo aduersus te, quod charitatem tuam primam reliquisti. Vel idcirco dicitur in medio earum ambulare, quia tales non sunt ut possit in eis requiescere.

*Tertiò an credat apud hanc Ecclesiam semper fuisse ac fore dogmatum ad salutem necessariorum veritatem.*



NON ociosum est in Ecclesia Catholica spiritus sancti magisterium diuina pollicitatione (uti dictum est) ei promissum et exhibitum, non ad horam tantum, sed quod usque in finem seculi cum ea sit permansurum, non per interualla temporum, sed perpetua atque continua successione. Ad hoc enim in Ecclesia spiritus

tuo

tus ille sacer perpetuo residet, ut in reb<sup>9</sup> dubijs & controuersis, claram ueritatis lucē exhiberet, sanctorū doctorū corda secretis inspirationibus illustrando, & per eos Ecclesiā suam, in cunctis, quæ ad fidei necessitatē attinent, erudiendo. Quo fit, ut propter perpetuā huius spiritus præsentiam Ecclesia apud Paulū, columna dicatur, & firamentū ueritatis, nimirū quod hoc spiritu ueritatis tam solidē fulciatur, ut nequeat in errores aliquos impingens diutius hæreere aut perseuerare. Aequū enim erat, ut Apostolis iam ē medio sublati spiritus sanctus Ecclesiam per uiros Apostolicos deinceps edoceret, in cunctis quæ necessaria forent ad salutē æternā consequendam, ac quiduis potius ageret, quā ut diutius in rebus uehementer ambiguis ipsa fluctuaret. Nam Apostolis successerunt pastores et doctores, de quibus Paulus ait. Christus dedit quosdā quidē Apostolos (quorum ipse unus erat) quosdā autē Prophetas (qualem in Actibus Apostolorū legimus Agabum) alios uerò Euangelistas, alios autē pastores & doctores, (qui Tractatores nunc appellantur, quos idem Apostolus etiam Prophetas interdum nuncupat, quod per eos Prophetarū mysteria populis aperiantur) ad consummationē sanctorū, in opus ministerij, in ædificationem corporis Christi, donec occurramus omnes in unitatē fidei, & agnitionis filij Dei, in uirū perfectum, in mensurā ætatis plenam

I. Tim. 3.

Eph. 4.

mitu

# INTERROG. VEL. PROP.

nitudinis Christi, ut iam non simus paruuli fluctuantes, & circūferamur omni uento doctrinæ, in nequitia hominū, in astutiā, ad circūuentionem erroris. Nonne disertis uerbis dicit Apostolus, hosce pastores & doctores esse institutos in opus ministerij, in ædificationē corporis Christi? Porro ad quod aliud opus ædificationis Ecclesiæ, quā ut Christi fidelibus uerba salutis administrent, & Ecclesiā Christi uerbo spiritus ædificent? Cum autem dicit: Donec occurramus omnes, &c. Demōstrat institutū istud, non solū ad Apostolorū tempora spectare, uerūetiam ad finē usq; seculi perduraturū, nimirū donec occurramus omnes, &c. Quod erit in consummatione seculi. Vis autē scire, quis sit scopus huius instituti, quem prospexit Christus hæc instituens? Vt iam (inquit) non simus paruuli fluctuantes, & circūferamur omni uento doctrinæ, &c. Huius nimirū rei gratia, pastores & doctores ceteriq; ministri dati sunt Ecclesiæ, & usq; in finē mundi dabuntur, ne fideles sint sicut paruuli fluctuantes, & circūferantur omni uento doctrinæ leuissimorū hæreticorū (qui sicut paleæ leues à frumento, ita ex horreo Ecclesiæ euolant ac disperguntur) sed potius per prædicationē catholicorū doctorum, in sana doctrina & fide orthodoxa contineantur stabiles. Non est ergo quod quisquam dicat magisteriū spiritus sancti, quod Christus Ecclesiæ promisit, ad Aposto-

los duntaxat, quibus Christus loquebatur, pertinere, & non ad successores eorum usq; ad mundi consummationē, cum Paulus dicat istud institutū permansurū in Ecclesia, usq; ad seculi finem. Est quidem Apostolis (qui aderant) ista loquutus & pollicitus, sed non illis solū, qui tū præsentes erāt, uerumetiam alijs absentibus, credituris tamen in Christū per uerbū Apostolorū, pro quibus etiam Christus rogauit patrē, quibus & si corporaliter ista uerba non fuerit loquutus, nihilominus tamē promissionē hanc exhibuit, & exhibebit pōst futuris, usq; ad finē seculi. Paulus siquidē tunc non 1. Tim. 4. aderat, quippe qui nondū fuerat conuersus, & tamen is in epistola ad Timotheū dicit. Spiritus manifestē dicit, quia in nouissimis tēporibus, discedēt quidā à fide, &c. Non solū itaq; propter Apostolos (qui tū præsentes erant, sed propter totā catholicā ecclesiam, quandiu militat hic in terris, pollicitationes hās à Christo fuisse Apostolis factas, perspicuum est. Porro quam uigilanti studio, & quam paterna sollicitudine, Ecclesiæ suæ erudiendæ, nullo non tempore, doctores, quasi operarios uineæ suæ, destinando intēdat, & quod hactenus fecit ab initio mundi, & id ipsum facturū sit, usq; ad finē mundi, ipse Christus in Euāgelio apud Matthæum pulcherrima parabola de-  
Matt. 13. clarauit dicens. Simile est regnum cœlorum homini patrifamiliās, qui exijt primo mane condu-  
cere

## INTERROG. VEL. PROP.

cere operarios in uineam suam, &c. Quam exponens S. Gregorius, per patrem familias, intelligit Deum patrem, qui habet uineam, uniuersam scilicet Ecclesiam, quæ ab Abel iusto usq; ad ultimum electum, qui in fine mundi nasciturus est, quot sanctos protulit, quasi tot palmites misit. Hic ergo pater familias ad excolendam uineam suam, mane hora tertia, sexta, nona & undecima operarios conducit, quia à mūdi initio usq; ad finē, ad erudiendam plebē fidelīū, prædicatores cōgregare non destitit. Mane etenim mundi fuit, ab Adam usque ad Noē. Hora uero tertia, à Noē usque ad Abraham. Sexta quoq; ab Abrahā usque ad Moysen. Nona autem, à Moysē usque ad aduentum domini. Undecima uerò ab aduentu domini, usque ad finē mundi, in qua prædicatores sancti Apostoli missi sunt. Ad erudiendam ergo dominus plebem suam, quasi ad excolendam uineam suam, nullo tempore destitit operarios mittere, quia & prius per patres, & postmodum per legis doctores et prophetas, ad extremum uerò per Apostolos, dū plebis suæ mores excoluit, quasi per operarios in uineæ suæ cultura laborauit. Itaque Apostolis domini successerunt alij pastores & doctores orthodoxi, quorū linguis ad heresum extirpationem, & ad plenam Ecclesiæ super rebus dubijs instructionem hætenus usus spiritus sanctus, & utetur semper. Cum enim nunquam in

Ecclesia

Ecclesia fuerit otiosus spiritus sanctus, per aliquos  
 necessum est Ecclesiam suam erudierit. Neque enim  
 sermo eius palam cunctis innotuit, sed aliorum lin-  
 guis ad instruendam Ecclesiam usus est, quemad-  
 modum et de Deo patre Paulus ad Hebræos scri- Heb. i.  
 bit, quod olim maioribus nostris loquutus fuerit  
 multifarie multisque modis per Prophetas. Filium  
 autem eius identidem per Apostolos suos, totum  
 orbem docuisse compertissimum est. Euntes (in- Matt. vii.  
 quit) docete omnes gentes. Itaque tertio loco par-  
 fuit spiritum sanctum per Catholicos et Ortho-  
 doxos doctores ac patres (Apostolis iam e medio  
 sublatis) Ecclesiam in omnibus quæ ad salutem ne-  
 cessaria forent, edocere. Et quanquam ipsius san-  
 ctissimæ Trinitatis opera sint indiuisa, patris ni-  
 mirum et filij et spiritus sancti, scriptura tamen  
 horum cuique suum et quasi peculiare tempus ob  
 erudiendam Ecclesiam tribuit. Non quod ipsius  
 S. Trinitatis opera sint diuisa, sed quod singulis  
 horum suum tempus in scripturis accommodetur,  
 quanquam et indiuisim omnes semper operati  
 sint. Nam etiam tunc, quando patri negotium tri-  
 buitur erudiendæ plebi per Prophetas, etiam spi-  
 ritus sanctus eosdem inspirauit, quemadmodum S.  
 Petrus testatur, dicēs. Spiritu sancto inspirati, lo- 2. Pet. i.  
 cuti sunt sancti Dei homines. Quod si tunc in Pro-  
 phetis locutus est spiritus sanctus, quum nondum  
 adhuc erat datus, quanto magis hoc suo tempore,  
 quum



## INTERROG. VEL. PROP.

Matt. 18.

quum iam peculiariter sit in hoc negotium missus, per pontifices & doctores, credendus est esse loquutus? Id quod uel ex ipso Christo patet, qui non ad solos Apostolos dixit. Non uos estis qui loquimini, sed spiritus patris uestri qui loquitur in uobis. Quod uerbum S. Augustinus exponens. Si in eis (inquit) loquitur spiritus sanctus, qui persequentibus traduntur pro Christo, cur non & in eis, qui tradunt discipulis Christum? Per hosce ergo spiritus sanctus Ecclesiam suam semper edocuit, & cum sit spiritus ueritatis, & doceat omnem ueritatem, necesse est credere apud eam semper fuisse ac fore, dogmatum ad salutem necessarium ueritatem. Superius quoque citatum testimonium Osee Prophetæ cap. 2. abundè testatur, perpetuum doctrinæ magisterium. Ecclesiæ adesse, quod iugi & minimè interrupto tenore duraturum sit. Sponsabo te mihi (inquit) in sempiternum, & sponsabo te mihi in iustitia & iudicio, et in misericordia & in miserationibus, & sponsabo te mihi in fide. Hic audis perpetuorum sponsaliorum diuinam pactiōem cum Ecclesiā, quam Apostolus in literalī sensu, de uera Ecclesiā intelligit. Vides ne hic iudicij, iustitiæ, misericordiæ, & fidei perpetuam promissionem, quæ nunquā de-erit? Perpetuæ igitur illius sunt dotes, spiritus sancti magisterium, iudicium, iustitia, fides atque autoritas. Bonus enim sponsus & liberalis, omnia sue



sue dilectæ sp̄sæ cōmunicat, quorū scit sp̄sam  
suā necesse habere, & quibus possit & nobilita-  
ri & condecorari. Eget autem permaximè lumi-  
ne intelligentiæ sanctarum Scripturarū & ueri-  
tate dogmatū. Nam cum necesse sit, ut in ea sint  
scandala, & oporteat in ea hæreses suscitari, ut  
qui probati sunt, manifesti fiant, opus habet ut  
perficiat imperfectos, simplices imbuat, hæreses  
coarguat, & proficientes ad finem destinatum  
perducatur per lumen intelligentiæ sacrarum liti-  
rarum, & dogmatum ueritatē. Possumus adhuc  
ex diuinis oraculis alias magnificas, & absq; ul-  
la conditione promissiones, de doctrina fidei &  
ueritate dogmatum, eidem factas, in mediū pro-  
ducere. Psalmus 88. qui statum ueri Messiae re-  
demptoris nostri & Ecclesiæ eius ad literam de-  
scribit, hanc Dei habet ad membra Ecclesiæ pol-  
licitationē. Domine in lumine uultus tui ambu-  
labunt, & in nomine tuo exultabūt tota die, quo-  
niam gloria uirtutis eorū tu es, quia Domini est  
assumptio nostra, et sancti Israel regis nostri. Si  
autē (inquit Deus) dereliquerint filij eius legem  
meam, & mandata mea nō custodierint, uisitabo  
in uirga iniquitates eorum, & in uerberibus pec-  
cata eorum, misericordiam autem meam nō di-  
spergam ab eo, neq; nocebo in ueritate mea. Ec-  
ce hīc audis luminis intelligētiae & misericordiæ  
diuinæ ad Ecclesiam repromissionē, à bona aut

## INTERROG. VEL. PROP.

mala uita minimè depēdentem. Ea quæ habētur apud Esaïam. cap. 54. à Principio usq; ad finem proculdubio de Ecclesia intelligenda esse Sāctus Paulus in epist. ad Galatas ca. 4. declarat, qui de Ecclesia Christi in sensu literalī accipit, quod ibi dem dicitur. Latere sterilis, &c. Videamus iam quæ de Ecclesie statu futuro prædixerit Esaïas: Montes (inquit) cōmouebuntur, & colles contremiscunt, misericordia autē mea non recedet à te, & fœdus pacis meæ nō mouebitur, dixit miserator tuus dominus. En fœdus unionis & pacis Ecclesie cum Deo spōso suo. Et post pauca: Ecce ego sternam per ordinem lapides tuos, & fundabo te in saphyris. Et ponam iaspidem propugnacula tua, et portas tuas in lapides sculptos, & omnes terminos tuos in lapides desiderabiles. Vniuersos filios tuos doctos à domino, & multitudinem pacis filijs tuis, & in iustitia fundaberis. Quid clariùs dici poterat? Vniuersos filios tuos (inquit) doctos à Domino. Et post pauca. Omne uas quod fictum est contra te non dirigetur, & omnē linguam resistentem tibi, in iudicio iudicabis. Hec est hereditas seruatorum Domini, & iustitia eorum apud me, dicit Dominus. Hic habes iudicij auctoritatem & magisterium in Dei Ecclesia, aduersus omnes impugnatores uiritalis, & quotquot obdurato animo illi repugnant.

Rursus cap. 59. cū hac eadem Ecclesia & mēbris

bris eius loquēs, hoc modo Deus paciscitur. Et timebunt qui ab occidente nomē domini, & qui ab ortu solis gloriā eius. Cū uenerit quasi fluuius uiolētus, quem spiritus domini cogit, & uenerit Sion redemptor, et eis qui redeunt ab iniquitate in Iacob dicit dominus. Hoc fœdus meū cum eis, dicit dominus. Spiritus me<sup>9</sup> q̄ est in te, & uerba mea quæ posui in ore tuo, nō recedēt de ore tuo, & de ore seminis tui dicit domin<sup>9</sup>, a modō & usque in sempiternum. Videtis ne clarū diuinæ doctrinæ magisterium ab Ecclesia nunq̄ defuturū, sed iugi & minimē interrupto tenore duraturū. Sed iam tempus est ut aperiamus quid Velsius ad hoc interrogatorium respōdeat. Et quidē apud Ecclesiam suam, cœlestem, internam, quæ corpo-

Ioan. 10.

ris oculis inuisibilis est, fidei tantū & mentis conspici potest, credit semper fuisse ac sūre, dogmatum ad salutē necessariorum ueritatē, propter perpetuam Christi, eiusq; spiritus, qui ducit in omnem ueritatem, in ea præsentiam. Sed quid de illa inuisibili Ecclesia sentiendū sit, superius ex scripturis et patribus declaratū est, ut nō sit necessum eadē denuo inculcare. De externa autem & uisibili, non ita promptē posse constitui, ait, quomodo hīc se res habeat, ut qui non benē inspectare & animaduersa, sæpeq; & multū cogitata, temerē aliquid pronunciare & de finire audeat, non possit nō impingere. Et post-

## INTERROG. VEL S. PROP.

*Q* multis uerbis inuectus est, cōtra Antichristia-  
 nos sophistas, inquisitores (nam suavis ille & be-  
 nignus Propheticus spiritus non sinit eum aliter  
 loqui) tandē, quid de externa & uisibili Eccle-  
 sia sentiendū putet, in medium profert. Quoniā  
 internæ illius & inuisibilis (inquit) Ecclesiæ mē-  
 bra, ij nimirum, qui licet in terris adhūc agant,  
 eorum tamen cōuersatio est in cœlis, externæ hu-  
 ic & in terris uisibilili, siue unam quæ eam, siue  
 plures statuatur (nihil interest) admixta secundū  
 externam sunt conuersationem seu Politiam, seu  
 Hierarchiam dicere mauis, eam etiam ob causam  
 censemus, quod de Christo in præcedenti dictum  
 est, idem etiam de sacrorum dogmatum ad salu-  
 tem necessariorum ueritate statuendū, quod ni-  
 mirum p hæc, seu horum occasione, ut Christus  
 & spiritus ueritatis, quem mundus nō potest ca-  
 pere, quia nō uidit eū, nec nouit eū, ipsi etiā ex-  
 ternæ semp adfuit Ecclesiæ, et adfuturus est, ita,  
 & dogmatū de quibus hīc agitur, ueritas. Hactē-  
 nus Velsius. Quibus uerbis fatetur quidem exter-  
 næ & uisibili Ecclesiæ semp adfuisse & adfutu-  
 ram sacrorum dogmatum ad salutem necessario-  
 rum ueritatem, propter membra, seu occasione  
 membrorum inuisibilis Ecclesiæ. quæ externæ et  
 in terris uisibili admixta sunt secundū externū  
 conuersationem. Sed Christus cum Apostolis &  
 eorum successorib<sup>9</sup> polliceretur sui præsentiam

usq; ad consummationem seculi, & similiter spiritus sancti magisterium, perpetuò in Ecclesia futurum, propter quod Ecclesia errare nō posset in decidendis controuersis, in rebus fidei, seu dubijs in sacra Scriptura occurrentibus, non discruit inter bonos & malos, neq; dixit propter bonos & electos meos, mittam uobis spiritum sanctum, sed in genere locutus est Apostolis (inter quos tūc adhuc erat Iudas Domini traditor, qui domini traditionem iā obstinata mente conceperat) & eorum successoribus. Ille (inquit) docebit uos omnia. Et docebit uos omnem ueritatem. Quod si dixerit Velsius locum ab autoritate negatiuè non ualere, proferat ipse scripturas, quibus comprobet externæ & uisibili Ecclesiæ, quam dicimus Catholicā & Apostolicā, dogmatum, ad salutē necessariorum adesse ueritatem, propter membra, seu occasione membrorū inuisibilis Ecclesiæ. Nō enim propter mēbra inuisibilis Ecclesiæ (quæ Catholica non est, nec esse potest) sed ueritatē Dei pollicētis, qui quū fidelis sit in promissis, & mētiri ac fallere nequeat, exhibet & exhibebit Ecclesiæ suæ quod promissit.

Deinde quoniā hæc membra, per totū orbem sunt dispersa non uult ea Velsius ad unā aliquam particularē Ecclesiā, utpote Romanā, Ephesinā, Antiochenam, aut aliā quamcūq; secundū exteram prædictam cōuersationē, ptinere, nec huius

# INTERROG. VEL. PROP.

Act. 10.

aut illius necessario esse gentis seu nationis, cū ut  
 Diuus Petrus, in concione sua, in domo Cornelij  
 Cēturionis habita, reuera cōperisse se dicat, De  
 um personarū acceptorē nō esse, sed in omni na  
 tione, qui ipsum timet, & iustitiā opatur, ipsi es  
 se acceptū. Vnde iudicat hēresim esse manifestā,  
 & oīm hēresē (ut aduersariorū suorū sophista  
 rū uerbis utatur) quodāmodo matricem, ipsi si  
 mūq; adeo Antichristi doctrinæ seminariū, hu  
 iusmodi qd Romanæ Ecclesiæ attribuere, quod  
 apud ipsam peculiariter semp fuisse ac foret, sa  
 crorū dogmatū ad salutē necessariorū ueritas,  
 et quod huic antecedit, quodq; iisdē Antichristia  
 nis sophistis placet, quod ei<sup>9</sup> Ecclesiæ Antistites  
 Papa, quantumcūq; etiā impurē uiuens, qbus  
 cūcūq; libidinibus & sceleribus cōtaminatus,  
 quacūq; insatiabili auaritia præditus, quocūq;  
 fastu & ambitione & inanis gloriæ cupiditate  
 mentiē corruptam animiq; oculū occacatum ge  
 rens, errare tñ, et à fide nullo modo possit defice  
 re, ac proinde pectus illi<sup>9</sup> scriniū sit ueritatis, i  
 pseq; in Romana Ecclesia (quam cum ad particu  
 larē locum annominetur, uniuersalē somniant,  
 manifestam contradictionem nō animaduerten  
 tes) doctor unicus ac summus, quæ nō solū ab  
 surdissima sunt, quæq; omniū mētes meritō aspe  
 nētur ac respuant, sed etiam è diametro cū Chri  
 sti uerbis, & apertis scripturis pugnant. Priusq;  
 pro

progrediamur ad reliquas illius ineptias, hæc paululum examinemus. Principio itaq; nos fateamur Ecclesiam Catholicā, id est uniuersalē, per totum terrarum orbem dispersam, de qua ut in pluribus locis, ita præcipue Tract. 1. in Epist. Ioan. loquitur Aug. circa illa uerba Ioannis. Si quis peccauerit, aduocatum habemus apud patrē Iesum Christum iustū. & ipse est propitiatio pro peccatis nostris, nō tantum nostrorum, sed totius mundi, dicens. Quid est hoc fratres? Certē inuenimus eā in campis saltuum, inuenimus Ecclesiam in omnibus gentibus. Ecce Christus propitiatio est peccatorum nostrorum, non tantū nostrorum, sed & totius mundi. Ecce habes Ecclesiam per totum mūdum, noli sequi falsos iustificatores & ueros præcipitatores, in illo monte esto, qui impleuit orbem terrarum, quia Christus est propitiatio peccatorū nostrorum, non tantum nostrorum, sed & totius mundi. Et circa finem. Nōne lapis iste q̄ præcisus est de monte sine manibus, Christus est de regno Iudæorū, sine opere maritali? Nōne iste lapis cōfregit omnia regna terrarum, id est, omnes dominationes idolorū et demoniorū? Nōne ille lapis creuit, et factus est mons magnus, & impleuit uniuersum orbē terrarū? Nunquid digito ostēdimus istum montem, quomodo ostēditur hominibus noua luna? Verbi gratia, quando uolunt uidere homines nouā lu-



## INTERROG. VEL. PROP.

nam, dicunt. Ecce luna, ecce ubi est. Et si sunt ibi qui non ualeant intendere aciem, & dicant, ubi? Intenditur illis digitus ut uideant, aliquando dū erubescunt, ne cœci putentur, dicunt se uidisse, quod non uiderunt.

Nūquid sic ostendimus Ecclesiā fratres mei? nōne aperta est? nōne obtinuit omnes gentes? nōne impletur, quod ante tot annos promissū est Abrahæ, in semine eius benedici omnes gētes? Vni fideli promissum est, in milibus fideliū mundus impletus est. Ecce mons implens uniuersam faciē terræ, ecce ciuitas de qua dictū est. Non potest ciuitas abscondi super montē constituta. Et post pauca. Esaias ait: Erit in nouissimis diebus manifestus mōs domus domini, paratus in cacumine montiū. Quid tam manifestū quā mōs? Sed sunt & mōtes ignoti, quia in una parte terrarū positi sunt. Quis uestrū nouit Olympum montē? quomodo ibi qui habitant, Giddabā nostrum nō nouerunt? In partibus sunt isti mōtes: Ille autem mons non sic, quia impleuit uiuersam faciem terræ, & de illo dicit. Paratus in cacumine montiū. Mons est, super cacumina omniū montiū. Et cōgregabuntur (inquit) ad eum, oēs gentes. Quis errat in hoc monte? Qui frāgit faciē offendendo in illū, qui ignorat ciuitatē supra montē cōstitutā. Sed nolite mirari, quia ignoratur ab istis qui oderunt fratres, q̃a in tenebris ambulant, & nesciunt



sciunt quo eunt, quia tenebræ excœcauerūt oculos eorū, montē nō uident, nolo mireris, oculos non habent. Vnde oculos nō habent? Quia tenebræ excœcauerūt eos. Hactenus ille. Talē Ecclesiam nos fatemur, Catholicā in terris uisibilem, nulli loco, regioni, genti aut familiæ alligatā affixamq; quemadmodū Petri autoritas à Velsio adducta, & superiūs à nobis citata comprobatur. Velsianam, aut illam inuisibilem et confictā Ecclesiam prorsus negamus esse posse Catholicam: Nihilominus tamen Ecclesia Catholica per totū terrarū orbem dispersa, plures habet particulares Ecclesias, sub proprijs Hierarchis siue Episcopis degentes, quarū una nuncupatur Ephesina, alia Antiochena, alia Treuerensis, alia Maguntina, alia deniq; Coloniensis, aut quocūq; alio nomine censeantur, secundū diuersam nomenclaturam, urbiū in quibus Hierarchi illi seu Episcopi Cathedram sacerdotalem obtinet. Quarū omniū Ecclesiarum per totum terrarum orbem sitarum, Ecclesia Romana primatum iure diuino accepit, quemadmodum inferiūs ostendemus.

Porrò non esse hæresim manifestā, et multomin⁹ omniū hæreseū quodāmodo matricē ipsissimūq; adeò Antichristi doctrinæ seminariū, huiusmodi qd Romanæ Ecclesiæ attribuere, quod apud ipsam peculiariter semp fuisse ac foret sacrorum dogmatū ad salutem necessariorū ueri-

## INTERROG. VEL. PROP.

*tas iam ostendendū est, ac demōstrandū auctoritatibus sanctorum, in sacra scriptura fundatis.*

*Sanctus Irenæus libro 3. cap. 3. aduersus hæreses, Romanam Ecclesiam appellat maximam & antiquissimā, & omnibus cognitā, à gloriosissimis duobus Apostolis Petro & Paulo Romæ fundatam & cōstitutam, ad quam propter potentio- rem principalitatē, necesse est omnem cōuenire Ecclesiam. hoc est, eos qui sunt undiq; fideles, in qua semper ab his qui sunt undiq; conseruata est ea, quæ est ab Apostolis traditio. Hic audis in Ecclesia Romana, semper conseruatam esse eam, quæ est ab Apostolis traditionem.*

*Sanctus Ignatius, q̄ Irenæū multis annis præcessit, epist. 11. quæ est ad Romanos, dicit Romanā Ecclesiam sanctificatā et illuminatā in uoluntate Dei, Deo dignam, eminentia dignam, beatitudine dignam, et fundatam in dilectione & fide Christi. Hic legis, Romanā Ecclesiam in uoluntate Dei illuminatā, & fundatā in fide Christi.*

24. Quæst.  
2.

*Sanctus Cyp. lib. 1. epist. 3. ad Cornelium, dicit Romanorū fidē Apostolo prædicante, laudatā, ad quos perfidia habere non possit accessum.*

*Sanctus quoq; Luitius martyr et Pontifex ait: Hec sancta et Apostolica, mater omniū Ecclesiarum Christi Ecclesia, quæ per Dei omnipotentis gratiā à tramite Apostolicæ traditionis, nunq̄ errasse probatur, nec hæreticis nouitatibus deprauanda*

prauanda succubuit, sed ut in exordio normam Christianæ fidei percepit, ab autorib<sup>9</sup> suis Apostolorū Christi principibus illibata, fide tenus manet. Testatur sanctissimus uir, Petri sedē nunq̃ à tramite ueritatis aberrasse, nec hæreticis prauitatibus deprauandā succubuisse, sed in illibata fide, q̃ in exordio fidei Christianæ percepit, semperstitisse. Eadē sententia, penē eisdē uerbis à Felice et Marco summis pōtificib<sup>9</sup> repetitur, et cōfirmatur. Et 24. quæst. 1. habentur multi canones sanctorū patrū, quibus ostenditur Romanā Ecclesiam, nunq̃ in hæresim cecidisse. Tertullianus in lib. de præscript. hæret. foelicem appellat Romanā Ecclesiā, cui totā doctrinā Apostoli cū sanguine suo profuderint. Cypria. lib. 4. epist. 6. Romanā Ecclesiam, matricē uocat Ecclesiarum, unde & alios hortatur, ut Ecclesiæ catholice matricē et radicē, agnoscerent ac tenerent.

Sanctus Hierony. tāti fecit fidē, Romanæ Ecclesiæ, ut sibi satis esse putet, si suam fidē q̃busuls improbatibus alijs, cōprobaret Papa Roman<sup>9</sup>. In episto. Mibi (inquit) cathedrā Petri, & fidē Apostolicā ad Damasco ore laudatā, censui consulendā, inde nunc animum meum postulās cibū, unde olim Christi uestimenta suscepi. Et iterū: Ego nullū primum, nisi Christū sequēs, beatitudini tuæ, id est, cathedræ Petri, cōmunionē consocior, super illam petram edificatam Ecclesiam scio. Quicunq; tecum non colligit,

## INTERROG. VEL. PROP.

colligit, spargit, hoc est, qui Christi nō est, Antī christi est. Idē ibidē testatur apud Romanos solos, incorruptam patrū seruari hēreditatē. Ibi cespitem terrā fecundo, dñici seminis puritate, cētenos fructus referre. Et in Epist. ad Theophilū Episcopū. Scito (inquit) nobis nihil esse antiqui⁹ quā Christi iura seruare, nec patrum transferre terminos, sempq; meminisse Romanā fidē, Apostolico ore laudatā, cuius se esse participē, Alexandria Ecclesia gloriatur. Nō immeritō proinde sanct⁹ Athanasius Marco Romano Pōtifici scribēs, optat illi⁹ sanctę sedis autoritate percipere, quę spectāt ad correctionē & recreationē fidelīū orthodoxorū. Sed & ipse Pontifex Marcus, ipsi Athanasio et uniuersis Aegyptiorū Episcopis respōdens, dicit sanctam Romanā Ecclesiam, Dño prouidente, & beato Petro opē ferrente, semper immaculatam mansisse, & in futuro mansuram sine ulla hēreticorū insultatione, firmam & immobilem omni tempore persistere. Ruffinus Aquilegiensis prębiter in expositione symboli ad Laurentium, apertis affirmat uerbis, nullam hēresim Romę sumpsisse exordiū.

Sanctissimus et disertissimus Leo Pōtifex sermone in anniuersario assumptionis suę ad pontificatū. Soliditas (inquit) illi⁹ fidei, quę in Apostolorū principe est laudata, perpetua est, Et sicut permanet, quod in Christo Petrus credidit,

ita permanet quod in Petro Christ<sup>9</sup> instituit. Et post pauca. Manet dispositio ueritatis, et beatus Petrus in accepta fortitudine petra perseverans, suscepta Ecclesiæ gubernacula non reliquit. Et post aliquanto fidē beati Petri prædicās. Hæc fides (inquit) diabolū uincit, et captiuorū eius uincula dissoluit. Hæc erutos mūdo, inserit coelo, et portæ inferi aduersus eā præualere nō possunt. Tanta enim diuinit<sup>9</sup> soliditate munita est, ut eā neq; hæretica unq; prauitas corrumpere, nec pagana potuerit superare perfidia. Ad hūc sanctissimū uirū, patres ac Episcopi sexcēti triginta magnæ Calcedonensis Synod<sup>9</sup>, Synodalē direxerūt Epistolā, qua actis diffinitiōibusq; suis, Apostolicæ autoritatis robur impartiri postulabāt. In qua inter cætera cōgratulantes eidē sedi, tā doctū, tamq; sanctū pontificem. Nō desinimus (inquiunt) Dño Deo nostro gratias agere et pariter supplicare gratulantes, quòd tantæ sanctitatis, tātæ fidei, tantæq; doctrinæ, Apostolicæ sedi (unde religiōis nostræ fons et origo manat) Antistitem dederit. Hic audis, tot patres cōtestari, ex sede Apostolica, religiōis nostræ fontē et originē manare, inde in Ecclesiā uniuersam, uelut perennē quendā fontem & originem, religionis nostræ sincerissimos riuos deriuari. Sanct<sup>9</sup> Bernardus epist. 190. ad Innocentiū Papā scribēs, ait, Oportet ad uestrū referri Apostolatū, picu-

NI TERROG. VEL. PROP.

Luc. 22.

la quæq; & scandala emergentia in regno Dei,  
 ea præsertim quæ de fide cōtingunt. Dignū nāq;  
 arbitror, ibi potissimū resarciri dāna fidei, ubi  
 non possit fides sentire defectū. Hæc quippe hu-  
 ius prærogatiua sedis. Cui enim alteri aliquādo  
 dictū est, ego pro te rogaui Petre, ut nō deficiat  
 fides tua. Ergo quod seq̃tur, à Petri successore  
 exigitur. Et tu aliquando cōuersus, cōfirma fra-  
 tres tuos. Hæc ille: Eadē uerba Christi, Felix Pa-  
 pa primus, Epist. 3. Benigno Episcopo scribens,  
 pro huius rei cōfirmatione usurpat. Nam cū di-  
 xisset Romanā Ecclesiā, nunq̃ à tramitate apo-  
 stolice traditiōis aberrasse, subiūxit. Quoniam  
 Dominus & saluator omniū, cuius fides est, qui  
 pro nobis mori nō dubitauit, et proprio nos suo  
 redemit sanguine, fidē Petri nō defecturā promi-  
 sit & cōfirmare eū fratres suos admonuit, quod  
 Apostolicos Pōtifices, meæ exiguitatis præde-  
 cessores, cōfidenter fecisse semper, cunctis est co-  
 gnitū, quorū et pusillitas mea, licet impar et mi-  
 nima, pro suscepto tamē diuina dignatione mini-  
 sterio, cupit pedissequa existere, &c. Sanctus  
 quoq; Papa Leo sermōe 3. in anniuersario assum-  
 ptionis suæ. Instante (inquit) passione sua Dñs,  
 quæ discipulorū erat turbatura cōstantiā, Simo-  
 ni inquit. Simon, ecce satanas expostulauit uos,  
 ut cribaret sicut triticū. Ego aut̃ rogaui pro te,  
 ut non deficiat fides tua. Et tu aliquando cōuer-  
 sus

sus, confirma fratres tuos, ut non intretis in tēta-  
tionē. Cōmune erat omnib⁹ Apostolis periculū,  
de tentatione formidinis, et diuinæ protectionis  
auxilio pariter indigebant. Quoniā diabol⁹ oēs  
exagitare, oēs cupiebat elidere, & tñ specialis à  
Dño Petri cura suscipitur, & pro fide Petri, p-  
priè supplicatur, tanq̃ aliorū status certior sit fu-  
tur⁹, si mēs principis uicta nō fuerit. In Petro er-  
go omnium fortitudo munitur, et diuinæ gratiæ  
ita ordinatur auxiliū, ut firmitas, quæ per Chri-  
stū Petro tribuitur, per Petrū Apostolis cōfra-  
tur, hæc ille. Quæ cū ita sint, meritò Innocē. 3. sa-  
cro sanctā Romanā Ecclesiā (Deo disponente) di-  
cit cūctorum fidelium matrē esse et magistrā.

Eulalius Alexandrinus Episcopus, ad Boni-  
facium Papam secundum, testatur in sede Apo-  
stolica extra maculam semper fuisse Catholi-  
cam seruata Religionem, in ea integram et ue-  
ram Christianæ Religionis & perfectæ solidi-  
tatem, ubi & anathematizat omnes, qui contra  
sanctam Romanam & Apostolicam Ecclesiam  
superbiendo, suas erigunt ceruices.

Cernis opinor optimè lector, & sacræ scri-  
pturæ, & sanctorum patrum cōcordi sentētia,  
Petri cathedræ peculiariter tribui, quod apud  
ipsam semper fuerit, sacrorū dogmatum ad salu-  
tem necessariorum ueritas. Verū hi omnes præ-  
clari Pontifices, fortissimi martyres, & sanctissi-  
mi



## NI TERROG. VELS. PROP.

simi cōfessores, Velsio habentur hæretici, quod hæresim manifestam, et omnium hæreseum quodammodo matricem defenderint, ipsi simumque adeo Antichristi seminarium iecerint.

Sed S. Ignatius, Irenæus, Luthus, Tertulianus, Cyprianus, Marcus, Felix, Hieronymus, Athanasius, Leo, Episcopi sexcēti triginta, Bernardus. Eugenius affirmāt, Velsius uerò negat, cui credendum? Velsio ne cōdemnato hæretico, an potius tot sanctissimis et doctissimis patribus, qui ab Apostolorum temporibus in Ecclesia fuerūt, et fidem Catholicam non solum laboribus plurimis, uerum etiā suo sanguine corroborauerunt?

Porro nos nō dicimus quēadmodū Velsius affingit, et nobis placere dicit, Romanæ Ecclesiæ Antistitē Papam, quantūcūq; etiā impurē uiuentē, quibuscūq; etiā libidmibus et sceleribus cōtaminatū, quacūq; insatiabili auaritia præditum, quocūq; fastu et ambitione, et inanis gloriæ cupiditate oculū occecatū gerentē, errare, et à fide nullo modo posse deficere, ac p̄inde peius, illius scrinium esse ueritatis, ipsumq; in Romana Ecclesia doctore esse unicū, ac summū. Nō enim dicim⁹ Papā errare nō posse aut à fide deficere. Sed dicimus, q̄ patres iam citati comprobant, sedē Apostolicā, Petri Cathedrā, Romanā Ecclesiā, nunq̄ à recta fidei regula deuiasse, quæ nō pro solo summo Pontifice accipitur, quando  
dicimus



dicimus eam nunq̄ errasse, aut à fide defecisse, sed  
cōprehendit collegium Cardinaliū ac aliorum do-  
ctorū, quorū consilio iuuatur summus Pontifex.  
Iustum est enim, ut in re tanti momenti, qualis est  
fides Catholica, in consiliū adhibeat collegiū fra-  
trum suorum adiunctis etiā uiris alijs sanctitate  
ac doctrina eminentibus. Decet enim ut relatas  
ad se quæstiones, non definiat temere, sed maturè  
adhibita pro qualitate negotij etiam humanitus  
possibili aut conuenienti diligentia, sacerdotaliq;  
concilio, sacerdotū uidelicet unā secum in Aposto-  
lica cathedra ministrantiū domino, hoc est Cardi-  
naliū, aut etiam uicinorū distantiumue Episcopō-  
rum, si quando & quēadmodum ipsa negotij qua-  
litas, hoc ipsum exigere Romano Pontifici uide-  
bitur, sicut & ab initio, ad hanc usq; diem factum  
& perpetuò obseruatū constāt. Non uerò conuo-  
catis ex toto orbe undequaq; sacerdotibus & epi-  
scopis. Nam id rarò admodū posset fieri, quemad-  
modum & primis illis trecentis annis nunquam  
factū est ante Nicænum Conciliū, cum tamen defi-  
niendarum incidentum quæstionum & contro-  
uersiarum, semper inciderit necessitas. Et si quā-  
do, quod rarum est, id ipsum posset fieri, non ta-  
men sine magno totius orbis motu, molestia et im-  
pensa. Et postremò, nulla unquam incidit eius ne-  
cessitas, sed nec utilitas, quam fortassis ea sola, ut  
ex conuenientibus ex toto orbe Episcops, eorūq;  
E collatione,

## INTERROG. VEL. PROP.

collatione manifestum omnibus fiat, uerum semper esse, atque orthodoxum Apostolicæ sedis iudicium, uera fides, definitio ac sententia, proinde semper & indiscussæ sequendam omnibus.

Quod uerò paræthesis loco interfert, nos Romanam Ecclesiã, cum ad particularem locum annominetur, uniuersalẽ somniare, manifestamque contradictionem non animaduertere, respondeo Velsio uero somniatori, nos non somniare, sed uigilanti mente confiteri, Romanam ecclesiam meritò dici debere uniuersalem, quod Deo adiuuante inferius ostendemus. Non enim dicimus Romanam Ecclesiam, quatenus ad particularem locum annominatur, quatenus scilicet est cœtus Christi fidelium Romæ degentium, esse Ecclesiam uniuersalem, sed Ecclesiam Romanam, secundum suum caput Petrum, & Petri legitimum successorem esse Ecclesiam uniuersalem. Vnde constat, nullam hic esse contradictionem.

Nō sunt ergo ista absurdissima, quæq; omnium mentes aspernentur ac respuant, nisi schismaticorum, hæreticorum, qui ea quæ Catholica credit et confitetur Ecclesia, aspernantur, respuunt, ac absurdissima iudicant. Sed priusquam uideamus quibus scripturis comprobet, ea ex diametro cum Christi uerbis & apertis scripturis pugnare, inquiramus & excutiamus fundamentum, cui Velsius innititur, ad demonstrandum Papam non posse esse im-

munem

munem ab errore. Vult enim Papam esse non posse immunem ab errore, si non sit immunis à peccatis & uitijs ac animi perturbationibus, uidelicet auaritia, uentris & uoluptatis studio, fastu, ambitione, inani gloria, ira, odio, & id genus uitijs, & cum eum à uitijs & peccatis nullo unquam tempore liberum necessario esse ostendere queamus, quod nec ab errore immunis sit, docere possumus.

Principio non dicitur à nostris, Papam non posse errare, ac à fide deficere, sed sedem Apostolicam ac Petri cathedram nunquam defecisse, nec unquam defecturam. Deinde quod affirmat in Papis hæc uitia regnare, non probat, nisi quod ex multis synodorum & conciliorum decretis & actibus, apertissimè dicit cognosci, quod eo ipso etiam tempore, quo hæc agerentur & decernerentur, & ijs ipsi adeo decernendis & agendis, alij ambitione, alij auaritia, alij alio quopiam scelere animum corruptissimum gesserint, cum quidem nihil non agerent, quo tyrannicum suum primatum, & supra alias Ecclesias iurisdictionem constituerent, nunc uerò in ijs toti decernendis essent, ut omnia tantum non orbis bona per fas nefasque inuaderent, & se suamque appellatam Ecclesiam, reuera autem Romuleam tyrannidem locupletarent, quorum historias cum dicit esse plenas, & ex iure Canonico id etiam lippis & tonsoribus esse notum,

## INTERROG. VEL. PROP.

Et nullam historiam adferat pro dictorum suorum confirmatione in medium, neque aliquem locum ex iure Canonico producat, respondere ei non ineptè possumus, quemadmodum S. Augustinus respondit petiliano. li. 2. contra literas eius cap. 51. Hæc non uides, non aliqua esse documenta, sed uana conuitia. Et iterum. Dicis quidem ista, nihil probans. Sed etsi de aliquibus probares, de his cæteris non præscriberes.

Porro ut donemus Velsio quorundam Pontificum (non enim de omnibus tam impie sentire audebit, ac tam temere pronunciare ut opinor) execrabilem uitam ac pessimos mores, ostendere tamen possumus, et hominem esse posse, ab errore ad fidem pertinente, liberum, qui tamen à uitij liber non sit, et spiritum sanctum per malos Pontifices regere Ecclesiam suam, et conseruare in fidei integritate. Qui enim oriri facit solem suum super bonos et malos, et pluit super iustos et iniustos, quid mirum si imbrē gratiæ suæ, in arenosum littus effundat? Quod nouum, si etiā ipsos cæcorum oculos, sui radij splendore feriat, ut et ipsi meritò cantare possint, quod infelix ille Baalam dixit. Homo (inquit) cuius obturatus est oculus, dixit auditor sermonum Dei, qui nouit doctrinam altissimi, et uisionem altissimi uidet, qui cadens apertos habet oculos. Ecce unde hic auaritiæ filius, tanta potuit magnalia cernere, et redem-

Matt. 5.

Num. 24.

demptionem mundi lōgiſſimè poſt futuram, tam expreſſè, tam lucidè nunciare, ſi ſpirituffancti præſentiam non habet? Sic enim egregius prædicator ait. Quis nouit quæ ſunt hominis, niſi ſpiritus hominis qui in ipſo eſt? Itaq; quæ Dei ſunt, ne-  
 mo nouit niſi ſpiritus Dei, præſertim cum & ea-  
 dem ſcriptura dicat, quia irruente in ſe ſpiritu Dei, aſſumpta parabola ait, uidelicet quod modò præmiſimus. Sed iſte Balaam, non ſolùm auarus, ſed etiam ſimoniacus fuit, & ſimoniata hæreſis in illo iam tunc uiguiſſe cognoscitur. Nam ſpiritus-  
 ſancti gratiam uendere conabatur, cum ad promiſſionem præcij ariolatus ſui depromebat oraculum. Sic enim ſcriptura teſtatur, quia ſeniores  
 Moab rogabant eum, habentes prætium diuinationis in manibus. Et ruruſus per alios nuncios miſit ad eum Balach filius Sephor dicens. Ne cūctes-  
 riſ uenire ad me, paratum honorare te, & quicquid uolueris dabo tibi. Amore quidem pecuniæ ſuccenſus æſtuabat, & tamen per eum ſpiritus-  
 ſanctus, profunda myſteria loquebatur. Balaam deniq; & Balach, uterq; Deo manifeſtè contrarius, uterq; Dei populo extitiſſe probatur infeſtus, donumq; diuinæ gratiæ, quod alter emere, alter uenditare nihilominus geſtiebat, at tamē Prophe-  
 ticæ reuelationis arcanum, & iſte extra meritum protulit, & ille utiq; indignus audiuit, atque ut magis largitatem diuini muneris admiremur, ma-

1. Cor. 2.  
 Num. 24.

Num. 22.

# INTERROG. VEL. PROP.

- Num. 23.** ledicere nitebatur Balaam, & tamen inuitus eodẽ trario benedicebat. Ad maledicẽdum (inquit) adductus sum, benedictionem prohibere non ualeo. Non solum ergo per hunc simoniacum Balaam spiritus sanctus est locutus, sed etiam, quod non minus stupendũ est, cum iam cor eius cõcupiscentiæ ignibus ureretur, Deus nihilominus ei per diem
- Num. 22.** atque noctem familiariter inuenitur locutus. Et ne fortassis idcirco spiritum sanctũ minus habuisse credatur, quia per Moysen appellatur ariolus, uigilanter eiusdem historiæ uerba percurrите, & eodem Mose perspicuẽ testante reperietis, quia
- Num. 24.** cum uidisset Israel in tentorijs commorantem, protinus in illum spiritus Dei irruit, & ut reuera Prophetam in uaticinij mox oraculum excitauit. Et ariolus ergo appellatur, & Propheta est, quia quem ad Propheticam dignitatem gratia superna prouexerat, obscœno ariolatus nomine propria prauitas deturbabat.

**Psal. 65.** Vbi considerate quàm profundum Dei sit atque subtile iudicium, imò quàm terribilis sit Deus in consilijs super filios hominũ, cum uidelicet mirabilis ille uir, neq; propter reatus sui nequitiam gratiã propheticam perdiderit, & tamen propter ipsam gratiã quam usurpabat indignus, diuinæ ultionis sententiã declmare non potuit. Quid ergo mirum, si omnipotens Deus, qui semper est, & mutari non potest, nihilominus antiqua exami  
nis

nis sui iura custodiat, & eandē assuetæ discretio-  
 nis regulā teneat, ut quod in Balaā fecit, hodieq;  
 in suis similibus non dissimiliter operetur, quate-  
 nus & prolargitæ clemētiae dona sua indignis ex-  
 hibeat, & pro censura iustitiæ digne eos ultionis  
 animaduersione percellat? Illud quoq; obscurum  
 non est, quod cū Saul direxisset lictores ad capi-  
 endum Dauid, atque iuxta fidē historiæ uidissent  
 cum ea prophetarū chorum uaticinātium, & Sa-  
 muel stantem super eos, factus est etiam in illis spi-  
 ritus domini & prophetare coeperunt. Cūq; Saul  
 secundo & tertio alios atque alios mitteret, & il-  
 los nihilominus spiritus propheticus inuasisset,  
 tandē (ut scriptura testatur) iratus ipse Saul abiit  
 in Ramatha. Sed antequam peruenisset, factus est  
 etiam super eum spiritus Dei, & prophetauit to-  
 ta die nudus cum ceteris coram Samuel. Quid er-  
 go mirū, si peruersi homines dona Dei, quibus di-  
 gni non sunt, ad cumulum suæ damnationis acci-  
 piant, cū Sauli isti, quem Deus abiecerat, quē dæ-  
 mon agitare consueuerat, sepißimē non modo spi-  
 ritum Dei ad horā suscipere, sed etiam cum suis  
 officijs concessum est diutius prophetare? Iracū-  
 diæ nempe felle cōmotus, & liuoris simul & odij  
 erat ardore succensus, atq; Deo uacuis, malo spi-  
 ritui fuerat infatigabiliter mancipatus. Tamen  
 cum ad locum chori uaticinantis accessit, repen-  
 te in eum diuinus spiritus irruit, & uelut apposti-

1. Reg. 19.



# INTERROG. VEL. PROP.

Ioan 3.

tam materiam ignis insiliens occupauit. Non ergo incredibile uideri debet, si in sancta Ecclesia (quæ proculdubio thron⁹ dei, sacrariū est spūssancti, oīmꝫ; cœlestiū charismatū est receptaculū) donū spūssancti, & indignus accipiat, quod nō dātis hominis uel accipientis est meritū, sed summi largitoris est beneficium. Non enim legitur, quia spūritus ubi dignum est, spirat, sed potius dictum est, ubi uult spirat, ut profectō spiritalis gratia, diuinæ potius uoluntati, quàm humanis meritis adscribatur. Enimuero spūritussanctus, nō pro meritis semper uenit. Et in ueteri testamēto Aaron & Eleazarus & Phines primi sacerdotes, uiri fuere sancti, qui tamen in sacerdotio multos habuerunt successores, qui Deo displicebant, et indigni erant sacerdotali dignitate, & tamen in genere præceptū est Iudæis in lege, nulla facta mentione, uel nullo habito delectu bonorū uel malorū sacerdotum.

Deu. 17.

Si difficile & ambiguum apud te, iudiciū esse prospexeris, inter sanguinem & sanguinem, causam & causam, lepram & non lepram, & iudicium inter portas tuas uideris uerba uariari, surge & ascende ad locum, quem elegerit dominus Deus tuus, ueniesq; ad sacerdotes Leuitici generis, & ad iudicem qui fuerit illo tempore, quæresq; ab eis, qui indicabunt tibi iudicij ueritatem, & facies quodcunque dixerint, qui præsunt loco, quē elegerit dominus, & docuerint te iuxta legem



legē eius, sequerisq; sententiā eorū, nec declinabis ad dexterā, neq; ad sinistram. Qui autē superbie rit nolens obedire sacerdotis imperio, qui eo tem pore ministrat domino Deo tuo, ex decreto iudi cis morietur homo ille, & auferes malū de Isra el, cunctusq; populus audiens timebit, ut nullus de inceptis intumescat superbia. Facies (inquit) quod a cunq; dixerint, qui præsunt loco, quem elegerit dominus, & docuerint te iuxta legem eius, seque risq; sententiā eorū, quia iudicabunt tibi iudici j ueritatē. Vnde & saluator in aduentu suo in hunc mundum de sacerdotibus Iudæorū (qui erant aua ri, superbi, ambitiosi, hypocritæ & symoniaci) di cebat ad plebem. Super cathedrā Moysi sederunt Scribæ & pharisei, quæ dicunt facite, quæ autem faciunt, facere nolite. Dicunt enim & nō faciūt.

Matt. 23.

Sed hic obstrepit nobis Velsius, futile uocans argumentū, quod de Scribis & Phariseis super cathedram Moysis sedentibus, à nostris adfertur in medium. Nam ex eo (inquit) nihil aliud confici potest, quàm ueram sanamq; doctrinā (à qua non recedendum esse, sessione super cathedram Moy sis, qui contestatus fuerat Israelē, ne quid ad uer bum, quod loquebatur ijs, adderent, nec auferret ex eo, sed integrè custodirent, secundū scripturæ loquendi modum allegoricum adumbratur) pro pter malos & uitiosos uerbi ministros, minimè hominibus aspernandam esse, nulla autem dogma

Deut. 4.

# INTERROG. VEL. PROP.

tizandi, & subinde noua decreta procudendi auctoritas colligatur. Haftenus Velsius.

Si nulla dogmatizandi & noua decreta procudēdi hoc dicto colligitur auctoritas, quare Christus dixit. Omnia quaecunq; dixerint uobis, seruate & facite, secundum opera uero eorum nolite facere. Dicunt enim & non faciunt. Alligant autem onera graua & importabilia, & imponunt in humeros hominum, digito autem suo nolunt ea mouere. Omnia (inquit) & quaecunq; (inquit) dixerint uobis seruate & facite. Quae dicebant, bona erant, quae uero agebant, mala. Dogmatizandi auctoritas in cathedra, praeciendi uero & decreta procudendi, pro ratione temporis etiā noua, in hoc designatur, quod Christus omnia dixit seruanda, quaecunq; dicerent. Porro ex hoc quod super cathedram Moysi sedebant, licet essent uitiōsi, cogebantur bona dicere, etiā non bona facientes. Vnde Aug. lib. 4. de doctrina Christiana; cap. 27. Postq̃ hāc domini uerba recitasset, subiūgit. Vnde ait & Apostolus. Siue ueritate, siue occasione Christus annūcietur. Christ⁹ autē ueritas est, & tamen etiā non ueritate annūciari ueritas potest, id est, ut prauo & fallaci corde, quae recta & uera sunt praedicentur. Sic quippe annūciatur Iesus Christus ab eis, qui sua quærunt, non quae Iesu Christi. Sed quoniam boni fideles, non quemlibet hominum, sed ipsum Deum obedienter audire

Phil. 1.

Philip. 2.

audiunt, qui dicit. Quæ dicunt facite, &c. Ideo audiuntur utiliter, qui etiam utiliter non agunt. Sua enim querere student, sed sua docere non audent, de loco scilicet superiore sedis Ecclesiasticæ, quæ sana doctrina cõstituit. Propter quod ipse dominus priusq̃ de talibus, quod cõmemorauit diceret, præmisit. Cathedram Moyfi sederunt. Illa ergo cathedra non eorum, sed Moyfi cogebat eos bona dicere, etiã non bona facientes. Agebant ergo sua in uita sua, docere autẽ sua cathedra illos non permittebat aliena. Multis itaq; prosunt dicendo, quæ non faciunt, sed longẽ pluribus prodeffent faciendo quæ dicunt. Bernardus sermone 66. in Canticis Canticorum. Super cathedram Moyfi sederunt Scribæ & Pharisei, & qui non obedierunt eis tanquam Episcopis, inobedientiæ rei fuerunt, etiam in ipsum dominum præcipientem & dicentem, quæ dicunt facite. Patet quãkis Scribæ, quãuis Pharisei, quãuis uidelicet maximi peccatores, propter cathedram tamen Moyfi, ad eos quoq; nihilominus pertinere, quod item dixit. Qui uos audit, me audit, & qui uos spernit, me spernit.

His ita pro responsione interiectis, id quod habebamus in manibus argumentum prosequamur.

De nequissimo Caipha interfectore saluatoris, Ioan. 18. inter cetera scribit S. Euangelista Ioannes. Hoc autem à semetipso non dixit, sed cum esset Pontifex anni

# INTERROG. VEL. PROP.

*fex anni illius prophetauit, ut cognoscatis spiritum sanctum datorem gratiarum, non personam sequi, aut digni aut indigni, sed propositum uoluntatis diuinae. Nunquid enim Caiaphas ille dignus fuerat, per quem spiritus sanctus, uiuifica mortis Christi mysterium loqueretur? Nam cum dixisset, expedit ut unus moriatur homo pro populo, et non tota gens pereat, protinus Euangelista subiungit, hoc autem a semetipso non dixit, sed cum esset pontifex anni illius prophetauit. Propheticum plane spiritum ad momentum accepit, non ut ipse quae uaticinabatur agnosceret, sed ad hoc potius, ut conspiratores suos, ad accelerandam mortem dominicam, auidius incitaret. Nobis nempe, non sibi uidit, et occultum sapientiae thesaurum, quem ipse ignorabat, aperuit. Cum alijs (inquit Theophilactus) Pontificatus dignitas erat corrupta, simul ac uenalitij facti fuerunt principes, nec ultra per omne tempus unus, sed duntaxat in annum unum, sacerdotio fungerentur, et quamuis ita corrupta foret dignitas, adhuc tamen adeerat gratia spiritus sancti operans in his qui uncti erant. Vnde colligitur, quod licet Caiaphas, sanctus non esset, imo atrocissimus Christi persecutor, et symoniacus, propter sanctitatem tamen pontificalis officij sui, gratiam illam habuerit a Deo, per quam prophetaret redemptionem, quae per Christum erat futura, cum tamen ille mysterium*

*suae*

sue Prophetiæ ignoraret. In manu quippe cæci,  
 positum erat lumen (ut Petrus Damiani inquit)  
 non quod ille conspiceret, sed alijs ministraret.  
 Non enim ex meritò ille propheticum spiritum,  
 sed ex ministerio, quo fungebatur, accepit. Re-  
 gnum nanq; & sacerdotiũ, à Deo cognoscitur in-  
 stitutum. Et ideo licet administratoris persona,  
 prorsus inueniatur indigna, officium tamen, quod  
 utique bonũ est, competens aliquando gratia co-  
 mitatur. Hinc est enim, quod Nabuchodonosor, Dan. 3.  
 postquàm tres pueros in caminum misit incendiũ,  
 quamuis alij plures adessent, solus tamen quartũ  
 (cuius species erat similis filio Dei) conspiceret po-  
 tuit. Nam oculos mentis eius, spiritus sanctus ape-  
 ruisse credendus est, ut quod alios latebat, solus  
 aspiceret, & quod aspexit, etiam ultro agnosce-  
 ret. Hinc Pharaos somniũ uidit, per quod uenturæ Gen. 41.  
 sterilitati, ne famis impatiens Aegyptus proflie-  
 geretur, occurrit. Hinc Abimelech, diuinæ allo-  
 cutionis oraculum meruit, & ut Saram uirò red-  
 deret, ne repenti moreretur, audiuit Reges enim Psal. 81. &  
 & sacerdotes, licet nonnulli eorum reprobi sint, 104.  
 per notabilis uitæ meritum, dii tamen & Christi, Ioan. 10.  
 dici reperiuntur, propter accepti ministerij sa-  
 cramentũ. Hinc est quod seruus Hebræus, dijs ap- Exod. 21.  
 plicari ex lege præcipitur, hoc est, sacerdotibus 22.  
 præsentari. Hinc alibi dicitur Dijs non detrahas, 1. Reg. 24.  
 id est, sacerdotibus ne deroges, Hinc Saul, cum & 27.  
 iam

## INTERROG. VEL. PROP.

- iam diuina sententia, regalis solij arce fuisset de-  
 Exod. 34. iectus, nihilominus adhuc Christus domini usque  
 ad obitum dicebatur. In lege quoque præcipitur,  
 ut omne primogenitum masculini sexus sanctum  
 Mal. 1. domini uocaretur. Sed si meritum cuiusque dili-  
 genter attenditur, nunquid Esau sanctus iure uo-  
 cabitur, de quo nimirum diuina uoce dicitur. Esau  
 2. Reg. 13. odio habui? Nunquid Amon sanctus erat, qui dum  
 in sororis concubitu impudenter exarsit, fratris  
 Absalon gladium ultorem uidelicet incestuosi cri-  
 4. Reg. 21. minis proprio sanguine madefecit? Nunquid Ma-  
 nasses, nunquid Ochozias rectè sancti dici pos-  
 1. Par 33. sunt? Quorum alter (scriptura teste) omnem cœ-  
 4. Reg. 1. li militiam coluit, alter dum Be'zebub Deū Ac-  
 caron de uitæ diuturnitate insuluit, miserando  
 exitu uitæ, in perfidiæ suæ desperatione conclu-  
 sit. Aliud nanq; est, ex uitæ meritis sanctum esse,  
 aliud ex ministerio conditionis dici.

Ex quibus perspicuum fit, non esse ridiculum  
 (quod tamen dicit Velsius) quod produximus de  
 Caipha, qui cum esset pessimus, tamen quia Pon-  
 tifex erat prophetauit. Hæc (inquit Euangelista)  
 ex semetipso non dixit, sed cum esset Pontifex an-  
 ni illius, prophetauit, quia Iesus moriturus erat  
 pro gēte. Sed ridiculum planè est, quod insinuat,  
 nos ex duabus particularibus propositionibus  
 aliquid conficere, aut in tertia figura particula-  
 re aliquid concludere. Nullus enim syllogismus à  
 nobis

nobis productus est, sed ipsam prophetiam Cai-  
phæ (quā à semetipso non habuit sed à spiritu san-  
cto, eo quòd esset Pontifex anni illius) duntaxat  
expendimus.

Porro quod asserit Velsus, ipsum Caipham  
ab errore in rebus religionis & fidei, uel eo etiā  
anno immunem non fuisse, ut quem patet multa  
perperam, & flagitiose decreuisse, nihil facit cō-  
tra nos, sed magis pro nobis. Si enim illū hoc pro-  
phetiæ dono dignatus est spiritus sanctus, q̄ mul-  
ta perperam & flagitiose contra Christum decre-  
uit, qui in rebus fidei & religionis errabat. (Nā  
ex uaticinijs prophetarum & miraculis ope-  
ribusq; Christi, Messiam suum agnoscere ac re-  
cipere debuerat) cur non dignaretur pontifi-  
ci Christianorum, licet peccatori & indigno  
suo dono adesse in dogmatum ueritate? Fit nanq;,  
ut rectè & benè quis doceat, & tamen uiuat ma-  
le. E contra nonnunquam contingit, ut uiuentes  
cum laude doceant peruersa, quales olim fuerūt:  
pœnitentiæ abnegatores Nouatiani uitæ sancti-  
monia admirabiles, et atroces in miseros peccato-  
res relapsos censores. Cæterum posse esse homi-  
nem uitiosum, qui tamē bene doceat, sanctus Pau-  
lus ostendit, dicens: Qui prædicas non furādum,  
furaris, qui dicis non mœchandum, mœcharis, q̄ Rom. 2.  
abominaris idola, sacrilegium facis. Et sancti do-  
ctores ac patres peccatores fuerunt (nam si dixe-  
rimus



## INTERROG. VEL. PROP.

rimus quia peccatum non habemus, nos ipsos seducimus, & ueritas in nobis non est) non tamen propterea statim oportet, & doctrinam eorum reprehendere, etiā si perditē uixissent, ut in Caiapha & Balaam monstratum est.

Multi quoque in primitiua Ecclesia, hoc donum spiritus sancti habebant, ut loquerentur uarijs linguis, quas nunquam ab homine didicerāt, multi item ut in nomine Christi prophetarent, et dæmonia ab obsessis corporibus eijcerent, & signa alia facerent, qui tamen operarij erant iniquitatis, quemadmodum liquet ex uerbis saluatoris apud Matthæum cap. 7. supra citatis. Spiritum enim sanctum indubitanter habuerant, qui uenientes ante tribunal iudicis clamant. Domine, nōne in nomine tuo prophetauimus? Quibus uidelicet illico respondetur: Discedite à me operarij iniquitatis, nescio uos. Qui nimirum dum se Prophetiæ spiritum habuisse testantur, & tamen repulsionis sententiam subeunt, patenter ostenditur, quia in quibusdam, neque propter prauitatem uitæ excluditur spiritus sanctus, neque propter spiritum sanctum, quo irruerentur abusi sunt, uita damnabilis excusatur. Sicut enim teste domino, nescimus unde ueniat, uel quò uadat, sic etiam scire nemo potest, uel quur aliquando, & in reprobos homines ueniat, atque per eos sua uoluntatis iudicium promat. Nam cum Apostolus dicat,

Ioan 3.

1. Cor. 6.



dicat, quia spiritalis homo iudicat omnia, & ipse à nemine iudicatur, quis iudicet ipsum spiritum sanctum, si & in prauos non abhorreat arcana, qua ipse nouit discretione descendere, qui etiam coessentialem & coeternum sibi Dei filiū noluit ex impiorum manibus liberare? Quid mirū, si spiritus sanctus aliquando in reprobos ueniat, cum & filius eiusdem cum eo naturæ atque potentie impiorum se manibus tradidit, & non solum se eorum uerberibus affici, sed & inferri sibi mortis atrocitā non contempsit? Denique quis sceleratior quā Iudas Scariothis, q̃ & fur erat, & oculos habebat, & ea quæ mittebantur portabat? Hic tamē cum ceteris Apostolis missus est à Domino, ad gratiam spiritalem dispēsandam, ad prædicandum uerbum Dei & Euangelizandū regnum Dei, & (ut multa paucis concludā) ad exequendum & perficiendū cuncta, quæ ad Apostolorū officium pertinebant. Et tamē rata esse permisit ea dominus, quæ ab illo gerebantur, non minus q̃ ea, quæ à ceteris Apostolis facta sunt. Ceterum est in sacramēto ordinis, quemadmodū etiā inferiūs declarabimus, gratia quædā, quæ operatur non tantum in bonis, sed etiam in malis sacerdotibus. Nā etsi mali sacerdotes spiritu careant quo ipsi sancti sint, spiritum tamen sanctum habent, qui ministerijs, quæ p̃ eos aguntur, adssistit. Vnde Amb. in Ep. st. 1. Cor. cap. 12.

## INTERROG. VEL. PROP.

*Sicut (inquit) idolorū imago, in ministris eorum est, ordinem suum habes per singulos gradus, totum tamen hominis est: ita & in lege dominica gradus charismatum sunt in Ecclesiæ officijs. Et iterum: In loco ordinis Ecclesiastici officij cōstitutus, gratiam habet qualisvis sit, non utiq; propriam, sed ordinis per spiritus sancti efficaciam.*

*Hæc itaq; & alia fortassis plura possemus in medium producere ad demonstrādum, etiā malos Pontifices spiritum sanctū docere posse Ecclesiam suam, ut non sit necessarium admittere fundamentum Velsi, quo uult Papam nō posse immunem esse ab errore, si nō sit immunis à peccatis. Sed tamē non est necessarium, ut ad has angustias cōfugiamus, cū à nobis nō dicatur, Papā nō posse errare, sed sedē Apostolicam, cathedrā Petri, Ecclesiam scilicet Romanā, nec defecisse, nec defecturā unq; à uera fide, & sana doctrina. A uitijs planè hanc sedem non defendimus, sed à defectu fidei eam liberam semp fuisse & futurā liberè profitemur. Nam eadem fides, quæ ab initio p̄ beatissimos Apostolos Petrū & Paulum in ea plantata est, & quæ à successoribus beati Petri prædicata est, quorum plurimi pro confessione catholice fidei martyrium ptulerunt: multi autem alij, & sanctitate conuersationis, & celestibus doctrinis Ecclesiā uehementer illustrarunt, eadem (inquit) fides usq; in hodiernum diem*

in ea prædicatur & tenetur, adiuuante apud patrem illa Domini nostri Iesu Christi interpellatione, de qua ipse dixit ad Petrum. Ego rogaui pro te, ut non deficiat fides tua. Quod utique non dicebat peculiariter de illa fide, quam Petrus habebat in mente sua, sed de fide Ecclesiæ, quam uoluit gubernari à Petro. Vnde etsi quando contigit aliquem summorum Pontificum à fide catholica deuiare ac errare, non diu permisit Dominus eiusmodi Pontificem permanere, ne forte per ipsum Ecclesiæ corrumpereetur. Quod si dixerit Velsius Ecclesiam Romanam ita corruptam esse, ut nunc in ea aliud credatur & doceatur, quàm quod credidit & in ea docuit beatus Petrus, & illius successores, de quibus dubium non est, quin sancti fuerint, ostendat nobis in ueritate, quid sit illud in quo discordet ab illorum fide & prædicatione, & quid sit illud, quod illi crediderunt, & quod nunc, quantum ad fidem attinet, non suscipiatur à successoribus illorum. Sed in ueritate non poterit, quia dominus noster Iesus Christus, inter multas procellas persecutionum & oblationes hæreticorum, incorruptam adhuc conseruauit fidem catholicam in sede illa Apostolica, & conseruabit usque in finem.

Ex quibus manifestum euadit, falsum esse, quod Velsius ait, dictum Christi ad Petrum: Ego rogaui pro te, & cætera, ad Petrum peculiariter

# INTERROG. VEL. PROP.

dictum esse, & ad ipsius fidem non defecturam  
proprie pertinere.

Siquidē licet contendentibus inter se Aposto-  
lis quis eorum esset maior, pleraq; dixisset ad o-  
mnes quibus carnalem adhuc eorum ambitionē  
reprimeret, & uni quidē Simoni dixerit. Ego  
autē rogavi pro te, ut non deficiat fides tua, &  
tu aliquando conuersus, confirma fratres tuos,  
uni Simoni denunciauerit fratrum & Ecclesie  
periculum, dicit enim: Ecce Sathanas expetiuit  
non te, sed uos, ut uentilaret. Et quāuis oēs sint  
expetiti à Sathana, & pro uno Petro singulari-  
ter rogauerit, dicens: Ego autem rogavi pro te,  
ut non deficiat fides tua. Non dicēs: Rogavi pro  
uobis, ut nō deficiat fides uestra, sed rogavi pro  
te, tamen in Petro etiam cōprehenditur illius ca-  
thedra, & intelligitur unius Ecclesiasticæ hie-  
rarchiæ præsidis, atq; eius cathedræ, ea in re sin-  
gulare priuilegium statutū. Nā subindicans, cu-  
ius esset in subortis eiusmodi dubitationum flu-  
ctibus, & hereticæ persecutionis procellis ac tē-  
pestatibus, fluctuantes in fide fratres confirma-  
re. Et tu (ait) aliquando conuersus confirma  
fratres tuos, insinuans ad autoritatē Petri & ea-  
ius cathedræ pertinere, dubia & controuersias,  
quæ inter Christianos de fide, lege, religionēq;  
Christi quomodolibet oriuntur, definire. Vni er-  
go Petro, atq; eius cathedræ Christus sua oratio  
ne pri-

ne priuilegium hoc impetrauit, ut ad fratres confirmandos in fide non deficeret eius fides. Nā illa Christi oratio haud quaquam pro illo statu & tempore ad Petrum pertinuisse uidetur, qui non multò post Christum ter abnegauit, sed magis ad sequentem statum Ecclesiæ, cum abiens à nobis Christus in cælum, Petrum super uniuersam familiam suam pastorem cōstituit, quā eius curæ etiam tertio repetita diligenter cōmendatione commisit. Quod ipsum eisdem ipsis uerbis satis innuit, dicēs: Et tu aliquādo conuersus, innuēs uidelicet eū prius defecturū in fide, sed deinceps eius fidem & cathedræ, nō defecturam aliquando ad Ecclesiæ cōfirmationem. Quod itaq; hic Christi oratione sua, uelut singulare priuilegiū uni inter Apostolos Petro, Ecclesiastica domus ueluti patrifamiliās impetrauit, ad successionis eius cathedram porrigendum est, quemadmodum superius circa interrogatoriū tertium ex Felice, Leone, Bernardoq; comprobauimus, quibus potius fides adhibenda est, quàm Velsio.

Non possum prætermittere, quā hoc loco impudentiā ac inuerecundiā Velsij, hominis perfrectæ frontis ob oculos ponā, qui nō ueretur apertissimo mendacio principi sacerdotum detrudere. Dicit enim ipsum tyrānicam planè potestatem in hominū animas, seruatoris nostri Christi sanguine pretiosissimo redemptas impudenter sibi

## INTERROG. VELS. PROP.

uendicare, cum Dist. 40. ad Luciferanam suam tyrannidem confirmandam & augendam intentus, propalam asserere ausit, neminem sibi contradicere debere, etiamsi infinitas animas ad inferos secum in aeternum cruciatum manifestè traiberet, quæ meritò incarnati diaboli, non hominis uox uideatur. Hæc ille.

Ego certè totam illā distinctionē à principio usq; ad finem diligenter perlegi, & tamen illa uerba inuenire non potui, quæ Velsus Papæ adscribit, q̃ asserat, neminē sibi cōtradicere debere, sed inueni hæc uerba ex dictis Bonifacij martyris: Si Papa suæ & fraternæ salutis negligens deprehenditur, inutilis & remissus in suis operibus, & insuper à bono taciturnus, quod magis officit sibi & omnibus, nihilominus innumera-  
rabiles populos, cateruatim secum ducit primo mancipio gehennæ, cū ipso plagis multis in aeternum uapulaturus. Huius culpas istic redarguere præsumit mortaliū nullus, q̃a cunctos ipse iudicaturus, à nemine est iudicandus, nisi deprehēdatur à fide deuius, pro cuius ppetuo statu uniuersitas fidelium tanto instātius orat, quanto suam salutem post Deum, ex illius incolumitate animaduertit propēsius pendere. Hactenus ibi. Vbi quæso hīc audis Papā asserere, neminē sibi cōtradicare debere? Hæccine est Velsii demonstratiua, scientifica, ex indubitatis notionibus & principijs.

*plis, ac diuinitus traditis oraculis probatio?*

Sed pergit Velsius & ratiocinatur, dicēs: Ab omni ratione alienum est, qui soli Deo debetur honor, quod nec gētiles ignorarunt philosophi, unīq; inter homines Christo, ut qui non solū homo, sed & Deus sit immortalis, ab omni errore liberum esse, ac proinde ueritatis doctore ac magistrum unicum, ut ex ipso, qui mentiri nō potest, apud matthæum didicimus, eū homini mortali & caduco, multis uarijsq; perturbationibus ac saepe uitijs obnoxio, quæ mentem, ut omnibus in confesso est, obnubilant, ueritatisq; uidendæ uim eripiunt, tribuere, & eū errare non posse, nec à fide deficere, quatenus nimirum pontifex sit, & super cathedram Petri (ut ipsi loquūtur) sedeat, ac pastorale munus exerceat, cōstituere. Neesse enim omnino fuerit, ut uel eo certè tempore, & secundū eam saltem functionem, aut ab omni peccato absolutum eum & liberum ostendant, aut etiā hic errare posse consiteātur, quod fieri nequeat, in quo sit erroris causa, & quidē continens, in eodem non simul & error inueniatur. Hæc ille.

Primò nos haudquaquam illum honorem, qui soli Deo unīq; inter homines Christo uero homini & Deo immortalis debetur, tribuimus homini mortali & caduco, sed confitemur dominum nostrum Iesum Christum unicū esse ueritatis docto



## INTERROG. VEL. PROP.

rem ac magistrum, ab omni errore liberū, ut ex ipso (q̄ mentiri non potest) apud Matthæū didicimus. Vos (inquit) nolite uocari Rabbi. Vn<sup>o</sup> est enim magister uester, oēs autē uos fratres estis. Nec uocemini magistri, q̄a magister uester unus est Christus. Vnus est magister uester, uidelicet qui omnes homines naturaliter docet. Si enim homo hominem erudiret, omnes homines discerent quod habent doctores. Nūc autem quia non homo docet, sed Deus, multi quidem docentur, pauci autem discunt. Homo enim non intellectū præstat homini docendo, sed à Deo præstītū per admonitionem exercet. Christus ergo natura magister est, quia ipse oēs per intelligentiæ lumen inter ius docet. Porro quemadmodū unus per naturam De<sup>i</sup> filius non præiudicat cæteris, ne per adoptionem filij Dei uocentur, ita & unus magister non præiudicat alijs, quo minus suo modo ministerialiter uocentur magistri. & hoc ex cōsortio, & sub magisterio unici & ueri magistri.

1 Tim. 2. Vnde Paulus ad Timotheum ait: Veritatē dico, non mentior, doctor gentium in fide & ueritate. Et iterū: In quo (scilicet Euangelio) posui sum.

2. Tim. 1. ego prædicator & apostolus, & magister gentium. Quod autem dominus ait: Vos autē nolite uocari Rabbi, tācum est ac si dixisset, ne uelit, ne concupiscatis. Siquidem uocari ab alijs magister aut Rabbi non est in potestate nostra, sed uo-



cantium. Non enim prohibetur aliena actio, sed propria, ac per hoc non uocari prohibetur, sed affectus ad nominis gloriam. Non prohibet Dominus uocari, sed uelle uocari.

Non est ergo absurdum ac inconueniens homini mortali ac caduco magisterij nomen tribuere, saluo honore Christi, qui quomodo unus sit magister noster, abunde expositum est in confutatione Apologie Velsii. Quod autē subiungit Velsius, nos Papæ tribuere quod errare non possit, nec à fide deficere, quatenus nimirū Pontifex sit, & super cathedram Petri sedeat, ac pastorale munus exerceat, falsum esse ostendimus: Nō enim dicimus Papā errare nō posse, sed cathedram Petri Romanam Ecclesiā errare nō posse. Et tamen quia propter sanctitatē pontificalis officij potest à Deo accipere gratiā ampliorē, quemadmodum de Caipha suprā dictū est, non esse necesse, ut ostendamus eum, uel eo certē tempore, & secundum eam saltem functionē ab omni peccato absolutum & liberum, si non debeat errare, cum Balaam avarus & simoniacus non solum nō errauerit, sed & præclara uaticinia adiderit. Sed fieri nequit (ait Velsius) in quo sit erroris causa & quidē continens, in eodem nō simul & error inueniatur. Erroris autē causæ nō solum antecedentes, sed etiam continentes animi perturbationes sunt, uitia & peccata. Nam pri-

## INTERROG. VEL. PROP.

mum quidem de auaritia, sic apud Paulum legimus. Caterum qui uolunt ditescere, incidunt in tētationem & laqueum, &c. Ex quibus perspicue cognoscere est, Paulū continentē causam omnium malorum (radicem enim eam nominat) sed & aberrationis à fide, pecuniæ studium & auaritiam, censere à spiritu sancto sic edoctum. Sed stultissima est hæc argutatio Velsii. Cui causa inest, & effectus. An nescit rectè seq: Effectu posito, necesse est causas proprias esse uel fuisse, sed non consequi, qualicūq; causa posita, statim adesse effectum? An nescit plusq̃ 12. diuisiones esse causarū? Sunt siquidē causæ per se, sunt causæ p accidēs. Et tñ ne causis quidē p se possitis, necesse est semper effectū adesse, sed tātum causis per se positis in actu cum cæteris, necesse est sequi effectum. Et in genere causæ efficiētis, sunt causæ naturales, sunt uoluntariæ. In uoluntarijs, quæ ex uoluntate prodeunt, non seqtur effectus necessario, sed suspenditur uel coartatur ad certam speciem secundum deliberationem uoluntatis. Sunt causæ totales, sunt causæ partiales. In partialib⁹ ubi nō una tantum, sed multæ causæ cōcurrunt, ad positionē causæ, etiā naturalis, insitæ ui naturæ agentis, non sequitur effectus. Sic sunt causæ aliquæ propinquæ, aliquæ remotæ. Posita causa remota in subiecto, nō sequitur effectus. A postolo docet radicē omnium malorum esse cupiditatem

tē, & fieri ut interdum quidam eam appetētes, errēt à fide. Hinc uerò inferre, ergo omnis cupidus errat in fide, est insanire. Nam rapi cupiditate nō est causa totalis hærēsis, nec causa per se sola, nec naturalis, nec propinqua, quomodo ergo Velsus inferret ex hac causa, Pontificē Romanū cupiditatis uitio laborantē (ut demus talem aliquē fuisse, & si interim id nō esset uitium pōtificatus, sed personæ) ob id sequi necessariò omnē pōtificem Romanū errare in fide. Radix omnium criminū est concupiscentia, hærēs in mēbris nostris, & tamen ob id non omnes omni genere criminū sumus contaminati. Et qui in regeneratis reliquus est peccati fōmes, radix est omnis peccati actualis, quod post baptismū committitur, & tamen nō sequitur, quòd ob id in baptizatis à baptismo adsint continuò peccata omnis generis, cum diuinæ literæ testentur, baptismo ablui & tolli omnia peccata, & si maneat fōmes.

Præterea hærēsis uel secta distinguitur contra luxuriam, auaritiā, & reliqua peccata, quæ Paulus enumerat ad Galatas cap. 5. & dicit esse opera carnis, non habent ergo easdem causas immediatas.

Et Apostolus arguit Corinthios, quòd cōmunicarunt cū fornicarijs & auarīs. 1. Corinth. 5. & 6. Interim tamē non solum Corinthios cōmunicantes sceleratis, sed ipsos etiā sceleratos,

## INTERROG. VEL. PROP.

intus esse dicit. Nónne (inquit) de ijs, qui intus sunt, uos iudicatis? Quod nemo dixerit de hæreticis, qui cū ex nobis sint, ex nobis exierūt, intelligi posse. E quo dicto quoq; Paulino Lutherus confutatur, qui finxit, quod quisquis in mortali peccato est, is statim excommunicatus sit. Nam fornicatores & auaros Christianos intus in Ecclesia esse dicit Paulus. Confutatur quoq; Lutheri discipul<sup>9</sup> Velsius, q in responsione ad interrogatorium uigesimū fol. 77. falsò dicit, foeneratores, auaros, rapaces, blasphemos, periuros, ebriosos, gulosos, adulteros, scortatores, & id genus hominū colluuiē, omnes de facto excommunicatos esse, & tales, cū quibus Paulus iubeat ut ne cibum quidem capiamus, quosq; negat regni Dei hæredes futuros. Sed hoc suo loco.

1. Cor. 5.  
Gal. 5.

Ad hæc Apostolus expressè inquit 1. Cor. 13. Et si habuero omnem fidem, ita ut mōtes transferam, charitatem autem nō habuero, nihil sum. Poteest ergo esse in homine peccatore charitate destituto uera fides, quia dicit, si habuero omnē fidem, quam peccator habere potest absq; charitate. Porrò hunc locū non de uulgari fide, sed de sincera, integra et solida intelligendū esse, docent Origenes, Gennadius & Theophylactus. Videant ergo, qui eam à charitate non distinguūt, quàm rectè sentiant. Caterū si peccator charitate uacuuus potest habere uerā & solidam fidē,  
imò

imò tantā, qua possit montes transferre, cur nō possit ambiguitates & quæstiones in fidei negotio obortas resolvere ac definire? Deinde nō statim, quod quis ædificat super fundamentū (quod est fides) lignum, scænū, stipulā, eo ipso amittit **1. Cor. 3.** fundamentum. Feret is quidem suā poenā (si poenituerit) temporalē, sed ipse saluus erit, quod de hæretico dici nō potest, in æternum damnato & damnando, nisi redeat ad ueram fidem Ecclesiæ. Libenter fatētur omnes sancti se peccatores, sed interim nolūt hæretici esse. Orat Chrysostomus communicaturus in Missa, appellans Christum: Neq; (inquit) osculum tibi dabo, quemadmodū Iudas, sed ueluti latro ille cōfitebor tibi. Memēto mei domine, cū ueneris in regnum tuum.

Hoc non animaduertit Velsius, Paulū non dicere: Radix omnium malorū est cupiditas, quā omnis qui appetit, errat à fide, sed quam quidā appetentes errauerunt à fide, quē in modū quoque in eadem epist. cap. 1. inquit.

Hoc præceptum cōmendo tibi fili Timothee, **1. Tim. 1.** secundum præcedentes in te prophetias, ut milites in illis bonam militiā, habens fidem & bonā consciētiam. Quam quidam repellentes, circa fidē naufragauerunt. Quidā (inquit) non omnes. Falsum est ergo quod Velsius dicit hoc Pauli pronunciatum esse uniuersale. Nam licet cupiditatē dicat omnium malorū radicem, tamen ab hac ra-  
dice

## INTERROG. VELS. PROP.

Matt. 6.

dice non oriūtur semper in avaro actu omnia alia peccata, ita quod necesse sit avarum infidelē esse, aut hereticum. Deinde quæ adfert ex Euangelio Matthæi, sicut nihil faciūt cōtra nos, ita nihil prorsus pro Velsio. Ibi enim Dominus dehortatur nos ab auaritiæ studio dicens: Nolite thesaurizare uobis thesauros in terra, &c. Quod uerò sequitur. Lucerna corporis tui est oculus tuus. Si oculus tuus fuerit simplex, totū corpus tuū lucidū erit. Si autē oculus tuus fuerit nequā totū corpus tuū tenebrosū erit. Si ergo lumen quod in te est, tenebræ sunt, ipsæ tenebræ quantæ erunt? ita accipiendū est ut per oculum interiorē, & corpus morale nouerimus designatā rationem illuminatricē ac directricē, quia signatum est super eā lumē uultus diuini siue hominis intentionē & uniuersitatem seu congeriē operū. Ratio enim illuminata, uel intētio recta multo melius hominē dirigit in agēdo quā lucerna corporea corporis oculū in eūdo. Si ergo oculus tuus fuerit simplex, hoc est, ratio nō puerfa, & intentio bona, totū corpus tuum, id est, congeries operum tuorum erit lucida, pura & splendore uirtutum ornata. Si autē oculus tuus nequā fuerit, si intentio obliqua, & ratio errabunda, totum corpus tenebrosū erit, quia opera tua erunt cōmaculata & uitiosa. Si ergo lumē quod in te est tenebræ sint, id est, si lumē rationis tuæ

tenebris

tenebris ignoratiæ & peccatorū ita obnubilatur ac obscuratur, ut ipsa quoq; intentio perueratur, ipsæ tenebræ, ipsa peccata (quæ rectè dicuntur opera tenebrarū) quanta erunt? Erūt enim duplici iure uitiosa, primò quidē, quia in se mala sunt, deinde q̃a ex praua intētione facta sunt. Sed nemo (inquit) potest duob⁹ dominis seruire: aut enim unum odio habebit, et alterum diliget, aut unum sustinebit, & alterum contemnet. Nō potestis Deo seruire & māmonæ. Ex quibus inferunt Velsius, obtenebrationis mentis, uniuersiq; animi pecuniæ studium (ut quod ad inferiora ista detrahens, auaritiæ sordibus totum eum op̃pleat) causam à Christo constitui. Neq; uerò leuem, sed grauissimam, cum dicat, Ergo si lumen quod in te est, tenebræ sint, ipsæ tenebræ quante erunt? Verū de quibus tenebris loquatur dominus, iam explicatum est. Esse autem pecuniæ studium causam obtenebrationis mentis, uniuersiq; animi, ad sensum expositum libenter, admittimus. sed quod in omnibus qui pecunijs congregandis student, sit causa aberrationis à fide, nunquam comprobabit Velsius.

Sed et quod dominus ait: Neminē posse duobus dominis seruire, &c. qd hoc facit ad propositū? Non enim loquitur de credulitate siue incredulitate, sed fidei fundamento iam præiactō, & tanquā pro cōfesso ab omnibus habito, de sua  
per



## INTERROG. VEL. PROP.

per ædificandis bonis operibus, nimirum de ip-  
sius Dei famulatu, & seruitute differit. Nemo  
enim (inquit) potest duobus dominis seruire.  
Nō autē ait: Nemo potest in duos dominos cre-  
dere, sed nemo potest duobus dominis seruire,  
qui quum adinuicē contrarij sint, contraria &  
pugnantia iubent. Duobus autē inter se dissi-  
dentibus dominis, & contraria iubentibus seruire  
& obtemperare, est impossibile.

Quod deinde adfert Canonem 80. Apostolis  
attributū, libenter amplectimur, et omnino cen-  
2. Tim. 2. semus in Ecclesiā reuocandū, cui cōsentit S. Pau-  
lus in epist. ad Timotheū dicens: Nemo militās  
Deo implicat se negotijs secularibus, ut ei place-  
at, cui se probauit. Quò etiā respicit Clemenis  
autoritas. Si enim quis mundialibus curis fuerit  
occupatus, non tam plenē atq; perfectē singulis  
quibusq; distinguere potest, quæ ad salutē perti-  
nent, quæadmodum ille qui liber & expeditus à  
negotijs secularibus, officio suo diligenter inuen-  
dit. Porro & si propter studium auaritiæ quis  
impediatur, quo minus cōmodē ueritati inueni-  
endæ, cognoscendæ ac docendæ simul intētus sit,  
non tamen inde conficitur, eum necessariò erra-  
re in fide & naufragium pati.

Quod etiam adfert de uentris & uoluptatis  
studio, de fastu quoq; ambitione & inanis glo-  
riæ cupiditate, quid quæso faciunt ad rē? Mirū  
pla-



planè est Velsū tantum Philosophum, eundēq; Platonium, quo hoc seculo, uel suo iudicio, non sit superior alter, concupiscentiam carnis & oculorū, ignorasse alias habere causas propinquas, quā habeat error in fide. Illa enim sunt, uitia appetitus concupiscibilis appetente per infirmitatem uoluntate.

Error autem in fide, seu hæresis, ex mero præuo iudicio rationis, & electione corruptæ uoluntatis. Dicta est enim hæresis ab electione, quoniā unusquisq; eligit sibi sententiam, quam putat esse meliorem, secundum sanctū Hieronymum in epistola ad Galatas.

Quæ ex Ioanne citat Christi uerba, dicentis ad Ioan. 5. Iudeos. Quomodo uos potestis credere, qui gloriam abinuicem accipitis, & gloriam quæ à solo Deo est, non queritis? non ostendunt, fieri nulla ratione posse, ut in quo ambitio, honorumq; esset contentio, eum credere ac rectè de religionis ueræ ac fidei negotio constituere ualere. Multos enim uidemus ambitiosos & arrogantes, ueram & Catholicam fidem habentes, qui etiam plerumque contra aduersarios fidei miro ac feruenti zelo armantur, eamq; scriptis & prædicationibus defendunt, recteq; negotia fidei & religionis tractant, qui tamen, quum sint ambitiosi, honoresq; affectant mundanos & humanos, duntaxat mortuam fidem habent, uacui charitate. Quamdiu er

## INTERROG. VEL S. PROP.

go in ambitionis ac uanae gloriae peccatis permagent, credunt quidem fide informi, non tamen possunt credere, fide formata uiua & operatoria. Vel dicendum est Christum illa uerba dixisse Iudaeis incredulis, qui ideo credere non poterant in Christum, quia cum superba mens eorum, gloriam & laudem appeteret humanam, & messyam suum crederent in gloria & maiestate regia temporaliter regnaturum, in Christum (qui pauper & abiectus erat in hoc mundo) credere non poterant. Nam (ut Theophylactus ait in persona Christi loquens) principes quidem & magistri, ipsi soli uolentes haberi apud uulgus, non accipient me, ne imminuatur eorum gloria. Populi autem, quaerentes diligere a principibus, non me accedere uolunt, ut ne excidant, propter me, ab honore, quem a principibus habent. Vnde apud eundem Euangelistam scribitur. Multi ex principibus crediderunt in eum sed propter phariseos non confitebantur, ut de synagoga non eijcerentur. Ista ergo fuit causa, cur Iudaei in Christum non crederent, nimirum, ne gloriam quam abinuicem querebant, amitterent, inde tamen non conficitur, eum qui in Christum iam credidit, propter ambitionis uitium & gloriae studium, continuo in fide errare, atque ab ea deficere.

Ioan 21.

Iam uero (inquit Velsius) quod & ira & odium consimili ratione, homines in tenebris constitutos esse faciant, Christo dilectus discipulus nos docet inquit.

1. Ioan. 2.

inquirens. Qui dicit se in luce esse, & fratrē suū odit, in tenebris est usq; adhuc. Qui diligit fratrē suū in lumine manet, & offendiculum in eo nō est. Qui autem odit fratrum suum, in tenebris est, & in tenebris ambulat, & nescit quo eat, quia tenebræ obcæcauerunt oculos eius. Atq; hinc quidem perspicuum esse arbitror, quod hæc & id genus alia uitia & peccata, erroris & in fide naufragij causæ sint, quibus nō sublati, nec illa tolli posse perspicuū est. Iā ut dissimulem, Orestis quoddā somnium uideri, eam subito in Papis, fieri posse metamorphosim, ut quoties pastorale munus obeant, ab omnibus liberi et immunes protinus reddantur perturbationibus et peccatis, et sic ab ignorantia unidicetur et errore. Haftenus ille. Sed sciendū est hoc loco dilectū Christo discipulū, nō loq̄ de tenebris infidelitatis & erroris, sed peccatorū. Nā in scripturis sanctis p̄ tenebras designatur nonnūq̄ uitia & peccata, quæadmodū hoc loco, et in epist. 2. Cor. 6: ad Corinth. ubi dicit Paulus. Quæ societas luci ad tenebras? Atq; in Psalmo. Fiat uia illorū tenebræ & lubricū. Qui ergo dicit se in luce esse, et fratrē suū odit, est usq; adhuc in tenebris peccati nimirū odij, & in tenebris peccatorū ambulat, q̄a omnia peccata tenebræ sunt, quæ Paul⁹ rectē appellat opera tenebrarū dicens. Abijciamus opera tenebrarū, quòd de tenebris ignorantie & malitie proficiscantur. Nā omnis malis ignorans, tum etiam

2. Cor. 6:  
Psal. 34.

Rom. 13

*separant, vel hæreticos vel schismaticos merito censer.*



Anctus Pet. apost. in priore epistola sua c. 3. dicēs: in diebus Noë cum fabricaretur arca, in ea paucos. i. octo animas saluas factas per aquā, & affirmās fideles similis

formæ saluos facere baptisma, insinuasse uidetur, arcā illā typum gessisse Ecclesiæ. Vnde S. Cyprianus de simp. præl. Illius (nimirū Ecclesiæ) factu nascimur, illius lacte nutrimur; spiritu eius animamur. Adulterari non potest sponsa Christi, incorrupta est & pudica. Vnam domum nouit, unius cubiculi sanctitatē casto pudore custodit. Hæc nos Deo seruat, hæc filios regno, quos generauit, assignat. Quisquis ab ecclesia segregatus, adulter & iugitur, à promissis Ecclesiæ separatur. Nec pertinet ad Christi præmia, qui relinquit Ecclesiam Christi. Alienus est, prophanus est, hostis est. Habere iam non potest Deum patrem, qui Ecclesiam non habet matrem. Si potuit euadere, qui extra arcam Noë fuit, & qui extra Ecclesiam foris fuerit, euadit. Monet dominus & dicit: Qui non est mecum, aduersus me est, & qui non mecum colligit, spargit. Qui pacem Christi & concordiam rumpit, aduersus Christum facit. Qui alibi præter Ecclesiam colligit, Christi Ecclesiam spargit. Et in sermone de spiritu sancto. Arcam illā, quæ

Matt. 7

# INTERROG. VEL. PROP.

typum gerebat Ecclesiæ, spiritus sanctus & tunc regebat, & adhuc regit, extra quā, quisquis perfidus euagatur, inuolutus fluctibus mergitur in profundum & impossibile est eum uiuere, cui nō superfertur spiritus uitæ cuius uiuificus calor animat omnia, & fouet, & prouehit et fecundat. Et libro primo epist. 6. Quod item circa Raab, quæ ipsa quoque typum portabat Ecclesiæ, expressum uidemus, cui mandatur & dicitur. Patrē tuum & matrem tuam, & fratres, & totam domum patris tui, colliges ad te ipsam in domum tuam, & omnis qui exierit ostium domus tuæ foras, reus sibi erit. Quo sacramento declaratur, in unā domum solam, id est, in Ecclesiam uicturos, & ab interitu mundi euasuros colligi oportere. Quisquis autē de collectis foras eiecerit, id est, si quisquam in Ecclesia gratiam consecutus recesserit, & ab Ecclesia exierit, reum sibi futurum, id est, ipsum quod pereat imputaturum. Hieronymus in episto. ad Damasum. Quicumque extra hanc domum agnum comederit, prophanus est. Si quis in arca Noë non fuerit, peribit regnante diluuius. Lactantius libro 4. diu. instit. ca. 30. Sola Catholica Ecclesia est, quæ uerum cultum retinet. Hic est fons ueritatis, hoc est, domiciliū fidei, hoc templum Dei, quo si quis non intrauerit, uel à quo si exiuerit, à spe uitæ ac salutis æternæ alienus est. Neminem sibi oportet, pertinaci concertatione blandiri.

blandiri. Agitur enim de uita & salute, cui nisi cautè & diligenter consulatur, amissa & extincta erit. Sed tamen quia singuli quique cœtus hereticorum, se potissimum Christianos, & suam esse Catholicam Ecclesiam putant, sciendum est illam esse ueram, in qua est religio, confessio, & poenitentia, quæ peccata & uulnera, quibus est subiecta imbecillitas carnis, salubriter curat. Aug. episto. 50. ad Bonifaciũ comitem. Iustus hic nemo iustitia sua, id est, tanq̃ sibi à seipso facta, sed ut dicit Apostolus, sicut unicuique Deus partitus est mēsuram fidei, sequitur aut̃ & adiungit. Sicut enim in uno corpore multa mēbra habemus, omnia aut̃ mēbra non eosdē actus habent, ita multi unū corpus sumus in Christo, ac p̃ hoc nemo poterit esse iustus, quādiu fuerit ab unitate huius corporis separatus. Quemadmodũ enim membrũ si præcidatur ab hominis uiui corpore, nō potest tenere spiritũ uitæ, sic homo qui præciditur de Christi iusti corpore, nullo modo potest sp̃m tenere iustitiæ, etiā si figurā mēbri teneat, quā sumpsit in corpore. Et iterũ ibidē de Donatistis loquēs. Multo magis isti, eũ (nimirũ spiritũ sanctũ) nō acceperunt, ubi à corporis cōpage diuisi, quod solũ corpus uiuificat sp̃s S. extra ecclesiã, & cōtra ecclesiam, ecclesiæ sacramēta tenuerũt, et tanq̃ civili bello nostris cōtra nos erectis signis armisq; pugnauerũt. Et circa finē. Nō quærāt (inqt) sp̃m S. nisi in

Rom. 13.

# INTERROG. VEL. PROP.

1, Cor. 10.

Rom. 5.

Iud. 1.

Christi corpore, cuius habent foris sacramentū, sed rem ipsam nō tenēt intus, cuius est illud sacramentū, et ideo sibi iudiciū māducāt et bibūt. Vnus enim panis sacramētum est unitatis, quoniā sicut Apostolus dicit: Vnus panis, unum corpus multi sumus. Proinde Ecclesia Catholica sola est corpus Christi, cuius ille caput est saluator corporis sui. Extra hoc corpus neminem uiuificat spiritus sanctus, quia sicut ipse dicit Apostolus. Charitas Dei diffusa est in cordibus nostris per spiritū sanctū, qui datus est nobis. Non est autem particeps diuinæ charitatis, qui hostis est unitatis. Non habent itaq; spiritum sanctum, qui sunt extra Ecclesiam. De illis quippe scriptum est. Qui seipso segregant, animales, spiritum non habentes.

Quæ cum ita sint, merito censentur hæretici uel schismatici omnes illi, qui se ab ea destinata mentis alienatione separant. Dixi autem destinata mentis alienatione, quia error in fide non facit hæreticum, sed destinata mentis electio ac alienatio. Nam hæresis Græcæ, autore Hieronymo, ab electione dicitur, quòd scilicet unusquisq; sibi eligat, quod ei melius esse uideatur. Quod ante eum Tertullianus, in libro de præscrip. hæret. asseruit, dicens, hæreses dictas Græca uoce, ex interpretatione electionis, qua quis ad instituendas, siue ad suscipiendas eas utitur. Solet etiam communiter dici, errorem non facere hæreticum, sed pertinaciant.



ciam. Porro schismaticus ille reuera est cēsendus, qui destinata mente unitatem diuidit ac rumpit Ecclesiæ, q̄ capiti Ecclesiæ se subdere recusat, & cōiungi alijs Ecclesiæ mēbris, capiti cohæretibus.

Sed iam expendendum est, quid Velsius huic interrogationi respondeat. Et quidem primo & per se, utrumq; de inuisibili Ecclesiā, quod hic interrogatur, dicit uerum esse. Sed nos superius, quid de illa inuisibili Ecclesiā, sentiendum sit, abū de demonstrauimus. Quod uero dicit, secundo atque per accidens (ob id nimirum, quod mortali hoc corpore circumdati, materiali quadam manuductione, uerbi Dei externa & auribus percipienda doctrina, & sacramentorum recto usu, ad internum hominem excitandum, uerāq; salutarium præceptorum ac rerum cognitione & scientia imbuendum, ac nobis in Christo oblata gratiæ participem reddendum indigeamus) de externa illa & uisibili Ecclesiā recte dici, quam superius ex 4. cap. ad Ephesios descripsit, nec nos negamus. Nam in tali Ecclesiā superius asseruit tam malos quā bonos inueniri. Sed nos superius quoque ostendimus, esse quidem notas illas Ecclesiæ proprias, sed non adeo claras & sufficientes, ut sufficiant ad ueram catholicam Ecclesiam demonstrandam.

Deinde quid sentiat de Romana Ecclesiā aperit. De Antichristi (inquit) Ecclesiā, Romanā, in-

# INTERROG. VELS. PROP.

quam Tyrannide, si id intellectum uelint, ut certe uolunt, tantum abest, ut utrumq; uerum esse statuam, ut eius contrarium potius asseram, in ea, quatenus nimirum à Christo, eiusq; uera doctrina, & recta sacramentorum usu desciiuit, & portentosa Papatū Antichristorū, horūq; satellitum sophistarū decreta et abominabiles abusus, cū horrenda idolomania amplexa est (nā secundū hoc Antichristi ecclesia cēsetur, nō secundū ea, quæ ueteris adhuc et ueræ religiōis in ipsa licet euanida p pmodū cernūtur uestigia, ut in homine quantum uis malo, diuinæ imaginis, ob ratiōis et mētis uim) neq; salutē, neq; remissionē esse peccatorū, parū dixi, dicere debebā, pestē ac pniiciem esse, & peccatorū grauissimā accumulationē. Eamq; ob causam, qui se ab hac, secundū id quod dictū est, nō corpore, sed animo, sancteq; & innocenter secundū Christi præcepta ducendæ uitæ proposito, & ut ipsi loquūtur, destinata mētis alienatiōe, separat, hunc ego nec hæreticum, nec schismaticū iudico, sed uerē Catholicū, ut q Ecclesiæ Catholicæ uocē audit, quæ inqt. Exite ex ipsa populus meus, etc.

Apoc. 18.

Nos certē hoc interrogatoriū de ecclesia catholica et apostolica intellectū uolumus, cuius caput uicariū in terris est Rom. Pont. & Romana ecclesia principalis, quā Velsus hæreticorū more, Antichristi Ecclesiā Romanā appellat tyrannidē, in hoc sese declarās seruū diaboli, qui est aduersari?

Lib 1. epi.

7

Christi

Christi, & Ecclesiæ inimicus, qui ab hoc (ut Cyprianus ait) Ecclesiæ præpositum, sua infestatione persequitur, ut gubernatore sublato, atrocius atque uiolentiùs, circa ecclesiæ naufragia grassetur. Et paulò antè. Cū talis (inquit) à quibusdā despatis & perditis, & extra ecclesiā cōstitutis, impugnari uideatur, apparet quis impugnet, nō scilicet Christ⁹, & sacerdotes, aut cōstituit, aut protegit, sed ille qui Christi aduersarius, & ecclesiæ eius inimicus. Deinde quod negat in ecclesia Romana utrūq; inueniri, quatenus nimirū à Christo eiusq; uera doctrina, & recto sacramentorū usu desciuit, nullo mō admittimus neq; Velsius uel probat, uel unq; probare ac ostendere poterit Romanam Ecclesiam defecisse à Christo eiusq; uera doctrina & recto sacramentorum usu.

Quod deinde dicit hanc Romanā ecclesiā portētoſa papistarū Antichristorū, horūq; satellitū sophistarū decreta, & abominabiles abusus cū horrenda idolomania amplexā eē, & pestē ac perniciē esse & peccatorū grauissimā accumulationē, falsissimū est, nihilq; aliud hæc uerba sonant, quā uirulēti & maledici hominis excogitata mendacia. Nō enim decreta Romanorū Pontificū portētoſa sunt, sed iuri & equitati consentanea, neq; idolomania est, quod amplexa est Romana ecclesia, sed uerus cultus dei et sanctorū unde nō est dicēda pestis atq; pnicies, sed salutaris doctrinæ magistra,

# INTERROG. VEL PROP.

Epist 48  
ad Vincē-  
tium.

Epist 162.

Si qui sunt in ea abusus, & si quæ ibi committuntur peccata, ea nos defendere nolumus, neq; eam ob causam nos ab hac, neq; corpore, neq; animo separamus, quia (secundū S. Augustini sententiam) propter paleam, non relinquimus arem domini, neq; propter pisces malos rumpimus retia domini, neq; propter hædos in fine segregandos, deserimus gregem domini, neq; propter uasa facta in contumeliam, migramus de domo domini. Nam quisquis in hac Ecclesia benè uixerit, nihil ei præiudicant aliena peccata, quia communio malorum, non maculat aliquem communionē sacramentorum, sed consensus factorum. Ad frumenta (inquit iterum Aug.) crimen non pertinet. Neque considerantes, quia quibus mali placent in unitate, ipsi communicant malis, quibus autem displicet, & eos emendare non possunt, neque ante tempus messis audeant zizania eradicare, ne simul eradicent & triticum, non factis eorum, sed altari Christi communicant. Ita ut non solum non ab eis maculentur, sed etiam diuinis uerbis laudari prædicariq; mereantur, quoniam ne nomen Christi per horribilia scismata blasphemetur, pro bono unitatis tolerant, quod pro bono æquitatis oderunt. Si habent aures audiant, quid spiritus dicat Ecclesie.

Porro quisquis ab hac Ecclesia catholica fuerit separatus, quantumlibet se laudabiliter uiuere existit

re existimet, hoc solo scelere, quod à Christi unitate seiunctus est, non habebit uitam æternam, sed ira Dei manet super eum.

Quod autē Velsius ex Apoca. Ioannis adducit uocem angeli de cœlo dicentis. Exite de illa populus meus, & ne participes sitis delictorum eius, & de plagis eius non accipiat. Non de Ecclesia Romana, sed de ciuitate diaboli intelligitur, quæ est regnum peccati, principatus mundi, latrocinium diaboli, de qua p̄j egredi debent, ruptis uinculis peccatorum. Apoc. 18.

Vnde libenter audimus ac gratanter suscipimus uerba Pauli dicentis. Nolite iugum ducere cū infidelibus. Quæ enim participatio iustitiæ cū iniquitate, aut quæ societas luci ad tenebras? Quæ autem conuentio Christi ad Belial. Aut quæ pars fidei cum infidei? Qui autem consensus templo Dei cum idolis? Vos enim estis templum Dei uiui, sicut dicit Deus. Quoniam inhabitabo in illis, & inambulabo inter eos, & ero illorū Deus, & ipsi erunt mihi populus. Propter quod exite de medio eorum, & separamini dicit dominus, & immundum ne tetigeritis, & ego recipiam uos, & ero uobis in patrem, & uos eritis mihi in filios et filias, dicit dominus omnipotens. Optamus ex animo, ut uox hæc non tantū ad aures hominum perueniat, sed ipsam mentem penitus peruadat, homines ab errore uie sue reuocans, ne quid fortè imprudens

## INTERROG. VEL S. PROP.

Apoc. 14. prudentibus huiusmodi accidat, cuiusmodi tertius minatur angelus, qui inquit. Si quis adorauerit bestiam & imaginem eius, & acceperit characterem in fronte sua, aut in manu sua, hic bibet de uino iræ Dei quod mixtum est mero, in calice iræ ipsius. Sed per bestiam illam non Papa Romanus, sed intelligendus est Antichristus, qui pulchre bestia dicitur (secundum doctissimum Rupertum) quia erit secundum operationem satanæ, Deo & omni creaturæ infestus, secundum proprietatem suæ etymologiam appellationis, quia bestia, quasi festia dicitur, per antiphrasim, eo quod infesta sit.

## DE PRIMATU PETRI & Ecclesiæ Romanæ.

¶ Quintò, an credat sancti Petri (cui in genere dictum est. Pasce oues meas) cathedram, quæ Romana est Ecclesia, inter cæteras omnes principatutem obtinere, & ab ea unitatem sacerdotalem ut Cyprianus ait) & Ecclesiæ catholice pendere.

Christi



**C**hristi regnū Ecclesia catholica, supra à nobis descripta, et suis notis depicta, regnū est ornatissimū nō Babylonica cōfusio, nō cōfusa multitudo, sed q̄ à propheta sub noīe Hierusalē describitur, quæ cōdita est uelut ciuitas quædam nobilissima, cuius ciues in unum coeunt, in quam ascendunt tribus tribus domini, ad confitendum laudem nomini domini, in qua etiam consistit iudicij solium.

Quaquam autem in hoc regno suo, dominari debeat unus Christus, legifer, rex, & Imperator noster, ipse tamen abiens in regionem longinquam, Petrum sua uice illi præfecit, illiq; tradidit clauēs eiusdem, hoc est, illud ipsum regendi et gubernandi auctoritatem, illum eius pastorem & rectorem pronunciauit. Hoc enim requirebat ac exposculabat ipsa necessitas, (quemaduodum est dictum) ut eò commodius conseruaretur in hoc regno, necessaria illa communicatio membrorum omnium, & illa connexo unitas & conspiratio, ad totius salutem & utilitatem, ob quam unumquodque membrum, suum proprium commodum & propriam salutem debet negligere. Et certè multis rationibus congruebat, ut unus uice capitis toti præsideret Ecclesiæ. Sic enim in synagoga, quæ fuit umbra duntaxat Ecclesiæ præfuit unus qui & princeps sacerdotū dicebatur, sub quo  
multi



## INTERROG. VEL. PROP.

multi gradus & ordines fuerunt. Ecclesia quoque triumphans, cui uelut exemplari nostra militans respondet, unum habet præsidem Deum, sub quo nouem angelorum ordines esse, notissimum est. Quomodo igitur Ecclesia (quæ media inter umbram & exemplar est, ex una quidem parte respiciens umbram, ex altera uero spectans exemplar) carere potest unitate præsidis? Porro absque ulla demonstratione hoc ipsum, ipsa loquitur rei euidencia, quia nec fingere quisquam potest, alium esse aut fuisse, quam Petrum, & qui eius locum obtinet, quem pastorem rectoremque ouilis sui Christus esse uoluerit, & principantem in corpore societatis Ecclesiasticæ. Sine quo ut nec ad momentum potuisset subsistere & conseruari illa eius unitas, ita ab initio Petrus, nec alius Apostolorum quisquam pro tali se gessit, & pro eodem recognitus fuit ab uniuersa toto orbe Christi Ecclesia. Quod etiam ex eo cuius perspicuum esse potest, quod necessariam hanc principantis aut rectoris in hoc Christi regno authoritatem, nisi ex Christi commissione, nemo sibi arrogare potest. Neque enim humana hæc est, sed diuina autoritate congregata societas; non hominum humani conuictus causa congregatorum, sed Christi est regnum, cœlestis regni assequendi gratia, hic præparatum hominibus. Nam non nisi ex hoc regno ulli patet aditus ad regnum cœlorum. At nulli sin-

gula

gulariter Apostolorum omnium, quam uni Petro, Christus quicquam dixisse legitur, ex quo sibi quisquam præ alio, potuisset hanc auctoritatem sibi præsumere, cum tamen hoc necessario requireret principantis in uno corpore unitas. Sed uni Petro, in Apostolorum omuium præsentia, promisit se daturum, illius regni sui clauces, hoc est, gubernandi auctoritatem, qua in eodem regno, quicquid statueret, ligaret, aut solueret, hoc ipsum se ratum habiturum in cœlis. Vni illi præsentibus cæteris, singulariter tamē præ cæteris, commisit, ut fratres confirmaret, dubios & errantes in fide corroboraret. Et quo hoc posset certius, rogauit patrem pro eodem, ne fides eius deficeret. Vni singulariter Petro, iam iam ascensurus ad cœlum, in cæterorum Apostolorum & discipulorum præsentia, uniuersis ouilis regniq; sui etiam ter commissione repetita, mandauit curam & regimen. Solum omnium Petrum Cepham pronūciauit, hoc est, saxum, petram, aut rupem, super quam affirmauit se ædificaturum Ecclesiam suam. Euangelia quoq; ei primus ubiq; partes tribuunt. In soluendo didrachmate, Petrus solus præ cæteris Apostolis Christo adiunctus est. Nominatim ad Petrum angelus mulieres dominicæ resurrectionis nuncias misit. Cum current Petrus & Ioannes, præcurrēte licet Ioanne, Petrus tamen primum sepulchrum Christi ingressus est.

# INTERROG. VEL. PROP.

9 In surrogatione S. Matthiæ Apostoli in locum Iu-  
 10 da proditoris, Petrus toti<sup>9</sup> rei gestæ, author præ-  
 11 cipuus fuit. In die sacro Pentecostes, solus Petrus  
 12 concionem habuit. Solus Petrus, licet adesset Io-  
 13 annes, claudum sanauit. Solius Petri eximia qua-  
 14 dam potestate Ananias et Saphira, subitanea mor-  
 15 te intercunt. Petri miracula singulariter præ cæ-  
 terorum miraculis describuntur. Petrus in Casa-  
 rea, solus uisionem uidit, de gentium uocatione ac  
 admissione ad fidem. In synodo Hierosolymita-  
 na, suam sententiã Petrus primum dixit. Ex qui-  
 bus omnibus, facile intelligi potest, Petrum fuisse  
 principẽ nõ solũ apostolorũ, sed et caput totius ec-  
 clesiæ. Quod ut plenius intelligatur, cuncta ex or-  
 dine sacrarum literarum testimonia, resumemus,  
 ac fusius explicabimus.

Principio diximus CHRISTVM uni Petro  
 promississe in præsentia omnium Apostolorum,  
 regni sui clauces, hoc est, gubernandi authorita-  
 tem, & cæ. Cum enim Petrus confessus fuisset  
 Matt. 16. CHRISTVM filium Dei, inter cætera dixit ei  
 CHRISTVS. Et tibi dabo clauces regni cælorum,  
 & quodcunque ligaueris super terram, erit li-  
 gatum & in cælis. Nõne hic perspicuum sit,  
 CHRISTVM clauces regni cœlestis, nulli reliquo-  
 rum Apostolorum, qui tamen præsentibus erant,  
 sed uni Petri promississe ac postea dedisse? Tibi  
 (inquit) dabo clauces. Porro Deus fidelis est in  
 promissis,

promissis, & quia ueritas est, mentiri nequit, quod ueraciter pollicitus est Petro, reipsa exhibuit. Dedit autem ei claues, quando fecit eum pastorem Christiani ouilis dicens pascere oues meas, Ioannis uicesimo primo. Nec solam ad personam Petri spectat hæc potestas, sed etiam post Petrum, perpetuò conseruatur in eius Cathedra Romana Ecclesia, & hæreditaria quadam successione transit in Petri successores. Cum enim Ecclesia, non confusa quadam & indigesta congeries, sed esse debeat ordinatissima Christianorum congregatio, in qua uarios gradus & ordines esse constat, qui ad unum ceu caput & principem referendi sunt. Christus uoluit eam à Petro sumere exordium, & ab ipso per successiones continuas ad finem usq; seculi perdurare. Compertissimum namq; est, Pontifices summos alterum post alterum hætenus in Ecclesia successisse, nec interruptam fuisse successionis huius continuam progressionem, ad hunc usq; diem. Qua successione præter cætera sanctus Augustinus contra epistolam Manichæi quam fundamenti uocant cap. 4. scribens, non mediocriter in fide se corboratum fuisse testatur, atq; in Ecclesiæ gremio stabiliter fuisse retentum. Tenet me (inquit) ab ipsa sede Petri (cui pascendas oues suas post resurrectionem dominus commendauit) usq; ad præsentem Episcopatum, successio sacerdotum. Porro claues illas regni celorum tunc uni Petro promissas intelligunt

## INTERROG. VEL. PROP.

omnes, uniuersam ipsam Ecclesiasticam potestatem, quæ uniuersa illa comprehendat, quæcumq; nobis hominibus, ut efficaciter dirigeremur ad cœlestem illam hereditatem consequendā (qui finis est societatis, & hierarchiæ Ecclesiasticæ) fuerant necessaria, ligandi, inquam, & soluendi, dimittendi et retinēdi peccata hominibus, cæteraq; uniuersa, quæcumq; ad conseruandam catholicam Christi Ecclesiam in unitate religionis & fidei, eandemq; dirigendam in finem suū, quem diximus, fuerant necessaria. Quæ qualia sint aperit Christus clauēs regni cœlorum appellans à fine, tã congregationis, quam autoritatis Ecclesiasticæ, simul & augustam eius potestatem magnificentiaq; hac ueluti elocutionis metaphora explicans, ut quæ in terris existens, etiam in regnum cœlorum uim suam exerat, eoque nos dirigat, promoueat & introducat. Porro illam potestatem clauium, uelut particulatim explicare incipiens, iudiciariam imprimis aut iurisdictionis eius autoritatem statuit, subiūgens continuò ad Petrum. Et quodcumq; ligaueris super terram, erit ligatum & in cœlis, & quodcumq; solueris super terram, erit solutum & in cœlis. Quibus uerbis luculentissimè demonstrauit, autoritatem Petri & imperium, nulla coarctatum certa prouincia, nullis circumscriptum esse certis limitibus. Quia quicquid ligaueris (inquit) super terram, orbem uidelicet

terra

*terre uniuersum, eius auctoritati subiiciens & imperio. Deinde non restrictam ad unum aliquid, aut alterum, sed uniuersalem illi omnium, quæ in Ecclesiastica domo dispensanda, constituenda, & ordinanda forent, auctoritatem attribuit dicens: Quodcunque ligaueris, ligatum erit. Qui dicit. quodcunque, nihil excipit omnium. Ligat autem nos, non finibus aut catenis, sed uinculo obligationis & præcepti. Quod enim ille tanquam commodum & utile ad Ecclesiasticæ societatis finem constituit, præcipit atq; ordinat in Ecclesiastica domo, ad hoc obseruandum obligamur omnes, qui eiusdem sumus ouilis Christi & familiæ. Si quid uero antè laudabiliter constitutum, temporum post occasione aliud exigente, soluitur ab ecclesiasticæ hierarchiæ præside, hoc ipsum iam liberum factum est, cum prius obligaret. Et ne quis tanquam humanas tantum eiusmodi obligationes paruipenderet, affirmat in cœlis, hoc est, coram Deo ligatum, quicquid ligauerit Petrus, coram Deo eiusdem nos obligari uinculis & præceptis, eisdem nos obedientiam debere. Non est autem Christus hic locutus, hisce uerbis ad Petrum, aut de potestate excommunicandi, aut dimittendi & retinendi hominibus peccata.*

*Sed potestatem dimittendi peccata hominibus, Apostolis & discipulis omnibus indifferenter post resurrectionem suam contulit dicens: Acci-*

# INTERROG. VEL. PROP.

Ioan. 20.

*cipite spiritum sanctum. Quorum remiseritis peccata, remittuntur eis, & quorum retinueritis retenta sunt. Hæc autem potestas remittendi & retinendi peccata, toto genere diuersa est, à potestate Petro tradita, & etiam diuersa utriusque operæ. Authoritatis Petri præcipuum opus est ligare, huius peccata remittere, illi quasi priuatiuè opponitur soluere, huius uerò retinere, hoc est, non remittere. Videt ut hæc toto genere diuersa sunt? Hæc authoritas sacerdotibus omnibus competit, illa data est uni Petro, ubi dictum est. Potestas etiã dimittendi hoïbus peccata, et excōmunicādi, cōprehendūtur in potestate clauū, sicut partes in toto. Quādoquidē illa excōmunicādi potestas, nō est aliqua singularis, Ecclesiæ authoritas, sed cōsequitur ex hac quā mō adstruximus, uniuersali potestate clauū. Nam in excommunicatione nihil aliud facit Ecclesia, quam quod putrida membra sua, hoc est, Ecclesiasticæ authoritati contumacia, ordinem eiusdem & disciplinam dissoluentia, & quæ nolunt obedire monenti, & præcipienti Ecclesiæ, à se abscindit, simul interdicens suis fidelibus, ne eisdem, communicent, quo confundantur et cogantur reuerti ad cor, & Ecclesiasticæ disciplinæ se humiliter submittere. Quæ planè uniuersa includuntur in illa uniuersali potestate clauium, hoc est, authoritate eius qui præsidet Ecclesiasticæ domui.*



mi. Qui sicut pro Ecclesiastica societatis fine, illis qui intus atque in eadem domo sunt, interdiceret potest, ne communicent ijs, quos ipse notaauerit, tanquam domestica tranquillitatis & disciplinae perturbatores, ita potest & alia uniuersa, quaecumq; ad eundem finem pertinent. Quod ipsum clarissimè innuit Christus, Matthæi cap. 18. Vbi & Ecclesiæ similè quandam authoritatē nobis cōmendat, modum docēs, & ordinem præscribens, corripiēdi in nos peccantis fratris, quē nostra correptione non emēdatum, iubet denunciari Ecclesiæ. Si (inquit) Ecclesiam non audierit, sit tibi tanquā ethnicus et publicanus, authoritatē hoc ipso nobis commēdans præcipiētis Ecclesiæ, et suo præcepto nos ad aliquid constringētis. Si (inquit) Ecclesiam non audierit, hoc est, præcipiēti Ecclesiæ non obedierit. Sed quare nobis ut ethnicus & publicanus habēdus est, si q̄s cōtumaciter est inobediens ecclesiæ, ipse rñdet et docet Christus. Quia (inquit) quæcūq; alligaueritis uos, ecclesiā cōstituētes & repræsentātes, hoc est, quæcūq; alligauerit ecclesia, suæ præceptiōis uinculo (neq; enim alia uincula, neq; alios funes habet, q̄bus fideles alliget) ligata erunt et in cœlo. Quasi diceret. Non solum hac in re Christianus quilibet, obedientiam debet Ecclesiæ, sed in omni præcepto. Non enim solum, quod hac in re ligat, sed quæcunque alligat, coram Deo etiam ligata sunt. Quæcunque (inquit)

# INTERROG. VEL. PROP.

subintelligendum, ad Ecclesiasticæ societatis finem consequendum, ordinata & commoda. Nos tamen præcipiendi Ecclesiæ, simpliciter in omnibus obedire tenemur, & non de præceptis eius, an ad finem suum conducant superbiæ & rebellionis inflati spiritu, temerè iudicare. Quare & à nobis obedientiam, erga præcipientem Ecclesiam exigens, nihil prorsus exceptit, sed quæcūq; (inquit) alligaueritis uos, existentes Ecclesia, ligata erūt & in cœlo.

Luc. 22.

Secundò diximus, uni Petro, præsentibus cæteris, singulariter tamē præ cæteris, commissum à Christo ut fratres confirmaret, dubios & errantes in fide corroboraret. Et quò hoc posset certius, Christum pro Petro patrem rogasse, ne fides eius deficeret. Hic si reuocentur ad memoriam, quæ superius circa hæc uerba dicta sunt, de indefectibili fide Romanæ Ecclesiæ, facile etiam intelligemus eiusdē authoritati esse, subortas de fide & religione controuersias & quæstiones, dogmaticè diffinire, & hoc esse singulare priuilegium, cathedra Petri concessum. Ad illius enim auctoritatem, Christus uoluit pertinere, dubia, controuersiasq; quæ inter Christianos de fide & religione Christi, oriuntur, desinire, & ad illius iudiciū in omni ambiguo difficiliq; negotio nos recurrere uoluit, cui clauēs regni cœlorum tradidit, cui commisit Ecclesiæ suæ gubernationem

et regimen, et super eandem, plenissimam auctoritatem impartitus est. Vides itaque quale priuilegium Christus uni Petro atque eius cathedrae, sua oratione impetrauerit, ne uidelicet ad fratres confirmandos in fide, deficeret eius fides. Quae tamen Christi oratio, pro illo statu et tempore, non tam ad solum Petrum pertinuisse uidetur, qui non multo post Christum ter abnegauit, quam ad sequentem statum Ecclesiae, cum abiens à nobis Christus in coelum, Petrum super uniuersam familiam suam pastorem constituit, quam illius curae etiam tertio repetita diligenter commendatione commisit. Quod eisdem ipsis uerbis suis satis innuit dicens: Et tu aliquando conuersus, innuens uidelicet eum prius defecturum in fide, sed deinceps eius fidem, eius inquam, et qui locum eius tenerent, ecclesiasticae hierarchiae praesidium, non defecturam aliquando, ad Ecclesiae confirmationem. Nisi forte uanam et inefficacem illam Christi orationem quis fuisse contendat, quod absit. Porro si uerba Euangelistae paulo altius repetamus et excutiamus, inueniemus hic Christum Petro sublimiorem quandam auctoritatem supra ceteros Apostolos tribuisse. Cum enim facta esset inter Apostolos contentio, quis eorum uideretur esse maior, Christus exemplo suo uolens docere, quem in modum is se gereret, qui maior inter eos esset futurus, mox ad Petrum conuersus ait: Simon, ecce satanas ex-

## INTERROG. VEL. PROP.

petiuit uos, ut cibraret sicut triticum. Ego autem rogaui pro te, ut non deficiat fides tua. Et tu aliquando conuersus, confirma fratres tuos. An non his uerbis, palam tribuit Christus Petro, maiorem quandam præ cæteris sublimitatem? præsertim cum protinus ut docuerat, quemadmodum is, qui maior esset futurus, se ipsum gereret erga cæteros, subiecit, satanā oēs illos expetisse, se tamen orasse pro Petro, quatenus fides eius non deficeret, ut sic tandē ipse conuersus, confirmaret et cæteros. Nisi enim ita se habere dixerimus, insoluta manebit quæstio, quis Apostolorum uideretur esse maior. At ad hunc modum, plenè erit dissoluta. Nam eum haud dubiè, qui cæteros confirmaret, maiorem instituit. Deinde licet Christus sæpe Apostolos ad humilitatem inuitet, dicendo. Qui maior est in uobis, fiat sicut minor, & q̄ præcessor, sicut ministrator, tñ inter eos affirmat esse quendam maiorem & principem, quod palam cōtra aduersarios facit. Et cum dicit. Reges gentiū dominantur eorum, &c. uos autem non sic, &c. non tulit omnem superioritatem aut iurisdictionis authoritatem unius suprā alios, sed potius uoluit, ut esset aliquis inter illos maior & primus, quod illis ipsis uerbis apertè innuit, sed uoluit, neminem sui ipsius causa, suæ dominationis, sui honoris gratia, ambire debere eiusmodi primatū. Non enim dixit. Nemo inter uos sit altero maior,

maior, princeps, rex, aut primus, sed onus & offi-  
tium principatus, ut à Christiano atq; inter Chri-  
stianos geri debeat, describit. Non enim debet is  
qui præest, siue ciuiler politiceq; siue in hierar-<sup>Ioan. 11.</sup>  
chia Ecclesiastica, præesse sibi, nimirum ad suam glo-  
riam, honorem, libidinem, ostentationem & commodum  
(hoc enim non esset legitimam potestatem exercere,  
sed tyranicam) sed ad solam utilitatem eorum quibus præ-  
est, & ad solius Christi filij Dei honorem et gloriam.

Tertio diximus, uni singulariter Petro, in cæ-  
terorum apostolorum et discipulorum presentia, Chri-  
stum cum iam iam conscensurus esset coelum, uniuersi oculis  
& regni sui, etiam ter commissione repetita, curam &  
regimen commendasse. Dixit (inquit) Euangelista Io-  
annes) Simoni Petro Iesus. Simon Ioannis, diligis  
me plus his? Dicit ei. Etiam domine, tu scis, quia amo te.  
Dicit ei. Pasce agnos meos. Dicit ei iterum. Simon  
Ioannis, diligis me? Ait illi. Etiam domine, tu scis quia  
amo te. Dicit ei iterum: Pasce agnos meos. Dicit  
ei tertio. Simon Ioannis, amas me? Contr status  
est Petrus, quia dixit ei tertio, amas me, & di-  
xit ei. Domine, tu omnia nosti, tu scis, quia amo  
te. Dicit ei. Pasce oues meas. Haftenus sacer euange-  
lista et apostolus Ioannes. Quibus plane uerbis, Chri-  
stus abunde testatus est, se totum ouile suum, hoc est,  
Ecclesiam uniuersam una cum agnis & ouibus, admi-  
nistrationi Petri credidisse. Quæadmodum enim <sup>Exod. 14.</sup>  
olim Moyses conscensurus in montem, ut cum Deo collo-  
quere-

## INTERROG. VEL. PROP.

quium haberet, post se reliquit Aaron, cui & vi-  
ces suas super curanda plebe commisit, Sic & post  
passionem suam Christus, coelestem montem ad patrem  
conscensurus, Petro omnium ouium suarum curam  
tradidit priusquam enim coelum ascendisset, Petro  
suum gregem pascendum commendauit, & id non  
oscitanter, sed serio, tertio repetita commissione.  
Ter enim ceteris illic praesentibus, Petrum per-  
contatus est, num plusquam illi se diligeret. Simo  
Ioannis (inquit) diligis me plus istis? Soli Petro lo-  
quebatur, & praesentes ceteros indicabat. Nec e-  
rat alius quisquam inter eos, qui Simon Ioannis  
uocabatur. Ad solum ergo Petrum haec interroga-  
tio spectabat, qui etiam praeceteris, magis dile-  
xit Christum. Diligis (inquit) me plus istis? Si ergo  
conferamus diligenter haec adinuicem, perspicie-  
mus nullam umbram suo corpori congruere posse  
se magis, exactiusque respondere, quam umbram il-  
lam Iudaicam administrationis rerum Christiana-  
narum ueritati. Sed & hoc obseruandum est, Chri-  
stum hic duobus uerbis usum fuisse, quorum alteru-  
rum significat pascere & regere, alterum pascea-  
re duntaxat. Inficiari enim nemo potest, quin du-  
plici uerbo Christus sit usus. Bis enim dixit ὡς,   
quod est, pasce, & ποιμενε quod est, uel rege, uel  
pasce. Quod uerbum etiam habetur in secundo  
Psalmo. Reges eos in uirga ferrea. Vbi Graece scri-  
ptum est. ποιμαίνεις. Similiter in Act. Apost. cap.

20. inquit Paulus ad maiores natu Ecclesiæ Ephesi-  
 sinæ. Attendite uobis & uniuerso gregi in quo  
 uos spiritus sanctus posuit Episcopos, regere Ec-  
 clesiam Dei, quam acquisiuit sanguine suo. Vbi  
 pro uerbo regere, habetur ποιμαίνε. Quod ergo  
 Christus ait: ποιμαίνετε τὰ πρόβατά μου, si quis  
 ad uerbum interpretetur, est, rege oues meas, ποι-  
 μαίνω certe utrūq; significat, & pascere & re-  
 gere. Et quum Christus iam mutarit uerbum, cer-  
 te nobis insinuat, & sensum uoluisse mutare. Et  
 non incongruè quidem. Nam quum agni, nouel-  
 los & teneriores designent Christianos, eos miti-  
 us tractari iubet Christus, & pasci solum. Oues  
 autem, quibus robustiores indicantur, durius quā  
 opus fuerit, coerceri mandauit. Vtrūq; ad Pa-  
 pam spectat, nimirum esurientes pascere uerbo  
 Dei, & duros regere uirga iustæ correctionis.  
 Habere enim debet potestatem aliquam etiam co-  
 actiuam, alioquin authoritas eius inefficax, & pla-  
 nè frustratoria esset, nisi coactiua quoq; authori-  
 tate aliqua conuenienter & sufficienter armata  
 esset. Hac ergo coactiua potestate, enormiter pec-  
 cantes, Imperatores, Reges, Principes, & tyran-  
 nos, subditos suos opprimentes, potest & debet  
 corrigere & punire. Debet habere supremus Ec-  
 clesiæ pastor, non solum peram, sed etiam ba-  
 culum. Sed cum uarij sint coactiue authoritatis  
 & coactionum modi, quæ omnibus quidem, qui-  
 bus



## INTERROG. VELSPROP.

bus aliorum commissa est gubernatio, in subiectos sibi necessario competit, non tamen eadem omnibus, sed cuiq; sua. Alia est enim patris in filios, alia dominorum in seruos, alia pedagogorum in discipulos, alia abbatū in suos monachos, alia seclarium principum ac ciuiliū magistratum, in sibi subditos, alia deniq; totius Ecclesiæ Rectoris, in omnes, in reges, in principes, regna & Imperia. Quemadmodum enim nec unus coerandi modus, conuenit omnibus (uni enim uirga conueniunt, alteri ferula, alteri flagra, compedes, carceres, aut etiam gladius) sic neq; omnibus in sibi subiectos eadem coactiua potestas ac auctoritas, qua possint delinquentes punire, & errata eorundem corrigere. Habet ergo summus Ecclesiæ antistes super omnes, potentiorē potestatem coactiuam, qua etiam armatos & gladium portantes principes, sibi subijcere potest, sine cæde in, sine orbis tumultu & incendio. Hic est autem spiritalis gladius ille, quo Ecclesiastica rector familie, contumaciter sibi inobedientes, potest interdicare ingressu Ecclesiæ, et communioni Christi fidelium, potest refecare à corpore Ecclesiæ, atque ita illis cælum claudere, ad quod nulli, nisi ex Ecclesia, patet aditus. Vnde constat Romano Pontifici, successori Petri, uelut pastori et rectori totius Christi ouilis, superiorem iurisdictionis auctoritatem competere, non solum in Episcopos

ecetros -

caeteros, presbyteros, & uniuersos ordines Ecclesiasticos, sed etiam in omnes, qui inter Christi oues censerī uolunt, etiam Imperatores, Reges, & principes, quā eos delinquentes etiam corrigere & punire possit, secundum leges diuinas & Ecclesiasticas. A cuius auctoritate nemo exemptus est, qui inter oues Christi connumerari uoluerit. Nam Christus omnes oues suas, illius regimini indiscriminatē subiecit, nec distinxit à magistratu plebium, non principem, non regem, non imperatorem excepit, sed pasce (inquit) & rege agnos meos & oues meas. Cui autem aliquorū commissum est regimen, necesse quoq; est, datam illi, eosdem regendi potestatem, his autem obsequendi, & obediendi Rectoris imperijs necessitatem impositam, sine quo nemo posset, uel decem personarum familiam & societatem regere. Neque elegit ad hoc Christus nobiles secundum carnem, non reges, non imperatores & huius mundi principes, sed infirma potius huius mundi elegit, ut confundat fortia. Vnde & Petrum piscatorem elegit, & post eum ex infirma plebe plurimos, sub quorum gubernatione regimine & imperio, se humilient necesse est, quicumq; in Christi ouile & regnum adscribi uoluerint.

Sed est hoc loco etiam illud obseruandū, quod deinde Christus singulariter Petro dixerit. Sequere me. Quo sanè uerbo significatur, Petri quædā præ

## INTERROG. VEL. PROP.

*præ cæteris, in sequela Christi præeminentia. Quod & Chrysostomus diligenter adnotauit dicens. His uerbis iterum curam & familiarem in eum affectum, Christus ostendit. Insinuat utique Christus de Petro sibi curam ampliore esse, quã de cæteris, quod illi speciatim dixerit, Sequere me.*

*Quare & Petrus iam audacior factus, interrogat de Ioanne, quem nouerat à Christo fuisse dilectum intimus, quod esset futurum, & an ipse pariter sequeretur. Neq; enim in cœna fuit ausus interrogare de Iuda, sed Ioannem tunc sibi mediatorem fecit. At nunc uicissim postquàm Petro. At nunc uicissim, postquàm Petro Christus tanta cõmunicasset, & orbis terrarum curam demandasset, simul & testatissimum fecisset eius amorem, Ioannes tacet, Petrus autem loquitur, ut quærat ipse à Christo dicens. Hic autem quid? Sed audit à Christo rursus ingeminatum sibi. Tu me sequere. Porro secuti sunt & Christum cæteri, sed Petrus propriori mortis similitudine, nimirum ut simili quodam præ cæteris eum imitaretur mortis genere, cuius in Ecclesia uices præ cæteris erat ad ministraturus. Cæterum quoniam orbis totius curam Christus Petro commendauit, idcirco apud eam urbem, quæ totius orbis cum caput erat, sedem postremam delegit. Quod non humana credendus est fecisse industria, sed diuino potius instigante*

gante spiritu. Qualem enim sedem haberet hodie Petrus, uel Hierosolymis uel Antiochiæ? Nō ergo absque summa Dei prouidentia curatū est, ut Petrus in ea mundi parte sedem firmaret suā, unde continua nobis & interrupta Pontificum successio propagata est. Discurre per ceterorū Apostolorum sedes, & iam, aut omnes uacuas inueniet, aut non legitimos habere successores. Nec Paulus, nec Ioannes, nec Iacobus, neque ceterorum ferme quisquam, successionem hodie reliquit ullam. Soli Petro sua sedes atque successio permansit incolumis. Porro hæc uerba, pascce oues meas, non solum Petro, sed etiam illius successorī dicta sunt. Quod ex ipsis Christi uerbis manifestum euadit. Nam dicendo, pascce oues meas, unum ouium suarum pastorem instituit, ut ipsa uerba, absq; planiore probatione indicāt ac testantur. Pastor enim significat ordinarium rectorem ouium, quod & nominibus pastoris et ouium, & ex ipsa ratione pascendi, liquet. Deinde quia oportet eum, qui ordinariæ gerit curam ouium, uel mercenarium, uel pastorem esse, & constet mercenarium non esse, qui quum uidet lupum uenientem fugit, & non pertinet ad eum de ouibus, quia mercenarius est, ut dominus dixit apud Ioannem cap. 10. relinquitur eū, quia ordinariam curam ouium gerit, pastorem esse. Constat autem pastorem, utpote ordinari-

I                  um offi-

# INTERROG. VEL. PROP.

um officialem, non finiri morte illius, qui pasto-  
 rale officiũ exercebat, sed per successionẽ opor-  
 tere durare. Et hinc fit, ut institutio pastoris, sit  
 institutio perpetui officij, unde deinceps cõsequi-  
 tur, hoc quod in prima institutione pastori tri-  
 buitur, pro quolibet successore eidẽ esse cõcessũ  
 ac cõtraditũ. Dñs ergo dicẽdo Petro, pasce oves  
 meas, pastore totius ecclesiæ instituit, & totius ec-  
 clesiæ pastorale officiũ statuit tũc & in seculũ se-  
 cuii, & quod cõtulit Petro, significauit se dare  
 in Petro, cuilibet successorĩ eiusdẽ. Ad hæc, Chri-  
 stus dicẽdo. pasce oves meas, alia ratione intelligẽ-  
 dā monstrauit pastoris ppetuitatẽ. Nā oves suas  
 prædixit duraturas in præsentis miseriæ uno ou-  
 uili usq; ad cõsummationẽ seculi, & idcirco ex  
 hoc quod ouibus, in uno ouili, usq; ad cõsumma-  
 tionẽ seculi duraturis, prospexit ac prouidit de  
 uno pastore, dicẽdo Petro, pasce oves meas, signi-  
 ficauit se prouidere eis dẽ de uno pastore, usq; ad  
 consummationẽ seculi. Impium est ergo dicere,  
 hanc dignitatem Petro datā, ad successores eius  
 non deriuare. Nā Christus Ecclesiā suā usq; ad fi-  
 nẽ seculi duraturā instituit, secundũ illud Isa. c.  
 9. Sup soliu Dauid, & sup regnũ eius sedebit, ut  
 confirmet & corroboret illud, in iudicio & ius-  
 titia, amodò & usq; in sempiternũ. Nā potestas  
 apud eos qui cũ Christo uixere, ita instituta est,  
 ut ad posteros deriuaretur, p unitate ecclesiæ us-  
 que ad

que ad finē seculi, quēadmodū ipse saluator, ait, Matt. vlt.  
Ego uobiscū sum, usq; ad cōsumptionē seculi.

Habemus ergo ex ipsis uerbis Euāgelij, quēlibet Petri successorē, esse à dño institutū, in ipso B. Petro, totius, Ecclesiæ pastore. Quod, etiā rationes in sacra scriptura fundatæ, demonstrant. Siquidem nōne euident indicium insipientiæ est, existimare Christū pro eo dūtaxat tēpore prospexisse ouibus suis de pastore, quo uictur<sup>9</sup> erat Petrus, & non potius usq; ad consumptionē seculi, quousq; nouerat oues suas duraturas? Deinde quū Christus dicēdo Petro, pascē oues meas, oēs oues, per orbem uniuersum, Petro pascēdas cōmiserit, & omnes oues suas ubiq; terrarū comprehendat, nullam penitus excipiens, consequitur & easdem quoq; pro quocunq; etiam tempore futuro comprehendat, cum rationi consonum sit, ut cum locorū uniuersalitate, simul intelligatur temporum etiam uniuersalitas.

Ad hæc cū dñs Deus sufficiētissimè prouiderit Sinagogæ ueteris testamenti, ita ut ei imperādo dicat, quid ultra facere debui uineæ meæ & non feci? nōne ridiculum est credere, Christum, insufficienter prouidisse Christianæ Ecclesiæ, & nō potius eam constituisse, unum ouile, sub uno pastore, cōæuo Ecclesiæ? Cum enim Christus Deus noster, sponsam suam Ecclesiam, tam feruenti amore dilexerit, ut sanguinem suum pro ea

## INTERROG. VEL. PROP.

effuderit, acerbissimum & ignominiosissimum crucis supplicium perpeffus, nequaquam credendum est, eum in his quæ necessaria sunt Ecclesie non oportune consuluisse. Porro hic Petri successor, in pastoralis cura totius Ecclesie, censendus est Papa Romanus, cuius succedentis rationem, Evangelica comprobatur institutio.

Siquidem Romanus Pontifex Petro succedens, auctoritatem habet Apostolicam, ab Evangelica Christi uoce, pasce oues meas. Nā cuilibet Petri successor, Christus dixit in Petro, pasce oues meas. Dicēs enim petra ante ascensionē suā, pasce oues meas, & ante passionē, confirma fratres tuos, Et rursus. Tbi dabo clauēs regni cœlorū, palā ostendit, potestātē clauū per petrū, ad alios deriuandā, ut Ecclesie seruaretur unitas. Habuit autē ista Romani Pōtificks successio initū, ex hoc quod Petrus Ecclesiam Romanā sibi quodāmodo propriam & peculiarē fecerit, postremā suam sedē ibidem deligendo, & tandē moriēdo. Nā si Petrus in sede Antiochena, in qua aliquot annis, sedit, perseuerasset usq; ad mortē, nō Romanus Pōtifex, sed Antichenus successor esset Petri. Et similiter si Petrus reliqisset Romā, mutando nō solum locū, sed etiā sedem, & alibi sedē elegisset, non successisset Romanus Pontifex Petro, sicut nec modò succedit Petro Antiochenus, quia inde discessit, mutādo nō solū locū, sed etiam



etiam sedem. Imò si Petrus (cui tota Ecclesia cōmissa est) pseuerasset usq; in finē, quēadmodū incepit, & nullā sibi sedē peculiariter propriā fecisset, nec Romanus Pōtifex, nec aliq; alius particularis Episcopus, esset Petri successor, sed mi grāte ad coelū Petro, unus fuisset electus in Episcopum catholicæ Ecclesiæ, q̄ successor fuisset Petri. Sed quia Petrus sedē Romanæ Ecclesiæ, sibi singulariter propriā reddidit, et eandē morte quoq; cōfirmavit, inde ortū est, ut Romanus Pōtifex Petro succedat, & Romana Ecclesia Pontificatui Petri addicta sit, imò & Christi autoritate, robur firmitatis obtinuerit. Nā (ut Egesippus & Ambrosius affirmāt) Petro uolēti ex urbe Roma discedere, obuiū habuit Christum iubentē ut Romæ mortem pateretur, & dicentē. Venio Roma iterū crucifigi, ut nō nuda Petri mors Romanæ, sed mors iussa à Christo Romæ, firmaret Romanā sedē in Petri successione. Licet itaq; Apostolicam sedē Romani esse Pontificis, inde initiū habuerit, q̄ Petrus Romanam Ecclesiā sibi propriā fecit, postremam suā ibi collocando sedem, quā etiam confirmavit, quia tamen sic firmatū est, eo ipso quo aliquis uerus ac legitimus est Ecclesiæ Romanæ Pontifex, uerus etiā & legitimus est Ecclesiæ catholicæ Pōtifex, à Christo in b̄ato Petro institutus. Itaq; liquet unum esse Pōtificē qui præsist Ecclesiæ uniuersæ, et q̄ hic post

Egesippus  
li. 3. de ex.  
cid. Hier.  
c. 2. Amb.  
in orat. cō  
tra Auxē  
tium. lib.  
s. epist.

# INTERROG. VEL. PROP.

Christū Petrus fuerit, & illo uita functo, legitimi successores eius Romani Pōtifices, usq; in hodiernū diē, neq; posse dici aliā quampiam Ecclesiam, hoc prærogatiuo gaudere, nec ipsam quidē hierosolymitanā, in qua tamen fuit nostræ salutis officina, cui etiā Iacob⁹ frater dñi, magnus præfuit Apostolus. Nā Christus cum uicariū Petrū elegit, ei loco hanc dignitatē concessit, quē Petrus ipse suo sanguine consecraret, ut ibi esset cœleste regnū, ubi terrenum, usq; ad summū creuerat imperiū, Manifestum autē est hoc diuina reuelatione facta, tū uniuersali Ecclesiæ, tū sanctis doctōribus innumeris, tū sacris Cōcilijs. Nullus siquidē Christianus dubitare permittitur, ex diuina prodire reuelatione, quicqđ a fidei Christianæ rationē spectās, cōtestatū inuenitur à præfatis. porrò cōmunis oīm Christianorū, semp fuit unanimes cōfessio, Romani pōtificis sedē, solā esse apostolicā sedē. Quod qđ aliud est, qđ fateri Romanū Pōtificē, Petri successorē, esse rectorē catholicæ ecclesiæ? Nā in apostolica sede, includitur Apostolica autoritas, in Apostolica autē autoritate, facultas regendi totam Ecclesiam.

Quū hætenus in scribēdo essē progressus incidi (aliud tñ qđ renti mihi) in secundū lib. S. Bernardi de cōsideratione ad Eugeniū Papā ubi legēs ei⁹ uerba, omittere nō potui, qn hic subijcere. Agē (inqt) indagē⁹ adhuc diligētius qđ sis, qđ  
geras

geras uidelicet pro tēpore psonā in Ecclesia dei. Quis es? Sacerdos magnus, summus Pōtifex. Tu Princeps Episcoporū, tu hāres Apostolorū, tu primatu Abel, gubernatu Noe, patriarchatu Abrahamā, ordine Melchisedech, dignitate Aarō, auctoritate Moyses, iudicatu Samuel, potestate Petrus, unctiōe Christus. Tu es cui claves tradite, cui oues credite sunt. Sūt quidē & alij cœli ianitores, & gregū pastores, sed tu tātō gloriosius, quātō & differētius utrūq; p̄ ceteris nomē hære ditasti. Habent illi sibi assignatos greges, singuli singulos tibi, uniuerſi crediti, uni unus. Nec modō ouīū, sed & pastorū, tu unus oīm pastor. Vnde id probē q̄ris (Ex uerbo dñi. Cui enim nō dico Episcoporū, sed etiā apostolorū, sic absolutē & indiscretē, totæ commissæ, sunt oues? Si me amas Petre, pasce oues, meas. Quas? Illi? uel illi? populos ciuitatis, aut regionis, aut certē regni? Oues meas inq̄t. Cui nō planū, nō designasse aliquas, sed assignasse oēs. Nihil excipitur, ubi distinguitur nihil. Et fortē præsentes ceteri cōdiscipuli erāt cū cōmittēs uni unitatē oībus cōmendaret, in uno grege & uno pastore, secundū illud. Vna est colūba mea, formosa mea, p̄fecta mea. Vbi unitas, ibi p̄fectio. Reliq̄ numeri perfectionē nō habent, sed diuisionē, recedētes ab unitate. Inde est quod alij singuli, singulas sortiti sunt plebes, scientes sacramentū. Deniq; Iacobus, qui uidebatur

• INTERROG. VEL. PROP.

colūna Ecclesiæ, una contentus est Hierosolyma,  
 Petro uniuersitatem cedēs. Pulchrè uerò ibi po-  
 situs est, suscitare semen defuncti fratris, ubi occi-  
 sus est ille. Nā dictus est frater dñi. Porro cedēte  
 dñi fratre, quis se alter ingerat Petri prerogati-  
 uæ? Ergo iuxta canones tuos, alij in partē solli-  
 citudinis, tu in plenitudinē potestatis uocat⁹ es.  
 aliorū potestas certis arctatur limitibus, tua ex-  
 tenditur & in ipsos, q̄ potestātē super alios acce-  
 perūt. Nōne si causa extiterit, tu Episcopo cœlū  
 claudere, tu ipsum ab Episcopatu deponere, etiā  
 & tradere sathanæ potes? Stat ergo inconcussū  
 priuilegiū tuū tibi, tā in datis clauib⁹, q̄ in ouib⁹  
 cōmendatis. Accipe aliud, quod nihilomin⁹ præ-  
 rogatiuā cōmendat tibi, Discipuli nauigabāt, et  
 dñs apparebat in littore, quodq; iucundius erat  
 in corpore rediuiuo. Sciēs Petrus, quia dñs est,  
 in mare se misit, & sic uenit ad Iesum, alijs nauig-  
 gio peruenientibus. Quid istud? Nēpe signū sin-  
 gularis pōtificij Petri, p̄ quod non nauē unā, ut  
 ceteri quiq; suā, sed seculū ipsum suscepit gu-  
 bernandū. Mare enim seculū est, naues Ecclesiæ.  
 Inde est q̄ altera uice instar dñi gradiens sup a-  
 quas, unicū se Christi uicariū designauit, q̄ non  
 uni populo, sed cunctis præesse deberet. Siquidē  
 aquæ multæ, populi multi. Ita cum quisq; cate-  
 rorū habet suam, tibi una cōmissa & gradissima  
 nauis, facta ex omnibus ipsa uniuersalis Eccle-  
 sia, toto

sta, toto orbe diffusa. Haftenus ille. Porro si huc aliorum patrum auctoritates, & sanctarum œcumenicarum synodorum testimonia ac definitiones, in medium producere liberet, constaret aperte, in hoc sensu semper intellectam esse, institutionem pontificatus Petri sup totam Ecclesiam à Christo factam. Et quis dubitat illum esse uerum scripturae sensum, quem concorditer sancti patres tradiderunt, et uniuersales synodi comprobauerunt?

Quarto dictum est Christum pronunciaſſe Petrum Cepham, hoc est, saxum, Petram aut rupem, super quam affirmauit se edificaturum Ecclesiam suam. Tu es (inquit Christus ad Petrum) Simon filius Ioanna, tu uocaberis Cephas, quod Ioan 1. interpretatur Petrus. Et iterum. Ego dico tibi, Mat 16. quia tu es Petrus, & super hanc Petram edificabo Ecclesiam meam. Mutatio nominis, indicium semper fuit, altioris cuiusdam mysterij, quod uel ex ueteri testamento patet, ex nominibus commutatis, Abrahæ, Saræ Israelis, qui prius uocati sunt Abraham Sarai Iacob, ut nec iam absque grandi mysterio Christum existimemus, huic apostolo nomen indidisse nouum. Tribus solis apostolis, qui præ cæteris apud Christum maioris erant auctoritatis, scilicet Simoni, Iacobo, Ioanni, nomina Christus Marc. 3. indidit. Nam hi dicti sunt Bona erges, hoc est, filij tonitruj. Simo uero Petrus uocabatur Sic enim Marcus tradidit, ubi duodecim apostolorum re-

## INTERROG. VEL. PROP.

cēset nomina. Et imposuit (inquit) Simoni nomē Petrus, & Iacobū Zebedæi, et Ioannē fratrē Iacobi, & imposuit eis nomina Bona erges. his tribus præ cæteris Christus familiarius utebatur, quos plerumque solos, suæ conuersationis uel miraculorum suorum testes assumpsit. Nam hi soli in transfiguratione sua, præsentés aderant, & quum Iairi filiam suscitabat, & quum paulo ante passionem suam orabat prolixius in horto, ut non sine causa, solis istis imposuerit nomina. Simon tamen (ut singularis eius præeminentia fieret apertior, nomen non aliunde, quam ab ipso Christo deriuatum accepit. Christus enim (ut testatur Paulus) petra erat, ac pròinde à Christo petra, dictus est Petrus. Nimirum ut hac nominis deriuatione, Christus nobis præfagiret, Petro suas uices, & præcipuam auctoritatem fuisse committendam. Nam alioqui, cur à seipso nomen hoc desumptum, Petro communicaret?

Quinto diximus Euangelia Petro ubiq; primas partes tribuere, licet non fuerit uocatione primus. fuit siquidem Petrus Andrea, quantum ad uocationem attinet, posterior, scilicet in ordine, primus locus tribuitur Petro. Sic enim Matthæus scribit. Duodecim apostolorum nomina sunt hæc. Primus Simon, qui dicitur Petrus, & Andreas frater eius &c. Similiter &

Matthæus

Matt. 10.  
Matth. 1.  
Luc. 6.

Marcus & Lucas, hunc primum faciunt. Nec est credendum Euangelistas, suis arbitrijs, quæquam (qui uocatione posterior fuerat) collocasse primum, nisi certo scirent, eundem à Christo fuisse cateris præpositum. Nec mysterio caret, Luc. 5. quod Christus Petri nauem ascendit, & rogauit eum à terra reducere pusillum. Hæc enim nauis Simonis, est Ecclesia, quam illi primum commendauit regendam, quæ uerè una est & indiscissa. Et licet plures sint Ecclesiæ, quasi nauiculae plures, & earum complures sint rectores, omnes tamen illi in unam tantum singuli sollicitudinis partem uocati sunt, Petrus autem totius Ecclesiæ curam à Christo suscepit. Hæc est Ecclesia sancta Catholica, quæ à spiritu sancto uiuificatur, sanctificatur & regitur, extra quam nemini salus, nemini est remissio peccatorum, quemadmodum dictum est superius. Itaque frustra & uanè, sperant aduersarij nostri siue Lutherani, siue Velsiani, spiritum sanctum eorum nauem gubernare, quæ rupta atque discissa, tot fatiscit rimis, quot erroribus etiam inter se pugnantibus, lacerata est. Huius cōfractæ nauis impulsor diabolus est, qui non colligit, sed dispergit, qui hæc in omnium scelerum atque errorum syrtes seducit & scopulos, ut hanc tandem perpetuæ damnationis naufragio demergat. Ab hac cauete dilectissimi, hanc nolite ingredi nauem, quam tot  
scissuris



# INTERROG. VEL. PROP.

Ioan. 13.

scissuris ac rimis uidetis esse cōfractā, in qua qui sunt, nihil aliud, quā certam damnationem operantur, Deniq; nec otiosum credēdum. est, quod in ultima cena, quum Christus uellet lauare pedes discipulorum suorū, uenerit primū ad Simonem Petrum, Vbi August. Quis (inquit) nescit, primum apostolorū beatissimum Petrū. Sed non ita intelligēdum est, quòd post aliquos ad illum uenerit, sed quod ab illo cœperit. Quando ergo pedes discipulorum lauare cœpit, uenit ad eum, a quo cœpit, id est, ad Petrum.

Matt. 17.

Sexto in soluendo didrachmate, Petrus solus præ cæteris apostolis, Christo adiūctus fuit. Nō est hæc prærogatiua parui pōderis, quod in soluendo didrachmate, Christus Petrum solum præ cæteris omnibus Apostolis, sibi tanquam parem adiunxit. Quæ res tam apertum indicium cuiusdam præeminentiæ futuræ in Petro fuit, ut inde mox inter cæteros, oborta quæstio fuerit, quis futurus esset maior in regno cœlorum. Duplex ergo didrachma Christus dari iubet, quum tamen simplum exigebatur, pro se uidelicet & pro Petro. Nam Petrus ad præceptum domini, accessit ad mare, & repertum in ore piscis staterem (erat aut stater duplex didrachma) dari iussit exactoribus. Voluit enim Christus, non pro se solū tributū hoc dari, quanquā ipse caput esset totius familiæ, uerū etiam pro Petro.

Matt. 18.

Petro, cui suas uices committere meditabatur. Quando igitur hoc tributum pro nemine pen-  
debatur, qui non esset alicuius familiae guberna-  
tor & caput (Iudaei enim Romanis tribu-  
tarij quum essent, pro annuo censu, singula-  
rum familiarum capita, ad ualorem didra-  
chmatis, exoluebant Romanis) & Christus u-  
triusque nomine dari iussit, tam suo quam Pe-  
tri, palam est eum totius Ecclesiae gubernatore  
instituisse Petrum, & totius familiae suae caput.  
Propter quod & S. August. questione. 75. lib.  
quaest. no. & uet. testamēti. Didrachma (inquit)  
capitum solutio intelligitur. Et paulo post. Sal-  
uator quum pro se & Petro, dari iubet, pro om-  
nibus exoluisse uidetur. Quia sicut in saluato-  
re, erant omnes causae magisterij, ita & post sal-  
uatorem, in Petro omnes continentur. Ipsum e-  
nim constituit caput eorum. Haec illa. Nec incō-  
ueniens Petrum caput fuisse ceterorum aposto-  
lorum, sub Christo supremo capite. Quemadmo-  
dum enim Aaron comparatione ceterorū, sum-  
mus habebatur & princeps & caput, quanquā  
ipso, Moyses adhuc superior erat, sic & Petrus  
ceterorum comparatione summus, princeps at-  
que caput erat, tametsi Christum habuerit supe-  
riorem.

Septimo nominatim ad Petrum angelus, mu-  
lieres dominicae resurrectionis nūcias misit, quae  
tam

# INTERROG. VELS. PROP.

tam illi quam cæteris apostolis nūciaret, surrex-  
 xisse Christum à mortuis. Ite (inquiūt) dicite di-  
 scipulis eius, & Petro. Magnum id omnino fuit  
 indicium, præcellentiæ Petri, quod eum angelus

Mar. ult. magis, quam cæteros nominauit. Certè non leue  
 magnitudinis Petri fuit argumentum, quod ad  
 illum nominatim angelus, ipsas nuncias miserit  
 mulieres. Vbi Theophylactus. Petrum (inquit)  
 ab alijs discipulis, ut præcipuum segregat, ac ob  
 excellentiam nominat illum præ alijs, hæc ille.  
 Quod si quispiam obiecerit mihi uerba Theo-

Luc. 24. phylacti, quæ continuo sequuntur. Vel quia ne-  
 gauerat Petrus &c. uel scilicet Gregorij dicen-  
 tis. Vocatur ex nomine, ne desperet ex negatio-  
 ne &c. illum sensum etiam nos libenter ample-  
 ctimur, sed si obseruauerimus Christum post re-  
 surrectionē suam præ cæteris omnibus apostolis

1. Cor. 15. ipsi Petro apparuisse (Vndecim enim dicebant,  
 ad duos illos discipulos qui ipsa die resurrectionis  
 remeauerant à castello Emaus, ubi dominū  
 cognouerant in fractione panis, quod surrexit  
 dominus uerè, & apparuit Simoni. Et Paulus in  
 priore epist. ad Corinthios affirmat dominum  
 post resurrectionem suam uisum esse Cephæ, &  
 post hoc undecim) intelligemus ocyus, ipsum Pe-  
 trum à Christo satis magnam cōsolationem ac-  
 cipere potuisse, qui ei soli præ cæteris apostolis  
 primū apparuisse legitur. Profectò qui non  
 dedi-

dedignabatur semetipsum Petro rediuiuum ostendere, potuit etiam omnem ab illius animo desperationem pellere. Sed & hoc non minimum excellentiæ Petri fuit indicium, quod Petro priusquam cæteris apostolis apparuerit. Vt autem ijs tertium addatur, nisi Petrus præ cæteris apostolis fuisset maior, nunquam tam insignem eius lapsum, sancti Euangelistæ, tanto studio expressissent. Non enim ignorauerunt, cur omnipotens Deus eum, quem cunctæ Ecclesiæ præferre disposuerat, ancillæ uocem pertimescere, & negare permiserit. Quod nimirum (ut Gregorius ait) magnæ actum pietatis dispensatione cognoscimus, ut is qui futurus erat pastor Ecclesiæ, in sua culpa disceret, qualiter alijs misereri deberet. Prius itaq; eum ostendit sibi, & tunc præposuit cæteris, ut ex sua infirmitate cognosceret, quam misericorditer aliena infirma toleraret.

Ostendit, cum simul currerent Petrus & Ioannes, præcurrente licet Ioanne, Petrus tamen primo sepulchrum Christi ingressus est. Et Ioan. 20. istud non postremum ac infimum, præstantiæ Petri indicium est. Nimirum, quod quum in eum locum primus introierit, unde surrexerat Christus, primus in Ecclesia post Christum, uices eius esset gesturus. Potuit enim Ioannes prius ingredi, quippe qui cursu præuenerat Petrum, curabant

# INTERROG. VEL. PROP.

rebant enim (Euangelista teste) ambo simul, sed Iohannes præcucurrit citius Petro & tamē quū uenisset prior ad monumentum substitit, nec est introgressus, sed Petrus ubi uenit ad monumentum mox introijt. Primus ergo Petrus Christi intrauit sepulchrum, qui post Christum primus in eius Ecclesia erat futurus. Porro si omnes has iam ex sacris Euāgelijs collectas Petri prærogatiuas & commissiones eidem singulariter præ cæteris factas, exacte pensitare, atq; quasi linum limo nectentes, inuicem adglutinare uoluimus, proculdubio cognoscemus Christum uoluisse Petrum, maiori quam cæteros autoritate pollere, suumq; uicarium in terris eum constituisse, simulq; ei totius Ecclesiæ commisisse curam, pariter & administrationem. Non enim absque causa uni Petro præ cæteris tot insignia contulisset Christus, nisi quia uicarius eius esset futurus: & toti Ecclesiæ ceu princeps & caput præficiendus. Cæterum licet hæc ita sese habeant, non tamen par fuit atq; æquum Petro, exercere omnimodam suam potestatem, sed ad multa necesse fuit ipsum condescendere, partim humilitatis, partim unitatis gratia. Nam qui sic urgebantur, ut immutarent ea, quæ Christus ipse, postremis etiam uerbis, fieri mandauit, nempe de baptizandis gentibus, in nomine patris & filij & spiritus sancti, simul & id genus

genus

alia nonnulla, qđ mirum si de suo iure, quisquā nonnihil imminui pateretur? Petrus tamen ubique, sic suam à Christo sibi traditam, executus est potestatem, ut cuius compertissimum esse possit, illū principē & caput fuisse ceterorū, quē admodum ex sequentibus euadet manifestum.

Act. 1.

Nono itaq; loco dictum est, in subrogatione sancti Mathie Apostoli, in locū proditoris Iudæ, cōstat. Petrū totius rei gestæ autorem præcipuum fuisse. Nam super hac re ad reliquam tum nascentis Reipublicæ Christianæ multitudinem concionē habuit, (erat enim turba hominū simul ferē centū uiginti) in qua cōmonuisse legitur ceteros de hac re. Quibus placuit hoc ratum habere, quod tū hortabatur Petrus, atq; ita sorte Mathiam elegerunt, ut is Iudæ traditoris locū suppleret, Petrus certē eū nō elegit, sed certa ratione ductus, id permisit alijs. Animaduvertebat enim quosdā, ipsum Ioseph, qui & iusti cognomen habuit, eo munere dignū iudicari, quosdam uerò Matthiam. Nā in hos duos consensit tota multitudo. Petrus igitur, ne suo sensui nimis inniti uideretur, et ne quicq; offenderet unitatem, simulq; ut successores futuros, hoc gestorū suorum initio erudiret, neminē in eiusmodi muneribus conferendis, affectū priuatū sequi debere, uoluit fortibus hoc negotiū agi, quatenus in eo null⁹ humano affectui locus pateret, sed tantū

K di. iinitus

## INTERROG. VEL. PROP.

diuinitus fieri crederetur. Propter q̄ et Diony. Areopagita parte 3. ca. 3. eccles. Hierarchiæ ait: Oportet Pōtificē sanctū, non motu proprio, sacerdotales ordinationes cōficere, sed sub Deo agente has pōtificaliter cōlestiq; celebrare munditia. hæc ille. Ob hæc itaq; causam, suæ potestatis amplitudine tū uti noluit Petrus. Verūtamen autor ipse præcipuus fuit, totius rei gestæ, quæ admodū ex Actis palā constat. Vnde nō immerito S. Matthiā Petrus suffecisse dicitur in duodenariū sacratissimū numerū. Sic enim Diony. Areopagita scribit Eccles. Hierarchiæ cap. 5. p. 3. ubi etiā s. Petrū appellat supremū discipulū. Et Beda in Acta scribens tradit, quod Petrus numerum duodenarium Apostolorū integravit. Nec certē repugnant Apostolorū Acta, cum in illis scriptū sit, quod Matthias annumeratus est, cū undecim Apost. Et q̄s alius q̄ Petrus illū cæteris annumeravit? Cōgruebat sanē, quatenus p̄ eū, q̄ primus fuit inter Apostolos, et sortium euētus promulgaretur, et electus coaptaretur cæteris.

Decimò, in die sacro Pentecostes, solus Petrus concionē habuit. Quū enim cōpletis diebus Pentecostes, omnium linguis tota ipsa multitudo loqueretur, cōfluentibus ad miraculi nouitatē populis, ac stupentibus cūctis qui tū aderāt omnium nationū populis, et multis id miraculi, temulentie adscribetibus, solus Petrus ut princeps et caput



put ceterorū, concionē habuit, qua stultā illorū opinionē ex Scripturis sacris apertissimē confutauit, & persuasit pluribus, Iesum (quē ipsi crucifixerāt, sanctū ē cælo spūm, iuxta prædicationē suā, et aliorū Prophetarū uaticinia, super credētes tunc effudisse. Et est hīc obseruandum, quemadmodum Scriptura seorsum à cæteris, Petrum nominatim exprimat: Stās (inquit) Petrus cum undecim. Quod & cap. 5. similiter facit. Respondens autem Petrus & Apostoli dixerunt. Non profectō ita seiungeret eum Scriptura à cæteris, si non maior in eo quam in cæteris fuisset autoritas.

Vndecimò, solus Petrus, licet adesset Iohannes, claudum sanauit: Argētum (inquit Petrus) & aurum, non est mihi, quod autem habeo, hoc tibi do. In nomine Iesu Christi Nazarenī, surge & ambula. Ecce Petrus in sui ipsius persona, solum claudum loquitur. Et hoc insigne miraculū, & sanē primū, q̄ à quouis Apostolo post Christi resurrectionē factū legitur, ipsi Petro uelut Apostolorū principi inscribitur, simulq; & cōciones (quotquot hactenus habite fuerunt) non aliundē manauerunt, quam ab eodem Petro.

Duodecimò, solius Petri eximia quadā potestate, Anan. et Saphira subitanea morte intereūt. Nā, ppter fraudē factā, de p̄tio agri, diuino iudicio pcuși, protinus expirarūt. Cū enim Petr⁹

## INTERROG. VEL. PROP.

Ananiam increparet ac redargueret, & Ananias uerba eius audisset, statim cecidit & expirauit. Similiter & Saphyra eius uxor ad correptionem Petri, confestim cecidit ante pedes eius & expirauit. Ecce ut Petrus præ cæteris apostolis eos redarguerit, tanquam totius apostolici collegij princeps, & caput multitudinis? Et uidete quàm eximia præ cæteris fuerit in Petro potestas, ut ad eius uerbum uterq; alter post alterum, tam celeriter interierint.

Tertiodecimò Petri miracula singulariter, præ cæterorum miraculis describuntur. Nã cum apostoli cæteri, multa signa & prodigia palàm æderet in populo, de nullo tamẽ id scriptura, nominatim hætenus expresserat, quã de Petro. Sic enim de illis scribitur. Per manus aut apostolorum fiebãt signa et prodigia multa, in plebe. De Petro uerò scribitur ibidem. Magis aut augebatur credentiũ in dño multitudo uirorũ ac mulierum, ita ut in plateis eijcerent infirmos, & poneret in lectulis ac grabatis, ut ueniente Petro, saltem umbra illius obumbraret quemquã illorum, & liberarentur omnes ab infirmitatibus suis. Concorrebat autem & multitudo uicinarum ciuitatum Hierusalem, adferentes egros & uexatos à spiritibus immundis, qui curabatur omnes. Cernis ne quantum discriminis, inter Petrum & cæteros Apostolos faciat?

Decimo

Decimo quarto. Petrus in Cæsarea, solus uisionem uidit, de gentiū uocatione ac admissione ad fidē. Ex qua quidē uisione cælitus eidē, dilucida fit autoritas Petri. Nā positus in mētis excessu, uidit cœlū apertū, atq; inde uas quoddam uelut lintheum magnū, quatuor initijs submitti de cœlo, in terrā, in quo erant omnia quadrupedia, et serpētia terræ, et uolatilia cœli. Et facta est uox ad eū. Surge Petre, occide & manduca. Quā uim uisione, Petrus admonebatur, etiam gētes incorporare Christo. Gentiū enim immunditiæ, per quadrupedia terræ, per bestias, reptilia & uolatilia significabātur, et illas iā deus intra lintheū Ecclesiæ recipiēdas decreuerat. Propter q̄ iuebatur Petrus eas mactare primū, hoc est, p̄ uerbū Dei, q̄ & gladio quouis utrinq; incidente penetrātius est, tetrū peccati sanguinē effunderet, eisq; deinde uesceretur, hoc est, more cibi traīceret eas in corpus Ecclesiæ, & incorporaret eas Christo. Nū ista nō indicant Petrū totius Ecclesiæ caput fuisse? Cui sic iussū est, etiā gentes in Ecclesiā recipere, et eas corpori Christi adunare, simul & cui mysteriū istud q̄ adhuc ceteros apostolos latebat, tā apertē fuerat monstratum? Et ne scrupulus aliq; alicui? ambiguitatis uel dubitationis eū teneret, ter sūt admonitus. Insup̄ & uestigio post uisionē, uenerunt à Cornelio uiro gētili quidā, accersendi Petri gratia,

## INTERROG. VEL. PROP.

quaten<sup>9</sup> illū in fide Christi erudiret. Nā ita præmonit<sup>9</sup> ab angelo Corneli<sup>9</sup> fuerat, ut quosdā ei<sup>9</sup> us rei gratia mitteret ad Petrū, Petroq; iussum est identidē à spū, ne quicq; hæsitaret una cū illis ire. Quū igitur accessisset ad Corneliū Petrus, habita concione, nondum finitis uerbis, ilico cecidit super eos qui tum aderant spiritus sanctus.

Vltimò, in synodo Hierosolymitana, suā sententiā Petrus primū dixit. Quū enim suborta esset quæstio, super obseruatione legaliū, et synodus Hierosolymis fuisset coacta, in illa Petr<sup>9</sup>, ut princeps & caput cæterorū. suā sententiā primus dixisse refertur, nimirū q, gentibus ad fidē Christi conuersis, nō esset iugū hoc imponendū, et hoc præcipuē, q, per ipsius prædicationē, Deū sic eū præ cæteris ad hoc munus eligentē, gentiles aliqui credidissent, & sanctū spūm, similiter ut ex Iudæis cōuersi, recepissent. Quā sententiā quū Paulus et Barnabas cōfirmassent, postremo Iacobus eandē approbavit, utpote quem decuit in sua sede, totius synodi recensere decretum.

Ex quibus omnibus euidenter ostenditur, quot & quantis prærogatiuis & ijs diuinis Petrus præ alijs Apostolis donatus sit, ut firmissimè credendum sit, Petrum & aliorum Apostolorū principem, & totius Ecclesiæ caput & pastorem à Christo esse institutum eiq; in primatu succedere legitimum Romanū pontificē.

Sed

Sed iā uidendū, quid Velsius de hac Cathedra Petri Romana scilicet Ecclesia sentiat. Et certē per Cathedrā nihil aliud, q̄ pastorale munus dicit significari, contendens per hoc nullam aliam autoritatē tribuere Summo Pontifici, quā pascendi gregem Christi pabulo doctrinæ Euangelicæ, uel prædicandi uerbi Dei, et disciplina Ecclesiastica regēdi, cuiusmodi mun⁹, dicit Petro, sed et reliquis ex æquo Apostolis à Christo fuisse delegatum, per legitimam successionem, quæ *Ἀπαρχὴ* Græcis dicitur, ad posteros deriuatū. Quod probat autoritate Clementis, referentis, quomodo Petrus circa finem uitæ suæ Clementi prædicationis suæ et doctrinæ Cathedram tradiderit. Ipsi (inquit Petrus) trado à Domino mihi traditam potestatem ligandi et soluendi, ut de omnibus quibuscunque decreuerit in terris, hoc decretum sit et in cœlis. Ligabit enim, quod oportet ligari, et soluet quod expedit solui, tanquam qui ad liquidum Ecclesiæ regulam nouerit. Hoc dicit esse uerum et legitimum munus pastorale. Autoritatem autem quā Papa (qui in Antiocho adumbratus, merito rex impudens facie dicatur) sacrilegē in gregem Christi uendicat et iniuste, adulterinam et tyranicam esse.

Ad Iacob.  
frat. Do-  
mini epi-  
stola. 1.

Daniel. 2.

Quid æqualitatis habeant cæteri Apostoli cum Petro, et quid non, paulò inferius dicemus.

## INTERROG. VEL. PROP.

Quantum ad reliqua attinet, si Velsius per cathedram Petri, ita pastorale munus dicit significari, ut non possit esse papa, sic non pascat uerbo doctrinae Evangelicae et apostolicae, iustissime ei contradicimus. Nam supra diximus, Christum hic duobus uerbis usum fuisse, quorum alterum significat pascere et regere, alterum pascere duntaxat. Vtrumque ad papam spectat, et esuriētes pabulo Evangelicae doctrinae pascere, et duos regere uirga iustae correctionis. Propterea namque pastor iste, etiam baculum habet. Si ergo pontifices, nunc alij preesi negotijs, regant solum, et non pascant, nunquid propterea non erunt pontifices? Nos certe non probamus, si pontifex (nisi quum urgentibus negotijs praepeditur) Ecclesiam non pascat. Veruntamen si neglexerit hoc facere, non protinus ob id adimitur ei pontificatus. Nequaquam enim hoc consequitur. Manet enim papa, etiam si non pascat, etiam si non amet, cum amor magis uideatur requiri in papa quam pastura. Nam Christus cum Petro committeret curam ouilis sui, dicens. Pasce oues meas, requisivit etiam, num se diligeret, etiam plus alijs. Vnde quia praecate-  
ris amplius amauit, hanc a Christo praecate-  
ris, accepit prerogatiuam, ut cunctis illius ouibus ueluti pastor praeficeretur. Et sane deceret eum, qui ad tantum fastigium sublimatur, ampliore amore Christum prosequi. Sed  
quia

quia diuersa res est priuat<sup>9</sup> iste, quàm amor, potest alter ab altero separari, & potest manere primatus, ubi non fuerit amor. Neq; enim quum ista Christus Petro dixit, amorem tunc ei contulit, sed amanti dedit primatum. Prius igitur amor fuit in Petro, quàm primatus, quem amans accepit, & potuit etiam Petrus post acceptum priuatum, ex amore decidere, priusquam scilicet confirmaretur uirtute ex alto. Nā quamdiu non fuerat à spiritu sancto confirmatus, potuit haud dubiè peccasse mortaliter, & tunc periisset amor, manente primatu. Quemadmodum ergo, non admittit primatum Papa, quoties non fuerit amans Christi, & Papa est Papa, etiam si non amat Christum, ita Papa manet Papa, etiam si non pascat pabulo Euangelicæ doctrinæ, gregem Christi. Et quemadmodum falsum est, quod sine amore nequeat hæc potestas esse, ita falsum est, quod non possit esse absque pastura. Nam sicut manet absoluendi potestas & baptizandi, atque etiam consecrandi Euchristiam, amore per peccatum sublato, et pastura per eternas occupationes neglecta, ita manet & hæc potestas, quanquam ad tempus depereat amor, & negligatur pastura.

Si autem Velsius per Cathedram Petri, nihil aliud uult significari, quàm pastorale munus, contendens per hoc nullam aliam autoritatem



illa potestas prærogatiua prima, à nobis abunde explicatum esse credimus. Qua quidem auctoritate sic constituta, nimirum quòd auctoritas Petri & imperium, nulla sit coarctatum certa prouincia, nullis circumscriptum certis limitibus, sed pateat & sese extendat, per uniuersum terrarum orbem, bene consequitur, uniuersalem illi omnium, quæ in Ecclesiastica domo dispensanda, ordinanda & constituenda forent, auctoritatem attributam, ut meritò fuerit uniuersalis Apostolus, & successores habet, quibus commissa est, uniuersalis Ecclesiæ cura & principatus, quemadmodum totius Ecclesiæ cura & primatus commissus fuit Petro. Et quis non est Ecclesiæ Romanæ Pontifex uniuersalis habendus, cui totius Ecclesiæ uniuersalis cura principatusque committitur?

Ex quibus & hoc cõstat, quod superius in interrogatorio interserebatur (cui in genere dictum est, pasce oues meas) non dubium aut ambiguum sensum continere, sed quod sibi uelit, expeditum esse in intellectu, nimirum ut peculiariter ad Petrum, & ipsius successores Papas id referatur: Petr<sup>o</sup> enim Christi gregi præfect<sup>o</sup> est, quæ eiusdem ouium, non harum quidem, aut illarum, sed generatim omnium curam gereret. Si ergo generatim absque ulla exceptiõne omnes oues suas Christus curæ Petri subiecit et regi mini, cur cauillatur Velsus, dictum illud, Cui  
in geo

## INTERROG. VEL. PROP.

in genere dictum est, *pasce oues meas*? Et certè  
 sat superque superius demonstratum est, ex ipso  
 contextu uerborum Christi ad Petrum, illa uni  
 Petro, & nemini aliorum Apostolorum cõpe-  
 tetere posse. Nõ est ergo ista hæretica & schi-  
 smatica opinio, sed orthodoxorum patrum, &  
 Ecclesiæ catholicæ uera sententia, sed potius Vel-  
 sius est hæreticus & schismaticus, qui contra ap-  
 tam scripturam, cui sanctorum patrum astipu-  
 latur expositio, credit, & ut ueram sententi-  
 am amplectitur, hoc dictum cui in genere di-  
 ctum est, *pasce oues meas*, intelligi debere, se-  
 cundum id genus, quo Apostoli continentur, id  
 est, quatenus Apostolo ipsi dictum sit, ut & ad  
 ceteros Apostolos, id dictum ex æquo pertine-  
 at. Quod autem dicit nos imperitè sermone uti,  
 ac turpiter incurrere in utrunq; , quod in pro-  
 blematibus spectari uitium & erratum docet  
 Aristoteles, in una eademq; oratione, ridendum  
 potius, quàm conuellendum existimamus. Nam  
 quis tam incipiens, quis tam ineptus, ut rem tam  
 diuinam tractantibus præscribat Aristotelica  
 præscripta, & philosophorum decreta, quibus  
 se per omnia conforment? Non damnamus Ari-  
 stotelica præcepta, sed neque eisdem nos alliga-  
 tos uolumus. Porro non est hoc nouum, sed ad-  
 uersarijs nostris admodum familiare, insultare  
 nimirum catholicis tanquam indoctis & impe-  
 ritis.

ritis. Humana etenim sapientia, & seculari eloquentia turgidi, despiciunt nos tanquā idiotas & indoctos. Faciebat id olim Sabinus Heracliae Tracēsis Macedoniorum Episcopus, qui patres Niceni Concilij imperitos et idiotas appellauit. Habita enim congestione eorum, quæ per diuersa concilia sacerdotum ex scripto prolata sunt, eis qui in Nicæa conuenerunt, uelut idiotis & simplicibus derogauit, ut refert Socrates lib. 2. Trip. histo. cap. 8.

Hæc non idcirco recensuimus, quod nos aliquomodo uel confrendos nedum æquandos existimaremus, sapientissimis, doctissimis & sanctissimis illis patribus Nicani concilij, sed ut hoc exemplo, hæreticorum (inter quos Velsius non postremas partes obtinuit) superbiam & arrogantiam ostenderemus, qui magno supercilio præ se catholicos omnes, tanquam imperitos aspernantur & fastidiunt.

Deinde Velsius ampliùs contra auctoritatem & potestatem pontificis obijcit dicens. Pastorale munus, cui legitima successione cōmitti debeat, quanta & qualia in eo requirantur, haud obscurè hīc docetur. Quæ sub Episcopi definitione ab officijs facta, quam Græci ἐπισκοπία, uocāt, ut ex uoci ἄν, id est, oportet. Vnde τὸ ἐπισκοπῆν, colligere licet, proponens Paulum sic ad Timotheum scribit. Oportet Episcopum irreprehensibilem

1. Timot. 3.

Titum. 3.

Conditionem ergo à Paulo enumeratæ, re-  
 titudinem respiciunt pastoralis officij, & id-  
 circo qui eiusmodi bonis conditionibus carent,  
 non sunt boni pastores aut Episcopi, sed so-  
 lum officio & nomine, studio autem & exer-  
 citatione, reuera sunt mercenarij. Ita spe-  
 ctant hæ conditiones Paulinæ, ad Episcopos,  
 ut tales esse teneantur, quales eos uult esse  
 Paulus, ueruntamen si tales non sint, non con-  
 tinuò amittunt Episcopi officium, aut potesta-  
 tem. Indigni quidem sunt pastoralis aut Episco-  
 pali dignitate, & meritò deberent ea priua-  
 ri, non tamen idcirco eos esse priuatos Scri-  
 ptura docet. Ezechiels siquidem tricesimo-  
 quarto reprehenduntur mali pastores, qui  
 non Dei gregem, sed semetipsos pascebant, ap-  
 positis Prophetis minis, priuationis pasto-  
 ralis officij, per ipsum Deum exercendæ, pas-  
 tores tamen relinquuntur. Mali quoque e-  
 rant pastores, de quibus Dominus in Euangelio  
 Matth. 23. ait. Super cathedram Moysi, &c. &  
 tamen manebant pastores, & uoluit Christus es-  
 se audiendos.

Iam uerò quod Velsius affirmat Paulum hic  
 definire Episcopum, Quis non rideat? Chriso-  
 stomus certè hoc loco sic scribit: Dicturus (inquit)  
 de Episcopatus officio, cuiusmodi esse Episco-  
 pum deceat, indicat. Et post pauca: Episcopatus  
 (in-

## INTERROG. VELS. PROP.

(inquit) ex eo dicitur quod omnes inspiciat, cunctaq; speculetur. Et Theophylactus. Episcopatus (inquit) ab ἐπισκοπῆς dicitur, hoc est, est, providere, & prospicere uniuersis, quos sub eius cura & tutela suscepit. Aug. lib. 19. de Ciuit. Dei c. 10. Episcopatus nomen est operis, nō honoris. Græcum enim est, atq; inde ductum uocabulum, quod ille qui præficatur, eis quibus præficatur, superintendit, curam eorum scilicet gerens. Epi quippe super, scopos uerò intentio est: Ergo Episcopum Græce, si uelimus Latine, superintendere possumus dicere.

Non hīc Paulus definit Episcopum, sed Episcopi describit officium, indicans cuiusmodi esse debeat.

Quod si dixerit Velsius se non propriè accipere definitionem, quæ essentiam rei explicat, cur argumentatur ab illa definitione dicens, cui definitio non conuenit, eidem nec definitum conuenit, insinuare uolens, idcirco pontificem, non esse pontificem, si desint illi conditiones, quas Paulus in Episcopo requirit.

Iam uerò quæ sequuntur, nihil sunt, quàm mera maledicta, mendacia & contumeliæ, in summum Pontificem, quas Velsio suggerit, non spiritus illè propheticus, quem fraudulenter iactitat, sed spiritus sathanicus, cuius obtemperat uoluptati.

Deni=

Deinceps dicit de Romana Ecclesia, quòd non aliter Romana, quam in Apocalypsi E-  
phesina quædam dicitur Ecclesia, & alia rursus Smyrnenſium, quemadmodum & apud Paulum ea quæ est Corinthi, & omnino quæ  
cuiuslibet alterius, uel in qualibet alia ciuitate dicitur Ecclesia esse, coetus nimirum & congregatio eorum, qui in ea nomen Christo saluatori nostro dederunt, atque in ipso crediderunt, quod cuius in sacris literis uersato uerum esse, perspicuum sit, & certè ipsa etiam uocis ratio indicet. Quod cum ita se habere manifestum sit, non uideat quomodo Romana Ecclesia. id est, coetus & congregatio Romane in CHRISTVM credentium, cathedra Petri (quod est functio ac munus prædicandi uerbi Dei, & doctrinæ Euangelicæ pabulo pascendi gregis Christi, & disciplina Ecclesiastica regendi) dici possit nisi fortè tali quapiam loquendi figura, qua Paulus Corinthios, suam Epistolam esse inquit. Quod si recipimus (ait 2. Corinth. 3.) nulla ratio est, cur magis Petri quàm Pauli cathedra, Romana dicatur Ecclesia, cum ad huiusmodi functionem Romæ obediendam, Paulum uocationem habuisse constet, tum ex 23. capite Actorum, ubi legimus. Bono animo esto Paule, ut enim testificatus es de me Hierosolymis, sic te oportet & Romæ te

cætum Christi fidelium, non tam uerbum Dei prædicantium, quàm audientium.

Deinde secundo, Romana Ecclesia intelligitur secundum caput suum. Licet ergo hæc Ecclesia, secundum reliqua illius membra, non sit prima, nec mater omnium Ecclesiarum, nec immediatè à CHRISTO instituta, & ipsa tamen secundum suum caput Petrum ac Petri successorem, Cathedra dicitur Petri, & prima est & mater, nec non magistra omnium Ecclesiarum, & immediate à CHRISTO, Evangelica uoce, auctoritatem, robur, ac firmitatem habens. Et hoc modo nimirum secundum rationem capitis, ueri sunt omnes canones, & Sanctorum sententiæ intelligendæ, Romanam Ecclesiam primam, magistram, matrem Ecclesiarum omnium, & Cathedram Petri, aut à CHRISTO Domino & Salvatore nostro Evangelica uoce fundatam firmatamque sonantes. Et hoc intendisse censendi sunt omnes, quia ita scripserunt, uel ex eo dilucidum esse potest, quòd eorum sententia fundatur super uerbis Domini ad Petrum, qui caput fuit, & in successoribus suis Romanis Pontificibus, est caput Catholicæ Ecclesiæ.

Vnde longa alia ratio est, cur Romana Ecclesia, magis dicatur Cathedra Petri, quam



## INTERROG. VEL. PROP.

Pauli, quia licet Paulus ad eiusmodi functionem Romæ obeundam uocationem habuerit, nequaquam tamen dictum est illi à CHRISTO, pascere oues meas, sicut commissum est Petro, quemadmodum frequentius iam dictum.

Ab hac denique Petri cathedra Romana Ecclesia, unitas sacerdotalis & Ecclesiæ catholicæ pendet. Quod sanctissimus martyr Cyprianus in tractatu de simplicitate prælatorum affirmat, docens unitatem Ecclesiæ, ab unitate episcopatus Petri pendere. Nam exordium Ecclesiæ post Christum à Petro, tanquam ab unitate quadam fuisse profectum affirmat. Ita enim inquit. Loquitur dominus ad Petrum. Ego tibi

**Matt. 16.**

dico (inquit) quia tu es Petrus, & super istam Petram ædificabo Ecclesiam meam, & portæ inferorum non uincunt eam. Tibi dabo clauēs regni cœlorum, & quæ ligaueris super terram, erunt ligata & in cœlis, & quæcunque solueris super terram, erunt soluta & in cœlis. Et eidem post resurrectionem suam dicit. Pascere oues meas. Et quamuis Apostolis omnibus post resurrectionem suam, parē potestatem tribuat, & dicat.

**Ioan 21.**

Sicut misit me pater & ego mitto uos, accipite spiritum sanctum, si cui remiseritis peccata, remittentur illi, si cui tenueritis, tenebuntur, tamen ut unitatem manifestaret, unitatis eiusdem originem, ab uno incipientem, sua auctoritate disposuit.

ſpoſuit. Hoc erāt utiq; & ceteri Apoſtoli, quod fuit Petrus, pari conſortio præditi, & honoris & poteſtatis, ſed exordiū ab unitate proficiſcitur, ut Eccleſia una monſtretur. Et poſt pauca. Episcopatus unus eſt, cuius à ſingulis in ſolidum pars tenetur. Eccleſia una eſt, quæ in multitudinē latiūſ incrementō fecunditatis extēditur, quomodo ſolis multi radij, ſed lumen unū, & rami arboris multi, ſed robur unū, tenaci radice fundatū. Et cum de fonte uno, riui plurimi deſluūt, numerofitas licet diſfuſa uideatur, exundātis copię largitate, unitas tñ ſeruatur in origine. A uelle radium ſolis à corpore, diuiſionē lucis, unitas non capit. Ab arbore frange ramum, fructus germinare non poterit. A fonte præcide riuum, præciſus areſcet. Sic & Eccleſia, domini luce perfuſa, per orbē totum, radios ſuos porrigit unū tamen lumen eſt, quod ubiq; diſfunditur, nec unitas corporis ſeparatur, ramos ſuos in uniuerſam terram, copia ubertatis extendit profluentes largiter riuos, latiūſ expandit, unum tamen caput eſt & origo una & una mater, fecunditatis ſucceſſibus copioſa. Haftenus ille. Ex cuius uerbis perſpicuum eſſe exiſtimo, ſententia Cypriani illa uerba Chriſti. Tu es Petrus, & tibi dabo claues regni cælorum, & paſce oues meas, ad Petrum eſſe dicta, per eadem caput Eccleſiæ eſſe conſtitutum. Nam idem martyr lib. 1.

stolos, pari consortio, & honoris & potestatis præditos, ad unum supremum tanquam caput, reuocari Episcopum, non Romanum, sed Dominum nostrum Iesum Christum, cui rationem actus sui sint reddituri, ut sit uidelicet Christi Episcopatus unus, cuius à singulis in solidū pars tenetur. Ecclesia una, &c. Ex qua nimirum illa sit concordia cohærens Episcoporum, tum Latinorum, tum Africanorum, ac cæterorum omnium. Principiò ex præmissis falsum esse constat, pascendi & regendi munus, reliquis ex æquo Apostolis à Christo fuisse delegatum, & per legitimam successionem ad posteros derivatum. Nō enim Christus alijs dixit Apostolis, aut alteri à Petro. Tibi dabo clauēs regni cælorū, & pasce oues meas, sed soli Petro dixit, qui eādem quoq; auctoritatem & potestatem, quā accepit à Christo sup cæteros, trāsmisit ad posteros p legitimā successionē, quod alij Apostoli, q æqualem cum Petro potestātē non habuerunt, minime facere potuerunt. Nō enim aliā aut maiorem ad posteros deriuare potuerunt, quā ipsi à Domino acceperant.

Quod aut Cyprianus dicit, Christū Apostolis oībus post resurrectionē suā parē potestātē tribuisse, intelligendū est, quantū ad remissionē peccatorū spectat, quēadmodū uerba Dñi, q ab eodē probationis gratia adducūtur, demonstrāt.

# INTERROG. VEL. PROP.

Deinde quod addit. Hoc erant utiq; & cate-  
 ri Apostoli quod fuit Petr<sup>o</sup>, pari consortio præ-  
 diti, & honoris et potestatis. Et Episcopatus u-  
 nus est cuius à singulis solidum pars tenetur. ita  
 accipienda sunt, ut intelligatur loqui de uni-  
 tate Episcopatus, unum esse dicit, singulos as-  
 serit in solidum, non nisi quandam tenere par-  
 tem, quem quamvis numero multi gerant, or-  
 dine tamen ac genere uel gradu dignitatis, par  
 sit in omnibus, quemadmodum exemplis decla-  
 rat. Non tamen omnium propterea Episcopo-  
 r<sup>um</sup> potestas par est, quantum ad usum clauium,  
 & quantum ad iurisdictionem (quæ disciplinæ  
 coniuncta est) pertinet. Dicens autem. Cuius à  
 singulis in solidum pars tenetur, sic accipiendum  
 credimus, ut dicamus quenq; Episcopum, toto sa-  
 cerdotio fungi in Ecclesia sua, docendo, bapti-  
 zando, ligando, soluendo, offerendo, sed ita, ut ser-  
 uiatur interim disciplinæ, quæ ad pacem & uni-  
 tatem conseruandam necessaria est omnibus, quæ  
 nihil detrahit muneri Episcopali, sed officio ei<sup>us</sup>  
 legem statuens, functionē potestatis, ad uniuer-  
 sorum utilitatē moderatur, & ut significetur di-  
 scipline (quæ discriminē facit inter Episcopos, ut  
 alius alio maior habeatur) rationē habēdā esse,  
 sine q̄ nec stare Episcoporū ordo, nec ulla de do-  
 ctrina in ecclesia uel religio, salubris esse potest.  
 Quātrū ergo attinet ad ordinē ac gen<sup>us</sup> dignitatis  
 par

par atq; unus episcopatus est, & oēs episcopi pares sunt. Nā oēs sic æquē episcopi sunt, atq; æquē multum per impositionē manūū, illis collatum est. Verū quantum ad disciplinam & iurisdictionem, non omnes pares sunt, sed alius alio maior est. Sic enim super Episcopos, Archiepiscopi, & super ipsos patriarche, super omnes deniq; papa collocatur. Vnde S. Leo Papa, uir & sanctissimus & disertissimus doctissimusq; epist. 84. ad Anastasium Episcopum Thessalonicensem cap. ult. scribit in hæc uerba. Sacerdotibus etsi dignitas non sit cōmunis, est tamen ordo generalis, quoniam & inter beatissimos apostolos, in similitudinem honoris, fuit quædā discretio potestatis, & quum omnium par esset electio, uni tamen datum est, ut cæteris præemineret. De qua forma, Episcoporum quoq; orta est distinctio, & magna dispositione prouisum est, ne omnes sibi omnia uendicarent, sed essent in singulis prouintijs singuli, quorum inter fratres haberetur prima sententia, & rursus quidam in maioribus urbibus constituti, sollicitudinem susciperent ampliorem, per quos ad unam Petri sedem, uniuersalis Ecclesiæ cura conflueret, & nihil unquam à suo capite disideret. Hactenus ille. Pares ergo fuerunt apostoli quantū ad remittendorum peccatorum attinet potestatem, pares item fuerunt in gradu sacerdotali

principe fiduciam, ut habeamus auctoritatem, uniuerſali Eccleſiæ (auxiliante Domino) ſubuenire, & quicquid nociuum eſt, auctoritate Apoſtolica, corrigere et emendare. Ad hoc enim diuine diſpoſitionis prouiſio, gradus diuerſos & ordines conſtituit eſſe diſtinctos, ut dum reuerentiam minores potioribus exhiberent, & potiores minoribus dilectionem impenderent, una concordie fieret ex diuerſitate contextio, & recte officiorum gereretur adminiſtratio ſingularum. Neq; enim uniuerſitas alia poterit ratione ſubſiſtere, niſi huiusmodi magnus eam diſſerentie ordo ſeruaret. Quia uero quæq; creatura, in una eadẽq; æqualitate, gubernari uel uiuere non poteſt, cœleſtium militiarum exempla nos inſtruunt, quia dum ſint Angeli, ſint & Archangeli, liquet quia non æquales ſunt, ſed in poteſtate & ordine (ſicut noſtis) differt alter ab altero. Si ergo inter hos, qui ſine peccato ſunt, conſtet iſtam eſſe diſtinctionem, quis hominum abnuat, libenter illorum ſe diſpoſitioni ſubmittere? Hinc enim pax & charitas mutua ſe uice complectuntur, & manet firma concordia, ac in alterna & Deo placita dilectione ſinceritas. Quia igitur unumquodque ſalubriter tunc completur officium, cum fuerit unus, ad quẽ poſſit recurri Præpoſitus; uota noſtra charitatem tuam latere nolumus. &

Euařiſtus

toriorum, insyncerè, adulteratis Cypriani uer-  
 bis & sententia adductum, esse, et ex loco eo què  
 ueteratoriè suppressit, contrarium eius, quod  
 hìc constitui uult, concludi & confici, non obti-  
 nere uidelicet Romanam Ecclesiam inter cete-  
 ras principalitatem, nec ab ea unitatem sacerdo-  
 talem, & Ecclesiæ catholicæ pendere. Subijciam  
 autem uerba Cypriani ex epistola 3. libri primi  
 ad Cornelium Papam. Post ista (inquit) adhuc  
 insuper Pseudo episcopo, sibi ab hæreticis con-  
 stituto, nauigare audent, & ad Petri cathedram  
 atq; Ecclesiam principalem, unde unitas sacer-  
 dotalis exorta est, à schismaticis & profanis li-  
 teras ferre, nec cogitare eos esse Romanos, quo-  
 rum fides apostolo prædicante, laudata est, ad  
 quos perfidia habere non possit accessum. Hæc  
 ille. Principio Cyprianus clarissimis uerbis ca-  
 thedram Petri, Ecclesiam nuncupat principalem,  
 quam Iræneus lib. 3. c. 3. uocat maximam & an-  
 tiquissimam, quam Anacletus martyr & pon-  
 tifex dicit non ab apostolis, sed ab ipso domino  
 saluatore nostro, primatum obtinuisse, sicut in  
 pse beato Petro apostolo dixit. Tu es Petrus  
 &c. Athanasius matrem & caput omnium Ec-  
 clesiarum, quemadmodum liquet & suprâ cita-  
 tis uerbis illius. Quid hisce uerbis clarius? Et  
 tamen Velsius contendit Romanam Ecclesiam,  
 non ideo principalem dici, quod sit maxima &  
 antiquissi-

Dist. xi. e.  
 Sacro san-  
 cta.



fundamēta principalitatis illius Cathedræ, quā nullæ pluuiæ, hæreticæ loquacitatis, nulla schismatum flumina, nulli tyrannicarum persecutionum uenti, hætenus nec dimouere, nec subuertere potuerunt, nec unquam poterunt in futurum. Et quur hoc? Respondet Christus: Quia fundata est domus ista super Petram. Matth. 7. super uerbum Domini, quod manet in æternum. Esa. 40. super ueritatem infallibilem, quæ ait Matt. 24. Cælum et terra transibunt, uerba autem mea non præteribunt. Vanissimum est ergo & ridiculum plane, quod Velsius toties de ruina huius domus, & de ruina eius magna nimis, ingeminat. Cadere enim non potest, quæ tanta firmitate à Domino constabilita est. Potest quidem Dominus (quemadmodum frequenter factū cognoscimus) iniquitatem domus huius, uisitare in uirga, & in uerberibus peccata eorum, qui domui huic præsunt, ueruntamen domus huius stabilitatem & firmitatem tæbitur usq; ad con summationem seculi. Ab hac ergo Cathedra à Christo firmissimè fundata & constabilita, ut exorta est unitas sacerdotalis & Ecclesiæ, ita quoq; ab ea dependet. Vnde rectissimè inquit Irenæus lib. 3. c. 3. de Romana Ecclesia loquens: Ad hanc Ecclesiam propter potentio rem principaliter, necesse est omnem conuenire Ecclesiam, hoc est, eos qui sunt undique fideles, in qua  
semper

INTERROG. VELS. PROP.

semper ab his, qui sunt undiq;, conseruata est  
 ea quæ est ab apostolis traditio. Audiat hic  
 Velsius propter potentiorẽ principalitatem,  
 necessitatẽ impositam esse omnibus Ecclesijs,  
 conueniendi ad Romanam Ecclesiã. Videtur  
 ne ergo Velsio satis perspicuum, ab ea unitatem  
 sacerdotalem & Ecclesiæ Catholicæ pendere?  
 Sed dicit Velsius, nusquam à Cypriano dici, à  
 Romana Ecclesiã unitatem sacerdotalem, & Ec-  
 clesiæ catholicæ pendere, sed inde exortam esse,  
 quæ plurimum inter se differant. Esto Cypria-  
 nus hoc loco uerba illa non habeat, in tractatu  
 tamen de Simplicitate prælatorum, sensum uer-  
 borum horum habet, quemadmodum ostendi-  
 mus, & hic ex Irenæo constat. Quid ergo nuga-  
 tur aut potius cauillatur Velsius de uerbo pen-  
 dere, cuius sensus in Cypriano inuenitur? Sed  
 persistit in garritu suo, & cõtendit probare dif-  
 ferentiam, inter pendere, & exortam esse uni-  
 tatem. Nam ex Hierosolymis (inquit) ac omnino  
 Iudææ, unitas & fidei nostræ & religionis ex-  
 orta est, non tamen inde pendet, alioqui necesse  
 esset, illis locis à fide desciscientibus (ut certè de-  
 sciuerunt) & fidem nostram ac religionẽ, euer-  
 ti ac deficere, quod minimè factum uidemus, i-  
 mò contrà potius (ut Paulus docet) per lapsum  
 illòrum salus contigit gentibus, in hoc ut ipsi ad  
 emulandum prouocarentur. Si hæc illæ. Scimus  
 scriptum

Roma. II.

scriptum esse Esaia 2. De Sion exhibit lex, & uerbum Domini de Hierusalem. Inde enim unitas Fidei nostræ & Religionis exorta est. Sed præslidi Hierosolymitanæ Ecclesiæ, non sunt dicta atque exhibita à Domino, quæ Petro, qui postremam sedem suam Romæ collocauit, & ideo inde non pendet, quia Cathedra Hierosolymitana, ex institutione diuina illam auctoritatem & stabilitatem non accepit à Domino, per seuerandi in eadem firmitate & auctoritate, usque ad consummationem seculi, quemadmodum Ecclesia Romana, & idcirco non solum Hierosolymitana, sed & Constantinopolitana, Antiochena, Alexandrina, & omnes pene totius Orientis Ecclesiæ defecerunt, quia fundatæ non erant super Petram, sicut Romana. Nec necesse est fidem nostram ac religionem euertere ac deficere, illis locis à fide desciscientibus, modò immobiliter & firmiter Romanæ Catholice Ecclesiæ fidei, & unitati ac obedientiæ inhaeremus, cum præcipua causa defectus & uastationis illarum Ecclesiarum fuerit, inobedientia erga Romanam sedem, & schismatica diuisio à capite. Quod autem Velsius huc torquet dictum Pauli ex Epistola ad Romanos, uide quàm ineptè. Paulus enim loquitur de Iudæis in incredulitate permanentibus, & fidem CHRISTI non recipientibus, non autem hic sermo est, de

INTERROG. VELS. PROP.

Christianis credentibus. Sed Velsius in sua persistens erronea sententia, Hanc(inquit) ueram huius loci sententiam esse, & ipsa satis uerba ostendunt, & quæ sequuntur, clarius etiam demonstrant. Nam cum subiicit: Quæ autem causa ueniendi, & Pseudoepiscopum, contra Episcopos factum nunciandi? manifestè ostendit sibi displicere, & ut statim subiicit, scelus etiam uideri, Episcopi electi confirmationem, præta legitima, quenq; in suo loco eligendi & confirmandi ratione, à Romano Episcopo postulare. Quod quæ sequuntur, manifestius etiā ostendunt, cū inquit: Aut enim placet illis q. fecerunt, & in suo scelere pseuerant, aut si displicet, et recedūt, sciunt quo reuertantur. Nam cum statutū sit omnibus nobis, & æquum sit pariter ac iustum, ut uniuscuiusq; causa illic audiatur, ubi est crimen admissum, & singulis pastoribus portio gregis sit adscripta, quam regat unusquisque & gubernet, rationem sui actus Domino redditurus, oportet utiq; eos quibus præsumus, non circūcursare, nec Episcoporum concordia coherentē, sua subdola & fallaci temeritate collidere, sed agere illic causam suā, ubi & accusatores habere, et testes sui criminis possint, nisi paucis despectatis & perditis, minor uidetur esse autoritas Episcoporum in Africa constitutorū, qui iā de illis iudicauerūt, & eorū conscientia multis delicto-

rum laqueis uinctā, iudicij sui nuper grauitate  
dānarunt. Luce (ut arbitror) clarius ex his pa-  
tet, nolle Cyprianū ex autoritate, & (ut loquū-  
tur) iurisdictione Romanæ Ecclesiæ, eas quæ in  
Africa sunt pendere, & ab ea ius cōfirmationis  
electionis petere, aut etiā ibi de electionis cōtro-  
uersa disceptari, cū in Africā eos reuocet, ibiq;  
(ut statutū asserit) causam audiri uelit. Hacten-  
ille. Nā ad ea quæ sequuntur uerba respōdimus.  
Videamus nunc q̄ insyncerē Velsius serpentina  
quādā calliditate producat in erroris sui patro-  
cinium Cyprianum. Sciendū est itaq;, quēadmo-  
dum ex iā citata Epistola Cypriani aperte colli-  
gitur, S. Cyprianum Ecclesiæ causam agere, ad-  
uersus Felicissimum hostem Christi, non nouū,  
sed iampridem, ob crimina sua plurima & gra-  
uissima, ostensum, & non solum Cypriani, sed  
& plurimorum Episcoporum sententia con-  
demnatum & reiectum, & à Cornelio Romano  
Pontifice, Romæ ab Ecclesia prohibitū, & cū  
uenisset stipatus caterua, et factione desperato-  
rū, uigore pleno (quo Episcopū agere oportet)  
pulsū de Ecclesia fuisse, quē scribit schismaticis  
& dissidij authorē, signiferū seditionis, pecuniæ  
cōmissæ fraudatorē, stupratorē uirginū, et ma-  
trimoniorū multorū depopulatorem atq; cor-  
ruptorem. Quem appellat Pseudoepiscopum, à  
paucis & inueteratis hereticis constitutum.

# INTERROG. VEL. PROP.

Deinde contra Fortunatū, quem ait esse unum de quinq; presbyteris de Ecclesia profugis, & sententia, Coepiscoporum suorum multorum & grauissimorum uirorum, abstentum. Præterea contra Maximum presbiterum, quem pars Nouatiani, Pseudoepiscopum sibi fecisse dicebatur, quem dicit à suorum communione reiectum fuisse. Scribit quoque Priuatum ueterem hæreticum in Pambestana Colonia, ante multos fere annos ob multa & grauia delicta, nonaginta Episcoporum sententia condemnatum, etiam antecessorum suorum Fabiani & Donati literis seuerissimè notatum: & dicit eum, Fortunatum Pseudoepiscopum, dignum collegio suo fecisse, uenisseq; cum eo Carthaginem, Felicem quandam, quem ipsa extra Ecclesiam in hæresin, Pseudoepiscopum olim constituerat. Notat quoq; Iouinum & Maximum Priuati hæretici comites, ob nefanda sacrificia & crimina in se probata, sententia nouem collegarum suorum, condemnatos, & iterato quoque à pluribus Episcopis in Concilio abstentos. His autem quatuor, iunctum scribit & Repositum Saturnicensem, qui non tantum in persecutione ipse ceciderat, sed & maximam partem plebis suæ sacrilega persuasionem deiecerat. Hi quinq; (inquit) cum paucis uel sacrificantibus, uel male sibi conscijs, Fortunatum sibi Pseudoepiscopum cooptraue-

runt,

runt, ut criminibus in unum conuenientibus, talis esset scilicet rector, quales illi qui reguntur: ut interim taceat fraudes Ecclesiæ factas, coniu-  
 rationes eorum, & adulteria, & uaria delictorum genera. Denique dicit eos fors sibi extra Ecclesiam, & contra Ecclesiam, constituisse cō-  
 uenticulum perditæ factionis. Hæc Beatus Cy-  
 prianus scribit Cornelio Papæ, per Felicianum  
 acolythum, qui dum uel uento retardabatur,  
 uel accipiendis alijs epistolis, detineretur, à Fe-  
 licissimo Romam properante, præuentus fuit.  
 Ita (inquit) scelera festinant, quasi contra inno-  
 centiam, festinatione præualeant. Et iterum.  
 Post ista adhuc insuper Pseudoepiscopo (in-  
 quit) sibi ab hæreticis constituto, nauigare au-  
 dent, & ad Petri Cathedram, &c. à schismaticis  
 & profanis literas ferre, &c. Ex quibus om-  
 nibus manifestè colligitur, hos fuisse ab Episco-  
 pis Aphricæ, ob grauissima crimina iam enume-  
 rata iustissimè condemnatos, qui tamen iustissi-  
 mæ condēnationi suæ minimè acquiescentes, qui-  
 dam eorū acceptis literis à schismaticis & pro-  
 phanis seditiosorum more Romam nauigarūt,  
 ubi negocium suum magna importunitate ege-  
 runt, & Cornelium Papam summa cū despera-  
 tione aggressi sunt, comminātes, quod si literas  
 quas attulerant non acciperet, publicè eas reci-  
 tarēt, et tā turpia, et probrosa, et ore suo digna



# INTERROG. VELS. PROP.

proficerebant (solent enim mali quod iure atque equitate non possunt, temeritate atque desperatione perficere) ut Cornelius aliquantulum commoueretur. Displicuit ergo Cypriano, & scelus etiam uidebatur, non confirmationem electi Episcopi, à Romano Episcopo (ut Velsius ait) postulare, sed quod hij qui ab Episcopis & collegis suis erant condemnati, schismaticorum & hereticorum more Pseudoepiscopum sibi praeferant, & Romam miserant pro illius confirmatione obtinenda. Quam ut eò facilius impetrarent, quasi filij diaboli, & mendacio pleni, ausi sunt iactare, uiginti quinque Episcopos adfuisse, cum tamen non nisi quinque adfuerint. Et quanquam male egerint, & idcirco nihil patrociniij aut praesidij à Romano Pontifice retulerint, illo tamen seditioso suo exemplo haud obscure indicarunt, illo quoque tempore in Aphrica fuisse receptum, Ecclesiasticas disceptationes uel contentiones autoritate Apostolica Sedis terminari & componi solere. Nisi enim hoc seditiosi illi cognouissent, nequaquam illius Sedis patrocinium licet fraudulenter implorassent, nunquam Romam cum mendaciorum suorum merce nauigassent, ut contrarium eius, quod hic constituit Velsius, concludatur, & conficiatur. Quod ex Epistola Anacleti Pontificis & martyris liquet, qua uniuersae Aphricanae regionis

nis Episcoporum cōsultationibus respōdet dicēs:  
 Consulētibus uobis fratres charissimi, qd super  
 his, quę in uestris continebantur scriptis, uisum  
 esset nobis, uel qd docibilis ratio persuaderet,  
 aut qd à Beatīs Apostolis nobis traditū aut cu-  
 stoditū remaneret, optātes (ut retulistis) nostris  
 instrui documentis, dilectio uestra Ecclesiasticā  
 normā secuta, ad Sedē Apostolicā referre malu-  
 it, quasi ad caput, qd deberet de rebus dubijs cu-  
 stodire, q̄ usurpatione temeraria, q̄ sibi uideren-  
 tur, præsumere. Videtis ne hīc normā Ecclesiasti-  
 cā, q̄ secuti illi Aphricani Episcopi, reserebāne  
 suas dubitationes, ad beatissimi Petri Cathedrā

Nota est Epistola Stephani Archiepiscopi,  
 et triū Cōciliorū Aphricę, ad Damasum Papā,  
 de priuilegio Romanę Sedis, q̄ ex cōmuni De-  
 creto ad eū scripserunt in hæc uerba: Beatissimo  
 Dño, & Apostolico culmine sublimato, sancto  
 Patri Patrū Damasō Papę, & summo omnium  
 Præsulū Pōtifici, Stephanus Archiepiscopus Cō-  
 cilij Mauritanie, et uniuerſi Episcopi de tribus  
 Cōcilijs Aphricanę prouincię. Notū uestre fa-  
 cimus Beatitudini, quod quidam fratres in con-  
 finio nobis positi, quosdā fratres nostros, uene-  
 rables uidelicet Episcopos, uobis inconsultis,  
 à proprio deijciunt gradu, uel deijcere molun-  
 tur, cum uestre Sedi, Episcoporum iudicia, &  
 summorum finem Ecclesiasticorum negotiorū,

# INTERROG. VEL. PROP.

In honore Beatissimi Petri, Patrum decreta omnium, cunctam referuare sententiam, inquirendi reuerentia de Dei rebus, quas omni cura & sollicitudine, obseruare debemus. Maxime uerò iuste debent ab ipso Præsulum examinari uertitice Apostolico, cuius uetusta sollicitudo est, tã mala laudare, quàm releuare laudanda. Antiquis enim Regulis sancitum est, ut quicquid bonum quamuis in remotis, uel in longinquo positum, ageretur prouincijs, non prius tractandum uel accipiendũ sit, nisi ad notitiã Almæ Sedis uestre fuisset deductum, ut eius autoritate, iuxta quod fuisset pronunciatum, firmaretur, & reliqua multoties talia, & his similia, quæ super his constituta sunt, quibus si illicitè factum est (ut semper uestre Sedi consuetudo fuit) festinanter occurrere, & his uiriliter, ut pater pro filiis, certantes state, sicut bene à Iesu filio Sirach dictum est: Vsq; ad mortem certa pro ueritate, & semper Dominus Deus tuus pugnabit pro te. Accipere enim personam impij, non est bonum, ut declines à ueritate iudicij. Sin minus illicita sunt hæc, pateat nobis talis omnibus licentia, beatissime Pater. Aut si liceat hos, uel aliquos etiam minorum graduum clericos, nisi canonicè tempore legitimo uocatos, aut sine legitimis accusatoribus, aut absq; ueris & innocentibus testibus, uel nisi manifestè, canonicè conuictos

uictos, aut spontè confessos, uel à suis sedibus eiectos, aut suis expoliatis rebus, uocari ad Synodum, uel damnare, quia legimus eos non posse canonicè ad Synodum, ante suam diu tenendam & gubernandam, uiribus scilicet pleniter reumptis, restitutionem, suisq; omnibus sibi legaliter restitutis, integerrimè uocari, aut ut ueniāt ad Synodum, nisi sponte uoluerint, imperari. Haftenus illi. Ecce hìc habes Episcopos Aphricae trium Conciliorum, una cum suo Archiepiscopo Stephano, palàm fateri, Episcoporum iudicia, & summorum finem Ecclesiasticorum negotiorum, Patrum decreta omnium, cunctam re seruasse sententiam, & antiquis regulis sanctiatum esse, ut quicquid horum quamuk in remotis uel in lōgiquo positis ageretur prouincijs, non priùs tractandum uel accipiendum esse, nisi ad notitiam Almae Sedis fuisset deductum, ut eius auctoritate firmaretur. Vbi etiam narrant quosdam uicinos fratres, inconsulta sede Romana, quosdam Episcopos, à proprio gradu deiecisse, uel deicere molitas, fatenturq; Romanæ Sedis semper fuisse consuetudinem, ut illi citè factis, festinanter occurreret: Sed & Damasus Papa pulchram illis rescripsit epistolam, in qua ostendit Episcoporum iudicia, & maiores causas, non aliter quàm auctoritate Sedis Apostolica terminandas. Habetur hæc epistola in

## INTERROG. VEL. PROP.

**Tomo Conciliorum primo, inter decreta Damasii Papæ primi.**

In Sardicensi Synodo cap. 7. Romano Pontifici, suprema Iurisdictio tribuitur, uelut ad quem ex toto orbe appellare liceat. Cui Concilio interfuerunt & assenserunt Aphricani Episcopi, ut habet eiusdem Concilij epistola, quæ à calce eius impressa est, excerpta è Theoderito lib. 2. c. 8. & Tripart. lib. 4. cap. 24.

Quum uerò Legati Romani Pontificis, ad 6. Synodum Carthaginensem missi dixissent, hunc canonem esse Concilij Niceni, Aphricani Episcopi ad Bonifacium primum Romanum, item ad Acatium Constantinopolitanum, & Cyrillum Alexandrinum Episcopos scripserunt, ut eis uera exemplaria Canonum Niceni Concilij, communicare dignarentur. Quod tamen ipsis non fuisset necessarium, si meminissent hunc canonem, suorum prædecessorum assensu firmatum fuisse in Concilio Sardicensi, non minoris autoritatis, quam fuit Nicenum paulò antè habitum, cuius illud reuera appendix est. Habetur autem hæc eorum Epistola ad Bonifacium Primum, post Canones Concilij Aphricani. Et alia eiusdem Concilij, ad Papam Celestinum, de qua Epistola quid scribat Bonifacius Secundus, uidere est in Epistola eius, ad Eulalium Alexandrinum, qui autoritatem

Roma

Romani Pontificis, per Aurelium Carthaginensem Episcopum oblesam, rursus agnoscens, reconciliatus est Ecclesie Romanae.

Moserat Aphricanis Episcopis, ut decreta Aphricanorum Conciliorum, mitterent ad Romanum Pontificem approbanda, quod Epistola 92. Augustinus testatur, quae eadem est Concilij Mileuitani, & altera 90. quae eadem est etiam Concilij Carthaginensis.

Et ne de hoc teste Pontifice certe sanctissimo & doctissimo quis dubitet, extant ad eundem cō plures Epistolae Aphricanorum Episcoporum, et praesertim ambae illae B. Augustini 90. & 92. quae idem satis confirmant.

Et Possidonius in uita Augustini testatur, Aphricanos causa Pelagij & Celestij Pelagiano rum, ad Innocentium Primum, & Zozimum Pontificem, dijudicandam retulisse, qui datis literis ad Aphricanas Ecclesias, eos anathematizarunt. Idem testatur Prosper Aquitanus in suis Chronicis.

Et Possidonius testatur Aphricanos Episcopos, mādatis Pontificis Romani semper obtēperasse Constitutus (inquit) in Caesariensi Mauritania ciuitate uenerabilis Augustinus, quo eū uenire cū alijs Episcopis, Sedis Apostolicae literae cōpulerāt, ob terminandas uidelicet alias Ecclesiae necessitates.

Victor in li. de persecutione Wandalica, scribit

Eugene



## INTERROG. VEL. PROP.

Eugenium electum Carthaginensem Episcopū,  
 Hunerico tyranno, cū disputationem publicā  
 suis & Catholicis indiceret, respondisse: Per-  
 mitte ō rex scribam ad Coēpiscopos meos, & Ec-  
 clesiam potissimum Romanam, quæ caput est  
 omnium Ecclesiarum, ut de Religione cum tuis,  
 una liberè cōtendamus. Atque idem uictor nar-  
 rat quosdam catholicos pulsos in Mauritania  
 quibusdam partibus, ubi Christus antea nō erat  
 cognitus, multos in Christianismum pexduxisse,  
 se, atque misisse Romam ad Pontificem, ut præ-  
 ficeret nouæ Ecclesiæ Episcopos. Vides hic in-  
 stitutionem Aphricanorum Episcoporū fecisse Ro-  
 manum Pontificem?

Tertullianus uetustissimus Apher li. de Præ-  
 scrip. aduersus Heret. testatur uerbis disertis  
 Ecclesias Aphricanas, suam originem ad Ro-  
 manam Ecclesiam, tanquam matricem retulisse,  
 ita inquit: Percurre Ecclesias Apostolicas,  
 apud quas ipsæ adhuc Cathedræ Apostolorum,  
 suis locis præsidentur. Et post pauca: Si autem  
 Italia adiacet, habes Romanam, unde nobis (ni-  
 mirum Aphris) quoque autoritas præstō est sta-  
 tuta. Et paulò post: Videamus quid didicerit,  
 quid docuerit, cum Aphricanis quoq; Ecclesiis  
 contestatur unum Deum: Nouit Deum Creato-  
 rem uniuersitatis, &c.

Ad hæc S. Cyprianus (quem Velsus in suam  
 sena



tentiam detorquere contendit) lib. 3. epist. 11. Cornelio Papæ perscribit omnia, de nonnullis ad Ecclesiam reuersis, qui schismaticorum uenata astutia circumuenti fuerant. Vt motum omnium (inquit) & consilium singulorum dignosceres, etiam sententias nostras placuit, in notitias uestras perferri, quas et subiectas leges. Vbi deinde scribit quomodo in presbyterium uenerint, refert, & propriam eorum professionē, & propria uerba designat. Nos (inquiunt) Cornelium Episcopum, sanctissimæ Catholicæ Ecclesiæ erectum à Deo omnipotente, & Christo Domino nostro scimus. Nos errorem nostrum confitemur. Circumuenti sumus perfidiæ loquacitate factiosa amentes. Videbamus quasi quandam cōmunicationem cum schismatico homine habuisse. Syncera tamen mens nostra, semper in Ecclesia fuit. Nec ignoramus unum Deum esse, & unum Christum esse dominum, quem confessi sumus, unum spiritum Sanctum, unum Episcopum in Catholica Ecclesia esse debere. Hactenus illi. Planè hæc eorum professio, proprijs ipsorum uerbis designata, indicat Ecclesiam Africanam tempore Cypriani credidisse, unum Episcopum in Catholica Ecclesia esse debere, quem tunc Cornelium Romanæ urbis Episcopum profitebātur, dum dicebant: Cornelium Episcopum, sanctissimæ Catholicæ (id est uniuersalis)

# INTERROG. VEL S. PROP.

salis) Ecclesie, erectum scimus à Deo. Quod etiam ex Epist. 2. lib. quæ est ad Antonianum colligitur, ubi ita scribit: Accepimus primas literas tuas frater charissime, concordiam collegij sacerdotis firmiter obstringentes, & catholice Ecclesie coherentes, quibus significasti, cū Novatiano te non communicare, sed sequi consiliū nostrum, & cum Cornelio Coepiscopo nostro, unum tenere consensum. Scripsisti etiam ut exemplum earundem literarum, ad Cornelium collegam nostrum trāsmitterem, ut deposita omni sollicitudine, iam sciret, te secum, hoc est, cum Catholica Ecclesia communicare. Hæc ille. Ex cuius uerbis liquet, eum qui communicat cū Romano Pontifice, communicare cum Catholica Ecclesia, cui<sup>9</sup> ille uniuersalis est pastor & Episcopus. Quid autem ipse Cyprianus de Cathedra Petri sentiat, & eius prærogatiuis, ex epist. 3. li. 1. liquet. Deniq; lib. 3. epi. 13. ad Stephanum scribit de Martiano Arelatēsi Episcopo hæresiarum, ut eum Episcopatu deponat, & aliū loco eius substituat. Cū enim illius hæreticam præsumptionem explicasset: Quapropter (inquit) facere te oportet plenissimas literas, ad Coepiscopos nostros in Gallijs constitutos, ne ultra Martianum peruicacem & superbū, & diuinæ pietatis ac fraternæ salutis inimicum, collegio nostro insultare patiantur, quòd necdum à nobis uideatur

tur abstētus, qui iam pridem iaciāt & prædicat, quod Nouatiano studens, & eius, perniciatā sequens, à communicatione se nostra segregauerit, cū Nouatianus ipse quē sequitur, olim abstētus, hostis Ecclesiæ iudicatus sit, & cū ad nos in Aphricam legatum misisset, optans ad communicationem nostram admitti, hinc à Concilio plurimorum sacerdotum, qui præsentēs eramus, sententiā retulerit, se foris esse cōpissē, nec posse à quodam nostrū, sibi communicari, qui Episcopo Cornelio in Catholica Ecclesiā, Dei iudicio, & cleri ac plebīs suffragio ordinato, prophanum altare erigere, & adulteram Cathedralē collocare, & sacrilega cōtra uerum sacerdotem sacrificia efferre tētauerit. Hic audis Aphricanos Episcopos, ei noluisse communicare, qui Cornelio Episcopo Romano (quem in Catholica Ecclesiā, Dei iudicio dicunt esse ordinatum) non communicauit.

Ex quibus omnibus constat, nō displicere Cypriano, & multò minūs scelus illi uideri, Episcopi electi confirmationem, à Romano Episcopo postulare, cum ostensum sit Aphricanos Episcopos Apostolicæ Sedis ac Cathedralē autoritatē agnouisse, ac religiose obseruasse.

Porrò uerba Cypriani quæ sequuntur: Nā cū statutū sit omnibus nobis, & equū sit pariter actū, ut uniuscuiusque causa illuc audiatur,

ubi

## INTERROG. VEL. PROP.

ubi est crimen admissum, &c. Nihil pro Velsio  
 cōtra auctoritatē summi Pontificis faciunt. Nam  
 æquum est & iustum, ut uniuscuiusq; causa illie  
 audiat, ubi est crimen admissum, nihilomi-  
 nus tamen ad Sedem Apostolicam spectat (quem  
 admodum copiose ostendimus) causas alibi diju-  
 dicatas (maximè si dijudicati querantur se in-  
 iuste grauatōs) examinare, & iustitiam earun-  
 dem inuestigare, ut iniuste damnati liberentur  
 ac absoluantur, iuste uerò, secundum Ecclesia-  
 sticam disciplinā coerceantur, et puniātur. Vnde  
 de Gelasius Papa in Epist. ad Episcopos Darda-  
 niæ. Nec illa (inquit) præterimus, quod Aposto-  
 licæ Sedis frequenter datum est more maiorum, ut  
 etiam sine ulla Synodo præcedente, & soluendi,  
 quos Synodus iniquè damnauerat, & dānandi,  
 nulla existente Synodo, quos oportuit, habuerit  
 potestatem. Sanctæ memoriæ quippe Athana-  
 sium Synodus Orientalis addixerat, quem ta-  
 men exceptum Sedes Apostolica, quia damna-  
 tioni Græcorum non consensit, absoluit. Sanctæ  
 memoriæ nihilominus Ioannem Constantinopo-  
 litanum, Synodus etiam Catholicorum Præsidiū  
 certè damnauerat, quem simili modo Sedes A-  
 postolica etiam sola, quia non consensit, absol-  
 uit. Itemq; sanctum Flauianum Pontificem, Græ-  
 corum congregatione damnatum, pari tenore,  
 quia sola Sedes Apostolica, non consensit, absol-  
 uit.

uit, potius quàm, qui illuc receptus fuerat, Dioscorum secundæ Sedis præfulem, quem sua autoritate damnauit, & impiam Synodum non consentiendo, submouit sola. Hactenus ille. Porro illi de quibus loquitur Cyprianus, iustissimè (quemadmodum ostensum est) erant ab Aphricanis Episcopis iudicati & condemnati, qui etiam meritò debuerant eorum iusto iudicio stare & acquiescere, atq; poenitentiā agere. Ita enim ait de illis: Nisi paucis desperatis & perditis, minor uidetur esse autoritas Episcoporum in Aphrica constitutorum, qui iam de illis iudicauerunt, & eorum conscientia multis delictorum laqueis uinctam, iudicii sui nuper grauitate dānarunt. Hæc ille. Verum quoniam perditī erant & desperati, circumcursabant, & Episcoporum concordiam coherentē, sua subdola et fallaci temeritate collidere contēdebāt, unde etiā Romā cū mendaciorum suorum mercibus nauigarūt, quod sanctissimū Cyprianum (quē constat unitatis Ecclesiasticæ & Catholicæ fidei fuisse accerrimum propugnatorē) malè habuit, unde sollicit⁹ fuit hæc Romano p̄scribere Pontifici, ne circumueniretur ab illis, & iustissimè damnatos ignoranter absolueret.

Deinde probat Velsius nō eā esse Cypriani sententiam, quod Cornelium Romanum Episcopū, et alios, ad quos, aut de quibus alioqui scribit, non alijs nominibus, quam fratrum collegarū, con-

# INTERROG. VELS. PROP.

sacerdotum, Cœpiscoporum, & consimilibus dignetur, quæ non Principalitatem aliquam & Primatum, ac omnino inæqualitatem odij, discordiæ & bellorum ac malorum omnium seminarium, sed potius pacificam æqualitatē declarant, ut taceat interim, quod Stephanū Cornelij successorem, durius etiam accipere non reformidet, nunc obstinationem duram, nunc arrogantiam, nunc inscitiam, & alia id genus illi obijciēs, quod quo loco ipsum habuerit, facile indicat. Hacten<sup>o</sup> Velsius. Falsissimū in primis est q̄ Velsi<sup>o</sup> insinuat, nimirum, inæqualitatem istam, de qua nunc loquimur, quæ est inter Romanum Pontificem, & ceteros Episcopos, esse seminarium odij, discordiæ, bellorum ac malorum omnium, cum ista inæqualitas, & unius in Ecclesia Primatus, adeò sit necessarius, ut absq; eo Respublica Christiana in sua tranquillitate & pace subsistere nequeat, uerū superbia Episcoporum ambitioforum, & peruersorum hereticorū, qui hunc Primatum agnoscere noluerunt, omnium malorum ac bellorum seminarium fuit.

Deniq; ex superioribus liquet, oportere in Ecclesia Ordinem esse ac seriem, qui in unū aliquem desinat supremum, tanq̄ maximi alicuius boni, tranquillitatis nimirū & cōcordiæ, causa.

Deinde ridiculum plane est argumentum, Cyprianus Cornelium Romanum Episcopū, aut alios



ad quos scribit, non alijs nominibus, quam fratrum, collegarum, confacerdotum & Coëpiscoporum dignatur, quæ non Principalitatem aliam quam & Primatum, sed æqualitatem declarant, Ergo Romanus Pontifex nō obtinet Primatum, neq; Romana Ecclesia Principalitatem. Istū argumentandi modum Velsius didicit ex Luthero, qui ex uerbis Gregorij dicentis: Petrus non uocatur uniuersalis Apostolus, subinfert, ergo nō erat uniuersalis. Quamq̃ enim humilitatis gratia, talem nuncupationē recusauerit Petrus, fuit nihilominus reuera talis. Ita licet Cyprianus non alijs nominibus eū dignetur, q̃ quæ æqualitatem indicant, nō tamen idcirco continuo sequitur, Cyprianum Cornelio fuisse æqualē. Vides q̃ demonstratiuis & scientificis rationibus, ex indubitatis notionibus & principijs, sacrisq; ac diuinitus traditis oraculis depromptis utatur, & sua conficiat argumenta? Et quamq̃ Cyprianus non alijs nominibus Cornelium dignetur, alibi tamē satis indicat quid de hac re sentiat. Siquidē in Epist. quadam ad Quirinū ita scribit: Nec Petrus quē primum Dñs elegit, & sup quē ædificauit Ecclesiā suā, cū Paulus de circūfione postmodū disceptaret, se uindicauit, seu aliqd insolēter aut arrogāter assūpsit, ut diceret se primatū tenere, & obtēperari a nouellis et posteris sibi potius oportere. Hæc ille. Ex cuius uerbis liquet,



## INTERROG. VEL. PROP.

quòd Dominus Petrum primùm elegit, at nō uocatione, sed dignitate, denique q̄ super Petrū edificauit Ecclesiam suam, deniq; q̄ de Primatu etiā facit mentionem. Huc spectat quod suprà ex lib. 3. epist. 11. ad Cornelium Papam retulimus. Quod autem Cyprianus Stephanū Cornelij successorē, durius excipiat, nihil penitus pro Velisio facit. Nam Cyprianus quemadmodum iniquā causam defendebat, ita quoq; immeritò Beatum Stephanum durius exceperat. Existimans enim se una cum alijs collegis suis Episcopis rectē sentire, zelo fidei commotus, Stephanum rectē sentientem, quem tamen non rectē sentire credebat, durius exceperat.

Non est itaq; Antichristianū dogma (ut Velisius mentitur) Romanā Ecclesiam (quā non Pauli, sed Petri Cathedram appellare debemus) inter ceteras omnes Ecclesias Principalitatem obtinere, sed est dogma sententiæ sacræ Scripturæ & sanctorum Patrum consentaneum, quemadmodum ex supradictis constat. Neq; nos dicimus Romanam Ecclesiam, aut eius Antistitem, sibi supra Ecclesias alias, earūque præfectos Episcopos, principalitatem & primatum usurpare, sed eundem obtinere iure diuino, eundem possidere ex institutione Christi. Quæ deinde refert, q̄ antiquus ille serpens, generis humani hostis, hoc pestilentissimo ueneno, nō semel, sed etiam

etiam post institutum sacrosanctæ coenæ mysterium, Apostolos afflare conatus sit, excitata inter ipsos de primatu cōtentione, quo Christi regnum & Ecclesiā in Herba (quod dici solet) negaret, unitatemq; eius seditione inter Apostolos introducēda, distraberet ac diuelleret, quis ignorat? Sed quemadmodum Christus eorum de primatu contentionem ac primatus ambitionem commodè & salutariter repressit, ita nos haudquaquam probamus eos, qui ad hunc honorem aspirant: qui hanc potestatem, hanc auctoritatem ambiunt, qui muneribus ac largitionibus sibi comparant, denique qui armata manu sibi uiolenter usurpant. Nihilominus tamen non iniquè faciunt, qui uocati sunt sicut Aaron, qui per legitimam electionem, ad hunc apicem dignitatis sunt euecti, si potestatem sibi diuino iure debitam, ab alijs uindictent, quibus licet non debeatur, tamen sibi iniqua ambitione usurpare præsumunt, sicut fecisse scribit Velsius Ioannem monachum, qui summam humilitatem fingens, Regiæ Urbis Constantinopolis factus est, Antistes ac Patriarcha, quam intus occultauerat, ambitionem prodens, primatum sibi uendicare conabatur, & œcumenici atque uniuersalis Episcopi titulum, ex decreto synodi Constantinopoli coactæ, usurpabat, suamque Ecclesiam, quod

# INTERROG. VELS. PROP.

eis urbis esset, in qua Sedes Imperij erat, Principē inter omnes Ecclesias locum, obtinere uoluit. Porro Constantinopolitani Antistites, modo suo non contenti, sed elati ob sedem Imperialem, eandem ambierunt penē à principio numerari inter Sedes principales secundam post Romanam Ecclesiam. In quod in gratiam & fauorem Principum inclinata fuit primū Constantinopolitana prima Synodus, altera uniuersalis, post Nicenam, sub Theodosio Principe, deinde Calcedonensis, ambitione atq; importunitate Anatholij Constantinopolitani Episcopi, instante etiam Martiano Principe. Sed illorum iniuste ambitioni, diu restitit Apostolicæ Sedis autoritas, neque tunc permisit uoti compotes fieri. Ex cuius tamen conniuentia, illorūq; pertinaci, plurimorum annorum ambitione, cum tandē id obtinuisset (ut nullum modum nouit ambitio) demum sub Pelagio Romano Pontifice, & Mauritio Imperatore Ioannes iste Constantinopolitanus Episcopus, eo prorupit uesaniæ, ut conuocato Episcoporum aliquot sibi consentientium Concilio, in eo œcumenicum, hoc est, uniuersalem se pronunciaret Patriarcham & Episcopum. Sed aduersus illius insolentiam iustissime idem Pelagius insurgens, Concilium illud, sua & Apostolicæ Sedis autoritate, deduxit in irritum, & Episcopis qui in eo cōuenerant, stultē illa

te illius elationi & insolentiae consentire atq; as-  
sentari, sub anathematis interminatione interdi-  
xit. Addens, tā prædecessores illius, q̄ illū ipsum  
etiā Ioannem, suis literis & epistolis, proprio  
roboratis sigillo, et chirographo, Apostolicæ Se-  
dis autoritatē, sepe recognouisse, & publicē cō-  
fessos fuisse, sup̄ uniuersam Christi Ecclesiā, se i-  
psos etiam, successoresq; suos si aduersus eiusdē  
Sedis autoritatem, se unquam efferrent, con-  
stringentes anathematis uinculo. Adcirco (in-  
quit) non est necesse illos excommunicare, aut  
anathematizare, quia ipsi anathematis uinculo  
se ipsos (proprijs manib⁹) professiones suas, suaq;  
scripta roborātes cōstrinxerūt. Hæc ille Pelagi⁹  
ad Episcopos, qui ad illicitā uocationē Ioannis  
Constantinopolitani Episcopi cōuenerant. Sed  
hæc contentio de Primatu, culpā habuit, non ex  
parte Romanorū Pontificū, qui Primatū sibi iu-  
re diuino & ex institutione Christi debitū, pro-  
uirili defenderunt, sed ex parte Patriarcharum  
Constantinopolitanæ sedis sibi ius indebitū usura-  
pantiū. Vnde & Pelagio humanis rebus exēpto,  
eadē tēpestas excepit S. Gregorium, qui ob id,  
quod Ioannis illius ambitioni aduersaretur, et-  
iam Mauritij Imperatoris, grauissimas inimi-  
citas pertulit. Cui quadam Epistola respondēs,  
nō suā eā causam esse, sed Dei, et totius Ecclesiæ,  
contestatus est. Quia (inquit) piæ leges, quia ue-

# INTERROG. VEL. PROP.

nerandæ Synodi, quia ipsa Domini nostri Iesu Christi mandata, superbi & pompatici cuiusdã sermonis inuentione turbatur. Cunctis enim Euangelii scientibus liquet, quod uoce dominica Sancto, & omniũ Apostolorum Petro Principi Apostolo, totius Ecclesiæ cura cõmissa est. Ipsi enim dicitur: Petre amas me? Pasce oues meas. Ipsi dicitur: Ecce Sathanas petijt cribrare uos, sicut triticũ, et ego rogaui pro te Petre, ut nõ deficiat fides tua, & tu aliquando cõuersus, confirma fratres tuos. Ipsi dicitur: Tu es Petrus, & super hanc Petram, ædificabo Ecclesiam meam, & portæ inferorum non præualebunt aduersus eã. Et tibi dabo claues regni cœlorum, & quodcumq; ligaueris super terram, &c. Ecce potestas ei ligandi, soluendique tribuitur, cura ei totius Ecclesiæ & principatus committitur, & tamen uniuersalis Apostolus non nominatur. Et uir sanctissimus confacerdos meus Ioannes, uocari uniuersalis Episcopus conatur? Exclamare compellor & dicere. O tempora, ô mores. Ecce cuncta in Europæ partibus, barbarorum iuri sunt tradita, destructæ urbes, euersa castra, depopulatae prouinciæ, nullus cultor terrã inhabitat, sæ uiunt & dominantur quotidie in necem fideiũ cultores idolorum. Et tamen sacerdotes, qui in pauimento & cinere flentes iacere debuerunt, unitatis sibi nomina expetunt, & nouis ac  
pro-

prophanis uocabulis gloriantur. Hactenus ille. Porro ne Velsius, aut Velsianus aliquis illa uerba S. Gregorij nimirum: Et tamen uniuersalis Apostolus non nominatur, ita accipiat, ut neget Petrū uniuersalem fuisse Apostolū, sciat haud rectē inferri: Petrus nō uocatur uniuersalis Apostolus, ergo non erat uniuersalis. Licet enim humilitatis gratia, talem nūcupationem Petrus rēnuerit, fuit nihilominus (quemadmodum paulo antē diximus) reuera talis, id quod ipsa Gregorij uerba consitentur. Nam Gregorius affirmat totius Ecclesiæ curam et principatum, fuisse Petro commissum. Et quis non est uniuersalis Ecclesiæ Pontifex habendus, cui totius uniuersalis Ecclesiæ cura principatusq; committitur. Sed et ipse Gregorius nomen uniuersalis recusauit, quum ei per Synodum Chalcedonensem fuisset oblatum, quod non idcirco fecit, quod non esset reuera uniuersalis, sed ambitionis uitandæ causa, et ut cæteris exemplum præberet fugiendi nomina tam gloriosa. Neq; certē credendum est tantam Synodum, hoc illi nomen unquam in gratiam adulanter obtulisse, si non diuino iure, id ei competere cognouissent. Sed ut ad propositum reuertamur, cum aduersus Mauritiū, diuina ultio, suæ uindex Ecclesiæ, Phocam tandem excitasset, militari tumultu imperatorem creatum, idem post sublatum cum coniuge et li-



# INTERROG. VELS. PROP.

beris Mauritium, etiam scandalum illud ab Ecclesia sustulit, atq; imperiali edicto Constantinopolitani Episcopi insolentiam coercuit, uenitq; ne quis alius nominaretur, uniuersalis Ecclesie Patriarcha aut Episcopus, quā unus Romanæ Ecclesie Pontifex, quæ ut semper fuit caput Ecclesiarum omnium, ita & hic Ecclesiasticæ Hierarchiæ, Princeps semper est habitus. Et hic Velsus, prauo in Ecclesiasticam auctoritatem affectu, dicit Bonifacium Tertium, cui per ἀντίφρασις nomen contigisse credit, à Phoca Imperatore & uiro scelerum (ut ipse loquitur) qui auaritia & adulterijs, animum corruptissimum haberet, qui Dominum suum Mauritium proditoriè occiderat, inertissimæ mentis Imperatore, per fas & nefas obtinuisse, ut Romanus Episcopus ab ipso Oecumenicus, Caput, & Vniuersalis ac Summus Pontifex totius Ecclesie pronunciaretur. Quod constat esse falsissimum. Non enim à Phoca, sed neque à Constantino Phoca longè antiquiore, Romanus Pontifex istiusmodi auctoritatem, super alios totius orbis Episcopos & Ecclesias accepit, sed ab ipso Christo, data est ipsi Petro auctoritas, cui in eadem successerunt Romani Pontifices. Non enim Imperatoribus illis, ut eiusmodi in Ecclesiam & regnum CHRISTI, tanta auctoritas comperijt, licet in regni Christiani ciues, ut sui quoq;



quoque regni ciuilib, quamuis ethnici, pars erant, ciuilem quoque auctoritatem habuerint. Nihilominus tamen Ecclesiastica hierarchia capiti, sua in CHRISTI regnum, ex ipsius delegatione constabat auctoritas, non subiecta auctoritati ciuiliū Principum. Sed & nomen uniuersalis ac œcumenici, longè ante Phocam habuit, sed hoc ei competijt ab initio. Certè idem ipse Gregorius, tam in Epistola ad Mauritium Imperatorem, quàm in alijs Epistolis ad Eulogium Alexandrinum & Anastasium Antiochenum Episcopos, affirmat à frequentissima illa Calcedonensi Synodo, atque adeo à Catholica (cuius sensum illi exprimebant) Ecclesia, beatum Leonem Apostolica Sedis Pontificem, recognitum & appellatū fuisse Patriarcham œcumenicum. Quamquam ipse etiam sibi conuenientem, & ab uniuersa Ecclesia delatam eiusmodi appellationem, uelut inuidiosam aut onerosam fugiens, quo ambitiosum illum & insolentem, ab usurpatione sibi non competentis honoris, suo reuocaret exemplo, non œcumenicum se Episcopum, sed seruum uocauit, seruorum Dei. Quem morem etiam successores eius, serè retinuerunt, tametsi ab alijs sibi congrua appellatione, & ante & post Gregorium, semper honorati sint. Nam ante annos mille quadringentos, quoties id res exi-  
gebat,

# INTERROG. VEL. PROP.

gebat, non dubitarunt seipsos nominare & scribere, uniuersalis Apostolica Ecclesie Episcopos, toto orbe approbante. Hoc testatur Sixti primi, ad Episcopos totius orbis Epistola, quae sic incipit: Sixtus uniuersalis Ecclesie Apostolica Episcopus, omnibus Episcopis in Domino salutem. Item Epistola Victoris ad Alexandrinum Theophilum, non multò post scripta, quae tale habet initium: Victor Romanae & uniuersalis Ecclesie Archiepiscopus, Theophilo Episcopo, et cunctis fratribus in Alexandria Domino famulantibus. Pontianus quoque martyr & Pontifex, uniuersis Christi fidelibus scribens, sic orditur: Pontianus sanctae & uniuersalis Ecclesie Episcopus, omnibus rectè Dominum colentibus. Beatus etiam Stephanus, in hac uerba scribit omnibus toto orbe Episcopis: Stephanus sanctae Apostolicae & uniuersalis Ecclesie Episcopus, omnibus per diuersas prouincias constitutis Episcopis, in Domino salutem. Ita alij ad alios, Apostolica & uniuersalis Ecclesie, se scripserunt Episcopos, & hoc ante Concilium Nicaenum. Sed & tempore eiusdem Concilij B. Syluester in edicto Constantini Imperatoris, nunc summus, nunc uniuersalis nominatur Pontifex. Et à beato Athanasio Alexandrino, & uniuersis Aegyptiorum Episcopis, Marcus Romanas Apostolica, atque uniuersalis Ecclesie Papa scribitur.

bitur. Ad Damasum quoq; Stephanus Archie-  
 piscopus & caput Concilij Mauritanie, una cū  
 uniuersis Episcopis trium Conciliorum Aphri-  
 cane provincie scribentes, eundem Patrem Pa-  
 trum, & summum omnium præsulum Pontificē  
 consalutant. Episcopi qui ex toto orbe, ad Cal-  
 cedonensem Synodum cōuenerant, beatum Leo-  
 nem simili appellatione dignati sunt. Ne forte  
 quispiam dicat, ipsos tantum Romanos Ponti-  
 fices in suis literis, hoc sibi usurpasse. Et hæc om-  
 nia longè ante Phocam Imperatorem, & Boni-  
 facium Tertium, ut constet esse falsissimū, quod  
 Velsus dicit, Bonifacium Tertium à Phoca hoc  
 obtinuisse. Iam uideamus quibus Scripturis ni-  
 tatur Velsus. Seruator (inquit) noster, commo-  
 da et salutariter contentionem Apostolorū re-  
 pressit, ostendens dissimilitudine regnorum mū-  
 di huius, cuiusmodi suum esse negat: Regnū me-  
 um (inquiens) non est de hoc mundo, & admini-  
 strationis Ecclesie, quæ nunc proh dolor diuer-  
 sissima cum sint, imo è diametro quodammodo  
 pugnantia, à malis Pontificibus & Episcopis,  
 nec Christi uerba (qui inquit: Reddite quæ Cæ-  
 saris sunt Cæsari, & quæ Dei Deo, nec Apo-  
 stolorum sanctissimum Canonem, qui uetat  
 ῥωμαῖν ἄρχῃν καὶ ἡγεμονίᾳ διακονεῖν, id est,  
 Romanum principatum, & Hierarchicam ad-  
 ministrationem, simul obtineri) audientibus, gra-  
 uissimo

Ioan. 18.

Luc. 10.

# INTERROG. VELS. PROP.

uissimo mortalium, & intolerando malo, in unū sunt confusa. Hactenus ille. Iam superius dictum est ac ostensum, Christum per ista uerba, quibus contentionem Apostolorum representat, non submouisse ac sustulisse omnē Prælationē aut Iurisdictionis autoritatē unius supra alios, sed potius uoluisse, ut esset inter illos aliquis maior et primus, sed onus et officiū principat⁹, prout à Christiano geri debeat, describere. Ita enim Christianū hominem, sibi cōmissum principatū ac magistratū administrare oportet, tanq̃ in oculis cūcta cernentis Dñi, et qui paulò post, districtissimā ab ipso rationē suæ administrationis exacturus sit. Vult ergo dignē & inculpate Christianū, administrare suū principatū. Quod qui facere contenderit, is statim intelliget, quā grauē sarcinā in humeros suos receperit, et pariter per experiētiā cognoscet, quā non sit primatus ambiendus, qui secū adfert tot incōmoda & molestias, tot tædia & labores. Nihilominus tamen ut geratur ab aliquo, necessitas ipsa requirit, & ratio recta postulat, & Dñs ipse uult & præcipit. Et in hac parte, nullum prorsus est discrimen inter Ecclesiasticos rectores et prophanos Principes. Non enim loquitur Christus solum Ecclesiasticis unde nec ad solos quos nunc dicim⁹ Ecclesiasticos pertinent uerba Christi, sed suis omnibus loquitur: Scitis (inquit) quia primus

cipes gentium dominantur eorum, &c. uos autem qui mei estis discipuli, non sic. Principes gentium qui ignorant Deum, uos autem non instar illorum, qui Deum ignorant, sed uelut in oculis communis Domini, super conseruos et confratres uestros, non ad uestram, sed ad eorum tantum utilitatem, & communis Domini gloriam, principatum ac primatum uestrum exercebitis. Hæc omnibus dicta sunt, qui Christi subesse uolunt magisterio, & eius esse discipuli. Non duntaxat dictum est summo Pontifici, et alijs Ecclesiasticis Prælati, neq; solummodo ad Ecclesiasticum Primatum pertinet, sed dictum est etiam Imperatoribus, Regibus & alijs Principibus Christianis, ad omnes pertinet qui Christi sunt. Vos (inquit) mei scilicet, quos tantum distinguit à Gentibus ignorantibus Deum. Haudquaquam ergo hisce uerbis prohibuit CHRISTVS inter suos Imperatores, Reges & Principes, neque uoluit omnes esse pares, aut nullum super alios præcipiendi aut obligandi potestatem habere, sed cum ea, quæ à DEO sunt, ordinata sint, uoluit etiam regnum suum esse ordinatum, ne esset Babylon confusa absque ullo ordine. Vnde quò omnia ordinate agerentur à nobis, uni auctoritatem præcipiendi & mandandi commisit super omnes: uni dixit, ut regeret

# INTERROG. VELS. PROP.

regeret uniuersum ouile suum, quem uoluit su-  
perintendere Ecclesiæ membris uniuersis, tam  
prophanis magistratibus, ac officijs, quā sacris,  
ac omnes in uniuerso orbe terrarum (modò in-  
tra domum Ecclesiæ, aut huius regni sui limites  
continerentur) obligauit coram Deo, ad huius  
obedientiam. Ex quibus perspicuum euadit,  
Saluatorem discrimen quidē habuisse Regno-  
rum mundi, quæ adhuc concluduntur in infide-  
litate, & Regnorum fidelium Christianorum,  
item Regum Gentium, & principum Christi-  
anorum, uerū primatum ac procerum Chri-  
stianorum, tam Ecclesiasticorum quam pro-  
phanorum in hac re differentiam nullā reliquis-  
se, sed omnes in regendo eisdē conditionibus ad-  
strinxisse, ne uidelicet tyrānicè regerēt, ut prin-  
cipes Gentium. Sed cū hæc nihil faciant aduer-  
sus primatum Romani Pontificis, quem Chri-  
stus non solum non inibuit, sed insuper funda-  
uit & confirmauit, quid est quod Velsius hæc  
tantopore urget? Quod autem deinde dicit Chri-  
stum ostendisse per hoc, quod ait: Regnum me-  
um non est de hoc mundo, dissimilitudinem Re-  
gnorum mundi huius (cuiusmodi suū esse negat,  
per iam citata uerba Christi) & administratio-  
nis Ecclesiæ, quodq; illa diuersissima sint, imo ē  
dyametro quodammodo pugnancia, quid ueri-  
tatis habeat iam excutiendum est.



Et quidem si accipit dissimilitudinem administrationis Ecclesiæ, & Regnorum huius mundi, hoc est, Regum et Principum infidelium gentium, nihil agit contra nos, cum iam dictum sit, Christum suis præscripsisse, ne tali modo primatibus gerant ac principatibus inter Christianos administrarent, quemadmodum faciunt ethnici inter suos. Illam enim dissimilitudinem libenter concedimus, cum illi tyrannice ad suam ipsorum commoditatem, non autem ad communem suorum subditorum utilitatem regant, aut potius uiolenter opprimant sibi subiectos, quod Christiani facere prohibentur. Si autem facit dissimilitudinem administrationis Ecclesiasticæ, et Regnorum mundi huius, ut per regna mundi huius intelligat regna Christianorum Regum & Principum, sic quantum ad regendum, nimirum ut non sic regnent, quemadmodum Reges Gentium, Deum ignorantium, nullam uoluit Christus esse dissimilitudinem inter regna mundi, & administrationis Ecclesiasticæ. Etenim & qui primas tenet in Ecclesiastica administratione, & etiam qui in seculari, non debent suis subditis dominari, quemadmodum faciunt Principes Gentium. Est tamen inter eos tantum dissimilitudinis, quod Seculares Principes non sine causa gladium portant, quod Dei ministri sint, uindictes in ira eis qui male agunt. Hunc uero gladium iubentur Spirituales et Ecclesiastici Principes

Rom. 13.



# INTERROG. VEL. PROP.

- cipes recondere in uaginam, cum Petro dictum est  
 Matt. 26. à Christo: Conuerte gladium tuum in locum  
 suum. Habent tamen nihilominus etiam gladi-  
 um spiritus, quod est uerbum Dei, & metuenda  
 Ephes. 6. omnibus ualde mucronem excommunic-  
 tionis, quem non sine causa uibrent in peruica-  
 ces & rebelles contumacesq; etiam Principes,  
 Reges & Imperatores, quemadmodum supe-  
 rius assertum est. Quod autem Christus ait  
 Regnum suum non esse de hoc mundo, Regnum  
 suum, à regno hominum distinxit, quia Regem  
 se esse testatus est, qui se regem non negauit. Re-  
 gnum ergo suum fatetur, sed dicit non esse de  
 hoc mundo, id est, de arbitrio uel placito illo-  
 rum, qui sunt in hoc mundo, non de magnitudi-  
 ne ciuitatum, uel longis tractibus terrarum, non  
 de multitudine & fortitudine militum sauien-  
 tium, uel sanguine praeliorum, nihil huiusmodi  
 querit regnum meum. Nam si Regnum meum es-  
 set de hoc mundo, ministros de hoc mundo pro  
 me decertantes haberem. Et quoniam nullus est  
 de hoc mundo minister, nullus est qui de hoc mun-  
 do pro me decertet, ideo regnum meum non est  
 de hoc mundo. Non tamen ait: Regnum meum non  
 est in hoc mundo. Excelsus quippe dominatur in  
 Dani. 4. regno hominum, & cui uult dat illud, & toti-  
 us mundi gubernator & Dominus est. Per me  
 Pro. 8. (inquit) Reges regnant, & legum conditores iu-  
 sta

ita decernunt. Per me Principes imperant, et potentes decernunt iustitiam. Non est potestas (inquit Paulus) nisi à Deo. Quæ autem à Deo sunt, ordinata sunt, itaq; qui resistit potestati, Dei ordinationi resistit. Qui autem resistunt, ipsi sibi damnationem acquirunt. Omnis (inquit) potestas tam Ecclesiastica quàm secularis à Deo est, & ideo ordinata esse debet, absq; Babylonica cõfusione, & quicumq; huic potestati resistit, Dei ordinationi resistit, & sibi damnationẽ acquirat. Licet ergo Christus dixerit, Regnum suũ nõ esse de hoc mundo, haudquaquã tamen regnũ huius mundi denegauit, aut malũ esse dixit, & reprobandum, sed asserens regnum suum non esse de hoc mundo, insinuauit aliud esse regnum, quod esset de hoc mundo, quia in hoc mundo: quia regnum hominum, in quo tamen (uti dictũ est) excelsus dominatur, & cui uult dat illud.

Deniq; quoniam Canonẽ Apostolorũ 82. citat, ipsius uerba Canonis subiiciem⁹. Ita enim habet: Episcopus, aut Presbyter, aut diaconus, qui militia uacauerit, & simul utrumq; retinere uoluerit, tam officium Romanum quàm functionem Sacerdotalem, deponitor. Quæ enim Cæsaris sunt, Cæsari, & quæ Dei, Deo.

Rationabilis est hic Canon, & obseruatus necessarius. Si enim iuxta præscriptũ Canonis 80. oportet Episcopũ aut Presbyterũ uacare, et cõ-

# INTERROG. VELS. PROP.

Matt. 6.

modū sese exhibere usib<sup>9</sup> Ecclesiasticis, nō oportet eosdem, publicis se administrationibus immittere, et multo minus militiæ uacare, et simul utriūq; retinere, tam officium Romanum, quā functionem sacerdotalem. Nemo enim potest duobus Dominis seruire, iuxta præceptum Dominicū. Porro quemadmodum Episcopus aut sacerdos peccator, non continuò propter peccatum amittit ordinis sui auctoritatem, ut superius comprobatum est, ita uacans militiæ, & ingerens se publicis administrationibus, peccat quidem, & agit aduersus hos sacratissimos Canones, quia impeditur ne possit se commodum exhibere usibus Ecclesiasticis, nihilominus tamen donec toleratur ab Ecclesia, remanet in eo sacerdotalis dignitatis auctoritas, sic etiam si Romanus Pontifex, licet utrumque officium retineat, tam officium scilicet Romanum, quā functionem scilicet sacerdotalem, non tamen idcirco continuò Primatu priuatur. Et licet simul cū sacerdotali functione retineat officium Romanum, potest tamen nihilominus se commodum exhibere usibus Ecclesiasticis, si ea quæ spectant ad sacerdotalem functionem, per se metipsum: ea uerò, quæ ad officium Romanum, per alios ad hoc peculiariter designatos, exerceat. Sic enim sese commodum usibus Ecclesiasticis exhibuerunt post Syluestrum sanctissimi

et doctissimi quique Pontifices, Leo, Gregorius,  
et alij quàm plurimi.

Quod autem dicitur: Quæ enim Cæsaris  
sunt, Cæsari, et quæ Dei, Deo, nihil nobis obsta-  
bit, primo quidem, quum non per seipsum of-  
ficiū Romanum debeat administrare, sed per  
alios, deinde quia officiū Romanum quod  
administrat, iam desijt esse Cæsaris, ab eo nimi-  
rum tempore, quo ingressus in Ecclesiam Con-  
stantinus Imperator, Romani imperij domici-  
lium, Petri successoribus, et ouilis Christi re-  
ctoribus cessit. Probè siquidem intellexit sacra-  
tissimus et Christianissimus Princeps, quippe  
qui Christianis dogmatibus iam erat imbutus,  
et diuinitus etiam illuminatus, non cōuenire, ut  
illuc Imperator terrenus haberet potestatem, u-  
bi Imperator cœlestis, sacerdotij principatum,  
et caput Christianæ religionis instituit. Et qui-  
dem quod diu Ecclesia laborabat penè sub continuis  
pressuris et afflictionibus, sub potestatibus hu-  
ius seculi, quod diu ferè nullos habuit, quod seculo igno-  
biles, contemptos et humiles, quod diu penè certò ui-  
tæ et temporaliū bonorū periculo, Christianum  
nomen aut accipiendū aut retinendū erat, quod diu  
inter se homines, Christianā illā unionem et con-  
cordiam mutuā seruabant, ut religiose subessent  
autoritati uni⁹ capitis, et ueluti Patris familiās,  
eiusque habentis et Imperio, diligenter et libèter

# INTERROG. VEL S. PROP.

obsequēbātur, haud erat opus in ipso capite, ul-  
lo externarū rerū splendore, quod pauperes &  
humiles, aut qui se suasq; fortunas oēs contēpse-  
rant, et in certū penē periculū se ultro coniece-  
rāt, quo Christi Oculi et familiae adscriberētur,  
non dedignarentur, eius Pastori et rectori, quā-  
tūvis secundū seculū humili & abiectō, eiusq; sa-  
cro sanctae autoritati propter Christū se humili-  
ter subdere. At cū placuit Christo, pacē dare Ec-  
clesiae suae, cū eius fores pandere, & passim in eā  
introducere uniuersos, etiam huius seculi pote-  
states, Reges, Principes, regnāq; et Imperia, nō  
ignorauit idē, conscius infirmitatis humanae, cō-  
sciū arrogātie & superbiae humanae, Sacrosan-  
ctae illi autoritati, q̄ Petro & successoribus eius  
cōmiserat, etiā alia ratiōe prouideri oportere,  
quō maneret iā, nō solis Sanctis martyribus, nō  
solū humilibus & abiectis secundū seculū, sed etiā  
secularibus hominibus, seculi potestatib⁹, et qui  
auro et purpura superbiūt Imperatorib⁹, Regi-  
bus et Principibus, uenerabilis, etiā metuēda no-  
centibus, sceleratis et transgressoribus, quo re-  
maneret, & libera, & efficax sup̄ uniuersa mē-  
bra Ecclesiastici corporis, etiā sup̄ ipsos Reges  
et Principes. Vt itaq; ratio amplius nō ferebat,  
sacro sanctae eius autoritatis Sedē, q̄ urbē illi Ro-  
mam, diuina elegerat prouidentia, seruire secu-  
lariū Principū aut Imperatorū imperio, ne for-  
tē

tē cū id res exigeret, & Ecclesia necessitas postularet, nō posset caput Ecclesiastici corporis, sua mēbra cōtinere in officio, nō posset in Imperatores, Reges & Principes, se supra se superbē effefferentes, exercere libertatē districtiōis Ecclesiasticæ, ita eadē ordinante providētia factū est, ut mox data pace Ecclesiæ, aptisq; eius sōribus, pro admittēdis passim omnibus, & in primis ingressu in eandem Constantino Imperatore (qui Romani Imperij domiciliū, Petri successoribus contradidit, quemadmodū eiusdē Cōstantini donatio facta Romanæ Ecclesiæ testatur) ut eadē Ecclesia & illius Pōtifex, pro coërcendis etiam rebellibus, ditionibus secularium potentatuum præsideret, quas donante primū Constantino, & deinde alijs quoq; Regibus acceperat.

## DE OECUMENICORUM Conciliorum autoritate.

Sextò, an credat Oecumenica, ritē & legitimè indiēta, in definitionibus fidē cōcernentibus, à tota Ecclesia postea receptis, unq̃ errasse, aut eiusmodi definitiones rursus in dubium reuocari, aut disputari licere.





Conciliorum antiquum omnino inuentum est, recta ratione euidenter dictante, res dubias, à pluribus ijsq; prudētibus usq; peritis, in cōmune consultātib; quā ab uno aliquo, discuti & rectius tractari. Quod enim uni non succurrit, alter suggerit, & quod dici solet, plus uident oculi, q̄ oculus. Itaq; de rebus dubijs consultandum cū pluribus, & recta ratio docuit, & usus comprobauit. Conciliorū igitur opus proprium quodnam sit, ipsa nominis indicat ratio, nempe consultare, cōsiliaq; cōferre, deliberare quid melius aut utilius sit. Porro ab hoc rationis naturalis inuento, Cōciliorum usum translatus constat, etiam ad Christianam Ecclesiam, confirmante quidē eundem, atq; eius utilitatem cōtestante, spiritu Sancto. Dicuntur autem Concilia œcumenica, quasi totius orbis. Nam œcumenicum Græcis dicitur, quasi totius orbis: Οἰκουμένη, Orbem terrarum appellant. Œcumenica ergo, id est, uniuersalia dicuntur, in quibus totius Ecclesiæ tractatur negotiū, ex omnibus totius orbis conuocatis Orthodoxis Episcopis. Vniuersalia enim nuncupantur Cōcilia, quæ ob uniuersalis Ecclesiæ causam, ex uniuersali Ecclesia, uniuersali autoritate, Ecclesiasticæ uidelicet Hierarchiæ p̄sidis, cōuocata sunt, et cōuenerūt in unū. Horū Cōcilio-



rū certissima regula, tā rectitudinis iudiciorū,  
quā doctrine & definitionis orthodoxæ fidei,  
est Cathedræ Petri fides, & autoritas. Quæ om-  
nem semper altitudinem, sese extollentem aduer-  
sus Orthodoxam fidem, aduersus Apostolicam  
Ecclesiasticamq; traditionem, magna ui deiecit.  
Quæ (ut ait Gelasius) unamquamq; Synodum,  
sua autoritate confirmat, & continua modera-  
tione custodit. Et Agatho Papa ad Imperatorē  
Constantinum, et sextam Synodum, regulam il-  
lis rectæ fidei præscribens, quam aduersus Mo-  
noheliticam hæresim (hoc est, unius uoluntatis  
& operationis in Christo) sequi amplectiq; de-  
berent, in facie totius illius Concilij affirmauit,  
Apostolicam, Euangelicamq; traditionem, &  
Christianæ fidei ueram immaculatamq; professi-  
onem. singulari priuilegio, in una Apostolica  
Sede, perpetuò conseruari. Quæ (inquit) à uia  
ueritatis, in quamlibet erroris partem, nunquā  
deflexa est. Cuius autoritatem, utpote Aposto-  
lorum omnium Principis, semper omnis Catho-  
lica Christi Ecclesia, uniuersalesq; Synodi, fide-  
liter amplectentes, in cunctis secutæ sunt, om-  
nesq; uenerabiles patres, Apostolicam eius do-  
ctrinam amplexi, & c. Concilia ergo legitima  
sunt, quæ Apostolicæ Sedis, & Ecclesiasticæ  
hierarchiæ Præsidis autoritate sunt celebrata.  
Nam ad Sedis Apostolicæ autoritatem pertinet

## INTERROG. VELS. PROP.

conuocare œcumenica Concilia, cum sine eo congregata, prorsus forent inefficacia, sed & rebellionis conspirationisq; quandam speciem habere uiderentur.

Marcellus Papa & martyr in sua epistola ad Antiochenos affirmat ab Apostolis, ab ipso statim initio Ecclesiæ extitisse ordinatū ac constitutū, ne liceret absq; Romanæ Sedis autoritate celebrare œcumenica Concilia. Cū enim præmississet, Episcoporum iudicia, et summa Ecclesiastica rū causarū negotia secūdū Apostolorū decreta, Apostolica Sedis pagēda terminādāq; autoritate et iudicio. Simul (inqt) ijdē inspirante Dño cōstituerūt, ut nulla Synodus fieret, præter eiusdē Sedis autoritatē. Sanctus autē Athanasius cū uniuersis Orthodoxis, toti⁹ Aegypti, Libyæ & Thebaidis Episcopis, ob Nicænæ fidei defensionē, uenassecum congregatis in Alexandrina Synodo, scribit ad Felicem, & testatur hunc Apostolorum Canonem, siue hoc eorum decretum à trecentis & octodecim Episcopis in Nicæna Synodo roboratum ac renouatum fuisse. Non debere absq; Romani Pontificis sententia, celebrari Concilia, nec damnari Episcopos. Iulius quoque illius nominis primus, aduersus Antiochenā Synodum, quæ ad damnationem Athanasii Alexandrini, & aliorum quorundam Orthodoxorum Episcoporum, procurante illo Eusebio Nicomediensi.

mediensī, absq; Apostolicæ Sedis autoritate, illicitè conuenerat, post cōmemoratum Nicæni Cōcilij Canonē, de Episcoporum iudicijs, absq; huius Sedis autoritate non peragendis, subiungit in hæc uerba: Ipsī uerò primæ Sedis Ecclesiæ, cōuocandarum generalium Synodorum iura, & iudicia Episcoporum, singulari priuilegio, Euāgelicis & Apostolicis atque Canonicis concessa sunt institutis. Quia semper maiores causæ ad Apostolicam Sedem, multis autoritatibus referari præcepta sunt: Et iterū: Dudū (inqt) à sanctis Apostolis, eorumq; successoribus, in antiquis statutis decretū fuerat, nō oportere præter sententiā Romani Pontificis, Cōcilia celebrari, &c. Socrates quoq; Græcus, scriptor, illius Antiocheni Cōcilij mentionē faciēs, scribit in hæc uerba. Cōuenerunt ad eā Synodū, ex ciuitatibus diuersis Episcopi nonaginta. Maximus aut Hierosolymitanus Macharij successor non adfuit, cogitās quoniā ei posset subrepi, ut in dānationē subscriberet Athanasii. Sed neq; Iulius interfuit, maximæ Romæ præsul, neq; in locū suū aliquē destinauit. Cū utiq; ecclesiastica regula iubeat, nō oportere pter sententiā Romani Pōtificis Cōcilia celebrari: Deniq; Damasus Stephano Archiepiscopo in Cōcilio Mauritanie præsidētī, et toti Aphricæ Episcopis rescribit, dicēs. Vt nostis, Synodū absq; huius Sedis autoritate facere, nō est Catholicū. Neque

# INTERROG. VELS. PROP.

que unquam rata leguntur Concilia, quæ non sunt fulta, Apostolica autoritate. Hæc ille. Ecce ut nulla rata sint uel fuerint unquam Concilia, quæ non fuerint fulta autoritate Sedis Apostolicæ. Et certè nemo facillè protulerit ullum ab initio Conciliū legitimæ autoritatis, et ab Ecclesiæ recognite, cui nō solū hui⁹ Sedis restiterit autoritas, sed etiam quod absq; ea celebratū fuerit.

Concilia itaque œcumenica legitimè & ritè ab eo indicta, qui habet auctoritatem indicendi, & ex iustis causis, nimirum ob uniuersalis Ecclesiæ commoditatem ac utilitatem, in definitionibus fidem concernentibus, nunquam errasse credendum est. Nam afflatum Sancti spiritus his nequaquam unquam defuisse, aut defuturum, certò confitendum est, quum Christus eius rei gratia, nempe ut spiritus Sanctus doceret omnē ueritatem, semper eundem mansurum in Ecclesiā promiserit, donec ipsa consummaretur. Unde huc suos oculos dirigere Christiani tenentur, & horum decretis, in ijs præsertim quæ fidem concernunt & mores, fidem indubitatam adhibere. Nam quum par sit credi, ab ipso spiritu Sancto profectum, quicquid ab hoc uenerando Patrum cœtu, communi concordia fuerit decretum ac definitum, id cæteris omnibus ratum & firmum haberi meritò debet. Sic Niceni illius œcumenici Concilij (cui pro Syluestro Papa, O-

flus Cordubensis Episcopus, Victor & Vincen-  
 tius presbyteri urbis Romæ, præfuerunt) decre-  
 ta & definitiones, tandem pulsa Arriana perfid-  
 dia à tota Ecclesia sunt recepta. Sic Constanti-  
 nopolitani primi Concilij, contra Macedoniũ,  
 Sabelliũ, & Eunomiũ, definitiones & sententiæ,  
 tota Ecclesia sunt receptæ. Et simile est iudiciũ  
 de reliquis Cõcilij œcumenicis ritè & legitimè  
 indictis, & in spiritu Sãcto cõgregatis. Ceterũ  
 horum Cõciliorũ œcumenicorũ definitiones, nõ  
 sunt rursus in dubiũ reuocandæ, aut tanq̃ dubiæ  
 in disputatione uocandæ, sed si quæ incidant quæ-  
 stiones, nondum in Ecclesia definitæ ac determinatæ,  
 disputationum discussione agitari possũt, 24 q. r.  
 donec ueritas elucescat, definitis autem ac de-  
 terminatis acquiescendum est. Vnde Gelasius  
 Papa, inquit: Patres nostri Catholici, uideli-  
 cet docti Pontifices in unaquaque hæresi, quoll-  
 bet tempore suscitata, quicquid pro fide, pro  
 ueritate, pro communione Catholica atque Ap-  
 postolica, secundum Scripturarum tramitem,  
 prædicationemq; maiorum, facta semel congre-  
 gatione sanxerunt, incõuulsam uoluerunt deĩ-  
 ceptis firmumq; constare, nec in eadem causa de-  
 nuõ, quæ præfixa fuerāt, retractari: qualibet re-  
 cẽti præsumptione pmiserunt, sapiẽtissimè pro-  
 uidentes, quoniam si decreta salubriter, cuiquã  
 liceret iterare, nullũ contra singulos quosque  
 prorsus

prorsus errores, stabile persisteret Ecclesie constitutum, ac semper iisdem furoribus recidiuis, omnis integra definitio turbaretur. Nā si simili bus etiam præfixis, positarum semel Synodaliū regularū nō cessēt alia pestes resumptis certami nibus, cōtra fundamentū sese ueritatis attolere, qđ fieret, si subinde fas esset pfidis inire Cōciliū?

Martianus Imperator in c. De summa Trinit. & fide Cathol. Nemo cleric⁹ uel militaris, uel al teri⁹ cuiuslibet cōditionis, de fide Christiana pu blicē turbis coadunatis & audiētib⁹, tractare co netur in posterū, ex hoc tumultus uel pfidie oc casionē reqrēs. Nā et iniuriā facit iudicio reue rēdisimæ Synodi, si q̄s semel iudicata, ac rectē di sposita, reuoluere, et publicē disputare cōtende rit. Leo quoq; sanctissim⁹ Pōtifex, pio & religio so Martiani Principis zelo obsequens (nā secun dū apud Nicæam futurum Conciliū ob maiore cōmoditatē imperialis præsentie quæ expeteba tur ab Apostolica Sedis legatis, Calcedonā trās latū extitit, & apud Pontificē, Christianissim⁹ Princeps insliterat, ut congregādo Cōcilio, suo cōsensu & autoritate adesse dignaretur) missis legatis suis ad Cōciliū, normā Orthodoxæ fidei, & hāc regulā agēdorū omniū eidē præscripsit, nimirū. Ne de Euticetis iā dudū Apostolicæ Sedis autoritate dānatis erroribus disputaretur am pli⁹, sed eā, quæ tū in suis ad Flavianū, quā in B.

Cyrilli



Cyrilli ad Nestoriũ epistolis, plenius explicata erat, fidẽ, absq; ulteriori discussione amplecterẽtur. Vnde epist. 42. ad Martianiũ Augustũ ita scribit: Quũ ab Euangelica Apostolicaq; doctrina, nec uno quidẽ uerbo liceat disfidere, aut aliter de Scripturis diuinis sapere, quã Beati Apostoli, & patres nostri, didicẽre atq; docuerunt, nunc demũ indisciplinata moueantur, & impie quæstiones, quas olim mox, ut eas p apta sibi corda, diabolus excitauit, per discipulos ueritatis, spiritus Sanctus extinxit.

Nimis enim iniquũ est ut p paucorũ insipientiam, ad cõiecturas opinionũ et bella reuocemur, tanq̃ reparata disceptatione tractandũ sit, utrũ Eutices impiẽ senserit, & utrũ impiẽ Dioscorus iudicauerit, qui in S. memoriæ Flauiani condẽnatione se perculit, & simpliciores quosq; ut in eandẽ impellerentur ruinam, impegit. Quorum multis iã (ut cognouimus) ad satisfactionis remedii conuersis, & ueniã de constanti trepidatione poscentibus, nõ cuiusmodi sit fides tractandũ est, sed eorũ precib<sup>9</sup> qualiter annuendũ. Ad Pulcheriam uerò Augustam, de eadem re ita scribit epist. 51. Bimos de Coëpiscopis meis & Cõpresbyteris ordinaui, qui uicem meam implere sufficerent, datis ad uenerabilem Synodum congruentibus scriptis, quibus fraternitas aduocata cognosceret, quam formam seruare, in hac iudica-



# INTERROG. VEL. PROP.

dicatione deberet, nec ulla temeritas, aut fidei, aut Canonum statutis, aut benignitatis re-  
medijs obuiaret. Ad Synodum uerò ipsam,  
scribit in hæc uerba, epistola 47. Leo S. Synodo,  
apud Calcedonam constitutæ. Optauerã quidẽ  
dilectissimi, pro nostri charitate collegij, oēs  
Domini sacerdotes, in una Catholicæ fidei deu-  
tione persistere, nec quenquam gratia aut for-  
midine potestatum secularium deprauari, ut à  
uia ueritatis abscederet. Sed quia multa sæpẽ  
quæ pœnitundinem possint generare, proueni-  
unt, & superat culpas delinquentium miseri-  
cordia Dei, atque ideo suspenditur ultio, ut lo-  
cum habere possit correctio, amplectendum est  
clementissimi Prîncipis, plenum religione con-  
siliu, quo sanctam fraternitatem uestram, ad  
destruendas insidias Diaboli, & reforman-  
dam Ecclesiasticam pacẽ, uoluit conuenire, bea-  
tissimi Petri iure atque honore seruato, nos  
suis literis inuitans, ut uenerabili Concilio,  
nostram præsentiam præberemus. Quod qui-  
dem, nec necessitas temporis, nec ulla consue-  
tudo poterat permittere. Tamen in his fra-  
tribus Paschasino & Lucentio Episcopis, Bo-  
nifacio & Basilio & præbyteris, qui ab A-  
postolica Sede directi sunt, me Synodo, uestra  
fraternitas æstimet presidere. Neque enim ab-  
iuncta est à uobis mea præsentia, qui nunc in  
uica-

nicarijs meis adsum, & iamdudum fidei Catho-  
lice prædicatione non desum. Ut qui non po-  
testis ignorare, quid ex antiqua traditione cre-  
damus, non possitis dubitare quid cupiam. Vnde  
fratres charissimi reiecta penitus audacia dispu-  
tandi, contra Fidem diuinitus inspiratâ, uana er-  
rantium infidelitas conquiescat, nec liceat defen-  
di, quod non liceat credi, cum secundum Euan-  
gelicas autoritates, secundum Propheticas uo-  
ces, Apostolicamq; doctrinam, plenissimè & lu-  
cidissimè, p literas, quas ad beate memorie Fla-  
ulân Episcopû misimus, fuerit declaratû, que  
sic de sacramêto incarnationis Domini nostri Ie-  
su Christi, pia & sincera confessio. Quia uerò  
non ignoramus, per prauas emulationes multa-  
rû Ecclesiarû statum fuisse turbatû, plurimosq;  
Episcopos, qui hæresim non reciperent, sedibus  
suis pulsos, & in exilia deportatos, atq; in locû  
superstitum alios substitutos, uulneribus his pri-  
mitus adhibeatur medicina iustitiæ, nec quisquâ  
ita careat proprijs, ut alter utatur alienis, cû si  
(ut cupimus) errorem omnes relinquunt, nemi-  
ni quidem perire honor debeat, sed illis qui pro  
Fide laborauerû, cû omni priuilegio oporteat  
ius proprium reformari. Prioris autem Ephe-  
sine Synodi, cui sanctæ memoriæ Cyrillus Episco-  
pus tunc præfedit, in Nestorium specialiter sta-  
tuta permaneant, ne tunc damnata impietas,

# INTERROG. VEL S. PROP.

sibi in aliquo blādiatur, quia Eutyches ista ex-  
 cratione percēllitur. Puritas enim Fidei atque  
 doctrinæ, quam eodē quo Sancti Patres nostri  
 spiritu prædicamus, & Nestorianam & Euty-  
 chianam, cum suis autoribus, cōdemnat pariter  
 & persequitur prauitatem. Hactenus ille.

Porro Velsius dicit, si rationem uocis spe-  
 ctes, ea Demum œcumenica censerī Concilia, in  
 quibus uniuersi Christiani orbis Episcopi con-  
 uenerint, cuiusmodi aut nulla (inquit) aut certē  
 rarissima proferre aduersarij nostri poterunt.  
 Quod uerum esse ingenuē profitemur. Nunquā  
 enim celebratum est ullum Concilium, in quo  
 conuerint uniuersi Christiani orbis Episcopi,  
 nec commodē celebrari eiusmodi Concilium pos-  
 set, & si posset, non tamen necesse est ad hoc  
 ut œcumenicum sit Concilium uniuersos Chri-  
 stiani orbis conuenire Episcopos, sed satis est,  
 si ex omnibus totius orbis Episcopis, fiat con-  
 gregatio.

Et tamen cū œcumenicum Concilium indi-  
 citur, omnes totius Christiani orbis Episcopi  
 conuocantur, licet non omnes eò sese propter  
 diuersas causas conferant, præsentiam suam  
 Concilio exhibentes, quam tamen in legatis  
 à semis suis atque doctoribus quodammodo ex-  
 hibent.

Vnde non dicimus satis esse, ut præcipui ac  
 cetero-

ceterorum quasi Principes eò conueniant, sed dicimus eò omnes Episcopos cōuocari, & inuitari, licet nō oēs propter certas causas compareant, & tamen nihilominus qui ueniunt uniuersalē Ecclesiam representant, & Concilium œcumenicum constituunt. Non est ergo necesse, ut à nobis requiratur Velsus, quibus rationibus ac notis præcipuos hos dijudicare debeamus & agnoscere. Nam falsissimum est omnes Episcopos esse æquales, & quomodo Scriptura, & uerba Cypriani, quæ citat Velsus, intelligenda sint, superius abundè explicatum esse confidimus. Ex quibus manifestissimè patet, falsissimum esse quod concludit deprauatissimus hæreticus, ab eo iam inde tempore, quo tales (nimirum non serui seruorum, sed Domini Dominorum, imò Tyranni Tyrannorum) Romanam inuasērunt Ecclesiam, nulla œcumenica (in quibus omnium Episcoporum par honoris & potestatis ratio duci debuit, & æqualitas ac libertas spectari) celebrata sint Cōcilia, ut si quis parum ijs tribuat, œcumenicorū Conciliorū auctoritati, p hoc nihil detrahatur. An Romani Pōtiffices Tyrāni sint, & Romanā inuasērunt Ecclesiam, Velsio Hæreticorum more temerè dijudicandum relinquo. Licet enim fortasse nonnulli eorū, nō per ueram animi humilitatem, sed ambitionem ad huiusmodi dignitatis gradum conscenderint, tamen

# INTERROG. VEL S. PROP.

impie Velsius eosdem appellat Tyrannos Tyrannorum. Porro quod ait idcirco nulla ab eo tempore celebrata fuisse œcumenica Concilia, quod in ijs non fuerit par honoris & potestatis ratio habita, nec æqualitas ac libertas spectata, uanum ac ridiculum est, cum non debuerit in ijs par honoris & potestatis ratio haberi, quæadmodum ex ijs quæ superius dicta sunt, facile deprehenditur. Si enim ne congregatio quidæ aliqua uel decem hominum subsistere nequit, si omnes uelint esse eiusdem honoris & potestatis, & nemo alteri deferendū existimaret, quanto minus in Concilijs œcumenicis, quo tot diuersarum prouinciarum coeunt Episcopi, debet esse par honoris & potestatis ratio, sed ut omnia honeste & secundum ordinē fiant, oportet esse unum supremum, qui Concilio præsideat, & reliquas differentias ordinum ac dignitatum, ut omnia pacifice transigantur. Quod nisi fiat, schisma reuera introduceretur in Ecclesiam. Quod si omnino (inquit Velsius) alios alijs præcipuos magis esse ac præstantiores constituere oporteret, non alia certè norma ad hanc rem, quam Christi, adhibenda foret, qui inquit: Scitis quod Principes gentium

di uim

Matt. 20. καὶ οὐκ ἐπιθυνοῦσιν αὐτῶν id est, dominandi libidinem in eas exercent, seu autoritate abutentes, dominatu suo ipsas premunt (nā eiusmo-

diuim in compositione κατὰ Græcorum obtinet) & q̄ magni sunt, κατὰ τοὺς ἰσχυροὺς αὐτῶν, id est, in potestatem suam eas redigunt, & seruitutis iugū ijs imponunt. Nō ita erit inter uos, sed quicumque uoluerit inter uos magnus effici, sit uester minister, & qui uoluerit inter uos primus esse, sit uester seruus, per ueram animi humilitatem ostendens, ad huiusmodi dignitatis gradum esse conscendendum, &c. Nos certè ut admittimus per ueram animi humilitatem, ad huiusmodi dignitatis gradum esse conscendendum, ita negamus Christum hisce uerbis prohibuisse aut sustulisse ab Ecclesia Primatum, ac ordinum differentiam siue discrimen. Ambitionē duntaxat Primatus interdicat suis discipulis, eo q̄ amare primas, gentilium sit affectio, Christi autem discipulos, humilitas cōmendat, et honorabiles facit, atque adeo qui maior esse uoluerit, debet his, quibus præficitur, ministrare. Sciens enim Dominus, quā sit ambitio tyrannica, Primatus ambitionem interdicat, haud tamē Primatum aufert, sed potiùs corroborat & confirmat, dū docet eos nō debere Primatū appetere, neq̄ ita se in Primatu gerere, quēadmodū Principes gentiū faciunt, sed potiùs ministrare & seruire ijs quibus præsumt, quēadmodū ipse Christus fecit, qui quū sit Rex regum & Dñs dominantium, nihilominus in uenit ministrare nobis.



# INTERROG. VELS. PROP.

Porro quum loquāmur hīc de œcumenicis Concilijs in Ecclesia Catholica celebrari solitis, Ecclesia Catholica iamdudum à Christo & Apostolis fundata, & sanguine purpuratorum Martyrum confirmata, quorum primum omnium fuit celeberrimum illud Nicænum Concilium trecentorum et octodecim Episcoporum, quod deinceps alia, pro causarum exigentia, & propter quæstiones emergentes, sequuta sunt, mirari satis nequeo, quid Velsio uenerit in mentem, quod ueri ac ritè et legitimè indicti œcumenici Concilij formam existimat petendam esse, ex Psalmo 49. ubi Propheta ait: Deus deorū Dominus locutus est, & uocauit terrā, A Solis Ortus usq; ad Occasum, ex Sion species decoris ei⁹, &c. Deus deorum (inquit) id est, Episcoporum (de quibus & in alio Psalmo uaticinans, inquit, Pro patribus tuis erunt tibi filij, cōstitues eos principes super omnē terrā) Dñs loquetur, & uocabit terram, & cetera quæ sequuntur. Hoc ego (inqt) certè uerum œcumenicum Concilium, ritè & legitimè indictum putem. Nam primum quidem uniuersus orbis terrarum ad hoc conuocatur, non ut pedum celeritate, sed propositi rectitudine huc concurrat. Hæc ille. Sed si celeritate pedum non concurrunt ad hoc Concilium, sed propositi rectitudine, quando poterit habere nomen Concilij, quod ex sui ratione includit



consultationem, deliberationem, consiliorum collationem, quæ fit à pluribus in unum ad communem utilitatem consultantibus? Quomodo poterit habere conuentus rationem, ubi nemo concurrat?

Deinde (inquit) à uerò Ecclesiæ Catholicæ capite, qui plenariâ (ut ipsi loquuntur) habet potestatem, est indictum. Sed est indictum, non ut totus orbis terrarum conueniat in unum locum ad consultandum de rebus dubijs (hoc enim est impossibile) sed ut Apostoli eant in mundum uniuersum, & prædicent Euangelium omni creaturæ, ut qui crediderit, & baptizatus fuerit, saluus fiat, qui uerò non crediderit condemnatur. Neque uerò (inquit) leui de causa & temerè, aut terrenorum aliquorum commodorum, annatarum putæ, aut aliarum quarundam Papalium usurpationum ac tyrannidis constituendæ gratia, sed quod ritus & ceremoniæ à Moyse institutæ, quæ partim pædagogia quædam ad Christum, partim rerum futurarum typi erant, iam repudiandæ essent, quod excellentior in spiritu & ueritate colendi Dei ratio introducenda. Sed Concilium dici non posse, ipsa uis ac nominis ratio indicat. Quod uerò callidè insinuat, Concilia nostra œcumenica, de quibus loquimur, leui de causa & temerè, aut terrenorum aliquorum

# INTERROG. VEL. PROP.

commodorum, putà annatarum, aut aliarum  
quarundam Papalium usurpationum, ac Ty-  
rannidis constituendæ gratia, celebrata, Here-  
ticorum more facit, qui ob prauum & peruer-  
sum in Ecclesia Præsidentem ac Præsules affectum,  
multa comminiscuntur mendacia, multa effun-  
dunt conuitia, multasque calumnias euomunt,  
quas comprobare nunquam poterunt.

Reliqua uerò quæ sequuntur de Christo, qui  
è sinu Patris descendit, ut præsideret huic Con-  
cilio, & quòd Cōcilij decreta ac definitiones, nō  
sint, uastum aliquod ac confusum iuris Canonici  
corpus, nō Magistri sententiarū, Aquinate s, &  
Scoti, sed sanctissimū illud Nouum testamētum,  
& c. nihil prorsus faciunt ad propositum, cū,  
quēadmodū satis superq; dictū est, Concilij no-  
men aut rationem habere nullo modo possint.

Deinde Velsius explicaturus quas definitio-  
nes Fidē concernētes appellemus, credit in nos id  
Psalmi locum habere: Peccatori autē dixit Deus,  
Quare tu narras iustitias meas, & assumis testa-  
mentū meum per os tuum? & cetera quæ sequū-  
tur, & idcirco nos in ea esse heresi, ut existime-  
mus, absq; uite puritate & morum innocentia,  
recte quēpiā de dogmatib⁹, ad Fidē & Religio-  
nē nostram pertinentibus, cōstituerē posse. Quæ  
proh dolor (inquit) omnis in Ecclesia perturba-  
tionis, non minima est causa. Nā quēadmodū (ut  
recte

rectè Gryneus censet) nihil perniciosius est, quàm cum rerum & uerborum studia diuiduntur, ita nihil pestiferum magis Ecclesiæ, quàm cum uitæ & morum disciplina postposita, de dogmatibus Fidem concernentibus, temerario ausu disputare, & definire aggrediuntur homines, non animaduertentes, quod sic affecti, ueritatem inuenire nequeant. Quod autoritate Clemētis apostoli probare contendit. Sed nos superius copiose satis ex diuinis Scripturis demonstrauiimus, malos homines posse docere bona, & absq; uitæ puritate & morum innocentia, quempiam rectè posse, de dogmatibus ad Fidem & Religionē pertinentibus constituere. Distinguiamus enim diligenter, contagionem doctrinæ, à morum contagione, neq; parum referre dicimus, doctrina, an moribus quis peccet, & fieri posse, ut & rectè & benè quis doceat, & tamen uiuat malè, & ea contra fieri posse, & uiuentes cum laude, doceant peruersa. Non est ergo hæresis existimanda, neq; hæretici censendi, qui existimant posse homines, absq; uitæ puritate & morum innocentia, de dogmatibus ad Fidem & Religionem pertinentibus, constituere, & ueritatem inuenire. Effet quidem utile & bonum, & Deo acceptum, ut præmissa uitæ & morum disciplina, de dogmatibus, Fidem concernentibus disputarent & definirerent, sed quod morum ac uitæ discipli-

Libr. Re-  
cog. 2.

na postposita, ueritas inueniri non possit, falsissimum esse, demonstratum est superius. Porro Petrus (cuius sententiam Clemens refert, & Velsus citat) sua autoritate non probat, male uiuentem, non posse ueritatem inuenire, & de dogmatibus ad Fidem et Religionē pertinentibus non posse constituere, sed cōgressurus cum Simone Mago, & disputationis conflictū initurus, hortatur populū, qui adstabat, ad uitæ emendationem, & docet primū omnium, iustitiam Dei, Regnumq; eius inquiri oportere. Et totus in hoc est Petrus ut persuadeat primū requirendum, quid sit Dei iustitia, et Regnum eius, nimirū ut rectē agere doceamur, utq; quæ sit merces posita laboris et patientiæ nouerimus, in quo est (inquit) bonis quidem, æternorum bonorum remuneratio: his autem qui contra uoluntatem Dei egerint, pro uniuscuiusq; gestis, poenarum digna restitutio. Hic ergo, hoc est, in præsentī uita positos, oportet uos agnoscere uoluntatem Dei, ubi & agendi locus est. Nā si quis uelit, antequam actus suos emēdet, de his requirere, quæ non potest inuenire, stulta & inefficax erit huiusmodi inquisitio. Tempus enim breue est, & iudicium Dei, gestorū causa agetur, non quæstionum. Ideoq; ante omnia hoc quæramus, quid nos aut qualiter agere oporteat, ut æternam uitam consequi mereamur. Nam si exiguum hoc

uitæ

uitæ tempus, per inanes occupemus & inutiles  
quæstiones, inanes sine dubio et uacui ab operi-  
bus bonis pergemus ad Deum, ubi iudiciū (ut di-  
xi) operū nostrorū fiet. Vnaquæq; etenim res,  
suum tempus habet et locum: Operum hic locus,  
hoc tempus est, meritorum seculū futurum. Ne  
ergo impediamur, ordinem locorum ac tempo-  
rum permutantes, primò quæ sit Dei iustitia re-  
quiramus, ut tanquam iter acturi, abundanti ui-  
atico, bonis operibus repleamur, quo possimus  
ad Regnum Dei, tanquam ad urbem maximam  
peruenire. Ex cuius uerbis liquet, quid sit de  
quo Petrus uelit disputationem institui, &  
quid potissimum requirere debeamus, ut uolun-  
tatem Dei agnoscere possimus, quàm docet non  
inutilibus & inanibus quæstionibus, sed bonis o-  
peribus inquirendam, cū si quis uelit, antequam  
actus suos emendet, de his requirere, quæ nō po-  
test inuenire, stulta & inefficax futura sit hu-  
iusmodi inquisitio. Quod si aliquid (inquit)  
nobis, de secretis & reconditis, inquirendum  
suggerit mens nostra, antequam de operibus iu-  
stitiæ requiramus, rationem reddere nobis meta  
ipsis debemus, quia si benè agentes, salutem con-  
sequi meruerimus, tanquam casti et mundi eun-  
tes ad Deum, Spiritu Sancto replebimur, & om-  
nia quæ sunt secreta & occulta, sine ulla quæ-  
stionum cauillatione noscemus, quæ nunc etiam  
sto

## INTERROG. VEL. PROP.

si totum quis uitæ suæ tempus, in inquirendo cō-  
 sumat non solum nō poterit inuenire, sed & ma-  
 ioribus se erroribus inseret, quia non per uiam  
 prius iustitiæ incedens, ad portum uitæ perue-  
 nire contendit. Et propterea suadeo, primo ius-  
 titiam eius esse requirendam, ut per hanc iter  
 agentes, & in uia positi ueritatis, uerum Pro-  
 phetam inuenire possimus, non uelocitate pe-  
 dum, sed operum bonitate currentes, ut ipso du-  
 ce usti, nullum uitæ huius patiamur errorem. Ha-  
 ctenus ille. Sed ante uerba iam citata ita inquit:  
 Deus his qui rectè sentiunt, per ipsa opera mun-  
 di, quæ fecit, manifestus est, ipsius creaturæ suæ  
 utens testimonio, & ideo cū de Deo dubitatio  
 esse non debeat, de sola nunc eius iustitia requi-  
 ramus & regno. Haftenus ille. Ex quibus per-  
 spicuum euadit, Petrum non loqui de dogmati-  
 bus ad Fidem pertinentibus, sed ad inquirendam  
 iustitiam Dei & regnum eius, quod absq; mo-  
 rum correctione & bonis operibus, nemo inue-  
 nire potest, cū tamen absq; bona uita, ueritatē  
 dogmatum ad Fidem pertinentium inueniri pos-  
 se, et doceri superius ostensum sit, & Petrus hic  
 dicat: Deum his qui rectè sentiunt, per ipsa ope-  
 ra mundi, quæ fecit, manifestum esse, ipsius cre-  
 aturæ suæ uti testimonio. Cui consonat quod A-  
 postolus Paulus in Epistola ad Romanos cap. 1.  
 de quibusdam ait, Qui ueritatem Dei in iniusti-  
 tia



tia detinebant. Quia quod est Dei (inquit) manifestum est in illis. Deus enim illis manifestauit uel reuelauit. Inuisibilia enim ipsius à creatura mundi, per ea quæ facta sunt, intellecta conspiciuntur, sempiterna quoque eius uirtus & diuinitas, ita ut sint inexcusabiles. Ecce isti detinebant ueritatem Dei in inuisibilia, & tamen nihilominus Deus illis reuelauit ac manifestauit, ita ut quod notum est Dei, manifestum fuerit in illis.

Et tandem concludendo: Ex his (inquit) patere arbitror, cuius occasione hanc distinctionem adhibuerint, ut quoniam quæ in uero illo, & rite ac legitime congregato oecumenico Concilio, de uitæ ac morum disciplina, iustissime simul & saluberrime sunt definita, ea non solum male & flagitiose uiuendo, controuersa faciunt & in dubium reuocant, sed etiam insolenter proterunt & conculcant, ipsi callide subterfugiant, ne in eas leges peccasse deprehendantur, quas alijs imponere nituntur. Primo quidem negamus illud, quod apud Velsum, est Concilium rite & legitime indictum, reuera posse habere Concilij rationem & nomen, sicut sepe dictum est. Quæ autem in Nouo Testamento de uitæ ac morum disciplina nobis sunt proposita, licet simus peccatores, haudquaquam controuersa facimus, aut in dubium reuocamus, sed constanter præ-



# INTERROG. VELS. PROP.

prædicamus ea esse religiosissimè obseruanda ac amplectenda.

Post hæc Velsius, quas definitiones Fidem cernentes appellemus, percontatur. Diligentius (inquit) si quis attendat, inueniet, ut professionem Fidei, professionem interpretantur subiectionis Papalis, ita etiam definitiones Fidem cernentes, nihil aliud eos dicere, quàm quæcūq; etiam portentosa dogmata, in κακοδόμοις illis concilijs, ad constituendam Antichristianam, Papæ et suorum tyrannidem, fornicariam nundinationem, & quæstum, piarum mentium & conscientiarum carnificinas, callidè ac subdolè excogitata, & decreta mundo recipienda et credenda obtruserūt, ut ex ipsis, quæ nobis ab ipsis proposita sunt interrogatoria, unicuiq; perspicere licet. Hæc ille. Principiò, nos professionem fidei nostræ, professioni fidei Catholicæ metimur, ut quicquid Ecclesia Catholica credit, id nobis quoq; in uniuersum existimemus esse credendum. Et quoniam Ecclesia Catholica semper credidit, & credet, Romanum Pontificè in terris Christi esse uicarium, illi in Petro dictum esse: *Pasce oues meas*, omnes oues Christi huic Pastori esse debere subiectas & morigeras, quem admodum superius declaratum est, & illam ad Ouile Christi non pertinere, quæ huic Pastori recusat subesse.

Deinde

Deinde negamus illa Cōcilia esse *καὶ οὐκ ἔσθαι*,  
 negam<sup>9</sup> itidē in ullis Cōcilijs oecumenicis ritē et  
 legitimē coactis ac indictis, unq̃ portētoſa dog-  
 mata, ad Papę et ſuorum tyrannidē, &c. callidē  
 ac ſubdolē fuiſſe excogitata, et decreta mūdo re-  
 cipienda & credenda fuiſſe obtruſa. ſed dicimus  
 hoc eſſe unū ex Velfij mēdacijs, q̃ ſacrilego ore  
 non ceſſat maledicere ſacroſanctis oecumenicis  
 Cōcilijs, quibus interfuēre Patres ſanctitate &  
 doctrina cōſpicui. Nec hoc q̃ impudenter mētia-  
 tur, poteſt ex ipſis quę à nobis ipſi Velfio ſunt  
 propoſita interrogatoria, cuius perſpicuū eſſe,  
 ſed potiùs unicuiq̃ (modo germanus Catholicus  
 ſit) pſpicere licet, iſta interrogatoria eſſe pror-  
 ſus Orthodoxę & Catholicę fidei cōſentanea,  
 quēadmodū iā partim demōſtrauiſus, et in reli-  
 qs iuuante Dño demōſtraturi ſumus. Porro de-  
 miror quid uoluerit Velfius per hac q̃ in margi-  
 ne horū uerborū iā conſutatorū appoſuerit, c.  
 Optatū, diſtin. 6. Ego certē diſtinctionē illā totā  
 diligenter perlegi, et nihil prorſus in ea inueni-  
 re potui, q̃ uel ad profeſſionē Fidei, uel ad defi-  
 nitiones Fidē cōcernētes attineret, ſed nec c. Op-  
 tatū, ſed tractatur in illa diſtinctione, et q̃ritur,  
 an poſt illuſionē quę per ſomniū ſolet accidere,  
 corp<sup>9</sup> Dñi quilibet ualeat accipere, uel ſi Sacer-  
 dos ſit, ſacra Myſteria ualeat celebrare. Ita ſua  
 oīa probat homo doctiſſimus, & impulſu ſpūs  
 ad tra-

# INTERROG. VEL. PROP.

ad tragœdiam hanc excitandam adactus, imò  
 (ut ipse loquitur) benignissimi numinis miseri-  
 cordia & gratia, ex indubitatis notionibus &  
 & principijs, sacrisq; ac diuinitus traditis O-  
 raculis. Ego certe cum aliquot sequentes di-  
 stinctiones euoluissẽm, & incidissẽm in deci-  
 mam quintam, inueni quid per definitiones Fidei  
 dem concernentes intelligere debeamus, nimi-  
 rum definitiones Patrum, quid in hac uel in illa  
 hæresi uel controuersia, credendum esset, ac am-  
 plectendum, & quid respuendum. Etenim ante  
 Concilium Nicænum, quia persecutiones ferue-  
 bant, docendarum plebium minimè dabatur fa-  
 cultas, Christianitas in diuersas hæreses scinde-  
 batur, quia non erat Episcopis licentia conue-  
 niendi in unum, sicut tempore Cōstantini in Ni-  
 cæa factum est, ubi de omni terrarum orbe con-  
 uenientes, iuxta fidem Euangelicam & Aposto-  
 licam, Symbolũ tradiderunt. In qua Synodo Ar-  
 rianæ perfidiæ condemnata est blasphemia, quæ  
 de inæqualitate S. Trinitatis, idem Arrius asse-  
 rebat. Consubstantialẽm (Græci ὁμοούσιον uo-  
 cant) enim Deo Patri Filium, eadem sancta Sy-  
 nodus per Symbolum definiuit. Secunda Sy-  
 nodus numero centum & quinquaginta Patriũ  
 sub Theodosio seniore in Constantinopoli con-  
 gregata est, quæ Macedonium, Spiritum San-  
 ctum Deum esse negantem, condemnans, con-  
 substans

substantialē Patri & Filio, Spiritum demonstrauit, dāns Symboli formam, quā totā Græcorum & Latinorum cōfessio, in Ecclesijs prædicat. Tertia Synodus Ephesina prima, ducentorum Episcoporum, sub iuniore Theodosio Augusto adita est, quæ Nestoriū, duas personas asserentem in Christo, iusto anathemate condemnauit, ostendens manere in Christo duas naturas, & unā Domini nostri Iesu Christi personam. Sic in quarta Synodo Calcedonensi (quæ sexcentorum triginta Sacerdotum, sub Martiano Principe habita est) Euthices Constantino-  
politānus Abbas, uerbi Dei & carnis unam naturam pronuntians, & eiusdem defensor Dioscorus, quondam Alexandrinus Episcopus, & ipse rursus Nestorius Episcopus, cum reliquis hæreticis, una Patrum sententia prædamnati sunt, & definitum est autoritate Synodus, Christum Deum, sic natum de Virgine, ut in eo substantiam, & diuinæ & humanæ confiteamur naturæ. Sic & in alijs subsequentibus Concilijs, Patres spiritu Dei pleni sanxerunt & definierunt, quæ ab hæreticis in dubium reuocabantur, & nondum erant Concilij autoritate definita.

Nec hoc est Fidem in Apostolorum Symbolo traditam permutare, sed perficere. Nā ad profectū pertinet, ut in semetipsa unaquæq; res amplifica-

Q

plificet

# INTERROG. VEL. PROP.

plificetur. Nihil per hoc permutatur de Fide, nihil transuertitur, sed profectus Religionis et Fidei in Ecclesia queritur. Per posteritatem expositum est illustrius, quod antea obscurius credebatur. Per posteritatem intellectum gratulamur, quod ante uetustas non intellectum uenerabatur. Scimus quidem Apostolorum Symbolum, non ea solum ratione Symbolum dici, quod sit Apostolorum in unum congregatorum, et Spiritu Sancto afflatorum collatio quedam, quae summam quae ad salutem creditu essent necessaria, quaeque fidelis teneret Ecclesia, complectatur, sed etiam quod tessera, signum et indicium sufficiens esset quo qui recte credit ab eo qui non recte credit, discerneretur, uerum quoniam nondum exorta erant haereses tam multae, quae Christi fideles hinc inde distrahebant ac dispergebant, ut penitus ignoraretur a simplicioribus quid credendum, quid negandum, quid amplectendum, quid respuendum foret, tot Pseudo-Prophetis, etiam se in angelos lucis transfigurantibus, sanctimoniamque magnam ostentantibus ac praeseferentibus, unde ne tanquam paruuli fluctuantes circumferrentur amplius omni uento doctrinae, oportuit tandem Ecclesiam per aemulicam Concilia, Fidem in Apostolorum Symbolo traditam, latius explicare, euidentius exponere, distinctius enucleare, ut cognosceretur ab omnibus, utrum id quod praedicabant haeretici, Apostolo-

Apostolorum, Symbolo, traditioni, Sacrisq;  
scripturis esset conueniens nec ne. Et si  
quidem inuentum fuisset dogma eisdem per omnia  
consentire, definiebant illud esse ab omnibus  
tenendum & prædicandum sin minus, uti dignum  
erat, anathematizabant. Constituerunt quidem  
illi, eas seu definitiones seu decreta, quæ pro-  
priè ad ea pertinerent, quæ Apostolorum Sym-  
bolo comprehenduntur uerum cum hæreticorum  
urget improbitas, & fidelium necessitas postu-  
laret censuerunt definiendum quam dogmata  
ad easdem spectarent & quæ non. Neq; tamen  
per hoc (ut dictum est) Fidem in Apostolorum  
Symbolo traditam permutarunt aut peruerterunt,  
sed enucleatiùs explicarunt, eadē Fide per-  
manente quæ prius erat. Neq; hic Fidei profectus  
obest, sed prodest. Nec hoc facientes (ut Velsius  
nugatur) septa (quod dici solet) transiliunt, neq;  
Nouos Articulos Fidei, tanquam Apostolus lon-  
gè sapientiores, procudunt, neq; pro distincta fi-  
nitaq; confusam infinitamq; Fidem mundo ob-  
trudunt, sed his quæ Symboli ambitu compræ-  
henduntur, optimè contenti, ea propter hæreti-  
corum importunitatem, & simpliciorum intel-  
ligentiā illustrandam fusiùs ac explicatiùs tra-  
dunt ac definiunt. Deniq; non faciunt hoc ut so-  
phistæ, Antichristiana impudentia, sed Spiritus  
Sancti instinctu ac adflatu, nec non gubernatio-



## INTERROG. VEL. PROP.

one, cuius magisterium Christi<sup>9</sup> Ecclesiæ suæ nū-  
quam defuturum pollicitus est, ut uel hinc om-  
nibus tandem innotesceret, quo spiritu ducatur  
Velsius, qui summa impudentia, hæc pernegare  
audet, & in dubiū reuocare. Verū ne uideamur  
hæc quæ diximus, proprii capitis ad stipulationem  
ne asserere, subiiciemus uerba Vincentij Lirinē-  
sis, qui in eo libello, quem scripsit pro Catholi-  
cæ Fidei ueritate & antiquitate, aduersus pro-  
fanas omniū hæreseō nouationes, quæ si Velsius  
tam benè perlegisset, ut Lutheranorū & aliorū  
hæreticorum euoluit libros, eidemq; plenā fidē  
adhibuisset, non utiq; contra uniuersitatē Eccle-  
siæ Catholicæ, Lutheri partem quæ se nostra tē-  
pestate, ab uniuersalis Fidei communione præci-  
dit, nec contra antiquitatē, nouellā hanc conta-  
gionem, neq; contra consensionē omniū uel cer-  
te penē omniū Sacerdotū pariter & magistro-  
rum, definitiones sententiasq; horum dissensio-  
nem, & inter se pugnantes sequutus fuisset er-  
rores & hæreses. Sed iam operæpretium est,  
ut uerba Vincentij subiiciamus. Multum inter-  
est (inquit) inter pueritiæ florem, & senectutis  
maturitatem, sed iidem ipsi fiunt senes, qui fue-  
rant adolescentes, ut quīs unius eiusdemq; homi-  
nis status habitusq; mutetur, una tamē nihilomi-  
nus eademq; natura, una eadēq; persona sit. Par-  
ua lactentium mēbra, magna iuuenū, eadem ipsa  
sunt.



sunt, tamē quot paruulorū artus, tot uirorum,  
et si qua illa sunt, quæ æui maturioris ætate pa-  
riuntur, iam in seminis ratione proferta sunt, ut  
nihil nouū postea proferatur in senibus, q̄ nō in  
pueris iam antē latitauerit. Vnde non dubiū est  
hanc esse legitimā et rectā proficiendi regulā,  
hūc ratiū atq; pulcherrimū crescēdi ordinē si eas  
semper in grandioribus partes, ac formas nume-  
rus detexat ætatis, quas in paruulis ceratoris sa-  
piētia præformauerat. Quod si humana species,  
in aliq̄ deinceps non sui generis uertatur origi-  
nē, aut certē addatur quippiā mēbrorum nume-  
ro, uel detrahatur, necesse est, ut totū corp⁹, uel  
intercidat, uel prodigiosum fiat, uel certē debi-  
litetur. Ita etiam Christiana religionis dogma,  
sequatur has decet profectū leges, ut annis scili-  
cet cōsolidetur, dilatetur tēpore, sublimetur æ-  
tate, incorruptū tamen illibatūq; permaneat. Et  
uniuersis partiū suarū mensuris, cunctisq; quasi  
mābris ac sensibus proprijs plenū atq; perfectū  
sit, q̄ nihil præterea permutatiōis admittat, nul-  
la proprietatis dispendia, nullā definitionis su-  
stineat uarietate. Exempli gratia: Seuerūt maio-  
res nostri antiquitatis, in hac Ecclesiastica segete,  
triticeæ Fidei semina, iniquū ualde et incongruū  
est, ut nos eorum posteri, pro germana ueritate  
frumenti, subdititium zizaniæ eligamus errorē.  
Quin potius hoc rectum et consequens est, ut in

# INTERROG. VEL. PROP.

primis atq; extremis, sibi met nō discrepantibus,  
de incrementis triticeæ institutionis, triticeique quo-  
que dogmatis frugem demetamus, ut quum ali-  
quid ex illis seminum primordiis, accessu tempo-  
ris euoluatur, & nunc letetur & excolatur, ni-  
hil tamen de germinis proprietate mutetur, ad-  
datur licet species, forma, distinctio, eadem ta-  
men cuiusq; generis natura permaneat. Absit ea-  
nim, ut rosea illa Catholici sensus plantaria, in  
carduos spinasq; uertatur. Absit, inquam, ut in  
isto spiritali paradiso, de Cynamonij & Balsa-  
mi surculis, loliū repente atq; aconita proueni-  
ant. Quodcūq; igitur in hac Ecclesia, Dei agri-  
cultura, Fide patrum satum est, hoc idem filiorū  
industria, decet excolatur, & obseruetur, hoc  
idem flore ætate mature scat, hoc idem proficiat  
et perficiatur. Fas est etenim, ut prisca illa cele-  
stis Philosophiæ dogmata, processu tēporis ex-  
curentur, limentur, poliantur, Sed nefas est, ut  
cōmutentur, nefas ut detruncantur, ut mutilen-  
tur. Accipiant licet euidentiā, lucē, distinctiōē,  
sed retineant necesse est plenitudinem, integri-  
tatem, proprietatē. Nā si semel admissa fuerit,  
hæc impiæ fraudis licentia, horreo dicere quan-  
tum excindendæ atq; abolendæ Religionis peri-  
culū consequatur. Abdicata enim qualibet par-  
te Catholici dogmatis, alia quoq; atq; item alia,  
ac demceps alia et alia iā quasi ex more et licitō  
abdicat

abdicabūtur. Porro aut singulatim partibus repudiatis, quid aliud ad extremum sequetur, nisi ut totū pariter repudiatur? Sed et e cōtra, si nouitia ueteribus, extranea domesticis, et profana sacratīs admisceri cōperint, proserpat hic mos in uniuersum necesse est, ut nihil posthac apud Ecclesiam relinquatur intactū, nihil illibatum, nihil integrū, nihil immaculatū, sed sit ibidem deinceps impiorum ac turpium errorū lupanar, ubi erat antea castæ et incorruptæ sacrarium ueritatis. Sed auertat hoc à suorū mentibus nefas, pietas diuina, sitq; hic potiùs impiorū furor. Christi uerò Ecclesia, sedula et cauta depositorū apud se dogmatū custos, nihil in his unq̃ permutat, nihil minuit, nihil addit, non amputat necessaria, nō adponit superflua, nō amittit sua, non usurpat aliena, sed omni industria hoc unū studet, ut uetera fideliter sapiēterq; tractando, si qua illa sunt antiq̃tas informata et inchoata, accurret et poliat, si qua iā expressa et enucleata, cōsolidet firmet, si qua iā confirmata et definita, custodiat. Deniq; quid unq̃ aliud Cōciliorū decretis enisa est, nisi ut q̃ antea simpliciter credebatur, hoc idē postea diligētius crederetur, q̃ antea lentiùs prædicabatur, hoc idē postea instantiùs prædicaretur, q̃ antea securi⁹ colebatur, hoc idē postea sollicitiùs excoleretur. Hoc (inq̃) semper, neq; quicq̃ præterea, heretico-

## INTERROG. VEL. PROP.

corum nouitatibus excitata, Conciliorum suorum decretis, Catholica perficit Ecclesia, nisi ut quod prius à maioribus, sola traditione susceperat, hoc deinde posteris, etiam per Scripturæ chirographum cōsignaret, magnam rerū summam, paucis literis comprehendendo, & plerumq; propter intelligentiæ lucem, non nouum Fidei sensum, nouæ appellationis proprietate signando. Hactenus ille.

Non solum ergo illæ censendæ sunt definitiones Fidē cōcernentes, quæ propriæ ad ea pertinent, quæ Apostolorum Symbolo comprehenduntur, uerum etiam ea, quæ Patres contra hæreticorum importunitatē pro explicando Symbolo Apostolorum, in Oecumenicis Cōcilijs determinarunt ac definierunt. Quod nulla plane impudentia, sed necessitate summa adacti fecerunt, non quasi (ut Velsius eis adscribit) non essent contenti his quæ Symboli ambitu comprehenduntur, neq; septa (quod dici solet) transiliantes, nouos subinde Fidei Articulos, tanquam Apostolis longè sapientiores, procuderent, neque pro distincta finitaq; confusam infinitamque Fidem mundo obtruserunt, sed quod ex Apostolorum Scripturis & traditione à maioribus acceperant, hoc posteris, etiam (uti dictum est) per Scripturæ chirographum cōsignarēt, magnam rerum summam, paucis literis comprehendendæ

prehendentes, & plerunq; propter intelligentia lucem, non nouum Fidei sensum, noua appellationis proprietate signantes.

Quantum ad quartum attinet, quid nos per Ecclesiam intelligamus, ex superioribus constare arbitramur, ut non sit necesse eadem toties repetere: nec dicimus Ecclesiam, Romanam subditam esse Tyrannidi (ut Velsius ait) sed regimini. Porro ea, quae deinde nugatur, de suo illo uero oecumenico Concilio à Christo indicto, & decretis ac definitionibus illius certissimis uerissimisq; & quod horum labefactandorum gratia, nullae disputationes institui possint, sine grauissimo scelere, sed haec simpliciter recipienda esse, &c. nihil prorsus faciunt ad propositum. Non habere nomen uel rationem Concilij ullo modo potest, ut diximus, & alia ratione hic de Concilij loquimur, quemadmodum etiam superius ostendimus. Vnde quae deinde & contra Concilia nostra oecumenica tanquam Pseudoecumenica ab Antichristo indicta, & contra Antichristianos sophistas garrit, tanquam falsa & contumeliosa contemnimus ac ridemus. Sed & uanum est quod somniat de Concilijs, in quibus complures sub uno capite Christo, eius spiritus instructu unanimi consensu Episcopi coacti fuerint, &c. Non enim possunt ulla oecumenica Concilia, aut legitime cogi in unum, aut pacifice et

# INTERROG. VELS. PROP.

concorditer terminari ac absolui absq; uisibili capite. Quod si quæ (inquit) eiusmodi sint Synodi, in quibus, & si non propriè œcumenica uocari queant Concilia, complures tamen sub uno capite Christo, eius spiritus instinctu, unanimi consensu, uerè pij & religiosi Episcopi, se mutuò pares & fratrum loco habentes, coacti sunt, & Sacrarum literarum uerbique DEI, certissima adhibita norma, de controuersis nonnullis in rebus Fidei & Religionis exortis, Spiritu Sãcto intus etiam ipsos docente (qui talibus & simplicibus adesse gaudet, refugit autè impios & subdolos) constituerunt ac decreuerunt, quis quæso Christianus, & piæ mentis homo, non plurimum ijs tribuat? Quis non eorum talium uocem, tanquã Dei amplectatur? Sed quoniam dubitari potest, an integra syncerãque (ut nihil ijs detractum, nihil additum, nihil immutatum sit) ipsorum ad nos peruenerint decreta, & omnino de hominum facto fallibili dubitare, nec impium, nec Hæreticum sit, nihil tutius esse uidetur, quam omnia absolutè ad præstantissimum (ut inquit Dionysius Areopagita) ueritatis Canonem, sacra nimirum & diuinitus tradita oracula (quæ etiam Ecclesiasticæ Hierarchiæ substantia esse, ab ipso pronunciantur (explorare, omni tamen adhibita reuerentia mentisq; sobrietate, & quæ

De Diuino c 2.

De Ecclesi. Hierar. c. 1.



cum ijs conueniunt, ut certæ exploratæq; fidei, & indubitata amplecti, si quæ uerò parum congruant, ea suspecta habere, quod si quæ etiam cum his, pugnare manifestè deprehendantur, intrepidè, ut præcepta & doctrinas hominum, reijcere. Hactenus Velsius. Principiò comonstret nobis Velsius ex ullis historijs ullum tale Concilium, in quo sub inuisibili capite Christo absque uisibilis capitis præsentia, aliqua sint decreta aut definita. Deinde & si tale Concilium demonstrare possit, non tamen in eodem Episcopi omnes essent pares. Denique callidè dicit Velsius, dubitari posse, an integra sinceræque, ad nos peruenerint decreta illa, & nec impium nec Hereticum esse, de hominum factis fallibili dubitare, ut per hoc ianuam aperiat cunctis, contradicendi decretis legatimorum œcumenicorum Conciliorum, ac ea in dubium reuocandi omnibus liberam faciat potestatem.

Quod autem dicit sacram Scripturam, uerbumq; Dei certissimam esse normam, finiendarum controuersiarum, in rebus Fidei & Religionis, falsum est, cū magis idonea sit, & efficacior Ecclesiastica traditionis autoritas in re dubia, aut quacūq; excitata controuersia, ad Fidem & certitudinem faciendam, q̃ sint ipse Scripturæ, quæ admodū supra ostēdimus. Quod aut adducit ex



# INTERROG. VEL. PROP.

Dionysio de Diui. nom. c. 2. ibidem nō inuenitur. Nusquam enim in illo capite, quod duas partes complectitur, inuenies, sacra diuinitus tradita oracula à Dionysio appellari præstantissimum ueritatis Canonem. Adducit quidem obiectionē, quæ contra prius dicta suboriri poterat. Diceret enim fortasse quispiam, quod ex huiusmodi denominationibus toti Deitati adscribendis, confusio induceretur contra inconfusam diuinariū personarum discretionem, & tolli uideretur earum sacra distinctio. Respondet Dionysius, eum qui talia objiceret, nequaquam ueritate subnixum esse, neq; alios in eam inducere posse sententiam, quod ueritatem tueretur. Nam siquidem (inquit) est, qui omnino sacris Scripturis resistat, longè omnino aberit & à Philosophia nostra, ac nisi illi curæ sit diuina Sanctorum litterarum sapientia, quomodo nobis erit curæ, ipsum ad castissimorum eloquiorum scientiam adducere? Sin uerò Scripturæ sanctæ ueritatem intuetur, ista nos quoq; regula & luce freti, ad rationem pro uiribus reddendam, nusquam declinando per genus. Hec ille. Dicit se cum illo, qui sacre Scripturæ ueritatem recipit & admittit, eadem quoq; regula & luce fretum ac subnixum, rationem eorum quæ dicta sunt illi redditurum. At hoc non est dicere, sacram Scripturam esse præstantissimum ueritatis Canonem,

Et nihil tutius esse uideri, quàm omnia absolute ad illum Canonem explorare. Non enim continuo sequitur, sacra Scriptura est Regula et lux ergo est præstantissima regula, et præstantissima lux, cum inueniatur regula præstantior et certior ueritatis, quàm sit sacra Scriptura, nimirum Ecclesiasticæ traditionis autoritas, et lux multò præstantior, quàm sit sacra Scriptura, nimirum Dominus noster Iesus Christus, qui est lux uera, quæ illuminat omnem hominem uenientem in hunc mundum.

Sed iam excutiamus quod adducit ex primo cap. Eccles. Hier. Quæ (nimirum diuinitus tradita oracula) etiam Ecclesiasticæ Hierarchie substantia esse, ab ipso pronunciantur. Hæc Velusius.

Dionysius uerò sic habet. Substantia sacerdotij nostri, Scriptura sacra est, nobis diuinitus tradita. Quod tantum est, ac si dicatur Fundamentum et basis, nostræ sacerdotalis functionis, est Scriptura sacra, reuelante spiritu sancto nobis diuinitus indulta.

Sed reliqua audiamus quæ idem sacratus Pater Dionysius ibidem continuo scribit: Porro (inquit) huiusmodi plena uenerationis eloquia dicimus, quæq; à Beatissimis Patribus nostris (à quibus sacris mysterijs imbuti sumus) in sanctis theologicis commendata sunt libris. Ac præ-

# INTERROG. VEL. PROP.

præterea, quæque ab eisdem sanctissimis uir-  
 sacratione & purgatione & propinqua quo-  
 dam modo cœlesti hierarchiæ doctrina, san-  
 cti duces ac præceptores nostri didicerunt, &  
 ex animo in animum (medio intercurrente  
 uerbo, corporali quidem, sed quod carnis pe-  
 nitus excedat sensum) sine literis transfusa sunt.  
 Et ipsi quoq; sanctissimi Principes nostri, dum  
 sacra publice agenda instituerunt, non apertis  
 ac patulis sensibus, sed signis Angustioribus tra-  
 diderunt. Est enim non omnis sanctus, neq; om-  
 nium scientia est, ut sacra testatur eloquia. Ne-  
 cessario itaq; primi illi nostri sacerdotalis mu-  
 neris duces, cum ex summa superstitiâliq; Dei-  
 tate ipsi sancti muneris plenitudinem percepis-  
 sent, & id ipsum deinceps proferre & propaga-  
 re, à diuina bonitate missi essent, ipsiq; (ut qui  
 transissent in Deum) posteros ad diuina prouehere  
 affatim cuperent, uisibilibus signis cœlestia Sa-  
 cramenta texerunt, uarietateq; ac multitudine,  
 quod unicum est & collectum, tradiderunt. Et  
 in humanis imaginibus res diuinas, materialia  
 bûsque figuris, spiritualium maiestatem, atque  
 in ijs quæ nobis sunt familiaria, summa illa &  
 supersubstantialia, partim scriptis, partim non  
 scriptis institutionibus suis (iuxta quod sacræ  
 diffiniunt leges) nobis tradiderunt, non modò  
 prophane multitudinis causa, cui ne ipsa qui-  
 dem

dem fas est signa contingere, uerum ob id quod  
que, & cetera. Sed & in principio capitis scribit  
ad Timotheum in hæc uerba. Obserua diligen-  
tius, ne Sancta Sactorum efferas, neu prophanis  
luminibus uiolanda permittas, uerum reuere-  
beris magis, occultiq; Dei mysteria, spirituali-  
bus inuisibilibusq; notionibus honorabis, atque  
intemerata seruabis, nequaquam ea passim rudi-  
bus tradens, sed sanctis solis, sanctarum rerum  
intelligentias, sacratius pandens. Et cap. 7. par-  
te 3. Efficientes (inquit) consecrationis preces,  
fas non est scripto interpretari, neq; ipsarum ar-  
canum, siue illas quæ in his ex Deo sunt uirtutes, &  
secreto in publicum efferre. Sed sicuti nostra ha-  
bet sacrosancta traditio, ubi eas secretiorib; in-  
structionib; hauseris, atq; ad sacratione habitum,  
capaciorq; intelligentiam diuino amore sacrifq;  
actionibus consummatus euaseris, ad supremam i-  
psarum scientiam subueheris, diuina luce radia-  
tus. Hactenus ille. Ex cuius uerbis constat præter  
sacras Literas, aliam esse doctrinam traditionis  
Ecclesiasticæ, quæ à sanctis ducibus ac præcepto-  
ribus, ex animo animum, medio intercurrente  
uerbo, sine literis transfusa est, & summa illa &  
super substantialia, partim scriptis, partim non  
scriptis institutionibus, iuxta diffinitionem sa-  
crarum legum, Apostolos nobis tradidisse, ne  
indignis diuina mysteria patefcerent, & mani-  
festata

# INTERROG. VEL. PROP.

festata uilescerent. Nam (ut S. Petrus apud Clementem ait) quæ summa sunt, silentio honorari uolunt.

Hunc sacratissimum Patrem, sequutus sanctissimus ille & uerè Magnus Basilus (nam quæ Tertullianus in lib. de Corona militis de hac re habet prætereo) in lib. de spiritu Sancto cap. 27. inquit: Dogmata, quæ in Ecclesia prædicantur, quædã habemus è doctrina scripto prodita, quædam rursus ex traditione Apostolorum, in mysterio, id est, in occulto tradita recepimus. Quorum utraque parem uim habent ad pietatem, nec his quisquam cõtradicit, quisquis sanè uel tenuiter expertus est, quæ sint iura Ecclesiastica. Nam si consuetudines quæ scripto proditæ non sunt, tanquam haud multum habentes momenti, conemur reijcere, imprudentes & ea damnabimus, quæ in Euangelio necessaria ad salutem habentur, imò potiùs ipsam Fidei prædicationem, ad nudum nomen cõtrahemus. Hec ille. Affirmat sanctus Pater, dogmata ex traditione Apostolorum absq; Scriptura prodita, parem uim habere ad pietatem cum illis quæ scripto sunt prodita, & si illa reijcere conemur, nos damnaturos & ea, quæ in Euangelio necessaria ad salutem habentur, &c.

Ergo præter Scripturam, habemus auctoritatem traditionis Ecclesiasticæ, per quam & habemus

hemus Scripturā, quam nobis Catholica cōmen-  
dat authoritas. Vnde rectissimè S. August. in  
lib. contra epist. Manich. quam uocant Funda-  
menti cap. 5. Ego (inquit) Euangelio non cre-  
derem, nisi me Catholicæ Ecclesiæ commoueret  
authoritas. Nam & Scripturarum quas habes-  
mus authoritas, non per aliud Ecclesiæ inno-  
tuit, quàm per traditionem. Circumsfereban-  
tur olim alia quoque Euangelia, præter quatuor  
quæ nunc habemus, sub nomine Petri, An-  
dræ, Thomæ, Bartholomei & Nicodemi, sed  
ab ijs discreuit Ecclesiā, hæc quatuor quæ modò  
habet, & meritò reueretur, sola traditione au-  
toritatis Ecclesiasticæ, per Spiritus sancti ma-  
gisterium.

Itaque quod Velsius probare conatur, sa-  
cræ Scripturam præstantissimum esse uerita-  
tis Canonem, procul est à ueritate, quemadmo-  
dum & hoc quod addit, nihil tutius uideri,  
quam omnia absolute ad illū explorare, ut quæ  
cum Sacris literis conueniāt, tanquam certa &  
indubitata amplecti, si uerò parum congruant,  
ea suspecta habere, si autem cum his manifestè  
pugnare deprehendantur, intrepidè, ut præce-  
pta & doctrinas hominum reiicere. Et quidem  
nos haud quasquam dogmata ulla recipimus  
aut defendimus, quæ cum Sacris literis mani-  
festè pugnant: aut etiam non congruunt, sed

R. tamen



# INTERROG. VEL. PROP.

tamen non credemus Velfo ſi dixerit, dogmata quæ prædicantur in Eccleſia Catholica, aut parum congruere cum ſacra Scriptura, aut manifeſtè cum ea pugnare, quod nec ipſe, alius unquam commonſtrare poterit.

Ceterum quod ait, ſe rectè iam ſuperiora cõſtituiſſe, an uerum ſit, prudens & Catholicus Lector facile dijudicabit. Sed ad ſequentia pergamus, & Septimũ interrogatorium arripiamus, quod ſic habet.

Septimò, Num credat Eccleſiam Catholicam apud eos, qui noſtro ſeculo Eccleſiam Romanam, & ordinariam Episcoporum ſucceſſionem, & Eccleſiaſticam Hierarchiam, nobis quaſi per manus traditam, non agnoſcentes, ſe Euangelicos vocant, an verò apud omnes, toto terrarum orbe diffuſos Chriſtianos, Catholicos communiter appellatos, qui Eccleſiæ vnitatem, ſub obedientia vnius Romani Pontificis, colunt & obſeruant, exiſtere, cum apud vtroſq; eſſe non poſſit, vt Beatus Cyprianus ait,



ait, & Scriptura pariter, ac ratio  
Scripturæ consonans conuincit. Hic  
diligenter queratur à Velfio, an no-  
ster sit, aut aduersariorum.



On superuacanea penitus (ut  
Velfius uult) hæc est interro-  
gatio, neque ex Sophisticis  
technis, ad illaqueandos ani-  
mos minus prouidos, adhibi-  
ta, quemadmodum & ex præ-  
missis utcumque colligi, & ex libris nostris, de  
retinenda fide Orihodoxa & Catholica, aduer-  
sus Hereses & sectas, & præcipuè Lutheranã,  
demonstrari potest. Ibi enim multis rationibus  
demonstrauimus Ecclesiam Catholicã, apud eos,  
q̃ nostro seculo Ecclesiã Romanã, & ordinariã  
Episcoporũ successionẽ, & Ecclesiasticã hierar-  
chiã, nobis quasi p̃ manus traditã, nõ agnoscẽtes  
se Euãgelicos (hoc enim noĩe gaudẽt Lutherani,  
hoc est, Augustanę confessionis professores) uo-  
cant, esse non posse, sed potiùs apud nos, id est,  
apud omnes toto terrarum orbe diffusos Chri-  
stianos, catholicos communiter appellatos, qui  
Ecclesię unitatem, sub obedientia unius Roma-  
ni Pontificis colunt & conseruant, existere.  
In illis siquidem libris ostendimus ac de-  
monstrauimus, Ecclesiam Catholicam consistẽ-

INTERROG. VELS. PROP.

re, in uinculo unionis & pacis, recto usu sacramentorum, doctrina sana & Apostolica. per Spiritum sanctum uiua traditione, quam ipsa, per successionis seriem Episcoporum & patrum, ab Apostolis, Apostoli à Christo, Christus à Deo accepit. Itidem apud Lutheranos, omnia esse extranea, & Apostolicæ doctrinæ contraria, ubi & Fidei dogmata suspecta sunt, & sacramentorum usus minimè Ecclesiasticus, sed peruersus, & ab Ecclesiæ consuetudine alienus: ad hæc neq; apud eos esse unionis & pacis uinculum, ut constet apud eos non esse Catholicam & Apostolicam Ecclesiam. Deinde explicauimus omnia illa, quæ Sanctum Augustinum detinuerunt in gremio sanctæ Catholicæ & Apostolicæ Ecclesiæ, de quibus loquitur in libro quem scripsit contra Epistolam Manichæi quam uocabant Fundamenti, cap. 4. uerè competere nobis, qui Ecclesiam Romanam, sub obedientia unius Romani Pontificis, colimus & conseruamus, & minimè Lutherani.

Ex quibus omnibus liquet, non superuacaneam esse hanc interrogationem, neq; contemnendam, tanquam parui momēti. Nam licet Vellus remittat se ad superius dicta de Ecclesia, ex quibus quid sentiat, intelligere quilibet possit, nos tamen (uti confidimus) ea quæ superius dixit satis conuulsimus, ut quilibet perspicere possit,  
quàm

quàm sint à ueritate aliena, quæ Velsius hætenus de Ecclesia scripsit.

Porrò licet Cyprianus hoc nostro tempore non uiuat, rectè tamen ipsius testimonium adductum est. Vaticinatum autem de nostro tempore fuisse, non est necesse ut dicamus, sed quod aduersus hunc uel illum sui temporis Hæreticum locutus est, in genere rectè dictum intelligi potest de Hæreticis omnium temporum, eorum uidelicet. qui eum præcesserunt, qui tempore suo erant, inter quos præcipuus erat Nouatianus, aduersus quem disputat lib. 1. epi. 6. & qui post futuri erant. Cum enim apud utròsque esse non possit, & apud Hæreticos non sit, constat eam apud Catholicos esse.

Ita enim in prædicta epistola ratiocinatur, aduersus Nouatianum. Ecclesia una est, quæ una & intus esse, & foris non potest. Si enim apud Nouatianum est, apud Cornelium non fuit. Si uerò apud Cornelium fuit, qui Episcopo Fabiano, legitima ordinatione successit, et quem præter sacerdotij honorem, martyrio quoque Dominus glorificauit, Nouatianus in Ecclesia non est, nec Episcopus computari potest, qui Euangelica & Apostolica traditione contempta, nemini succedens, à seipso ordinatus est, &c. Quod autem hoc rectè de omnibus in genere Hæreticis intelligi possit, ex ipsius Cypriani uerbis colligitur.

# INTERROG. VEL. PROP.

**Matt. 21.** *gitur. Nā in principio epistolæ ita scribit. Neq; enim Dñs noster Iesus Christus, cū in Euangelio suo testaretur, aduersarios suos esse eos, qui secum non essent, & secum non colligentes, gregem suum spargerent, aliquā Hæreticorū speciē designauit, sed oēs omnino qui secum nō essent,*

**Luc. II.** *aduersarios suos ostendit dicēs: Qui non est mecum, aduersum me est. Et qui non mecum colligit, spargit. Item Beatus Ioannes Apostolus,*

**1. Ioan. I.** *nec ipse ullam Hæresim aut schisma deseruit, aut aliquos speciatim separatos posuit, sed uniuersos qui de Ecclesia exissent, quique contra Ecclesiam facerent, Antichristos appellauit dicens: Audistis (inquit) quia Antichristus uenit, nunc autem Antichristi multi facti sunt. Vnde cognoscimus quia nouissima hora est. Ex nobis exierūt, sed nō fuerunt ex nobis. Si enim fuisset ex nobis, mansissent utiq; nobiscum. Vnde apparet aduersarios Christi Antichristos oēs esse, quos constat à charitate atq; ab unitate Ecclesiæ Catholicæ recessisse. Hactenus ille.*

*Quemadmodum ergo Dñs & eius Apostolus Ioannes, nullam certam speciē Hæreticorū designauerūt, sed oēs omnino Antichristos, id est, aduersarios Christi, ita quod Cyprianus de Nouatiano scripsit, de omnibus alijs non ineptè intelligitur, maxime quantum ad hoc, quòd apud eum Ecclesiā non est, uel quòd in Ecclesia nō est.*

*Quod*

Quod autem Velsius deinde arbitratur nusa  
quã apud Cyprianum inueniri, Catholicorũ uni  
uersale nomen, ad eos contractũ, & quasi in an  
gustũ adductũ, qui nũc Catholici cõmuniter ap  
pellantur, sed nõ sunt (inqt) ut q Ecclesiã unita  
tẽ sub obedientia, non unius Christi (quod ueri fa  
ciũt catholici) sed unius Romani Põtificis (quod  
Antichristianorũ Hæreticorum est) colũt & cõ  
seruãt, falsum est. Nã qd Cyprianus de primatu  
& obediẽtia Romani Põrificis sentiat, supra cir  
ca interrogationẽ quintã manifestũ fecimus. Ex  
quibus constat Cyprianum nunq̃ alios Catholi  
corum nomine censuisse, quã eos qui cõmuni  
ter appellabantur, qui scilicet Ecclesiã unita  
tem, sub obedientia unius Romani Pontificis  
coluerunt & conseruarunt.

Quod aut Velsius dicit: Antichristianorũ hæ  
reticorũ esse, unitatẽ Ecclesiã obseruare, nõ sub  
obediẽtia unius Christi, quod ueri Catholici fa  
ciũt, sed sub obediẽtia unius Romani Pontificis,  
more suo, hoc est, Hæreticorũ proteruietium fa  
cit. Porro si per ueros Catholicos, unitatem Ec  
clesiã sub obedientia unius Christi colentes, se  
metipsum & colluiem Hæreticorum ad quos  
desertor Ecclesiã transfugit, intelligi uelit, re  
spondeo eos, nec unitatem Ecclesiã colere, nec  
Christo obedientiam præstare. Quomodo e  
nim Ecclesiã unitatem colerent, quam nefario

# INTERROG. VELS. PROP.

schismate diuidunt, ipsi nec inter se concordest?  
 Quomodo Christo obediant uel hinc cognoscitur.  
 Christus iussit audiri Ecclesiam, & eos qui Ecclesiam non audirent haberi tanquā Ethnicos & publicanos. Quomodo autē rebelles heretici audiant Ecclesiam, superuacaneum est hic adnotare, quum eam infestis signis, & parricidalibus armis, indies magis magisque impugnare contendant. Adhuc Christus cū Petro pascendarum ouium trinam dedit commissionem, omnes oues suas Petro subiecit, earūque curam, pasturam & regimen ei iniunxit, ut intelligas in oēs absque ulla distinctione aut exceptione, curae pastoralis & regiminis autoritatē, à Christo datā esse Petro, & in Petro successori eiusdem Romano Pontifici, ut superius dictū est, & omnibus obediēdi eidem impostam esse necessitatē. Qui ergo Romano recusant obedire Pontifici, cōuincuntur nec obedire Christo, sed uerē oppugnare cōmissionē & institutionē Christi, qua oēs eidē subiecit, ut sint uerē Antichristiani Heretici non qui colūt et obseruant unitatē Ecclesiae, sub obediētia unius Romani Pontificis, sed qui hoc facere recusant, Velsus & Velsiani, & Heretici uniuersi.

Deinde Velsus ridet, quod in interrogatorio adijcitur: Et Scripturae pariter & ratio Scripturae consonans conuincit. Quam pulchrū (inquit) idem, Scripturam pariter ac rationē Scripturae



ptura consonantem convincere asserit? O egregium hominem, qui credit nos sua nuda pronuntiata, tanquam ex tripode profecta oracula, sine omni demonstratione recepturos esse. Quam tandem Scripturam mihi dicis o uir bone, quæ eiuscemodi Ecclesiæ, ullam mentionem faciat? quam uerò rationem Scripturæ consonantem? Orestis mihi non sani, somnium narras. Nihil minus, sed Velsius Orestis somnium narrat, et delirat ac lethargū patitur, qui in re tam aperta cauillatur ac tergiuersatur.

Nōne superius cum de Ecclesiā ageremus, et cur Catholica nuncuparetur explicaremus, multas Veteris et Novi Testamenti scripturas adduximus, quæ Ecclesiæ Catholicæ facerent mentionē? Aliā enim Ecclesiam non agnoscimus, quā Catholicā, suprà à nobis descriptā.

Sed et Cyprianus in iam citata Epistola probat per Scripturas apud Nouatianum Ecclesiam non esse.

Ita enim ait: Foris non esse Ecclesiā, nec scindi aduersum se aut diuidi posse, sed inseparabilis atq; indiuide domus unitatem tenere, manifestat Scripturæ diuinæ Fides, cum de Sacramento Paschæ et Agni, qui Agnus Christum designabat, scriptum sit: In domo una comedetur, non eijciets de domo carnem forās. Quod item circa Raab ostendit, sed hoc exem-



# INTERROG. VELS. PROP.

plum circa 4. interrogationem adduximus.

Circa id uerò quod in fine adijcitur. Hic diligenter quærat<sup>r</sup> à Velfo, noſter ſit aut aduerſariorum, ita ſcribit: Iam uerò (inquit) quod ad finem adijcitur, Velfum planè conſtrictū tenet, eſtq; rete quod euadere non poteſt, ſi modò uos à Groppero, iniunctam uobis diligentiam adhibeatis. Obſeruate diligenter ne elabatur. Sed ut uideo, iam euasit, gladio ſpiritus diſſecto reti. Quid enim? Pauli ſe ait præceptis obtemperantem, neq; horum, neq; illorum, ſe eſſe profiteri, ſed qui pro ipſo mortuus eſt Chriſti. Hæc ille. Reſpōdeo tibi Velfi, tenec Chriſti eſſe, nec Pauli, quorum præceptis non obtemperas. Nam Chriſtus te ſubiectum eſſe uoluit Romano Pontifici uicario ſuo in terris, uerū tu non ſolum obedire recuſas, ſed inſuper illum maledictis & calumnijs odioſe perſequeris. Ad hæc quomodo Chriſti eſſes, qui Chriſtum in adorando Eucharistiæ Sacramēto blaſphemās? qui contra apertiffima uerba Chriſti, in auguſtiſſimo altaris Sacramento, negas panē cōuerti in corpus Chriſti, & unum in ſanguinem? Chriſti quoq; Apoſtolus Paulus idipſum firmiter credidit & docuit, & tu negas? Quomodo ergo poteris eſſe Pauli, qui contra Pauli doctrinam, doces et ſcribis? Idem quoque Paulus, uult omnem animam poteſtatibus ſublimioribus ſubditam eſſe, quod

cum

cum tu facere recusas, apparet te non obtemperare, Pauli præceptis, & idcirco te Pauli non esse. Hic planè Velsi constrictus teneris, neque rete istud euadere poteris (licet glorieris te euasisse, sed inaniter) nisi per gladium Spiritus, quod est uerbum Dei, refecaueris à te perfidiam hereticam, & contumacem rebellionem. Porro quod nec noster sis, heretica tua docet doctrina, quæ cum nostra, quæ est Catholica ex diametro pugnat. Quod autem nec aduersariorum sis, in apologiæ tuæ confutatione demonstratum est. Cuius ergo sis, ipse uideris. Denique quod insultando dicis nobis, ut à Groppero nobis iniunctam diligentiam adhibeamus, respondemus, nobis non esse à Groppero hanc diligentiam iniunctam, ut aduersum te Inquisitiones officium & instituamus & absolueremus, uerùm à legitima potestate, cui obedire in Fidei propugnatione sacrosanctum esse credimus & iustum.

Cæterum quod tibi Gropperi nomen adeò sordet, nemini mirum uideri debet, cum Clarissimus ille uir sit acerrimus & peritissimus, aduersus omnes hereticos, Catholicæ Religionis assertor, cuius indefatigabile studium industriam & labores, pro prisca illa & Apostolica Ecclesiæ Catholicæ pietate & Religione, tuenda ac conseruanda, ut nemo satis mi-

# INTERROG. VEL. PROP.

tis mirari potest, ita neque satis collaudare. Qui & doctissimis elucubrationum suarum monumentis, æterna memoria dignis, & Ecclesiam illustrauit Catholicam, & ab aduersariorum prestigijs, calumnijs & pestilentissimis erroribus uindicauit.

Octauò, An credat sanam doctrinam, quæ ad salutem æternam creditu & obseruatu necessaria est, in Ecclesia Romana seu Catholica, quæ sancti Petri sedem agnoscit, aliquot superioribus seculis, in hanc usque diem, Humana & Sophistica doctrina, corruptam & contaminatam esse.



I uera sunt, imò quæ uera sunt, quæ circa tertij interrogatorii adstructionem ac assertionem à nobis dicta sunt, constat & huius ueritas. Si enim apud Ecclesiam Catholicam siue Romanam, semper fuit ac erit, dogmatum ad salutem necessariorum ueritas, nunquam sanè eadem, humana & sophistica doctrina, corrupta & contaminata fuit, nec unquam contaminabitur.

Quoniam

Quoniam ergo Velsius contrarium docet ac asserere non uerecundatur, æquum erat ut ab Inquisitoribus hoc ei interrogatorium proponeretur, ad eliciendam & expiscandam, apertam oris sui confessionem. Quod autem contrarium doceat, superiores illius confutati errores & hæreses apertissime demonstrant, quæ etiã ipsum in 3 plurimis pessimè sentire cõprobant.

Nonò, An credat huic urbi Colonienfi, ueritatis lumen in doctrina Christi, hucusq; defuisse, quod præteritis temporibus absconditum per ignorantiam hætenus dissimularit Deus, id quod ipsa Velsius primus uelit in ipsam inferre.



Rat certè opera præciũ, ut hoc interrogatorium Velsio proponeremus. Nam cũ hæc urbs Agrippina Colonia, lumine ueritatis, non nuper, sed inde ab ipsis Apostolorũ temporibus, illustrata fuerit, quod primus S. Maternus Apostolorum Principis Petri discipulus, in eam inuexit, & deinde Sancti, Seuerinus, Euergisus, Cunibertus, Agilolphus, Heribert<sup>9</sup>, Anno, alijsque pij antistites,

## INTERROG. VEL. PROP.

stites, fidelium operariorum adiuti laboribus, hucusque syncerum conseruarint. Velsius uerò stupenda quadam philautia ac superbia inflatus, scribere minimè ueritus sit, hanc urbem hucusque, in crassæ ignorantiae tenebris iacuisse, quas dissimularit hætenus Deus, nunc uerò per eum patefacere uelit orbi. Quærendum sanè erat ex Velsio, an lumen, quod uiri Apostolici, in hanc urbem primum intulerunt, & hucusq; conseruarunt, ipse tenebras esse diceret, suas uerò reuera tenebras, quas inferre molitus est, lucem uocaret? Hoc ipso enim quam maximè perspicuum erat futurum, quid in eum statuendum foret. Iam & si in suo uanissimo commento interrogatorium hoc initio, ueteratoria & foedissima sophistica (ut est omnium sophistarum & ueteratorum impudentissimus) ea ratione eludere conetur, quasi non de luce Christianæ professionis, sed philosophiæ sit locutus, tamen ad finem commenti, impellente nimirum eum conscientiae uerbere, liberè & ingenuè asserit, inaudita licet temeritate, ueritatis Euangelicæ lumen, huic urbi hætenus non luxisse, sed ipsum à Deo missum esse lucernam ardentem, quæ hoc primum ei uelit inferre, atque hoc erat, quod quærebatur. Ita enim scribit. Arbitror igitur ego, Christi doctrinam, eiusq; ueritatis lumen, in hac ciuitate (quæ  
propè

propè dixerim non minùs, quam Atheniensis  
 Pauli temporibus, simulachrorum cultui dedi-  
 ta est, traditionibus humanis *ἰδιόδοξα καὶ* et  
 horrenda atque abominabili superstitione, ali-  
 quamdiu miris modis, obscuratum fuisse, atque  
 etiamnum hodie esse, &c. Sed & in Apologiæ  
 Velsianæ confutatione comprobatum est à no-  
 bis, Velsium non solum se asserere missum etiam  
 diuinitus, ad philosophiæ lumen inuebendum,  
 siue (ut ipse uanissime præsumit) ad philosophi-  
 ca studia reparanda instaurandaq; sed etiam ad  
 poenitentiae prædicationem, quam ad lucē Chri-  
 stianæ professionis spectare, Christianorum ne-  
 gare poterit nemo.

Decimò, An credat Martinum  
 Lutherum, Philippum Melantho-  
 nem, Zuinglium, Oecolampadium,  
 & ceteros qui ab his, vel Lutheras-  
 ni vel Zuingliani dicuntur, & se  
 vno nomine Euangelicos appellant,  
 viros non modò doctos, sed & pi-  
 os censendos esse, quibus v-  
 berius ingenij, & veræ  
 eruditionis donum  
 contigerit.

Non



# INTERROG. VEL. PROP.



NON minus ad rem faciebat Velsium interrogari, super eo quod hoc interrogatorio conuincitur. Nam cum hæretici & dogmatistæ, et q̄ eorū dogmata instituta cōprobant, pari censura percellantur. Ipse uerò in Epistola ad Reuerendissimum Archiepiscopum, in hoc interrogatorio nominatos, innuisse ac descripsisse uisus sit, erat sanè ex responsione eius appariturum, à parte ne illorum, an Ecclesiæ Catholicæ staret. Et quoniam in suo commento, non negat se istis uiris nominatim expressis, & singularem doctrinam, et purioris Religionis instaurandæ, strenuæ operæ adhibitionem, & ueræ pietatis opinionem tribuere, eo ipso profectò sententiam in se dictâ apertè iustificat. Nisi tamen quis tam peruersus sit qui inter alios, pestilentissimos hosce uiros, nempe Zuinglium & Oecolampadium, reputare & asserere uelit, pietate & eruditione præstantes uiros fuisse, Ecclesiam uerò Catholicam, inde ab Apostolorum temporibus, in re Eucharistica, fœdissimè delirasse.

Vndecimò, An credat hosce uiros, doctrinam Romanā ad salutē pertinentem, nō temerè, nec sine magna causa insectatos fuisse, nec insectari.

Non





ON est hic Symboli Antichristi nouus Articulus, ut Velsius intelligit. Nam per Antichristum semper intelligit Romanum Pontificē, sed est interrogatorium de-

sumptum (ut etiam Velsius confitetur) ex supplicatione quadam, quam Senatui Colonienſi porrigendam curauit. Si ergo hoc interrogatorium erutum est, ex supplici libello Velsij, & secundum sententiam eius est Antichristi symboli nouus Articulus, consequitur Velsium esse Antichristum, ex cuius scriptis talis symboli depromuntur articuli.

Porro quoniam doctrina Romanæ Ecclesiæ, est doctrina Catholicæ Ecclesiæ, & apud hanc Ecclesiam semper fuit ac erit dogmatum ad salutem necessariorum ueritas, quemadmodum superius demonstratum est à nobis, necessario cōsequitur, hosce uiros doctrinam Romanam ad salutem pertinentem, temerè atque absq; omni causa, infectatos fuisse, atq; infectari. Nec unquam Velsius comprobare ac commonstrare poterit Romanorum doctrinam, esse pestiferā, antichristianorum doctrinam, & ad perniciem hominum pertinere, esse pharisaica & hypocritica dogmata, intolerabiles abusus, simoniam, sacrilegium, idolomaniam, & id genus reliqua.

## INTERROG. VEL. PROP.

Licet enim apud quosdam, quædam regnent uitia, quidam irrepperint abusus, non tamen defenduntur ab eis tanquam bona, quemadmodum faciunt uotifragi monachi & detestabiles apostatæ, qui scortationibus et libidinibus suis prætexunt matrimonium. Deinde quod ipsi insectantur tanquam idolomaniam, nos non habemus neque Ecclesia pro idolomania, sed pro uero cultu unius ueri Dei & sanctorum eius. Vnde iure & meritò dicemus Velsium blasphemasse, qui adoratione Christi in Eucharistia, appellat idololatricam, & eiusdem adoratores, idolololatræ, sacramentum altaris, idolum, frumentaceum, panaceum & Deum Moaxim. Reliqua quæ hoc loco putido ore euomit indigna sunt responsione, quemadmodum totus liber, scatens horrendis ac abominandis hæresibus, blasphemijs, & multis mendacijs atque contumelijs.

Quod autem Reuerendum & doctissimum uirum Syluestrum Prieratem hoc loco traducit, dicens eum hominem cum primis ad inquirendum, inueniendum & conueniendum atque etiam comburendum Lutheranos solertem & industrium, hoc facit impulsu spiritus illius, qui pater mendacij appellatur, & desumpsit, ex fictitio quodam & ab homine insigniter Lutherano conficto libello, in odium Inquisitorum &

Inquisi-

Inquisitionis, cui titulus eiusmodi est. Modus solennis, & authenticus, ad inquirendum & inueniendum & conuincendum Lutheranos, ualde necessarius, ad salutem sanctæ Apostolicæ Sedis & omnium Ecclesiasticorum, Anno 1519. compositus, in Martini Lutheri perditione, & eius sequacium, per uenerabilem monachum magistrum Syluestrum prieratam, ex sacrosancto ordine fratrum prædicatorum, magistrum sacri palatii, & generalem hæreticæ prauitatis Inquisitorem. Ex hoc excogitato libello sumpsit etiam quod dicit nos colligere, in quarta figura, & inusitato modo Brocardico. Nam in fine illius libelli legerat quæstionem Brocardicam appellatam. Porro hic libellus erat adiunctus alteri cuidam libello, cui talis erat titulus.

Eusebius captiuus siue modus procedendi in curia Romana contra Lutheranos, in quo præcipua Christianæ Religionis capita examinantur, trium dierum actis absolutus, per Hieronymum Marium. Qui in eodem pestilentiſſimo libro, sub Eusebij persona (quem fictè introducit de Fide & Religione coram summo Pontifice differentem) præcipua factionis Lutheranae de Religionis negotio capita defendit, eorūque damnata dogmata, summatim collecta, corroborare contendit. Et quemadmodum ex Epistola nuncupatoria Marij liquet, fuit hic Marius

# INTERROG. VELS. PROP.

arte medic<sup>9</sup>, duplici nomine Velsio charus cum  
quod Lutheranus, tū quod professione medicus.  
Nam & Velsius medicinarum se doctorem af-  
firmat Bononiæ promotum. Fugit autem Ma-  
rius ex Italia in Germaniam, ob hæreticam per-  
fidiam, ne deprehenderetur. Sic enim scribit in  
Epistola nuncupatoria. Cum ante triennium pa-  
pisticam Religionem, tanquam Christo aduer-  
santem repudiasssem, nullūmq; mihi in Italia lo-  
cum à papæ tyrannidē tutum esse conspicerem,  
illam coactus deserui, libentiū enim aut pater-  
nis sedibus, aut in alio quouis Italiæ loco uixis-  
sem, ubi papistica abominationi, aduersari pos-  
sem. Verū cum nullum pijs tutum præsidium,  
aut asylum esse conspicerem, certē mihi uitæ pe-  
riculum imminere agnoscebam, si illuc diutiū  
uersarer. Ideo cum sæuissīma tormenta, quibus  
Christiani afficiuntur, perhorrescerem, Itali-  
am deserui, altissimas totius Europæ alpes su-  
peraui, in Heluetiorum oram & urbes, tan-  
quam in ciuitates refugij me recepi. Hec illæ.  
Hic audis causam cur Marius profugerit ex I-  
talia, simul etiam cuius spiritus sit. Nam Religi-  
onem Christianam tanquam papisticā & Chri-  
sto aduersantē fatetur se repudiassse, & se quæ-  
sisse locum, in quo Papistica abominationi ad-  
uersari posset, & impios hæreticos, appellat  
pios & Christianos.

Hos itaque deprauatissimos libellos, ab hæreticis confictos & excogitados, ipse Velsius in quondam nostro cum illo congressu protulit contra nos, asserens se ex illis technas nostras denu-  
daturum. Sed reuerà technæ sunt doli & mendacia, imò apertissimæ hæreses, quicquid in illis continetur.

Duodecimò, *An credat formam inquisitionis, qua hodie in Ecclesia, secundum iura Canonica, contra hæreticos, seu de hæresi suspectos, proceditur, veræ & Catholicæ Ecclesiæ, fuisse incognitam.*

Decimotertiò, *An credat iura communia, quæ in libris Decretorum, Decretalium, & Clementinarum constitutionum continentur, secundum quas in foro Ecclesiastico, in causis iudicatur, noua & illegittima iura esse, & cum Christi & Apostolorum institutis pugnare.*

# INTERROG. VEL. PROP.



VIC duodecimo, & decimo tertio interrogatorio, occasione præstitit marginalis eius adnotatio, ad quãdam ipsius Epistolam, cuius in suo commento meminit. De hac autem interrogari eum omnino conuenerat, tum ut ex eo intelligeretur, an quæ de inquisitione contra hæreticos constituenda, in non paucis œcumenicis cõcilijs, præsertim Lateranensi illo magno, sub Innocentio 3 Lugdunensi & Viennensi, & in uniuersum, quæ Iure Canonico, atq; etiam ciuili constituta sunt, diceret astu antiqui serpentis inuecta, & nihil nisi simplicium illaqueationem esse, quam nulla Respublica libera, admittere deberet, sicut eum sentire, memorata adnotatio indicabat. Hoc enim erat homines, ad nefariam rebellionem, cõtra legitimas potestates instigare, & Concilia œcumenica, tanq̃ satanica conciliabula damnare. Tum ut ex ipso disceretur, nõ asserere uellet Inquisitionem in hæreticos ueteri eiq; ueræ & Catholicæ Ecclesiæ fuisse prorsus incognitã, cum tamen nihil ferẽ tam seriõ, in Sacro Scriptura, tam ueteris quam Noui Testamenti, Ecclesiarũ Antistitibus iniungatur, quã eiusmodi legitima in hæreticos Inquisitio, & in Ecclesiasticis historijs, nulla ex re pij Pontifices magis cõmendentur, quã ex opera hac in re  
gnauiter

gnauiter locata, quorum uestigijs nos Inquisi-  
tores incedentes, ne ad latum quidem unguem, à  
legitima forma inquirēdi, unquam discessimus.

Cæterū quod Dñs ait. Si peccauerit in te fra-  
ter tuus, uade & corripe eū, inter te et ipsū so-  
lum. Si te audierit, lucratus eris fratrem tuū. Si

Matt. 18.

autem te non audierit, adhibe tecum adhuc unū  
uel duos, ut in ore duorum uel trium testiū stet  
omne uerbum. Quod si non audierit eos, dic Ec-  
clesiæ. Si autē Ecclesiam nō audierit, sit tibi sicut  
ethnicus et publicanus, in hæretico nō habet lo-  
cum. Nō enim obseruatur in hæretico, iste ordo  
correctionis fraternæ, quoniam peccantē in nos  
fratrem, corripimus & denūciamus Ecclesiæ, ut  
emendetur. At de hæreticis, post unā & alteram

Titum. 3

correctionē. omnē prorsus spem emendæ, præ-  
scidit Apostolus dicens Hæreticum hominē post  
unam et secundā correctionē deuota, sciens quia  
subuersus est, qui eiusmodi est. Et delinquit, cū  
sit proprio iudicio condēnatus. Quid ergo cau-  
sæ est, cur in uno hæretico obseruandus non sit,  
ordo ille correctionis fraternæ, nobis præscri-  
ptus à Christo? Cur non antē denunciandus Ec-  
clesiæ, quàm uitandus à nobis, ut alius quilibet  
frater, quem tamen ut fratrem semel & iterum  
iubemur corripere? Cur in solo hæretico non  
expectamus sed præuenimus censuram Eccle-  
siæ? Respondet Apostolus, quia subuersus est,



magistri sui alicuius uidelicet Heretici sensum, eidem præsert. Cuius tamen autoritas, alijs peccatoribus nihilominus est, & manet sacrosancta, & propterea ad correctionem emendamq; eorum efficax. Deuita inquit, tanquam deplo-  
 ratum, tanquam pestilentem, tanquam præsentem pestem, nec nouis uocibus eorum aures accommoda, ne & tu quoq; eorum contagione inficiaris. Multum enim proficiunt ad impietatem, & sermo eorum uelut cancer serpit. De-  
 uita ergo tanquam incorrigibiles, & quia abierunt in profundum malorum. Sciēs inquit, quia subuersus est, qui eiusmodi est, & quia tibi ex illo, graue imminet contagionis periculum. De-  
 uita ergo quasi uiperam, quasi scorpionē, quasi basiliscum, ne te non solum tractu, sed etiam uisu afflatuq; percutiant. Quid est deuicare? Cum huiusmodi nec cibum sumere. Si quis (inquit) uenit ad uos, & hanc doctrinam non adfert, utiq; Catholicam & uniuersalem, & unam eandēq; per singulas ætatum successiones, incorrupta ueritatis traditione manentē, & usq; ad consummationē seculi permanfurā. Nolite (inquit) eum recipere in domum, nec Aue ei dixeritis. Qui enim dicit ei Aue, cōmunicat operibus illius malignis.

2. Tim. 2.

Ioan. 2.

De veritate Corporis & Sanguinis Christi, in Eucharistia.

egit, et dedit illis dicēs. Bibite ex hoc omnes. Hic est enim sanguis meus Novi testamenti, qui pro multis effundetur in remissionem peccatorū. Et Mar. 14.

Marcus. Et manducantibus illis (ait) accepit Iesus panē, et benedicēs fregit, et dedit eis et ait. Sumite, hoc est corpus meum. Et accepto calice gratias agens, dedit eis. Et biberunt ex illo oēs. Et ait illis, Hic est sanguis meus Novi testamēti, qui pro multis effundetur. Porro Lucas ita scribit. Et accepto pane gratias egit, et fregit, et dedit eis dicens. Hoc est corpus meum, quod pro uobis datur aut tradetur. Hoc facite in meam cōmemorationem. Similiter et calicem postq̄ cenauit dicēs. Hic est calix Nouum testamentum in meo sanguine, qui pro nobis fundetur. Sed et Paulus. Ego (inquit) accepi à Domino, quod et tra-

Luc 22.

dididi uobis, quoniā Dñs Iesus in qua nocte tradebatur, accepit panē, et gratias agēs, fregit et dixit. Accipite et manducate, hoc est corpus meū, quod pro uobis tradetur. Hoc facite in meam cōmemorationem. Similiter et calicem postquam cenauit dicens. Hic calix Nouum testamentum est in meo sanguine. Hoc facite quotienscūquo bibetis in meam commemorationem. Hæc sunt uerba sanctorum Apostolorum et Euangelistarum, ex quibus liquet Christum accepisse panem, benedixisse et gratias egisse, fregisse et dedisse discipulis suis, et dixisse, hoc est corp⁹ meū.

1. Cor. 11.

Item

dixit. Hoc est corpus meum, qui panem quidem in manus accepit, sed secreta potestate effecit, & conuertit in corpus suum. Hoc est corpus meum inquit: Hoc uidelicet, quod erat in manibus eius, dixit esse corpus suum, non solum sermone indicatorio & enunciatorio, quomodo nos homines loquimur, sed operatorio & efficaci, ut quia ipse dixit (dixit enim & facta sunt) certò certius factum esse credamus. Omnia enim quaecumq; uoluit Dominus fecit in cœlo & in terra, in mari et in omnibus abyssis. Quia ergo Christus dixit, hoc est corpus meum, & hic est sanguis meus, simpliciter credendum est esse ibi uerum corpus, uerumq; Sanguinem illius. Christo enim asserenti corpus & sanguinem esse in Eucharistia, impium est nō adhibere fidem. Est enim ueritas, quæ mentiri non potest. Quāobrē sicut de Abraham Paulus scribit, quod ille in repromissione Dei nō hæsitaui diffidētia, sed confortatus est Fide, dans gloriam Deo, plenissimè sciens, quia quæcūque promisit Deus, potens est & facere. sic & cuius alteri faciendum est, qui uestigijs Fidei Abrahamæ meditatur incedere, ut Fidem firmam Christi uerbis adhibeat, nec hæsitet quicquam aut dubitet, quin præstiterit & præstare possit quod affirmauit, exhibendo nimirum in hoc sacramento uiuificum & uerum suū corpus, & sanguinē. Adieciui et præstare possit. Nam

Psal 134.

Ioan 14.

Rom. 4.

tunc

qui in corpore illo habitabat. Sumpsit corpus illud de virginis utero, & produxit illud in hunc mundum, clauso utero matris. Ipse corpus illud tulit super aquas maris, ita ut non mergeretur, ubi mergebatur Petrus, sed non submergebatur, quia ab ipso adiuuabatur. Ipse celestem claritatem ostendit in corpore suo, dum adhuc futurum ei erat ut pateretur & moreretur, tunc uidelicet quando se coram discipulis suis transfigurauit in monte, & quando resplenduit facies eius ut sol. Ipse corpus illud propria uirtute suscitauit à morte, & clauso sepulchro eduxit illud foras, & ubi erant discipuli congregati in domo clausis ianuis cum eodem corpore introiuit & stetit in medio eorum. Ipse quoque idem corpus de terra potenter subleuauit, & in summo cœli super omnes choros Angelorum collocauit. Hæc omnia in Euangelij scripta sunt, & credimus ea, quamuis incredibilia uideantur secundum communem rerum naturam, & quamuis considerare & inuenire nesciamus, quali modo hæc fieri potuissent. Credimus autem quod uere potuit Dominus facere, & fecit omnia hæc, quia deus erat, cui nihil impossibile est, & eadem ratione credere hoc debemus, quod & illud potuit facere de corpore suo quod supra diximus, uidelicet quod dedit illud manducandum discipulis suis, quando dicebat. Accipe & manducate

Matt. 17.

Luc. 22.

## INTERROG. VEL. PROP.

ex hoc oēs, hoc est, corpus meum quod pro uobis tradetur. Caterum si olim à Pythagoræ discipulis receptum fuit, quod à magistro dicebatur, quanto iustius à Christi discipulis recipiendum, quod ab ipso dicitur? At Christus suis uerbis testatur & affirmat, hoc esse corpus suum & sanguinem, deberet igitur hoc cuius Christiano ac Christi discipulo sufficere.

Heb. 10.

Porro uerum corpus Christi & sanguinem, esse in hoc sacramento, & rectè creditur, & conuenienter. Hoc enim perfectioni nouæ legis conuenit. Sacramenta enim ueteris legis, cōtinebant illud uerum sacrificium passionis Christi solum in figura. Nam ut Paulus ait, umbram habuit Lex futurorum bonorum, non ipsam rerū imaginem. Et ideo oportuit sacramentum nouæ legis à Christo institutum, aliquid amplius habere, ut scilicet contineat ipsum Christum passum, nō solum in significatione uel figura, sed etiā in rei ueritate. Et ideo hoc sacramētū, quod ipsum Christum realiter continet, ut Dionysius dicit 4. cap. Eccles. Hierarchiæ, est perfectiū omnium aliorum sacramentorum, in quibus uirtus Christi participatur. Competit etiam charitati Christi, ex qua pro salute nostra corpus uerum, nostræ naturæ assumpsit, Et quia maxime proprium amicitiae conuiuere amicis, sin præsentiam corporalem nobis repromittit in præmiiū

mium dicens. Vbiq̃q; fuerit corpus, illic congregabuntur & aquilæ. Interim tamen nec sua presentia corporali, nos in hac peregrinatione destituit, sed per ueritatem corporis & sanguinis sui, nos sibi coniungit in hoc sacramento, dicens apud Ioannem. Qui manducat meam carnem, & bibit meum sanguinem, in me manet, & ego in eo. Vnde ex tam familiari coniunctione Christi ad nos, hoc sacramētum est signum maxime charitatis, & nostræ spei subleuamentum. Competit deniq; hoc perfectioni Fidei, quæ sicut est de diuinitate Christi, ita etiam est de eius humanitate, secundum illud uerbum Christi dicens. Creditis in Deum, & in me credite. Et quia Fides est inuisibile, sicut diuinitatem suam Christus nobis exhibet inuisibiliter, ita et in hoc sacramento, carnem suam nobis exhibet inuisibili modo. Nam uerum corpus Christi & sanguinem esse in hoc sacramento, sensu deprehendi nō potest, sed sola Fide, quæ autoritati diuinæ innitur. Nec sanè mirum, si filius Dei, nunc tribuat nobis corpus & sanguinem suum, in alimoniam gratiæ, quibus post hanc uitam paratus est dare propriam diuinitatem in cibum gloriæ in æternum. Amplius, sicut saluator, tactu suæ mundissimæ carnis, contulit omnibus aquis uim regeneratiuam, sic proferendo uerba consecrationis, præstitit uerbis his, quando à sacerdote, cum

Matt. 24.

Ioan. 6.

Ioan. 14.

# INTERROG. VEL. PROP.

intentione conficiendi proferuntur, uim consecrationis. Et sicut in exordio seculorum semel dixit. Producat terra Herbam, &c. & animalibus Crescite & multiplicamini, & ecce usq; in finem seculi, omnia uerbo eius obtemperant, sic eadem potestate semel proferendo uerba consecrationis, fecit, ut quotienscunq; ritè proferuntur, sortiatur effectum. Nec mirum, si potuit unum in aliud conuertere, qui potuit uniuersa ex nihilo creare.

Credendum est itaq; firmiter, quemadmodum Catholica Ecclesia (quæ primùm à Christo coepit, & inde per Apostolos & ceteros patres, ad nostra usq; tēpora promanauit) semp credidit, & concorditer tenuit, in Eucharistia, panem uerè mutatum esse in corpus Christi uerum & uiuificum. Nam quemadmodum Christus quū diceret, hoc est corpus meū, & hic est sanguis meus, non panē & uinum, sed corpus suum & sanguinem discipulis suis tradidit, sic per prolationem uerborum à Christo institutorum, ad perficiendam sacræ Eucharistiæ consecrationem, panis ipse in altari propositus, in uerum & uiuificum corpus Christi conuertitur, & uinum in calice benedictionis contentum, in uerum eius sanguinem mutatur. Siquidem dogma datur Christianis, quod in carnem transit panis, & uinum in sanguinem. Verbum caro, panem uerum.



rum, uerbo carnem effecit, fitq; sanguis Christi merum, etsi sensus deficit. Itaque postquam uerba consecrationis super panem & uinū prolata sunt à sacerdote, substantia panis & uini in Eucharistia desinit esse, & manent duntaxat eorum accidentia, color, sapor, grauitas figura, quantitas, & similia, sine subiecto, & sub illis accidentibus, incipit esse corpus Christi & sanguis, quæ sub illis accidentarijs proprietatibus subsistunt. Et fiunt hæc omnia, uirtute uerborum Christi ad perficiendam huiusmodi consecrationem designatorum. Quibus integrè à Sacerdote Proclatis, non quidem in sua, sed Christi loquentis persona, mox admiranda ista pficitur transmutatio, ut in fine prolationis uerborum super panem, conuertatur panis in uerum Christi corpus, & finita pronuntiatione uerborum, ad consecrationē calicis accommodatorum, subito uinū, in pretiosum Christi sanguinem sit conuersum. Manet enim substantia panis uel uini, usq; ad ultimū instans consecrationis, in ultimo autem instanti consecrationis, iam est ibi substantia corporis uel sanguinis Christi. Cæterum hæc uis, quæ uerbis consecratorijs attributa est, ut uidelicet ijs proclatis à sacerdote fiat ista tam admiranda conuersio panis & uini, in uerum & uiuificū corpus & sanguinē domini nostri Iesu Christi, nō est accipienda

## INTERROG. VEL. PROP.

quatenus uerba sunt, tanquam uirtutem inherēte habeant, ne incantatoria putentur, sed propter autoritatem Christi, qui illis sua uirtute adest, qui est ipsa ueritas, à quo, quæ dicit, facta sunt. Ipse enim dixit, & facta sunt, ipse mandauit & creata sunt. Verba ergo consecratoria huius sacramenti significant atque prorsus insinuat uerum Christi corpus & sanguinē contineri in ipso, si Euangelio credimus: porro quum eadem uerba consecrationis, id reuera efficiant, quod significant, constat in Eucharistia uerum & uiuificum Christi corpus, & uerum eius sanguinem contineri. Pro qua re asserenda, copiosius adhuc uerba Christi expendenda sunt.

Hoc est corpus meum, inquit, & hic est sanguis meus. Non dixit. Cum hoc pane est corpus meum, aut cum hoc uino est sanguinis meus, aut hoc significat aut figurat, corpus & sanguinem meum, sed hoc est corpus meum, hoc inquam, non hic panis, alioqui si panem intelligi uoluisset, rectius dixisset hic, quàm hoc. Hoc igitur demonstratiuum pronomen, demonstrat corpus, & non panem, statim ut uerba consecrationis à sacerdote prolata sunt. Non enim rectè dicitur. Hoc panis, sed hoc corpus. Similiter in consecratione calicis, non dixit. Hoc est calix sanguinis mei, sed hic est calix, alioqui si de ui-

no,

no, quod substantialiter remaneret, intelligi uoluiſſet, potiùs dixiſſet, hoc ſcilicet uinum, eſt calix ſanguinis mei. Quum enim uinum ſit neutri generis, tamen Chriſtus ait, non hoc, ſed hic eſt ſanguis meus. Et quum panis ſit generis maſculini, ait tamen, hoc eſt corpus meum, non hic, ut uterque Articulus oſtendat, Chriſtum, neque panem propinaſſe, neque uinum, ſed ſuum ipſius corpus & ſanguinem. Porro quomodo potuiſſet apertiùs dicere, nihil illic remanere panis, quam quum dixit. Hoc eſt corpus meum. Non dixit. In hoc eſt corpus meum, aut cum hoc, quod uidetis, eſt corpus meum. tanquam in pane, aut ſimul cum pane cōſiſteret, ſed hoc eſt (inquit) corpus meum, nimirum manifeſtè declarans ( ut omnium aduerſariorum obſtrueret ) hoc totum quod porrigebat, ipſius corpus eſſe, in quod panis totus fuerat ipſo mutante conuerſus. Itaque illud pronomen demonſtratiuum. Hoc, quod eſt ſingularis numeri, unum ens in ſubſtantia indicat, ſine explicatione tamen quanam ſit illa ſubſtantia, quod relinquitur prædicato explicandum. Prædicatum ergo quod ex nomine corpus conſiſtit, aperit illam ſubſtantiam, quæ in ſubiecto pronomine illo. Hoc obſcurè notabatur, eſſe ſubſtantiam corporis Chriſti. Illud ergo quod Chriſtus in manibus tenebat, erat antea per naturam ſubſtantiam panis, & po-

# INTERROG. VEL. PROP.

*Istea ab eo qui id efficere potuit, mutata est in substantiam corporis Christi. Substantiam ergo corporis sui, latentem sub panis accidentibus, uerè reipsa exhibuit, quod tātundem ualet quasi dicas realiter. Et quia substantia panis abest, quæ illorum accidentiū panis, subiectū erat, dicuntur accidentia manere sine subiecto. Nam dicere illa accidentia accidere corpori Christi, quod nec augetur nec minuitur, absurdum est. Per illud ergo pronomen. Hoc ne utiquam accidentia ipsa demonstramus, sed id substantiæ, quod sub eis continetur, quod reuerà Christi corpus est, cuius & ipsa sunt sacramentum. Accidentia enim panis & uini, sunt signum ueri corporis, quod sub ipsis realiter adest, neque sunt ipsum corpus, sed ueritas corporis sub eis abditi, per ipsa accidentia significatur. Christus ergo cum dixit, hoc est corpus meum non panem, neque panis accidentia demonstrauit, sed substantiam ipsam, quæ sub specie panis intelligebatur. Et dicens: Hic est sanguis meus, poculum accepit, & hoc ipsum porrexerat Apostolis, & ceratē non demonstrauit ipsum, sed id quod erat in poculo uel calice. Verbum præterea substantiarum præsentis temporis, quo CHRISTVS usus est dicens. Hoc est corpus meum, ueritatem præsentiae corporis Christi ostendit. Non dixit hoc significat, uel hoc representat*

sentat corpus meum, nec hoc est figura uel signum corporis mei, aut hic panis est corpus meum, sed simpliciter dixit. Hoc est corpus meum. In qua quidem propositione, non predicatur accidens de subiecto, quod præter subiecti corruptionem, adesse & abesse contingat, sicut quando dicitur, homo est albus, sed est ibi prædicatio substantialis & identica.

Corpus enim Christi, non est accidens, sed substantia. Vnde in illis uerbis. Hoc est corpus meum. Verbum & substantialiter uel substantiuè sumuntur, & nomē corpus, pro ipsa dominici corporis substantia. Si enim nō esset ibi uera corporis Christi substantia, falsa esset hæc prædicatio. Hoc est corpus meum. Sed & hoc obseruandum ac adnotandum, ibi non remanere panē. Si enim esset uel remaneret ibi panis substantia, cū substantia corporis Christi, tunc malè prædicaretur de pane corpus, quia corpus & panis sunt disparata, id est, natura & specie discreta, quæ admodum etiam lapis & homo. Disparata autem nullo modo possunt de se mutuò prædicari. Illud quoque quod dicitur corpus meum, ad explicandum mysterium, magnam habet emphasim, quò magis corporis dati ueritas intelligatur. Multum quoque facit ad charitatem & præsentiam corporis Christi in Eucharistia demonstrandam, & ad ueram & propriam significationem

## INTERROG. VEL. PROP.

nominiis exprimendam, id quod adijcitur. Quod pro uobis tradetur. Ex quibus uerbis indubitanter credimus, quod idem corpus, in quo tunc præsens coram illis apparuit, cum hæc loquebatur, & quod postea in cruce pependit, & ibi mortem sustinuit, eis dedit comedendum, & eundem sanguinem, qui de uulheribus eius profluxit, dedit eis bibendum. Nam quemadmodum cum dixisset. Hoc est corpus meum, ut certius eis & nobis fieret, quod uel quale corpus illis uerbis significaretur, determinauit cum addidit dicens. Quod pro uobis tradetur. Sic etiam cum dixisset. Hic est enim sanguis mei noui testamenti, de sanguine determinauit cum adiecit. Qui pro uobis & multis effundetur. Porro si Christus corpus suum tradidit in mortem, nonne potuit tradere in escam. Et certe multò facilius potuit nobis dare carnem suam in escam, quam eam dedit tortoribus laniandam. Iam enim citra laniationem ullam, imò citra quamuis molestiam, comeditur à nobis. Sed nec ex potatione sanguinis quicquam offenditur, quem tamen in cruce, non absque summo cruciatu, pro nobis effudit. Quare si credas Christum pro nobis cruci affixum, quare non pari facilitate, credis eundem seipsum, ob immensam charitatem qua nobis afficitur, in Eucharistia nobis percipiendum donasse?

Hæc

Hæc itaq; uerba. Hoc est corpus meum, & hic est, sanguis meus, omnem reiiciunt tropum, nisi uiolenter adhibeamus, ut Sacramentum nostro ingenio confictum, non uerbi omnipotentia confectum habeamus. Sunt ergo prædicta uerba, contra tropum omnem & figuram intelligenda, de uero & uiuifico Christi corpore, quod post debitam uerborum illorum prolationem, sub specie panis, secundum substantiam & reipsa delitescit. Pronomen enim hoc demonstratiuum (ut diximus) id ipsum demonstrat, quod transacta prolatione, sub forma panis continetur, ut hic sit genuinus eorum uerborum sensus, hoc, quod exacta uerborum pronuntiatione, sub specie panis delitescit, est corpus meum. Est ergo uerum corpus Christi secundum naturam & substantiam. Eodem modo intelligenda sunt uerba Sacri Calicis consecratoria. Hic est Calix sanguinis mei, quod tantundem ualet ac si dicas. Hic est calix sanguinem meum specie uini occultatū, uerè continens. Quæ cum ita sese habeant, constat errare eos, qui hæc uerba, hoc est corpus meum, ita interpretantur, ut est pro significat accipiant, & corpus, pro figura corporis positum uelint. Et similiter eos, qui ita exponunt, hoc est corpus meum, uidelicet, hoc, id est, hic panis est corpus meum. Et quanq; satis demonstratum sit, utranq; expositionem ac intelligentiam falsam



# INTERROG. VEL. PROP.

esse ac erroneam, per ea quæ dicta sunt, libet tamen quædā adhuc pro ueritatis defensione subiungere. Et quantum quidem ad priorū tropū attinget, nihil absurdius intelligere possumus. Si enim nulli tropi admittēdi sunt, ubi nulla nos ad hoc adigit scripturæ circumstantia, quanto minus admittendi sunt, ubi ipsa repugnat? quemadmodum in istis uerbis scripturæ, quæ tractamus apparet. In illis enim palam est, nullā circumstantiam exigere tropum, sed omnia prorsus quadrant, pro simplici uerborum contextu, & maxime, quod agnum antea paschalē comedissent, qui fuerat figura corporis passuri. Quid enim iam opus esset alia figura, & non magis ipsa ueritas corporis, quæ per tot figuras antè præsignata fuit, exhiberetur? Nam si quod tunc porrexit Apostolis, fuisset sola figura, quid tūc interfuisset, inter paschalem agnum & panem illum? Nam uterq; significabat Christū passurū. Neq; enim figura fuerat Christi passi, sed passuri. Et licet hoc Sacramentum multum excellet agnum paschalem, utrunq; tamen figurabat & significabat Christum, qui passurus erat, præterea si figura Christi fuerat agnus ille paschalis, quem Christus cum discipulis suis prius comederat, & nunc itidem hoc sacramentum, nihil aliud præter eiusdem rei figuram contineat, cur tanto affectu cibum istum magis quam illū, discipulis

discipulis suis cōmunicare gestiiffet? Nam agnus ille qui fuerat occisus, lōgē maiorem energiam habuit mortis Christi, quam panis ullus habere potuit. Adhęc pollicitatio Christi, qua pridem Ioan, 6. Apostolis recepit se daturum panem, qui foret eius caro, planē repugnat, ut hīc tropum aliquē admittamus, et non magis ipsam corporis ueritatem asseramus, quemadmodum ipsa Christi uerba enunciant, quibus dixit. Hoc est corpus meum. Sed fortē quæris ubi Christus receperit se daturum panem, qui foret eius caro? Audi Ioannem Euangelistam, & ipse dicet tibi ubi hoc pollicitus sit. Capite siquidem 6. scribit Christum dixisse. Panis quem ego dabo, caro mea est pro mundi uita. Sed nusquam promissionem suam exhibuit, nisi in ultima cœna. Consequitur proinde, quod in illa cœna ueram suam carnē Apostolis exhibuit, & non symbolicū panē. Non enim satis est dignus Christo Deo & homine sensus, ut qui carnē se suā daturum pollicitus esset, solā carnis figurā dedisse intelligatur. Christus est ueritas, quæ mētiri nequit, nō ergo fefellit conuiuas suos, sed id exhibuit q̄ promissit, & id pręstitit, q̄ uerba eius significant. Hoc est corpus meum. Promittere carnem et dare figuram, non est promissa pręstare. Veram ergo carnē dedit, Credendum est proinde escā et potū qui in mysterijs sumitur, substantiam esse corporis &

# INTERROG. VEL. PROP.

Matt. 26.

ris & sanguinis Christi. Nam magister uerus et diuinus, quia Deus est, potest, & quia uerus est, facit quod uerbis loquitur. Promissioni itaque sue tunc factæ, plenissimè satisfecit, cum in ultima cæna accepit panem, benedixit ac fregit & dedit discipulis suis dicens. Accipite & mæducate ex hoc omnes. Hoc est corpus meū quod pro uobis tradetur. Ille igitur panis, quem tunc discipulis suis dedit, caro eius erat pro mundi uita. Quare ergo inimici ueritatis audent impudenti ore affirmare, solum figuram & signum carnis eius, in pane materiali sacrato, nobis relictum? Christus affirmat panem se daturum, qui caro eius futura esset pro mundi uita, quem etiam discipulis suis in ultima cæna dedit, isti autem dicunt panem (quem daturum se promissit Dominus, & postmodum dedit cum esset recessurus ab eis, non esse eius carnem uel corpus, sed duntaxat figuram corporis eius & nudam representationem. Sed credo omnes pios fideles, Christo potius, quam aduersarijs, credituros. Sed & si rectè excusserimus alia quædā Christi uerba, in eodem cap. prolata, mirum in modum adiuuabunt sententiam nostram & Catholicam ueritatem. Percurramus ergo uerba Christi.

Ioan. 6.

Cum Christus miraculum de multiplicatione quinque panum in deserto peregisset, turba quæ adfuerat & uiderat, & iam Capharnaum apud Iesum

Iesum uenerat, miraculum extenuabat, quasi maius esset signum, quod Deus in deserto sub Moyse patribus eorum exhibuerat, quàm saturatio quinq; milium uiroꝝ, de quinq; panibus. Vnde dicebant. Quod tu facis signum, ut uideamus et credamus tibi? Quid operaris? patres nostri manducauerunt manna in deserto, sicut scriptum est. Panem de cœlo dedit eis manducare. Quasi dicerent. Tu quidem ex quinq; panibus, satiasti quinq; milia hominum, sed nondum dedisti nobis manna de cœlo, quemadmodum olim in solitudine patribus factum est. Idcirco Dñs distinguere uolens, panē sacramentale, qui in Eucharistiæ Sacramento datur, à manna Israelitico tanquam panem uerum à figurali, & tãquam ueritatem à sua figura, respondit. Amen amen dico uobis, non Moyses dedit uobis panem de cœlo, sed pater meus dat uobis panem de cœlo uerum, panis enim uerus est, qui de cœlo descendit, & dat uitam mundo. Quibus uerbis distinxit Christus inter manna, & hunc uerum panem. Nam iste uerus panis à Deo Patre, singulari quodam dono, datus est toti mundo, quãdo Deus filium suum unigenitum misit in mūdum. Manna autem uni populo particulari sub Moyse datum fuit. Iste panis uerus, de cœlo dat⁹ est, imò de summo cœlorum habitaculo descēdit per incarnationis mysterium, Manna uerò solum de cœlo

## INTERROG. VEL. PROP.

cœlo aërio. Deniq; panis iste uerus, uitam spiri-  
tus præstat mundo, & habet uim uiuificatricem  
animarum, quod manna Hebreorum neutiquam  
præstare potuit. Proinde non absurdè intelli-  
gimus per panem istum uerū (qui per manna Isra-  
elitarū representatus fuit) sacratissimū Christi  
corp<sup>9</sup> unitū diuinitati, et in dignissimo Eucha-  
ristie sacramēto nobis relictum. Atqui panis ille  
materialis, quē dicūt tantū esse figurā corporis  
Christi, & pro signo nobis dimissum in Eucha-  
ristia, quō uer<sup>9</sup> erit ille panis, de cœlo descēdens  
et mundū uiuificans? Profectò si symbolicus aut  
figuralis duntaxat est panis: ipso manna Iudai-  
co longè inferior erit, quod absurdum est asse-  
rere. Nam ipse Dominus insinuare uolens, quā-  
ta sublimitate & perfectione, panis iste uerus,  
manna Iudaicū excellat, statim adiunxit dicens.  
Ego sum panis uitæ. Qui uenit ad me nō esuri-  
et, & qui credit in me nō sitiet in æternum. Ecce  
hīc appellat se Christus panē uitæ. Quod etiā  
post pauca repetit dicens. Ego sum panis uitæ.  
Patres uestri manducauerunt māna in deserto,  
et mortui sunt. Hic est panis de cœlo descēdēs,  
ut si quis ex ipso manducauerit, non moriatur.  
Ego sum panis uiuus, qui de cœlo descendi. Si q<sup>s</sup>  
manducauerit ex hoc pane, uiuit in æternum. Et  
panis quē ego dabo, caro mea est pro mūdi uita.  
Hīc semetipsum panem uitæ, & panem uiuum

nuncu-

nuncupauit qui de cœlo descendit, & assignauit  
aliam differentiam, inter manna datū patribus,  
& panē illū uerū, quē daturus erat mundo. Nā  
ille panis uiuus, dignē manducantem se, uita do-  
nat æterna, & à morte perpetua præseruat, q̃  
manna Iudæorum exhibere non pōtuit. Nā qui  
illud manducauerunt in deserto, mortui sunt, nō  
tantū morte corporali, quæ etiam dignē sumē-  
tibus Sanctam Eucharistiam est cōmunis, sed &  
morte spūali & perpetua, quia mortui sunt in  
peccatis suis. Sed ab hac morte æternā suos man-  
ducatores præseruat iste panis uiu⁹, q̃ in sacro-  
sancto Eucharistia mysterio, nobis diuina boni-  
tate cōmunicatur, uerū uidelicet & uiuificum  
corpus Christi, essentialiter ac substantialiter  
ibidē substēs. Sed quō panis ille materialis, quē  
pro signo corporis sui Christū nobis reliquisse  
dicūt, poterit esse panis uitæ, & panis uiuus de  
cœlo descendens, & uitā æternā manducantibus  
cōferens, si nō esset meliore cōditione q̃ manna  
uetustū, & sub moyse patribus indultū? Est itaq;  
panis ille uitæ, & panis uiuus de cœlo descēdēs,  
qui uitā æternā manducantibus confert, corpus  
Christi uerū, q̃ in Eucharistia sacramento nobis  
reipsa exhibetur ad manducandū. Sed uideamus  
quæ sequuntur. Amen amen dico uobis) inquit)  
nisi manducaueritis carnem filij hominis, & bi-  
beritis eius sanguinē, nō habebitis uitā in uobis.

Qui

# INTERROG. VEL. PROP.

Qui manducat meam carnem, & bibit meum sanguinem, habet uitam aeternam. & ego resuscitabo eum in nouissimo die. Audis qualem interminationem prioribus suis sententijs adiecerit? Nisi (inquit) manducaueritis carnem filij hominis, & biberitis eius sanguinem, non habebitis uitam in uobis. Et ubi quaeso alibi manducatur caro filij hominis, & bibitur illius sanguis, quā in augustissimo Eucharistiae Sacramēto? in quo uerum Christi corpus, & sanguis eius uerus secundum substantiam sumitur. Valeant igitur qui sacrilego ore non uerentur docere, nos in Eucharistia carnem filij hominis, re ipsa non manducare, & uerum sanguinem eius non bibere, sed duntaxat panem frumentarium atque cibarium, & uinum etiam naturale illic sumere, in signum ac representationem corporis & sanguinis Domini nostri Iesu Christi. Si enim nihil aliud manducamus & bibimus, quam panem triceum & uinum purum uitis, ut signum & figuram corporis & sanguinis Domini, quomodo sic manducantes habebimus potiùs uitā aeternam, quam ij qui manducauerunt manna in deserto, quod etiam figura fuit et Symbolum corporis dominici? Et tamen inter manducātes hūc panem salutare, & ipsum manna, magnum discrimen assignatum est. Sed expendamus adhuc diligentius eadem Christi uerba. Nisi (inquit)

manduca=



manducaueritis carnem filij hominis, & biberitis eius sanguinem, non habebitis uitam in uobis. Nunquid putatis quod hoc de aliquo hominis filio, possit ueraciter intelligi, præter illum unicum filium hominis, Christum uirginis filiū? Nunquid putatis quod mactandus sit aliquis homo, & coquendus aut assandus, & sic manducandus, ut uita æterna habeatur? Non hoc certè præcepit Deus in lege sua, qui dixit. Non occides. Etiā si sine peccatō occidi possit homo & manducari, non habet tamen tantam uim humana caro, ut suo gustu possit alicui præstare uitā æternam. Ex hoc ergo scitote, quod Dominus singulariter de suo corpore, q̄ diuinitati erat unitū, loquebatur cū dicebat. Nisi manducaueritis carnem filij hominis, &c. Filium hominis se solebat appellare saluator, nec usquā in Euangelijs, hac appellatione significatus est ali⁹ aliquis præter ipsum. Hinc scimus, quoniam & hoc loco ubi dixit de carne filij hominis. se singulariter significauit. Vt autem certius fieret, de quo filio hominis hīc loqueretur, & qualem uitam promitteret his, qui manducarent carnē ipsius & sanguinem biberēt, postea ait. Qui manducat meā carnem, et bibit meū sanguinem, habet uitā æternā.

Propterea non uobis durū uideatur credere specialiter de hac carne dictū esse illud, quod ex Euāgelio inductū est. Nisi manducaueritis car-

# INTERROG. VEL. PROP.

.Ioan. 6.

nem filij hominis, & biberitis eius sanguinem, non habebitis uitam in uobis. Et illud. Caro mea uerè est cibus, & sanguis meus uerè est potus, aliaq; his similia. Quidam discipulorum Christi, qui talia ipsum dicentē audierant, murmurabāt dicētes. Quomō potest hic nobis carnē suā dare ad māducandū? Durus est hic sermo. Quis potest eū audire? Et conuersi retro discesserūt ab eo, et ultra non ambulauerunt cum ipso. Aestimabant enim q, diceret eis, se māducandū ab eis in ea specie, qua apparebat inter eos, ita ut per frustra concideretur, et dētibus eorū dilaniaretur, et ut sanguis eius in specie sanguinis hauriretur ab eis. Ipse uerò nō hūc modū māducandi eis significabat, sed illū manducationis modum, quo uerè quidē caro Christi māducatur, ita tñ ut manducanti uideatur, nō se manducare carnē sed panē, & ut bibenti sanguinē eius uideatur, non se sanguinē potare, sed uinū. Hoc uerè idcirco ita fieri ordinauit Deus, ut tanto maius sit meritū, qui cū tali fide utrūmq; sumit, ut credat potentiam Dei tantā esse, ut hoc facere possit, et bonitatem eius tantā esse, ut hoc dignetur facere pro hominis dilectiōe. Atē et propter hoc uoluit Dñs, carnē suā māducari, & sanguinē suū potari, in alia specie q̄ est, ne nimiiū expauesceret quisquā, māducare carnē illam, et sanguinē illū potare, si uideret utrūq; in propria specie, & ut tāto mīo-

rem

rem occasione haberet Iudæi siue Pagani, irridē  
 di Christianos ac dicendi, q̄ manducarent Dñm  
 suū, et biberent sanguinē hominis occisi. Ceterū  
 uerba hæc Christi. Caro mea uerè est cib⁹, et san  
 guis meus uerè est potus. Qui manducat meā car  
 nem, & bibit meū sanguinē, in me manet & ego  
 in illo. Et qui māducat me, et ipse uiuet propter  
 me, & c. si fuerint excussa, magnū nobis defensi  
 onis pōdus aduersus figuratores istos adferunt.  
 Caro (inquit) mea uerè est cibus, & sanguis me  
 us uerè est potus. Animaduerte quæso particulā  
 illā. Verè bis esse expressam. Habet enim magnā  
 emphasim, et haudquaquā otiosè adiecta est, sed  
 ad designandam sacratissimam Domini carnem,  
 in sacrosancto Eucharistiæ Sacramento, nequaquā  
 contineri, ut in signo tantū & figura quadā, sed  
 ueraciter et realiter, et in eodē mysterio sub spe  
 cie panis, ipsam uerè et secundū substantiā sumi.  
 Et eadem ratione, sanguinē eius uerè potū, quo  
 niam sub uini specie, non figuraliter & signifi  
 catiue tantū continetur, sed essentialiter &  
 substantialiter, ut ea sola particula uerè, totam  
 figuratorū & symbolizantiū elidat assertionē.

Sed tamen nihilominus dicit aduersarius, nimi  
 rū & iste panis, quē in altari consecram⁹ figura  
 est panis uiui, qui de cœlo descēdit, nō ipse panis  
 uiu⁹. Ad quod respondet Rupertus dicēs. Cuius  
 quæso, autoritate canonica fret⁹ Catholicis hoc

Rupertus  
 libr. 6. in  
 Iohan.

## INTERROG. VEL. PROP.

*in*fers auribus? Nunquid ubi dixit ipse panis uiuus, de pane quem tenebat in manibus, hoc est corpus meum, dictum est aliquid tale, quale dixit Paulus, ubi cum dixisset petra autem erat Christus, &c. Hæc autem (inquit) omnia in figura contingebant illis? Nempe si ipse Christus uel Euangelista uel Apostolus author esset dictio- nis huius, non tu esses redarguendus. Sed quid dicemus magnis & magnificis paruulorū magistris, quibus interdum suauius redolet, Pla- tonis Academia, quā hæc uiuifica Domini men- sa, quid (inquam) dicimus eis, ubi totis uiribus intenti, ad expugnandam ueritatē dominici cor- poris & sanguinis, magnorum sentētias docto- rum coram attulerint, dicentium, hunc panem significauit manna, hunc panē significat altare Dei, sacramēta illa fuerūt, sacramenta hæc sunt, in signis diuersa sunt, in re quæ significatur pa- ria sunt, itemq; aliud illi manducauerunt, aliud nos sub speciei uisibili, quod tamen idem signifi- caret uirtuti spiritali? Hæc enim et his similia, de nō contēnendis sumere uidentur authoribus, secundū quos et Apostolū audi inquit: patres nostri omnes sub nube fuerunt, & omnes mare transierunt, & omnes in Moyse baptizati sunt, in nube & in mari, & omnes eandem escam spi- ritualem manducauerunt, & omnes eundem po- tum spiritualem biberunt. Bibebant autem de spiritali

1. Corio

spirituali consequente eos petra, petra aut̃ erat  
 Christus. Quibus uerbis opinantur, suisq; dictis  
 & scriptis descendunt, panem uerum & potum,  
 quem in sancto altari sumimus, nihilominus pa-  
 tres illos manducasse tunc temporis & bibisse,  
 & nihilo magis hoc esse uerum corpus & san-  
 guinem Christi, quam fuit illud māna, quod ille  
 populus comedit, et illa aqua, quā de petra pro-  
 ductam, non solus populus sed iumenta biberūt:  
 huic errori suo pro maximo argumento hanc .Ioan. 6.  
 Apostoli auctoritatem adhibent. Itaq; cū ueri-  
 tatis auctoritate dicentis. Amen amen dico uo-  
 bis. Nō Moyſes dedit uobis panē de cælo, sed Pa-  
 ter meus dat uobis panē de cœlo uerū, aduersus  
 hanc detestabilē præsumptionē, quālibet paucis  
 respondendū est. Primoq; dicendū, Apostolum  
 non eo sensu dixisse, quo isti accipiunt, et omnes  
 eandem escam spirituales manducauerunt, &  
 omnes eundem potū spirituales biberunt, neq;  
 dictūculam relatiuam eandē scilicet escam, uel  
 eundem potū, ita posuisse, ut referri uelit ad illā  
 escā, illumq; potū, de quo ipse Dñs. Hoc est (in-  
 quit) corpus meū, hic est sanguis meus. Sed ean-  
 dem (inquit) escam manducauerunt, & eundem  
 potum biberunt Dathan et Abyron, quam Moy-  
 ses, & Aaron, eandem utique Chore, quam Ca-  
 leph aut Iosue. Hoc enim intendit Apostolus ca-  
 lectionē, ut sollicitum reddat omnem hominem,

# INTERROG. VEL. PROP.

ne se arbitretur iam cōprehendisse, quia cōsecutus est Sacramenta fidei Christianæ. Nā hæc omnia (inquit) in figura facta sunt nostri, uidelicet ut antiquis sciamus experimentis, q̄ licet oēs baptizati simus, in eodem nomine Patrīs et filij et Spūs sancti, & oēs māducemus idē corpus et sanguinē Christi, nō tamen arbitrandū nobis sit, q̄ æque omnib⁹ nobis beneplacitū sit Deo, quomodo cūq; uiuamus, quali acunq; post baptisimū operemur. Quia quēadmodū cū omnes illi eisdem signis, eisdē (inquā) mali quibus et boni fuerint glorificati, in pluribus tamē eorū, nō beneplacitū est Deo, ut introduceret eos in terram re promissionis, sic nimirū non cōplacebit ei, ut introducat nos in regnū Dei, si fuerimus concupiscentes malorū, quēadmodum & illi cōcupierunt, si fornicati fuerimus, sicut quidē ex ipsis fornicati sunt, si tentauerim⁹ Christū, sicut quidā eorum tentauerunt, si murmurauerimus, sicut quidā ex ipsis murmurauerunt. Igitur text⁹ Apostolicæ literæ nemini succurrit, uolenti accipere sic eandē escā, uel eundē potum esse dictum, ut refrat ad identitatē cibi et potus uiuifici, quē sumimus in commemorationem Dñi nostri Iesu Christi. Sed neq; illud, q̄ escam & potum spiritualē, idē Apostolus dicit. Nā si aliter uelis accipere escā & potum spiritualē, q̄ in figurā spiritualis contingentem, et idcirco non naturali rerū ordine,

sed

sed spiritali uirtute prodeuntē, ipse Apostolus in eisdē literis te constringit, quantumuis recal citrantē. Dicit enim paulopōst. Hęc aut omnia in figuris cōtingebant. Si omnia, utiq; et illa esca & ille potus in figura contingebant, proinde nō magis illud manna, panis iste uerus erat, nec magis ille potus idem erat, quod iste uitalis potus, quē uerē Christi sanguinē credimus & confitemur, q̄ illa petra Christ⁹ erat, petra utiq; mani mata & insensibilis, quā Moyses uirga pcussit. Nā uniuersa (ut iā dictū est) cōtingebant in figura quę profectō nusquā ualet idē q̄ ipsa res quā figurat, sicut umbra nō est idē q̄ ipsa rei uel corporis substantia. Perspicuum est igitur, eandem escam & eundē potum, nequaquā Apostolum, ad hanc escam et ad hunc potum, quē de Christi mēsa sumimus, referre uoluisse, habitatoremq; eius spiritum ueritatis & gratiæ, longē alio sensu uerba hęc protulisse, uldelicet & intelligas, q̄ eandē escam manducauerint, & eundem potum biberint Dathan & Abyron, quem Moyses & Aaron, eundēq; Chore, quem Caleph aut Iosue. Alioquin si dicas, uel Apostolum dixisse intelligas, eandem escam illos, in illis umbris manducasse, quam & nos manducamus hoc tempore reuelatæ gratiæ, et dicas cū suprā dicta quorundam authoritate, manna illud, & hunc panem mensæ Christi, in signis diuersa, in re quę



# INTERROG. VEL. PROP.

significatur paria esse, & cetera quæ supradicta sunt, ac proinde fateris, hunc panem non magis, quàm illud māna corpus esse Christi, nec plus spiritualis habere uirtutis, cōsequitur plane, ut dicas sacrificia agnorū & arietum, nouo sacrificio panis & uini, fuisse sanctiora, ueteresq; panis præpositiōis, digniores hoc pane, qui ponitur et sacratur in mensa Christi. Prædicta nāq; sacrificia, longè sanctiora fuerunt, q̃ illud māna, uel aqua illa, quæ de percussa fluxit petra, q̃ppe cū de sacrificijs, uel præpositionis panib⁹, non nisi mūdus, & sacerdotibus, aut Leuiticis generis hominib⁹ edere liceret, illud aut māna indifferenter cūcti manducare, et illā aquā, utpote nulla diuini nominis inuocatione sanctificatā licet spūalem, id est, nō naturali ordine, sed spūali uirtute productā, uel spūalis potus significatiuam, iumentis æquē ut hominibus bibere, et canibus quoq; lābere impunē liceret. Scriptū est enim. Egressæ sunt aquæ largissimæ, ita ut populus biberet ac iumenta. Sed per Christi gratiā nō eousq; altissimè sapiant isti sapientes, qui tantis obiectiūculis mensam Dñi diuerberant, ut prædicent iumentis, nō dico et brutis animalib⁹, quæ aquā illā & ipsa biberunt, sed iumentis quæ cōputruerunt in stercore suo, et canibus qui reuertuntur ad uomitū suū, suibus quoq; latis in uolubro luti, hunc panē uel potū dñicū, indiscretè tradent

Leuit. 12.

3 Reg. 12.

Exod 16.

Num. 20.

tradendum esse prædicent, quomodo (ut prædictum est) illo pane, cui comparatum esse uolunt hunc panem dominicum, & illa aqua, populus ac iumenta communiter uti potuerunt, neq; hoc modo irritum faciant eiusdem quoque Apostoli iudicium dicentis. Qui manducat & bibit in- I. Cor. II,  
dignè, iudicium sibi manducat & bibit. In collatione sententiarum, de corpore & sanguine Domini, Beati Ambrosii sententiam, dignè palmam obtinere iudicatum est. Igitur etiam si Angelus de cælo nobis euangelizet, supra dicta Apostoli uerba, quoniam patres nostri omnes sub nube fuerunt, & omnes mare transferunt, & omnes in Moyse baptizati sunt, & cæt. sic exponendo, quòd hæc ipsa, quæ tunc in illa umbra, uel in illa nocte facta sunt, eiusdem fuerint uirtutis, cuius ista sunt sacramenta, quæ nunc in die salutis, fide Christi rutilante, fiunt, uel eo cibo potuq; siue baptismo, quo baptizati sunt in Moyse, nube & mari, magis illos cõsummatos fuisse, quàm posteriores, inter quos Samuel & David, qui per mare non transferunt, neque manna manducauerunt, si, inquam, etiam Angelus de cælo hæc euangelizet, non illum tãquam lucis Angelum, non in hac sententia tanquam Christi audiemus Apostolum. Quod & si quis sanctorum patrũ, tale quid alicubi dixit, quod à præsumptoribus in aduersum præripi potuerit (sicut mos eorum

# INTERROG. VEL. PROP.

est, qui cū venerādo aliquid ap̄phēdere quī  
uerint, quod vibrare queāt ex aduerso, veri  
tatis aduersarij magis exultant, q̄ Sicarius  
cū ciuem aut collegā conciderit) sunt eius-  
dem alia pleraq; scripta, quæ fidelis Lector dili-  
genter conferens, periclitanti Fidei citiùs sub-  
uenire ualeat. Verba gratia, idem quem tenent  
aduersæ quasi patronum sententiæ sanctum Au-  
gustinum, ut cū dicat ille, sacramentum & rē  
sacramenti, unitatem corporis Christi (quod est  
Ecclesia) rem dicens esse sacramenti, panem au-  
tem dominicum, huius rei sacramentum, non sū-  
mus ita incauti adulescentes Beati Augustini, ut  
statim acquiescamus eis, qui hanc diuisionem,  
in patrocinium sui sensus arripiunt, dicentes,  
Sacramentum, id esse Sacræ rei monimentum,  
& hoc modo nullum faciamus locum, Domini-  
cæ definitioni, quam ita est eloquutus. Hoc est  
corpus meum, quod pro uobis tradetur, hic est  
sanguis meus, qui pro uobis effundetur. Ete-  
nim Ecclesia quibus corpus Christi est, sed non  
illud corpus quod pro nobis traditum est. Si-  
quidem Ecclesia, non pro seipsa tradita est.  
Quod si panis mensæ Domini, non nisi huius  
sacræ rei, scilicet unitatis Ecclesiæ monimen-  
tum est, multò magis nec ipse, corpus illud  
est, quod pro nobis traditum est. Itaque quan-  
tas cūque uolunt similitudines, hinc accipiant  
dicen-

dicentes. Quia sicut multis ex granis, conficitur unus panis mensæ Domini, & sicut multis ex acinis, confluit uinum calicis CHRISTI, sic ex multis hominibus constitit, & tamen una est Ecclesia Dei, uel quæcunque talia, & aptè inueniant, & utiliter proferant, dummodo fundamentum permaneat quod positum est, præter quod, aliud nemo ponere potest, ab ipso dicente de pane & de calice uini. Hoc est corpus meum quod pro uobis tradetur, hic est calix sanguis mei, qui pro uobis effundetur. Porro hi qui Augustinū existimant patronum sententiæ aduersariorum, si alia eius scripta perlegant, periclitanti fidei citius subuenire ualebunt. Vt cum dicit in David, quia commutans uultum suum, ferebatur in manibus suis, nihil aliud sine dubio, quàm seipsum tulisse ait uerum David, id est, Christum in manibus suis cum tenens panem & uinum diceret. Hoc est corpus meum, hic est sanguis meus, & qui dixit apud Ioannem. Et panis quem ego dabo, caro mea est pro mundi uita. Nonne hic idem Euangelista Ioannes dicit Apocalypsi. Si quis apposuerit ad hæc, apponat super illum Deus, plagas scriptas in libro isto, & si quis diminuerit de uerbis Prophetiæ libri huius, auferat Deus partem eius, de ligno uitæ, & de ciuitate sancta, & de his quæ scri-

In Psal. 135.

1. Reg. 21.

Matt. 24.

Ioan. 6.

Apoc. 22.

## INTERROG. VEL. PROP.

Joan. 15.

Scripta sunt in libro isto? Nunquid uerò minus timenda est hîc illa maledictio, ut non detrahamus uel apponamus quicquam uerbis dicentis. Hoc est corpus meum, quod pro uobis tradetur, hic est sanguis meus Nouum testamentum, qui pro multis effundetur in remissionem peccatorum? Cùm enim illo dicente, hoc est corpus meum, nos subauditionem apposuerimus, dicentes, figuratiuum uel per similitudinem dictum, cùm (inquam) illo dicente, hoc est corpus meum, nos dixerimus, hoc significat corpus, nōne multum est quod apponimus, uel praua demutatione detrahimus, sensum generamus, quem tātus autor, Deus & homo, nusquā est loquutus, nec ascendit unquam in cor eius. Nempe cum obijcit quis, suisq; scriptitat in schedulis, quòd itidem dixerit eadem ueritas, ego sum uitis, tã audacter quàm imperitè in argumentũ mēdosum illud attrahit, cū statim subsequētia uerba dicentis, sicut palmes non potest fructum facere à semetipso, nisi manserit in uite, sic nec uos nisi in me manseritis, manifestè per similitudinem dictum compellant intelligi, præsertim cum non signanter dixerit, ego sum hæc uitis, sicut signanter dixit, hoc est corpus meum, hic est sanguis meus, apposta protinus descriptione, ueræ proprietatis, de corpore inquiring quod pro uobis tradetur, de sanguine autem, qui pro multis effundetur.

Igi

Igitur ne ueniant super nos plagæ nouissimæ,  
neque apponimus, neq; diminuimus quicquam,  
diuinæ definitioni uel descriptioni, quam incar-  
natum uerbū ore proprio deprompsit, imò quia  
perfecta charitas foras mittit timorem, non tam  
plagarū timore, quàm ueritatis amore confite-  
mur, quia panis iste corporeus, postq̃ signauerit  
eū pater, & uinum hoc expressum acinis præsen-  
tibus, mox ut eodē signo signatum est, per manus  
Ecclesiæ dicētis. Vt nobis corpus & sanguis fiat  
dilectissimi filij tui Dñi nostri Iesu Christi, &c.  
usq; in mei memoriā facietis, corpus & sanguis  
eius, q̃ huius traditionis autor est, & hoc sacri-  
ficium ipse Christus est, cuius passione, ut sacri-  
ficiū fieret, à Deo Patre in ueritate signatum est.  
Hactenus post Rupertū, cuius uerba, nō eo ordi-  
ne quo ipse, sed secundū quod presenti materiæ  
congruere uidebātur transscripsimus, & in hūc  
ordinem redegimus, ut manifestum fieret, quàm  
ruinoso innitantur figuratores & Symbolizan-  
tes isti fundamento, quemadmodum etiam po-  
stea liquescet, cū testimonia Damasceni &  
Theophylacti in medium produxerimus, ut me-  
ritò agnoscere deberet Velsius errorem suum,  
qui panem Eucharistiæ (quem Ecclesia catho-  
lica post diuina uerba consecratoria à Sacerdo-  
te super panē prolata, credit & ueraciter cōfite-  
tur, cōuersum esse in uerū & uinificum corpus  
Christi)

# INTERROG. VEL. PROP.

Christi) non ueritus panē appellare Symbolicū.

Ceterū quoniam superius diximus. Istum panem de cœlo datum esse, imò de summo cœlorum habitaculo descendisse, per incarnationis mysterium, manna uerò solū de cœlo aërio, ne fortè trahantur in calumniam, tanquam minùs benè prolata, dūtaxat duorū impræsentiarū adducā sententias qbus exponātur, quomodo intelgi debeant. Itaq; S. Ambros. lib. 6. de sacram. ca. 1. ita scribit. Sicut uerus est Dei filius, Dominus noster Iesus Christus, non quemadmodum homines per gratiam, sed quasi filius ex substantia patris, ita uera caro (sicut ipse dixit) quam accipim⁹, & uerus est potus. Sed fortè dicas, quod dixerūt tunc tēporis etiā discipuli Christi audiētes dicētē. Nisi quis manducauerit carnē meā, & biberit sanguinē meū, nō manebit in me, nec habebit uitā æternā. Fortè dicas. Quomodo uera? Qui similitudinē uideo, nō uideo sanguinis ueritatē. Primò oīm dixi tibi de sermone Christi, q operatur, ut possit mutare & cōuerte regenera instituta naturę. Deinde ubi nō tulerūt sermonē Christi discipuli eius, sed audiētes q carnē suā daret māducare, et sanguinē suū daret bibendū, recedebant. Solus tñ Petrus dixit. Verba uitæ æternæ habes, & ego à te quo recedam? Ne igitur plures hoc dicerēt, ueluti quidā esset horror cruoris, sed maneret gratia redēptiōis, ideo

Amb.



ideò in similitudinem quidem accipis Sacramentum, sed uerè naturæ gratiam uirtutemq; consequeris. Ego sum (inquit) panis uiuus qui de cœlo descendi. Sed caro nō descēdit de cœlo, hoc est carnē in terris assūpsit ex uirgine. Quomodo ergo descēdit panis de cœlo, & panis uiuus? Quia idē dñs noster Iesus Christ⁹ cōsors est & diuinitatis & corporis. Et tu q̄ accipis panē, diuinæ ei⁹ substātiæ, in illo participaris elemēto. Ecce, his audis, quō iste panis uerus dat⁹ sit de summo cœlorū habitaculo, q̄ Christ⁹, q̄ se panē uiuū appellat, descēdit de cœlo, nō q̄ caro ei⁹ descēderit de cœlo, quā ex Maria uirgine opatione Spiritus sancti assūpsit, sed quia ipse descēdēs de cœlo in uterū uirginis, ex ea carnē suscepit, q̄a idē Dñs noster Iesus Christus, cōsors est diuinitatis & corporis. Vnde etiā S. Augustinus. Corporeū illud manna (inquit) non est tanti res miraculi, quia uenit quod perfectum est. Perfectus autem panis de cœlo corpus est ex uirgine natum.

Porro Dominus noster Iesus Christus, discipulos suos docens, quid in oratione petere deberēt à Deo, inter ceteras orationis partes, istā posuit dicens. Panē nostrū supersubstantialē da nobis hodie. Hunc panem supersubstantialē Tertul. Cyprianus, Ambros. lib. de Sacra. c. 4. Hierony. in Matthæū. Aug. li. 2. de serm. Do. in mōte, Glōssa ordinaria, Lyrano, ac alij nō aspiciendi doctores, inter-

Aug.

Matt. 6.

## INTERROG. VEL. PROP.

interpretati sunt de pane sacratissimo Eucharistiae, uerò scilicet Christi corpore, q̄ est panis uitæ. Placet autem ex pluribus unius saltem interpretationis uerba hîc adnotare. Is erit S. Cyprianus, qui post Tertullianum magistrum suū (dicere enim solebat, da magistrum Tertullianum significans) in sermone 6. de orat. Domi. ita scribit. Panis uitæ Christus est, & panis hic omnium nō est, sed noster est, & quomodo dicimus Pater noster, quia intelligentium & credendum pater est, sic & patrem nostrum uocamus, quia Christus noster, q̄ corpus eius contingimus, panis est: Hūc autem panem, dari nobis quotidie postulamus, ne qui in Christo sumus, & Eucharistiā quotidie ad cibū salutis accipimus, intercedēte aliquo grauiore delicto, dum abstenti & non communicantes, à cœlesti pane prohibemur, à Christi corpore separamur, ipso prædicente & monente. Ego sum panis uitæ, qui de cœlo descēdi. Si q̄s ederit de hoc pane, uiuet in æternū. Panē autē quē ego dederō, caro mea est, pro seculi uita. Quando ergo dicit in æternum uiuere, si quis ederit de eius pane, ut manifestum est eos uiuere, qui corpus eius attingunt, & Eucharistiam iure communicationis accipiunt, ita contrā timendum est & orandum, nec dum quis abstentus, separatur à Christi corpore, procul remaneat à salute, comminante ipso & dicente. Nisi ederitis carnem

fili

Ioan. 6.

Ioan. 6.

filiij hominis, & biberitis sanguinem eius, nō habebitis uitam in uobis. Et ideo panem nostrum, id est, Christum, dari nobis quotidie petimus, ut qui in Christo manemus & uiuimus, à sanctificatione & corpore eius non recedamus. Hactenus ille. Vbi audis Christum panem appellari, non utiq; insensibilem illum quem conficit pistor, sed panem uiuum substantialiē, quem dari quotidianum docemur ab ipso Christo, qui corpus suum & sanguinem, sub specie creaturarum panis & uini exhibuit.

Rursus Dominus apud Matthæum cap. 18. sic inquit. Vbi sunt duo uel tres congregati in nomine meo, ibi sum in medio eorum. Rupertus libro. 7. in Ioannem. Nesciant hoc (inquit) qui non credunt eundem Dominum nostrum, tunc maximè in medio nostrū adeste, & cum ipse dixerit. Vbicūque fuerint duo uel tres congregati in nomine meo, ibi sum in medio eorum, tū uerò multò magis in medio nostrū adeste, & altari suo incumbere, ubi non quocūque, sed ad faciendam hanc propriam & maximam commemorationem eius, tota fide suis instrumentis armata conuenimus. Hæc ille. Porro licet non possim inficiari, interdum Christum congregatis in nomine suo, adeste solū secundū spiritum, & esse in medio eorum duntaxat per efficaciam auxilij & directionis,

## INTERROG. VEL. PROP.

ut cum illic non adest Sacramentali modo in Eucharistia, nihilominus tamen nunquam deest Ecclesie, presentia ipsius corporalis, ubicunque aut consecratur sancta Eucharistia, aut asseruatur recondita.

**Matth. 28.** Deniq; apud Matthæum ca. 28. dixit Christus discipulis suis. Ecce ego uobiscum sum omnibus diebus usque ad consummationem seculi. Quæ uerba à quibusdā doctores accipiuntur, nō solum de occulta Christi presentia p̄ diuinitatis uirtutem, qua in fide gratia & moribus efficaciter dirigit Christianos, uerum etiā de uera sui corporis presentia in sacro Sācto Eucharistie sacramento, quā usq; ad consummationē seculi exhibiturus est Ecclesie suæ. Nā quemadmodū recēset clemens quintus li. 3. constitutionū suarum ca. Si Dñm, Urbanus quart⁹ scribit in hæc uerba. Alia quorum memoriā agimus, spiritu menteq; cōplectimur, sed nō propter hoc, realē eorum presentiam obtinemus. In hac uero Sacramentali Christi cōmemoratione, Iesus Christus sub alia quidem forma, in propria uerò substantia est nobiscū. Ascensur⁹ enim in cœlū dixit Apostolis, et eorū sequacibus. Ecce ego uobiscū sum omnibus diebus usq; ad consummationē seculi. Benigna ipsos cōsolatione cōfortās, q̄ remaneret & esset cum eis, etiā p̄sentia corporali. Hæc ille. Vt ergo promissio Christi cōpleatur, necessum erit adstruere presentiam

Titulo de  
Religis &  
veneratio  
ne sancto  
rum.

sentia Christi in Eucharistia, usq; ad cōsummationē seculi. Porro promissio illa Christi nō rectē potest solum accipi de præsentia Christi secundum uirtutē diuinitatis, atq; efficaciam gratiæ & uirtutis, nā & eo modo, etiā præsens fuit Dei fili-  
 lius antiq; patrib⁹ in ueteri testamēto, & ambula-  
 uit in medio eorū. Ambulabo (inqt) inter uos, et ero Deus uester, uosq; eritis mihi populus me-  
 us. Videtur proinde in noua lege (quæ dignitate sua lōgē excellit ueterē) necessariā esse præsenti-  
 am Christi cum Ecclesia sua, quandā excellentio-  
 rē & p̄fectiorem, quā habuerat ante aduentū su-  
 um in hūc mundū cū synagoga Iudæorū. Et hæc  
 est præsentia eius corporalis in Eucharistia, quā  
 nobis promisit ad futurā usq; ad cōsummationē  
 seculi. Et hæc præsentia Christi, secundū corpo-  
 ris sui substantiā, est lōgē sublimior cōpletior et  
 p̄fectior, q̄ ea præsentia, qua adest nobis sola uir-  
 tutis efficacia & uigore. Rex quidē omnibus re-  
 gni sui potētatibus & urbibus præsens est, auto-  
 ritate & maiestate sua, habens in omnibus locis  
 dominatus & Principatus potestatem, longē ta-  
 men uerius & integrius est præsens ea regni sui  
 urbe, in qua corporis sui præsentiā, quoniam  
 ibi duplici modo adest, & potestate & corpo-  
 re, in alijs autem regni sui locis, à quibus abest  
 corpore, uno adest duntaxat modo, nimirum  
 potentatus autoritate.

# INTERROG. VEL. PROP.

Sed & Innocētiū 3. lib. 4. mysteriorū missæ c. 56. etiā exponit hæc uerba Christi, & de præsentia ei⁹ in Eucharistia dicēs. Illud sanē debet intelligi quod dñs. ait. Pauperes semp habebitis uobiscū, me aut nō semp habebitis, ne uideatur esse contrariū illi, quod alibi dicit. Ecce ego uobiscū sum oībus diebus ad consummationē seculi. Christū enim semp habemus nobiscū, sub diuini specie sacramēti, & nō semp habemus nobiscū, in propria forma psonæ. Et ca. 44. Ascēsurus Christ⁹ ad panē, qā promisit Apostolis eorūq; sequacib⁹ Vobiscū ero cūctis diebus usq; ad cōsummationē seculi, uoluit remanere cū illis, nō solū p inhabitantem gratiam, nec p diuinam tantū essentiā, uerumetiam per corporalē præsentiam. Et ideo istud sacramētū instituit, in quo præsens est ipse nobiscū, sub alia quidē forma, sed in propria uerē substantia. Hæc ille. Et uide 7 congruenter. Christus enim dicit. Ego uobiscū sum omnibus diebus usq; ad consummationē seculi. Et Paulus de Eucharistia loquens. Quotiescunq; (inquit) manducabitis panem hunc & calicē bibetis, mortem Domini annunciabitis donec ueniat, nimirū ad iudiciū, quando istud seculū consummabitur.

Post Christū ueniamus ad Apostolū, & audiamus qd ille de hac re loquatur & sentiat. Et quidē illius testimoniū nō mediocriter corroboret, ueritatē corporis & sanguinis Christi in Eucharistia,

charistia. Nā ipse dicit à Christo se doctū fuisse  
sup hac re. Ego (inquit) accepi à Dño, quod &  
tradidi uobis, quoniā Dñs Iesus in qua nocte tra-  
debatur, accepit panē, & gratias agēs fregit &  
dixit. Accipite & māducate. Hoc est corp⁹ meū,  
quod pro uobis tradetur. Hoc facite in meā com-  
memorationē. Similiter & calicem postq̃ coena-  
uit dicēs. Hic calix Nouū testamētū est, in meo  
sanguine, &c. Ecce apertis uerbis testatur istud  
Sacramētū esse corpus Christi, quēadmodū su-  
prā ex Euangelistis cōprobatū est. Si ergo aliqd  
aliud suis uerbis intellexisset Christi⁹, q̃ quod in  
Eucharistia corp⁹ ei⁹ uerē cōtineretur, quū hoc  
iā pridē adeò durū uisum fuisset pluribus (ut Io-  
annes Euāgelista testatur) qui et eius rei gratia  
retrocesserant, profectò iā ipsi Paulo, rē exacti-  
ūs & clariūs exposuisset, & quid sibi uerbis suis  
uoluisset clariūs ac manifestiūs aperuisset. Sed  
nō aliter ipsi Paulo, q̃ cæteris olim Apostolis af-  
firmavit, nimirū q̃ hoc esset suū ipsius corpus.  
Hoc est (inquiēs) corpus meū. Quare constanter  
credendū est, ibi uerū & uiuificū corpus Chri-  
sti, essentialiter ac substācialiter esse. Vnde etiā  
Paulus ipse constanter ac disertis uerbis: Panis  
(inquit) quē frāgimus, nōne participatio corpo-  
ris Dñi est? Id est, nōne corpus Dñi nostri Iesu  
Christi est, quo participamur? Calix benedictio-  
nis, cui benedicimus, nōne cōmunicatio sangui-



## INTERROG. VEL. PROP.

nis Christi est? Et iterū. Quicumq; (inquit) mādu-  
cauerit panē, uel biberit calicē Dñi indignē, re-  
erit corporis et sanguinis Dñi. Probat aut se ip-  
sum homo, & sic de pane illo edat et calice bibat.  
Qui enim māducat & bibit indignē, iudiciū sibi  
manducat & bibit non dijudicans corpus Dñi.  
Quomodo obsecro fieret, ut tam grauē quis rea-  
tum incurreret, quo corporis & sanguinis Dñi  
reus diceretur, si ibi in ueritate nō adesse corpus  
Domini? Quomodo fieret reus corporis Domi-  
ni, si corpus Dñi non sumeret indignē? Quomo-  
do autem sumeret si ibi corpus nō adesset? Si cor-  
pus Christi non est ibi reipsa præsens, cōsequens  
est, quod ex illo tempore, neq; dignē, neque in-  
dignē potuit aliquis manducare corpus eius,  
aut sanguinem eius potare, et si nō potest ab ali-  
quo sumi indignē, nemo potest in eo sumere sibi  
iudicium. Frustra ergo sermonem illum di-  
xit Apostolus, quod qui indignē sumit corpus  
& sanguinem Domini, iudicium sibi manducat  
& bibit. Si non est ibi corpus Christi, quis est  
ille panis aut calix Domini, in quo sibi iudicium  
manducat & bibit, qui indignē illud mandu-  
cat & bibit, ex quo multos etiam contingit cor-  
poraliter infirmari & mori dum indignē com-  
municant? Quod est illud corpus Domini,  
quod dijudicandum esse Apostolus demonstrat,  
& quid est dijudicare corpus corpus Domini?

Omnia

Omnia certè hæc superflue & uane dicuntur, si ipsum uerum corpus Christi hominibus in Eucharistia non comunicatur. Panem itaq; & calicem Domini, Appellat Apostolus corpus & sanguinem Domini, quia sub specie panis & uini ista sunt in altari. Et quidẽ si non esset in illo sacrificio, alia substantia nisi ipse panis & uinum, non in illo cibo aliquis manducaret iudicium, id est, damnationem suam, magis q̃ in alio aliquo cibo, neq; propter illam manducationem cõtingeret aliquos infirmari aut mori, cũ non sit periculosus cibus, simplex panis & uinum. Quod si dixerit aliquis. Forsitan quia panis est benedictus; & uinũ est benedictũ, ideo qui indignè manducat panem illũ, & uinũ illud bibit, iudiciũ sibi manducat & bibit, & fortè infirmatur aut moritur, q̃a benedictionẽ sanctã nõ benè honorauit. Quare ergo dixit. Reus erit corporis et sanguinis Dñi, q̃ indignè manducat panẽ illũ & calicem bibit? Si nõ est ibi nisi simplex panis benedictus, & simplex uinum benedictũ, rectiũs dixisset, Reus erit benedicti panis & benedicti uini indignè accepti, sed dixit Re⁹ erit corporis & sanguinis Dñi, subintelligimus, indignè accepti, & quodãmodo pditi quantũ in ipso est. Animaduerte nũc et hoc, quod dicit eũ non dijudicare corpus Dñi, q̃ de pane illo Dominico indignè edit, aut de calice bibit. Si quis prauè & sordidè uiuit, & sine

# INTERROG. VEL. PROP.

timore peccatorum suorum audacter accedit ad communicandum corpori & sanguini Domini, quasi sit ali<sup>9</sup> cibus, hic indignè cōmunicat, & hic non dijudicat, id est, nō discernit corpus Dñi ab alijs cibus, per timorē & reuerentiā Dei. Itē etsi sit homo castē & sobriē uiuens, & tamen nō credat esse uerē corpus Dñi illud, quod à sacerdotibus Ecclesiæ in altari consecratur p orationē & benedictionē. Hic si propter aliquā simulationē, accedit ad Sāctā cōmunionē, edit indignè corp<sup>9</sup>. Dñi, & non discernit illud ab alijs cibus per fidē catholicam, & manducat & bibit sibi iudicium id est dānationē. Sed nūc reliqua uerba Pauli uideamus. Hoc est corpus meū (inqt) quod pro uobis tradetur. Hoc facite in meā commemoratiōnem. Similiter et calicem postq̄ coenauit dicens. Hic calix Nouū testamētū est in meo sanguine. Hoc facite quotiēscunq; bibetis, in meā cōmunionē. Quotiēscunq; enim māducabitis panē hūc, & calicē bibetis, mortē Dñi annūciabitis donec ueniat. Hoc facite (inquit) in meā commemoratiōnem. Animaduerte quid nā uerbis istis Dominus significare uoluerit, & quid discipulos suos iusserit facere in suam memoriam dicendo. Hoc facite in meam commemoratiōnem. Negare (ut puto) nemo potest, quin illud quod eis manu porrigebat, & quod formam panis habebat, significaret dicendo, hoc facite. Si autem illud

1. Cor. II.

LUC. 22.

1. Cor. II.

illud nihil aliud erat nisi panis, nunquid creden-  
dum est quod eos iusserit, facere panem in me-  
moriā sui? Sed hoc dicere stultum est. Erat au-  
tem aliud quam panis, quod sub specie panis ibi  
erat, id est, corpus eius, sicut patet ex eo quod  
dicebat, hoc est corpus meum, & illud iussit eos  
facere in commemorationem passionis & mor-  
tis suæ. Itaq; in eo quod dixit. Hoc facite in me-  
am commemorationem, dedit tam eis quam om-  
nibus, ad quos peruenturum erat sacerdotale of-  
ficiū ab ipsis, potestatem faciendi corpus &  
sanguinem suū. Quod dicuntur sacerdotes, cor-  
pus Domini facere siue conficere, non ita intelli-  
gimus, quod ipsi corpus Domini quasi de nouo  
creent, & ei essentiam dent, sed eorum facere ni-  
hil aliud quam uerba consecrationis proferre  
super panem, cum intentione consecrandi, &  
tunc uirtute diuina præstatur, ut sit ibi uerum  
corpus Domini, & uerus sanguis eius, ubi pri-  
us nihil aliud erat nisi panis & uinum. Illud  
ergo opus sacerdotum, quod tunc agunt, tali mo-  
do loquendi designari solet, ut ipsi dicantur fa-  
cere corpus Domini. Et est fortasse sumptus hic  
modus loquendi ex eo, quod Dominus tunc dice-  
bat. Hoc facite in meam commemorationem.

Quod si dixeris, potuisse quidem aliquo modo  
fieri, ut Dominus ante passionem suam, daret di-  
scipulis corpus suum ad manducandum & san-

Corpus  
Domini  
quō sacer-  
dotes in-  
telligātur  
facere?

## INTERROG. VEL. PROP.

guinem suum ad bibendum in sui commemorationem, id est, ut postea sui memores essent, sed nullo modo fieri potuisse post passionē & resurrectionē suam, ut per cōsecrationem habere possent, corpus eius ad māducandum, siue sanguinē eius ad bibendū, cōtradictet tibi Paulus Apostolus, qui in priore Epistola ad Corinthios inq̃t.

- 1. Cor. II.** Quotiescūq; enim manducabitis panē hunc, & calicem bibetis, mortē dñi annuntiabitis donec ueniat. Ex quibus uerbis constat, manducationem illā corporis Dñi, quæ est sub specie panis, & potationē sanguinis Dñi, esse annunciationem, id est, testificationē mortis Dñi, quā in cruce sustinuit. In eo autē q̃ addidit, donec ueniat, Dñs nimirum ad iudicium, significauit hāc annunciationē mortis Christi, per cōmunicationem corporis & sanguinis eius, futurā in Ecclesia, usq; ad diē iudicij. Manifestū itaq; est ex uerbis Apostoli, etiā post passionem dñicam, fideles Christi manducare corpus Dñi, & sanguinem eius bibere. Patet etiā ex uerbis eiusdē, sanctos Apostolos & eorum sequaces, benedictiones fecisse, super sacrificium Dñi ad implendum sermonem Dñi, quem eis mandauerat de corpore et sanguine suo conficiēdo et sumendo in memoriam eius, Ita enim scribit in Epist. ad Corinthios. Calix benedictionis, cui benedicimus, nō est communicatio sanguinis Christi est. Et panis quem

quē frangimus, nōne participatio corporis Christi est? id est, nōne corpus Christi est quo participamur? Quibus uerbis etiā satis euidenter declarauit, per fractionē & dispensationem huius adorandi Sacramēti sub speciebus panis et uini, uerū Christi corp⁹ et sanguinē multis distribui, & eos qui accipiunt, uerū Christi corpus et sanguinem suscipere. In eo autē q. dixit, benedicim⁹, significauit se et alios Apostolos ac Sacerdotes, habere potestātē faciendi benedictiones, super Sacramentum altaris. Deniq; quia scribebat Corinthijs de hoc Sacramento, & multa eis de illo mandabat, quomodo illud dignē tractare ac sumere deberent, liquet in hoc Sacramento, corpus & sanguinem Christi contineri. Nam superflue hoc eis demandasset, si nullo modo fieri posset, ut manducaretur corpus Domini, & biberetur eius sanguis in Ecclesia.

Quum iam satis à nobis ex diuinis Scripturis, demonstratum esse credamus, in diuinissimo Eucharistiæ Sacramento, uerū et uiaificum Christi corpus & sanguinem, essentialiter et substantialiter adesse, ita ut nemo merito ambigere possit, quin Christus ipse sit nobiscū in hoc Sacramento, et permansurus usq; ad finē seculi, poterit tamen fortasse, curiosus aliquis exurgere, & peracunctari modum, quo uidelicet fit in hoc Sacramento. Cui respondebimus, nos modum illum  
sufficienter

capacitatem, quæcunq; diuinus spiritus inuisibiliter in hoc sacramento operatur. Est autem corpus Christi, in hoc sacramento in substantia sua, sicut fuit in cruce, sed non in iisdem accidentibus. Tam uerè est corpus eius secundum substantiam suam in sacramento, quam uerè fuit in cruce, sed in accidentibus multa & uaria est differentia. In cruce erat localiter, pœnaliter, uisibiliter. In Eucharistia non ita. In hoc falluntur aduersarij, quod non discernunt diuersos modos, quibus contingit aliquid alicui rei inesse. Et licet corpus Christi sit in cœlo, & in Eucharistia, nequaquam tamen dicimus, eodem modo esse utrobique. Nam est in cœlo, secundum propriam speciem uisibilem, in forma gloriosa & quantitatiua, atq; ipso hoc modo in cœlo manente ac sedente ad dexteram patris, tamen nihilominus est uerè præsens in sacramento, per transsubstantiationem panis & uini, in corpus & sanguinem suum. Nam per transsubstantiationem aut mutationem naturarum, conuertitur panis in corpus Christi, & uinum in sanguinem remanentibus eorū speciebus. Quod autem dicitur, idem corpus simul esse non posse in duobus locis aut pluribus, intelligendum est circūscriptiue, ita quod suis dimensionibus (quas certum est esse quantitates) simul sit commensuratum pluribus locis. Non ergo repugnat uno et eodem tēpore Chri-

Corpus  
Christi est  
in cœlo &  
in Eucha-  
ristia.

sti cora



## INTERROG. VEL. PROP.

sti corpus esse in cœlo, localiter atq; in propria specie, & in Sacramēto sacramētaliter, atq; sub aliena specie. Non enim est in terris nūc, sicut est in cœlo, aut sicut in terra fuit ante passionē, ne-

**Matt. ult.** quā tamen inde sequitur, Christū nullo modo apud nos esse in terris, quū ipse dicat, Ecce ego uobiscū sum omnibus diebus usq; ad cōsummationem seculi. Quando igitur contendunt aduersarij Christū non esse ampliū corporaliter in mundo, fallunt et fallūtur æquiocatione. Corporaliter enim bifariam intelligitur. Vno modo ut idem sit, quod uisibiliter & palpabiliter. Et sic Christus non est in mundo corporaliter, hoc est, uisibiliter et palpabiliter, sicut ante passionem fuit, & sicut corpora nostra esse solent. Alio modo corporaliter potest intelligi, sicut esse cum corpore, & sic libenter admittimus Christum corporaliter, hoc est, cum uero corpore suo, esse in uenerabili Sacramento. Non est ergo Christus in Sacramento corporaliter, id est, modo corporeo, sicut solet esse corpus naturale in loco, uisibiliter & palpabiliter et per motū, nihilominus tamen est etiā corporaliter in Sacramento, id est, cū uerò uiuifico et substātiali corpore suo, quemadmodū ex Sacris Literis demonstrauimus. Nā tres Euangelistæ & Paulus apertissimè referunt uerba Christi dicentis. Hoc est corpus meū. Quæ sunt uerba ueritatis, quibus nitimur,

nitimur, quibus & Ecclesia utitur, columna & firmamentum ueritatis, quæ hæc uerba in eū sen-  
sum quæ dedimus semper interpretata est & in-  
tellexit. Nec est quod fingant ac obijciant nobis  
aduersarij, inuisibilem reditū Christi è cœlo in  
Sacramentum. Talem enim inuisibilem reditum  
nos non asserimus. Nimirum enim falluntur, dū  
existimant Christum de cœlo ad nos in Sacra-  
mēto uenire motu locali, aut redire, sicut homo  
abiens redire localiter solet. Nō enim hoc dici-  
mus, sed affirmamus Christum localiter perma-  
nere in cœlo, donec uenturus est ad iudiciū, esse  
autem eundem in uenerabili Sacramento, nō mo-  
tu locali, aut transitu corporali, sed transubstā-  
tiatione aut conuersione substantiali, quando  
uirtute uerborum Christi, substantia panis tran-  
sit aut transmutatur in corpus Christi, absq; ula-  
la corporis Christi, seu motione seu transmuta-  
tione. Est autem totus Christus, hoc est uiua &  
uiuificatrix caro Christi, & sanguis eius, cum  
sua diuinitate, hypostatica unione coniuncta in  
hoc Sacramento. Est quoq; ibi corpus Christi  
uerum & uiuum totum, cum ossibus & neruis  
& alijs huiusmodi,

Pro qua re intelligenda, secundum doctrinam  
receptam scholasticorū doctorum, sciendum est,  
quædam esse in hoc ex ui Sacramenti, quædam  
ex naturali concomitantia. Id autem dicitur

# INTERROG. VEL. PROP.

esse in hoc sacramento ex vi sacramenti, sub speciebus huius sacramenti, in quod directe conuertitur, substantia panis et uini præexistens quæ admodum designant ac significant uerba formæ, quæ in hoc sacramento efficiunt, quod significant, sicut & in cæteris, ut cum dicitur, hoc est corpus meum, hic est sanguis meus. Ex naturali autem concomitantia, illud est in hoc sacramento, quod secundum rem ei coniungitur, in quod prædicta conuersio terminatur. Vbi enim duo secundum rem fuerint coniuncta, ita ut separari nequeant abinuicem, ubi unum est, & reliquum esse se necesse est, quia sola operatione animæ discernuntur, quæ secundum rem sunt coniuncta. Itaque ex vi sacramenti, sub hoc sacramento, quantum ad species panis, continentur non solum caro, sed totum corpus Christi, scilicet ossa & nerui & alia huiusmodi. Et hoc apparet ex forma huius sacramenti, in qua non dicitur, hæc est caro mea, sed hoc est corpus meum. Et ideo cum Dominus dixit. Caro mea uerè est cibus. Caro ponitur pro toto corpore, quia secundum consuetudinem humanam, uidetur magis esse manducationi accommodata, prout scilicet homines communiter uescuntur carnibus animalium, non autem ossibus uel alijs huiusmodi. Anima uerò Christi, reuera & realiter separata fuit à corpore, & idcirco si in illo triduo mortis, fuisset  
hoc

Ioan. 6.

hoc Sacramentum celebratum, nō fuisset ibi anima Christi, nec ex ui Sacramēti, nec ex reali cōcomitantia. Verū q̃a Christus resurgens ex mortuis, iam non moritur, anima eius secundū rem ac reuerā semp est corpori eius unita. Et idcirco Rom. 8. in hoc sacramento, corpus quidem Christi, est ex ui Sacramenti, anima autem eius ex reali cōcomitantia, quemadmodum etiam diuinitas illius. Etenim quia conuersio panis & uini, nō terminatur ad animam uel diuinitatem Christi, ob id diuinitas uel anima Christi, non est in hoc Sacramēto ex ui Sacramenti, sed ex reali concomitantia. Quia enim diuinitas, corpus assumptum nunquam deposuit, ubicunq; est corpus Christi, necesse est & eius diuinitatem esse, & ideo in hoc Sacramento, necesse est esse diuinitatem Christi, concomitantem eius corpus. Quod autem uerbum Patris, filius Dei unigenitus, in unitatem personæ, inseparabiliter sibi copulauerat humanam naturam, testatur S. Papa Leo dicens: Ita in unitatem personæ est à uerbo caro suscepta, & tam inseparabiliter est ei unitus filius Dei, ut qui erat intemporaliter (inquit) de essentia Patris genitus, ipse sit temporaliter de uirginis utero natus. Et utriq; naturæ in suis proprietatibus permanenti, tāta est unitatis facta communio, ut quicquid ibi est Dei, nō sit ab humanitate disiectū, quicqd au-

## INTERROG. VEL. PROP.

tem est hominis, non sit à Deitate diuisum. Non tamen ita proprietates suas tenuit utraque substantia, ut psonarū in eis possit esse discretio, nec sic creatura in societatem sui creatoris est assūpta, ut ille habitator, & ille habitaculum esset, sed ita, ut naturæ alteri altera misceretur. Et quāuis alia sit, quæ suscipitur, alia uerò quæ suscipit, in tantam tamē unitatē conuenit utriusq; diuersitas, ut unus idemq; sit uerus Deus & homo, & humanitatem, quā assumpsit & suæ diuinitati coniunxit fœdere sempiterno, nunq̃ depōnat, sed manet diuinitas humanitati ppetuò cōiūcta. Quia nunq̃ factū est diuortiū illius admirandæ unionis uerbi Dei, cū sacratissima eius anima & corpore, sed in dissolubile pmanst illud coniunctionis uinculum, nullo intercedēte repudio, aut dissidio, in huiusmodi fœdere. Nā & in morte Christi quando anima est separata à sacratissimo corpore eius, diuinitas nec separata fuit à carne, nec ab anima eius, sed utriq; pmanst unita partiū. Quomodo enim sanctissima eius descēdēs ad inferna, uectes ferreos carceris inferni confregisset, procul casset glorioso triumpho potestates te principatus tenebrarum, eduxissetq; uinctos antiquos patres de tenebris & umbra mortis, nisi fuisset eidem animæ inseparabiliter coniuncta diuinitas, cuius uirtute hæc peracta sunt? Quid insuper prohibuisset, san-  
ctum

Etum Christi corpus uidere corruptionem, si nō  
 illi adfuiſſet conſeruatrix diuinitas, ſemper uni-  
 ta manens? Nempe tunc forma cadaueris ſub-  
 iſſet ſanctum Chriſti corpus, ut in aliorum ho-  
 minum morte uſu uenit, & induxiſſet illi pu-  
 trefactionem. Quam quidem neceſſarium fuiſ-  
 ſet iterum expelli, in Chriſti reſurrectione &  
 iterata animæ ad corpus uniōe, & ruruſum fie-  
 ri oportuiſſet diuinitatis ad utrāque illarum  
 partium coniunctionem. Sed rectè intelligere  
 nequis in ipſo reſurrectionis momento, iterum  
 diuinitatem aſſumpſiſſe humanitatem, & illius  
 partibus iterata uniōe coniunctam. Etenim  
 tunc uerbum, ruruſum caro factum eſſet, & reno-  
 uatum incarnationis Sacramentum, quod p̄ mor-  
 tem fuiſſet interruptum. Cum itaq; diuinitas ſit  
 impaſſibilis, & per illatam carni mortem, nihil  
 paſſa ſit detrimenti, quid ipſam quaſo diremit  
 ab anima & corpore, ut nudum maneret homi-  
 nis mortuum corpus, & anima diuinitate nuda?  
 Tunc certè & ipſa diuinitas quicquā ſuſtinuiſ-  
 ſet (modò ita loqui liceat) moleſtiæ aut iniuriæ p̄  
 mortem, & diuulſa fuiſſet ab ijs partibus quibus  
 prius uniebatur, quod aliquid paſſibilitatis præ  
 ſe ferre uidetur. Manſit ergo diuinitas uerbi in-  
 ſeparabilis ab anima & corpore in morte Do-  
 mini. Quod & Damascenus lib. 3. cap. 27. af-  
 firmat, dicens. Et quanquam mortuus eſt

## INTERROG. VEL. PROP.

ut homo & sancta, & eius anima ab incontaminato separata corpore, nō tamen diuinitas ab utroq; separata remansit, ab anima inquam & corpore. Et ne aliquis diceret, p separationem animæ Christi à corpore, & Deitatem utriq; immanentem atq; unitam, unam hypostasim in duas diuisam esse hypostases, idcirco hoc præueniens, falsam illam intelligentiā excludit, & ostendit nequaquā propterea unam hypostasim in duas defectam esse hypostases dicens. Et neq; sic una hypostasis, in duas defecta est hypostases. Nā & tunc corpus et anima secundum idē à Principio, in uerbi hypostasi habebāt existentia, et ipsis in morte abinuicem separatis, unumquodq; eorum mansit, unā uerbi habēs hypostasim. Quare una uerbi hypostasis, & uerbi & animæ & corporis fuit hypostasis. Nunq̃ enim, neq; anima, neq; corpus, propriam habuere hypostasim, præter eam quæ uerbi est hypostasis. Vna enim semper uerbi hypostasis, & nunq̃ duæ, quare una semp Christi hypostasis. Quo fit, ut etsi localiter, anima à corpore separabatur, hypostaticè tamen p uerbum uniebantur. Haftenus ille. Est ergo in Christo una hypostasis, quia unus Christus Iesus, & non duo, idemq; Deus pariter & homo, unius quidem personæ, sed duarum naturarum uel substantiarum. Duarum quidem substantiarum, quia mutabile nō est uerbum Dei, ut ipsum uer-

tere-



teretur in carnē, unius autem personæ, ne duos  
 profitendo filios, quaternitatem uideamur co-  
 lere, non Trinitatē. Est ergo in Christo, uerbū,  
 anima, caro, sed hoc totū unus est Christus, unus  
 filius Dei, & unus saluator ac redēptor noster. Nestoriani  
 Errant autem, qui quemadmodū in Christo cō-  
 fitentur duas naturas, ita affirmant etiā esse du-  
 as psonas, unā diuinitatis, aliam humanitatis, nec  
 unū Christū in Deitate & humanitate sentiunt,  
 sed separatim atq; seiūctim, alterū docēt esse filiū  
 Dei, alterum filiū hominis, quē dicūt etiā appel-  
 lari Christum, unde uirginē Mariam, non Dei,  
 genitricem, sed tantum hominis cuiusdam inſti-  
 Matrē appellant. Etenim quia duas in Christo  
 personas, sicut duas naturas constituunt, unam  
 personam dicunt esse Deum solum, & aliā per-  
 sonam hominem solum, & huius personæ, quam  
 dicunt esse hominem solum, dicunt Beatam uir-  
 ginem esse Matrem, & ita negant eam esse Ma-  
 trem Dei. Deniq; Christum esse tātū hominem  
 dicunt, nō autem Deum, sed in quo Deus specia-  
 li quadam prærogatiua habitaret, atque ideo  
 Christum dicunt uocari Emanuel, quod inter-  
 pretatur nobiscum Deus, non quia simul sit  
 Deus & homo, sed quia in humanitate diuini-  
 tas habitaret, unde Christum non Deum, sed  
 Deiferum appellant. De quibus Cyrillus in Cyrillus.  
 lib. de recta Fide ad Theodosium. Cum enim

## INTERROG. VEL. PROP.

plures de incarnatione unigeniti recitasset errores, tandem. Alij ( inquit ) annunciant diuersa illorū opinionibus, & opponūt, cēsentes ex Deo uerbo, & anima rationali & corpore, hoc est, simpliciter ex pfecta humanitate constitutū & compositum esse Emanuelem. Adhuc tamen sanctam & immaculatā de illo opinionē, nō omnino retinent, separant enim in duos unū Christum, & crassa quodāmodo separatiōe, seorsim utrūq; separant, & etiam stantem demonstrant. Nam unum quidem esse contendunt ex uirgine natum perfectē hominem, alterum uerō uerbū ex Deo Patre, non dijudicantes, q̄ aliquando sit Dei natura & carnis, neq; uolentes solis his differētijs inhabitare. Neq; aberrauerūt in hoc à uerō sensu, quoniam non est eadē natura carnis & Deitatis, sed unū quidem ut hominē seorsim ponūt, alterū uerō Deum natura, & uerum filium nominant, q̄ uis uelint esse Christiani, & libellos sane de his conscribētes, dicere ausi fuerūt his uerbis. Nā ille quidē natura uerē filius, qui ex Deo Patre est uerbū, iste uerō p cognominationē cū filio filius. Et post alia iterū. Non caro Dei uerbū, sed hominē suscipiēs. Nā unigenitus quidem præcedēter & per se filius Dei omniū conditor est, is autē homo, quē assumpsit, cū nō sit natura Deus, propter ipsum uerē Dei filium, à quo assumptus est, per cognominationē cum illo appellatur.

latur. Nā nemo nouit filiū nisi pater, eū, qui na= Luc. 1.  
tura & uerè manifestat ex Patre filiū. Quod aut  
dictū est à Gabriele. Ne timeas Maria, inuenisti  
enim gratiā apud Deū. & Ecce cōcipies et pari=  
es filiū, & uocabis nomen eius Iesum, homini ad  
aptat, hęc ille, proculdubiò taxans Diodorū &  
eius discipulum impium Nestorium, quē in Epi=  
stola priore ad Successum Isauriæ Diocesariē=  
sis Antistitem, affirmat discipulum Diodori,  
qui sensit & scripsit, quod alter sit filius seor=  
sim, qui de semine Dauid & Sancta Virgine na=  
tus est, & alter iterum propriè Filius Dei Pa=  
tris existat. Qui ouina pelle lupum conte=  
gens, simulat quidem unum se Christum dice=  
re, hoc nomen tantummodo Dei patris uerbo  
filio unigenito tribuens, gratiam uerò & hu=  
ic deputans, sicut ipse dicit, qui est ex semine Da=  
uid, quem & filium uocat, tanquam unitum  
(inquit) ei qui secundum ueritatem est filius, u=  
nitum autem non sicut nos asserimus, sed iux=  
ta solam dignitatem & auctoritatem & hono=  
ris æqualitatē. Huius discipulus Nestorius fuit,  
& ex librorum eius eloquijs obscuratus, simu=  
lat quidem se unum Christum, & filium, &  
Dominum confiteri, ueruntamen & ipse in du=  
os, unum indiuiduūque partitur hominem  
dicens Deo uerbo æquiuoca nuncupatione, &  
honoris & æqualitate atq; dignitate coniunctū.

Diodorum

Nestorium

## INTERROG. VEL. PROP.

Nā & uoces in Euangelicis & Apostolicis literis de Christo positas definit, ac dicit eas quidem tanquam homini conuenire, perfectò quas humanitus protulit, illas uerò Deo uerbo congruere, quas Deitati dignas indubitanter exprompsit. Ipsum uerò multipliciter diuidit ac sequestrat, hominem asserens, propterea & sanctam uirginem, non dicit esse genitricem, sed potius hominis Matrem. Et in Epist. posteriore ad eundem, eiusmodi uerbis Nestorij perfidiam perstringit. Simulat (inquit) se confiteri, quod incarnatus & homo factus sit, Deus uerbum, sed uirtutem incarnationis ignorans, duas quidem naturas appellat, diuidit autem eas abinuicem, Deum seiunctum cōstituens, & hominē seorsim similiter ponens, quem etiam Deo coniunctum secundum affectionem, & secundum æqualitatem honoris & autoritatis affirmat. Sic enim dicit. Huic uisibili, De<sup>9</sup> inseparabilis est, idcirco inseparabilis, honore non diuido, separo naturas, sed unam facio uenerationem. Sed aduersus hanc heresim ipse Cyrillus plurima scripsit, in Scholijs de incarnatione unigeniti, Et in lib. de Recta Fide ad Theodosium, & in libris duobus ad Reginas, & in Epistolis iam citatis. Nā per Scripturas diuinas, quibus à sanctis Patrib<sup>9</sup> sumus edocti, unum Filium & Christū & Dominum confitemur, hoc est, Dei patris uerbum,  
natum

natum quidem de Deo ante secula diuinitus atque ineffabiliter, in nouissimis aut mundi temporibus propter nos secundum carnem de sancta & beata uirgine genitum, quam etiam, quia Deum factum hominem & incarnatum ex se protulit, ideo Dei genitricem ueraciter appellamus. Unus ergo est filius, unus Dominus Iesus Christus, & ante incarnationem & post incarnationem. Non enim alter est filius uerbum Dei Patris, & alter iterum qui de sancta uirgine natus est, sed idē ipse, qui est ante secula Deus, etiam secundum carnem ex muliere creditur editus, non quod ex ea initium deitas eius acceperit ut sit, aut subsistendi principium de sancta uirgine sumpserit, sed potius (ut dixi) quod uerbum subsistēs ante secula, secundum carnem quod dicitur ex ea progenitum, propria enim facta est eius caro, sicut & singulis nobis est proprium corpus. Quātum ergo pertinet ad intelligendum, & solummodo ad contemplandum oculis animæ, quomodo sit incarnatus unigenitus, duas naturas adunatas esse perspicimus, sed unum Christum filium & Dominum Deum uerbum factum hominem incarnatūq; profitemur. Et si placet, huius compositionis etiam ex nobisipsis, iuxta quod sumus homines, accipiamus exemplum. Compositi enim ex anima cōstamus et corpore, duasq; intuemur

## INTERROG. VEL. PROP.

naturas, alteram quidem corporis, alterā uerò animæ. Sed si unus homo secundum unitatem ex natura utraq; subsistens, cōpositus duarum naturarum, duos homines eū qui unus est, quomodo facis? Sed (ut dixi, secundum cōpositionem unus homo est, qui ex anima cōstat & corpore. Vnde Sanctus Athanasius. Qui (nimirum Christus) licet Deus sit & homo, non duo tamē, sed unus est Christus. Vnus autem, non conuersione diuinitatis in carnem, sed assumptione humanitatis in Deo. Vnus omnino, non confusione substantiæ, sed unitate personæ. Nam sicut anima rationalis & caro, unus est homo, ita Deus & homo, unus est Christus. Porro propter hanc personæ unitatem, indifferenter atq; promiscuè, & quæ Dei sunt propria, tribuuntur homini, & quæ carnis propria, adscribuntur Deo. Tantam uim habet hæc personæ unitas, ut propter eam mirò & ineffabili mysterio, & diuina homini, & Deo attribuantur humana. Nam propter eam, & hominem de cœlo secundum Deum descendisse credimus, & Deum ac Dominum maiestatis, secundum hominem in terra factum, passum & crucifixum confitemur. Nam in Symbolo Apostolorum profitemur. Credo in Iesum Christum filium eius unicum Dominum nostrum, qui conceptus est de Spiritu Sancto, nat⁹ ex Maria uirgine, passus sub Pontio pilato, crucifixus, mortuus,

tuus, &c. Secundum hanc personæ unitatem di-<sup>1</sup> Cor. i. ubi  
ctum est à Paulo. Si cognouissent, nunquā Dñm  
gloriæ crucifixissent, ubi Dominum gloriæ, hoc  
est, Deum dicit fuisse crucifixum, utiq; secundū  
carnem. Item Psalmista dicit eum regnasse à li-  
gno, non dubiū quin secundum carnem. Propter  
hanc unionem, & hominem Dei Filium, & Deū  
uirginis filium dicimus. Inde est, ut carne Dñi fa-  
cta, carne Domini creata, ipsum uerbum Dei  
factum, ipsa sapientia Dei impleta, & scientia  
creata dicatur, sicut manus ipsius & pedes fossi  
esse referuntur. Per hanc deniq; personæ unita-  
tem, illud quoq; similis mysterij ratione perfe-  
ctum est, ut carne uerbi ex integra matre na-  
scente, ipse Deus uerbum natus ex uirgine, Cae-  
tholicissimè credatur, impijssimè denegetur.

Porro qui hanc duarum naturarum, in una  
persona Christi unionem & illam insepara-  
bilem negant, non rectè sentiunt de incarna-<sup>In 2. epist.</sup>  
tionis mysterio, de quibus ait Sanctus Apo-  
stolus & Euangelista Ioannes. Multi sedu-  
ctores exierunt in mundum, qui non confitens-  
tur Iesum Christum uenisse in carne. Et so-  
luunt Christum, quemadmodum idem dicit.

• Omnis Spiritus qui confitetur Iesum Chri-<sup>1. Ioan. 4.</sup>  
stum in carnem uenisse, ex Deo est. Et omnis  
Spiritus, qui soluit Iesum, ex Deo non est, &  
hic est Antichristus, de quo audistis quoniam  
uenit,



## INTERROG. VEL. PROP.

uenit, & nunc in mundo est. Talis fuit impius Nestorius, qui duos fecit filios, unum hominis, alterū Dei, qui diuinam à Christo separauit naturam, duas ponēs personas, unam deitatis, aliam carnis, dissoluens illum admirabilem nexum utriusq; naturæ in unitate suppositi. Qui autem Christum Dei filium, confitentur duas habere naturas, diuinā scilicet & humanam in unitate personæ, uel hypostasis incōfusas, & sine ulla earum mixtione unitas, non soluunt Christum, sed cum Catholica Ecclesia benè sentiunt, quemadmodum Sanctus Augustinus, qui quum in epist. 57. ad Dardanum, affirmasset Christum Deum esse & hominem, & dixisset. Sicut unus homo est anima rationalis & caro, sic & unus Christus, est uerbum & homo, paulò post subiiecit. Nec tamen cum filium Dei Christum dicimus, hominem separamus, aut cum eundē Christum filium hominis dicimus, separamus Deum. Quemadmodum et Cyrillus, qui lib. 12. cap. 32. in Iohannem, ita scribit. In quatuor partes uestimenta diuisa sunt, & tunica solum indiuisa remansit, quod mysticæ cuiusdam rei signum fuisse dixerim. Nam quatuor orbis partes ad salutem reductæ, indumentum uerbi, id est, carnem eius impartibiliter inter se partitæ sunt. In singulis enim partibiliter transiens unigenitus, & animā & corpus eorum, per carnem suam sanctificans

etificans, impartibiliter atq; integrè in omnibus est, quum unus ubiq; sit. nullo modo diuisus. Audis itaq; sanctificationem singulorum per carnem, & in singulis integrum Christum, non diuisum, quoniam unus semper est Christus, non diuisus, quin ubi caro est, ibi diuinitas propter unionem, & de natura humanitatis intelligitur caro, cui nūquam abest diuinitas, sed ubiq; unus est Christus, ne personas diuidas, licet naturæ maneat in sua proprietate, &c. Porro quum hæ duæ naturæ, sint in una hypostasi Christi, indiuisibiliter coniunctæ, intelligere debemus, atq; firmiter credere, utriusq; naturæ in Christo, tam firmam & tam inseparabilem coniunctionem, ut absq; graui sacrilegio & grandi impietate, ne cogitari quidem possit corpus Christi, absq; coniuncta diuinitate. Sed in diuinissimo Sacramento Eucharistiæ, iam ueraciter demonstratum est, substantialiter et realiter præsens adesse ipsum uerum & uiuificum corpus Christi, consequitur absq; graui sacrilegio & grandi impietate, in diuinissimo Sacramento Eucharistiæ, non posse cogitari corpus Christi, absq; coniuncta diuinitate. Et cum superius declaratum sit totum et integrum corpus Christi, cum sua forma substantiali uidelicet anima, esse in hoc Sacramento, & corpus à diuinitate non possit diuidi, necessariò consequitur totū Christum

# INTERROG. VEL. PROP.

Nestorij  
error, de  
Eucharis-  
tia.

stum esse in Eucharistia, hoc est, corpus, animā  
& diuinitatem, est Christum, unicum Dñm no-  
strum, in cuius persona, istæ duæ naturæ coeunt  
uinculo indissolubili. Errat proinde denuo Ne-  
storius, qui in Eucharistia augustissimo Sacra-  
mento, licet admitteret panem cōuerti in carnē  
hominis, negabat tamen eam transmutari in car-  
nem hominis, qui esset filius Dei, sicut dictū est,  
sed in carnem hominis iusti ac sanctificati, qui  
templum esset Dei, qui diuinam in se habitatio-  
nem possideret. Nam (quemadmodum dictum  
est) asseruit duas personas in Christo, unam quæ  
esset homo, et aliam quæ esset Deus, in illo ho-  
mine tanquam in templo habitans. Et sic dicebat  
in Eucharistia, contineri ueram carnem, sed il-  
lam esse carnem non Dei, sed puri hominis. Id  
quod ex eiusdem Nestorij clarissima confes-  
sione constat. Ita enim aduersus Anathema-  
tismos Cyrilli scribens, suam ipse exponit sen-  
tentiam. Audite (inquit) uerba respicientes.  
Qui manducat meam carnē. Memoramini, quia  
de carne sermo est, & quia non à me adiectum  
carnis nomen, ne uidear apud eos malè inter-  
pretatus. Qui comedit (inquit) meam carnem, et  
bibit meum sanguinē, nunquid dixit, qui come-  
dit meam diuinitatem? Qui comedit meam car-  
nem, & bibit meum sanguinem, in me manet, &  
ego in eo. Memoramini quia de carne est quod  
dicitur.

dicitur. Sed forsā malè interpretor. Audiamus ex reliquis. Sicut misit me uiuens pater. Ille dicit diuinitatem, ego humanitatem. Videamus qui malè interpretetur. Sicut misit me uiuens pater. Dicit hæreticus hīc diuinitatem, dicit, misit me Deum uerbum uiuens pater. Secundum illos & ego Deus uerbum uiuo propter patrem. Deinde post hoc, & qui manducat me, & ille uiuit. Quem comedimus? Diuinitatem, An carnem? hætenus ille. Ex cuius uerbis perspicuum est, ipsius sententia, nos comedere quidem CHRISTI carnem, sed non quæ DEI uerbi sit propria, sed Christi hominis, & puri quantum ad naturam attinet hominis.

Porrò non abs re in interrogatorio positum est, in Sacro Altaris mysterio, panem & uinum cum accedat consecratio, in ueram CHRISTI carnem & in uerum sanguinem conuerti, ut uerbi cœlestis. Id enim desumptum est ex Sancto Ambrosio, qui libro quarto capite quinto de Sacra scribit in hæc uerba. Vis scire, quibus uerbis cœlestibus consecratur? Accipe quæ sunt uerba. Dicit Sacerdos. Fac nobis (inquit) hanc oblationem, ascriptam, rationalem, acceptabilem. Quod est figura corporis & sanguinis Domini nostri Iesu Christi. Qui pridie quam pateretur in  
sanctis

## INTERROG. VEL. PROP.

sanctis manibus suis accepit panem, respexit ad  
 cœlum, ad te sancte pater omnipotens æterne  
 Deus, gratias agens benedixit, fregit, fractumq;  
 Apostolis suis & discipulis suis tradidit dicens.  
 Accipite & edite ex hoc omnes. Hoc enim est  
 corpus meum, quod pro multis cōfringetur. Si-  
 militer etiam Calicem. Postquam cœnatum est,  
 pridie quàm pateretur accepit, respexit ad cœ-  
 lum, ad te sancte pater omnipotens æterne De-  
 us, gratias agens, benedixit, Apostolis & disci-  
 pulis suis tradidit dicens. Accipite & bibite ex  
 eo omnes. Hic est enim sanguis meus. Vide, om-  
 nia illa uerba Euangelistæ sunt, usq; ad. Accipi-  
 te, siue corpus, siue sanguinem. Inde uerba sunt  
 Christi. Accipite, bibite ex eo omnes. Hic est e-  
 nim sanguis meus. Vnde singula. Qui pridie (in-  
 quit) quàm pateretur, in sanctis manibus suis acce-  
 pit panem. Antequam consecratur panis est, ubi  
 autē uerba Christi accesserint, corpus est Chri-  
 sti. Deniq; audi dicentem. Accipite & edite ex  
 eo omnes, hoc est corpus meum. Et ante uerba  
 Christi, calix est uini & aquæ plenus, ubi uerba  
 Christi operata fuerint, ibi sanguis efficitur,  
 qui plebem redemit. Ergo uidete, quantis gene-  
 ribus potens est sermo Christi uniuersa conuer-  
 tere. Deinde ipse Dominus Iesus testificatur no-  
 bis, quod corpus suum accipiamus & sanguinē.  
 Nunquid debemus de eius fide & testificatione  
 dubitare?

dubitare? hactenus ille. Est quidem? ut Velsius ait) non uerbum cœleste. sed potius terrenum et carnale, quod ore profertur, si naturam uerbi spectes, sed est cœleste, non quidam natura, sed uirtute, ex institutione Christi, qui descendens de cœlis, instituit, ut eiusmodi uerbis, panis conuerteretur in corpus suum, & uinum in sanguinem, ut idem sit de consecratione intelligendum.

## DE TRANSUB- stantiatione.



Quoniam autem uelsius negat Transsubstantiationem, pro illius confirmatione nonnulla paulò post subiiciemus. Nam in supplicatione quadam, quâ amplissimo Senatui porrigendam curauit, inter cætera scribit, quod quantum ad repositionem, inclusionem ac circumlationem pertinet Sacramenti altaris appellati, sibi uideri, quod non sine causa Martinus Lutherus, omnesq; qui Lutherani seu Euāgelici nominantur, unanimiter concludant, ac statuunt, idololatriam esse, panē Symbolicum à ueteribus patribus appellatum adorare, cum transsubstantiationis dogma (quæ illorum est sententia) noua quædā commentitia hominum sit doctrina, ex Sophistica oriunda, ac

## INTERROG. VEL. PROP.

Non solum non consentanea sacrae scripturae, atq;  
apostolicis traditionibus, & ueterum patrum  
sanæ doctrinae, sed etiam prorsus contraria. hæc  
ibi. Hic audis Velsio uideri, quod non sine causa  
Lutherani quorum sententia, dogma transsub-  
stantiationis, commentitia est hominum doctri-  
na) dicant idololatriam esse, panem symbolicum  
adorare. Hic autem ita scribit, sed hæc haud du-  
bie, aliæque his absurdiora, quæ omnem saga-  
rum superstitionem exuperantiæ, referre piget,  
ex magicis illis sunt adytis profecta, quorum  
omnium mysteriorum participem futurum An-  
tichristum Papam, & ex his puerum, seu ser-  
uum Deum, nouam ipsius creaturam, confectio  
transubstantiationis dogmate producturum, lō-  
gè antè prædixit Sybilla & c.

Itaq; pro Transsubstantiationis dogmate ue-  
rò & catholico stabiliendo de quibusdam alijs  
mutationibus siue conuersionibus pauca præ-  
mitteremus, ut per eas ad recipiendam Trans-  
substantiationis fidem inducantur homines.

Nam ex uarijs & diuersis mutationibus, quas  
in sacris literis factas legimus, nonnihil as-  
suefacit nos Deus, & quasi manuducit ad hu-  
ius angustioris mysterij possibilitatem aliquam  
tenuiter capiendam. Itaque non humanis ra-  
tionibus diuina opera curiosius excutientes,  
hæc proferemus in medium, sed ut ex operibus  
eius



eius manuducantur increduli ad credendū. Primus homo, ex terra ne formatus est, an aliunde? Omnino dicent ac fatebuntur, quod ex terra. dicant igitur nobis, quomodo ex terra facta sit natura carnis? Ex terra enim lutum lateres, & figlinum uas, & testa, fieri solent, quomodo ergo natura carnis facta est? quomodo ossa & nerui, & arteriæ, & adeps, & cutis, & ungues & pili, & ex una subiecta materia, diuersarum substantiarum qualitates? Sed ad hæc, ne hiscere quidem poterunt. Quid autem dicam de corpore nostro? Dicant nobis de pane, quo quotidie pascimur, quomodo quum unius speciei sit, transmutatur in sanguinem, & phlegma & choleram, & uarios humores? Et panis quidem sæpè habet colorem frumenti, sanguis autem rufum uel nigram. Si igitur hæc, quæ quotidie ante oculos uidentur, nunquam nobis dicere poterunt, agrè de alijs Dei opificis dicent: hæc Chrys. hom. 2. in Genes. Qui eadem habet in sermone de Ieiunio & Geneseos lectione. Homil. 13 in Genes. sic scribit. Formauit Deus hominem puluerem de terra. Non simpliciter terram accipit, sed puluerem & tenuissimum (ut ita dicam) de terra. Et hunc puluerem terræ, suo præcepto in corporis naturam uertit. Nam sicut substantiam terræ, quum non esset, produxit, ita & nunc quum uellet,

Chrys. hom.  
mil. 2. in  
Genes.  
Ex terra  
caro.  
Ex pane  
sanguis.

Ex puluer  
homo.

# INTERROG. VEL. PROP.

puluerem terræ in corpus uertit. Hic exclama-  
 re iuuat, pulchrum illud beati Dauid dictum.  
 Psal. 105. Quis loquetur potentias Domini, & auditas fa-  
 ciet laudes eius? quæ de puluere tale animal pro-  
 duxit, & tãto honore uenustauit, hæc ille. Vxor  
 Loth posteaquam post se respexisset cõtra præ-  
 ceptum Domini, uersa est in statuam salis. Ge-  
 nesi. 19. Christus in nuptijs in Chana Galileæ ce-  
 lebratis, mutauit aquam in uinũ. In Exodo scri-  
 bitur Dominus dixisse ad Moysen. Quid est quod  
 tenes in manu tua? Respondit, Virga. Dixitque  
 Dominus. Projice eam in terrã. Proiecit, et uer-  
 sa est in colubrum, ita ut fugeret Moyses. Di-  
 xitque Dominus. Extende manum tuam & ap-  
 prehende caudam eius. Extendit & tenuit, uer-  
 saque est in uirgam. Et iterum. Tulit Aaron uir-  
 gam coram pharaone & seruis eius, quæ uersa  
 est in colubrum. Hic audis uirgam uersam esse  
 in colubrum, & iterum, in uirgam. Vnde Am-  
 brosius in lib. de mysterijs imitandis cap. 9. uo-  
 lens probare nos reuerã corpus Christi accipe-  
 re, quamuis aliud uideamus, hoc exemplo pro-  
 bat, non hoc esse quod natura formauit, sed  
 quod benedictio consecrauit, maioremque esse  
 uim benedictionis quam naturæ, quia benedi-  
 ctione etiam natura ipsa mutatur, Vides (in-  
 quit) prophetica gratia, bis mutatam esse  
 naturam, & serpentis & uirgæ? Currebant  
 Acgys

Aegypti flumina, pro aquarum meatu, subito de fontium uenis, sanguis coepit erumpere. Non erat potus in fluuijs. Rursus ad prophetae uoces, cruor cessauit fluminū, aquarum natura remeauit. circūclusus erat undiq; populus Hebraorū, hinc Aegyptijs uallatus, inde mari clausus. Virgā leuauit Moyses, separauit se aqua, & in murorū speciē cōgelauit, atq; inter undas uia pedestris apparuit. Iordanis retrorsum conuersus cōtra naturā, in sui fontis reuertitur exordiū. Nōne claret naturā, uel maritimorū fluituū, uel fluuiialis cursus esse mutatā? Sitiēbat populus patrum, tetigit Moyses petram, & aqua de petra fluxit. Nunquid non prāter naturam operata est gratia, ut aquā uōmeret petra, quā non habebat natura? Marath fluuius amarissimus erat, ut sitiens populus bibere non posset, misit Moyses lignum in aquam, & amaritudinem suam, aquarum natura deposuit, quam infusa subito gratia temperauit. Sub Heliseo propheta, uni ex filijs prophetarum, excussum est ferrū de securi, & statim mersum est. Rogauit Heliseum qui amiserat ferrum, misit etiam Heliseus lignum in aquam, & ferrum natauit, utique & hoc, prāter naturam factum esse cognoscimus. Grauior est enim ferri species, quam aquarum liquor. Aduertimus igitur maioris esse uirtutis gratiam quam naturam, & ad

4. Reg. 6.

Exod. 15.

## INTERROG. VELS. PROP.

huc tamen, prophetiæ benedictionis numeramus gratiam. Quod si tantum ualuit humana benedictio, ut naturam conuerteret, quid dicimus de ipsa consecratione diuina, ubi uerba ipsa domini saluatoris operantur? Nam sacramentum istud quod accipis, Christi sermone conficitur. Quod si tantum ualuit sermo Heliae, ut ignem de cælo deponeret, non ualebit Christi sermo, ut species mutet elementorum? De totius mundi operibus legisti, quia ipse dixit & facta sunt, ipse mādauit et creata sunt. Sermo ergo Christi, qui potuit ex nihilo facere quod nō erat, nō potest ea quæ sunt, in id mutare quod nō erāt? Non enim minus est nouas rebus dare, quā mutare naturas. Sed quoad argumentis utimur? Suis utamur exemplis, incarnationisque astruamus mysterij ueritatem. Nunquid naturæ usus præcessit, cum Iesus dominus ex Maria nasceretur? Si ordinem quærimus, uiro mixta fœmina generare consueuerat: liquet igitur, quod præter naturæ ordinem uirgo generauit, & hoc quod conficimus corpus ex uirgine est. Quid hic quæris naturæ ordinem in Christi corpore, cum præter naturam sit ipse dominus IESVS partus ex uirgine? Vera utique caro CHR IESU TI quæ crucifixa est, quæ sepulta est, ueræ ergo carnis illius sacramentum est. Ipse clamat Dominus Iesus, Hoc est corpus meum

Ante

Ante benedictionem uerborum cœlestium, alia species nominatur, post consecrationem corpus Christi significatur. Ipse dicit, sanguinem suum, ante cōsecrationē aliud dicitur, post consecrationem, sanguis nuncupatur. Et tu dicis: Amen, hoc est, uerum est, quod os loquitur, mens interna fateatur quod sermo sonat, effectus sentiat. Haftenus ille. Ex cuius uerbis animaduertere licet quomodo nos Sanctus Pater Ambros. ex illis mutationibus manuducat, ad credendam hanc admirabilem conuersionem, quam nos nuncupamus transsubstantiationem. Nam audientes uirgam in colubrum fuisse mutatam, & aquam & uinum, &c. minus ambigimus eum qui hæc fecit, posse panem in corpus suum uertere. Sed & aliud ex eisdem addiscere licebit, nimirum substantiam panis, non manere cum substantia corporis Christi. Sicut enim certum est, quam illam, nunquam simul fuisse uinum & aqua, sicut neque uirga, simul fuit & coluber & uirga, ita neque substantia panis, cum substantia corporis Christi simul esse potest. Adde tertium, quod hinc colligere potes, uidelicet quod licet panis sit conuersus in corpus Christi, nihilominus tamen retinet nomen panis. Nam postquam aqua fuisset mutata in uinum, retinuit tñ nomē aquæ quā dicit Euāgelista. Vt aut gustauit Architrachelus, aquā uini

# INTERROG. VEL. PROP.

**Exod. 7.** factam. Ecce retinet adhuc ipsum uinum, priorem aquæ nomenclaturam, sicut & coluber ex uirga factus, uocabulum adhuc uirgæ retinuit. Nam scriptum est. Virga Aaron, uirga Magorum deuorauit. Sic & panis in Christi corpus conuersus, quum iam non sit panis, nuncupationem tamen panis sibi seruat. Quod ergo panis dicitur, consuetudo sacrorum codicum more fit, qui res quaslibet, sæpè uocant nomini- bus illarum rerum, ex quibus fiunt, seu quæ esse putantur, & non sunt, sine quibus aliquo modo similes existunt. Porro obseruandum est, has omnes, & similes conuersiones ac mutationes, tam naturales, quàm supernaturales, diuersæ esse generis, ab illa admirabili, quam sancta Ecclesia appellat transsubstantiationem, quam esse dicimus conuersionem substantiæ totius, in alteram totam substantiam, non habentem communem materiam cum priore. Primum quidem, quia in alijs conuersionibus, quæ lege naturæ fiunt, materia substantiæ prioris, substernitur ac subiicitur formæ substantiæ posterioris, ut substantia quæ succedit, habeat cum præcedente, eandem & communem materiam. Sicut cum ex ligno fit ignis, materia ligni substernitur atq; subiicitur, formæ ignis producti & manet integra transmutatione facta. In hac uerò conuersione, panis in corpus Christi, non manet completa mutatio-

Transsubstantiatio differt ab alijs conuersionibus ac mutationibus.

1. Cor. 11.

ne,

ne, materia panis, ut recipiat in se formam substantialem corporis Christi, sed tota depditur simul cum forma panis, ut ibi sit totius substantiae panis. cōuersio, in corp<sup>o</sup> Christi. Secūdo, differt trāssubstantiatio, ab alijs mutationib<sup>9</sup>. Nā in alijs cōuersionibus etiā supnaturabilibus, prioris substantiae accidentia post cōpletā trāsmutationē non permāserunt incolumia, sed simul fuere depdita cum forma substantiali eiusdem substantiae, & illis successerunt accidentia recenter productae substantiae consentanea, & materiae eiusdem sequentis substantiae inhāserunt. Sicut cum flumina Aegypti in sanguinem fuerunt mutata, & aqua in Chana Galileae in uinum transmutata neque hīc aquae accidentia manserunt in uino, neque illic qualitates fluminis, in sanguine. In hoc autem altissimo Eucharistiae mysterio, accidentia prioris substantiae, permanent in sua integritate, ipsorum subiecto sublato. Et cum nullum habeant succedens subiectum, cui insint (non enim Christi corpori insunt) sine subiecto & per se subsistūt.

Exod. 7.  
Iōan. 2.

Deniq; tertio differt in hoc, ab alijs conuersionibus, quia in illis, unius esse solet substantiae corruptio, & alterius generatio. Quemadmodum cum ex aere fit aqua, aut ex ligno ignis, aut cum in uinum cōmutata fuit aqua, aut unda Aegypti, in sanguinem. At uerò in hac singulari & admiranda transmutatione, corruptio & gene-



## INTERROG. VEL. PROP.

ratio non habent locum. Nam proprie non cor-  
rumpitur, quoniam non manet supstes eius materia,  
neq; etiam annihilatur, sed cōuertitur in corpus  
Christi. Sed & corpus Christi hic nō generatur,  
quoniam in deperdita substātia materia. nō acq-  
ritur eius forma. Quinimō nec ipsius sacri cor-  
poris Christi est creatio, quoniam ante consecra-  
tionem integrum subsistit in cœlo, & ita ad exis-  
stentiā nō producitur, licet modo nouo uidelicet  
Sacramētali subsistat in hoc Sacramento, uti an-  
tea declaratum est. Quo fit, ut hæc trāsmutatio,  
ob nouam ipsius & admirabilē cōditionē, supra  
ceteras omnes iure collocetur, ut in qua Deus  
suam omnipotentiam & admirandam uirtutem  
quotidie demonstrare dignatur. Et hæc transmu-  
tationē Ecclesia Catholica, simplicissimo uer-  
bo trāssubstantiationē nūcupauit, uocabulo apto  
& competenti. Hoc enim significat illud nomē,  
quod ante consecrationem, alia sit substantia in  
manib⁹ sacerdotis, quæ postea nō est, & alia post  
cōsecrationē, quæ antea nō erat. Quēadmodum  
etiā Christus, nōne substantiā panis, quā acce-  
perat in manus, cōsecratione effecit corpus suū,  
ut iā quod daret, nō esset substantia panis, sed sub-  
stantia corporis sui, quā benedictio cōsecraret.  
Quod ergo in ueritate gestū est, Ecclesia signifi-  
cancer & conuenienter nuncupat transsubstan-  
tiationē, propter uerba Christi qui illud myste-  
rium

ritū instituens dixit, hoc est corpus meū, simul et  
tā reuerā porrigens & exhibēs, quod ore affir-  
mabat. Ex cuius consecrationis ui, hæc Ecclesiæ,  
de transsubstantiatione confessio meritò defendi-  
tur, quæ unā ex Christi uerbis substantiam datā  
intelligens, & hanc aliā ab ea, quæ antea p natu-  
rā erat, ex Christi uerbis dicētis. Hoc est corpus  
meū, fide agnoscens, & illā non esse, & istam es-  
se intelligens, transsubstantiationis uerbo, con-  
secrationis huius mysteriū aptissimè expressit,  
nō fingens, sed ipsam ueritatē cōuenienti uerbo  
designans ac definiens. Nec in hoc quicquā, aut  
quod scripturis, aut quod traditioni Apostolica  
æ aut patribus aduersaretur fecit. Nam sensus  
uerbi Transsubstantiationis, uerum Scripturæ  
sensum exprimit, unde non solum non repu-  
gnat ueritati sacris literæ prodita, sed maxime  
ipsi est consentaneus. Quod Patres per singu-  
los ætatis gradus, iam inde à primordijs Eccle-  
siæ, suis testimonijs confirmarunt: Nam hanc  
transsubstantiationis fidem, patres omnes con-  
fessi sunt, licet alijs uerbis. Et quorsum atti-  
net contendere de nomine, cum constet de re?  
Appellāt aut uel mutationem, uel conuersionē,  
uel immutationē, uel uersionē, uel trāsformatio-  
nē, uel trāsmutationē, uel transitionē, uel trāsele-  
mētione, aut similibus exprimūt uocib⁹. Caterū  
nisi ita esset, cōfectionē hui⁹ mysterij, eiusmodi  
uerbis

## INTERROG. VEL. PROP.

uerbis non expressissent, quibus hanc transsubstantiationem aut uerbis expressis insinuarunt, aut eius certè quod in mysterijs agitur explanatione haud obscure indicarunt, et tamen omnes, ueram corporis Christi substantiam confitentur in Eucharistia presentē. Et stenim non aperte transsubstantiationē ad uerbum posuerūt, nihilominus, tñ ad sensum docuerūt. Quare hoc uerbo. Transsubstantiatiōis (quo in hoc Sacramento tota substantia, in totā substantiā mutari designatur) aptissimè simplex Catholicæ ueritatis sensus expressus est. Quod si qui aliter loqui uideantur, qui sunt paucissimi, si tamen sunt aliter, candidè sunt interpretandi, ut cum aliis consentiant potius, quam ut ab illis dissentiant, quando etiam diuersæ loquendi causæ, diuersas pariant loquēdi formulas. Nō est ergo quod offendatur q̄s huius nominis nouitate, quasi res una cū uerbo nata sit, quod lōgè secus est. Nā Innocentius 3. nihil noui inuenit præter uocem, sed abditā ueritatem, alijs atque alijs uerbis, sed sensu consono prius expressis, in unā uocis consonantiam redegit, in Cōcilio lateranensi, ubi ueritas, quæ re, semper una est, uoce etiam una expressa est, non ab Innocentio, qui nihil aliud præfuit, tanquam sua industria inueniente, sed spiritus sancto (qui ueritatis est spiritus, dictāte. Interfuerūt illi Cōcilio, Metropolitani septuaginta,

& Episcopi quadringenti, q̄ id quod didicerant  
 à maioribus, & traditiōe acceperāt, nō quod in-  
 uenerāt aut excogitarāt, sed quod didicerāt inq̄  
 ex patribus & traditione acceperāt, castissimē  
 uerbis cōpendiosis & significātibus, posteris tra-  
 diderunt, curātes ut arcana in Eucharistia muta-  
 tionis sensus, semp apud Catholicos idē & conso-  
 nus, una & noua trāssubstātionis uoce exprime-  
 retur. Quo fieret, ut Hæretici (q̄ plerūq; in uer-  
 bis disidiū solēt quærere) quò ad fieri posset, cō-  
 pescerētur. Inuitati proculdubio exēplū Catholi-  
 corū in Niceno Cōcilio, qui ueritatē consubstan-  
 tialitatis cōtra Arrianōs, nō nouam, sed Catho-  
 licorū sensu cōstantē, uerbo apto licet nouo ex-  
 presserūt, censentes Dei filiū Homousiō appella-  
 ri. Sic & patres in Lateranensi Cōcilio, usi uidē-  
 tur hoc uerbo trāssubstātionis, ad cōtentiones  
 illis temporibus ortas, extinguēdas necessariò, et  
 eodē ad ueritatem exprimendam idoneo & sim-  
 plici 3. Sed et hoc aduerte, q̄ scriptura nō quouis  
 loco, uerbi cōsubstantialitatis meminit, sicut &  
 acerrimē Orthodoxis patribus, Arriani obijce-  
 re consueuerunt, sed in nihilominus eodē usi sunt  
 uerbo, nimirū q̄ hoc ipsum necessariò cōsequa-  
 tur ex Scripturis. Ita & trāssubstantionis uer-  
 bū, tametsi offendat aduersarios (qui fide carēt)  
 Catholicis tñ necessariò uidetur, ex scriptura cō-  
 sequi, & maximē ex uerbo Christi, qui quū acco-  
 pisset

# INTERROG. VEL. PROP.

Concil. La-  
teran.  
cap. i.

piſſet in manus panē, benedixiſſetq; ac fregiſſet,  
et demū porrexisset Apoſtoliſ dixit. Accipite et  
manducate, hoc eſt corpus meū. Certiſſimū itaq;  
nobis eſt ex ipſius uerbis, uerū corpus eius ibi fu-  
iſſe. Atq; quū fieri nō poſſit, ut hic panis, ſit hoc  
corpus, ſed neq; ſpecies panis, quæ ſolum Sacra-  
mentum eſt, conſentaneum eſt penitus, ut panis  
in corpus mutetur, quam mutationem Eccleſia  
Catholica tranſſubſtantiationē appellauit. Sed  
operæpretium duximus ipſius Concilij decretū  
hic ſubijcere. Vna eſt fidelium uniuerſalis Eccle-  
ſia, extra quam nullus omnino ſaluatur. In quā  
idem ipſe ſacerdos & ſacrificium Ieſus Chriſtus,  
cuius corpus & ſanguis in Sacramento Altariſ,  
ſub ſpeciebus panis & uini ueraciter continen-  
tur, tranſſubſtantiatiſ panē in corpus, & uino  
in ſanguinem, poteſtate diuina, ut ad perficien-  
dum myſterium unitatiſ, excipiamus ipſi de ſuo,  
quod accepit ipſe de nōſtro. Hæc illi. Sed & in  
Concilio Conſtantienſi ſeſſione 8. inter ceteros  
45. articulos Ioanniſ Wycleph damnatos, le-  
guntur etiam iſti damnati. Subſtantia panis ma-  
terialiſ, & ſimiliter ſubſtantia uini materialiſ,  
manent in Sacramento Altariſ. Accidentia pa-  
niſ non manent ſine ſubiecto, in eodē Sacramēto.  
Porro ex ijs quæ dicta ſunt, ſatiſ conſtare arbi-  
tror, quam uera & Catholica ſit Tranſſubſtan-  
tiationiſ fideſ, ut meritò conticeſſere debeant

omnes

omnes, qui eam negant, quemadmodū Sacramen-  
tarij, qui ueram præsentiam corporis Christi in  
Eucharistia omnino negant, aut Lutherani, qui  
sunt Augustanæ confessionis, qui eam confiten-  
tur quidem, sed cum pane & uino. Sed ne glo-  
rientur se esse huius erroris primos inuentores,  
sed potius antiquæ & damnatæ sententiæ re-  
suscitatores, sciendum est, ante tempora Bea-  
ti Thomæ Aquinatis, imò Petri Longobardi  
quem magistrum sententiarum uocant, fuisse  
quosdam, qui affirmabant post consecratio-  
nem, substantiam panis & uini in hoc Sacra-  
mento remanere. Sed ipse eandem improban-  
s, comprobat eorum assertionem consistere non  
posse. Primò quidem, quòd per hanc positionem  
tollatur ueritas huius Sacramenti, ad quam  
pertinet ut uerum Christi corpus in hoc Sacra-  
mento existat, quod quidem ibi non est ante con-  
secrationem. Non autē aliquid potest esse alicu-  
bi, ubi prius non erat, nisi uel per loci mutatio-  
nē, uel per alterius conuersionem in ipsum, sicut  
in domo aliqua de nouo incipit esse ignis, aut  
quia illud deferitur, aut ibi generatur. Mani-  
festum est autem, quòd corpus Christi non inci-  
pit esse in hoc Sacramento, per motum localem.  
Primò quidem, quia sequeretur, quòd desineret  
esse in cœlo: Non enim quod localiter mouetur,  
peruenit de nouo ad aliquem locum, nisi deferat.  
prior

## INTERROG. VEL S. PROP.

priorem. Secundò, quia omne corpus localiter motum, pertransit omnia media, quod hìc dici non potest. Tertiò, quia impossibile est, quòd unus motus eiusdè corporis localiter moti, terminetur simul ad diuersa loca, cum tamen in pluribus locis corpus Christi, sub hoc sacramento, simul esse incipiat. Et ideò relinquitur, quod nò possit aliter corp<sup>9</sup> Christi incipere esse de nouo, in hoc sacramento, nisi per conuersionem substantiæ panis in ipsum. Quod autem conuertitur in aliquid, facta conuersione non manet. Vnde relinquitur, quod salua ueritate huius sacramenti. substantia panis, post consecrationem remanere non possit. Secundò, quia hæc positio, contrariatur formæ huius sacramenti, in qua dicitur, hoc est, corpus meum, quod nò esset uerum, si substantia panis ibi remaneret. Nunquã enim substantia panis est corpus Christi, sed potius esset dicendum hic est corpus meum. Tertiò, contrariatur uenerationi huius sacramenti, si aliqua substantia creata ibi esset, quæ non posset adoratione patriæ adorari. Quartò, quia contrariatur ritui Ecclesiæ, secundum quem, post corporalem cibum, nò licet sumere corpus Christi, cum tamen post unam hostiam consecratam, liceat sumere aliam. Vnde hæc positio uitanda est, tanquam hæretica. hæc ille in .3. parte summe suæ, question. e. 75. art. 2. Sed & in 4. sentent.



tent. dist. 11. q. 1. demonstrat hanc positionem, quæ ponit substantiam panis ibi remanere, post consecrationem simul cum uero corpore, esse incompetentem, huic sacramento impossibilem, & hæreticam. Incompetentem, quod impediret uenerationem debitam huic sacramento. Effet enim idolatriæ occasio, si substantia panis ibi remanente, ueneratio latriæ, hostiæ exhiberetur. Effet etiam contra significationem sacramenti, quia species non ducerent in uerum corpus Christi per modum signi, sed magis in substantiam panis. Effet etiam contra usum sacramenti, quia iam cibus iste non esset purè spiritalis, sed etiam corporalis. Sed quod sit impossibile, patet ex hoc, quod impossibile est aliquid esse alicubi, ubi prius non erat, nisi uel per loci mutationem, uel per alterius conuersionem in ipsum, ut dictum est: & etiam impossibile est, aliquid esse nunc, quod prius non fuit, nihil ipso mutato, uel aliquo in ipsum. Nec posset etiam per miraculum fieri, sicut quod esset animal rationale, mortale, & quod non esset homo. Quod autem sit hæretica, patet ex hoc, quod contradicit ueritati scripturæ. Non enim esset uerum dicere: hoc est corpus meum, sed hic est corpus.

Porro mirum est ualde, aduersarios hanc mutationem uel conuersionem (quam Ecclesia

# INTERROG. VEL. PROP.

- Catholica Transsubstantiationem appellat) nol-  
le credere, quum diabolus eorum pater eam pos-  
Matth. 4. sibilem crediderit, quando dixit ad Christum. Si  
filius Dei es, dic ut lapides isti panes fiant. Si ea  
nim non credidisset id posse fieri, nimirum ut  
substantia lapidis, mutaretur in substantiam pa-  
nis, & hoc à filio Dei, frustra illi hoc propo-  
Iacob. 2. suisset. Ecce demones credunt & contremis-  
cunt, & hoc quod diabolus credidit, aduersa-  
rij credere recusant. Quo ergo loco habebun-  
tur in inferno, nisi resipiscant, & hanc Trans-  
substantiationis fidem unà nobiscum confitean-  
tur? Certè non meliore loco, quàm diabolus  
2. Tim. 2. ipse à quo captiui tenentur ad ipsius uoluntas-  
tem. Sed det illis Deus poenitentiam, ad cogno-  
scendam ueritatem, ut resipiscant à diaboli la-  
queis. Amen. Denique ex præmissis perspicuum  
esse credimus, Transsubstantiationis dogma, nec  
recens esse inuentū, nec pugnare cum sacra scri-  
ptura, nec proficisci ex sophistica doctrina.  
Nam quamuis hoc nomen in Concilio Latera-  
nensi sit prius introductum, res tamen quæ  
per nomen hoc significatur, semper credita fu-  
it à patribus, & tota Ecclesiæ successionē. Et li-  
cet Euangelistæ Transsubstantiationis uocabu-  
lum non posuerint, conscripserunt tamen uer-  
ba Christi dicentis. Hoc est corpus meum. Qui  
quod ore protulit, etiam re ipsa exhibuit. Di-  
xit

xit enim esse corpus suum, & non panem. Vnde meritò saltem Transsubstantiationis rem, licet non nomen trediderunt. Vnde non solum nō pugnat cum sacra scriptura, sed eidem ualde congruit, in qua tam uarias & admirabiles conuerſiones legimus, ut per eas ad hanc, omnibus alijs mirabiliorem manu ducamur. Denique neque proficiscitur ex sophistica doctrina, sed ex doctrina sana patrū & Ecclesiæ, quæ suo decreto determinauit & aptissimo uocabulo expressit, quod patres per singulos ætatis gradus, unanimi consensu, semper docuerunt. Quod iam ostendendum erit testimonijs eorundem. Quorum licet plurima producere possemus in medium, quibus Transsubstantiationis comprobatur fides, nos tamen hoc loco non omnia, sed quædam tantum, quæ manifestiora ac apertiora sint subiiciemus.

Itaque præter uerba Ambrosii, superius adnotata ex capite nono libri de Myſterijs initiandis, nunc adscribenda sunt uerba eiusdem, quæ scripsit libro quarto de Sacramentis, capite quarto. Hoc astruamus (inquit) quomodo potest qui panis est, corpus esse Christi consecratione? Consecratio igitur quibus uerbis est, & cuius sermonibus? Domini IESV. Nam reliqua omnia quæ dicuntur, laus Deo defertur, oratiōe petitur pro populo, pro regib⁹, pro cæ

## INTERROG. VEL. PROP.

teris. Vbi uenitur ut conficiatur uenerabile sacramentum, iam non suis sermonibus sacerdos, sed utitur sermonibus Christi. Ergo sermo Christi conficit sacramentum. Quis sermo Christi? Nempe is quo facta sunt omnia. Iussit Dominus, & factum est cœlum. Iussit Dominus, & facta est terra. Iussit Dominus, & facta sunt maria. Iussit Dominus, omnis creatura generata est. Vides ergo, quàm operatori<sup>9</sup> sit sermo Christi? Si ergo tanta uis est in sermone Domini Iesu, ut inciperent esse, quæ non erant, quantò magis operatorius est, ut sint quæ erant, & in aliud commutentur? Cœlum non erat, mare non erat, terra non erat. Sed audi dicentem, ipse dixit, & facta sunt, ipse mandauit & creata sunt. Ergo tibi ut respondeã, non erat corpus Christi ante consecrationem, sed post consecrationem, dico tibi, quod iã corpus est Christi. Ipse dixit & factũ est, ipse mādauit & creatum est. Tu ipse eras, sed eras uetus creatura: posteaquam consecratus es, noua creatura esse coepisti. Vis scire quàm noua creatura? Omnis (inquit) in Christo noua creatura. Accipe ergo quæ admodũ sermo Christi creaturã omnẽ mutare cõsueuerit, & mutat quãdo uult instituta naturæ. Quomodo requiris? Accipe, & primò omniũ de generatione eius sumam<sup>9</sup> exemplum. Consuetudo est, ut non generetur homo,

nisi

nisi ex uiro & muliere, & consuetudine coniugali. Sed quia uoluit Dominus, qui hoc elegit sacramentū, de spiritu sancto ex uirgine natus est Christus, hoc est, mediator Dei & hominū, homo Christus Iesus. Vides ergo, quia contra instituta & ordinē, homo est natus ex uirgine? Accipe aliud. Vrgebatur populus Iudæorū ab Aegyptijs, interclusus erat mari, diuino imperio uirga Moyses tetigit aquas, & se unda diuisit, non utiq; secundū suæ naturæ cōsuetudinem, sed secundū gratiā cælestis imperij, &c. Nā hæc exēpla, & ea quæ sequuntur, ex cap. 15. Exod. de ligno proiecto in fluuio Marath. & 4. Reg. 6. de ferro securis, quod in aquas ceciderat: etiam superius ipsius uerba posuimus, ex loco suprā citato. Tandem autem subiicit dicens. Ex his igitur omnibus non intelligis, quantum operetur sermo cælestis? Si operatus est in fonte terreno, si operatus est sermo cælestis in alijs rebus, non operatur in cælestibus sacramētis? Ergo didicisti, quòd ex pane corpus fiat Christi, & q; vinū & aqua in calicē mittitur, sed fit sanguis cōsecratione uerbi cælestis. Sed forte dicis. Specie sanguinis non uideo, sed habet similitudinem. Sicut enim mortis similitudinem sumpisti, ita etiam similitudinem pretiosi sanguinis bibis, ut nullus horror cruoris sit, & pretiū. tñ operetur redēptionis. Didicisti, quia q; ac

Exod. 14

## INTERROG. VEL. PROP.

eipis corpus est Christi. Et ca. 5. Ante q̄ (inquit) cō-  
 secretur, panis est, ubi aut uerba Christi accessse-  
 rint, corpus est Christi. Accipite & edite ex eo  
 oēs, hoc est corpus meū. Et ante uerba Christi,  
 calix est uini & aquæ plenus, ubi uerba Christi  
 operata fuerint, ibi sanguis efficitur, qui plebē  
 redemit. Ergo uidete, quantis generibus potens  
 est sermo Christi uniuersa conuertere. Deinde  
 ipse dominus Iesus testificatur nobis, quòd corp⁹  
 suum accipiamus & sanguinem. Nunquid debe-  
 mus de eius fide & testificatione dubitare? Et in  
 oratione præparatiua ad missæ celebrationem.  
 Quanta (inquit) cōtritione istud diuinū & cale-  
 ste sacrificium est celebrandū, ubi caro tua in  
 veritate sumitur, ubi sanguis tuus in veri-  
 tate bibitur, ubi summis ima iungūtur, ubi  
 adest præsentia sanctorum angelorū? & cetera.  
 Irenæus lib. 4. c. 34. Quēadmodū (inquit) q̄  
 est à terra panis, percipiēs uocationē Dei, iā  
 non communis panis est, sed Eucharistia,  
 & c. Quibus uerbis apertè docet, panē commu-  
 nem percepta uocatione Dei, non iā communem  
 panem, sed Eucharistiā esse. Cyprianus in sermo-  
 ne de Cœna Domini. Cœna (inquit) disposita, in-  
 ter sacramētales epulas, obuiarunt sibi instituta  
 antiqua & noua, & consumpto agno, quē anti-  
 qua traditio proponebat, incōsumptibile cibum  
 magister apponit discipulis, nec iam ad elabo-  
rata

Cypria-  
 nus

*rata impensis & arte conuiuia populi inuitantur, sed immortalitatis alimonia datur, à cōmunibus cibis differens, corporalis substantiæ retinens speciē, sed virtutis diuinæ inuibilis efficientia probās adesse præsentia. Significata olim à tēpore Melchisedech prodeunt sacramenta, & filijs Abrahæ facientibus opera eius, summus sacerdos profert panē & uinū. Hoc est (inquit) corpus meū. Manducauerant & biberant de eodē pane, secundum formam uisibilem, sed ante uerba illa, cibus ille communis, tantum nutriendo corpori commodus erat, & vitæ corporalis subsidiū ministrabat. Sed ex quo à Domino dictum est, hoc facite in meam commemorationem, hæc est caro mea, & hic est sanguis meus, quotienscunq; his uerbis & hac fide actum est, panis iste substantialis, & calix benedictione solenni sacratus, ad totius hominis uitam salutemq; proficit, simul medicamentū & holocaustum, ad sanandas infirmitates, & purgandas iniquitates existens. Manifestata est etiam spiritalis cibi distantiam, aliud fuisse quod prius est appositum & consumptum, aliud quod à magistro datum est & distributum. Et post aliquanta. Panis iste communis (inquit) in carnem & sanguinem mutatus, procurat uitam & incrementum*

Matt 26.

Marci 14.

Lucæ 22.



## INTERROG. VEL. PROP.

Eusebius  
Emisse  
nus.

corporibus, &c. Et post pauca. Panis iste (ait) quem dominus discipulis porrigebat, non effigie, sed natura mutatus, omnipotentia verbi, factus est caro: & sicut in persona Christi humanitas videbatur, & latebat diuinitas, ita Sacramento visibili, ineffabiliter diuina se infudit essetia, vt esset religio ni circa Sacramenta deuotio, &c. Eusebius Emissenus: Verè (inquit) unica & perfecta hostia, fide aestimanda non specie, neq; exteriori cèsenda uisu, sed interiori affectu. Vnde cœlestis cõfirmat autoritas, quia caro mea uerè est cibus, & sanguis meus uerè est potus. Recedat ergo omne infidelitatis ambiguum, quandoquidem qui autor est muneris, ipse est etiam testis ueritatis. Nam inuisibilis sacerdos, visibiles creaturas, in substantiã corporis & sanguinis, sui uerbi secreta potestate conuertit, ita dicēs: Accipite & comedite, hoc est corpus meum, & sanctificatione repetita, accipite & bibite ait, hic est sanguis meus. Ergo sicut ad nutū præcipientis Domini, repentè & ex nihilo substererūt excelsa cælorum, profunda fluctuum, uasta terrarum, ita parè potestatem in spiritalibus Sacramentis, uerbi præbet uirtus, & rei seruit effectus. Quanta itaq; & quàm celebranda beneficia, vis diuinæ benedictionis operetur, quomodo tibi nouum & impolabile  
esse

esse non debeat, quòd in Christi substantiam, terrena & mortalia conuertuntur, te ipsum qui in Christo es regeneratus interroga, &c. Et iterum. Quid mirum est (inquit) si ea quæ uerbo potuit creare, uerbo possit creata cōuertere? Imò non minoris uidetur esse miraculi, si id quod ex nihilo agnoscitur, iam conditum, in melius valeat commutare.

Hesychius in Leuiticum lib. 6. c. 22. Sanctificationem (inquit) mystici sacrificij, & à sensibilibus ad intelligibilia translationem siue commutationem, ei qui uerus est sacerdos, uidelicet Christo, oportet dari, id est, ipsum de eis miraculum credere & imputare, quia per eius virtutem, & prolatum ab eo uerbum, tam sanctificata sunt, quàm cunctum carnis excedat sensum. Hieronymus: Nos (inquit) audiamus panem, quem fregit Dominus, deditq; discipulis suis, esse corpus Domini saluatoris, ipso dicente ad eos. Accipite & comedite, hoc est corpus meum, & calicem illum esse, de quo item loquutus est. Bibite ex hoc omnes. Hic est sanguis meus noui testamenti, qui pro multis effundetur, &c. Et in epist. ad Theophylum Alexandrium Episcopum. Legimus in Euāgelio. Si offers munus tuum ad altare, &c. Si munera nostra, absq; pace offerre non possumus, quantò magis & Christi corpus accipere? Quæ conscientia ad Eucharis-

Hesychius

Hiero.

## INTERROG. VEL. PROP.

sciam Christi accedam, & respondebo Amē, cum de charitate dubitem porrigentis. Et in lib. Apologetico ad Pammachium, repetit quod in lib. 1. contra Iovinianum dixerat. Quale illud bonum est, quod corpus Christi accipere non permittit? Ad hoc breuiter respōdebo. Quid est maius, orare, an corpus Christi accipere? Vtiq; accipere corpus Christi. Si per coitū quod minus est impeditur, multo magis, quod maius est. Et post pauca. Sciō Romæ hanc esse consuetudinem, ut fideles semper Christi corpus accipiant, &c. Et statim. Sed quod dum doleo, me non communicasse corpori Christi, abstineam me paulisper ab uxoris amplexu, &c. Ecce ubiq; appellat Eucharistiā esse corpus Christi, & dicit panē quē fregit Dñs, & dedit discipulis, esse corpus saluatoris.

*Chrysostomus in homil. de Proditione Iudæ.*  
Sed nos (inquit) ad terribilem mensam, cum debita reuerentia, cum congrua uigilantia oportunum tēpus inuitat, &c. Et nunc ille præsens est Christus, qui illam ornauit mensam, ipse istam quoq; consecrat. Non enim homo est, qui proposita de consecratione mēse Dñi, corpus Christi facit & sanguinem, sed ille qui crucifixus, p nobis est Christus. Sacerdotis ore verba proferuntur, & Dei virtute consecratur & gratia. Hoc est (ait) corpus meū, hoc verbo pposita cōsecrantur. Et sicut illa

Chryf.

uox quæ dicit. Crescite & multiplicamini, & replete terram, semel quidem dicta est, sed omni Gen 1.  
tēpore sentit effectū ad generationem operante natura: ita & vox illa semel quidē dicta est, sed per oēs mēsas Ecclesiæ, vsq; ad hodiernā diem, & vsq; ad eius aduentum præstat sacrificio firmitatē. Et in Liturgia sua ita loquitur dicēs: Benedic Dñe sanctū panē, fac panem hunc p̄tiosum corpus Christi tui, quod aut est in hoc calice, pretiosum sanguinē mutans spiritu tuo sancto. Et homil. 83. in Matthæum prius ueritatē præsentia corporis Christi in Eucharistia ostendit, & monet ut credamus id ipsum, scribens in hæc uerba. Cedamus ubiq; Deo, nec repugnemus ei, etiam si sensui & cogitationi nostræ, absurdū esse uideatur quod dicit, superet & sensum & rationē nostrā quæso ipsius, quod in omnib⁹ & præcipuē in mysterijs faciamus, non illa quæ ante nos iacent solummodo aspicientes, sed uerba quoq; eius tenētes. Nā uerbis ei⁹ defraudari nō possum⁹, sensus uerò noster deceptu facillimus est. Illa falsa esse nō possunt, hic sæpius atq; sæpius fallitur. Quoniam ergo ille dixit. Hoc est corpus meum, nulla teneamur ambiguitate, sed credamus, & oculis intellectus id perspiciamus. Nihil enim sensibile traditum nobis à Christo, sed rebus sensibilibus, omnia uerò quæ tradidit insensibilia sunt.

Sic &

## INTERROG. VEL. PROP.

Sic & in baptismo per aquam, quæ res sensibilis est donum illud conceditur, quod autem in ea conficitur regeneratio scilicet ac renouatio, intelligibile quiddam est: Nam si tu incorporeus es, nudè ipsa dona incorporea tradidisset tibi, quoniam uerò corpori coniuncta est anima tua, in sensibilibus intelligenda tibi traduntur. O quod modò dicunt, uellem formam & speciem eius, uellem uestimenta ipsa, uellem calceamenta uidere. Ipsum igitur uides, ipsum tangis, ipsum comedis. Vestimenta eius desideras uidere, ipse uerò seipsum tibi tradidit, non ut uideas solum, uerumetiam ut tangas, & in te habeas. Hæc, inquam, cum scripsisset Chris. deinde ibidem post aliquanto transmutationis meminit dicens: Non sunt humane uirtutis hæc opera, quæ tunc in illa carne confecit, ipse nunc quoque operatur, ipse perficit, ministrorum nos ordinem tenemus: qui uerò hæc sanctificat & transmutat, ipse est. Eadem habet homilia 60. ad populum Antiochenū. Et in sermone admonitorio in Encenijs. Num si stercus (inquit) manibus haberes, auderes appropriare fimbriæ regis? Nū uides panem? num uinum? num sicut reliqui cibi in secessum uadunt? Absit. Ne sic cogites. Quemadmodum enim si cera igni adhibita illi assimilatur, nihil substantiæ remanet, nihil superfluit, sic & hic puta mysteria consumi, corporis substantia.

Aug.

Aug. lib. 3. de Trinit. cap. 10. Cum ostendere uellet, quot modis creatura assumitur, ad significandum, tandem ait. Aliquando ad hoc fit eadem species, uel aliquantulum mansura, sicut potuit serpens ille aeneus exaltatus in cremo, sicut possunt et litteræ, uel peracto ministerio transitura, sicut panis ad hoc factus, in accipiendo Sacramento consumitur. Et iterum ibidem. Infantes non nouerunt, quod in altari ponitur, et peracta pietatis celebratione consumitur, unde, uel quomodo conficiatur, unde in usum Religionis assumatur. Et si nunquam discant experimento uel suo uel aliorum, et nunquam illam speciem rerum uideant, nisi inter celebrationes Sacramentorum, cum effertur et datur, dicaturque illis autoritate grauissima, cuius corpus et sanguis sit, nihil aliud credent, nisi omnino in illa specie, Dominum oculis apparuisse mortalium, et de latere tali percusso, liquorem illum omnino fluxisse.

August.

Iterum Augustinus sermone 28. de uerbis Domini. Memini (inquit) sermonis mei. Cum de Sacramentis tractarem, dixi uobis, quod ante uerba Christi, quod offertur, panis dicatur, ubi Christi uerba deprompta fuerint, iam non panis dicitur, sed corpus appellatur. Et in sermone ad infantes. Hoc quod uidetis in altari Dei, etiam transacta nocte uidistis, sed quid esset, quid sibi  
 relit,

INTERROG. VEL S. PROP.

uelit, quàm magnæ rei Sacramentum cōtineret, nōdum audistis. Quod ergo uidistis, panis est & calix, quod uobis etiam oculi uestri nunciāt, quod aut fides uestra postulat instruenda, panis est corpus Christi, calix est sanguis. Et lib. 3. de Trinit. cap. 4. Si Apostolus Paulus, quamuis adhuc portaret sarcinam corporis, quod cor rumpitur & aggrauat animam, quamuis adhuc ex parte & in ænigmate uideret, optans dissolui & esse cū Christo, & in semetipso ingemiscēs adoptionem expectans redemptionem corporis sui, potuit tamen significando prædicare Dominum Iesum Christum, aliter per linguam suam, aliter per Epistolam, aliter Sacramentum corporis & sanguinis eius. Nec linguam quippe eius, nec membranas, nec atramentum, nec significantes sonos lingua æditos, nec signa literarum conscripta pelliculis, corpus Christi, & sanguinem dicimus, sed illud tantum quod ex fructibus terræ acceptum, & prece mystica consecratum, ritè sumimus ad salutem, in memoriā pro nobis dominicæ passionis. Quod cū per manus hominum, ad illam visibilem speciem perducitur, non sanctificatur ut sit tam magnum Sacramentum, nisi operante inuisibiliter spiritu Dei, cum hæc omnia quæ per corporales motus in illo opere fiunt, Deus operetur,



peretur, mouens primitus inuisibilia ministrorum, siue animas hominum, siue occultorum spirituum, sibi subditas seruitutes. Et lib. 20. contra Faustum c. 13. Noster panis & calix (inquit) certa conlecratione mysticus fit nobis, non nascitur. Et in lib. Sen. Profferi, & citatur De cons. dist. 2. c. Nos autem in specie panis & uini, quam uidemus, res inuisibiles, id est, carnem & sanguinem honoramus, nec similiter comprehendimus has duas species, quemadmodum ante cōsecrationem comprehendebamus, quum fideliter fateamur, ante consecrationem panem esse & uinum quod natura formauit, post consecrationem uerò carnem Christi & sanguinem, quod benedictio consecrauit. Basilus Magnus in Liturgia sua, precatur in hæc uerba: Fac panem hunc, ipsum preciosum corpus Domini & seruatoris nostri Iesu Christi, hunc calicem, ipsum preciosum sanguinem Domini Dei & seruatoris nostri Iesu Christi mutans spiritu tuo sancto. hæc ille. Qui non aliam proculdubio mutationē fieri orat, quā substantiæ panis & uini, in corpus & sanguinem Domini.

Cyrillus lib. 4. in Ioannem c. 13. disputans contra Iudeos litigantes & dicentes: Quomodo potest hic nobis dare carnem suam ad manducandum scribit in hæc uerba. Si tu o Iudæe, quomodo etiam nunc clamas, hanc tuam imperitiam ego quoque sequutus

# INTERROG. VEL. PROP.

*sequutus libenter, quomodo ex Aegypto exiui-  
sti, rogabo, quomodo in serpētem Mosaica fuit  
uirga conuersa? quomodo lepra manus affecta,  
uno momento temporis in pristinum statum re-  
stituta iterum fuit? quomodo in naturam sangui-  
nis aquæ transierunt? quomodo patres tui per  
media maria ut per aridam effugerunt? quomo-  
do per lignum amaritudo aquarum in dulcedi-  
nem recidit? quomodo è lapide fontes aquarum  
fluebant? quomodo stetit Iordanis? quomodo so-  
lo clamore inexpugnabilis Hiericho cecidit? In-  
numerabilia sunt, in quib⁹, si quomodo quæris,  
uniuersam euertere tibi scripturā necesse erit,  
Prophetarum doctrinam, & ipsius Moysi scri-  
pta contemnere. Quare credidisse Christo po-  
tius uos oportuit, & si quid arduum uidebatur,  
ab eo humiliter petere, quàm ueluti temulentos  
exclamare. Quomodo potest hic nobis suam car-  
nem dare.*

*Euthimius in Orthodoxæ fidei dogmatia  
ca panoplia, parte secunda, titulo 21. recen-  
set de transmutatione Dominici corporis & san-  
guinis Gregorij Nisseni sententiā in hæc uerba.  
Rectè nunc Dei verbo sanctificatum panē,  
in Dei uerbi corpus, credimus immutari.  
Etenim corpus illud, panis erat potentia, sancti-  
ficatum est autē habitatione uerbi, quod in car-  
ne habitauit. Itaq; qua ex causa panis in eo cor-  
pore*

pore mutatus, in diuinam uirtutem trāsiit, eadē de causa, nunc etiam idem fit. Vt enim illic uerbi Dei gratia sanctum effecit illud corpus, cuius firmamentum ex panē cōstabat, & ipsum etiam quodammodo panis erat, sic etiam hic panis ( ut ait Apostolus ) per uerbum Dei & orationem sanctificatur, non quia comeditur, cōprogre- diens, ut uerbi corpus euadat, sed statim per uerbum in corpus mutatur, ut dictum est, à verbo, quoniam hoc est corpus meum. Cete- rum cū omnis caro etiam per humidum nutria- tur, neq; enim sine humidi coniunctione, quod in nobis humidum est, in uita potest permanere, quemadmodum per solidum firmumq; cibū, cor- poris soliditatem confirmamus, sic etiam humi- dum ex natura simili adaugemus, quæ cū in no- bis est, à facultate alteratiua sanguis efficitur, præsertim si per uinum eam accipiat uim, ut in calidū conuertatur. Quare cū diuina illa caro, partem etiā hāc ad se sustentandā acceperit, De- us autem, qui nobis se patefecit, idcirco naturæ mortali seipsum coniunxerit, ut eam coniun- ctione sua diuinam redderet, ideo cunctis cre- dentibus gratiæ dispensatione seipsum im- pertit per carnem, quæ ex uino & panē cō- stituitur, fideliumq; corporibus coniungi- tur, ut ea coniunctione cū in mortali, ho- mo etiā immortalitatis particeps fiat. Hæc

Bb autem

## INTERROG. VEL. PROP.

autem tribuit uirrite benedictionis, in illud, rerum, quæ videntur, naturam mutas. *hactenus ille.*

**Euthimius.** Idem Euthimius in Matthæi cap. 64. postquam interpretatus fuisset, quare hoc mysterium dicatur participatio & communio, statim subintulit dicens. Et sicut non aliud corpus & sanguis fiunt, à corpore & sanguine eius qui participat, ita rursus neq; aliud corpus & sanguinem dicimus, à corpore & sanguine domini. Hoc est enim corpus meum inquit. Et rursus. *hic est sanguis meus.* Est autem supernaturale uerbum. Et quamuis magnus Basilius, exemplaria hæc esse dixit, hoc tamen est priusquam sanctificentur, & gratiam accipiant. Vide autem, quomodo è naturalibus, supernaturalia fiant. Naturalis siquidem cibus est ac potus panis ac vini, quæ proponuntur, supernaturalis verò, efficax horum operatio. Et iterum, Sicut (inquit) uetus testamentum hostias & sanguinem habebat, ita sanè & nouum corpus, uidelicet, & sanguinem domini. Non dixit autem, hæc sunt signa corporis & sanguinis mei, sed hæc sunt corpus meum & sanguis meus. Oportet ergo non ad naturam eorum, quæ proponuntur aspicere, sed ad virtutem eorum. Quem admodum enim supernaturaliter assum-

**Basilius.**

ptam

ptam carnem deificauit (si ita loquili-  
ceat) ita ut hæc ineffabiliter transmutat, in  
ipsum viuificum corpus suum, & in ipsum  
pretiosum sanguinem suum, & in grati-  
am ipsorum. Gregorius. Bonus pastor (in-  
quit) animam suam pro ouibus suis posuit, ut in  
sacramēto nostro, corp<sup>9</sup> suum & sanguinem  
verteret, & oues quas redemerat, carnis suæ ali-  
mento satiaret,

Ioannes Damascenus lib. 4. Orthodoxæ fidei Damasco-  
capite. decimo quarto. Natiuitas (inquit) per a-<sup>nus.</sup>  
quam nobis & spiritum donata est, per sanctum  
dico baptisma. Cibus uerò ipse panis uitæ, domi-  
nus noster Iesus Christus, qui ex cælo descen-  
dit. Nam suscepturus uoluntariam pro nobis  
mortem, in nocte, in qua seipsum obtulit, te-  
stamentum nouum deposuit, sanctis discipulis  
& apostol<sup>is</sup>, & per ipsos omnibus alijs in i-  
psam credentibus. In cenaculo igitur sanctæ <sup>Matt. 26.</sup>  
& gloriose Sion, antiquum pascha cum di-  
scipulis manducans, & implens antiquum te-  
stamentum, lauauit discipulorum pedes, signum  
sancti baptismatis præbens. Deinde frangens pa-  
nem dedit illis dicēs. Accipite, comedite, hoc est <sup>Ioan. 13.</sup>  
corp<sup>9</sup> meū, quod pro uobis frāgetur in remissio-  
nem peccatorum. Similiter accipiēs calicem  
ex uino & aqua, tradidit illis dicens. Bibite  
ex hoc oēs. hic meus est sanguis noui testamenti,

Cc 2 qui

# INTERROG. VEL. PROP.

Qui pro uobis effundetur in remissionem peccatorum. Hoc facite in meam commemorationem.

1. Cor. 11. Quotiescunq; enim manducabitis panem hunc, & calicem hunc bibetis, mortem filij hominis annuntiatis, & resurrectionem eius confitemini donec ueniat. Si igitur uerbum Dei uiuens est &

Heb. 4. efficax, & omnia quaecunq; uoluit Dominus fecit, si dixit, fiat lux, & facta est lux, fiat firmamentum, & factum est, si uerbo Dei coeli firmati sunt, & spiritu oris eius omnis uirtus eorum, si coelum & terra, aqua, ignis, & aer, & omnis ornatus eorum, uerbo Domini perfecta sunt, & homo ipse ubiq; diuulgatum animal, si uolens ipse Deus uerbum, factus est homo, & ex sanctae uirginis purissimis & illibatissimis sanguinibus, in seipso sine semine carnem sustentauit, non potest panem sui ipsius corpus facere, & uinum & aquam sanguinem? Dixit in principio, producat terra herbam uirentem, & usque nunc pluuia facta producit germina, diuino coaduita & vigorata praecepto. Dixit Deus. Hoc est corpus meum, & hic meus est sanguis, & hoc facite in meam commemorationem, & omnipotenti eius praecepto, donec ueniat, efficitur. Sic enim dixit, Donec ueniat. Et fit pluuia nouae huic agriculturae, per inuocationem spiritus sancti obumbrans uirtus. Nam quemadmodum omnia quaecunq;

Psal. 134. Gen. 1. Psal. 32.

Gen. 1.

Matt. 26.

cunq;

cunq; fecit Deus, Spiritu sancto operante fecit, sic & nunc Spiritus sancti operatione hæc super naturam operatur, quæ non potest capere nisi sola fides. Quomodo fiet mihi istud, dicit Sancta Virgo, quoniam uirum non cognosco? Respon-

det Gabriel Archægelus. Spiritus sanctus superueniet in te, & obumbrabit tibi. Et nūc interrogas, quomodo panis fit corpus Christi, & uinum & aqua sanguis Christi? Respondeo tibi & ego. Spiritus sanctus obumbrat, & hæc operatur super sermonē & intelligentiam, panis autem & uinū transsumuntur. Nouit enim Deus humanam infirmitatem, quòd complura usu non trita, auersatur, molestè ferens. Assueto igitur condescensu usus, per consuetam naturæ ea facit, quæ sunt super naturam. Et quemadmodum in baptismo, quia consuetudo hominibus est aqua lauare, & oleo ungi, coniunxit oleo & aquæ gratiam Spiritus sancti, & fecit illud lauachrum regenerationis. Hunc in modū, quia mos hominibus est, panem manducare, & uinum & aquam bibere) coniunxit his ipsis suam diuinitatem, & fecit hæc suum corpus & sanguinem, ut per assuetam, & quæ secundum naturam, in ijs quæ sunt super naturam collocemur. Corpus enim secundum ueritatem coniunctum est diuinitati, quod ex sancta Virgine corpus est, non quod i-

Luc. 1.



## INTERROG. VEL. PROP.

ipsum corpus assumptum ex cælo descen-  
 derit, sed quodd ipse panis & vinum, trans-  
 mutatur in corpus & sanguinem Dei.  
*Si autem modum requiris, quoniam pacto fit,*  
*sat tibi sit audire, quoniam per spiritum sanctum,*  
*quemadmodum ex sancta deipara, seipso & in*  
*ipso, dominus carnem sustentauit. Et nihil am-*  
*plius cognoscimus, quā quod uerbum Dei uerū*  
*fit, & efficax & omnipotens, modus autē inscru-*  
*tabilis. Neq; & hoc etiā dictu promptū, quomo-*  
*do naturaliter per cōmestione panis, & uinum*  
*& aqua per potionē, in corpus & sanguinē cō-*  
*medentis & bibētis trāsmutatur, et non fit aliud*  
*corpus præter id, quod prius erat ipsius. Sic &*  
*propositionis panis. uinumq; & aqua, per*  
*inuocationem & aduentum spiritus sancti*  
*supernaturaliter transmutatur, in corpus*  
*& sanguinē Christi, & nō sunt duo, sed v-*  
*nū & idē. Haftenus ille, qui etiā ut tropicā ex-*  
 cluderet intelligentiam, ibidem sic inquit Non  
 est figura panis & uinum corporis & sangui-  
 nis Christi (absit enim hoc) sed est ipsum corpus  
 domini deificatum, ipso domino dicente, hoc est  
 meum, non figura corporis, sed corpus, & non  
 figura sanguinis, sed sanguis. Et ante hoc ipsis  
 Iudæis, quoniam nisi manducaueritis carnē filij  
 hominis, & biberitis eius sanguinem, non habe-  
 bitis uitam eternam. Caro mea uerè est cibus, et  
 sanguis

Ioan. 6. 52

sanguis meus uerè est potus . Et rursus . Qui manducat me, uiuet. Et post aliquanta . Exemplaria futurorum dicuntur, non ut non existentia uerè corpus & sanguis Christi, sed quoniam nunc quidem per ipsa participamus Christi diuinitate, tunc autè intellectualiter, p solā uisionē. Theophylactus in 26. cap. Matthæi scribit in hæc uerba. Porro dicens, hoc est corpus meū, ostendit quòd ipsum corpus Domini est panis, q sanctificatur altario, & non respondens figura. Nō enim dixit, hoc est figura, sed hoc est corpus meum. Ineffabilij enim operatione transformatur, etiam si nobis videatur panis, quoniam infirmi sumus, & abhorremus crudas carnes comedere, maxime hominis carnem, & ideò panis quidem apparet, sed caro est. Et in 14. cap. Marci, ait. Quū benedixisset, hoc est, gratias egisset, fregit panem, id quod etiam nos facimus preces adiungendo, hoc est corpus meum, hoc inquam quod sumitis non enim figura tātum & exemplar quoddam Dominici corporis panis est, sed in illū conuertitur corpus Christi. Domin⁹ enim dicit. Panis quē ego dabo, caro mea est, nō dixit figura carnis meæ, sed caro mea est. Et iterū: Nisi ederitis carnem meam . Et in 6. cap. Ioan. circa illa uerba. Ego sum panis ille uitæ, &c. inag. Attēde aut, quod panis q à nobis in mysterijs

Theophyl.  
lactus.

# INTERROG. VEL. PROP.

manducatur, non est tantum figuratio quedam  
 carnis Domini, sed ipsa caro Domini. Non enim  
 dixit, panis quem ego dabo, figura est carnis,  
 sed caro mea est. Transformatur enim ar-  
 canis uerbis, panis ille per mysticam be-  
 nedictionem, & accessionem sancti spiri-  
 tus, in carnem Domini. Et ne quem contur-  
 bet, quod credendus sit panis caro, Etenim & in  
 carne ambulante Domino, & ex pane alimonia  
 admittente, panis ille qui manducabatur, in cor-  
 pus eius mutabatur, & similis fiebat sanctæ eius  
 carni, & in augmentum & sustentationem con-  
 ferebat, iuxta humanum more. Igitur & nunc pa-  
 nis, in carnem Dñi mutatur. Et quomodo (inquit)  
 non apparet nobis caro, sed panis? ut non abhor-  
 reamus ab eius esu. Nam si quidem caro apparu-  
 isset, insuauiter affecti essemus erga communio-  
 nem. Nunc autem condescendente Dño, nostræ infir-  
 mitati, talis apparet nobis mysticus cibus, qua-  
 libet alioqui assueti sumus. Et iterum in 14.  
 capite Marci post uerba paulò antè citata. Et  
 quomodo (inquit) caro non uidetur? O ho-  
 mo, propter nostram infirmitatem istud fit.  
 Quia enim panis quidem & uinum, ex his sunt  
 quibus assueuimus, ea non abhorremus, sangui-  
 nem uerò propositum & carnem uidentes, non  
 ferremus, sed abhorreremus, idcirco misericors  
 Deus, nostræ infirmitati cōdescendēs, specie quæ  
 panis

panis & uini seruat, in uirtutem autem carnis  
& sanguinis transelementat Et in 11. cap. prio-  
ris epistola ad Corinth. tam manifestis uerbis  
præsentiam Christi confitetur, ut illam solam  
sufficere putet, ad deterrendos homines, ne tan-  
to mysterio aliquid indignum admittant, dicens  
Non diiudicans corpus domini, hoc est, nil pri-  
us disquirens, uel internoscens præsentis myste-  
rii magnitudinem. Nam si certiores essemus, qui  
suam, & quantus sit ille, qui nobis in conspectu  
adiacet, nulla ferme rei alterius ope indigerem?  
Sed solus ille & continentiam nobis, & uigilan-  
tiam comparet.

Bernardus in sermone quodam de cœna domi-  
ni, qui incipit. Panem angelorum, &c. Hostia Bernardus.  
(inquit) quam uides, iam non est panis, sed  
caro mea, quæ pependit in cruce pro mû-  
di uita. Sanè mutatio ista benedictiōis o-  
pus est, non originis. Virtus hoc facit, nō  
usus, effectus est potentiæ nō usus naturæ  
dignatio est, non ratio, misericordia est, non  
miseria, non commune, sed solū, diuinum est.  
non humanum, pietatis sacramentum, non dei-  
tatis detrimentum: hic pereat physcale nutri-  
mentum. Cibus iste non est uentris, sed mentis.  
Non est enim datus ad ruinas huius uitæ, quæ ua-  
por est ad modicum parens, sed ad æternam ui-  
tam animæ conferendam. Iste est panis angelorū,

# INTERROG. VEL. PROP.

Ioan. 6.

qui nescit putrescere, non uadit in secessum, sed tendit in excelsum. Illuc reducit hominem, unde traxit imaginem. Caro autē mea, uerē est cibus. Similiter liquor iste quē uides, iā non est uinum, sed sanguis meus, quē pro te effudi in pretiū, &c. Sanguis autē meus uerē est potus. Mira sunt fratres, quæ de Sacramēto isto dicūtur. Fides est necessaria, scientia rationis supuacua. Scientia, ratione & intellectu colligitur, fides sola autoritate inducitur. Augustinus contra Felicianū. Hoc

August.

fides credat, intelligentia non requirat, ne aut non inuentum, putet incredibile, aut repertum, non credat singulare. Hæc sunt fratres, quæ fidē necessariō exigunt, rationem omnino non admittunt. Expetunt simplicem creditorem, arguunt impium discussorem. Et ideo credi oportet simpliciter, quod inuestigari nō potest utiliter. Hic est ille torrens, quem transuadare nō potuit Heliseus. Nolite, nolite itaq; quærere, quomodo fiat, nolite dubitare utrū fiat. Nolite irreuerenter accedere, ne uobis ad mortem fiat. Deus enim est. Et quanq̃ panis mysteria habeat, mutatur tamē in carnem. Deus & homo est qui testatur, panē veraciter fieri carnē suā. Vas electionis est, qui minatur iudicium, non dijudicanti tam sanctam carnem. Idipsum ô Christiane de uino sentias, id honores in uino. Creator vini est, & qui vinum prouehit in sanguinem

nam Christi. Doctor gentiū est, cuius assertio-  
 ne mortem bibit, bibens indignè sanguinē Chri-  
 sti. Et iterum. Odor, species, sapor, pondus, re-  
 manēt, ad ministerij ritū, et ad gustus suffragiū,  
 ut horror penitus tollatur, & meritū sortiatur,  
 Etenim ne humana infirmitas, esum carnis & po-  
 tū sanguinis, in sumptione horreret, Christus ue-  
 lari & palliari illa duo uoluit, speciebus panis &  
 uini, quæ inter humani generis uictualia, quodā  
 modò tenent principatum. Nam ad literam qui-  
 dem, præ cibus omnibus, cor hominis confirmat  
 panis, & uinum letificat. Sic itaque corpus  
 & sanguinem suum sumenda proposuit, ut sen-  
 sus in uno foueretur, in altero fides ædificaretur.  
 Fouetur enim sensus in uno, dum solita tātū et  
 consueta prospicit, ædificatur fides in altero, dū  
 oculo carnis uidente, aliud exterius, oculis cor-  
 dis aliud sentit & reueretur interius. Aliud e-  
 nim latet, aliud patet. Posuit enim tenebras la-  
 tibulum suum. Quemadmodum enim spe- Psal. 17.  
 cies illic videntur, quorum res vel substan-  
 tiæ, ibi esse non creduntur, sic res veraciter  
 & substantia liter creditur, cuius species nō  
 cernitur. Videtur enim species panis & vi-  
 ni, & substantia panis & vini non credi-  
 tur. Creditur autem substantia corporis  
 & sanguinis Christi, & tamen species  
 non cernitur proponitur igitur species panis

## INTERROG. VEL. PROP.

Et uini, ut doceatur plena et perfecta esse refectio in sumptione corporis et sanguinis Christi, plena refectio cibi et potus. Cibi autem et potus substantiæ principales, sunt panis et uinum, &c.

- Rupertus.** Rupertus abbas Tuitiensis in 26. cap. Matthei de gloria et honore filij hominis, lib. 10. Magna (inquit) in isto sacramento tentatio Dei est, tentatio querens fidem, ad euacuandam perfidiam, quam tentatio diaboli in primis hominibus inuenit, quibus uetitum comedere persuasit. Est autem fides (ait Apostolus) sperandarum substantia rerum, argumentum non apparentium. Oportebat ergo non apparere res, ut locum haberet substantia hæc, res inquam id est, carnem et sanguinem non apparere oportebat, non solum ne sensus nostros comedentium atque bibentium naturali offensione offenderent, quibus humana carnem manducare uel dentibus terere, sanguinemque humanum bibere, neque piū, neque naturæ amicum est, uerum etiam ut locum haberet, hæc sperandarum substantia rerum, hoc argumentum rerum non apparentium, scilicet fides, in qua testimonium (ait idem Apostolus) consecuti sunt senes. Denique si omnes respicias senes, id est, antiquos Patres, quibus testimonium sancta perhibet scriptura, quod fuerint fideles, quosque Apostolus ibidem enumerat, sententiam hanc ue-



ram interserens. Sine autem (ait) fide impossibile est placere Deo, omnium illorum fidem probatam inuenis, circa res illas quæ nō apparebāt, quas ipsi non iam uidere, sed tantum sperare poterant, quarum etiam aliquæ, non solum non apparebant, sed & supra naturam erant. In hoc itaq; sacramento, cum sit opus magnæ atq; ineffabilis misericordiæ miro nihilominus iudicio, miranda tentamur ueritate, ut manifesti fiant hi quorum est fides, quibus salua iudicij rectitudine, misericordia, condonare debeat morsus illos ligni uetiti, quos momordit mulier & dedit uiro suo, mala in Deum suspitione, peruersa & nimia circa serpentem credulitate. Nōne creditum ibi fuit, quod non apparebat, quod non uidebatur? Nunquid oculis uidebant in illo fructu ligni, uirtutem tantæ rei effectiuam, quam serpens promisit dicens. Eritis sicut dii? Et quidem nec illa mors apparebat, aut uideri poterat oculis, quàm interminatus fuerat Deus, dicens. In quocūque die comederis ex eo, morte morieris, sed credere oportuisset Deo creatori, fideli in oībus quæcūq; dixit, creditū aut fuit, nō creatori, sed serpenti, nō Deo, sed diabolo. Totū illud sacrilegiū p istud emēdatur sacramentū, in illis q credūt, & credētes p̄cipiūt, in fide humiles, et in humilitate fideles, ac proinde illis parentibus longè dissimiles, cum illi promissum illud

Gen. 3.

# INTERROG. VEL. PROP.

Ioan 11.

Ioan 6.

Psal 77

Hæretici

circa hoc

Sacramen

tum in le

ge præfi

gurati.

illud audierint in pretium præuaricationis. Eritis sicut dii, superbi & malè creduli, ac proinde malè creduli, quia superbi. Isti autem uocem humilitatis audiunt in mysterio sue annunciatione mortis eius. Vos amici mei estis, manente in me, & ego in uobis. Quânto enim suauior est hæc uox. Qui manducat carnem meam, & bibit sanguinem meum in me manet, & ego in illo, aut illectione dilectione illa, quam serpens susurrauit. Comedite & eritis sicut dii? qui uerq; de suo nõ dabat, sed rapinã facere suadebat, hic autem non quaecunq; suũ, sed suam carnem, & suum sanguinem dat. In illis qui non credunt, & non credentes, ore tamen Sacramentum percipiunt, cibo & potus iste operatur iudicium, quia tentati reprobi inuenti sunt, eo ipso quod sine fide sunt, & malè tentant Deum. De illis hæreticis in illo Psalmo parabolarum, qui sic incipit. Attendite popule meus legem meam, inclinate aurem uestram, in uerba oris mei, aperiam in parabolis os meum, ita dictum est. Adhuc escæ eorum erant in ore ipsorum, & ira Dei ascendit super eos, & occidit pingues eorum, & electos Israel impediuit. Eorum namq; peccatũ est in eo, quod dicunt tentantes Deum. Quoniã percussit petram, & fluxerunt aquæ, & torrentes mundauerunt. Nunquid & panem poterit dare, aut parare mensam populo suo? Est enim

enim hic sensus. Nunquid quia potuit Deus facere, ut patefacto crucifixi Iesu Christi latere, quod fuit percuti Petram, flueret aqua cū sanguine, & implerentur scripturæ, & intelligibiles fierent, sufficerentq; mētibus nostris ad bibendum, in modum torrentiū inunstantium, nūquid (inquā) quia potuit illud facere, poterit etiam panem confectum manibus hominū, conuertere in corpus, & vinum de palmitibus istis in sanguinem suum? Alioquin nisi mysterium attendas, sensus secundum literā non constat, quoniam percussit Petram & fluxerunt aquæ, nunc & panem poterit dare, quia uidelicet, panis iste, id est, manna secundum historiam prius datum est, quā percussa petra fluerent aquæ. Idem quoq; lib. 6. Ioannes. Quod si cuiquam (inquit) impossibile apud Deum esse uidetur, scilicet, ut panis, qui hoc anno creuit ē terra, corpus Christi fiat, & quod uinum, presentibus expressum acinis, uertatur in sanguinē Domini, cōsequitur, ut aquam quam paulò antē de Rheno ac Tyberi, uel quolibet fonte hausit, crucis & passionis Christi Sacramēto signatam, non credat illam esse, quæ de latere eius lanceato cum sanguine fusa cucurrit, ad hoc, ut per baptismum suum lauaret nos à peccatis nostris, ut cum hoc quoq; negauerit, sit ex toto corde Ethnicus & Publicanus, sit homo Hæreticus, post

primam

# INTERROG. VEL. PROP.

Tit 3.

Aqua vi-  
nū & ian-  
guis, acci-  
denticus  
differunt,  
nō substa-  
tia.

primam & secundam admonitionem, à cunctis  
deuitandus. Sed illud cur non credat cum omnis  
aqua, siue maris, siue fluminum, aut fontium, ci-  
sternarum, aut paludum, omnis inquam aqua  
undecunq; sumpta uel producta secundum sub-  
stantiam sit una? Cum igitur undecunq; sumpta  
sit, crucifixi domini sacramento admodum fuerit,  
rationi fidelium nulla dubietas subest, quin ipsa  
eadem sit, quā dominus noster de latere suo pro-  
fudit. Quid autem secundum substantiam nisi a-  
qua est? Aqua nempe à radicibus imbibita, per  
uites ascendit, & calore solis paulatim uegetata  
uinum fit. Item cum ex quatuor elementis homo  
compositus sit, sanguis utiq; in illo ex aquæ sub-  
stantia est. Itaq; uinum & sanguis, ex eadē sub-  
stantia sunt humoris, & neutri horū ignis quo-  
que deest elementum. Nam & sanguis calidus, et  
uinum feruidum est. Solummodò colore & sapo-  
re differunt, quæ profectò cum accidentia sint,  
nullius in diuinis artibus momenti sunt Substan-  
tiae quippe, non accidētia, computantur &  
numero creaturarum. Cum igitur uino uerbum  
crucis & passionis Christi accedit, quæ ratio ue-  
tat, ut non idem sanguis, qui pro multis in remis-  
sionem peccatorum fusus est, debeat credi? An-  
quia non colorem saporem assumit sanguinis,  
quemadmodum quando corrumpitur in intesti-  
nis corruptibilis hominis, et sanguis horrid⁹ ui-  
sui

sui quoq; sit? Nempe incorruptibile uerbum, iamq; incorruptibilis & immortalis Christus, sic uinum suum sanguinem effecit, ut rei uisu & gustu blandè nihil inferat corruptionis. Nihilominus substantia panis quatuor elementis confecta, multò magis cognata est uerè humano corpori Christi, quàm fuerit manna, quod in aëre iussu Dei cōcretum, supra castra Israel pariter cum rore descendebat. Frumentum de terra natum est, & blandis fauoribus aëris aspiratum permaturuit, non sine aqua, pluuiis, & calore solis, sed ut hoc taceā, rursus ut fieret panis, aqua commixtum & igne decoctum est, & ita substantia panis peracta est. Cùm ergo panis ille uiuus, qui de cœlo descendit, quem pater signauit, cùm (inquam) eodem signo, quod ipse est, signat hūc panem, qui (ut omnes nouimus) nuper creuit in terra, & signanter dicit. Hoc est corpus meum, & addit, quod pro uobis tradetur, & tu dicis, non est idem corpus? Nempe si non est idem corpus, si non est idem qui de cœlo descendit panis uiuus, non est hoc corpus, quod pro uobis tradetur. Sed iamdudum liquet omnibus, in quo sensus tu<sup>9</sup> hæreat carnalis, totusq; animalis, ideoq; non percipiens ea quæ sunt Dei, uidelicet quia nec panis, nec uinum, aliquid de exteriori specie mutauit, idcirco sapere non potes, nec uis, quòd uerè factum sit corpus et sanguis

Ephe. 6.

## INTERROG. VEL. PROP.

Domini . Consequitur ergo , ut cū albus Episcopus te fore maurum hominem baptizauerit, non credas te ipsum apud Deum factū esse, quod est is qui te baptizauit, scilicet, quod de filio diaboli, factus sis filius Dei, de filio mortis, filius uitæ, de filio iræ, filius gratiæ sempiternæ, pro eo quod capillus tuus niger non restoruit, facies tua totiusque corporis cutis Aethiopica, secundum colorem eius qui te baptizauit, non retinuit. Quod si concedere perhorrescis, ne infideli deterior sis, & mauis confiteri, quod quāuis de exteriori specie nihil mutaueris, uerē de alio corpore diaboli, quod est omnis massa peccatorum, in aliud corpus Christi, quod est Ecclesia transferis, crede & hoc, quia panis uisibilis & uinum, quibus ex rebus temporaliter uiuis, quāuis nihil de exteriori specie mutatum sit, in alium transferint, & in illum cibum potumque conuersa sint, qui angelorum victus est, quo pascuntur immortaliter, quia uidelicet, tam in hoc, quā in illo Sacramento, uerba quæ loquitur nobis Dominus spiritus & uita sunt, id est, non carnaliter, sed spiritualiter, non secundum crassitudinem carnis, sed secundum mentis nostræ spiritum, renouationem & resurrectionem totam perficiunt. Et iterum. Quod si quis à nobis quærat (inquit) quō panis quod hoc anno de terra creatur, corpus Christi sit, quod

quod in cruce pependit, & uinum quod præsenti-  
 bus expressum est acinis, ille sanguis ei⁹ sit, quē  
 de latere suo fudit? Interrogemus eum quomodo  
 filius hominis, qui utiq; de fœmina conceptus, et  
 de terra natus est, de cœlo descenderit, uel quo-  
 modo anteq̃ in cœlum ascenderet, iam in cœlo  
 esse potuerit, iuxta ueritatem ipsius dicentis. Et  
 nemo ascendit in cœlum, nisi qui descendit de cœlo, Ioan. 3.  
 filius hominis qui est in cœlo. Hoc profectò si  
 quid sapit respōdere poterit, quòd propter uni-  
 tatem personæ Dei & hominis Christi, illud re-  
 ctiſſimè dictum sit, quia uidelicet, unus est Chri-  
 stus, filius hominis cum filio Dei, qui de cœlo de-  
 scendit, quiq; cū esset in terra, nihilominus &  
 in cœlo & ubiq; erat, quippe quem locus nullus  
 concludit, quia incircumscrip̃ta est natura diui-  
 nitatis. Ergo uerbis paululū demutatis dica-  
 mus ei. Nemo te subleuat in cœlum, nisi hic panis  
 qui descendit de cœlo, hoc corpus Domini, quod  
 pependit in ligno, & hic sanguis eius qui effusus  
 est pro omni mundo. Nempe si priorem sen-  
 tentiam uidet, de ista non uideo quid dubitet.  
 Vnitas enim uerbi, unum efficit corpus Chri-  
 sti, ut illud quod tunc in cruce pepēdit, & i-  
 stud quod nunc Ecclesiæ fides, ore sacro confi-  
 cit, unum corpus sit, una inquam caro, &  
 unus sanguis sit. Hactenus ille. Innocentius ter-  
 tio lib. quarto myst. missæ capite 20. Sicut in-



## INTERROG. VEL. PROP.

effabilis est illa unio, qua deus factus est homo, sic ineffabilis est illa conuersio, qua panis fit caro. Non tamen ita panis dicendus est incarnari, quia panis fit caro, sicut uerbum dicitur incarnatum, quia uerbum factum est caro. Nam uerbum manens quod erat, ita factum est caro, quod carnem assumpsit, non transiuit in carnem. Sed panis desinens esse quod erat, ita fit caro, quod transit in carnem, non assumit carnem.

Venerabilis Beda. Non solum (inquit) lauit nos à peccatis nostris in sanguine suo, quando sanguinem suum dedit in cruce pro nobis, uel quando unusquisque nostrum mysterio sacrosanctæ passionis illius, baptismo aquæ ablutus est, uerum etiam quotidie tollit peccata mundi, lauatque nos à peccatis nostris quotidie in sanguine suo, cum eiusdem beatæ passionis ad altare memoria replicatur, cum panis & uini creatura, in Sacramentum carnis, & sanguinis eius, ineffabili spiritus sanctificatione transfertur, sicque corpus & sanguis eius, non infidelium manibus, ad perniciem ipsorum funditur & occiditur, sed fidelium ore, suam sumitur in salutem. Cuius rectè figuram, agnus in lege paschalis ostendit, qui semel populum de Aegypto seruitute liberans, per omnes annos immolatione sua, populum eundem sanctificare solebat, donec ueniret ipse, cui talis hostia testimonium dabat,  
abla-

ablatusq; patri pro nobis in hostiā, odorēq; suauitatis, mysterium suæ passionis ablato agno, in creaturam panis uinumq; trāsferēbat sanctus in æternum secundum ordinem Melchisedech. Hugo de S. Victore in lib. de Sacramētis. Iā (inquit) quū unum sit sacramentum, tria ibi discreta proponuntur, species uidelicet uisibilis, & ueritas corporis, & uirtus gratiæ spiritualis. Et iterum. Quod enim uidemus, species est panis & uini, quod autem sub specie illa credimus, uerum corpus Christi est, & uerus sanguis Iesu Christi, quod pepēdit in cruce, & qui fluxit de latere. Et iterum. Verbo sanctificationis, uera panis, & uera uini substantia, in uerū corpus & sanguinem Christi conuertitur, sola specie panis & uini remanente, & substantia, in substantiam transeunte. Petrus Damiani in lib. de institut. ecclesiastica ita scribit. Quia corpus domini, quod in sacris altaribus, per sancti sacerdotis dedicatur officium, concepta sancti spiritus uirtute, uiuificatur & sanctificatur, ut nos uiuificare valeat & sanctificare, sicut in ipsis uenerandis missarum decretis dicitur, Per quem hæc omnia domine semper bona creas, sanctificas, benedixis. Neque enim aliter uiuificari posse creditur, nisi per spiritum sanctum, cum testante ueritate sancti spiritus, sit uirtute uiuificatum & sanctifica-

Hugo de  
S. Victore.

## INTERROG. VEL. PROP.

tum, atque ( ut confidenter loquar ) eiusdem diuini spiritus gratia ueraciter plenum. Lanfrancus Archiepiscopus Cantuariensis, uir & pietate & eruditione insignis, Lanfrancus exponens fidem Catholicae Ecclesiae de Sacramento Eucharistiae, ita scribit: Quae, uidelicet Ecclesia credit, terrenas illas substantias, quae in mensa dominica per sacerdotale ministerium diuinitus sanctificantur, ineffabiliter, incomprehensibiliter, & mirabiliter operante superna potentia, conuerti in essentiam dominici corporis & sanguinis, reseruatis ipsarum rerum speciebus & qualitatibus, ne uidelicet in proprio illo suo modo ac genere percipientes Christi fideles, cruda & cruenta horrescerent, & ut credentes fidei praemia ampliora perciperent, ipso nihilominus Dominico corpore permanente in coelestibus ad dexteram patris, inuiolato, integro, incontaminato, illeso, nempe impassibili & immortali, ut uere utrumque dici possit, & ipsum corpus quod de uirgine sumptum est, atque ipsum sanguinem, qui in ara crucis pro nobis effusus est, sub speciebus panis & uini nos sumere, & quodammodo non ipsum, ipsum quidem quantum ad uerae utriusque naturae essentiam, proprietatem & uirtutem, non ipsum autem, sed modum illum ineffabilem spectes, quo sub alienis specie-

speciebus mirabiliter, & in compræhensibiliter latitat. Hanc fidem, tenuit à priscis temporibus, et nūc tenet Ecclesia, quæ per totum orbem diffusa, Catholica nominatur.

Habentes igitur tantam nubem testiū, ipsam panis & uini mutationem uel conuersionem, in uerum & uiuificum Christi corpus & sanguinem affirmatiū, comprobatiū, & unanimiter asserentiū, hanc fidem Catholicā esse credamus, sequentes in hoc consiliū Vincentij Lirinensis, q̄ in lib. quem scripsit aduersus prophanas omniū Hereseō nouationes, docet nos curare debere, ut paucorū temeritati uel inscitie, si qua sunt uniuerſaliter uniuerſalis Cōcilij decreta præponamus. Sed etiā si nihilominus esset in œcumenicis Cōcilijs super hac re definitum, tunc prædictus Vincentius uult ut conſeramus inter se, & conſulamus interrogemusq; sententias duntaxat eorum, qui diuersis licet temporibus & locis, in unius tamen Ecclesiæ communionem & fide permanentes, magistri probabiles extiterūt, & q̄cquid non un⁹ aut duo tantū, sed oēs pariter, uno eodemq; consensu, aperte, frequenter, perseueranter, tenuisse, scripsisse, docuisse, cognouerimus, id nobis quoq; intelligamus, absq; ulla dubitatione credendum. Cū itaq; tam multi patres, qui iam nominatis Concilijs interfuerunt, & omnes alij qui ante horum Cōciliorū tēpora

## INTERROG. VEL. PROP.

Et sub ipsis uixerunt, uno eodemq; consensu, a-  
 pertè, frequenter, perseverater, tenuerint, scri-  
 pserint, Et confessi fuerint hanc panis Et uini  
 transubstantiationem, proculdubio hoc nobis  
 absq; ulla dubitatione credendum est. De dura-  
 bili præsentia corporis Christi in Eucharistia:  
 post constabilitam Transubstantiationis fidem  
 Et declaratum modum præsentiæ corporis Et  
 sanguinis Christi in Eucharistia, iam demon-  
 strandum erit, post uerba consecrationis, ipsum,  
 corpus Christi ibidem reuerà manere, Et existe-  
 re deinceps sub externis saltem speciebus, etiam  
 ante sumptionem usq; ad manducationem, Et  
 non esse ibi duntaxat dum sumitur, aut dum est  
 in actione, Et idcirco rectè. Et piè reseruari  
 usq; ad manducationem, Et interim piè reserua-  
 ri in templis, deferri in processionibus, Et ad in-  
 firmos, Principio itaq; aduersarij qui uolunt  
 duntaxat sacramentum esse dum sumitur, uidè-  
 tur ignorare distinctionem huius sacramenti, ab  
 alijs sacramentis. Eucharistia enim quantum ad  
 materiæ Et formæ rationem attinet, à cæteris sa-  
 cramentis distinguitur. In cæteris enim, quoniã  
 in actione consistūt Et ipso usu, elementū ipsum  
 est materia sacramēti, uerba, forma, ubi quia for-  
 ma in prolatione uerborum transit, sacramentū  
 una cum forma, desinere nēcesse est. Eucharistia  
 autem sacramentum est permanens. Quod ut  
 rectè

Eucharis-  
 tia ab ali-  
 is sacra-  
 mētis se-  
 cernitur,  
 & in qui-  
 bus.

rectè intelligatur, duo in hoc Sacramento obseruanda sunt, primò quidē ipsa Eucharistiæ consecratio, deinde ipsa Eucharistia iam consecrata. Si ipsam Eucharistiæ consecrationem spectemus, sciendum est, ipsam non esse Sacramentū ipsum, sed Sacramentale, & habere pro forma, uerba sacra, & pro materia, panem & uinum aqua mixtum. Nam uerbis super hæc integrè prolatis, tanquam forma eius, perfecta fieri dicitur consecratio, & protinus existit Eucharistiæ Sacramentum, in usum futuræ manducationis præparatum. Quoniam autem consecratio, mirabilem mutationem substantiæ panis efficit, non potest per uirtutem mysterij permanere, sed consecratio transit. Cæterum Eucharistia iam consecrata, quia Sacramentum est permanens, habet pro forma, uisibilem speciem, & ipsum Christi corpus, materiam. Vnde uisibilibus Sacramētis corruptis, quia forma desinit, esse desinit Sacramentum. Manentibus autem Sacramētis uisibilibus uel sacramentalibus speciebus, manet etiam corpus Christi. Reliqua autem Sacramēta, in actione sola ministrantis & sumentis consistunt, & durant, & ideo expleto eorum ministerio, dicitur nihil superesse reliquū. Ideò nullæ sunt baptismi reliquiæ, nullæ pœnitentiæ, aut ordinis, aut cæterorū Sacramētorū. Eucharistia uerò, quoniam futuræ manducationi Dei omni-

## INTERROG. VEL. PROP.

potētia preparatur, adeò quidem, ut ante sumptionē cōsistat sacramētum, donec quod paratū est, fuerit totū manducatū, necesse est, aliquid superesse manducandū quod ipsum post expletā præsentiū cōmunionē, reliquiarū nomen obtinet, & seruatum, non amittit uirtutem, quū uel mox à Clericis, quod supest, cōsumi, uel in usum māducationis solebat cōseruari, ut sit quod deferatur ægrotis. Cætera uerò sacramenta non permanēt, sed habent esse duntaxat in fieri, & eorum perfectio consistit in usu & applicatione materiæ, non in consecratione materiæ, sicut sacramentum Eucharistiæ. Baptismus enim non est perfectus, quando benedicitur fons, sed quando aqua applicatur in usum, cum debita uerborum forma. Tunc enim baptismus est, quando inter abluendum corpus, uerba ipsa proferruntur. Ego te baptizo in nomine patris & filij & spiritus sancti. Prolatis autem illis uerbis prater & abluto corpore, iā sacramentum ipsum esse desiit. Sic non est confirmatio, quando consecratur chrisma, sed quādo Chrisma applicatur in usum, cum debita uerborum forma. Et idem est iudicium de reliquis sacramentis. prater Eucharistiam, quæ sola manet, uerbis iam prolatis. Est enim mox perfecta, quando uerba consecrationis super debitam materiam proferruntur à sacerdote. In alijs ergo sacramentis  
ut,



ut fiat, usus materiæ in cōfrendo sacramēto exigitur. In hoc uerò materia ante usum, cōsecratione preparatur. In alijs sacramentū & pceptio, tēpore nō distinguūtur. In hoc, sacramentū cōsecratione cōfectū integrū proponitur, & manet ad futurā pceptionē. In alijs res sacramēti, est dñi gratia, est dominus ipse doni dator, qui in ijs qui dignè suscipiunt, operatur gratiā. Sed & in hoc sacramentum Eucharistiæ differt ab alijs sacramentis. Nam in alijs sacramentis forma profertur ministri nomine. Dicit enim in baptismo minister. Ego te baptizo. In confirmatione. Ego te confirmo. In extrema unctione. Ego te linio, & c. Suo enim nomine profert hæc uerba minister. At uerò hīc ex ore Christi dicitur. Hoc est corpus meum. Non enim suis, sed Christi utitur uerbis minister, quemadmodum docet. S. Amb. lib. 4. de sacramentis capite quarto Sed quū uerba Christi efficacissima sūt, continuo efficiunt quod significant, quando à legitimo ministro super debitam materiam profertur. Significant autem ibi corpus Christi esse præsens, etiam si non adsit usus. Perfectio igitur substantiæ sacramenti Eucharistiæ, non ex usu, sed ex uirtute uerborum Christi, expendenda est. Error ergo hui⁹ nouæ opinionis inde uenit, quod hæc huius sacramēti differētia ab alijs, minime obseruata fuit. Magna ergo est temeritas  
impia

# INTERROG. VEL. PROP.

Ioan. 14.

impudentia & impietas aduersariorū, qui cōtra fidē totius Ecclesiæ, ac tot retro seculorum, audēt affirmare, in reliquis hostijs consecratis, quæ remanent post communionem in altari, & conseruantur pro infirmis, aut reponuntur ac circumferuntur, non esse amplius substantialiter corpus Domini. Nam (quemadmodum dictum est) ueritas & perfectio huius Sacramenti consistit in ipsa consecratione, siue adsit sumendi usus, siue non adsit. Quamprimum enim intentione consecrandi, proferuntur à Sacerdote consecrante uerba Eucharistiæ consecratoria, uerè & substantialiter perficitur hoc Sacramentum, et uerè & substantialiter, adsunt corpus & sanguis Christi, quia uerba illa sunt ipsius Christi, q̄ est ueritas, qui mentiri aut falsum dicere nō potest. Adsunt autē non motu locali, nec generatione, nec creatione, sed (sicut dictū) substantiali transmutatione uel transsubstantione uel conuersione, substantiæ panis, in substantiam corporis Christi, & substantiæ uini, in substantiam sanguinis Christi. Corpus enim Christi, neq; generatur, neq; creatur de nouo, nec etiam mouetur de loco cœli, ubi sedet ad dexteram patris, sed idem numero est in cœlo, & in altari, licet diuerso modo. Quippe in cœlo uisibiliter ac localiter, in altari autē inuisibiliter ac sacramentaliter. Et incipiunt ibi esse  
suba

substantialiter corpus & sanguis Christi, uirtute uerborum Christi. Cum igitur non prostrantur alia uerba, quorum uirtute ibi esse desināt, necessarium est dicere ac firmiter credere, manere ibi corpus & sanguinem Christi, quousq; manent species panis & uini, quibus uirtute uerborum Christi semel adsunt, siue usus aut sumptio adsit, siue non. Verba enim Christi non transeunt, sicut transit usus aut sumptio. Nec ab usu ac sumptione, sed à consecratione ueritatem & substantiam suam habet hoc sacramentū. Non enim ab usu, sed ab eo quod res est, oratio dicitur uera. Hæc autē oratio. Hoc est corpus meū, est oratio Christi, ergo est uera, quia est ipse ueritatis. Et si est uera, mox adest ibi & manet corpus Christi, facta uerborum prolatione. ante quam sequatur usus aut sumptio. Est proinde ibi uerè corpus Christi, per uerba Christi, sine usu ac sumptione, quia est ibi antequam usus subsequatur. Non igitur ab usu habet, quod ibi sit aut maneat, quia uerè est ibi, antequā usus accedat. Vnde quoque non est usus de substantia aut perfectione eius, quia sine eo consequitur substantiā & perfectionem eius, quia sine eo consequitur substantiam & perfectionem realem, per consecrationem. Si ergo sine eo est, etiam sine eo manere potest. Ab eodem enim habet esse & manere. Quid enim aliud est manere, quam ibi aliquandiu

## INTERROG. VEL. PROP.

diu esse? Est autem ibi ante usum, ergo & ma-  
 net ibi ante usum. Non est igitur usus de sub-  
 stantia eius, quia sine eo potest subsistere, quia  
 est uera substantia, quæ per se existit. Nam  
 & substantia potest per se subsistere, sine u-  
 su alicuius hominis ea utentis. Cum ergo sub-  
 stantia huius Sacramenti sit corpus Christi, e-  
 tiam per se sub specie panis subsistere potest, si-  
 ne ullo accipientis uel non accipientis usu.  
 Quod si ante usum aut sumptionem, non esset  
 aut maneret ibi, uerè & substantialiter corpus  
 Christi, falsa essent uerba Christi dicētis, hoc est  
 corpus meum, quod est impossibile, quia ueritas  
 ipsa mentiri non potest. Et consecrans non debe-  
 ret dicere, hoc est, sed hoc erit corp<sup>9</sup> Christi, ut  
 pote quādo sumetur ab aliquo. Neq; debērent  
 uerba consecrationis, à consecrāte proferri, nisi  
 quando speciem panis in os mitteret sumentis,  
 quia ante usum sumentis, non posset uerè dici,  
 hoc est corpus meum, si usus esset de substantia  
 eius. Sed nec ipsi aduersarij hoc faciunt, uideli-  
 cet, non proferunt uerba, quando speciem pa-  
 nis in os mittunt sumentis, sed multis præ-  
 sentibus qui communicant, semel uerba super  
 panem & uinum proferunt, ac deinde po-  
 pulo porrigunt. Adhæc CHRISTVS non  
 dixit. Vsu sumentis fit aut est corpus meum,  
 aut non dixit. Si usus mox non adest, dicto  
citiùs

citiùs definit ibi esse corpus meum, aut ilico euanes-  
cit, sed dixit, hoc est corpus meum, .Cuius Matt. 24.  
ius uerbi uirtute est, & permanet ibi corpus Luc. 21.  
Christi. Cælum & terra transibunt. (inquit  
saluator) uerba autē mea non transibunt. Virtus  
ergo & essentia uerbi non transit, sed transit,  
usus ac sumptio. Porro substantiæ ueritas non  
dependet ab usu. Potest enim substantia esse (ut  
dictum est) sine usu, sed non è contrà. Vsus e-  
nim accidens est, & per se subsistere non po-  
test, sicut potest substantia. Permanet itaque  
corpus Christi in Eucharistia, & non tran-  
sit aut euanescit ad libitum hominis, aut ad  
phantastam falsæ opinionis. Semel enim hæc uer-  
ba Christi, hoc est corp⁹ meū super residuas par-  
tes prolata sunt, uerè itaq; etiam de eis dicuntur.  
Cæterū si ista noua opinio uera esset, uirtus uer-  
borū cōsecrationis & potestas cōsecrandi, pēde-  
ret à uolūtate accipiētis, eò quod ad præparatio-  
nē uolūtatemq; paratorū ad cōmunicandū Chri-  
stus ibi esset, & aliās nō. Nunq̃ præterea posset  
scire sacerdos, quādo cōsecrat, & quādo nō cōse-  
crat eò quòd nequit illi cōstare, de ueraci pro-  
posito eorum, qui accipere debent. Si enim ha-  
bent propositum communicandi adstantes, erit  
tibi præsens, sin autem mutauerunt proposi-  
tum & recusarint participes esse, statim eua-  
nescit ut ipsi uolunt.

Porro

# INTERROG. VEL. PROP.

Porro quas adferunt aduersarij, qui nihil absq; scripturarum testimonio recipiunt, atq; recipiendum docent, scripturas, aut rationes e scriptura petitas, quibus probāt, corpus domini (quod per diuina uerba consecrationis præsens adest in Eucharistia) desinere esse corpus domini ac euanescere, si deferatur, uel uenerationis causa in processione, nel necessarij uiatici causa ad infirmos? Quam proferunt scripturam, qua affirmant ac corroborent, quod usu sacramenti cessante, siue nullo præsente qui sacramentum accipiat, ilico in ictu oculi desinant ibi esse corpus & sanguis Christi, postquam uerba consecratoria super debitam materiam à legitimo ministro fuerint prolata? Quibus obsecro uerbis execrāt, quod semel consecratum est? Aut qua ui expellunt corpus Domini, quod ante per uerba consecrationis præstò est? Semel uerè dictum est, super panem illum in uerbo Domini. Hoc est corpus meum. Verbum autem Domini manet in æternum, & non transit mox cessante actione. Falsum est ergo, cessante actione, cæremonia, & usu communionis huius Sacramenti, non remanere ibi corpus Christi, sed merum esse panē, qui per idolatriam à nobis adoretur, & idcirco reseruari non debeat. Et uide quàm multa incurrant absurda, qui post consecrationem asserunt in Eucharistiae Sacramento non manere substantialiter

tialiter corpus Christi, absq; usu ac sumptione eius.

Primò enim ista uerba ueritatis, & Dei omnipotentis, dicentis: Hoc est corpus meum, falsificant, & negant, quia contrarium astruunt, nempe, quòd hoc nō sit corpus Christi amplius, nisi quando sumitur. Deinde uirtutem suæ opinionis, maiorem faciunt uirtute uerborū Christi Dei omnipotentis. Constat enim uirtute uerborum Christi uerè dici. Hoc est corpus meum. Hanc autem uerborum Christi uirtutem, contendunt illi destruere, non ullis quidem uerbis Dei aut scripturæ, sed suæ tantum opinionis assertionem nuda, & nullis scripturis aut rationibus firmata. Consecrando quoq; mutant uerba ueritatis in mendacium. Quum enim dicūt. Hoc est corpus meum, mentiuntur sibiipsis, dicentes, quòd secundū ipsos non est, sed erit corpus Christi, nempe tunc, quando mittetur in os sumentis. Adhæc secundum eorum sententiam porrigunt hominibus merum panē pro corpore Christi. Nam ante usum dicunt non esse ibi corpus Christi. In usu autem non proferunt uerba Christi, per quæ consecratio fiat, proinde nihil porrigunt nisi panem. Non enim panis transsubstantiatur in corpus Christi, prolatione uerborū consecrationis. Peruertunt præterea ordinem ueritatis. Nam quod uerbis consecrationis tribuere



# INTERROG. VEL. PROP.

deberent, tribuunt usui sumentis. Nō enim per  
usum fit præsens corp<sup>o</sup> Christi, ut ipse existimāt,  
sed p<sup>r</sup> uerba consecrationis, quæ ante usum sunt  
prolata. Quapropter p<sup>r</sup>uerso & præpostero or  
dine, tribuunt posteriori, quod priori tribuen-

2. Tim 2. dum esset. Præterea Deus fidelis p<sup>r</sup>manet (ut A-  
postolus ait) & se ipsum negare nō potest. At ipse  
dicit per os sacerdotis. Hoc est corpus meū.  
Quomodo igitur fidelis permanet, si non manet  
uerum quod ipse dixit? Si autē uerum manet uer-  
bum eius, falsum utiq; & impiū est dicere, nō ma-  
nere ibi corpus Christi, quod ipse conficiendo di-  
cit, & dicendo conficit. Quisquis igitur id ne-  
gauerit, Deus quoq; eum negabit, ut Apostolus  
ait. Huc accedit quod dicit Psalmista. Fidelis

Psal, 144.

Dominus in omni uerbis suis, & sanctus in  
omnibus operibus suis. In Eucharistia autem  
est, & uerbum & opus Domini, non hominis,  
Ergo in eis fidelis est & sanctus. At si non per-  
maneret ibi corpus Domini, etiam cessante usu,  
nec fidelis esset Deus in uerbis consecrationis,  
nec sanctus in opere consecrationis. Quia nec uer-  
bis inesset ueritas, nec operi firmitas. Sancire  
enim firmare est. Sed & Esaias. Cecidit flos (in-  
quit) uerbum autem Domini manet in æter-  
num. Sic erit uerbum meum, quod egredietur  
de ore meo (ait Dominus per eundem) non re-  
uertetur ad me uacuum, sed faciet quæcūque  
uolui.

Esai. 40.

Esai 55.

nolui, & prosperabitur in his, ad quæ nisi il-  
 lud. Constat autem hoc esse uerbū Domini. Hoc  
 est corpus meum. Ergo stabit in æternū, & non  
 reuertetur uacuum. Caderet aut uacū fieret, si  
 corpus Domini esse cessaret, quod uirtute cōse-  
 crationis semel fuit. Non euanescit igitur illud  
 uerbum & ea uirtus, mox quādo cessat hominū  
 usus in hoc Sacramēto. Est enim uirt<sup>9</sup> infinita, et  
 Dñs ipse dixit, uerba sua non trāstura. Deniq;  
 scriptum est. Ne addas quicq̃ uerbis illius, & ar-  
 guaris inueniarisq; mendax. Sed aduersarij uer- Prou. 30.  
 bis Christi dicentis, hoc est corpus meū, hæc aut  
 similia addunt ex corde suo conficta uerba. Tūc  
 primū quādo sumitur, Vel: Quousq; durat sum-  
 ptio, Vel: Quando in ora fidelīū mittitur. Vel.  
 Anteq̃ sumendi esset usus, non autē, postq̃ cessat  
 usus. Mendaces itaq; inueniuntur, qui talia ex  
 proprio cerebro confingunt, & uerbis Dei ad-  
 dunt. Toto proinde cœlo errāt, qui negāt ibi es-  
 se corp<sup>9</sup> Christi, nō statim subsequēte usu. Nusq̃  
 enim præcipitur, ut statim post prolationē uer-  
 borū cōsecrationis, sequatur sumptio, aut mādu-  
 catio. Sed dicūt. Christ<sup>9</sup> dixit. Accipite & come-  
 dite, & bibite, &c. Nisi ergo mox accipiat, nō  
 remanet ibi corp<sup>9</sup> & sanguis Christi. Ad quod di- Mat. 26.  
 cim<sup>9</sup>, duo ista uerba Comedite & Bibite, nō esse Luc. 22.  
 de substātia sacramēti aut cōsecratiōis, sed ptine Marc. 14.  
 re ad usum illi<sup>9</sup>. Quēadmodū ergo corp<sup>9</sup> Christi

# INTERROG. VEL. PROP.

sub specie panis uerè adest ante usum ( sicuti demonstratum est abunde ) ita ibi manet post usum , si quæ hostiæ ibi remanent , quæ non sumuntur . Sed & hoc expendendū esse nouerint , Christum in ultima cœna semel tantum panem benedixisse ac fregisse , & deinde dixisse : Accipite & manducate , hoc est corpus meum . Similiter & calicem semel benedixisse , ac dixisse : Bibite ex eo omnes , & tamen quis non animaduertit , non exiguum temporis spaciū fuisse præterlapsū , quo Apostoli corpus & sanguinem Domini inter se diuiderent , manducarent & biberent ? Si autem corpus & sanguis Domini ibi tamdiu remansit donec omnes sumpserūt , quod etiam aduersarij negare minimè poterunt , eadē ratione ac consequentiā admittere coguntur , ad longius spaciū temporis manere , ita ut reponi possit & pro infirmis reseruari , prout Ecclesiæ cōsuetudo obtinuit . Pingamus ergo aliquem uelle communicare , & sacerdotem eō animo cōsecrassse , ut Eucharistiā illi impartiat , quid dicendi sunt ? si ille animo mutato recuset Eucharistiā accipere cui iam fuerat parata , num Christus sit reuera præsens , in Eucharistia an nō ? si est ibi reuera præsens per aliquod ergo tempus præsens est , licet non distribuatur , ac ab aliquo accipiat , ergo Christus est in Eucharistia dū non communicatur aut participatur . Sit ergo

tema

tempus illud, uel hora uel dimidia, uel quarta pars horæ, quare ergo non possit esse ibidē per aliam integram uel mediam horam, imò per diem, & denique tamdiu donec species illæ sacramentales manent? Non enim existimandus est Christus cum pactione esse in hoc Sacramento, ut uidelicet sit ibidem, si fideles uoluerint, communicare, et si non communicauerint, ilico euanescat ex Eucharistia, quemadmodum sine scriptura & ratione audent aduersarij affirmare. Si enim ad mutationē uoluntatis illius, qui prius uolebat communicare, & postea non uult, nullo pacto manet ibi corpus Christi, necesse esset eandem hostiam denuo consecrare, si ille uel alius quispiam uellet rursus communicare, & sic per solam (ut dictum est) uoluntatem ipsius accipientis, Christus inciperet & desineret esse in hoc Sacramento. Quod si uerum est, quare Christus dixit Apostolis & eorum successoribus, hoc facite? Et quare non dixit communicantibus, Consensum uestrum præbete, huic Sacramento conficiendo, alioquin nihil fiet? Quod tamen non fecit, sed Apostolis & eorum successoribus dixit, hoc facite, siue accedat plebis communicantis consensus siue non. Valeant ergo aduersariorum ridicula nugamenta, quæ ore blasphemum absque ulla ratione aut scriptura, euomere non uerentur, ac hominibus pro sana & catholica

## INTERROG. VEL. PROP.

doctrina obtrudere non formidant. Sed dicet aliquis. In Exodo de esu agni paschalis præcipitur. Nō remanebit ex eo quicquid usque mane. Et de manna. Nullus relinquat ex eo usque mane. Unde etiam illis qui non audierunt præceptum Domini, sed dimiserunt usque mane, scætere cœpit uermibus atque computruit. Porro cum agnus paschalis et manna, præfigurauerint Eucharistiæ sacrosanctum sacramentum, et oporteat ueritatem respondere figuræ, uidetur Christus in Eucharistia nō remanere, si in alterum diem reseruetur. Sed nos respondemus ac concedimus, oportere ueritatem quidem respondere figuræ, figuram tamen dicimus nunquam adæquare ueritatem, sed semper ab ea multum deficere. Et ita licet agnus paschalis et manna typum gesserint huius Sacramenti, longè tamen ab eo deficiunt. Et est quidem uerum, quod Dominus præceperit, ne ex agno paschali aliquid relinqueretur usque mane, si tamen aliquid residuum remansisset, non absumptum fuisset uera caro de agno paschali. Quod autem manna reseruaturn in alterum diem, scætere cœpit uermibus et computruit, hoc non euenit ob naturam mannae, sed ex uoluntate Dei, ne aliqui ex cupiditate et gula plus debito colligerent ad reseruandum. Alioqui benè seruari poterat. Nam die sexta colligebatur prosequenti sabbato. Nam die

die sexto colligebant cibos duplices, id est duo Gomor per singulos homines. Alioqui manẽ colligebant singulis diebus, quantum sufficere poterat ad uescendum. Quando autẽ fecerunt, ut praeceperat Moyses, nõ computruit, neq; uermis inuentus est in eo. Sed & Dñs iussit reſeruari māna in futuras retro generationes, dicẽs ad Moysen. Imple Gomor ex eo, & custodiatur in futuras retro generationes, ut nouerint panẽ quo alui uos in solitudine, quãdo educti estis de terra Aegypti. Dixitq; Moyses ad Aaron. Sume uas unũ, & mitte ibi man, quantũ potest capere Gomor, & reſpone coram Domino ad ſeruandũ in generationes ueſtras, ſicut praeceperat Dominus Moysi. Poſuitq; illud Aaron in tabernaculo ad reſeruandum. Et Paulus in Epist. ad Hebraeos teſtatur in arca teſtamenti, fuiſſe urnam auream habentem manna. Superest nunc, ut de permanentia corporis Chriſti in Eucharistia & reſeruatione eiufdem, quorundam patrum teſtimonia reſeramus, ac ſubiſciamus.

Dionyſius Areopagita in lib. Eccleſ. Hierarchiæ cap. 3. parte. 2. myſterium ſinaxeos ſiue cõmunionis deſcribens ait. At uerò Pontifex cùm diuina munera laude proſecutus fuerit, ſacroſancta & auguſtiſſima myſteria conficit, & quæ antè laudauerat, uenerandis operata atque abdita ſignis, in conſpectum agit;

# INTERROG. VELS. PROP.

diuinâque munera reuerenter ostendens,  
ad sacram illorum communionem, & ipse con-  
uertitur, & reliquos, ut communicent,horta-  
tur. Et parte 3. capitis illius. Vbi (inquit) su-  
prema illa expiatio ipsius patulis, & cuncta  
spectantibus oculis, & iustissimis, incorruptis-  
simisq; inclinationibus probata præceßit, tunc  
iam diuinus Pontifex iungitur, exactâque di-  
uinorum operum laude, veneranda mysteria  
conficit, atque in conspectum agit. Et ite-  
rum. Venerandus antistes diuinis altaribus  
adstans, reuerenter simul & ex Pontificali of-  
ficio, post sacras diuinorum operum laudes,  
quod hostiam salutarem (quæ supra ipsum  
est) licet, se excusat, ad ipsum primò decen-  
ter exclamans, tu dixisti. Hoc facite in me-  
am commemorationem. Ex cuius uerbis con-  
stat, hæc Sacramenta cœlestia, per consecra-  
tionis uerba à sacerdote prolata, prius con-  
fici. Nam Pontifex (inquit) ueneranda myste-  
ria conficit. Cui adstipulatur S. Hierony: in  
Epist. ad Heliodorum dicens. Absit ut de ijs  
quicquam sinistrum loquar, qui Apostolico  
gradui succedentes, Christi corpus, sacro  
ore conficiunt, &c. Et Chrys. de prodit. Iude  
Sacerdotis ore (inquit) uerba prof eruntur,  
& Dei uirtute consecrantur & gratia.  
Itaque ista uerba sacerdotis ore prolata, ita  
Dei

Hierony.  
Chrysost



Dei uirtute & gratia consecrantur, ut Dionysius dicat Pontificem mysteria conficere, & Hieronymum sacerdotem CHRISTi corpus sacro ore conficere: Non ergo ut conficiantur hæc sacrosancta mysteria, requiritur usus sumentis, aut consensus communicantis, sed conficiuntur per diuina uerba consecratoria à sacerdote, & manent confecta donec absumantur. Deinde etiam hoc ex uerbis eius perspicuum est, Pontificem confectis uenerandis mysterijs, ea in conspectum agere, diuinæque munera reuerenter ostendere, & hostiam salutarem (quæ supra ipsum est) litare. Quod nos facimus in missæ sacrificio, quando hostiam consecratam & calicem, eleuamus in conspectum agentes, & populo reuerenter ostendentes ad adorandū. Sed & in missa Chrysostomi id ipsum clarissime patet, ubi sic habetur. Sacerdos autem eleuans sanctum panem, dicit sancta sanctis. Et choro respondente. Vnus sanctus, unus Dñs Iesus Christus in gloria Dei patris. Sacerdos rursus eleuat panem dicens. Super cælos Deus, & super omnē terrā gloria ei⁹ effusa est. Sed & hoc obseruandum, hæc mysteria populo prius reuerenter ostendi, antequā succedat usus sumentis. Denique quòd hostiam salutarem, quæ supra ipsum est, utique per eleuationem, litet, ad ipsum primò decenter exclamans,

## INTERROG. VEL. PROP.

Clemens.

mans, tu dixisti, hoc facite in meā cōmemoratio-  
nem, ut intelligas sacerdotem sacrificare in com-  
memorationē Christi. Clemens in epist. 2. ad  
Iacobum fratrem Dñi Eucharistiam reſeruari  
& custodiri permittit dicens. Tribus gradibus  
commiſſa ſunt Sacramenta diuinorum ſecreto-  
rū, id eſt, preſbytero, diacono & miniſtro. Qui  
cū timore & tremore clericorū, reliquias cor-  
poris Domini debent custodire fragmentorū,  
ne putredo in ſacrario inueniatur, ne cū negli-  
gēter agitur, portioni corporis Domini, gra-  
uis inferatur iniuria. Communio enim cor-  
poris Domini noſtri Ieſu Chriſti, ſi negligē-  
ter erogetur, & preſbyter minora non curet  
admonere officia, graui anathemate, & di-  
gna humiliationis plāga feriatur. Ex cui-  
us uerbis liquet, eo tempore non ſolū lici-  
tum, ſed & conſuetum fuiſſe custodire & re-  
ſeruare in ſacrario particulas conſecratas, quas  
S. Clemens, reliquias, & portiones corporis Do-  
minici uocat. Sed dictis. Idem Sanctus Clemens  
in eadem epistola, ſtatim ſubiicit in hæc uerba.  
Certē tāta in altariō holocausta offerātur,  
quanta populo ſufficere debeāt. Quod ſi reman-  
ſerint, in craſtinum non reſeruentur, ſed cum ti-  
more & tremore clericorū, & diligentia con-  
ſumātur. Quibus uerbis indicat, hoſtias conſe-  
cratas in craſtinū reſeruari non debere, ſed cōſu-  
mi à

mi à clericis. Sed respondendum est tibi, S. Clementē ea uerba, quibus uult reliquias illas à clericis cōsumi debere, scripsisse cautela gratia, ut fragmēta Eucharistiæ (ipse portiones corporis Dñi uocabat) cū timore et tremore tractarētur, ut reliquiæ illæ obseruarētur, & uenerarētur, ne portioni Dñi aliqua iniuria irrogaretur. De inde & hoc dicendū, tunc temporis tā necessariū non fuisse, quemadmodū nunc, ut hostiæ cōsecratae, quæ supersunt, reseruētur in crastinū, aut pro infirmis, pro alijs sicuti nūc fit, q̃a tūc quotidiē fideles oēs cōmunicabant. Deinde nō negat S. Clemēs, in reseruatis aut relictis, post populi cōmunionem portionibus esse uerū corpus Christi, sed id ipsum planē affirmat dicens. Qui autē residua corporis Domini, quæ in sacrario relictæ sunt, consumunt, non statim ad communes accipiendos cibos conueniant, ne putent sanctæ portioni admiscere cibum, qui per aqualiculos digestus, in secessum funditur. Si ergo manē dominica portio editur, usque ad sextam ieiunēt ministri. Quēadmodū priora uerba manifestā indicāt realē præsentiā corporis Christi in Eucharistia, sic & ista, quibus cōfirmat, quæ dixerat, manifestē uocās corporis Domini reliquias, quæ in sacrario seruabantur: Vnde ipsas reliquias dominici corporis, ab alijs cibarijs materialibus fecernit, docens eas per loca indigna emitti non debere,

## INTERROG. VEL. PROP.

debere, ut uel inde cōstet Eucharistiam sacram.  
non esse panem tantum materiale uel commu-  
nem, alioqui quid prohiberet, quo minus iste pa-  
nis Eucharistiæ, sicut alius cibus egeretur? Et  
planè nisi adesset uerum Christi corpus, quor-  
sum tanta reuerentia, tanta cautela, tanta custo-  
dia, in hoc præ alijs signis sacramentalibus, si  
non adesset sacramentaliter corporis Christi  
presentia? Itaq; clarum & perspicuum est ex  
uerbis sanctissimi & fortissimi martiris, ibi  
Christum reipsa uerè existere, non solum cum  
consecratur, aut communicaturis distribuitur,  
sed etiam post consecrationem dum asseruatur.  
Nam iterum in eadem epistola sic habet, Iterum  
atque iterum de fragmentis dominici corporis,  
demandamus. Calicem uerò ad perferendum san-  
guinem domini præparatum, cum tota mundi-  
tia ministerij minister præparet, ne non benè lo-  
tus calix, diacono peccatum fiat offerenti. Et de  
nuo. A principio (inquit) epistolæ usq; ad hunc  
locum, de sacramentis delegavi benè intuendis,  
ubi non murium stercora, inter fragmenta domi-  
nicæ portionis appareāt, neq; putrida per negli-  
gentiam remaneant clericorum, & conuenien-  
tes (qui accipere ibi medicinam desiderant) pu-  
trida quum uiderint, magis cum ridiculo & fa-  
stidio uideantur accipere, & in peccatum magis  
decidant, per negligentiam clericorum.

Irenæus

Irenæus lib. 4. c. 32. Noui (inquit) testamen-  
ti, nouam docuit oblationem, quam Ecclesia ab  
apostolis accipiens, in uniuerso mundo offert  
Deo hæc ille. Eucharistia secundum Irenæum,  
est oblatio, ergo etiam secundum Irenæum, manet  
in Eucharistia corpus Christi, ante usum uel  
sumptionem, quia oportet oblationem precede-  
re usum seu sumptionem. Prius enim sacerdos  
Eucharistiam Deo offert, quam ipse participet  
cum alijs de oblatione. Noster autem sacerdos  
noui testamenti, non offert panem & uinum sim-  
pliciter, sed in corpus & sanguinem Christi com-  
mutata. Vnde iterum Irenæus lib. 4. c. 34.  
Quemadmodum (inquit) qui est à terra pa-  
nis, percipiens uocationem Dei, iam non cō-  
munis panis est, sed Eucharistia, ex duab⁹  
rebus constans, terrena & cœlesti. Sic & cor-  
pora nostra percipientia Eucharistiam iam non  
sunt corruptibilia, spem resurrectionis habentia.  
hæc ille Ex quibus euidenter innotescit, in  
Eucharistia, uerè adesse corpus Christi per con-  
secrationem, quod offertur Deo, antequam subse-  
quatur usus communicandi. Proinde non ex usu,  
sed ex consecratione per uerba Christi, substan-  
tialiter adest uerum & uiuificum corpus Chri-  
sti. Quod si uerè adest, quemadmodum procul-  
dubio adest, quis adesse probibebit, nisi mox se-  
quatur usus, cum non ab usu, sed à consecratione  
habeat

# INTERROG. VEL. PROP.

Tertul.

habeat esse? Eusebius quoque libro quinto Eccles. histo. refert uerba eiusdem Irenæi ad Victorem Papam dicentis. Omnes presbyteri, qui fuerunt ante te, omnibus semper qui non ita obseruabant presbyteris Ecclesiarum, Eucharistiam solenniter trans mittebant. Si solenniter trans mittebant, utique erat ibi corpus Christi ante usum Tertullianus libro secundo ad uxorem suam. Non sciet (inquit) maritus, quid secretò ante omnem cibum gustes, & si sciuerit panem, non illum credit esse qui dicitur. Et in libro de corona militis. Eucharistiæ sacramentum & in tempore uictus, & omnibus mandatum à Domino, etiam antelucanis cœtibus, nec de aliorum manu, quam præsidium sumimus. hæc ille. Hic audis panem (quem Eucharistiam appellamus) domini secretò ante omnem cibum gustari solitum. Reseruabatur ergo domi secretò, propter alios gentiles, & mansit ibi corpus Christi multo tempore antequam sumeretur. Et in cœtibus antelucanis sumebatur à sacerdote, qui prius per uerba consecrationis confecerat corpus domini, & obtulerat in missa DEO, antequam porrigeret sumentibus. Non ergo ab usu, sed à cōsecratione Eucharistia habet esse. Et in libro de oratione. Nonne solennior (inquit) erit statio tua, si & ad arā Dei steteris? Accepto corpore Domini et reseruato, utrumq;

utrumque saluum est, & participatio sacrificij,  
 & executio officij. Cyprianus in sermone de <sup>Cypr.</sup>  
 lapsis. Cum quædam (inquit) arcam suam,  
 in qua Domini sanctum fuit, manibus indi-  
 gnis tentasset aperire, igne inde surgente de-  
 territa est, ne auderet attingere. Et quidem  
 alius, & ipse maculatus, sacrificio à sacra-  
 dote celebrato, partem cum cæteris ausus est  
 latenter accipere, sanctum Dei edere & con-  
 trectare non potuit, cinerem ferre se apertis  
 manibus inuenit, documento unius ostensum est,  
 Dominum recedere cum negatur, nec immeren-  
 tibus ad salutem prodesse quod sumitur, cū gra-  
 tia salutaris in cinerem sanctitate fugiente mu-  
 tetur. Hæc ille. Etiam Cypriani testimonio con-  
 stat, sanctum Domini scilicet corpus, eo tempo-  
 re latenter acceptum, & manibus deportatum,  
 donec cineres inuenirentur in manibus, deins-  
 de etiam domi priuatim in arca intum fuisse  
 se, in usum utique futuræ manumentionis. Po-  
 tuit ergo ad tempus manere absque usu. Semel  
 enim uerbo Dei factum corpus, manet sem-  
 per, quandiu manet species panis, qui in cor-  
 pus Domini consecratione sacerdotis conuer-  
 sus est. Nec ab usu dependet, quia per se sub-  
 stantia est, & per se subsistit. Basilius in lib.  
 de Spiritu sancto cap. 27. Inuocationis (inquit) <sup>Basilius.</sup>  
 uerba, quum ostenditur panis Eucharistiæ,



# INTERROG. VELS. PROP.

& poculum benedictionis, quis sanctorum nobis  
 in scripto reliquit? Nec enim his contenti sumus,  
 quæ commemorat Apostolus aut Euangelium,  
 uerum alia quoque & antè & post dicimus,  
 tanquam multum habentia momenti ad myste-  
 rium, quæ ex traditione citra scriptum acce-  
 pinus. Hic audis tempore Basilij magni, panem  
 Eucharistiæ & poculum benedictionis ostendi  
 solitum, utique à pontifice uel sacerdote, quem  
 S. pater Dionysius dicit in conspectum agere,  
 & diuina munera reuerenter ostendere, sicut  
 superius dictum est. Deinde & hoc, quemadmo-  
 dum alia multa, multum habentia momenti ad  
 mysterium, quæ antè & post dicimus, dicit nos  
 ex traditione citra scriptum accepisse. Ambro-  
 sius in libro de excessu fratris sui Satyri refert  
 capite septimo quòd priusquam perfectioribus  
 esset initiatus mysterijs, in naufragio constitua-  
 tus, ne uacuis mysterij exiret è uita, quos ini-  
 tiatos esse cognouerat, ab his diuinum illud fi-  
 delium sacramentum poposcit, non ut curios-  
 sos oculos infereret arcanis, sed ut fidei suæ con-  
 sequeretur auxilium. Etenim ligari fecit in  
 orario, & orarium inuoluit in collo, atque i-  
 ta se deiecit in mare, fidei solius arma quæ-  
 rens. Nec deseruit spes, nec fessit opinio. De-  
 nique primus seruatus ex undis, & in por-  
 tum terrænæ stationis euectus, præfulem suum  
 Cui

Amb.

(cui se crediderat) recognouit. Nam qui tantum mysterij cœlestis inuoluti in orario præsidium fuisset expertus, quantum arbitrabatur, si ore sumeret, & toto pectoris hauriret arcano? Quàm maius putabat fufum in uiscera, quod tantum sibi tectum orario profuisset? Hactenus ille. Ex qua historia habes, corpus Domini tempore Ambrosii fuisse reſeruatum, & fuisse creditum, ceſſante actione, etiam ante ſumptionem, ibi adefſe uerum corpus Chriſti. Nam ab initiatis ſeruabatur ſanctum Domini in naui, & à Satyrio recipiebatur, non in os, ſed ligatum in orario, ac ſic inuolutum in cololo, & eius præſidio primus è mari ſaluatus euafit. Nōne itaque credendum eſt, uerum ibi adfuiſſe corpus Domini, quod tantæ fuit uirtutis? Et tamen abſque uſu, & ſine ſumptione ibi erat. Falfum proinde eſt, corpus Chriſti ſine uſu non eſſe aut remanere. Eufebius lib. 6. Eccleſ. hiſto. c. 33. ſcribit in hæc uerba. Ad Serapionem quendam Euchariftiam petentē, præſbyter (qui ob infirmitatem uenire non poterat) per puerum ſuum, parum Euchariftiæ tranſmiſit.

Eufebius.

Chryſoſtomi tempore Euchariftiam fuiſſe reſeruata, in epiſt. quam ſcripſit Innocentio Pæpæ, teſtatur, ubi inter cætera mala, quæ acciderāt, dum ui tractus, è ciuitate & Eccleſia eiectus, & in nauim coniectus, nauigare compellebatur.

Chryſoſt.

E e lebatur.

# INTERROG. VEL. PROP.

lebatur, scribit etiam sanguini Christi per milites hanc iniuriam fuisse illatam. Neq; (inquit) hic rerum finis erat. Nam & sanctuaria ingressi sunt milites, quorum aliquos scimus, nullos initiatos mysterijs, & uiderunt omnia, quæ intus erant. Quin & sanctissimus Christi sanguis, sicut in tali tumultu contingit, in prædictorum militum uestes effusus est, siebântque quasi in barbarica captiuitate omnia. Hæc ille. Ex cuius relatione constat sanguinem Christi, in Ecclesia fuisse reſeruatum, qui in tali tumultu, in militum uestes effusus sit. Hieronymus in Epistola ad Rusticum monachum scribit de S. Exuperio, quòd corpus & sanguinem Domini deportauerit, dicens. Sanctus Exuperius Tholosæ Episcopus, uiduæ Sareptensis imitator, esuriens pascit alios, & ore pallente ieiunijs, fame torquetur aliena, omnemq; substantiam, Christi uisceribus erogauit. Nihil illo diutius, qui corpus Domini canistro uimineo, sanguinem portat in uitro.

Hiero.

Cyrillus.

S. Cyrillus. Insaniunt (inquit) quidam, dicentes mysticam benedictionem cessare à sanctificatione, si quæ eius reliquiæ remanserunt in diem subsequenter. Non enim mutatur sacramentum corpus Christi, sed uirtus benedictionis: & uiuificatiua gratia, iugis in eo est pius Papa primus, & habetur de cons. dist. 2. can. Si per  
neglia

negligentiam aliquid de sanguine stillauerit in terram, lingua lambetur, tabula radetur, & sacerdos 40. diebus pœniteat. Ecce pius Pontifex aperte dicit. Si aliquid de sanguine stillauerit in terram. Porro quū per consecrationem, uinum mutatum sit in sanguinem, qua temeritate audent negare, extra usum ibidem non esse sanguinem? Ibidem habetur Canon Concilij Guarmaciensis. Can. presbyter Eucharistiam semper habeat paratam, ut quando quis infirmatus fuerit, statim eum communicet, ne sine communione moriatur. Item Canon Concilij Arelatensis. Qui bene non custodierit sacrificium, & mus uel aliquod aliud animal, illud comederit, lx. diebus pœniteat. Qui autem perdiderit illud in Ecclesia, aut pars eius ceciderit, & non inuenta fuerit, xxx. dies pœniteat. Ex quo Canone constat, Eucharistiam, extra usum communicationis manere & reseruari posse, & non statim desinere esse, si mox non adsit usus, quanquam propter usum cōmunicandi reseruetur. Item ex Concilio Remensi, Cano. Peruenit ad notitiam nostram, q̄ quidam presbyteri intantum paruipendant diuina mysteria, ut laico uel fœminæ, corpus Domini tradant deferendum infirmis, & quibus prohibetur ne sacrarium ingrediantur, nec ad altare appropinquet, illis sancta sanctorū cōmittūtur.

## INTERROG. VEL. PROP.

Quod quàm sit horribile, quàmque detestabile, omnium Religiosorum animaduertit prudētia. Igitur interdicat per omnia Synodus, ne talis temeraria præsumptio ulterius fiat, sed omnino presbyter per semetipsum infirmum communicet. Quod si aliter fecerit, gradus sui periculo subiacebit. Denique in Lateranensi Concilio anno 1215. celebrato sub Innocentio 3. ita habetur. Statuimus in cunctis Ecclesiis, ut Chrisma & Eucharistia sub fideli custodia clauibus adhibitis conseruentur, ut non possit ad illa temeraria manus extendi, ad aliqua horribilia uel nefaria exercenda. Si uerò is ad quem spectat custodia, ea incautè reliquerit, tribus mensibus ab officio suspēdatur. Et si per eius in curiā, aliquid nefandum inde cōtigerit, grauiori subiaceat ultioni.

His ita constitutis, progredimur ad examinandum ea, quæ Velsius responsionis loco ad hoc interrogatorium scripsit. Principio itaque falsissimum est, quæ hætenus proposita fuerunt interrogatoria, ad Antichristum, eiusq; tyrannidem constituendam, aliqua ratione pertinere. Non enim ad Antichristi, sed ad Romani Pontificis, Petri successoris, & Christi in terris uicarij, non tyrannidem, sed legitimam potestatem & iurisdictionem, quam à Christo super omnes oues eius accepit, defendendam pertinent.

tinent. Nec solum eam propugnant, uerumetiam alia non minus creditu necessaria, quemadmodum Catholico lectori perspicuum esse poterit. Iam uero non solum falsissimum, sed et blasphemia est apertissima, quod sacrilego ore audet Velusius affirmare, eas quae sequuntur interrogationes aliquot, partim ad noui cuiuspiam idoli et horrendae idololatriae constitutionem facere, partim ad Christi institutionis ac Apostolorum traditionis sacrosanctae coenae dominicae labefactionem, abusus autem Antichristiani in uenerando hoc sacramento, et abominabilis uiolationis confirmationem, quemadmodum ex sequentibus manifestè patebit.

Deinde postquam proluxa uerbositate mysterium definiuit, atque ipsum in suas quasi partes diuisit, in id quod externè geritur, et quod internè peragitur, et explicauit, cuius generis utraque mysterij pars sit affirmans, eorum quae sunt, alia natura, alia ex instituto ac placito esse, dicit ea quae internè peraguntur, et mente fideque apprehenduntur, natura esse, et semper et ubique eadem esse, ea uero quae externè geruntur, et in sensum incurrunt, ex instituto ac placito, neque semper neque ubique eadem esse. Quae nos non repudiamus, sed tamen nihilo secius asserimus, illud quod internè peragitur, et mente fideque apprehenditur, quod natura est, etiam realiter fieri. quemad-

## INTERROG. VEL. PROP.

modum in mysterio Eucharistiæ ( cuius negotium nunc præcipuè agitur ) perspicuum est. Ibi enim corpus Christi non solum mente fidè quæ apprehenditur, quemadmodum Velsus imaginatur ac somniat, sed reuera post consecrationem, uerè realiter & substantialiter præsens est, & eodem modo sumitur. Hæc enim omnia idcirco tanta prolixitate & obscuritate producit in medium, ut tandem ostendat ( quemadmodum inferius demonstrabimus ) non uerum & uiuificum corpus Christi, in Eucharistiæ Sacramento, substantialiter præsens existere, sed fide duntaxat apprehendi.

Velsus. Eorum quæ internè peraguntur, quæque mente ac fide percipiuntur, causas explicare haud fuerit difficile, nescioq; quomodo eas faciliùs, inchoata rerum quadam & cõmuni intelligentia assequantur omnes, quam alterius illius quod externè peragitur, & in sensum incurrit. Neq; enim ferè quisquam est, qui nostræ certè Religionis quid sapiat, qui ignoret, & ex quibus bonis homo, per primi parentis A-

dam inobedientiam ac transgressionem excide-

rit, quæq; in mala præcipitatus sit, & quæ rur-

sus ipsi in Christo per eius obedientiam ac spiri-

tus & iustitiæ communicationē sint oblata, ut hinc colligere ipsi promptum sit, mysterio-

rum instituendorum ) quæ latinis Sacramenta

Causæ in-  
stitutionis  
Sacramen-  
torum.



vocantur) ut paulò post latius declarabimus, causam quidem propter quam, sed non ut finem, uerùm ut occasionem potius, Adami esse inobedientiam ac transgressionem, & ab ipso in posteritatem disseminatum malum ac peccatum, finalem autem hominis salutem, tum recuperandam, tum conseruandam. Efficientes uerò, ut breuiter dicam, tum fontem uitæ, bonitatis substantiam, unamque omnium rerum causam, Sanctam Trinitatem, ex qua ut sint, & bene ipsis ut sit, omnia propter ipsius bonitatem obtinent, tum quæcum in humanis ageret, patri perfectam obedientiam præstando, eiusque uoluntatem faciendo, pro nobis egit & passus est, nostræ salutis autor CHRISTVS, sua morte nos ab æterna morte redimens, ac peccato liberans, sui que spiritus ac iustitiæ, consortes ac participes faciens. Quæ uerò formales & formales appellantur, in ipsa, de qua agimus, mysterij parte comprehensæ, omnibus sunt conspicuæ. At uerò eorum quæ externè geruntur, & in sensum incurrunt, corpus hoc quod circumferimus, quæq; ab ipso sunt affectiones, potissima est causa. Nam huius occasione, materialia, quæq; sensu percipiuntur, homini ab ipso iam inde ortu (quo tempore et si rationis particeps est animal, mentis tamen

# INTERROG. VEL. PROP.

De cœlesti  
Hierar. c. 1  
& 2.

Et rationis usu non admodum ualens, secundum sensum potius Et imaginationem uiuit Et operatur) utpote inter hæc etiam enutrito, magis familiaria sunt Et consueta. Eamque ob causam, ut ab his ad ea, quæ animo ipsius cognata sunt ac propria, ducatur, huiusmodi indiget materiali quasi manuductione, quæ de re pulchrè differit Et accuratè Dionysius Areopagita, in opere de cœlesti hierarchia, Et in Epistola ad Titum Hierarcham, ubi etiam quæ huius sunt generis συνδήματα, ὡς τῇ συνδήκει ὄντα, nominat. Et quanquam non ignoreo, alias ipsum quoque ibidem τῶν συνδημάτων quæ et τυπικὰ σύμβολα. appellat, causas assignare, ut nimirum prophani Et indigni, à rerum sacratissimarum contemplatione semoueat Et arceantur, tamen hanc Et ipse præcipuā facit, Et eius nunc nos maximè in præsentī negotio indigemus. Atque eorū quidē, quæ externè geruntur Et in sensum incurrunt, hæc fuerit causa, propter quam ea mysterijs sunt adhibita, nimirū ut huiusmodi manuductionis nobis usum præstent. Nunc quæ eorundem causa efficiens sit consideremus, quod promptè inueniemus, si cogitemus, quod quæ ex instituto placitoque sunt, instituti placitique autorem, causam efficientem habent. Quare non aliam nos, uerorum Et Christianorum mysteriorum, eorumque quæ hic adhibentur

bentur symbola, quam ipsum mystagogum Christum, causam efficientem dicere possumus.

Slotanus. Quæ hîc Velsus habet de causa eorum, quæ internè in sacramentis peraguntur de interiori effectû sacramentorum, minime repudiamus. Nam solus Deus Sancta Trinitas, interioris illius effectus, causa efficiens est præcipua ac principalis. Cum enim omnium sacramentorum, interior effectus sit iustificatio, & Deus (ut Paulus inquit) sit qui iustificat, cõ- Rom. 4. sequitur Deum esse causam efficientem eorum quæ in Sacramētis internè gerūtur. Deinde quia iustificatio absq; gratiæ infusione non fit, & à solo Deo gratia sit (nam gratiam & gloriam dabit Dominus) rectè infertur solū Deum esse eorum quæ internè geruntur in Sacramentis, causam efficientem præcipuam ac principalem. Nichilominus tamen per modum instrumenti, operari potest homo, ad interiorem effectum Sacramenti, in quantum operatur per modum ministri. Nam eadem ratio est ministri & instrumenti, cum utriusque actio exterius adhibeatur, licet sortiatur effectum interorem, ex uirtute principalis agentis quod est Deus.

Porro quod causam sacramentorū instituentium, propter quā, sed non ut finem, uerū ut occasione potius, Adami dicit esse inobediētiā

## INTERROG. VEL. PROP.

Matt. 9.

Par. 8. c.  
10. de sa-  
cram.

ac transgressionem, libenter concedimus; Nā si Adā non fuisset p inobedientiā trāsgressus, præceptū diuinū, eiusmodi sacramētis nō indiguisset. Non enim in statu innocentiae, sacramēta necessaria fuerunt. Cū enim sacramēta, sint quædā spirituales medicinae, quæ adhibentur aduersus peccati uulnera, & medicina necessaria non sit, nisi infirmantibus, quemadmodum dominus ait. Non est opus ualentibus medicus, sed male habētibus, cū nondum esset peccatum, sacramēta necessaria non fuerunt. At postquam primus parens humani generis (Inquit Hugo) propter inobedientiæ culpam, à paradiso exulans, uenit in hunc mundum, diabolus ius tyrannicum in illum exercens, sicut eum prius fraudulenter seduxerat ita postmodum uiolenter possidebat. Sed Dei prouidentia, quæ hunc ad salutem disponebat, sic iustitiæ rigorem per misericordiam temperauit, ut eum quidem ad tempus, ab illo præmi permetteret, & tamen ne ab illo in æternum præmeretur, ex ipsa ei poena, remedium prepararet. Itaque tunc ab ipso mundi exordio, sacramenta salutis suæ homini proposuit, quibus eum ab expectatione futuræ sanctificationis consignaret, quatenus ea quisquis fide recta, & spe firma, propter obedientiam institutionis diuinæ perciperet, etiam sub iugo positus, ad consortium libertatis per-

pertineret. Proposuit itaque edictum suū, infor-  
mans hominem & erudiens, & quicunq; eum  
saluatorem, atq; libertatem expectare eligeret,  
eiusdē suæ electionis uotū, in perceptione sa-  
cramentorū eius approbare debuisset. Hacten<sup>o</sup> ille.

Ceterum quod eorum, quæ in sacramentis ex-  
ternè geruntur, & in sensum incurrunt, cor-  
pus & eius affectiones, potissimam causam facit,  
de causa propter quā, sed non ut finem uerū po-  
tius ut occasionem (Nam occasionem corporis  
sui, cuius ministerio animus utitur, corporali-  
bus opus habet & sensibilibus) non incōgruè ad-  
mittitur. Nam eam ob causam adhibentur ex-  
terna ista & uisibilia (tamen ex diuina in-  
stitutione) in sacramentorum administratio-  
ne, ut per ea quæ sibi familiaria sunt & con-  
sueti, manuducatur ad ea, quæ animo ipsius co-  
gnata sunt ac propria, siue per corporalia  
& sensibilia, in spiritalia & intelligibilia  
deducatur, & hoc modo erudiatur. Et sic ex-  
terna ista in Sacramentis adhibentur (ut iterum  
inquit Hugo, ut pro his quæ fors in sacramēto,  
in specie uisibili cernuntur, ad inuisibilem uir-  
tutem, quæ intus in re sacramenti constat, cogno-  
scendam, mens humana erudiatur. Homo enim  
q̄ uisibilia nouerat, inuisibilia nō nouerat diui-  
na agnoscere nullaten<sup>o</sup> posset, nisi humanis exer-  
citat<sup>o</sup>. Et idcirco dū ei bonū uisibile, q̄ amiserat  
reddi-

## INTERROG. VELS. PROP.

redditur, foris ei eiusdem signatio, per species uisibiles adhibetur, ut foris exerceretur, & intus reparetur, ut in eo quod tractat & uidet, agnoscat quale sit, quod percipit, & non uidet. Dona enim gratiae spiritualia, quasi quaedam inuisibilia antidota sunt, quae in sacramentis uisibilibus, quasi quibusdam uasculis porriguntur homini, quid aliud quam ex patenti specie, uirtus occulta ostenditur? Aeger enim medicamentum uidere non potest, sed uas in quo medicamentum datur, uidere potest. Et propter hoc in ipsa uasis specie, uirtus exprimitur medicinae, ut agnoscat quid accipiat, & per ipsam agnitionem proficiat, ad dilectionem haec ille. Qui adhuc ibidem duas adiungit causas, propter quas externa & sensibilia in sacramentis (quorum significatio per aliquas res sensibiles impletur) adhibeantur ex diuina institutione, nimirum non solum propter eruditionem (de qua iam producta illius uerba loquuntur) uerum etiam propter humiliationem & exercitationem nostram. Quas etiam magister sententiarum lib. 4. dist. 1. recenset, & S. Thomas explicat in 3. p. summae suae, questione 61. art. 1. Ex quibus constat, alias quoque esse causas, propter quas ea quae externe geruntur in sacramentis adhibeantur.

Velsius. Sed operae precium fuerit, ut plenè perfectèque, mysterij ratio à nobis cognosca-

tur, tùm instituti ipsius uim ac modum, tùm ma-  
 nudictionis accuratiùs aliquanto contemplari,  
 ab huiusmodi similitudine, nobis magis cognita  
 sumpto exordio. Nomina & uerba, & omnino  
 sermo quo utimur, si ipsam rerum naturam spe-  
 ctes, nihil aliud sunt, quam uox quædam articu-  
 lata, cuius proprium est, aures ferire & percelle-  
 re nequẽ certè alia quæpiam ex sua natura ipsi-  
 us est uis. At ex hominum instituto ac placito,  
 huiusmodi articulata uox in nomina & uerba,  
 eumq; qui ex his constat sermonẽ, cū ut sic dixe-  
 rim transformatur, quod Græci μεταποιείας  
 dicūt in genere, cuius species quædã sunt ὀνομα-  
 τοποιείας, εὐματοποιείας, λογοποιείας  
 seruata minimeq; deperdita, priore sua natura  
 ac substantia, talis ei uis adiungitur, ut notionẽ  
 in se comprehendat, & modo quodam prorsus  
 admirando ac stupendo, quasi cõcludat. Hic quæ  
 nunc deinceps dicturus sum, diligenter conside-  
 rate. Vox de qua nunc diximus, sic transforma-  
 ta, omnium quidem aures ex æquo, cuiuscumq;  
 linguae & nationis sint, ferire & percellere de-  
 prehenditur. Nam hoc secundum naturalem su-  
 am uim, quam ubiq; & semper eandem obtinet,  
 facit. Sed non omnes notionem intus quasi laten-  
 tem & debitam percipiunt. (neq; enim quibus  
 ea lingua cognita est) sed ij soli, quibus hic ser-  
 mo notus & consuetus est. Neque uerò & hi  
 quos



# INTERROG. VEL. PROP.

quomodocunq; affecti, uerum si attentè audientes, explicatam quasiq; erutã, quæ in uoce ad aures perlata continebatur, notionem mente excipiant & complectantur, & sic uox quidem symbolum, ad aures perlata terminetur, ibiq; desinat, notio autem res, ad animum transeat, ibiq; quod suæ est naturæ efficiat, ad quam certè nobis mutuò communicandam, si corpus non haberemus, huiusmodi symbolo nõ indigeremus. Hæc si rectè intellexistis, nihil iam difficultatis erit, quæ uniuersa in genere mysterij sit ratio cognouisse. Nã id solum ad eius absolutã notitiã nunc nobis deest, quod hac similitudine comprehenditur. Quare ad mysterij rationem, id nunc transferre tentemus. Cum igitur tanta uis sit hominum instituti & placiti, quid miri, si ex Christi rerum omnium domini, ueriq; legislatoris, quæ νομοθέτης, Græci uocant, instituto & placito ijs quæ in mysterijs externè aguntur, ac sensui sunt subiecta, suam naturam ac substantiam minimè mutantibus, quod & sensuum, & rationis integrum iudicium, ad hæc & scripturarũ authoritas docet, eiusmodi gratia & uis adiungatur, & eius, quod internè peragendum est, & mente ac fide apprehendendum, in se ineffabili quodam modo comprehendendi & quasi concludendi, facultatẽ obtineant, quemadmodũ & Paulus, ut exemplo rẽ declaremus, inquit, poculum benedic

benedictionis cui benedicimus, nonne communicatio sanguinis Christi est? Panis quem frangimus, nonne communicatio corporis Christi est? Atq; hæcenus quidem rem & collationem integre constare, cuius est perspicuum.

Slotanus. Quam non sibi constent, res & collatio, cuius perspicuum esse existimo, cui mysteriorum nostrorum & præcipue sacrosanctæ Eucharistiæ (de qua nunc potissimum loquimur) ratio bene perspecta fuerit. Et ut aliorum mysteriorum rationes omittamus, id de adorando mysterio Eucharistiæ ostendemus. Articulata siquidem uox in nomina & uerba transformatæ, aures aliorum ferit, seruata minimeq; deperdita priore sua natura ac substantia licet uox statim euolet prolata, & uolet irreuocabile uerbum ut ille inquit. Quid enim est uerbum nisi uerbū? ferit aures, & euauit illico. At in mysterijs diuinissimæ Eucharistiæ, ea quæ sensui subiecta sunt nimirū panis & uinū, suā naturā ac substantiam non retinent, sed mutant penitus, dum panis transmutatur, ac transsubstantiatur uirtute uerbi cœlestis in uerum & uiuificum corpus Christi, & uinum in eiusdem pretiosissimum sanguinem. Vis autem eiusmodi non est adiuncta ijs rebus, quæ externè aguntur, & sensui subiecta sunt, sed pani & uino, sed potius uirtute uerborum cœlestium (quæ tamen etiam

# INTERROG. VELŒ. PROP.

etiam sensui subiecta sunt ) fit hæc admirabilis  
& supernaturalis transmutatio siue transsub-  
stantiatio.

Quod autem ex Paulo adducit, non pro Vel-  
sio, sed prorsus contra Velsium facit. Illa etenim  
Pauli uerba, non probant in sacramento Eucha-  
ristiæ panem & uinum suam naturam ac sub-  
stantiam retinere, sed contrarium, nimirum pa-  
nem conuerti in corpus Christi, & uinum in  
sanguinem, dicens enim poculum benedictionis,  
cui benedicimus, esse communicationem non ui-  
ni, sed sanguinis Christi, & panem quem fran-  
gimus, esse communicationem non panis, sed  
corporis Christi, utique clarissimè insinuat pa-  
nem & uinum haudquaquam suam substanti-  
am ac naturam retinere, sed conuersa esse in  
corpus & sanguinem Domini. Vnde quod Vel-  
sius dicit ea quæ in mysterijs externè aguntur,  
ac sensui sunt subiecta, suam naturã ac substanti-  
am minimè mutare idq; & sensuum, & rationis  
integram iudicium, ad hæc & scripturarum  
authoritatem docere falsissimum est. Et ut in  
hoc sacramento maneamus, substantia panis &  
uini, mutatur in substantiam corporis & san-  
guinis Christi, quemadmodum satis copiose de-  
monstrauimus. Porro sensus nihil hîc aliud per-  
cipit, quã species panis & uini, sub quibus Chri-  
stus carnem sanguinem suum, uelari & palliari  
uoluit,

uoluit, ne humana infirmitas, esum carnis & potum sanguinis sui horreret. Et ut Bern. inquit. Sic corpus & sanguinem suum sumenda proposuit, ut sensus in uno foueretur, in altero fides edificaretur. Fouentur enim sensus in uno, dum solita tantum & consueta prospicit, edificatur fides in altero, dum oculo carnis uidente aliud exterius, oculus cordis aliud sentit & reueretur interiùs. Aliud enim latet, aliud patet. posuit enim tenebras latibulum suum. Quemadmodum enim species illic uidentur, quorum res uel substantiæ ibi esse non creduntur, sic res ueraciter & substantialiter creditur, cuius species non cernitur. Videtur enim species panis & uini, & substantia panis & uini nõ creditur. Creditur autem substantia corporis & sanguinis Christi, & tamen species non cernitur. Aliud est species uisibilis, quæ uisibiliter cernitur, aliud ueritas corporis, quæ sub uisibili specie inuisibiliter creditur. Vsq; ad speciem panis, sensus pertingit exterior, ad ueritatem carnis, fides interior. Quod sub specie illa credimus, uerum corpus est, & uerus Christi sanguis quod pependit in cruce, qui fluxit de latere. Mira sunt (que de sacramento isto dicuntur, fides est necessaria, scientia rationis superuacua. Scientia, ratione, & intellectu colligitur, fides sola autoritate inducitur Augustinus contra Felicianum. Hoc

Ff      fides

## INTERROG. VELS. PROP.

fides credat, intelligentia non requirat, ne aut non inuentum, putet incredibile, aut re-  
pertum, non credat singulare. Hæc sunt fra-  
tres quæ fidem necessario exigunt, rationem  
omnino non admittunt. Expetunt simplicem  
creditorem, arguunt impium discussorem. Et  
ideo credi oportet simpliciter, quod inuestiga-  
ri non potest utiliter. Hæc ille. Ex cuius uer-  
bis constat, quem locum habeant in hoc Sacra-  
mento, sensus & rationis iudicium, nimirum nõ  
aliud, quàm quòd sensus percipit species, & ra-  
tionis iudicium penitus excluditur. Nam ra-  
tio hoc Sacramento, propter arcanum myste-  
rij, sua collectione frustratur, quando quod  
uidetur, & substantia panis putatur, non pan-  
is, sed corpus est Christi, quod animales nesci-  
unt, sed fideles & spirituales norunt. Adhuc  
notissimum est sensus, circa propria obiecta nõ  
falli, sed tamen interim ad eam, quæ latet sub-  
stantiam, prorsus cæcutiunt. Non enim sub-  
stantiam cuiusque rei, ut sua penetrant, sed  
hærent in obiectis suis, & ad internam natu-  
ram non pertingunt. Abraham etenim &  
Loth, quum præsentem haberent angelos, nihilo-  
minus tamen homines existimabant, qui res  
uera non homines substantia, sed angeli erant.  
Vinum quoque ab aceto non distinguit ocu-  
lus. Et ferunt esse, ubi oculus aquam esse re-  
ferat.

ferat, quod tactus comprobet, esse lapidem Chry-  
stallinum.

Velsius. Quod reliquum est similitudinis,  
quomodo presenti negotio sit accommodandū  
dicturus, uos quam maximè attentos esse ue-  
lim. Nam hic naufragium patiuntur multi, pau-  
cissimiq; omnino sunt, qui non hac parte, in my-  
sterij perfecta cognitione deficiant. Verū ut  
id clariùs quod dico pateat, agè sacramēti defi-  
nitionē, quæ ex Augustino apud magistrū sen-  
tentiarū habetur, in mediū producamus. Ea hu-  
iusmodi est. Sacramentum est inuisibilis gratiæ,  
uiscibilis forma, imaginem ipsius gerens, et causa  
existens. Hæc definitio ex aduerso quasi Græco-  
rum definitioni respondet, quòd cum illa, utpo-  
te ex meliore mysterij parte, tanquā anima ma-  
gis facta, ἀναγωγικὴ, etiam magis, quæq; nos  
ad ea quæ mentis sunt et interna euehat, sit, hæc  
ut ex deteriore et quasi corpore magis consti-  
tuta, econtrà magis etiam sit καταγωγικὴ,  
ac proinde nos, ad corporea et externa de-  
trahat, in iisque acquiescere, et plus satis in-  
ipsis tribuere faciat. Arbitror autem et hanc  
de Græco conuersionem definitionem ad uer-  
bum esse. Habuisse autem hoc modo. Μυστή-  
ριον ἐστὶν ἀοράτου χάριτος ὁρατός τύπος, εἰς  
κὺν ἀντὶς φέρω, καὶ ἀπὸ τοῦ ὧν. Cete-  
rū ut id quod dicimus, clariùs pateat, simul

Sacramen-  
ti defini-  
tio.

INTERROG. VEL. PROP.

autem ad id progrediamur, quod explicandum ad plenam mysterij naturæ cognitionem habendam restat, ipsam hanc definitionem quam uini habeat, excutiamus. Primum igitur Sacramenti genus τύπος seu formam facit. Et quoniam τὸν τυπὸν siue formarū, aliæ inuisibiles sunt, ut quæ in eo quod Græci τὸ φαντασικόν τῆς ψυχῆς uocant, consistunt, aliæ uisibiles, ad illarum cogitationem excludendam in definitione, differentię loco, uisibilis nomen positum, ita ut Sacramentum uisibilis forma constituitur. Rursus autem, quoniam uisibilium formarum, aliæ uisibilem rem repræsentant, ut hedera suspensa uinum, aliæ inuisibilem, ut externa lotio, animi emundationem, ut à Sacramenti notione illæ excludantur, inuisibilis gratiæ hos esse typos in definitione dicitur. Iam quandoquidem typorum alij, nullam similitudinem ad id obtinēt, cuius sunt typi, ut quæ Græcis ἀνόμοιοι ἀναπλάττεισιν appellantur, alij uerò obtinent, ut in externa lotione, & animi emundatione est perspicuum, & id rursus in Sacramenti definitione, differentię cuiusdam loco adhibetur imaginem ipsius gerens. Atq; hætenus quidem, quod in definitione positum est, etsi eiusmodi ipsius sit ratio, ut dictum est, non ita multum tamē incommodi habere uidetur, cū perniciosis alicuius erroris haud facili occasio esse queat.



se queat, maximeq; si per formam, id quod Græcis τῷπος, dicitur, intelligatur. Quinquam certe per alteram, qua contemplatio spiritualis, quæ multorum, seu uulgi comprehensionem fuggit, esse statuitur, magis excitatur & erigitur animus, & ad interna compellitur, minosque in externis hæret. Slotanus. Mirandum profectò quid sibi uelit Velsius hac Sacramenti definitione, quam Græcorum asserit, cum illa ad uerbū translata, non aliter sonet, quàm definitio Augustini à magistro sententiarum producta, nimis mirum. Sacramentum est inuisibilis gratiæ, uisibilis forma, imaginem eius gerens, & causa existens.

Falsum autem est, hanc definitionem nos ad corporea, & externa detrahere, & facere ut in ijs acquiescamus, et plus satis ipsis tribuamus. Nam paulò antè dictum est ex Hugone, Sacramenta instituta esse propter eruditionem, ut pro his quæ foris in Sacramento, in specie inuisibili cernuntur, ad inuisibilem uirtutem quæ intus in re sacramenti constat agnoscendā, mens humana erudiatur.

Velsius. - Quod uerè deinceps sequitur, & causa existens ( in quo tamen propemodum suspicor errasse magistrum sententiarum aut quisquis huius tandem particule sit autor, in Græca definitione conuertenda, quod cum in ea, id mi-

## INTERROG. VEL. PROP.

nus aut haberi deberet) id nisi commodè explicetur & intelligatur, plurimorum errorum, & superstitionis horrendæ occasio facile fuerit, ut certè rerū usus & experientia docet, de quibus in sequētib⁹ agem⁹. Nūc quomodo uisibilis forma ut credo, fuerit καὶ αἰτιατὸν ὧν (quod rectè se haberet, ut ex sequētib⁹ patebit) intelligēs aut animaduertēs, ita cōuerterit, ac si αἰτιον, ibi aut haberetur, aut inuisibilis gratiæ causa intelligi debet, & quō non ostēdamus, quod cōmodissimè fiet, si ad ea, quæ in superiùs posita similitudine sequuntur, diligēter respexerimus. Nā quo genere nomina & uerba, & omnino dictio ac sermo, notionis concipiendæ ac scientiæ sunt causa, eodem & uisibiles istæ formæ ac typi. Quo genere igitur illa cognitionis ac scientiæ causas statuētes, rectè statuerimus? Et quo alio, quā Plato, tum in Cratylo, tum in nono de Rep. nimirum ut instrumenta, per quæ notiones ac scientiam, nobis mutuò commuicamus. Nam alioqui si ipsarum rerum naturam spectes, effecta potius, & ut Græci loquuntur αἰτιατὰ, quam causæ sunt censendæ, quòd omne id quod imaginem alicuius gerit, eo cuius imaginem gerit ut posterius; ita & illius, ut archetypi effectus est. Slotanus. Magister sententiarum aut quis tandem in Græca definitione conuertēda huius particule non autor, sed uerus fuit interpres,

Pla Cray.  
de Rep. 9.

terpres, non errauit, cum illa particula reuera  
ibi habeatur: Non enim ἄτις αὐτῶν, sed ἄτις οὖν ibi  
habetur, sed Velsius huic definitioni adscri-  
bit, quod patrociniū suo errori allaturum  
confidit: Rectè autem Sacramenta inuisibilis  
gratiæ causa intelliguntur. Non enim significā-  
di tantū gratia, sacramenta sunt, sed etiam san-  
ctificandi, cum constet sacramenta nouæ legis,  
non solū significare, sed etiam causare gra-  
tiam. Porro cū solus Deus, ut causa princi-  
palis, gratiam causet, sacramenta nouæ legis,  
sunt causæ instrumentales gratiæ, quia adhi-  
bentur ex diuina ordinatione, ad gratiam in eis  
causandam. Et certè longè excellentiori modo  
sunt causa, quā nomina & uerba, & omnino  
dictio ac sermo, notionis concipiendæ ac scien-  
tiæ. Illa quidem sunt instrumenta per quæ no-  
tiones ac sciētiam nobis mutuò communicamus,  
sed nouæ legis Sacramenta, ita sunt instrumen-  
ta gratiæ, ut etiam contineant gratiam, secun-  
dum quandam instrumentalem uirtutem, quæ  
est in sacramentis, ad inducendum sacramenta-  
lem effectum. Sed & Eugenius Papa. 4. in suo  
decreto (quod comprobantibus patribus Cōcilij  
florentini edidit) ita habet. Nouæ legis sacramē-  
ta, multū à sacramentis differunt antiquæ legis.  
Illa enim non causabant gratiam, sed eam solam  
per passionem Christi dandam esse figurabant,

## INTERROG. VEL. PROP.

*hæc uerò nostra, & continēt gratiam, & ipsam dignè suscipientibus conferunt.*

Non est ergo uerum, quòd sacramenta effecta potius sint, quàm causæ censendæ. Sed omne (inquit) id, quod imaginem alicuius gerit, eo cuius imaginem gerit, ut posterius, ita & illius, ut archetypi, effectus est. Quid ego hîc audio? Externa ablutio, nōne imaginem gerit interioris emundationis? Et nōne exterior ablutio prior est, & emundatio interior est posterior? Quomodo ergo exterior ablutio esse potest effectus interioris emundationis? Falsum proinde est quòd Velsius uniuersaliter asserit, omne id quod imaginem alicuius gerit, posterius & effectum esse, eius cuius est imago, ut archetypi. Nā potest fieri imago siue signum (quòd in præsentiarum idem est) ut alicuius præteriti, ita & futuri, & quando sit aliquod signum alicuius futuri, id non habet archetypum, hoc est, principium à signato, quemadmodum iam de exteriori lotionē, ad interiorem collata, intelligere promptum est & ostensum. Sic in ueteri testamento, circumcisio carnis, cordis circumcisionem significabat (teste Apostolo) & tamen in paruulis præcedebat cordis circumcisionem, cuius non potuit esse effectus, propterea quòd effectus nequeat esse prior sua causa. Quæ mox sequuntur apud Velsium præter propositum adiecta

adiecta sunt, imò nihil minus quàm ad propostum faciunt. Nam tractare illa Philosophica, de notionibus & rebus, hoc est, de obiectis earum, atq; uerbis, quibus notiones exprimimus, cognoscendiq; modò & significandi, quid quaeso confert ad rationem sacramentorum ritè cognoscendam? Res nobis est cum Velsio, non de significatione uerborum siue uocabulorum, sed de efficacia & uirtute sacramentorum, quæ sine uerbis perfici nequeunt, id quod etiam statim est declaratum, & probè intelligit Velsius, modò aures audiendi habeat, sed repetere eadè haud grauabimur, quo Velsius & ij, qui usq; grauius auribus audiunt, uellicatione replicata, semel ea ritè perpendant. Mox enim dictum est, Sacramenta non significandi tantùm, sed uel maximè sanctificandi gratia instituta, nimirùm quæ efficiunt simul significatum ipsum, quod est effectus gratuitus, siue sanctificatio nostra. De hac sacramentorum efficacia, & hoc effectu, ut Velsius nullam mentionem facit, ita proculdubio nihil nouit. Sed audi Christiane lector, sequentia ipsius uerba, & re ipsa comperies ea quæ dixi.

Velsius. Sed hoc quod dico, ut commodè ab omnibus intelligatur, uidetur aliquanto latiùs explicandum. Tria hæc se ordine consequi statuunt Philosophi, res, notiones, uerba, & ex re

# INTERROG. VEL. PROP.

Liber Per  
her. & Boe.  
comm. su-  
p eundē.

bus quidem ipsis, quasdem impressiones in ani-  
mum fieri, quas animi quidem patientis occa-  
sione παθήματα, rerum autem efficientium  
ὁμοιώματα, appellant, notiones autem rerum  
in anima conceptas, cum alteri sint communican-  
de, suā quasi uim uoci imprimentes, uerba pro-  
eundere, quæ τῶν, ἐν τῇ ψυχῇ παθήματα σύμ-  
βολα, nominant. Et prius quidē illud ui naturæ  
fieri asserunt, posterius autē hoc, κατὰ συνῆ-  
κην & ex instituto. Quāq̃ esse uidetur apud Pla-  
tonē de posteriore hoc, quædā in Cratylo con-  
trouersia, cum quandā nominum natura esse re-  
ctitudinem adstruere conetur, sed quæ huius lo-  
ci nō est, cum ad rē præsentē nihil faciat. Nobis  
enim hoc loco satis est, si intelligamus quō uer-  
ba, quæ effecta & symbola sunt animi affectionū,  
& notionum earundē causæ dici possint. Atq; id  
iam, & si solerti certē & industrio auditori, ex  
iā dictis perspicuum est: tamē ut omnibus aper-  
tissimē constet, pauca adhuc quædam subijcere  
uisum est. Is qui docet & discit, contraria quo-  
dammodo feruntur uia, ille nānque iuuandi al-  
terius gratia, à prioribus ad posteriora se sub-  
mittit, cum de rebus notiones in animo concipiens, has uerbis quibusdam quasi circūscribens  
& cōprehendens exprimit, quæ ad aures discen-  
tis perferantur. Quibus hic tanquam instru-  
mento quodam commotus & quasi excitatus ad  
notio-

notiones, quarum hæc erant symbola, erigitur  
 & à notionibus ad res ipsas ascendit, quod cer-  
 tè fieri non potest, nisi is qui docet, ea utatur  
 lingua, quæ & discenti cognita est. Eodem in-  
 gitur modo, & non alio, uisibile formā ac typū  
 inuisibilis gratiæ, causam esse, intelligere opor-  
 tet cū alioqui effectus quidā magis et ἀιτιατον,  
 quam uera efficiens causa sit censenda, quod ex  
 his Dionysii Areopagiti uerbis manifestè patet.  
 quæ ad uerbum de Græco conuersa, licet minus  
 fortasse politè, hic subiiciam. Ingrediamur (in-  
 quit) à causatis ad causas, in sacra hac nostra  
 synaxi, et decorā intelligibiliū Iesu lucē præferē-  
 te, intueamur contemplationē, quæ archetypo-  
 rum beatæ pulchritudinis ex se splendorem ma-  
 nifestè eiacularur. Hæc uerba explicans Græcus  
 scholastes inquit. A causatis ad causas, id est, ab  
 ijs quæ sensibilibus peraguntur, ad inuisibilia et  
 mystica, quæ eorum, quæ sub sensum cadunt, cau-  
 sæ sunt & archetypa. Causata autem dicuntur,  
 quæ aliundè, ut quóquo modo sint, obtinēt. Aut  
 à causatis ad causas, id est, à sensibilibus symbolis,  
 ad ea quæ intellectu percipiuntur, et intelligētici ui-  
 pollēt. aut certè à typis ad imaginē, et ab hac ad  
 ueritatē. Umbra siquidē sunt, q̄ ueteris sūt testamē-  
 ti, imago uerò, q̄ noui, ueritas aut futurorū sta-  
 t<sup>o</sup> Slotanus. Verba effecta sunt et symbola animi  
 affectionū et notionū in p̄ferēte et earūdc̄ causæ

Eccles.  
 Hierar. c. 2

dici



## INTERROG. VELS. PROP.

dici possunt in audiēte. Quis enim nescit, uerba  
 proferentis, esse causas animi affectionum & no-  
 tionū, in audiente & intelligente? Videtur Vels-  
 sius ista hic ea de causa dicere, ut persuadeat Sa-  
 cramenta, quæ in actione cōsistunt, in recipiēte  
 Sacramentū, tantū notiones ex primā institu-  
 tione producere, & qui ea uerba non intelligat,  
 frustra sacramētum suscipere, quasi infans, aut  
 surdus baptizari non possit. Vel q̄a in isto inter-  
 rogatorio, loquitur de adorādo Eucharistiæ sa-  
 cramento, quod à cōsecratione perdurat ac p̄-  
 manet reseruatū quousq; sumatur, id ipsum per-  
 negare contendit, quasi cōsecratio præter si-  
 gnificationē ex institutione prima, nihil opetur  
 ex institutione Christi. Quod Velsius, qui tantū  
 uidetur legisse Hæreticos, minimè intelligit.  
 Quod si tāta diligentia legisset Catholicorū lu-  
 cubrationes, quanta Hæreticorum scripta, tan-  
 toq; cum affectu, fortassis rectiūs sentiret.

Quod deinde ait. Eodem modo, & non alio,  
 uisibilē formam ac typū, inuisibilis gratiæ, cau-  
 sam esse intelligere oportere, &c. fatetur uisibi-  
 lem formā ac typum, esse causam inuisibilis gra-  
 tiæ, & eandem formam, esse effectum. Sed quo-  
 modo hæc simul cōstare possunt, si intelligit eā  
 esse causam & effectum respectu eiusdem? Sin ue-  
 rò intelligat referendo ad diuersa, nihil nouū di-  
 cit. Sed quomodo hæc applicabit ad Sacramēta?

Quod

Quod deinde ex capite. 1. Eccles. Hierarchie Dionysii Areopagite adducit, ibidem non inuenitur, Nihil enim ibi offendi, quod eū sensum habeat. Sed cap. 3. parte. 3. iuxta interpretationē Ambrosii Camaldulensis ordinis, ita legitur. Hæc igitur ad ipsas aditorum ualuas, honestissimè picta, rudibus adhuc respicienda linquentes (neq; enim altiora capiunt) iuxta sacratissimæ synaxis nostræ rationem, ex causalibus ingrediamur ad causas, atque intelligibilium (illustrante Iesu) decoram prorsus intelligentiam intueamur, ex qua, primitiuorum exemplariū; beatissima emicat pulchritudo. Vbi scholastes Stapulensis. Ex causalibus, ex effectis, ipsisq; causis. Et iterum Ab effectibus ipsis, ad causas progrediendum est, & ab exterioribus signis, (quæ causalia sunt, quod propter aliud ordinantur) introgrediendum est ad ipsas causas. spiritualia scilicet sensa, quorum gratia sunt hæc signa sensibilia hætenus ille. Hic audis quam ratione spiritualia sensa, dicantur causæ, & exteriora signa dicantur causalia effecta siue causata, nimirum quod propter aliud ordinantur, nē pē propter spiritualia.

Sed quid nam aliud potest ex his colligi, quā quod à cognitione effectuum siue causatorū, nona nunquam procedendum sit, ad cognitionem causarum? Quod etiā ipse philosophorū princeps  
Aristo

## INTERROG. VEL. PROP.

Aristoteles in exordio physices docuit, dicens ex certioribus nobis, procedendum esse ad certiora naturæ. Sed & ipse sacratissim⁹ pater Dionysius primo capite, non Ecclesiasticæ, sed cœlestis Hierarchiæ, eandem fere habet sententiam, dicens Deum simulachris sub sensum cadentibus, mentes illas cœlestes, in sacris illis libris descripsisse, ut nos & rebus sensum mouētibus, ad eas quæ animo ac ratione cernuntur, & signis, quæ effecta sunt, ad summam cœlestium Hierarchiam simplicitatem, perducatur. Similia quoq; habet Apostolus in epist. ad Ro. c. 1. ubi dicit, inuisibilia Dei per ea quæ facta sunt intellecta cōspici. Sed nūquid horū cognitio, cōcernit sacramēta?

Velsius. Ex his arbitror satis esse perspicuū, quo genere uisibiles has formas ac typos, causas statuere oporteat, quoq; loco habere, nō eo certè, ut malè asserunt Sophistæ, ut his rebus externis atq; corporibus nos subijciamus, ab ipsis salutem quærentes, Hugonem non satis piè, nec circumspectè loquentem, absurde suæ sententiæ cōprobatorem, in medium adducētes, qui inquit.

Hug. lib. 1.  
de Sacra.  
par. 9. c. 5.

Quandoquidem nos Deum dereliquimus per creaturas, uoluit Deus ut nos creaturis subijciamus, quaten⁹ homo dum sensibilibus rebus, quæ infra ipsum sunt, ex præcepto creatoris reuerendo se subijcit, ex hac humilitate & obediētia, Deo magis placeat, et apud Deū mereatur, cuius præcepto salu-

salutē querit in inferioribus, se, & si nō ab illis, sed per illa Deo. Slotanius. Quod Velsi<sup>9</sup> hoc loco dicit Sophistas (p. quos Catholicos designat) male asserere, & Hugonem uirum ut doctissimū ita pariter & sanctissimum, non satis pie, nec circumspēctē loquutum, more suo facit, quum ipse sit sophisticissimus, & non solum impiē & incircumspēctē loquatur: uerum etiam insynce-  
re, & falsō citet uerba patrum. Nam ea uerba quæ huc contra nos producit Velsius, ex uenerabili Hugone, in loco ab eo citato, nempe lib. 1. de Sacra. cap. 5. prorsus nō habentur, sed cap. 3. hæc habentur eiusdem uerba. Cū enim dixisset, triplici ex causa sacramenta esse instituta, nimirū propter humiliationē, eruditionē, et exercitationē, illico subiungit propter humiliationē, quidē, ut dū homo rationalis creatura, in sensibilib<sup>9</sup> elemētis, quæ natura infra ipsum cōdita fuerūt, ex præcepto creatoris sui subijcitur, ex hac ipsa sua humiliatiōe, creatori suo recōciliari mereatur. Deinde post aliquāta, postq̃ dixisset hoīem p cōcupiscētiā abstractū, à deo supiori suo fuisse auersū, et præcipitatū ac ad inferiora cōuersum, et illis se subiecisse, q̃ bona sua fecerat mox subijcit dicēs: Iusta igitur recōpēsatione, q̃ suo superiori p obediētiā, subiectus esse noluit p cōcupiscētiā suo se inferiori subiecit, ut iā ipsum inter seipsum Deū, mediū inueniat diuisionis nō mediato-

# INTERROG. VELS. PROP.

mediatorem réconciliationis &c. Et statim. Iustum ergo est, ut homo qui prius Deum superbiendo deferens, se terrenis per concupiscentiam subdidit, nunc per humilitatē Deum requirens, ut plenius affectū suae deuotionis insinuet, eisdē se propter præceptum Dei, per obedientiam inclinēt. Sicut enim perniciofa fuit elatio, superiori nolle subijci sic laudabilis & fructuosa deuotio est, propter superiorē etiam inferioribus inclinari. Et quemadmodum damnabilis fuit superbia, præsentem despicere, sic laudabilis humilitas est, absentem querere, & perseruanti amore usque ad inuentionem ab inquisitione non cessare, ut sit & deuotio in humilitate, & humilitas in deuotione. Nemo siquidem est, qui nesciat, hominem rationalem, mutis & insensibilibus elementis, cōditione superiorem existere, & tamē cum ibidem homo in his salutem querere iubetur, ad experiendam obedientiae ipsius uirtutē, quid aliud quā suo inferiori, superior subijcitur? Hinc est quod infidelium oculi, qui uisibilia sola uident, sacramenta salutis uenerari despicunt, quia in eis tantū quod foris est contemplabile in specie uisibili uidētes, inuisibile uirtutē intus, & fructū obediētiae nō agnoscūt. Nō enim sciunt, quōd fideles salutē ex ipsis elementis nō quærunt, etiam si in istis quæritur, sed ex illo quæritur in istis, à quo iubentur querere  
& cres

Et credunt se percipere in istis. Non enim ista tribuūt, quod tribuitur per ista, sed ille per ista salutē præbet, qui in istis salutem quærere iubet. Hactenus ille ibidem. Sed & cap. 5. adducit pulchram & appositam similitudinem de medicina, qua Ezechias fuit curatus, ex qua quidē medicina, quoniā secundum se sanitati cōtraria erat, nō erat sanitas, ut apte mōstraretur, quoniā ex illa nō erat, quod p illā erat. Vide (inqt) quia sacramenta Dei medicinæ sicut spirituales, quæ foris corporibus adhibentur per uisibilem speciem, sed intus animas sanant per inuisibilem uirtutem, quorum quidem institutio quantū ad percipientem, dispensationis est, susceptio uerō quantum ad obedientē, necessitatis. Vis scire q̃a in istis uisibilibus speciebus, ad curādos morbos spirituales, remedium Deus non sumit, sed solum Sacramentum constituit? Accipe Sacramentum de Sacramento. Aegrotauit Ezechias, & missus est ad eū Esaias Propheta, qui ei mortē immensē prædiceret. Quo audito, terrore & dolore cōpunctus, lachrymas cum prece fudit, & misericordiam impetrauit. Remittitur continuō Esaias, ut quindecim annos uitæ illius adiiciendos annunciet, & ad uirtutem sacramenti amplius commendādā, uulneri eius curando, nouā nouo modo, medicinam prepararet. Apposita est medicina foris, ut uirt<sup>9</sup> occulta intus operatur.

57 INTERROG. VEL: PROP.

Et nō erat sanitas ex medicina, quoniam secun-  
dum se contraria sanitati erat medicina, ut ap-  
te monstraretur, quoniam ex illa nō erat, quod  
per illam erat, magnum de sacramentis, sacra-  
mentum commendatum est. Aeger ergo est ge-  
nus humanum, quod languet, et mens per mi-  
quitatem, et foris per mortalitatem, ad quē ser-  
mo propheticus mittitur, ut ei mors imminens,  
non solum præsens, sed et futura annuncie-  
tur. Qui terrentur, confitentur, plorant, et  
orant, et misericordiam impetrant. Remitti-  
tur sermo propheticus, qui nos de longioris ui-  
tæ spacio indulto, certos efficiat, quia eadem  
nos scriptura, de æternæ uitæ promissione cōso-  
latur. pœnitētes, quæ de ppetuæ mortis damna-  
tione terret in peccato persistentes. Apponitur  
medicina curādis ulceribus nostris, quæ cum ex  
sui qualitate, morbo contraria ostēditur, in cu-  
ratione ægroti, nō medicīnæ, sed medētis uirtus,  
euentissimè declaratur. Istæ medicīnæ, ipsa  
sunt sacramenta, quæ dum foris nobis, per mi-  
nistros sacræ dispensationis, corporaliter ad-  
hibentur, uulnera animarum nostrarum, inui-  
sibiliter curantur, ut curati et sanati, ad ppe-  
tuæ uitæ repromissionem, pertingere possimus.  
Quæ quidem uita quindecim annorum numero  
signata est, quæ et in præsenti per requiem mē-  
tis in septenario inchoatur, et in futuro per

mor-



mortalitatē carnis octonario perficitur. Quæ tamen quantum medicina ad suam naturam spectat, augere morbum habuit, non curare, quia terrena omnia quantum ad illorum qualitatem nostram infirmitatem pertinet, corruptionem animarum operari solent potius, quam curationem, per quæ tamen Deus nostram sanitatem perficit, quid aliud quàm suæ uirtutis potentiam euidenter ostendit, cum in eodem nostrum procurat remedium, à quo infirmitatis & corruptionis traximus morbum? Nam utique istis adscribitur, quod per ista nobis administratur. Neque in illis uisibilem, ita ueneremur speciem, ut inuisibilem eis subijcere ueritatem conuincamur. Hac consideratione diligenter intuitibus, manifestum fit, quantum uel illi debeant, quòd foris in specie sacramētis uisibiliter cernitur, uel illi quod in uirtute sacramēti, intus inuisibiliter operatur. Haftenus ille. In cuius uerbis syncerè & fideliter recensendis, idcirco prolixiores fuimus, ut perspicuum fieret, Velsium nō uidisse Hugonem, cuius uerba tam insyncerè citat, contra nos. Quid igitur deinde dicit Velsius? O blasphemam (inquit) sententiam, & Antichristianæ impietatis plenam. Quid nugaris Hugo? Hæc ne tibi causa sensibilibus rerum Sacramētis adhibitarum uidetur. Deliras, reatius hac de re pronunciauit, te ut antiquior,

# INTERROG. VEL. PROP.

1. Pet. 2.

Rom. 1.

Hier. 17.

ita meritò & harum rerum & mysteriorū peritior, Dionysius Areopagita. Vnde autem hoc didicisti, quod Deus uelit, ut nos creaturis, ijsq; anima carētibus subiiciamus? Nā quòd subditi esse debeam⁹ omni humanæ creaturæ propter Dominum, ordinatè, & ut recta ratio postulat, id Petrum docere uideo. Quòd uerò homo sensibilibus rebus, quæ infra ipsum sunt, ex præcepto creatoris reuerendo se subiicere debeat, ubi quaeso in sacris literis legisti? aut quod mihi præceptum narras? Ego certè mihi contrarium ex sacris literis didicisse uideor, reprehēdi nimirū eos, qui à creatore ad creaturas conuersi, hoc colunt, his se subiiciunt. Quam uerò humilitatem & obedientiam rationis expertem hīc prædicas, ex qua Deo magis placeat homo, & apud Deum mereatur? Sagarum mihi superstitionem adferre uideris. Vbi porro illud præceptum habetur, quo iubetur homo quærere salutem in inferioribus se. Nam ego Hieremiam dicentem audio. Maledictus homo qui confidit in homine, & ponit carnem brachium suum, & à Domino recedit cor eius. Si igitur ne in paribus quidem & æqualibus ut confidamus uult, quanto minus ut in inferioribus nobis salutem quæramus, iubet. Slotanus. Non est blasphemia Hugonis sententia, multūque abhorret ab Antichristiana impietate, sed sacris literis est consentanea. Sed

tu calumniator Velsi ad fingis illi uerba, quæ ille non habet. Non ille, sed tu deliras, non ille, sed tu nugator quum sis, nugaris, & calumniam struis optimo uiro & doctissimo, cuius uerba à me citata uerissima sunt, & per Catholicam Ecclesiam approbata, donec uenires tu, & insipienter & calumniosè ea peruerteres, contráque ea exclamares. Queris ubi in sacris literis legerit præceptum, quod homo sensibilibus rebus, quæ infra ipsum sunt ex præcepto creatoris reuerendo se subijcere debeat? Et tu uis esse magister in Israël, & hæc ignoras? Euntes (inquit Christus discipulis suis) docete omnes gentes, baptizantes eos in nomine Patris & Filij Spiritus sancti. Nónne legisti apud Ioannem, quid Dominus dix- Ioan. 3.  
erit ad Nicodemum? Nisi (inquit) quis renatus fuerit ex aqua & Spiritu sancto, non potest introire in regnum Dei. Nónne aqua inanimata creatura est inferior homine? Et tamen si salutem consequi uelit, ex præcepto creatoris ei subijci debet homo. Quod autem ex Apostolorum principe Petro adducis, subditos nimirum nos esse debere, omni humanæ creaturæ, propter Deum, nihil prorsus facit ad propositum. Nam Petrus ibi non loquitur de creaturis inanimatis, sed de creatura humana. Omni (inquit) humanæ creaturæ. Quod deinceps explicans. Siue regi (inquit) quasi præcellenti, siue ducibus tanquam

# INTERROG. VEL. PROP.

Rom. 1.

Hier. 17.

1. Pet. 1.

1. Tim. 2.

ab eo missis, ad uindictam malefactorum, laudē  
 uerò bonorum. Quod autem à Paulo repræ-  
 benduntur, qui à creatore ad creaturas con-  
 uersi, has colunt, his se subiiciunt, rectissime  
 facit. Nam de illis loquitur, qui mutauerunt  
 gloriā incorruptibilis Dei, in similitudinē ima-  
 ginis corruptibilis hominis, & uolucrū & qua-  
 drupedum & serpentium, qui commutauerunt  
 ueritatem Dei in mendaciū, & coluerūt & ser-  
 uierunt creaturæ potius q̃ creatori, quod haud  
 quā faciunt Christiani, qui sese subiiciūt Cbri-  
 stianorum sacramētis. Vnde quoq; non sunt ma-  
 ledicti, quia p̃ hoc quod subiiciunt se sacramētis  
 Ecclesie nō dicuntur confidere in homine, neq;  
 ponunt carnem, id est, hominem mortalem, aut  
 rem aliam fragilem & periturā, brachium suū,  
 id est fortitudinem suam, spem suam & refugium  
 suum, neq; à Domino recedit cor eorum, sed po-  
 tius per Ecclesie sacramenta accedunt ad Domi-  
 num, & reconciliantur Deo. Non ergo sagarū  
 superstitionem adfert Hugo, sed Catholicam &  
 sanam doctrinam. Velsius.

Sed inquit, iniuriam me uerbis tuis face-  
 re. In sequentibus enim, te ueluti castigationem  
 quandam eius dicti adferre. Quam quæso audia-  
 mus. Et si non ab illis, sed per illa à Deo. O ea-  
 gregia castigatio. Hec mihi etiam absurdio-  
 rem reddere sententiam uidetur, cum id quod

ceda

ε 20

Christi

Christi Iesu proprium est, qui ut unus est Deus, & unicus est mediator Dei & hominum, irreuerenter infra nos positis creaturis attribuis. Slotanus. Reuera Velsi, iniuriam magnam uerbis Hugonis facis, cum asseris eum id quod Christi Iesu est proprium, irreuerenter infra nos positis creaturis attribuere. Id enim ex ipsius uerbis haudquaquam colligere poteris. Ita enim inquit cap: 3. Non enim sciunt (nimirum infideles) quod fideles salutem, ex istis elementis non querunt, etiam si in istis queritur, sed ex illo, & ab illo, queritur in istis, à quod iubentur querere, & credunt se percipere in istis. Non enim ista tribuunt, quod tribuitur per ista, sed ille per ista salutem præbet, qui in istis salutem querere iubet. Hæc ille. Vnde quæso hic colligis Hugonem id quod Christi Iesu est proprium, irreuerenter infra nos positis creaturis attribuere? Nonne apertis uerbis dicit, illum per illa salutem præbere, qui in istis salutem querere iubet? Et quisnam est ille. Nonne Christus, autor & institutor sacramentorum Noui testamenti? Et quidem ille unicus mediator DEI & hominum, passionem & mortem suam, quanos redemit & patri reconciliavit, ueruntamen ut eius passio & mors nobis posset accommodari, instituit sacramenta, uirtutem ac efficaciam ex morte

Hg 4      & pas-

## INTERROG. VEL. PROP.

& passione sua habentia, per quæ salutem consequeremur. Institutio sacramentorum (inquit Hugo cap. 5.) quantum ad Deum autorem, dispensationis est, quantum uerò ad hominem obedientem, necessitatis. Quoniam in potestate Dei est, præter ista hominem saluare, sed in potestate hominis non est, sine istis ad salutem peruenire. Potuit enim Deus hominem saluare, etiam si ista non instituisset, sed homo nullatenus saluari posset, si ista contemneret. Dicit enim scriptura. Non potest saluari, qui baptizatus non fuerit, qui hæc uel hæc non fecerit, saluari non potest, & confitemur quod uerum est. Et quia saluari non potest homo, qui caret his, sine quibus ab homine salus haberi non potest, homo sine his saluari non potest, sed Deus sine his saluare potest. Homo quippe sine his saluari posset, si sine his saluari, in potestate hominis esset, & si posset homo pro arbitrio suo, ista, quæ ad salutem obtinendam proposita sunt, relinquere, & secundum suam electionem alia uia (quod homini quia impossibile est omnino, propterea rectissime dicitur) ad salutem peruenire. Quia homo sine his omnino saluari non potest. Deus autem sine his hominem, saluare potest, qui uirtutem suam & sanctificationem & salutem, quocumque ipse uoluerit modo, homini largiri potest; Illo namque spiritu quo decet hominem sine uerbo iusti-

bo iustificare, etiam ualet si uoluerit sine sacramento, quia uirtus Dei necessitate elementis non subditur, etiam si gratia Dei ex dispensatione per sacramentum donetur, &c. Ex quibus omnibus clarescit, quàm magnam iniuriam Velsius faciat Hugoni, cuius uerba non eo modo citat, quemadmodum in Hugone habentur, ut inde perspicuum fiat, Velsium eadem uerba non ex Hugone, sed ex alio quodã Lutheranae factionis emulo ac comprobatore descripsisse, aut si ex ipso Hugone desumpsit, destinata illius proditur malitia, qua pie & optimè dicta pessimè detorquet. Deinde Velsius declarare uolens, quam uim uisibiles formæ quæ in mysterijs adhibentur, ex instituto habeant, & quod institutum illud sit ex quo ea obtinent, & quomodo in nos illam uim exerant, Augustini quandã sententiam adducit, quæ ut rectè intellecta (inquit) aliquo modo uera est, ita perperam, ut ferè à multis hodie intelligitur, non solum grauis & perniciosi erroris, sed etiam horrendæ idololatriæ est occasio. Est autem hæc sententia. Accedit uerbum ad elementum, & fit sacramentum. Hæc uerba quomodo perperam intelligant, Scholastica & sententiaria, opinatrices, non scientifica theologiæ comprobatores & emuli, prius explicabo, deinde qua ratione secundum rei ueritatem sint intelligen-



# INTERROG. VEL. PROP.

da. Illi igitur res externas, sacramentorum materiam constituentes, formam eorundem, certa quædam determinata uerba, quomodocumque pronunciata, siue cum attentione proferentis & audientium, siue absque ea, & uel ab ipso & auditoribus intellecta, uel non intellecta, imò quid dico, ne exaudita quidem, cum in sacramento altaris ab ipsis appellato, pani & uino tantum ea, quæ aures non habent, secretò instabilet, impium ratus, si quis hominum exaudiat, esse uoluit. In quo quanta impietas & abominatio consistat cum cogito, totius horrore concutior, doleoque me toties, tam horrendis abusus (ne quid nunc dicam grauius) interfuisse, in posterum autem nunquam me interfuturum promitto. Nam quid horribilius, quam literam occidentem, uiuificantium sacramentorum formam constituere? Est autem omne uerbum seu sermo, cuiuscumque etiam scripturæ loci, litera occidens ac inutilis, qui non spiritualiter intellectus, fide temperatus, penitusque unitus est ijs qui audiunt, ut & ex Euangelio Ioannis. ubi Christus, crassos illos synagoga Cæpernaumicæ auditores, qui literæ imberebant, reprehendens inquit. Spiritus est qui uiuificat, caro, id est, carnalis ac literalis sensus, non prodest quicquam. Verba quæ ego loquor, spiritus sunt & uita. Sed sunt ex uobis quidam, qui

non

Ioh. 6.

non credunt. Et ex Pauli epistola ad Corinthios, ubi sic habetur. Litera enim occidit, spiritus autem uiuificat. Insuper autem & ad Hebræos, quem locum sic secundum Græcam ueritatem uertimus. At non profuit sermo auditionis illis non contemperatus, id est, penitus unitus ad eorum, quodammodo morem quæ temperatura, quam Græci *ἡσυχία* uocant, unum fiunt, fide ijs qui audierant, locis exquisitè intellectis, & in unum collatis colligere promptum est. Sed hæc haud dubiè, aliæque his absurdiora, quæ omnem sagarum superstitionem exuperantia referre piget, ex magicis illis sunt adytis profecta, quorum omnium mysteriorum participem, futurum Antichristum Papam, & ex his puerum seruum Deum, nouam ipsius creaturam, confecto transsubstantiationis dogmate producturum, omnemque numinis uenerationem, soluturum, longè antè prædixit Sybilla, cuius in præcedentibus etiam mentionem fecimus.

Slótanus. Si Aethiops potest mutare pellem suam, tu quoque Velsi calumniandi & Blasphemandi animum permutabis. Hæc enim conuitia & blasphemie, hominem Christianum hæud quaquam decent, & admodum aliena sunt à bono uiro. Execranda sunt siquidem ista Christianorum auribus. Et  
certò

## INTERROG. VEL. PROP.

certè te malitia plenum ostendis, qui nunquam desinis malitiæ uirus effundere, & tot probris & maledictis non solum Ecclesiæ sacrosancta sacramenta, uerum etiam totius Ecclesiæ principem Papam insectari. Si enim esse necesse est unum totius Ecclesiæ (quæ & una est) moderatorẽ, quemadmodum non Cyprianus solum, uerum etiam cæteri patres orthodoxi testantur, nonne iniquum est eum à quoquam huiusmodi probris & maledictis affici? Sed ad rem. Dicis scolasticæ & sententiariæ opinatricis, non scientificæ theologiæ comprobatores & amulos, perperam intelligere uerba Augustini. Speciosa uerba, sed ex thesauro tui inuidiosi cordis deprompta. Porro quàm scientifica theologia, & quàm solidis demonstrationibus & argumentationibus tu utaris, & ex ijs quæ præcedunt, et quæ sequuntur, prudens & æquus lector, facilè intellexerit. Dicis nos res externas, materiam sacramentorum constituere, formam uerò eorundem, certa quædam & determinata uerba. Respondeo nos minime constituere res externas, materiam sacramentorum, aut determinata uerba, formam eorundem, sed uti rebus & uerbis, ex diuina institutione determinatis. Ad hæc quando in sacramentis ponimus materiam & formam metaphorica quasi locutione utimur, ad similitudinẽ rerum compositarum ex materia & forma, id quod

quod & magis corporeum est & sensibile in sacramentis, appellantes materiam, id uerò quod subtilius ac spiritualius formam.

Deinde quod ais, nos constituere determinata uerba, quomodocunq; pronunciata, siue cum attentione proferentis & audientium, siue absq; ea, & uel ab ipso & auditoribus intellecta, & ne exaudita quidem, nihil nisi mera est calumnia: Ostende ubi hæc uel dicta uel scripta sint à nostris.

Quod uerò probationis loco adijcis, nos panem & uino tantum ea, que aures non habent, secreto uerba insibilare, non multum abest à Corolostadij Sacramentarij blasphemia, qui deridens sacerdotes uerba consecrationis super panem pronunciantes, panis (inquit) non fit melior per hoc murmur & anhelare sacerdotum, quis enim dedit potestatem hanc sacerdotibus? Quod impius ille Corolastadius appellat anhelationem & secretum murmur sacerdotum, Vel sius non minori insania, secretam uerborum insibilationem in panem & uinum, que aures non habent. Sed nos non dicimus per illam insufflationem, anhelationem, murmurationem & insibilitationem (uti ridendo sacra mysteria dicunt hæretici) panem fieri meliorem, aut panem & uinum aures debere habere ut audiant, sed constanter affirmamus & religiose cōfitemur, substantiam

# INTERROG. VEL. PROP.

stantiam panis in corpus Christi conuerti, & uinum in eius sanguinem, quando sacerdos secundum institutionem Christi profert uerba consecratoria, quibus Deus diuina sua uirtute adsit, & substantiam panis & uini mutat in substantiam corporis & sanguinis Christi.

Iam uerò quis ferat, quòd totius horrore concuteris, dolésque te toties hisse sacrosanctis mysterijs (tu horrendos sacrilego ore abusus uocas) interfuisse, & in posterum te nunquam interfuturum promittis? O te infelicem hominem, & omni lachrymarum in fonte plangendum, qui hæc dicens, non intelligis te damnare quod antea salutariter, si non ficto animo, comprobasti, teque ipsum præuaticatorem constituere, qui ea quæ prius adstruxisti, nunc mutata in deterius uoluntate, destruis & improbas. Quòd quæso quid aliud est, quàm dolore te benè sensisse atque fecisse? promittereq; te nunquam benè in posterum acturum?

Quòd præterea pro confirmatione impietatum tuarum affirmas, nihil horribilius, quàm literam occidentem, uiuificantium sacramentorum formam constituere, tantum abest à uerò quantum Velsius à ueritate. Non enim sunt formæ sacramentorum litera occidēs, sed uiuificantis spiritus instrumenta & media. Sed est omne uerbū seu sermo (in q; cuiuscumq; etiam

etiam scriptura loci, litera occidens ac inutilis, qui non spiritualiter intellectus, fide contemptus, penitusq; uitus est ijs, qui audiunt. Sed non intelligis Velsi, quid intelligat Apostolus per literam occidentem. Vnde non mirum est, te hic & in sequentibus perperam & sinistrè applicare uerba Apostoli. Nā teste sancto Augustino, doctrina illa, qua mandatum accipimus, continēter recteq; uiuendi, litera est occidens, nisi adsit uiuificans spiritus. Sic enim magis accipiendum est, quemadmodum dictum est, quoniam legis litera, quæ docet non esse peccandum, si spiritus uiuificans desit, occidit, sciri enim facit peccatum potius, quàm cauere, & ideo magis augeri, quàm minui, quia mala concupiscentiæ, etiam præuaticatio legis accedit. Porro Theophylactus ita exponit. Lex (inquit) illa uetustior, si quem deprehendat, uel rebus in minimis delinquentē, non secus afficit morte, quam ligna sabbato legentem affecerit: Spiritus autem sanctus, uel si mille hominem facinoribus obstrictum exceperit, baptismi lauacro, & iustum reddit, & peccato uiuificat mortuum. Denique idcirco quod quæ litera occidere, & spiritus uiuificare dicitur, quod orta Euangelij luce, lex uetus ad literam ceremonialiter seruata, mortifera sit atque blasphemā, uenturum significans Christū, quem

Aug. de  
Spi. & lit.  
c. 4 & 5.

1. Cor. 5.

# INTERROG. VEL. PROP.

Ioan. 6.

In ferm.  
de coena  
dom.

quem iam uenisse credimus. Spiritus autem, id est, spiritualis & mysticus legis intellectus, à spiritu sancto reuelatus, uiuificat, eò quod nobis salutem nostram Christum demonstrat. Quod autem adfers ex cap. 6. Ioan. Spiritus est qui uiuificat, caro non prodest quicquam, quomodo intelligendum sit non potest esse obscurum, si quis contextum uerborum Ioannis Euangelistæ diligenter inspiciat. Siquidem (ut Cyp. uerbis utamur) orta fuerat aliquando, sicut in Euangelio Ioannis legitur de nouitate uerbi huius quæstio, & ad doctrinam mysterij huius, obstupuerant auditores cum diceret Dominus, Nisi manducaueritis &c. Quod quidam, quia non credebant, nec poterant intelligere, abierunt retro, quia horrendum eis & nepharium uidebatur, uesci carne humana, existimantes hoc eo modo dici, ut carnem eius, uel elixam, uel assam sectamq; edere docerentur. cum illius personæ caro, si in frustra partiretur, non omni humano generi posset sufficere, qua semel consumpta, uideretur interijssæ religio, cui nequaquam ulterius uictima superesset. Sed in cogitationibus huiusmodi, caro & sanguis non prodest quicquam, quia (sicut magister exposuit) uerba hæc spiritus & uita sunt, nec carnalis sensus ad intellectum, tantæ profunditatis penetrat, nisi fides accedat. Adstipulatur Augustinus Tractatu 27. in Ioan

mem, &



nem, & alij. Si quis itaq; hoc modo uerba Domini de manducatione carnis filij hominis intelligere uoluerit, hic profectò sequeretur literam occidentem. Si quis uerò eadem uerba Domini acceperit, de uera quidem manducatione carnis eius secundum substantiam corporalẽ uerè præsentis in Eucharistia, non tamen sub forma propria & uisibili carnis, sed sub speciebus panis facienda, is non sequitur literam occidentem, sed spiritum uiuificantem.

Deniq; ex Epistola Pauli ad Hebræos, ubi nostra uulgata editio sic habet. Sed non profuit illis sermo auditus, non admixtus fidei ex ijs quæ audierunt. Erasmus autem ita transtulit. At non profuit illis audijsse sermonem, quòd is non esset cum fide coniunctus ijs, qui audierāt. Velsius (ut ipse inquit) secundum Græcam ueritatem ita uertit. At nō profuit sermo auditio nis illis nō contemperatus id est, penitus unitus, ad eorū quodā modo morem quæ temperatura, quam Græci *ἁρμόσιον* uocant, unum fiant, fide ijs qui audierant. Sed Theophylactus eundem locū exponens ita inquit. Græcè uerò admixti legitur. Non enim conuenientes dixit, sed non admixti. Et egregiè quidem, ut arctissimā patefaceret unitatem. Hæc ille. Et certè Paulus uerbis illis nihil aliud uult insinuare, quā nihil nobis prodesse, quòd nobis quoq; denunciata sunt

## INTERROG. VEL. PROP.

bona futura, quemadmodum Iudæis sub figura  
 terræ promissionis, nisi & fidem promissis ad-  
 hibeamus, deponamusque animi omnem pu-  
 sillitatem & diffidentiam. Sicut enim illis ni-  
 hil cōtulit sermo auditus absq; fide, ita quoq; ni-  
 hil nobis proderit, nisi fidē sermonibus diuinis  
 adhibuerimus, uel nisi omnino ab illis. quibus ni-  
 hil profuit sermo auditus propter incredulitatē  
 suā, fuerimus separati. Ita enim interpres. Theo-  
 phylacti uertit. Non admixtus fidei uerborum,  
 ex his q̄ audierunt, quod exponens Theophyla-  
 ctus ait. Id est, nil prorsus his, qui sermonē audie-  
 runt, cōiuncti uel congruētes, sed ab his omnino  
 diuulsi. Græcè uerò admixti legitur. & c. Porro  
 hæc oīa, quid faciunt cōtra diuina nostra myste-  
 ria, & eorum legitimū usum? Quis nostrū un-  
 quam docuit sacramenta dāda incredulis, & ma-  
 fidelibus? Nōne ea fidelibus & iam credētibus,  
 administrāda docemus? Nisi enim prius concepe-  
 rint fidē ex auditu uerbi, ut nō proderit illis ser-  
 mo auditus, ita neq; Sacramenta fidei accipere  
 possunt ad salutē. Cæterū benè habet quod Vel-  
 sius (qui paulò antè conabatur ostendere sacra-  
 menta non causare gratiam) hoc loco eadē dicit  
 esse uiuificātia. Viuificantīū inquit sacramēto-  
 rum. Et qua quæso alia ratione poterunt sacra-  
 mēta esse uiuificātia, q̄ q, gratiam uiuificātē con-  
 ferunt ac causant? Sola enim gratia est, qua ani-  
 ma pecc

ma peccatrix, p peccatū mortua, q̄a gratia spo-  
liata, denuo reuiuiscit, et Deo per amicitia cōiū-  
gitur. Sed de his hactenus, ad reliqua progredia-  
mur. Velsius. Verū his dimissis, ad propositū re-  
uersi, quō superi⁹ posita Augustini uerba, rectē  
intelligi queāt, breuiter explicemus, & sic quod  
sermoni de mysterijs adhuc deest, adijciētes, ip-  
sum absoluamus. Si igitur sic Augustini accipia-  
m⁹ uerba, ad elementū, id est, formas ac typos ui-  
sibiles, accedere uerbū, spiritaliter & ut oportet  
intellectū. fideq; contēperatū, ac penitus uni-  
tū ijs, q̄ audiunt, & inuisibilis gratiæ participes  
fieri querunt, & fieri sacramentū, id est, ea quæ  
diximus elementa, hac demum ratione efficatia  
fieri, ut inuisibile gratiā cuius sunt symbola, in  
se comprehendentia, in animum, qui eius parti-  
ceps fieri debet, transmittere & quasi transfun-  
dere queant, rectē nimirum & salutariter, quid  
dicat intellexerimus, & plenā iam mysterij na-  
turam cognouerimus. Sed tamē exquisitiū ali-  
quando eam, Dionysii Areopagite diuisionem  
sequendo, qui uerbum quóque ipsum, quod ore  
profertur, inter externa connumerat, p̄ceperi-  
mus, si ad oīa ea quæ externē geruntur & in sen-  
sum incurrunt, animi etiam oculos & aures, &  
omnino internū sensum intentū & attentū habē-  
dū esse, cognouerimus, quēadmodū & in uocibus  
mētem præsente ac minimē peregrinātē habere

## INTERROG. VEL. PROP.

oportet eum qui quæ dicuntur præcepturus est, ut sic demum possimus, quæ externis ijs quasi circumscripta & conclusa latent, & ueluti abdita sunt, inuisibilis gratiæ dona, explicata & tanquam eruta, fidei ui animo nostro, ad quem propriè pertinent, inserta & contemperata penitus complecti, externis ijs, officio suo iam functis, ad ea, quæ ipsis cognata sunt se recipientibus, ibiq; quam à natura obtinent uim deinceps exercentibus. Atque in his quidem mysterij, quod sacramentum latinis dicitur, natura ac substantia consistit.

Slotanus. Antea dixerat scholasticæ theologiæ æmulos & comprobatores, perperam intellexisse hæc Augustini uerba, multaque illis adfinxerat falsa, nunc (ut ipse uult) explicat, qua ratione secundum rei ueritatem sint intelligēda, quasi nemo hactenus ante ipsum Augustini uerba intellexerit. Sed operæpretium uidetur, ut sanctissimi & doctissimi patris uerba, integrè & syncerè adscribamus omnia. Itaq; tractatu. 80. in Ioannem ita scribit. Iam uos mundi estis, propter uerbum quod locutus sum uobis. Quare non ait, mundi estis propter baptismum, quo loti estis, sed ait propter uerbū quod locutus sum uobis? nisi quia & in aqua uerbum mūdat? Detrahe uerbum, & quid est aqua, nisi aqua? Accedit uerbum ad elementum, & fit sacra-

sacramentum, etiam ipsum tanquam uisibile uerbum. Nam & hoc utiq; dixerat, quando pedes discipulis lauit, qui lotus est, non indiget nisi ut pedes lauet, sed est mundus totus. Vnde ista tanta uirtus aquæ, ut corpus tangat, & cor abluat, nisi faciente uerbo? Non quia dicitur, sed quia creditur. Nam & in ipso uerbo, aliud est sonus transiens, aliud uirtus manens. Hoc est uerbum fidei quod prædicamus ait Apostolus: *Quia si cōfessus fueris in ore tuo, quia Dominus est Iesus, & credideris in corde tuo, quia Deus suscitauit illū à mortuis, saluus eris, corde enim creditur ad iustitiam, ore autem confessio fit ad salutem.* Vnde in Actibus Apostolorum legimus: *Fide mundans corda eorum.* Et in Epist. sua B. Petrus. Sic & uos (inquit) baptisma saluos facit, non carnis depositio sordium, sed conscientie bonæ interrogatio, hoc est, uerbum fidei quod prædicamus, quo sine dubio ut mundare possit, consecratur & baptismus. Christus quippe nobiscum uitis, cum patre agricola dilexit Ecclesiā, & seipsum tradidit pro ea. Lege Apostolum, & uide quid adiungat. Vt eam sanctificaret (inquit) mundans eam lauacro aquæ in uerbo. Mundatio igitur nequaquam fluxo & labili tribueretur elemento, nisi adderetur, in uerbo. Hactenus ille. Ex cuius uerbis perspicuum fit, S. Augustinum apertissimis uerbis, ipsi uer-

Rom. 10.

Act. 13.

1. Pet. 3.

Ephes. 5.

## INTERROG. VEL. PROP.

bo (quod accedit ad elementum ut fiat sacramentum) tantam uirtutem tribuisse, non quia dicitur, sed quia creditur, et quod hoc faciente uerbo, quod creditur, tantæ uirtutis efficitur aqua, ut corpus tangat, & cor abluat. Nam hoc uerbo, sine dubio, ut mundare possit, consecratur & baptismus.

Oportet ergo adultos credere, uerbumq; in eis esse fidei temperatum ac eis penitus per fidem unitum, modo inuisibilis gratiæ participes fieri uelint, & efficaciam sacramentorū cōsequi. Quis enim hoc ignorat? Et nōne hoc Augustinus lōgè clariùs & expressiùs docet, q̃ ipse Velusius? Quid neceſsū erat ergo, tantā ignoratiā nostris adscribere, quasi nemo antea clarissima & apertissima uerba Augustini intelligere potuerit, nisi accessisset insyncerus scholiastes Velusius? Ceterū rectē adultos diximus debere credere, utiq; propter paruulos, qui per semetipsos non ualent credere, de quibus ibidē, ita loquitur Augustinus. Hoc uerbum fidei, tantum ualet in Ecclesia Dei, ut per ipsam credentem, offerentem, benedicientem, tingentem, etiam tantillum mundet infantem, quamuis nōndum ualentem corde credere ad iustitiam & ore cōfiteri ad salutem. Totum hoc fit per uerbum, de quo dominus ait. Iam uos mundi estis propter uerbum, quod locutus sum uobis. Hastenus ille.

Vel-

Velsius. Nunc ad interrogatorium reuerſi, quæ ibidē ſequantur uideamus. Quid panẽ & uino ſignificetur, omnibus eſt notū. Slotanus. Verū eſt, ſed panis & uini ſubſtantia, non remanet peracta conſecratione, ſed tranſit & mutatur in ſubſtantiam corporis & ſanguinis Domini. Velſius. Per uerbum autem cœleſte, quod minimē cœleſte, ſed potiùs terrenum, carnale, quod ore proferitur, & litera eſt occidens, intelligat, & id ex ſuperioribus iā conſtat, quod idē & de conſecratione intelligendum fuerit. Slotanus. Ex ſuperioribus quōque conſtat, quæ ratione uerbum cœleſte, meritō appellandum ſit. Velſius.

Ceterū ueram carnem, & uerum ſanguinē Chriſti, quid dicant, nec id ambigū eſt, & certē idem nos quod ipſi, hīc concipimus, eam uide licet carnē, quā nobis homo factus, ex puriſſima uirgine Maria aſſumpſit, & in qua in terris uerſatus, nobis rectē & ſecundū Deum uiuendī exemplar extitit, in qua item paſſus pro noſtris peccatis, mortuus & ſepultus eſt, ac reſurrexit, in cœlos aſcendit, & ſedet ad dexteram Dei patris omnipotentis, ut & nos eius paſſionis participes redditi, ac morti & ſepulturæ ipſius cōformati, ad reſurrectionem etiam pertineamus, cōuerſationemq; noſtram in cœlis habeamus. Si militer autē & eū ſanguinē, q̄ in ara crucis pro



## INTERROG. VEL. PROP.

multis effusus est, in remissionem peccatorum, nec alium hîc intelligimus, ut his sic nunc distingas, ne quæ nos homonymia hîc turbet, hæc sit quæ proponitur interrogatio. Slotanius. Sicut Velsus est uersipellis. ita in respondendo uariatus. Dicit se idem animo concipere, quod nos, nimirum ueram carnem, quam ex uirgine. Maria assumpsit, hæc alium intelligere sanguinem, quæ eum, quem in ara crucis fudit pro multis in remissionem peccatorum. At quare apertis uerbis non fatetur, eandem carnem, eundemq; sanguinem, uerè, realiter & substantialiter in sacramento Eucharistiæ existere? Velsus. An credam in sacro altaris mysterio, panem & uinum, relicta sua natura ac substantia, conuerti & transsubstantiari, in ueram carnem & uerum sanguinem Christi, ui uerbi cœlestis, ab ipsis quidem appellati, sed minimè cœlestis, cum sint panis & uino insibilata, ab ipso sæpius (si modo unquam) insibilante, nec intellecta, nec attentè, certa quædam & determinata uerba, consecrationis tempore proferenda. Slotanius. Si rectè credere uelis fateri te oportet in Sacro Altaris mysterio, panem & uinum ui uerbi cœlestis, cum accedit consecratio, in ueram carnem, & in uerum sanguinem Christi conuerti, & transsubstantiari. Quod autem negas uerbum cœlestè, cum sint panis & uino insibilata, blasphemum

*mum est, superiusq; ad hoc respondimus. Quòd uerò affirmas eadem uerba ab ipso insibilante, nec intellecta, nec attenta, calumnia est.*

*Velsius. Hic quid sentiam, ex superioribus iam patet, quòd nimirum pane & uino, integre seruando Christi instituto, & quæ apud Paulum est, traditione, Christi caro & sanguis uerus eiusq; cum omnibus meritis & gratia cõmunicatio, ineffabili quodam modò circumscripta & quasi comprehensa, fidei & sanctæ contemplationis ac meditationis ui eruta, explicataq; uerè req; ipsa animo credentium, cuius per se sunt cibus & potus, reuerenter pane illo & uino assumendo, & edendo ac bibendo, percipiuntur, symbolis ipsis suo officio, quod ex Christi instituto illis accesserat, perfunctis, ad natura ipsis deputatos locos sese recipientibus, ibiq; quam naturalem obtinent uim exerentibus. Quid breuius, quid clarius dici poterat? Slotanus. Dixisti nimis prolixè, & admodum multa quæ ad rem non pertinent, & quæ non parum obscuritatis habent, & tamen non uereris dicere, quid breuius, quid clarius dici poterat? Dicis quidem apertè, licet falsò, panem & uinum manere à consecratione. Sed cur ad principale quod querebatur non respondes apertè & clare. Existimo te claram & manifestam subterfugere responssionem, ut callida hac tergiuersatio*

Matt. 26.  
1. Cor. 11.

## INTERROG. VELS. PROP.

ne tua declines inuidiam eorum, qui te rectè sentire autumant. Velsius. Nunc quæ in proposito interrogatorio sequuntur, superuacanea sunt, nisi quod tantundem adhuc ad superiora adiiciendum uidetur, quanquam ex superioribus id intelligi queat, me uiuam & uiuificam Christi carnem, itemq; sanguinem intelligere, in quo uita consistit, & uiuificandi interioris hominis uis, cum diuinitate Christi, hypostatica unione coniunctam. Slotanus. Tibi quidem Velsi superuacanea uidentur, quæ in proposito interrogatorio sequuntur, qui nec apertè quid sentias confitearis, simplicioribus quibûsque, tuis tectis & obscuris uerbis imponens, qui istis tuis speciosis uerbis credunt te ueritatem corporis Christi in Eucharistiæ sacramento asserere, cum reuera neges, quemadmodum ex alijs tuis scriptis in cõfutatiõe Apologiæ tuæ demonstrauimus. Si enim rectè & uerè credis quod facta cõsecratione, etiã ante sumptionẽ, & deinceps sub externis specieb<sup>9</sup>, uiua & uiuificatrix caro, et sanguis Christi, cum sua diuinitate hypostatica unione coniuncta, uerè, realiter, & substãtialiter existãt in Eucharistiæ sacramento, cur non apertis uerbis confiteris? Aut si non credis, quemadmodum reuera non credis, cur non dicis te hoc negare? Nõne hoc modo, & breuius, & clariùs respondisses?

Sed dicis. Nónne satis breuiter & disertè respondi? Nónne dixi idem nos hìc concipere, quod uos? eam uidelicet carnem, quam nobis homo factus, ex purissima uirgine Maria assumpsit, & cæt. ut & nos eius passionis participes redditi, ac morti ac sepultura ipsius conformati, ad resurrectionem etiam pertineamus conuersationemque nostram in cœlis habeamus? Similiter autem & eum sanguinem, qui in ara crucis effusus est, nec alium nos hìc intelligere? Nónne dixi, Christi carnem & sanguinem uerum, eiusque cum omnibus meritis & gratia communicantem, ineffabili quodammodo circumscriptam & quasi comprehensam, fidei & sanctæ contemplationis ac meditationis uerutam, explicatamque, uerè reque ipsa, animo credentium, cuius per se sunt cibus & potus, reuerenter pane illo & uino assumendo, & edendo ac bibendo, percipi? Sed quousque simplicioribus quibusq; tuis præstigijs impones? Quis non crederet tibi à nobis fieri iniuriam, quod te sacramentarium dicimus? Sed benè habet, quod satis temetipsum aperis & multa præbes certissima indicia, te nō credere ueritatem corporis & sanguinis Christi in Eucharistia, quātumuis astutè illud coneris celare, cōfutatione Apologie tuæ, recensui quō R. D. præpositus Bonnen sis ostēderit, tibi, quod in lib. tuo de hominis beatitudinē

## INTERROG. VEL. PROP.

titudinibus, in materia Eucharistiae totus sis Cal-  
 uinianus, quod etiam ex istis tuis uerbis cōpro-  
 bari potest. Calvinus siquidem in institutione  
 sua cap. 12. de Cœna Domini, dicit primo loco  
 querendum fuisse, quomodo Christi corpus, ut  
 pro nobis traditum est, nostrum fieret, quomo-  
 do sanguis, ut pro nobis effusus est, noster fieret.  
 Id uerò est totum Christum crucifixum posside-  
 re. ac omnium eius bonorum participem fieri.  
 Et cùm quæssisset, quomodo corpus (ita enim lo-  
 quitur) à nobis uoretur, respondet in hæc uer-  
 ba. Cogitemus primùm, spirituale quiddam esse  
 sacramentũ, quo Dominus non uentres nostros,  
 sed animas pascere uoluit. Ac Christum in eo  
 queramus, non nostro corpori, nec ut sensibus  
 carnis nostris, comprehendi potest, sed sic, ut a-  
 nima uelut præsentem sibi datum & exhibitum  
 agnoscat. Denique ipsum spiritualiter obtine-  
 re, satis habeamus, sic enim in uitam ipsum obti-  
 nebimus, quod ipsum est percepisse, quicquid ex  
 sacramento fructus percipi potest. Hanc co-  
 gitationem ubi quis animo præsumpserit ac me-  
 ditatus fuerit, facillè intelliget, quomodo Chri-  
 sti corpus in sacramento nobis offeratur. Ibidem  
 quoque dicit credendo manducari Christi car-  
 nem, eamq; manducationem fructum esse fidei,  
 & ex fide consequi. Nos fide complecti Chri-  
 stum, non eminus apparentem, sed se nobis com-

municantem, Si oculis (inquit) animisq; in cœ-  
lum euehimur, ut Christum illic in regni sui glo-  
ria quæramus, ita sub panis symbolo, pasce-  
mur eius corpore, sub uini symbolo distinctè  
eius sanguine potabimur, ut demum toto ipso  
perfruemur. Nam tametsi carnem suam à no-  
bis sustulit, & corpore in cœlum ascendit, ad  
dexteram tamen patris sedet, hoc est, in po-  
tentia & maiestate & gloria patris regnat.  
Hoc regnum nec ullis locorum spacijs limi-  
tatum, nec ullis dimensionibus circumscri-  
ptum, quoniam Christus uirtutem suam, ubicunque  
placuerit, in cœlo & terra exerat, quoniam se præ-  
sentem potentia & uirtute exhibeat, quoniam suis  
semper adsit, in ijs uiuat, eos sustineat, confir-  
met, uegetet, conseruet, non secus ac si corpori  
adesset. Quoniam deniq; suo ipsius corpore eos pas-  
cat, cuius communionem, spiritus sui uirtute,  
in eos transfundit. Secundum hanc rationem,  
corpus & sanguis Christi, in sacramento no-  
bis exhibetur. Ea, inquam, est corporis præsen-  
tia, quæ sacramenti ratio postulat. Hactenus. illa.  
Calvinus uult spirituale quiddam esse sacra-  
mentum, quo Dominus non uentres, sed animas no-  
stras pascere uoluit. Velsius uerò animi per se  
esse cibum & potum. Est quidem animæ cibus  
& potus, uim suam transfundens in animam,  
atque eam à contagijs & spurcitijs carnis mi-  
ra effi-

# INTERROG. VEL. PROP.

Ioan. 6,

ra efficacia purificans. Nihilominus tamen etiā corporaliter, id est secundū ueritatem substantiāq; ueram corporis & sanguinis Christi sumitur ab anima, non tamen manducationis carnalis more subdit animam, sed modo penitus spiritali, replens eam gratia, & donis suorum charismatum. Nisi enim secundū ueritatē substantiæ carnem eius manducaremus, non interminaretur nobis dominus, uitæ perpetuæ priuationem dicens. Nisi manducaueritis carnem filij hominis & biberitis eius sanguinem, non habebitis uitam in uobis. Est etiam uerus animæ cibus, iuxta domini sententiam dicentis. Caro mea uerè est cibus. Est ergo spiritalis cibus, in quo tamen corporaliter & secundū ueritatem corporalis substantiæ, caro Christi sumitur, animam dignè manducantis replens charismatum muneribus, & nihilominus corpus ipsius ad incorruptionis gloriam & immortalitatem suo tempore percipiendam præparans. Ipsa autem caro Christi in Eucharistia, non alit corpus nostrum (non enim ut alij cibi, ad naturalis uitæ subsidium deseruit) nisi alimonia quadam spiritali, qua etiam dignè manducantium corpora uegetat & sanctificat, & effrenes nostræ carnis concupiscentias, & irrationales cupiditates, iram, gulam, libidinem, & eiusmodi passiones & uitia, transfusione suæ uirtutis



uirtutis quodammodo in corpora nostra sedat, mitigat, & comprimit in nobis, ut non praeualeat in nobis lex membrorum, neque dominetur & regnet peccatum in nostro mortali corpore

Calvinus non aliam in Eucharistia corporis Christi praesentiam admittit, quam ut anima uelut praesentem sibi Christum agnoscat datum & exhibitum. Existimat corpus Christi, non substantialiter adesse & dispensari in Eucharistia, sed Christum sese exhibere praesentem uirtute & potentia. nosque fide complecti Christum: Denique non substantiam seu uerum & uiuificum corpus Christi, sed beneficia quae nobis in suo corpore praestitit. At Velsius in Eucharistiae sacramento ueretur ac horret praesentiam realem domini corporis & sanguinis in Eucharistia confiteri, ac in ueritate manducari & bibi, sed concipit carnem Christi, & eiusdem sanguinem intelligit (non idem inquit, quod ipsi hic concipimus, eam uidelicet carnem, &c. nec alium intelligimus) deinde latenter & subdole subindicat, corporis & sanguinis Christi perceptionem, nihil aliud esse, quam Christi cum omnibus meritis & gratia communicationem, ineffabili quodam modo circumscriptam & quasi comprehensam, fidei & sanctae contemplationis ac meditationis ui, erutam, explicatamque. Et libro de hominis beatitudi-

beatitudinibus circa beatitudinem 4. Beati qui  
 esuriunt & sitiunt iustitiam &c. cum etiam per  
 iustitiā Christū fuisset interpretatus, quod ue-  
 re nostra sit iustitia, subiecit in hæc uerba. Qui  
 toto affectu Christum, quæque in Christo (qui  
 carnem pro nobis assumpsit & mortuus est)  
 nobis donata & oblata sunt, amplectitur,  
 & ipsius se uitæ & morti, conformare con-  
 atur, hunc ego & iustitiam (per quam Chri-  
 stum intelligit) esurire, & fame hac impellente,  
 ad panē illum uitæ, Christum dominum, qui no-  
 stra est iustitia uenire, ac proinde saturādum, ut  
 non esuriam amplius, dixerim, si minus in hac ui-  
 ta (in qua futurorum & perfectorum inchoa-  
 tio quædam est, certè in futura, ubi completum  
 illud pascha in regno Dei, cum Christo comedē-  
 mus. Et post pauca. Ita arbitror (inquit) qui fi-  
 de sanguinē Christi pro nobis effusum hauriunt,  
 in eorum corda, cum eo spiritus sancti gratiam  
 & uim diffundi, ut eo, quo & apostoli, musto  
 expleti, cum Dauide dicere queat. Et calix meus  
 inebrians, quàm præclarus est? Hactenus ibidē.  
 Quibus uerbis satis apertè indicat, illū māduca-  
 re Christum in Eucharistiæ sacrosancto sacra-  
 mento, qui toto affectu Christum, & quæ per  
 eum nobis donata & oblata sunt, amplectitur,  
 & ipsius se uitæ & morti confirmare conatur,  
 illumq; bibere sanguinem Christi, qui fide eundē  
 pro

Aët. 1.  
 Psal. 21.

pro nobis effusum haurit. Sed ualeat Velsius cū  
suis deliramentis, nos cum uniuersa Catholica  
& Apostolica Ecclesia, firmiter & indubitan-  
ter credamus, in sacro Altaris mysterio, facta  
consecratione, uiuam & uiuificatricem carnem  
& sanguinem Christi, cum sua diuinitate hypo-  
statica unione cōiunctam, uerè, realiter & sub-  
stantialiter existere, uerèq; realiter & substan-  
tialiter sumi.

Decimoquintò, An credat non  
solum dignè, sed etiam indignè,  
fide minùs solida, & impura con-  
scientia communicantes, verum  
Christi sanguinem & carnem per-  
cipere.



Non est hæc quæstio (uti Velsi-  
us uult) ex earū numero, quas  
Paulus stultas et ineruditas uo-  
cat, & respui iubet, ut quæ pu-  
gnas pariant. Quinquam si  
pugnās pariant, hoc est eorum ex parte, qui ob-  
stinata pertinacia credere nolunt ueritati. Et  
Paulus nō tam respui iubet, quā ut credamus.  
Nam ex uerbis Pauli aperte colligimus, indignè,  
fide minùs solida, & impura conscientia com-  
municantes, uerum Christi sanguinem & car-  
nem

2 Tim 2

# INTERROG. VEL. PROP.

nem percipere. Qui manducat (inquit) &  
 1 Cor. 11 bibit indignè, iudicium sibi manducat & bi-  
 bit, non dijudicans corpus Domini. Ecce ut in-  
 digni & mali ac peccatores, ueritatem corpo-  
 ris & sanguinis Christi reipsa percipiant, licet  
 indignè & ad iudiciū. Si enim peccatores & in-  
 digni, ueritatem Domini corporis non accipe-  
 rent, nō dixisset Paulus eum reum esse corporis  
 & sanguinis Domini, qui indignè manducat  
 & bibit, eundem iudicium sibi manducare &  
 bibere, quod non dijudicet corpus Domini. Si e-  
 nim tanquā squalore sordidi uasis, Christus nau-  
 seabundus abscederet, aut corpus eius ilico eua-  
 nesceret, & simpliciter communis esset panis,  
 non incideret in iudicium, qui nullum accipe-  
 ret sacramentum. Boni itaq; & mali, hoc est,  
 digni & indigni, quū accipiunt sacramentum  
 Eucharistiæ, idem substantia sacramentum su-  
 munt, nimirum uerum Christi corpus & san-  
 guinem ex æquo mali & boni, sed boni ad uit-  
 tam, mali uerò ad iudicium. Vnde canit Eccle-  
 sia, colūna & firmamentū ueritatis. Sumunt bo-  
 ni, sumunt mali, sorte tamen inæquali, uitæ, uel  
 interitus. Nōne Iudas indignus erat perceptio-  
 ne corporis & sanguinis Domini? Et tamen is  
 una cum alijs Apostolis nouissimæ cœnæ in-  
 terfuit, corpus & sanguinem Dominicum (se-  
 cundū sententiam omnium ferme sanctorum  
 patrum

patrum sacra Scriptura consentaneam) una cum Apostolis accepit, licet sibi in iudicium ac condēnationem. Boni ergo & mali, quum Eucharistiam accipiunt, idem substantia sacramentum sumunt, in utrisq; essentialiter est corpus Christi, sed in malis non est efficaciter per gratiā, bonis pariter & malis, uerum Christi corpus & sanguis datur, utrisq; uere datur & mali perinde ac boni in os admittunt, licet mali ad iudicium.

Porro error iste non credentium ueritatē corporis & sanguinis Christi à malis & indignis reuera accipi, non est nouus, sed antiquus, utpote qui fuerit ante tempora Magistri sententiarum. Sic enim ille (inquit) lib. 4. dist. 9. Hæc uerba & alia, ubi de spiritali manducatione agitur. Quidam obtuso corde legentes, erroris caligine inuoluti sunt, adeo ut præsumpserint dicere, corpus & sanguinem Christi, à bonis tantum sumi, & non à malis. Sed indubitanter tenendum est, à bonis sumi, non modo sacramentaliter, sed & spiritaliter. A malis uerò tantum sacramentaliter, id est, sub sacramento, scilicet sub specie uisibili, carnem CHRISTI de uirgine sumptam, & sanguinem pro nobis fusum sumi, sed non mysticam, quæ tantum bonorū est. Quod deinceps probat auctoritas sanctorū patrū Gregorij & Augustini, quibus

INTERROG. VEL. PROP.

apertè ostenditur, etiam à malis, uerum Christi corpus & sanguinem sumi, sed sacramentaliter, non spiritualiter.

Ceterum licet abusus sit maximus, indignè fide minùs solida, & impura conscientia, Eucharistiam accipere, nihilominus tamen, cum credimus, etiam ab indignis & peccatoribus, uerum & uiuificum Christi corpus & sanguinem sumi, licet in eorum perniciem & condemnationem, memores esse debemus monitionis paulinæ, ut priùs probemus nosmetipsos, ne dum indignè sumimus, ad iudicium nobis sumamus: sicq; ex hoc interrogatorio, colligitur usus benè communicandi. Vnde constat esse falsum, quæ Velsus affirmat, ex altero scilicet illorum, quod in interrogatorio ponitur, nulum usum colligi posse, sed tantummodo abusum malè communicandi, & erroreũ dogma transubstantiationis constituendi. Sed dogma de Transubstantiatione, non esse erroneum, sed consentaneum ac conforme sacrosanctis scripturis & orthodoxæ ac Catholicæ doctrinæ, abunde à nobis superiùs commonstratum est.

Decimosextò. An credat veram carnem, & verum sanguinem, à consecratione facta, sub speciebus externis, quādiu saluæ, & ad sumendum idoneæ

idoneæ perseuerauerint, permanere.  
 An verò credat Eucharistiā, quæ in  
 vsus infirmorum, & aliorū Christi  
 fidelium, reigiose demum sumēda as-  
 seruatur, symbolicum tantum pa-  
 nem, non etiam verè & realiter, cor-  
 pus & sanguinem Christi esse:



Implectitur hæc interrogatio  
 duas præcipuè partes, quarum  
 una queritur, an uera caro &  
 uerus sanguis Christi, à con-  
 secratione facta; sub specie-  
 bus externis, quamdiu saluæ, & ad sumendum  
 idoneæ perseuerauerint, permaneant. Et qui-  
 dem quod uera caro & uerus sanguis Christi, à  
 consecratione facta, permaneat sub externis  
 speciebus, etiam ante sumptionem, superius co-  
 piose satis explicatum est.

Permanent autem eousq; uera caro, & uerus  
 sanguis Christi à consecratione facta, sub exter-  
 nis speciebus, quamdiu saluæ & sumendum ido-  
 neæ perseuerant, etiam si non sumantur, quæ ad-  
 modum circa interrogatorium decimum quæ-  
 tum fusius demonstrauius. Diuina enim uir-  
 tute per consecrationem hostiæ, sacrum corpus  
 Christi sub speciebus panis tamdiu cōtinetur,



## INTERROG. VEL. PROP.

atq; manet, quamdiu illæ manent in sua dispositione naturali, in qua panē affecerunt, eundēq; afficerent, si admirabilis illa conuersio per consecrationem in eo facta non esset, siue quamdiu sub illis speciebus maneret & cōseruaretur substantia formaq; substantialis panis, si adhuc ibidē adesset. Cū uerò prædictæ panis species, per demutationem in ipsis factam, decidunt à sua nativæ & propria conditione, eo quidem modo, quòd sub illis amplius non maneret, forma panis substantifica, si nulla fuisset in eo prius facta per consecrationem conuersio, tunc etiam illic desinit esse corpus Christi. Demde secundo queritur. An credat Eucharistiam, quæ in usum infirmorum, & aliorum Christi fidelium, religiose demum sumenda asseruatur, symbolice tantum panem, non etiam uerè & realiter corpus & sanguinem Christi esse Eucharistiam in usus infirmorum, & aliorum Christi fidelium religiose demum sumendam asseruari, superius planum fecimus, ubi etiam demonstrauimus, tandem peractâ consecratione, uerè & realiter corp⁹ & sanguinē Christi esse, ut symbolicus tantum panis, nequaquam dici possit. Ceterum quod Velsius Eucharistiam, symbolicum uocet panem, in confutatione Apologie eius, sufficienter nos credimus compro-  
basse.

# DE VENERATIONE & adoratione Christi in Eu- charistia.

*Decimoseptimò, An credat Chri-  
stū in Eucharistia, verè & realiter  
præsentem adorandum esse, cū in ma-  
nibus sacerdotū eleuatur, ostēditur,  
& porrigitur.*



Vū in hoc benedictissimo Eu-  
charistiæ sacramēto, totus & p-  
fectus Dñs noster Iesus Christ-  
cōtineatur, uerus homo, & ue-  
rus De⁹, nō solū ab omnibus ue-  
nerādus, sed & piē colēdus & adorandus est. Si  
enim credimus uerū & uiuificū corpus Christi,  
substantialiter in Eucharistia contineri, & di-  
uinitas à corpore uel humanitate semel assum-  
pta, separari haud quā potest, dubium esse ne-  
quit, quā sit adorandum. Hoc enim dictat & do-  
cet omnes homines ratio naturalis, ut Deū ado-  
rent, ubicumq; illius præsentia aduertunt, quæ  
admodū oēs sanctos fecisse ab initio mundi, sacra  
scriptura abūdē testatur. Quod si uerū est, cur  
dubitabim⁹ adorare præsentē in Eucharistia, in  
quæ tam uerè præsens est, quam fuit uerè præ-  
sens in præsepio, & in cruce? & in qua eum

## INTERROG. VEL. PROP.

uerè præsentem uidemus, fidei multo certioribus, quàm corporalibus oculis? Sed quomodo inquis? per uerba Christi rite prolata certus esse poteris, Christum in sacramento uerè præsentem esse. Quare tutò poteris eum sub sacramento adorare. Non quidè adorando externam speciem panis & uini, sed Christum sub eisdem speciebus, nec nudam humanitatem uel carnem Christi, sed carnem Christi, uerbo coniunctam. Tendit enim adoratio in archetipum Christum, qui uerè est Deus adorandus. Non hæret in uisibili creatura; sed penetrat ad ipsum Christum. Etenim quoniam Deus suam specie in Eucharistia non existit, dirigitur ipsius adorantis gestus & externus habitus in illa uisibilia propter id quod continetur in mysterio, non ut in illis uisibilibus hæreat adoratio, sed ut per illorum significationē tendat in diuinā substantiā, sub illis præsentem, quæ significatur à uisibilibus in mysterio contineri. Non ergo quod est hostiæ uisibile adoratur, sed quia indicat contentum, rectè dirigitur adoratio, ut id quod adorationē dignū est adoretur. Itaq; quum Deū qui in cœlis est nemo prohibeat adorare, quis uetabit nos adorare Deum, quē certissimè credimus in Eucharistia præsentē? Præterea Christus dixit Ioan. 5. Pater nō iudicat quemquā, sed omne iudiciū dedit filio, ut omnes honorificēt filium, sicut honorificant

rificat patrem. Qui non honorificat filium, non honorificant patrem qui misit illum. Pater (inquit) omne iudicium dedit filio, ut omnes honorificent filium, sicut honorificant patrem. At quomodo honorificant patrem? Quia credentes eum uerum esse Deum, cultum adorationis ei impendunt. Honorificent ergo etiam filium Dei, uere & realiter in Eucharistia presentem, cultum adorationis ei impendendo, alioquin non honorificabunt patrem. Adde quod cultus & adoratio Christi in sacramento Eucharistiae, ad primum preceptum pertinet. Dominum Deum tuum adorabis, & illi soli seruias Deut. 6. Matth. 4. Iam Christus in sacramento Eucharistiae, est dominus Deus tuus, ergo eum ibidem presentem adorabis. Quicumque ergo sanctum illud corpus diuinitati hypostaticè unitum in Eucharistia adorat, uere & pie facit atque adorat, & satisfacit primo precepto iam adducto. Sed & Christus ipse qui in terris ageret, exhibitam sibi adorationem non prohibuit, nec repudiavit. Siquidem beati illi Magi procidentes adorauerunt eum. Matth. 2. Et leprosus ueniens adorabat eum. Matt. 8. Et undecim discipuli abierunt in Galileam, ubi constituerat illis Iesus, & uidentes eum adorauerunt, Matth. ult. Cæcus natus & à Christo illuminatus, procidit & adorauit eum. Ioan. 9. Et Christus se ipsum à chananæa non per-

INTERROG. VEL. PROP.

misit adorare solum, sed & ipsius fidem magnopere extulit, Matt. 15. Cum itaque hij non solum non culpentur, aut arceantur à Christo, sed benigne sint admissi, & eorum gesta ab Euangelistis tam sedulo sint conscripta, tanquam digna diuinitatis ipsius testimonia, quis culpare aut prohibere audeat, pios hosce Christi adoratores in Eucharistia? S. Paulus in epi. ad Heb. c. 1. Et cum iterum inquit introducit primogenitum in orbem terrarum dicit. Et adoret eum oēs Angeli Dei. Quē totus adorat angelorum chorus, quur homines non adorent. Idem quoq; Paulus qui tā diligenter monuit populum, ne ad sumptionē cibi tam incōparabilis, indigni accederēt, denunciāns ultionem diuinā ijs qui id præsumerent, satis indicasse uidetur, quā honorificam huius sacramenti rationē haberent, & quo cultu perciperēt. Si non est adorandus Christus in Eucharistia, sed adoratores eius idolatriam cōmittunt, ut aduersarij uolunt, qui aut symbolicum panem appellant, aut extra usum, corpus Domini ibi esse pernegant, non dubium est, quin Ecclesia Catholica, per multos annorum centenarios, idololatra fuerit, & à Deo in tantis erroribus derelicta, & maiores nostros omnes esse damnatos. Sed hoc stare non potest cū pollicitatione Christi, q se nobiscū futurū afferuit oībus, diebus usq; cōsummationem seculi

quiq;

Psal. 96.

1. Cor. II.

quique missurū spiritū ueritatis se recipit, q̄ suggereret nobis oīa quaecūq; pridē ipse tradidisset. Quomodo aut uerū esset spiritū sanctū oēm ueritatē nobis aperuisse, si nos errore tā p̄nitioso ac pestifero, tāto tēpore passus est hallucinari? Aut quomodo potest cōsistere pollicitatio Christi dicētis? Ecce ego uobiscū, et c. si hoc toto tēpore fuisset nobiscū, & deplorandā istā cecitatē & omnium lachrymis prosequendam, ab Ecclesiæ filiis nō effugasset? Quamobrē si nihil aliud prorsus esset, per hoc solū possent erudiri, uerum atq; integrum Christum esse in hoc sacramento, atq; ibidē adorandū, in quo per tot annorū curricula, nemine patrū prohibētē, Christiani semp̄ Christū adorarūt. Ecclesia ergo Dei, populo suo corpus Christi ostēdit, ac præbet adorandū, ut animos torpētes ad deuotionē excitet. Sed & de thesauro corporis Christi exultās, circūfert lōgis processionibus etiā extra sacras aedes. Hostiā illam salutarē, simul uidelicet repræsentans, itineris Christi historiā. qui dum quæreret salutem nostram in medio populi uersatus est, & uniuersam Iudæam circumambulauit, docens et ægrotos sanans, discipulis comitantibus. Quamobrē & sanctorum reliquias, et imagines eorū, qui uestigia eius sequuti sunt. simul circūfert, significās illos, nūc cū ipso regnare et triūphare in cœlis. Quæ cū ita sint, lōgē absunt ab idololatria q̄

Chri

## INTERROG. VEL. PROP.

Christum in hoc sacramento pio cultu adorant, pro quo non pœnam, sed æternam retributionis gloriam adipiscuntur à domino. Si enim non perdet mercedem suam, qui uel calicem aquæ frigida dederit uni ex minimis Christi, etiamsi duntaxat dedit in nomine discipuli, ut ipse dominus dixit in Euangelio, quomodo perdere possent mercedem, qui honorem impendunt, non uni ex minimis Christi, sed ipsi Christo filio Dei unigenito? idq; faciunt, nō in nomine alicuius discipulorum eius, sed in nomine ipsius de quo Apostolus ait, quod sit super omne nomen, ut in nomine Iesu omne genu flectatur, cœlestium, terrestrium & infernorum. Vnde consequitur aduersarios nostros (qui recusant genua sua flectere, quando sacramentum hoc, uel in altari eleuatur à sacerdote, uel ab eo deportatur per plateas ad infirmos, uel publicè circumfertur, in processionibus, uel reseruatur in Ecclesiis) peiores, superbiores, & magis esse rebelles ac impios, in Christum dominum ac Deum nostrum, quā sint omnes alij terrestres ac inferni, qui in nomine Iesu genua sua flectunt. Cæterum nos uenerationis & cultus nostri, uetus & insigne habemus exemplum à Rege Dauid, qui saltauit ante arcā Domini, gloriosum existimans arcam Domini sui, obsequio suo honorare, cū tamen in Eucharistia sacramento Christus multo eminentiùs sit

2. Reg. 6.



# PROPUGNATIO. 255

(uti declaratum est) quàm fuerit olim in illa arca, ut meritò excellentiori obsequio & cultu eminentiori ibidem sit colendus.

Adoramus ergo uerbum, quod ex patre natum, in nostra figura apparuit, tanquam Deum secundum naturam (ut Cyrillus ait) quum duorum in unitatem concursus, nihil habeat, quod satis sit ad obscurandum, ita ut propter solius humanitatis suspicionem offendamur. Natura enim uerbi, quæ humanitatem suscepit, non est nuda humanitas, sed potius sua gloria assumptam superans, seruator in incorrupta diuinæ celsitudinis permanentia. Hæc sentientes discipuli adorando dicebant: Verò Dei filius es, quamuis incedentem uidentes, & in nostra carne. Etenim super summas procellas ambulabat mirè ut Deus. Et post pauca. Qui autem mulierem alloquebatur, unus & solus erat dominus noster Iesus Christus, ex adorante humanitate & adorabili deitate uerè in se habens, ut sit & nominetur Deus simul & homo. Et paucis interpositis. Eph: 4. Vnus Dominus, una fides, unum baptisma, sicut scriptum est. Igitur quemadmodum est una fides, quæ in Christum, & unum uerè baptisma, quamuis baptizemus & credamus in patrem & filium & spiritum sanctum, secundum eundem opinor modum & rationem, etiam una adoratio est patris, & incarnati filij & spiritus sancti.

Nullò

# INTERROG. VEL. PROP.

Nullo modo enim propterea unigenitus exclu-  
 detur, ut minus à nobis & sanctis angelis ado-  
 rari possit, quamvis factus sit caro & habita-  
 rit in nobis appellatusq; sit primogenitus in  
 multis fratribus, alioqui quomodo in illum cre-  
 damus, indignum uideri? Nam non dicerent o-  
 pinor, qui rectè sapere uolunt, quod in solum  
 credamus uerbum natum ex Deo patre, despo-  
 liantes illud carne. Neque iterum illud dicere  
 præteribimus, dictum est enim. Non enim tan-  
 quam in unum nobis similem, neque etiam in  
 hominem fides, sed in Deum tēdit naturalem &  
 uerum in persona Christi. Quod si adhuc di-  
 xerint ac obijecerint aduersarij, Christum non  
 esse in Eucharistia ut adoretur, sed ut à fide-  
 libus manducetur. Christum non dixisse, cir-  
 cumferite, ostendite, adorete, sed comedite.  
 Respondebimus primo, argumentum per lo-  
 cum ab autoritate negativè, non ualere, nec ef-  
 se bonam argumentationem, quæ sit ex puris  
 negatiuis. Non dixit Christus circumferite, ideo  
 non est circumferendum, nec dixit ostendite,  
 ideo non est, ostendendum, nec dixit reseruate,  
 ideo non est reseruandum, sed Christus. (in-  
 quiunt) dedit corpus suum ad edendum. Sed  
 quando dedit, & quibus uerbis? Certè non  
 alio in loco, nec alijs uerbis, quam quibus  
 apud discipulos usus est in Cœna. Et tunc  
 non-

nōne ostendit Apostolis suis quibus dedit?  
 Profecto. Nōne potius credendum est ipse  
 facto CHRISTI, quo sic ipse fecit, nimis  
 r̃um ostendens corpus suum sub specie panis  
 discipulis suis, quā negotiū propositioni ad-  
 uersariorū? Porro si nihil aliud esset, quā fru-  
 stulum panis, non uideo cur debeat ostentari.  
 Sed quum ibi sit uerū corpus CHRISTI,  
 munus planē amplissimum & augustissimum,  
 quod pro monumento sui nobis dedit, cur non  
 meretur ostentari & circumferri, cum omni  
 quantum fieri potest celebritate, quatenus po-  
 pulus magis ac magis excitetur, ad huius doni  
 uenerationem, ardentiusq; ad fidem & amo-  
 rem donantis inflammetur. Sed negant fortē  
 reservationem à Christo iuberi. Num propte-  
 rea non est existimandum laudabile institutum  
 esse, ut pro his qui repentinis fortē morbis  
 corripiuntur, hoc sacramentum in promptu  
 habeatur, ne sine hoc saluberrimo uatico dis-  
 cedant. Deinde etiam hoc modo respondemus,  
 CHRISTVM quidem ad hoc non fuisse in-  
 carnatum ac natum in mundum, ut hic ado-  
 raretur in mortali corpore, sed ut consue-  
 retur, crederetur crucifigeretur, & pro nostris  
 peccatis satisfaceret, nihilominus tū non culpā-  
 tur, sed laudantur qui eum adorauerūt. Ut done-  
 mus ergo Christum nō dixisse, adorate, sed mādu-  
 cate

INTERROG. VEL. PROP.

cate, adorationem tamen non interdixit. Imperator ueniens ob pregnantes causas Coloniā, nō idcirco uenit ut honoretur, & tñ idcirco nō consequitur eum non esse eo honore afficiendū, quem constat dicere Imperatorem. Imò qui eundem illi denegarent, ignominia essent afficiendi & supplicio. Deniq; & hoc dicimus, hostias consecratas & reseruatas, etiam in cibum, & ad usum sumendi reseruari, & per hoc nihil fieri aduersus ullam scripturam, neque posse ex ulla scriptura probari, corpus Domini desinere ibi esse ac euascescere, nisi statim sumatur.

Porro de ueneratione ac adoratione Christi in diuinissimo ac augustissimo Eucharistiae Sacramento, apertissima habemus patrum testimonia & exempla. Dionysius Areopagita c. 3. parte 3. Ecclesiastica Hierarchie, in hac uerba orationem fundit ad sacrosanctū Eucharistiae mysteriū. Sed o diuinum penitus sanctūq; mysteriū, obducta tibi significantium operimenta signorum dignanter aperiens, nobis palā atque apertē lucesse, nostrosq; spirituales oculos, singulāri & aperto tuæ lucis fulgore imple. Sanctissimus Alexander Papa & martyr. Nihil (inquit) in sacrificijs, maius esse potest, quā corpus & sanguis Christi, nec ulla oblatio hac potior est, hac omnes præcellit, quæ pura conscientia domino offerenda est, & pura mente sumenda. Be  
sicut

sicut potior est ceteris, ita potiùs excoli & uenerari debet.

Gregorius Nazianzenus oratione 9. in funere sororis suæ Gorgoniæ, cultum adorandi Eucharistiam ostendit tempore suo usitatum fuisse exemplo sororis suæ dicens. Laborabat soror corporis ægritudine, & admodum malè affecta erat, morbo consuetò ac planè peregrino: nam subito sanguis feruebat & ebulliebat, moxq; sistebatur, postea torpedò & stupor sequebatur incredibilis, mentisq; ac membrorum solutio, idque non longo accidebat interuallo, sed nonnunquam frequenter eueniebat, ita, ut malum illud nequaquam humanum esse putaretur, nec medicorum proderant artes, tametsi magna diligentia morbum illum curare studerent, non solum singuli, sed uniuersitiam in unum collecti. Sed nec parentum lachrymæ, opem aliquam afferebant, licet multis multotiens profuissent, neque uulgi preces (quas populus uniuersus, pro salute illius effundebat) siquidem ad omnium salutem pertinebat, ut illa saluaretur, quemadmodum calamitas contra erat communis, si ægritudine malè afficeretur. Quid igitur anima faciebat magna, & maximis digna? & quòdnam aduersus infirmitatem remedium habebat? Iam enim occultum proditur. Quum iam de omnibus alijs

Greg. Nazian.

# INTERROG. VELS. PROP.

desperasset, ad omnium confugit medicum, non  
 etisq; captata solitudine, cum illi morbus paruas  
 cōcessisset inducias, ante altare cū fide procu-  
 buit, ac illum quē venerabatur, magna vo-  
 ce ac omni inuocauit conamine, eiq; mira-  
 cula cuncta quæ olim fecerat, in memoriam re-  
 duxit (nam & uetusta & noua callebat) tandem  
 impudentia quadam pia & pulchra impudens  
 facta, illam imitabatur, quæ ob tactum fimbriæ  
 Christi, à fluxu sanguinis est sanata. Et quid-  
 nam fecit? Super altare caput reclinat, ac cum  
 simili clamore & lachrymarum profluuiio, in-  
 stat illius, quæ olim pedes Christi rigauit, opem  
 implorat, & non antea se cessaturam est commi-  
 nata, quàm sanitatē fuisset adepta. Inde totū cor-  
 pus, pharmaco illo suo perunxit, et si alicubi ma-  
 nus, ex uenerando corporis & sanguinis Christi  
 subexēplari qd recondiderat, pro miraculū dis-  
 cessit, quum confestim de corporis salute facta  
 est certa, tàm anima, quàm corpore ac mente  
 reuenerata, mercedem spei sumens, id quod spe-  
 rauerat, animæq; sanitate, corporis etiam bo-  
 nam ualeitudinem nacta. Hæc quidem magna  
 sunt, & nequaquam conficta. Hæc ille. Amb, in  
 primæ Epist. ad Corinth. ca. undecimū circa illa  
 uerba. Probet autē, &c. Deuoto (inquit) animo  
 & cū timore accedendū ad cōmunionem docet,  
 ut sciat mens reuerentiam se debere ei, ad cuius  
 corpus

corpus sumendum accedit. Hoc enim apud se debet iudicare, quia Dominus est cuius in mysterio sanguinem potat, &c.

Idem Amb. lib. 3. de spiritu sancto cap. 12.  
 Adorauit (inquit) Christum Maria, & ideo præ-  
 nuncia resurrectionis ad Apostolos destinatur,  
 soluens hereditarium nexū, & foeminei generis  
 immane delictū. Hoc enim operatus est in myste-  
 rio Dñs, ut ubi supabundauerat delictū, supabū-  
 daret & gratia. Meritoq; ad uiros foemina des-  
 tinatur, ut quæ culpā uiro prima nunciauerat,  
 prima Dñi gratiā nunciaret. Adorauerunt &  
 Apostoli. Et ideo q̄a detulerūt fidei testimoniū,  
 acceperunt fidei magisterium. Adorauerunt &  
 angeli, de quibus scriptū est. Et adorent eū oēs  
 angeli eius. Adorāt autē nō solum diuinita-  
 tē eius, sed etiā scabellū pedū eius, quia scri-  
 ptum est. Et adorete scabellū pedū eius, quoniā  
 sanctum est. Aut si negant, quia in Christo etiā  
 incarnationis adorāda mysteria sūt, in q̄bus ue-  
 lut uestigia quædā diuinitatis expressa, & uias  
 quasdā uerbi cœlestis aduertim⁹, legūt q̄a et A-  
 postoli adorabāt eū in carnis gloria resurgentē.  
 Et pōst pauca. Ne fortē (inqt) propositū aliquos  
 p̄terfugere uideatur exēplū, qua ratione ad in-  
 carnationis Dñicæ sacramētū spectare uideatur  
 quod ait p̄pheta, adorete scabellū pedū eius, cō-  
 sideremus. Non enim ex usu hominum æstimare

Psalm: 98.



# INTERROG. VEL. PROP.

Isa. 66.

debemus scabellum. Neque enim corporalis Deus, aut non immensus, ut tanquam fulcrum pedibus eius scabellum subiectum putemus. Neque adorandum quicquam præter Deum legimus, quia scriptum est. Dominum Deum tuum adorabis, & ipsi soli seruiēs. Quomodo ergo aduersus legem propheta præciperet, sub lege nutritus, & eruditus in lege? Non mediocris igitur quæstio, & ideo diligentius consideremus, quid sit scabellum. Legimus enim alibi. Cælum mihi thronus, terra autem scabellum pedum meorum: sed nec terra adoranda nobis, quia creatura Dei est. Videamus tamen, ne terram illam, dicat adorandam propheta, quam Dominus Iesus in carnis assumptione suscepit. Itaque per scabellum terra intelligitur, per terram autem caro CHRISTI, quam hodie quoque in mysterijs adoramus, & quam Apostoli in Domino Iesu, ut supra diximus, adorant. Neque enim diuisus est Christus, sed unus. Neque cum adoraretur tanquam Dei filius, natus ex uirgine negabatur. Hæc ille. Hunc sequutus Aug. quum exponeret Psalmum. 21. & tractaret hunc uersum. Māducauerunt & adorauerunt omnes pingues terræ, in conspectu eius cadent omnes, qui descendunt in terram, ita scribit. Manducauerunt corpus humilitatis Domini sui, etiam diuites terræ. Nam sicut pauperes

peres saturati sunt, usque ad imitationē,  
 sed tamen adorauerunt. Et in Psal. 96. circa  
 illum uersum. Adorate scabellum pedem eius,  
 quoniam sanctū est, sic scribit. Videte fratres, quod  
 nos iubeat adorare. Alio loco scriptura dicit.  
 Cœlum mihi sedes est, terra autem scabellum pe- Esa. 66.  
 dum meorum. Ergo terram nos iubet adorare,  
 quia dixit alio loco, quod sit scabellum pedum  
 Dei? Et quomodo adorabimus terram, cum di- Deut. 6.  
 cat aperte scriptura, Dominum Deum tuū ado-  
 rabis, & hic dicit, adorate scabellum pedum ei-  
 us. Exponēs autē mihi, quid sit scabellum pedū  
 eius dicit. Terra autem scabellum pedum meo-  
 rum. Anceps factus sum, timeo adorare ter-  
 ram, ne damnet me, qui fecit cœlum & terram.  
 Rursum timeo non adorare scabellum pedē Do-  
 mini mei, quia Psalmus mihi dicit. Adorate sca-  
 bellum pedum eius. Quæro quid sit scabellum pe-  
 dum eius, & dicit mihi scriptura. Terra scabe-  
 lum pedum meorum. Fluctuans conuerto me ad  
 Christū, quia ipsum quærō hic, & inuenio quo-  
 modo sine impietate adoretur terra, sine impie-  
 tate adoretur scabellum pedum eius. Suscepit e-  
 nim de terra terrā, quia caro de terra est, & de  
 carne Mariæ, carnem accepit. Et quia in ipsa  
 carne hic ambulauit, & ipsam carnem nobis mā-  
 ducandam ad salutem dedit, nemo autem il-  
 lam carnem manducat, nisi prius adoraue-

# INTERROG. VEL. PROP.

fit, inuentum est, quemadmodum adoretur tale scabellum pedum Domini, & non solum non peccemus adorando, sed peccemus nō adorando. Hactenus ille. Chrysost. hom. 24. prioris Epistolæ ad Corinthios. Christus suā carnē dedit nobis, ut ea saturemur, quo nos in plurimū sui amorē allexit. Ad eū igitur cū seruire accedamus, & dilectione quā uehementissima, ne grauius subeam⁹ supplicium. Quāto enim maius beneficiū accipim⁹, tāto magis puniemur, quādo eo indigni apparebim⁹. Hoc corpus in p̄sepe reueriti sunt Magi & uiri impij & barbari lōgo itinere cōfecto, cū timore & tremore plurimo adorauerūt. Imitemur igitur saltē barbaros, nos q̄ cœlorū ciues sumus. Ille enim quū id p̄sepe & tuguriū tantum, neq; eorū quicq̄, quæ tu nunc intueris, uiderēt, summa accefferūt reuerētia & horrore. Tu uerò nō in p̄sepe id, sed in Altari, non mulierem quæ in ulnis teneat, sed sacerdotem p̄sentem & spiritum perabundē sup̄ proposito diffusum sacrificio uides. Nec simplex ut illi corpus intueris, sed & eius potentiam, & omnē cognoscis administrationem, & nihil eorum quæ per ipsum facta sunt ignoras, & diligenter innotat⁹ es in omnibus. Excitemur igitur horrescamusq̄, & maiorem quā barbari illi p̄ nobis seramus pietatem, ut non simpliciter neq; frigide accedentes, uehementiori igni

ri igni caput obijciam<sup>9</sup>. Et in Homilia de sancto  
Philogonio. Rogo (inquit) uos omnes obsecroq;  
ut summo studio summaq; cum alacritate ueli-  
tis adesse, sed prius suam quisq; domum repur-  
get, ut uideamus Dominum nostrum in cunis ia-  
centem, ac fascijs inuolutum, horrendum ac stu-  
pendum spectaculum. Quid enim excusabimus,  
aut quam ueniam obtinebimus, si quum ipse no-  
stri causa descenderit de coelis, nos ad illum uel  
ex adibus ire grauemur, quum alienigenæ bar-  
bariq; ex perside accurrant, ut illum uideant in  
præsepi iacentem, tu uerò ne breue quidem spa-  
cium emetiri sustines, ut hoc foelici spectaculo  
perfruaris. Nam si cū fide accerissemus, procul-  
dubio uidebimus illum in præsepi iacentem. Si-  
quidem hæc mensa, uicem explet præsepis.  
Nam & hic ponitur corpus Dominicum, non  
quidem fascijs inuolutum, sicut tunc, sed undi-  
quaque Spiritu sancto conuestitum. Qui my-  
sterijs initiati sunt, intelligunt quæ dicuntur.  
Ac Magi quidem, nihil aliud quam adorarunt,  
tibi uerò si cum pura accesseris conscientia,  
permitteremus ut sumas, & sumpto domum ab-  
eas. Origenes Homil. 6. in diuersos Euangelij  
locos. Quando sanctum cibum, illudque incor-  
ruptum accipis epulum, quando uita pane &  
poculo frueris, manducas & bibis corpus & san-  
guinem Domini, tunc Dñs sub tectum tuum in-

## INTERROG. VEL. PROP.

greditur. Et tu ergo humilians temetipsum, imitare hunc centurionem, & dicito, &c. Bernardus in sermone de cœna Domini. Qui incipit. Panem angelorum, &c. Quid (inquit) facis homo indignè? Quid facis homo ingrate? Adora deuotiùs, & recole frequentius in Sacramento Altaris, salutem mundi pro te passam, uitam pro te mortuam, fortitudinem infirmatam, &c.

Eusebius Emiffenus. Quum reuerendum (inquit) altare, cibus satiandis ascendis, sacrum Dei tui corpus & sanguinem, fide respice honora, mirare, mente continge, cordis manu suscipe, maximè totum haustum interioris hominis assume. Erasmus (quem Velsius instauratorem Theologici studij affirmat) in Epistola ad fratres inferioris Germaniæ, in qua respondet Epistolæ Apologeticæ, ministrorum uerbi Ecclesiæ Argentoratensis. Quum doceat (inquit) summam impietatem & idololatriam esse, adorare Eucharistiam, quod factum est ante ætatem Augustini & Cypriani, & ut est credendū, ab ipsis traditum Apostolis, nonne damnant totam Ecclesiam? Confugiant ipsi ad illam, nulli cognitā Ecclesiā, sed cuius titulo cuiq; liceret, quodlibet. Si quid tribuendum externis quoq; iudicijs, mihi tot patrum, tot Conciliorum, tot orbis Christiani consensus, pro oraculo est, maximè cum & scripturæ stent pro nobis, Hæc ille.

Decia

Decimooctauò. An credat Eucharistiam asseruatam in ciborio seu pixide, aut deportatam, aut circumlatam adorare idololatriam esse, et an credat illos, qui in Germania & alibi hoc docere præsumpserunt, viros doctos & pios, & vberius ingenij, & veræ cognitionis donum accepisse. Caterum eos qui contrarium sentiunt, pro crassis & carnalibus habendos esse.



**U**X superioribus euidentem esse existimamus, Eucharistiam asseruatam aut deportatam aut circumlatam adorare, non idololatriam, sed omnibus Christi fidelibus esse præceptam illius adorationem Iesum Christum, uerum Deum, uerumq; hominem in se completatur, præsentemq; habeat.

Vnde constat illos, qui in Germania & alibi docere præsumpserunt, Eucharistiã adorari, esse idololatriã, uiros esse puerissimè doctos, & planè impios, qui ingenij sui uim omnem, ad peruersionem Christi fidelium, & Catholicæ Religionis ac Orthodoxæ fidei labefactionem



## INTERROG. VEL. PROP.

exercuerunt, unde neq; uera cognitionis donū,  
sed spiritum erroris, uertiginis ac deceptionis,  
Deo permittente, acceperunt. Illos autē qui con-  
trarium sentiunt, nō pro crassīs & carnalibus,  
sed pro pijs & spiritualibus, pro Religiosis &  
Catholicis habendos esse. Porro quādo dicimus  
Eucharistiā asseruatam, esse adorandam, non di-  
cimus panem (ut Velsus blasphematur) in ciborio  
seu pixide asseruatam aut circumlatam, ado-  
randam, sed Iesum Christum filium Dei. Non  
enim ibi panis est, sed corpus Christi, diuinitati  
eiusdem hypostaticē unitum. Nam panis per  
uerba consecrationis à sacerdote prolata, con-  
uertitur in uerum & uiuificum corpus Chri-  
sti, ueri DEI & ueri hominis. Quando ergo  
adoramus Eucharistiā, non ipsam panis  
substantiam adoramus, quoniam post per-  
actam consecrationem, nulla penitus super-  
est, neque etiam species ipsas panis, quæ ibi-  
dem superstites sunt, adoramus, nam & ille om-  
nino creaturæ sunt, quibus non debetur ado-  
ratio, sed ipsum Christi corpus, diuinitati hy-  
postatica unione coniunctum, & sub illis spe-  
ciebus uerē contentum, suppliciter & Re-  
ligose adoramus. Nullam proinde committi-  
mus idololatriam, cū falsissimum sit nos ado-  
rare panem.

Deniq; quū dicit Velsus ex Pōtifice Romano  
quem



quæ sacrilego ore Antichristū nō ueretur appel-  
lare) matrimonij, à Deo in paradiso instituti,  
prohibitionem & adulterinum ac immundū cæ-  
lebatum prodixisse, & ciborū it idē interdictio-  
nē quos creauit Deus ad sumendū cum gratiarū  
actione fidelibus, & adumbratum quoddam ie-  
iunium quod nihil minus sit, quam ieiunium, ali-  
asq; id genus superstitiones innumerabiles, de-  
clarat euidenter quid de illis sentiat. Nam uocat  
superstitiones. Et splendide hīc mentitur Vela-  
sius. Nō enim prohibet matrimoniū à Deo insti-  
tutum, à sacra scriptura approbatum, & à Chri-  
sto per sui præsentiā & miraculi exhibitionē,  
honoratum, sed arcet eos à matrimonio, qui uel  
per religionis ingressum ac cōtinentiæ uotū uel  
per sacri ordinis susceptionē obligāt semetipsos  
ad perpetuum cælibatum. Nouit quidem eorum  
damnabile esse perfidiā, qui nuptijs detrahunt,  
& thoro immaculato, ac nuptijs debita castita-  
te celebratis culpā dicūt inesse, (quales olim fue-  
runt Tatiani hæretici, qui nuptias in uniuersum  
dānabant & nulli hominū generi eas esse licitas  
asserēbāt, de quibus & alijs eiusdē farinae hæreti-  
cis Paulus loquitur 1. Timoth. 4.) sed quæadmo-  
dū sit bonā esse castitatē cōiugale, ita etiā didicit  
meliolem esse continentiam uidualem, & opti-  
mam perfectionem uirginalē, ut Bedæ docuit.  
Vnde ad comprobandā omnium electionē graduū,  
discernēda

# INTERROG. VEL. PROP.

discernendum tamen singulorum meritum, ex intemerato Mariæ uirginis utero nasci dignatus est Christ⁹, à prophetico Annæ uiduæ ore, mox natus benedicitur, à nuptiarum celebratoribus iâ iuuentis inuitatur, & hos suæ præsentia uirtutis honorat. Porro quoniam non ignorat scriptum esse. Vouete & reddite, iuste arcet eos à matrimonio, qui per proprij oris uotum sese ad perpetuam constrinxerunt continentiam, & sibi prorsus illicitam omnem fecerunt Venerem. Quod autem hūc cœlebatum quidam aduulterent, non hoc fit cœlibatus uitio, sed hominū

1. Tim. 4. lasciuia & incontinentia. Non enim adulterinus & immundus sui natura est cœlibatus, (nam si adulterinus & immundus est, iam cœlibatus non est) sed cœlibatus professores plerūque mundi sunt per carnis incontinentiam, propter quā Deo sunt reddituri rationē. Nec locū habet in Romano pontifice dictū Pauli de illis qui asserturi erāt abstinēdū esse à cibis, quos Deus creauit, ad percipiendū cū gratiarū actione fidelibus. Nam beatissimus Apostolus, contra solos, qui postea erant uenturi, hæreticos agit, & peruersorum dogmatum autores & propagatores, quales præcipuè erant Manichæi, Encratice Tatiani, Seueriani, & cæteri huiusmodi hæreticorum pestes qui esum carniū & uini potum abominabilem esse asserebant, & perpetuū

petuò fugiendum, quod suapte natura, male essent carnes. & unum malum, & hoc pacto creaturas Dei infamabant & execrabantur, cum tamen de omnibus Dei creaturis scriptum sit. Vidit Deus cuncta quæ fecerat, & erant valde bona. Vnde S. Hieronymus contra Iovinianum. Re probat (inquit) Apostolus eos, qui prohibebant nubere, & iubeant à cibis abstinere, sed Marcianum designat, & ceteros hæreticos, qui abstinentiam inducunt perpetuam, ad destruenda & contemnenda & abominanda opera creatoris. Nos autem omnem creaturam laudamus, & maciem saginæ, abstinentiam luxuriæ, ieiuniâq; præferimus saturitati. Et à diebus Ioânis Baptiste ieiunatoris & uirginis, regnum cælorum uim patitur, hæc ille. Cui accedit S. Augustinus in lib. de fide ad Petrum c. 39. firmissimè (inquit) tene, & nullatenus dubites, omnem creaturam Dei bonam esse, et nihil reiiciendū quod cum gratiarum actione percipitur. & Dei seruos, qui carnibus & uino abstinent, non tanquam immunda, quæ à Deo facta sunt, respuere, sed à fortiori cibo & potu, pro sola castigatione corporis abstinere. Hæc Augustinus. Et iterum Hieronymus ad Saluinam ait. Scimus ab Apostolo dictum: Omnis creatura Dei bona est, & nihil reiiciendū, quod cum gratiarum actione percipitur. Sed idem loquitur. Bonum est non manducare carnem, &

non

# INTERROG. VEL. PROP.

- Rom. 13. non bibere uinum. Deniq; S. Bernardus sermo-  
ne. 86. in Cant. Cāt. prædicta Apostoli uerba de  
hereticis prohibētibus usum ciborū à Deo con-  
ditorū tanquā immundum, luculentissimè do-  
cet intelligenda esse. Itaque quod populo Chri-  
stiano certis diebus interdicitur esus carniū et  
alij quidam cibi, non ideo fit quod credantur im-  
mundi, aut natura sua execrandi tanquam ma-  
li, sed fit pro sola castigatione corporis, & pec-  
catorum satisfactione. Vnde Bernardus in loco  
iam citato. Ego inquit interdum abstineo, sed ab-  
stinētia mea, satisfactio est pro peccatis, non  
superstitio pro impietate. Nūc redarguimus Pau-  
lum, quod castigat corpus suum & in seruitutē  
redigit? Abstineo à uino, quia in uino luxuria  
est, aut si infirmior, modico utor, iuxta Pauli  
consilium. Abstinebo à carnibus, nēdum nimis  
nutriunt carnem, simul et carnis nutriant uitia.  
Panem ipsum cum mensura studebo sumere ne  
Ezech. 16. onerato uentre stare, adorandum tadeat, & ne  
improperet etiam mihi propheta quia panem  
meū comederim saturitate. Sed ne simplici quia  
dem aqua ingurgitare me assuescam, ne disten-  
sio sanē uentris, usq; ad titillationem pertingat  
libidinis, hæc ille.

Postremò quod Velsius appellat adumbratū  
ieiuniū quoddam, quod nihil minus sit quā iei-  
unium, quod ex eo prodijt, nihil contra ieiunium

uium ipsum ab Ecclesia indictum facit. Nam licet forte quidam superstitiose ieiunent, alij uerò ieiunium potius simulent, quàm ieiunent ut ieiunium eorum adumbratum quoddam ieiunium, & nihil minus, quàm uerum ieiunium, hominum sit uitio; neq; idcirco aut malum est ieiunium, aut inter superstitiones reiiciendum, quod sanctum Euangelium, quod Prophetæ, quod Apostoli, denique sancti angeli prædicant & commendant. Ipse utique Velsius sibi testis est, quod nulla ei pars sit cum eis, quibus tam impudenter repugnat. Sacra scriptura ubique commendat & inculcat ieiunium, & Velsius illud inter superstitiones numerat. Deus per prophetam Ioel. I. ait. Conuertimini ad me in toto corde uestro, in ieiunio, & fletu, & planctu, cum ergo Velsius ieiuniū tanquàm superstitionem derideat, nōne conijcitur ipsum Deum blasphemare?

Decimononò, An credat olim Bèrègariū asserentem, panem & uinū, quæ in altari ponuntur, & post cōsecrationem, solummodo symbola, seu nudum sacramentū esse, & non uerū corpus & sanguinē Christi iure à tribus æcumenicis concilijs Versellēsi, Turonēsi, & Romano damnatū, &

INTERROG. VEL. PROP.

ad palinodiam addactum fuisse, quæ  
habetur, de consecratione dist. 2. c.  
Ego Berengarius.



Berenga-  
rius.

Vit hic Berengarius natione  
Gallus, Diaconus Ecclesie S.  
Mauritij Andeganensis, dia-  
lecticis quibusdam captiuncu-  
lis prorsus deditus, p quas fal-  
laciem huius mundi gloriam, quam plurimum  
ambiebat, se consecuturum sperabat. Vnde fa-  
ctum est, ut in hanc insaniam proruperit. Qua  
de causa motus Leo 9. tunc summus Ecclesie  
Catholice Pontifex, Vercellis Concilium con-  
gregavit, quo Berengarium aduocatum ac ci-  
tatum, minimè tamen uenire uolentem, cum suis  
complicibus, nisi citissimè resipisceret, perpe-  
tuò dānauit anathemate. Leo tamen paulò post-  
modū interiecto tēporis spacio moritur, et Berē-  
garius in sua obstinatione persistens, uenenū suæ  
Hæressis, per totas diffundit Gallias. Vnde Vi-  
ctor secundus, qui Leoni 9. successit, Concilium  
Turonis, per Hildebrandum Ecclesie Romanæ  
Cardinalem, ac illius uice Concilo præsidentem,  
celebrauit. In quo per quosdam eruditissimos  
uiros, et præcipuè per Lanfrancum Cantua-  
riensem Archiepiscopum conuictus, sed mini-  
mè emendatus est. Nam inde abiens, ueluti canis  
ad



ad uomitum redijt. Quam ob causam Nicolaus  
secundus, qui uictori in Ecclesiæ administratione  
succeffit, Romæ Concilium centum, & qua-  
tuordecim Episcoporum congregat, in quo ad-  
sistens Berengarius, instante, & urgente Nico-  
lao, & Alberico Diacono uiro doctissimo, aut  
emendatus, aut emendatum se pœne timore sti-  
mulans, palinodiam recantauit. Quæ recitatur  
in uolumine Decretorum, de Consec. Dist. 2. c.  
Ego Berengarius indignus Ecclesiæ Mauritiij,  
Andeganensis Ecclesiæ diaconus, cognoscens ue-  
ram Catholicam & Apostolicam fidem, anathe-  
matizo omnem hæresim, præcipuè eam de qua  
hactenus infamatus sum, quæ adstruere conatur,  
panem & uinum, quæ in altari ponuntur, post  
consecrationem solummodo sacramentum, &  
non uerum corpus & sanguinem Domini no-  
stri Iesu Christi esse, & non posse sensualiter,  
nisi in solo sacramento, manibus sacerdotũ tra-  
ctari uel frangi, aut fidelium dentibus atteri. Cõ-  
sentio autem sanctæ Romanæ Ecclesiæ, & Apo-  
stolicæ sedi, & ore & corde profiteor de sacra-  
mentis Dominicæ mensæ, eandem fidem me tene-  
re, quam Dominus & uenerabilis Papa Nico-  
laus, & hæc sancta Synodus, autoritate Euangé-  
lica & Apostolica, tenenda tradidit, mihiq;e  
firmavit; scilicet panem & uinum, quæ in altari  
ponuntur, post consecrationem non solum sa-



# INTERROG. VEL. PROP.

cramentum, sed etiam uerum corpus & sanguinem, Domini nostri Iesu Christi esse, & sensuualiter non solum sacramētum, sed in ueritate manibus sacerdotum tractari, frangi, fidelium dentibus atteri, iurans per sanctam & homouision Trinitatem, & per sacrosancta Christi Euangelia. Eos qui contra hanc fidem uenerint, cum dogmatibus & consecratoribus suis, aeterno anathemate dignos esse pronuncio. Quod si ego ipse aliquando, contra hoc aliquid sentire aut predicare præsumpsero, canonum seueritati subiaceā. Lecto & plecto spōte subscripsi. Hanc confessionē suae fidei, de corpore et sanguine Dñi nostri Iesu Christi, coram cētum quatuordecim Episcopis factā, misit Papa Nicolaus per urbes Italiae, Germaniae, Galliae, & ad quaecunq; loca fama prauitatis peruenire antē potuit, ut Ecclesiae quae prius doluerant de aduerso atq; peruerso, postea gaudeant de reuerso atq; cōuerso.

Porro Velsius putat non esse necesse, ut ad hoc interrogatorium quicquam respondeat. cum quae eius de Eucharistiae Sacramēto sit sententia, apte constet, Berēgarij res, sibi parū esse notas, nec exquisitē quid is senserit sciat, nec scire laboret, cū salus eius ex eo non pendeat, sed potius ut Christi institutū & Apostolorū traditionē & doctrinā hac de re. perceptam habeat. Quare iure, an iniuria, h. a. tribus illis Concilijs

damna

damnatus sit, ignorare se dicit, sed id iudici Deo permittit, qui illū huius causæ iudicē non fecit. Quod planē nihil aliud est agere, quā tergiuer sari, & ad inuidiam declinandam, subterfugere uelle apertam responsionem. Quæ autem Velsii de Sacramēto sit sententia, ex superioribus liquet, itidem apertē constat quā perceptam habeat Christi de hac re institutionem & Apostolorum traditionem ac doctrinam. Nam si illam probē teneret approbaretq; apertē non formidaret confiteri, iure Berengarium, à tribus illis Concilijs damnatum esse, & ad palmodiam adductum fuisse. Sed Velsius ignorare se dicit, iure an iniuria ab illis damnatus fuerit, idque iudicio Deo permittit, qui illum huius causæ iudicem non fecit, cū tamen summa temeritate & extrema arrogantia, in unum Ecclesiæ Catholicæ & cūmenicum Episcopum, ceterosq; Ecclesiæ prælatos & ministros, temere diiucandi sibi sumat censuram, quemadmodum & in superioribus claruit, & inferius patebit amplius,

*Vigesimo, An credat Matthiam & Laurentium Vorsbach, & Godfridum Hornecker, quorum primus paruulorum baptismum improbat, secundus Laurētius.* CHRISTI

INTERROG. VEL. PROP.

uiuificatricem carnem, diuinitati  
sue coniunctam, in Eucharistia  
contineri pernegat tertius Hornes-  
ker, Eucharistiam, quando in alta-  
re reponitur, seu deportatur, vitu-  
lum Bethauen proclamat, & si-  
mul omnes adorandum esse infician-  
tur, an credat hos iniuste carcere &  
vinculis constringi, & Inquisitioni  
objici.



Ro huius interrogationis ex-  
plicatione, cogimur gesta eorū  
paucis conscribere, quorū no-  
mina designantur in interro-  
gatorio. Fuit hic Colonia ciuis  
quidam Mathias Vörsbach nuncupatus, qui su-  
spectus de horribilibus sceleribus, Anabaptistica &  
Zuuingliana, à Spectabili Senatu huius inclitæ  
Ciuitatis Coloniensis coniectus est in uincula,  
& postea, tam Apostolica, quàm ordinaria au-  
toritate hereticæ prauitatis Inquisitoribus præ-  
decessoribus nostris, reuerendis uiris Tilmanno  
Smelingo Segebergensis tunc priori & præce-  
ptori meo, Hermannio Blanckfort Monasterii  
enisi sacre Theologie professoribus delatus.

Qui contra eum uia inquisitionis procedendo, ipsum ob suam manifestam rebellionem, articulis inquisitionis contra eum exhibitis, respondere pertinaciter recusantem, excommunicationis uinculo innodauerunt, & præterea ob inflexibilem illius contumaciam, articulos inquisitionis eiusmodi, ob iniunctam, sed recusatam responsionem, pro confessos habendos decreuerunt. Ipse autem quia interea ad plurimos annos, in huiusmodi excommunicationis sententia, cum summo censurarum, & Ecclesiæ contemptu inforauit. Et cum interim Inquisitor ordinarius excessisset è uiuis, et Apostolicus, ob senilem debilitatem hac functione liberatus esset, nos (cum nobis etiam denunciatus fuisset, ad continuandum contra ipsum inquisitionis processum) ex officio nobis imposito uolentes gliscenti anabaptistico & sacramentario malo & contagioni occurrere, contra ipsum inquisitionis uia processimus, & exhibitis per officij nostri promotores articulis, cum sub obedientiæ debito multis modis ad respondendum iisdem articulis per uerbum ueritatis, secundum Christi & Apostolica præcepta (quæ unumquemq; iubent, testimonium præbere ueritati, & fidem suam quam corde credit, ore quoq; confiteri) requisuimus, eundemq; id facere, ut hactenus semper proteruè et perniciosè recusantem, rursus excommunicauimus,

# INTERROG. VEL. PROP.

mus, seruatisque seruandis, ob perdurantē eius, in non respondendo, contumaciam, prædictos articulos inquisitionis pro confessis habendos instar prædecessorum nostrorum decreuimus, factisq; Exhibitis contra eū, certis probationibus apud acta descriptis, clarē & p̄spiciuē deprehendimus, quod ipse coram deputatis Senatibus fuerit & sit, publicē & apertē confessus in uulgari. Eßs sei war das als sin fint ongesuerlich ein iar alt geweest/ sei eßs noch vngetaufft verblieben/vnd souiel des Kindes tauff belangt/ die weill der glaub fur geschriebē stehet/ soll der glaub fur die tauff geben. Hoc est, dicit esse uerum, quod proles sua ad minus per annum, remanserit non baptizata, & quantum ad baptismum paruulorum atinet, quia fides præmittitur debere fidem præcedere baptismum. Similiter quoque confessus sit, quod intra octo annos, neq; sacramentaliter confessus sit, neque sacram. communionem acceperit, quodque à communionē alterius speciei abhorrerit: Idcirco prædictis alijsq; contra eum coram nobis deductis, & quantum opus est uerificatis, quod officij nostri erat præstitimus.

Huius frater Laurentius Vorsbach ( cum secundū laudabilem huius sanctæ & inclitæ Ciuitatis Colonienſis morem et consuetudinem, san-

sanctissimum & diuinissimum Eucharistiæ Sacramentum, à Reuerendissimo in Christo patre & Domino Adolpho, S. Coloniensis Ecclesiæ Archiepiscopo, iā in Christo, defuncto, antequam dēte toto ei⁹ uenerabili Clero, comitatibusq; eū, eiusdē ciuitatis prudentibus Consulibus, amplissimoq; Senatu, & uniuerso populo ad exorandā Dei clementiā, pro salute publica deferebatur) ipsi populo se immiscens, & ad locum (cuius quem idem sanctissimum Sacramētum, per præfatum Reuerendissimum deuotē gestabatur, de industria, ut quod animo tenebat, gestu quoque toti populo declararet) conferens & recipiens, ipsi uenerabili Sacramento, neque caput aperuit, neq; ullum honorem exhibuit, sed capite tecto erectus stans, uelut despiciens quod gerebatur, permansit, ac post paucos dies, quendam libellum supplicem, memoratis Consulibus & Senatui exhibuit, & in eo inter alia adstruxit, in uenerabili sacramento, post consecrationem, diuinitatem Christi cum corpore eius coniunctam non existere, eāque de re dixit, grauem abominationem & idololatriam esse, Sacramentum Altaris adorare, in grauisimum Senatus, totiusq; populi huius urbis scandalum & offensionem.

Porro inter alia ex prædicta eius supplicatione Senatui porrecta, nec non etiam responsio



## INTERROG. VEL. PROP.

nibus eius, ad articulos inquisitionis factis, compertur manifestè ipsum esse grauiſſimis erroribus cum uerbo Dei pugnantibus, & à sanctis patribus uniuersalibusque Concilijs sæpe damnatis miserè implicatum teneri, & inter alia quidem quod adserit, in uenerabili sacramento post consecrationem humanitati, seu corpori & sanguini Christi, diuinitatem eius coniunctā non esse, nec illic Deum personaliter, seu totum Christum præsentem existere, & ob id delationem uenerabilis sacramenti, idololatrico more, deportationum Dei dici, eiusdemq; adoratione, idololatriam esse, seq; ea de re, cum ipsum uenerabile sacramentum per Reuerendissimum Archiepiscopum deferretur eidem nullam reuerentiam exhibuisse, ne à populo circumstante crederetur existimare, in parte sacramenti, quæ circumfertur esse Deum, sed magis hoc ipso indicaret, Christum in sacramento non esse adorandum. Christus ( inquit ) apertè dixit. Accipite & comedite, hoc est corpus meum, & non hoc sum ego. Item Christus dixit, hoc est corpus meum, quod pro uobis tradetur uel frangetur. Et hic est sanguis meus noui testamēti, qui pro multis effundetur. Quæ itaque impassibilis diuinitas, nihil horum pati possit, quemlibet bonum Christianum agnoscere, ac confiteri oportet, hoc sacramentum non esse Deum. Nam si  
solum



solum corpus est Deus, planè errare conuincor si autem deitas pro nobis in mortem data ac passa est, benè sentire existimabunt sacerdotes nostri. Sed cum deitas nihil horum pati possit, fateri charissimum oportet, sacramentum non esse Deum. Quod si non est Deus, diuinus ei non debetur honor, & multo minus adoratio. Adhæc quòd quando Venerabile sacramentum sub utraq; specie non datur, sed unà porrigitur et sumitur, tunc ibi uerum corpus & sanguinem Domini nostri Iesu Christi, haud quaquam esse, dari, uel accipi.

Godefridus Hornecker tempore eiusdem solennis processionis uenerabilis & diuinissimi sacramenti Corporis Christi, presente eodem Archiepiscopo Coloniensi, eiusdemq; uenerabili clero, nec non spectabilibus Consiliis & Senatu, innumeraq; populi multitudine huius inclitæ & sanctæ Ciuitatis Coloniensis, in compluribus publicis foris & plateis, eis quæ uenerabile Sacramentum, piè deferebatur, & religioso cultu, secundum sanam doctrinam & Ecclesiastica instituta uenerabatur, de industria, ex uno in alium locum procurrens, seditiosa ac blasphema uoce, ad auertendum populum ab eiusmodi ueneratione contra uenerabile sacramentum proclamauit Bethana Bethana. Et cum ea de causa auctoritate amplissimi Senatus. Vicecomiti esset

# INTERROG. VELS. PROP.

traditus, & inquistoribus ut blasphemus & de  
 heresi uehementissimè suspectus fuisset delatus,  
 inuentus est grauissimis erroribus & heresibus  
 infectus, multaque erronea, heretica, blasphema  
 & seditiosa sepi<sup>9</sup> scripsisse, dixisse pariter & se  
 cisse. Et potissimū quidē quod asseruit, se nō cre  
 dere hoc ipsum, quod deportatur ac circumfer  
 tur, quodq; in pixide aut domūcula recluditur,  
 uenerabile ac diuinissimum Sacramentū Eucha  
 ristie designans, esse Sacramentum, sed habendū  
 pro uitulo, q̄ idololatrico cultu, colebatur in Be  
 thel eiusdem cultum idololatriam esse, & pro  
 pterea quod idololatriā eā, sustinere non potui  
 set, in diuersis locis (ut p̄mittitur, tēpore depor  
 tationis eiusdē, alta et sonora uoce exclamasse,  
 ut eiusmodi suis uerbis et clamoribus, numerosis  
 simo populo tunc congregato, antecedēti & se  
 quenti inculcaret, ibi uerum corpus & sangui  
 nem Dñi Dei & saluatoris nostri Iesu Christi,  
 minimè circumferri, sed esse idololatricum opus  
 manuum hominum, quod aureus uitulus nuncu  
 paretur, q̄ in Bethell, uel Bethauen (ut iā memo  
 ratū est) sub impijs populi Israelitici Regibus,  
 olim adorabatur. Et hactenus de illis. Nunc ope  
 rapreciū est cognoscere, quid Velsus de blasphe  
 mis, impijs, & deliris hominibus sentiat. Et pri  
 mō quidē in responsione ad decimū interrogato  
 riū ita scribit. In epist. ad Reuerendissimū, cum  
 que

quæ ad nostrā, imò & Christi ueritatis causam pertineret, ipsi proposuissimus atq; absoluissemus, uisum nobis fuit, ipsum quoq; monere de negotio, duorum captiuorum ciuium Coloniensium, laicorum quod dē, sed quorum ego uitā et mores, ut ad Christi præcepta, & dilectionis Dei proximi normā, & humanæ fragilitatis cōditionē, satis rectē institutos, à plurimis probari intelligerē, Laurētij nimirū Vorsbach, & Godefridi Hornecker, in quo min⁹ rectē mihi præcedi uideretur hæc ibi, planē ea quæ scripsit ad Re. nō ad Christi et ueritatis causam pertinet, sed poti⁹ ad ueritatis subuersionē, et Christi ignominiam et blasphemiam. Deinde quales fuerint horum captiuorum mores qualisue uita, et quā rectē ad Christi præcepta, & dilectionis Dei & proximi normam, fuerit instituta, pius lector ex his quæ retulimus faciliē coniiciet.

Porro hoc loco dicit nos tertiū ueteratorie addidisse, cuius causa sit ei penitus incognita cū tantum de duorum negotio Episcopo Coloniensi scripssisset. Sed cū Matthias Vorsbach, à multo tempore, annisque aliquot ut ipse Velsus ait) Colonia captiuus detentus fuerit, quanquam sub hæc tempora Vicecomiti primum traditus sit, cur non æque exploratum habuit, an de paruulorum baptismo aut ullo alio nostræ Religionis negotio, rectē nec sentiret quemadmodum aliorum duorum quorum uitam

# INTERROG. VELS. PROP.

uitam & mores bene institutos à plurimis probari intelligeret nisi quia eiusdem cum illis fuerat sententiæ?

Sed differamus paululum, quæ hic contra nos scribit, de errore nostrorum circa baptisma paruulorum, & negotio Laurentij Vorsbach, ad Godefridum Hornecker ueniamus, ut cognoscant etiam cuncti qui hæc lecturi Velsii impietatem. Id breuiter dicam (inquit) credere me ipsum Papam, quiq; ab ipso sunt Episcopi & Sacerdotes, ipsi Hieroboam comparare uelle, qui metuens ne si ascenderet populus, ut faceret sacrificia in Domino domini in Hierusalem, reuerteretur regnum ad domum Dauid, & conuerteretur cor populi ad Dominum suum Roboã Regem Iuda, & sic ipse interficeretur, excogitato callido consilio, duos uitulos aureos fecit, & dixit populo. Nolite ultra ascendere in Hierusalem. Ecce dii tui Israel, qui te eduxerunt de terra Aegypti, quorum unum in Bethell, & alterum in Dan. adorandum posuit, ac sic Israelem, sui cõmodi (ut ipsi quidem uidebatur, cum reuera ruina ipsius occasio esset) causa, in idololatriam pertraxit. eodem igitur modo, & Antichristum Papam, cuius hac parte Hieroboam typus fuit, quemadmodum & Roboã, impius licet aliqui Rex hactenus quatenus de domo Dauid esset, & Rex Iuda, cuius nõ sine causa hîc mêtio fit, Christi,

sti, fecisse, ut ego quidem existimo, aut ipse indicare ea proclamatione uoluit, aut certe spiritus Dei (qui per simplices & Deum timentes operari gaudet, & sæpè numero ut ex scripturis cognoscimus) operatus est per ipsum. Sed ò bone Deus, quàm iniqua comparatione confert impius iste uelsius, summum Dei uiuentis sacerdotem, & Christi in terris uicarium, cæterosq; ouiles Christi Episcopos & sacerdotes, cum impio et sacrilego Rege cuius impietates, sacrilegia, et idololatria, nobis sacra scriptura describit.

Ille auocabat populum à Deo uero & uiuo, & cultu eius & pertraxit ad idololatriam, nimis mirum ad culturam uitulorum. Quod impium fuerit credere ac sentire de summo pontifice. Episcopis & sacerdotibus nostris, nisi forte si qui sunt, qui erant ex nobis, & non permanserunt nobiscum, sed abierunt retrorsum & ceciderunt. Facti Apostata & desertores manifesti, perfidi transfuge, qui matri suæ nunc mouent bella atrocissima, inter quos ipse Velsius non postremum occupat locum, qui quemadmodum nõ ueretur dicere spiritum Dei (qui per simplices & Deum timentes operari gaudet) operatum esse per blasphemum istum Hornecker, ita adorandum Eucharistiæ sacramentum, idolum quoddam, Deum Maosim, Deum panaceum, appellat & non unum, sed in eodẽ sæpius altari, duos

commen-

# INTERROG. VEL. PROP.

commentum esse Papam, & populum fidelem ad idololatriam horrendam pertraxisse. Et Archiepiscopum Coloniensem ut hanc idololatriam sua presentia confirmaret, idolum istud, in festo (ut uocāt Germanicē, den Eöllnischen Gottstracht) circumferre uoluisse. Deinde impiū istū Hornecker, comparat uiro Dei, qui uenit de Iuda in sermone Domini in Bethel, ut quemadmodum Hieroboam stante super altare & thus iacente, exclamauit contra altare in sermone Domini, quāq; ei euentura essent prædixit, ita si quis dixerit (inquit) per huius proclamationem, quæ Archiepiscopam conterruit, ut animi eius uires & robur dissoluerentur, uoluisse Deum, tū ipsum commonefacere, tū ciuitatis Colonienſis Senatum, ut huiusmodi horrenda idololatria relicta, uerum Deum Christūque eius in spiritu & ueritate colerent, quod nisi facerent ac respicerent, tū ab hac crassa & externa idolomania, tū ab illa etiā interna, quæ non huius solum, sed & omnis in genere superstitionis, & abominabilium abusuū, fons est & origo, qua opinionis errore, multos sibi Deos, gloriam, honores, ciuilem potentiam, opes, uoluptatem, libidinem, uentrem, id genus reliqua, quos consecrarentur & colāt, & in quibus spē suam repositam habeant, fingunt ac architectantur, futurum ut iusto Dei iudicio, nō ita multo post,



post, in magnā aliquā calamitatē incurrāt. &c.

Et quidem ut reuertantur omnes ab interna illa idolomania, omnibus pijs optandū est, ne eiuſcemodi homines huic internæ idolomaniæ dediti, in magnam aliquam calamitatē incurrāt, siue temporariam in hac uita, siue æternam post hanc uitam, nisi respiciant, sed quod augustissimum & adorandum Eucharistiæ sacramentum, idolum sit, & cultus ille quo colit illud Catholica Ecclesia idololatria sit, falsissimum esse, nemo ignorat, nisi qui Ecclesiæ desertor & oppugnatō factus, ad castra rebellium & blasphemorū confugit hereticorum. nec est, quod Catholicæ Ecclesiæ morigeri filij, ullam metuant sibi ob hunc tã piū cultū calamitatē, sed potius metuāt sibi aduersarij, nisi respiciant ob horrendas blasphemias in hoc sacramentū eiaculatas, æternā calamitatē. Nō enim est credibile, execrādas blasphemias illas, Deū impunitas relicturū, ad quas meritō obstupeſcunt Catholici, ut non mirum sit, Archiepiscopum Coloniensem, ad phanatici hominis proclamationē inauditā, fuisse conterritū, ita ut animi eius uires & robur dissoluerentur, non quod metueret sibi, sed quod zelo diuino commotus, absq; horrore animi sui exorandam & blasphemam uocem, audire non potuerit, imitatus in hoc præclarissimi & sanctissimi martiris & Episcopi Policarpi memorabile

Lib. 5. Ec-  
cles histoi  
c. 19. & li,  
4. c. 15.

exem-



## INTERROG. VEL. PROP.

exemplum, qui si quid tale audisset, exclamasset statim & aures suas obstruisset, ac sicut mortuus erat ei, dixisset Deus in qua me tempora reseruasti, ut hæc audiam? Nonne etiam ipsum continuo locum fugisset, in quo sedens uel stans, huiusmodi uerba audisset? Denique quod dicit, uerum Deum, Christumque eius, in spiritu & ueritate colendum, nihil prorsus facit contra cultum hunc quem exhibet Ecclesia Catholica diuinißimo Sacramento, illic Christum Deum & hominem essentialiter & uerè præsentem adorando. Nā illa adoratio etiam in spiritu fit & ueritate, per sinceram uidelicet fidem, quod illic præsens adsit uerus Deus & homo, quamuis in forma sua humana non percipiatur, sed tantum credatur ueraciter adesse. Neque adoramus in Eu-christia carnem Christi, nobis apparentem modo sensibili, & secundum dictionem membrorum, aut diuinitate spoliata (quoniam sic auocamur à spiritu ad carnem) sed adoramus ueram carnem Christi, uerbo unitam, & in forma sensibili prorsus illic imperceptibilem, sed spiritu tantum comprehensibilem. Quo fit ut illa carnis Christi adoratio, uerè fiat in spiritu & ueritate, haud minus quam eiusdem gloriosæ carnis, confidentis ad dexteram patris pia & gloriosa fit adoratio.

Iam uerò excutiamus, quibus rationibus Vel  
flus

flus comprobare contendat nos Antichristianos  
(ita enim loquitur) sophistas, non minus graui-  
ter, quàm Anabaptistas errare, quod uim & u-  
sum baptismi rectum, penitus ignoremus, eoque  
facere multos βαπτιστας, & in mani- Rom. 12  
festo Christianos, & in manifesto corpore tin-  
ctos, in occulto autem Christianos, pro dolor,  
& animo tinctos in spiritu non litera, quorum  
laus non ex hominibus, sed ex Deo est, paucis-  
simos. Eamq; putat esse causam, cur Anabapti-  
starum error hoc tempore, & emerferit & ui-  
geat. Vnde dicit nos huius erroris causam præ-  
cipuam, fontem & originem esse, nosque gra-  
uius Anabaptistis errare, quod conatur demon-  
strare ex Dionysio Arcopagita, qui cap. 7. Ec-  
clesiasticæ Hierarchiæ describit modum & ri-  
tum, quem Apostoli obseruandum statuerunt in  
baptizandis paruulis, nimirum ut naturales ob-  
lati paruuli parentes, puerum uni ex fidelibus  
traderent præclaro, diuinarum rerum magistro,  
sub quo iam puer sit, quasi sub patre diuino, san-  
ctæq; salutis alumno. Vel ut Velsius refert, ali-  
cui diuinis initiatorum bono institutori puerum  
traderet, & in explicatione addit, eum esse de-  
bere uirum omnino bonum, & uirtutibus Chri-  
stiano homini conuenientibus conspicuum, non  
solum diuinorum peritum, sed etiam ex ijs ui-  
tam propriam rectè instituentem quod fieri ne-  
queat.

# INTERROG. VEL. PROP.

queat, ut in alios quis transfundat, qui non prius in ipso fuerit, aliosque ad uitæ probitatem incitet, qui non se eius quasi exemplar quoddam præbeat, ut dicere cum Paulo possit. Imitatores mei estote, sicut et ego Christi. Hunc itaque præsul (inquit Dionysius) spondentem, puerum iuxta sanctam educaturum uitam, requirit ut abrenunciationem profiteatur, fidemque profiteatur, non (ut illi ridentes aiunt) alium pro alio imbuat sacris, neque enim hoc ille ait, ego pro puero abrenunciationes facio, aut fidei sacramenta profiteor, sed ita puer renunciat et proficitur, id est, spondeo puerum inducturum, cum ad sacramentum intelligentiam uenerit, sedulis abhortationibus meis, ut abrenunciet contrariis omnino, profiteaturque, et pergat, diuina que pollicetur. Hactenus ille. Velsus ista explicans, uult cum hoc duce, naturales pueri parentes, uel certe eorum alterum si supersit ac præsens sit ac ualeat, adesse oportere, ut puer naturalis quodammodo rationis usu, quem pater præstat (est enim hac quasi parte (ut inquit Aristoteles, infans diminutus imperfectus) destitutus esse non intelligatur: Deinde Hierarcham hominibus loquentem introducit edificationem et exhortationem et consolationem, per linguam significantem, et omnibus presentibus cognitum et patrium, minimè autem peregrinum et ignotum, ne et illi ipsi, et ipse illis sit

us sit barbarus, sermonem, & omnia miro ordine, quæ ad huius mysterij rationem pertinent, absoluentem. Et denique pueri pædagogum & spiritualem patrem, debere, tum com-  
moda uerbi Dei institutione, tum uitæ exemplo agere, ut puer ad iustam aetatem progredien-  
do, contrarijs quidem, quæq; à Christi institutis ac præceptis abhorret, prorsus renunciet, pro-  
fiteatur autem & factis exprimat, sacras spon-  
siones, quod quidem nisi bona fide omniq; dili-  
gentia fecerit, & ipsum grauiissimū periurij cri-  
men incurrere, sibiq; iram in die iræ colligere,  
& puero perditionis causam fieri.

Porro à nobis eligi & admitti dicito susce-  
ptores tales, inter quos uideas plurimos fæ-  
neratores, auaros, rapaces, simulachrorum  
cultores, conuiciatores, Christi nominis blaspe-  
matores periuros, ebriosos, gulosos, adulte-  
ros, scortatores, & ut ad eos ueniat, qui à nobis  
honestiores habentur, Simoniacos, sacrilegos, &  
id genus hominū colluuiem, qui oēs de facto ex-  
communicati cum sint, talesq; cum quibus Pau-  
lus iubet, ut ne cibum quidē capiamus, multò mi-  
nus Religionis nostræ mysterijs communice-  
mus, quosq; negat regni Dei heredes futuros.

I. Cor. 5.  
Gal. 5.

Patrem quoq; pueri naturalem, celebrando  
baptismatis mysterio interesse, ut puer aliquan-  
do audiuisse se meminit, uel in templo ipso  
M m 2 eo ipso

# INTERROG. VEL. PROP.

eo ipso tempore, nefas apud nos haberi, cum nullius magis intersit, eius rei oculatum & auritum testem esse, quam ipsius, et si qua fieri possit, omnino adesse debeat.

Deniq;, inquit, quomodo non grauißimum, quod non communi & patrio sermone omnibus cognito, sed pègrino & alieno, plerumq; etiã ipsi sacerdoti nõ satis intellecto, qui qualis plurimum uita sit & moribus, cuiusq; in sacris eruditionis, quamq; in ea quæ agit attentus, quid attinet dicere? hanc quasi surdis fabulam agat, & interdum per tria saltet, aliãq; multa scenicè magis ac Histrionicè quàm Ecclesiasticè & Hierarchicè gesticulatur?

Horreant omnes (inquit) quotquot hæc audiunt, horreãt Antichristiani sophistæ, cum omnium mysteriorum ac Sacramentorum profanatores, tum huius uel maximè horũ opera factũ est, ut in nobis Ezechielis illud, locum habeat, quod nimirum radix nostra & generatio, sit de terra Chanaan, Pater noster Amorreus, & mater nostra Cethæa. Et quando nati sumus in die ortus nostri, non sit præcisus umbilicus noster, & in aqua non simus loti in salutem, neq; sale saliti, nec inuoluti pannis. Nam quid quæso ex omnibus his, in quibus huius sacramenti substantia potissimũ constitit, faciunt? Non rectè dixi, dicere debebam quid non, quod cum omnibus his  
è diameo

ē diametro pugnet, in quibus mysterij huius substantia potissimum consistit, faciunt? Et iterum quum prēmisset, quales apud nos sint susceptores, ait. Quomodo queso nō rectē dicatur, quod pater noster sit Amorraeus? Et cum in ea Ecclesia, ubi Antichristi tyrannis, & peruersa uigēt dogmata, quæ Christi doctrinæ & præceptis sunt contraria, mysterium hoc omnibus tantum non suis partibus adulteratum peragatur, quomodo non meritō & mater nostra Cethæa dicatur? Et iterum. Cui non, cum ita prophanari (inquit) uno conspurcari, primum nostræ religionis mysterium, primum ad uitam & salutem aditum et ingressum ab impudētissimis istis porcis & canibus uideat, præ doloris magnitudine lachrymarum fontes ex oculis prosiliant? Quis non cogitet uerissimè nobis dici posse, quod quādo nati sumus, in die ortus nostri non sit præcisus umbilicus noster, & in aqua non sumus loti in salutem, nec sale saliti, nec pannis inuoluti, candidaq; illa, salutaris iustitiæ ueste induti? Horreo dicere, dicere tamen me cogit Deus, cum in huiusmodi appellatorum Christianorum multitudinem intueor, proditorum mihi ac Iudarū, multitudinem uidere uideor, qui externè Christi nomen & insigne præ se ferentes, internè antiq; serpentis notam, impressam gerunt, ipsiq; nomen dederunt, & in eius castris animo uersantur.



# INTERROG. VEL. PROP.

tur. Et quomodo aliter fieri posset, sic (ut iam dictum est) affectis plurimum susceptoribus, sic sacerdote mystagogo ita obitis ipsis mysterijs sacris, ut præstigijs quibusdam, & illusionibus similiora, quàm nostræ Religionis consentaneis sacris. Vnde quæso tot impedimētis obiectis, Sacramentum uim suam exercere possit? Hactenus Velsius, cuius uerba, licet non eo ordine quo ab eo scripta sunt, ipsa tamen uerba eius & sensum eorundem fideliter recitauimus. Quæ quidem omnia tam horrenda auditu, blasphema & execranda ac detestanda uerba, non ut Velsius uult, cogit eum dicere Deus, sed Satanas potius, qui quum idcirco Satanas, id est, aduersarius dicatur, quod de cœlo lapsus, Deo creatori suo aduersari non desinat, in eo scilicet quod loquitur mendacium, ut decipiat creaturam ad faciendum secundum adulterium, ostendens se tanquam sit Deus, atque ita diabolus ipse pro Deo, tanquam adulter pro uiro legitimo suscipiatur: Quum itaque aduersarius sit Dei, persuasit Velsio ut aduersaretur Ecclesie Dei, & tam horrendas blasphemias aduersus Dei & illius mysteriorum subuersionem euomeret. Sed ad rem ueniamus. Primò ergo dicendum, in quo huius mysterij siue Sacramenti substantia potissimum consistat, ut cognoscat pius lector, non esse impedimenta, que



quæ prohibeant Sacramento uim suam exercere, quæ Velsius nobis opponit, & falsissimum esse, in his ab eo enumeratis, Sacramenti substantiam potissimum consistere. Itaque Sacramenta duobus his potissimum consistunt. uerbo uidelicet & elemento, tanquam partibus quibusdam substantialibus. Ritus autem quos Ecclesia ex Apostolorum traditione addit, tam ad decorem honorémque ac solennitatem sacramenti, quàm ad denotandum & docendum nos, quid in sacramento agatur, adhibetur, sine quibus tamen uerum sacramentum consistere potest modò ibi sint uerbum & elementum, quæ potissimum de substantia sunt sacramenti, non autem ritus superadditi. Quia tamen eiusmodi ritus diuinorum mysteriorum pleni sunt, & magna cum ratione à patribus instituti, nempe in excitationem fidei & charitatis, nequaquam contemnendi erunt, sed tanquàm fulcimenta pietatis, diligentissimè ac acerrimè (nisi instans necessitas prohibeat) retinendi. In baptismo itaq; duo sunt, quæ potissimum ad substantiam eius spectant, uerbum scilicet & elementum. Verbum est ipsa inuocatio Trinitatis, huic diuinæ promissioni innixa. Qui crediderit & baptizatus fuerit, saluus erit, quæ pagitur hisce uerbis à Christo traditis. Ego baptizo te, in noīe Patris, & Filij, & spūs sancti.

## INTERROG. VEL. PROP.

Elementum autem, seu materiale externum huius sacramenti, est aqua. De necessitate igitur sacramenti baptismi, est uerbum, quod uocant formam huius sacramenti, quæ designat eius causam principalem, & minister, qui est causa instrumentalis, & usus materiæ, uidelicet ablutio in aqua, quæ designat principalem Sacramenti effectum. Quia sicut aqua corporis sordes abluuit, ita per baptismum homo ab omni peccato spiritualiter mundatur, innouatur, & regeneratur, ut quod incorporale est, inuisibiliter abluatur. Vnde rectissime à Paulo, lauacrum aquæ regenerationis et renouationis appellatur. Porro cetera omnia, quæ in ritu baptizandi obseruat Ecclesia, & in baptismo adhibet, & à primitiua & Apostolica Ecclesia non dubitatur accepisse, magis pertinent ad quandam solennitatem sacramenti, quam ad eius necessitatem aut substantiam, quia absq; eiusmodi ritibus & ceremonijs baptismus à ministro cum debita forma & materia collatus, uerus est baptismus quia omnia habuit, quæ potissimum sunt de necessitate Sacramenti ac substantia eius.

His ita fundamēti loco iactis, excutiamus singula. Cum itaq; non in his quæ Velsius enumerat, baptismi substantia consistat, sed potissimum in uerbo & elemento & ministro, reliqua autem quæ adhibentur (quibus annumeranda sunt etiā illa,

illa, quæ Velsius enumerat & asserit sed falso, esse de substantia mysterij) non uideo qua ratione dicat nos esse profanatores huius Sacramenti, & causam præcipuam esse Anabaptistici erroris.

Sed non obseruatis (dicit) ritum ac modum, quem Apostoli statuerunt ac præscripserunt. Dionysius uult susceptorem pueri, esse uirum omni no bonum, & diuinorum non solum peritum, sed etiam ex ijs uitam propriam instituentem rectè. Vos autem admittitis, fornicatores, adulteros, auaros, & eiusmodi generis homines, de facto excommunicatos.

Nihil esse periculi si in ijs rebus, in quibus potissimum substantia Sacramenti non consistit, quedam uariantur, aut non ita integrè obseruatur, modò quilibet cõformet se in administratione Sacramentorum, consuetudini Ecclesiæ, in qua uiuit, uel hinc liquet, quòd Apostoli institutionem Christi & præceptum de baptizadis hominibus in nomine patris & filij & spiritus sancti, aliquanto tempore non obseruarunt, baptizantes eos duntaxat in nomine Iesu. Olim etiam pueris baptizatis dabatur à Pontifice sacrosancta Eucharistia, quemadmodum ex Dionysio ibidem constat. Nam sic inquit. Tradit autè puero sancta mysteria Põtifex, ut nutriatur in ipsis &c. quod tamen hodie non obseruat Ecclesiæ.

# INTERROG. VELS. PROP.

Deinde quod Velsus asserit Dionysium scribere susceptorem pueri, uirum esse debere omnia non bonum, et uirtutibus Christiano homini conuenientibus conspicuum, quanquam hoc ualde optandum sit, et omnibus aduigilandum sit ut talium pueris suis afficiant fidei paedagogum, tum Dionysius non tam facit mentionem bonitatis, quam eruditionis. Sic enim, inquit. Ut naturales oblato paruuli parentes, puerum uni ex fidelibus tradant, praclaro in diuinarum rerum magistro. Vnde uidetur Velsus haec ex suo affixisse.

Sed susceptor (inquit) pueri, debet tum commoda uerbi Dei institutione, tum uitae exemplo ipsum puerum instituere, quod nisi bona fide, omni diligentia fecerit, grauissimum periurij crimen incurrit, sibi quoque iram in die irae colligit, et puero paeditionis causa fit. De uitae exemplo, quauis merito requiratur, sacerrimus pater non facit mentionem, sed est Velsii additamentum. Deinde ubi paruuli hac tempestate enutriuntur inter Catholicos Christianos, praesumendum est eos a suis parentibus satis diligenter instrui, ut susceptorebus illa instruendi necessitas, et periculum non immineat. Si tamen quocunque modo intelligerent, parentum ignauiam ac negligentiam, uel seductionem puero metuerent, pro uirili contendere debent ut in fide recta instituantur. Cum enim susceptor

ptor assumat sibi officiū pædagogi, & unusq;sq; obligetur ad debitā executionē officij quod accepit, nō dubiū quin ratio officij sui clamet eū curam habere debere discipuli sui, cuius pædagogus est, maximē necessitas immineat, quæadmodū cū baptizati inter infideles aut hæreticos commorantur. Vnde Augustinus. Vos (inquit) ante omnia, tam uiros quā mulieres, qui filios in baptismo suscepistis moneo, ut uos cognoscatis fideiussores apud Deum extitisse pro illis, quos uisi estis de sacro fonte suscipere.

Sed fieri nequit (inquit) ut in alios quis transfundat, quod non prius in ipso fuerit, aliosq; ad uitæ probitatem incitet qui nō se eius quasi exemplar quoddam præbeat, ut dicere cum Paulo possit. Imitatores mei estote, sicut & ego Christi. Bonum quidem esset, si uerbo & exemplo puerum fidei suæ commissum erudiret, sed tamē nihilominus, si pura & inculpata uita desit, transfundere potest fidei & morum doctrinam in illū. Quales fuerint scribæ & pharisei Christi apud Matthæum palam facit. Et tamē cū tales essent, doctrinam sanam transfundebant in auditores, ita ut Christus diceret de eis populo. Quæ dicunt facite, quæ autem faciunt, nolite facere dicunt enim & non faciunt. Itaque ut mali doctores, ita etiam impuri susceptores, doctrinam fidei, quam habent,

1. Cor. II.

Matt. 23.

# INTERROG. VEL. PROP.

bent, transfundunt in alios non autem uitam bonam, quam non habent, quam etiam si haberent, nequaquam transfunderent, sed duntaxat doctrinam uitæ bene instituendæ: Vt autem ex auditu sanæ doctrinæ, uita rectè instituatur, nõ sermo hominis, sed unctio facit spiritus sancti. Nisi enim (ait. S. Grego.) spiritus, cordi adsit audientis, otiosus est sermo doctoris.

It uerò quis nõ rideat, quod auaros rapaces, simulachrorum cultores, conuiciatores, Christi nominis blasphematores, periuros, simoniacos, & id genus hominum colluuiem, de facto dicat omnes esse excommunicatos, non intelligens discrimen inter excommunicatos, qui publico Ecclesiæ iudicio, ab exteriori Ecclesiæ cõsortio, donec resipiscant, separantur, & penitus secluduntur & inter hos, quos certa ratione, uti mēbra licet inutilia, ab Ecclesiæ unione non repellimus. Nam excommunicati, quamuis Ecclesiæ membris cohabitent, & secundum exteriorem politiam, cum Ecclesiæ membris conuersentur, nemo tamen eos Ecclesiæ membra dixerit, quod secus est in Christianis, quamuis publice peccantibus, ab Ecclesiæ tamen consortio nõn dum refecatis, scripturis id apertè docentibus.

1. Cor. 5.

Paulus siquidem Corinthijs scribens, redarguit ac obiurgat eos, quòd audiretur inter eos fornicatio talis, qualis nec inter gentes. Et



mox apertum discrimen facit, inter fornicarios & sceleratos fratres, ac fornicarios ac sceleratos huius mundi, quòd illos uti membra contagiosa tolli ac segregari, & ut fermentum malitiæ ac nequitiae, commixtum massæ, expurgari iubeat, donec respuerint, quemadmodum ipse illic incestum fratrem excommunicat, ad Sathanae interitum carnis tradit, ut spiritus eius saluus fiat in die Domini. Non tolleret autem, nec segregaret, nisi eum intus in Ecclesia, fuisse fauteretur. At fornicarios & sceleratos huius mundi, ibidem penitus foris esse dicit, & eos ad suum iudicium non pertinere. Quid enim mihi (inquit) de his qui foris sunt iudicare? Nonne de his, qui intus sunt, uos iudicatis. Nam eos qui foris sunt Deus iudicabit. Subdit ergo. Auferite malum ex uobisipsis. Sed & ex superioribus quæ & Ecclesia dicta sunt, liquet Christianos peccatores, carnaliter uiuentes, atqui adeò lethalibus criminibus contaminatos (modò tamen pacem integram, quantum, ad fidei ac doctrinæ professionem integram & sacramentorum participationem attinet, cum membris uiuis retineant) in Ecclesia esse & nequaquam per excommunicationem ab ea separatos, cum Ecclesia contineat bonos & malos.

Porro si secundum Paulum, qui talia agunt, Gal 5.  
regnum Dei non consequentur, & talibus non  
debeas I. Cor 6.



# INTERROG. VEL. PROP.

debeamus commisceri, nec cum huiusmodi cibum sumere, constat quid Velsio nisi respuerit sperandum, & quantum ab omnibus vitandus ac cauendus sit, qui tam contumeliosus & maledicus est in omnes. Nam cum reliquis qui regnum Dei non possidebunt, & quibuscum cibum sumere prohibemur, maledici sunt & communicatores, & Christi nominis blasphematores. Et certe quis alius est Christi nominis blasphemator si non Velsius, qui Christi nomen in Eucharistia blasphematur & eam appellat idolum?

Deinde quod asserit patrem pueri naturalem, celebrando baptismatis mysterio interesse se debere. hoc ex Dionysio non colligitur. Sed sanctus uir dicit parentes naturales paruuli oblato, puerum tradere consueuisse, praeclaro diuinarum rerum magistro, quem praesul requirerebat quique pro puero spondebat, nulla prorsus facta mentione praesentiae paterna, ut manifestum sit etiam hoc esse Velsii additamentum.

Denique neque hoc ex Dionysio habemus, debere baptismatis mysterium patrio & communi sermone omnibus cognito celebrari, sed a Velsio illi adscribitur. Ipse enim introducit Hierarcham hominibus loquentem, edificationem, exhortationem & consolationem per linguam significat

significantem & omnibus præsentibus, cognitū  
 & patrium sermonem. Quæ in Dionysio nō ha-  
 bentur,. Et tamen si haberentur, non continuo  
 inde conficitur baptismatis sacramentum, pa-  
 trio & omnibus cognito sermone celebrandum.  
 Nam quia Hierarcha loquebatur omnibus præ-  
 sentibus ædificationem, exhortationē, & conso-  
 lationem necesse erat eū loqui omnibus cognito  
 sermone ut ab omnibus intelligeretur, & fortē  
 exponebat populo, qd in exhibitione huius my-  
 sterij ageretur, id quod in administratione Sa-  
 cramentorū faciendum, canonibus Cōcilij pro-  
 uincialis Colonienſis, anno 36. celebrati decre-  
 tum est, in hæc uerba. Quia in Sacramentis ali-  
 ud uidetur, aliud agitur, instruendus est popu-  
 lus in cuiuslibet exhibitione, quid in eiusce-  
 modi religioso arcano. (id enim sacramentum  
 sonat) agatur. Cum enim in sacramentis istis,  
 per signa quedam sensibilia, infundatur insen-  
 sibilis gratia, congruens externis signis, exci-  
 tanda est fidelium fides & deuotio in Deum  
 ut credentes, ac diuinum mysterium intelli-  
 gentes, ad Dei ac saluatoris nostri Iesu Chri-  
 sti participandam gratiam accedant. Quod  
 fiet, cum parochus sub administratione cu-  
 iuslibet sacramenti, sacra concione populum,  
 breuiter admonuerit, quid in ea re agatur, hæ-  
 ænus ibi.

Non est ergo quod Velsius dicat omnes hor-  
 rere debere qui hæc audiunt: Non enim sumus  
 huius Sacramenti profanatores, sed religiosi cul-  
 tores: Nam omnia diligentissimè & exactissi-  
 me obseruamus, in administratione huius sacra-  
 menti, non solùm ea in quibus potissimum substā-  
 tia huius mysterij consistit, uerumetiam quæ ex  
 Apostolorum traditione obseruat Ecclesia. Non  
 uigent in nostra Ecclesia Antichristi tyrannicæ  
 neq; peruersa dogmata, quæ Christi præceptis  
 & doctrinæ sint contraria, & mysterium hoc  
 omnibus suis partibus, non adulteratum, sed in-  
 tegrum & absolutum peragitur.

**Ezech. 36.** Non est proinde nostrorū opera factum, ut  
 in nobis Ezechielis illud locum habeat, quod ni-  
 mirum radix nostra & generatio, sit de terra  
 Chanaan &c. Et quando nati sumus in die or-  
 tus nostri, non sit præcisus umbilicus noster, &  
 in aqua non simus loti in salutem &c. Nam si  
 hoc intelligamus de illa aqua, quā Dominus per  
 eundem Prophetam alio loco promisit dicens.

**Ezech. 36.** Effundam super uos aquam mundam, & mun-  
 dabimini ab omnibus iniquamentis uestris, &  
 ab uniuersis idōlis mundabo uos. Hoc enim cum  
 dictū sit de aqua lauachri salutaris in baptismo  
 nō est nostrorum opera factum ut in nobis illud  
 Ezechielis locum habeat, cum apud nos baptis-  
 mi mysterium, omnibus suis partibus absolutū

& perfectum peragatur. Et quanquam deceret  
 atque conueniret, huius Sacramenti ministros,  
 & puerorum susceptores esse uiros bonos, pios  
 & doctos, uerū tamen ministrorū malitia haud  
 quaquam obesse potest ipsi sacramento, quò mi-  
 nus sacramētum uim suam exercere possit. Nam  
 ipsum sacramentum à bonis & malis ministris  
 datur, sicut & sumitur, nec melior est baptismus  
 qui per meliorem datur, nec minus bonus, qui  
 per minus bonum datur, nec malus qui per ma-  
 lum datur, nec maius munus datur in baptismo  
 dato à bono, nec minus in baptismo dato à  
 malo, sed æquale. Quia non est munus homi-  
 nis, sed Dei, fuerunt olim Corinthij in eo erro-  
 re ut putarent sacramentum baptismatis, ali-  
 quid uirtutis habere ex meritis ministri. Vnde  
 baptizatus ab uno, prætulit se baptizato ab  
 alio, prout unus ministrorum excellentior uel  
 sanctior uidebatur alio. Quilibet enim nomina-  
 uit se ab illo, à quo fuerat baptizatus, unde &  
 contentiones erant inter eos, dum unusquisque  
 eorum diceret. Ego quidem sum Pauli, ego au-  
 tem Apollos, ego uerò Cephe, ego autem Christi. I. Cor. 1.  
 Sed errauerūt, q̃a baptismus nō habet efficaciam,  
 nisi ex merito Christi, tanquam è causa merito-  
 ria, q̃ tactu suæ mundissimæ carnis uim regene-  
 ratiuam contulit aquis. Vnde de latere Christi  
 morientis, omnia sacramenta dicuntur fluxisse,

# INTERROG. VEL. PROP.

quoniam uirtute dominice passionis operantur  
 Christus uerò ut Deus, seu tota beatissima Tri-  
 nitas, est causa effectiua et principalis uirtu-  
 tis baptismi, quoniam solus Deus intus bapti-  
 zat peccata abluendo, et gratiam infunden-  
 do, sine cuius infusione nemo iustificatur, nul-  
 liq; peccata dimittuntur. Vnde Ioannes bap-  
 tista dixit de Christo. Quia uidi spiritum descen-  
 dentem, quasi columbam de cœlo, et mansit su-  
 per eum. Et ego nesciebam eum, sed qui misit  
 me baptizare in aqua, ille mihi dixit. Super  
 quem uideris spiritum descendentem, et manen-  
 tem super eum, hic est qui baptizat in spiritu  
 sancto.

Ioan. I.

Matt 3.

1. Cor. I.

Rom. 8.

Et alibi ait. Ipse uos baptizabit spiritus san-  
 cto et igni Rectè ergo aduersus prædictum Co-  
 rinthiorum errorem inuebitur dicens, Diuisus  
 est Christus? Nunquid Paulus crucifixus est pro  
 nobis, aut in nomine Pauli baptizati estis? Gra-  
 tias ago Deo meo, quod neminem uestrùm bap-  
 tizauit, nisi Crispum et Caium, ne quis dicat,  
 quod in nomine meo baptizati estis. Porro in  
 Epistola ad Romanos. An ignoratis (inquit)  
 quia quicunque baptizati sumus in Christo Ie-  
 su in morte ipsius baptizati sumus, ostendens ni-  
 mirum quomodo Christus baptizet. Dicimur e-  
 nim hac ratione in Christo baptizari, non so-  
 lum quod Christi institutione baptizamur, ue-  
 rum etia

rumetiam quia baptizamur ipsius operatione,  
 qui uerè baptizat & in spiritu sancto. Dicimur  
 autem in morte ipsius baptizari: quia baptis-  
 mus à Christi morte uirtutem habet, & ipsius  
 mors, animarum nostrarum purificationem o-  
 peratur, quia dilexit nos, & lauit nos à peccatis **Act 1.**  
 suis nostris in sanguine suo Cum itaq; Christus sit  
 qui baptizet, baptismus talis est (ait Augustinus In. 4. disti-  
 nus) qualis ille, in cuius potestate datur non **5. De cons.**  
 qualis est ille, per cuius ministerium datur. **Vn- dist. 4.**  
 de si inter bonos ministros, cum sit alius alio  
 melior, non est melior baptismus, qui per me-  
 liorem datur, nullo modo malus est qui eti-  
 am per malum datur, quia idem baptismus da-  
 tur, & ideo per ministros dispares, Dei mu-  
 nus est æquale, quia non illorum sed eius  
 est. Et Item cum baptizat malus illud  
 quod datum est, unum est, non impar pro-  
 pter impares ministros, sed par & æquale,  
 propter hoc hic est qui baptizat. Item  
 ego dico, & nos dicimus omnes, quia iustos  
 oportet esse per quos baptizatur, iustos oportet  
 esse, tanti iudicis ministros. Sint ministri **Matt. 23,**  
 iusti si uolunt. Si autem noluerint esse iusti  
 qui sedent in cathedra Moysi, securum me fa-  
 cit magister meus scilicet Christus, de quo spi-  
 ritus sanctus dicit, hic est qui baptizat. Item  
 Quos baptizauit Iudas, Christus baptizauit,



## INTERROG. VEL. PROP.

Si quos ergo baptizauit ebriosus, homicida, adulter, si Christi erat baptismus, Christus baptizauit. Non timeo adulterum, nec ebriosum, nec homicidam, quia columbam attendo, per quam mihi dicitur, hic est qui baptizat. Item homicida dedit baptismum Christi, quod Sacramentum tam sanctum est, ut nec homicida ministrante polluatur. Ex his perspicue cernitur baptismum uerum à bonis & malis dari, & ipsum tamen eque sanctum esse, & munus eius æquale, siue à bonis, siue à malis quis baptizetur, quia ministri ministerium tantum habent, non potestatem baptismi. Potestatem enim sibi retinuit. Quod nouit Ioannes, cum uidit columbam descendentem super Christum. Quid nouerat Ioannes baptista? Dominum. Quid non nouerat? potestatem dominici baptismi, in nullum hominem à Domino transituram, sed mysterium planè transiturum. Potestatem à Domino in neminem, sed ministerium in bonos & malos. Non exhorreat columba ministerium malorum, respiciat potestatem Domini. Quid facit tibi minister malus, ubi bonus est Dominus? Neque enim qui plātat, neque qui rigat est aliquid, sed qui incrementū dat Deus. Si superbus fuerit minister, cum diabolo computatur, sed non contaminatur donum quod per illum fluit, purum est per lapideū canalem trāsire aqua



aqua ad areolas, in canali lapideo nil generatur, sed hortus fructus plurimos adfert. habet ergo non modo boni, sed etiam mali ministerium baptizandi, sed neuter potestate baptismi. Ministerium enim dedit Christus servis, sed potestate sibi retinuit. Cyp. in ser. de baptismo Christi principio plura de hac re habet. Ex quibus omnibus perspicuum esse arbitror, malitiam ministrorum, in baptismi mysterio ac administratione eiusdem, impedimento esse non posse, quod minus sacramentum effectum suum consequatur. Non ergo, ut flagitiosis nostris patrocinium queramus, mendacissime in ore habemus, (quemadmodum Velsius mendacissime et impudenter garrit ac nugatur, bonitatem et malitiam conditiones esse impertinentes (quanquam ego neminem adhuc legerim nostrorum qui ita loquatur) ministerio, sed ut Deo nostro Iesu Christo, potestate quam sibi retinuit, integram illibatamque adstruamus, et non tribuamus ministro, quod merito tribuitur soli Deo, quod etiam per malos, uti per bonos, sacramentum cum effectu suo largitur. Conferunt enim etiam si mali existant, nihilo secius verum sacramentum. Ipsi enim ideo ministri huius sacramenti sunt, non quia boni (alloqui omnes boni ex officio essent ministri huius sacramenti, quod constat esse falsum, cum ad proprium officium sacerdotis pertineat baptizare, etiam si malus sit, secus autem est in necessitate, in qua

# INTERROG. VEL. PROP.

Et laicus, imò et mulier ministros se exhibere  
 possunt sacramenti baptisimi, quia nō iudicatur  
 homo q̄ baptizat, sed spiritus Dei, qui submini-  
 strat gratiā Sacramēti, licet etiā paganus sit qui  
 baptizet, sed q̄ ministri q̄ b<sup>o</sup> accidit, q̄ sint boni.  
 Porro est aliud dicere bonitatē et malitiā, cōdi-  
 tiones impertinētes esse ministerio, et aliud di-  
 cere bonitatē et malitiā, cōditiones impertinē-  
 tes esse ministro, quia siue boni siue mali sint mi-  
 nistri sacramēti, equaliter tñ cōfertur effectus  
 sacramenti per eorum ministerium, quia Chri-  
 stus est qui baptizat. Sunt tamen conditiones im-  
 pertinentes ministro qui si rectē legitime, et  
 ad animę suę salutem, ministerio sui uti uelit,  
 oportet eum esse bonum. Si non sit bonus, ipse  
 cum diabolo computatur et peccat, sed tamen  
 non contaminatur donum Christi, sed quod per  
 illum fluit purum est. Nihil obest ministri ma-  
 litia, ubi bonus est Dominus, uti dictum est.  
 Sed quid ais? (inquit Velsius) bone uir, itāne  
 bonitas et malitia, conditiones sunt, imperti-  
 nētes ministerio? Distinctē loquamur, et uidebis  
 errorē tuū. Interrogo igitur, an bonitas et mali-  
 tia ministri nō quaten<sup>o</sup> aliud q̄ ppiā, sed quaten<sup>o</sup>  
 minister est, et secūdu ipsū ministeriū specta-  
 ta, cōditiones sint impertinētes ministerio? Re-  
 spōdeo hoc modo consideratā bonitatē et mali-  
 tiam ministri conditiones impertinentes esse mi-  
 nisterio,

ministerium, cum ministerij affectus æque succedat, malus sit minister an bonus.

Vt (inquit Velsius) qd uelim similitudine clarius intelligas, pinde interrogo ac si de cultro, quod secandi est instrumentū pcutar, an bonitas & malitia cultri, quatenus culter est, & secandi instrumentū (sunt autē hæc, acumen & obtusitas, nam qui acutus est, recteq; secare ualet, bonum cultrū dicimus, qui autem obtusus est, maleq; secat, malum, & si prorsus secare nequeat, ne cultrum quidem omnino appellandum censemus) conditiones sint impertinentes cultri officio? Nam ex auro, aut argento, aut ebore, aut ligno capulum confectū habeat, hic minimè moralatet, eum non hoc ipso per se & quatenus cultrum, sed per accidens meliorem deterioreū uenferi. Respondeo magnū esse discrimē inter cultrum, & baptismi ministerium. Nam minister Sacramenti instrumentaliter quidem agit, sed est instrumentum animatum & rationale, liberum habēs arbitriū, quo uel ad bonū uel ad malū declinat. Præter hoc instrumentale agēs, principale agēs in baptizādo est Deus p̄ autoritatē, & ipse Christ⁹, cuius meritū opatur in baptismo, & ex plenitudine diuinæ bonitatis & gratiæ Christi, baptizatus cōsequitur gratiā, nō aut ex bonitate ministri, qui instrumentaliter duntaxat operatur, unde non refert ad Sacramenti rem uel

# INTERROG. VEL. PROP.

effectum percipiendum, utrum ipse bonus sit uel malus, gratiam habeat nec ne. Porro culter est instrumentum prorsus inanimatū, quod officio suo benè uti nequit, nisi has conditiones habeat, & ab alio moueatur. Ideoq; si benè secat, bonus censebitur culter, si minùs benè, minus bonus sin aut nihil prorsus secare possit, ne culter quidem omnino appellandus erit. Per ministrū autem malum, Christus baptizat & gratiam confert quemadmodum dictum est.

Hoc tamen uerum est, oportere ministrum esse bonum modò benè uelit ministrare, hoc est, ad animæ suæ salutē. Et huc spectant ea quæ deinde Velsius citat ex Euangelio. Debent enim ministri esse sal terræ. Quod si sal euauerit, in quo salietur? Ad nihilum ualet ultra, nisi ut mitatur foras, & conculcetur ab hominibus. Quibus uerbis Christus non pronunciat bonitatem & malitiā esse conditiones pertinentes ad ministeriū, sed ad ministrōs, qui nisi boni sint uelut sal infatuatum, conculcandi sunt, eò quòd ultra nihil ualeant. Debent ergo esse lux mundi. Non potest ciuitas abscondi supra montem posita, neq; accendunt lucernā & ponunt eam sub modio, sed super candelabrum, ut luceat omnibus qui in domo sunt, Sic luceat lux uestra coram hominibus, ut uideant opera uestra bona, & glorificent patrem uestrum qui in cœlis est. Denique

que si boni esse uoluerint, ea quæ beatitudinum doctrina continentur, exactissimè obseruare curabunt.

Ex his (inquit Velsius) quib non animaduertitur, id uerè dici posse ac statui, quod etiam Dionysius Arcopagita inquit. Hunc uniuersalem esse diuinarum rerum decorem & ordinem, ut primum eorum particeps fiat, ipsisq; compleatur sacer dux, quæ par ipsum diuinitus, alijs sunt donanda, & sic alijs impartiat. Hic animaduerte quæso pie lector quàm scientificæ, & quàm certissima demonstratione (uti iactitat) Velsii rationes sint suffultæ. Ea enim quæ Dionysius scribit de participatione mysteriorum, hoc est, corporis & sanguinis Domini, confundit Velsius, & detorquet ad participationem bonitatis uitæ. Dionysius causam assignat, cur Pontifex ipse prius sacra sumit mysteria, quàm alijs tradat, quòd ille Ecclesiastica functionis sit congruentissimus ordo, ut prius ipse præsul sumat hæc sanctissima Sacramenta, & prius impleatur diuinis illis donis, quæ p ipsum alijs sunt dispartienda, & sic deinde alijs tradat. Ita enim inquit. Enimvero participatio, cōmunionē præcedit, mysticamq; distributionē mysteriorū sancta perceptio. Est enim hic diuinarum rerum decentissimus ordo, ut prius communicet, atque impleatur sanctus præsul ijs (quæ per illum distri-

Eccle. Hie  
rar. c. 3

## INTERROG. VELS. PROP.

*buenda sunt ceteris) diuinis donis, et sic alijs tra-*  
*dat. Sed quæ sequuntur eius uerba, Velsio patro-*  
*cinari uidentur. Ita enim subiicit. Quo circa*  
*et ij, qui diuinis magisterijs (priusquam digna*  
*illis conuersatione capaces effecti sunt) abutun-*  
*tur audacter, impuri atque à sacra lege extra-*  
*nei omnino censentur. Vt enim solis radijs, te-*  
*nuiores limpidioresq; substantiæ primæ, in fluē-*  
*ti luce replentur, sicq; exuberantē lucem in sub-*  
*sequentes, soli uice transfundunt, ita non sine*  
*periculo, diuinis in rebus quibuscq; alijs se ducē*  
*præstare præsumit, qui non per omnia, euaserit*  
*similimus Deo, et ab inspiratione iudicioq; di-*  
*uino fuerit gubernator declaratus. Hæc ille.*  
*Sed nō patrocinantur Velsio. Nam sanctissimus*  
*pater illis uerbis illos culpat ac reprehēdit, eosq;*  
*que perperam dicit agere, qui diuini magisterij*  
*officium, sibi insolenter arrogant, anteq̃ illius p-*  
*conuersationem capaces sint et idonei, alijsq;*  
*sacra tradere præsumunt, cum nec ipsi sancti*  
*sint, neque sacri, sed immundi, atq; à sacra Chri-*  
*sti lege omnino abhorrentes atq; alieni. Quod*  
*deinceps apposita similitudine confirmās, dicit*  
*eos cū graui discrimine propriæ salutis agere, q̃*  
*præsumunt in quibuscunq; rebus diuinis admini-*  
*strandis, se alijs præceptores et duces exhibere,*  
*qui non euaserint omnino, quantū humana fert*  
*infirmitas, Deo simillimi, quiq; interna reuelaa-*  
tione,



tionem, in iudicioq; exteriore diuinitus dato, nō fuerint gubernatores aliorū designati. Nemo enim (mqt Apostolus) sumit sibi honorē, sed q̄ uocatur à Deo tanq̄ Aaron. Et utinam hæc oēs benè expenderent, qui diuini magisterij officiū sibi insolēter arrogant (qualis est præcipuē ipse Velstus, qui dicit se uocatum à Deo, cum tamē nullo iudicio diuino, sit ad hoc declarat⁹) & q̄buscūq; rebus diuinis ac sacris sese ingerūt administrandis, immundi & nō sacri, et animaduertent cū quā graui piculo propriæ salutis id agāt. Grauius enim delinquant qui hoc temerē audēt. Veruntamen si id tētauerint ac præsumpserint, uera quidē conficiunt mysteria, uerūq; administrabunt baptismatis Sacramentū, quanq̄ ad iudiciū & damnationē propriā eò quòd indignè dignissima tractēt mysteria. Vnde rectē S. Iacobus monet, dicens. Nolite plures magistri fieri fratres mei, scientes, quoniam maius iudicium sumitis.

Heb. 5.

Iac. 3.

Deinde quæ sequuntur in Velsto, nimirū q̄ minister Ecclesiæ sacerdos seu presbyter, debeat alijs ducatū p̄bere, & ut hoc præstare possit, in ipso regri, ut & uia cognitione sit instructus ac minime cæc⁹, insup, ut & san⁹ ac ualēs sit, & ambulare possit, ut habeat aīm sanū & robustū, ut in uite ex Christi instituto et præceptis degēda uiuā p̄eat, alteriq; ducatū præbeat, quæadmodum Christus dixit. Nunq̄d potest cæcus cæcū ducere

Nōne



# INTERROG. VEL. PROP.

Nōne ambo in foueam cadunt eò spectant ut re-  
ctè fungatur dux ac magister aliorum officio  
suo, ne uiz ignoratio, tum ipsi aberrandi sit cau-  
sa, tum alterum seducendi.

Præterea quod præcedentibus adiecit, docto-  
ris officio, Ecclesie ministrum fungi, & neminẽ  
esse posse doctorem, qui non prius fuerit disci-  
pulus, omnino enim ipsum prius nouisse oportere,  
quod alteri sit traditurus, Nouisse autem,  
& scientia comprehendisse aliquem quippiam  
fieri non posse, nisi id ab alio didicerit, aut perse  
inuenierit, etiam si concedamus Velfo, quid  
faciet aduersum nos? & quid ad præsentem ma-  
teriam quam tractamus? Non enim magistri of-  
ficiū ac doctoris, sed ministri Sacramenti &  
præcipuè baptismi excutimus.

Quod autem utroq; modo, ipsum prius disci-  
pulum fuisse, & potissimum in rebus ad religio-  
nẽ pertinentibus, probat, conatur ostẽdere, qui  
in Ecclesia doctoris munere functurus sit, ni-  
hil contra nos facit, nisi quòd non caret suspi-  
tione, quòd interni doctoris facit mentionem,  
& ut dicit, absolutè, Christi discipulum fuisse  
oporteat, aut mediatè, aut immediatè, ut hoc  
prætextu uocationem suam, quam mendaciter  
prædicat, confirmet.

Luc. 24

Sed quod Christi discipulus esse nequeat (in-  
quit) qui non (uno uerbo) omnibus mundi huius,  
animo

animo renunciat, & baiulat crucem suā, & post Christum uenit, ab ipso ueritatis autore didicimus, quæ uerba carnaliter nimium accipiendo, & ineptis distinctionibus adhibitis eludendo, in suam aliorumq; perniciem, perditissimi sophistæ adulterant. Mirum quod in re tam manifesta, tam prolixus Velsus est nugator. Quin profert in medium ineptas quas eludendo adhibemus distinctiones. Certò ego non ineptam adhibebo distinctionē, sed dicam in ueritate, quod ipse textus literæ clamat, Christum non ibi loq de discipulatu, qui consistit in administratione Sacramentorum, sed in imitatione uitæ, & discipulatum illum non tam spectare ad doctrinæ magisterium, quam ad Christi doctrinæ obseruationem. Qui (inquit Christus) non baiulat crucem, & uenit post me (utique per imitationem uitæ) non potest meus esse discipulus. Deinde & hoc dico, istud non tantum dictum esse, ministris Ecclesiæ, aut Sacramentorum, sed omnibus in genere Christianis. Nam ad omnes pertinet illud Apostoli. Qui sunt Christi, carnem suam crucifixerunt cum uitijs & concupiscentijs. Quod prorsus aliud non est, quam per arctam uiam incedere, quæ sola ad salutem perducit æternam. Quod si qui sunt ministri Ecclesiæ, qui per imitationem uitæ, Christi discipuli non sunt, & tamen dispensatores mysteriorum, Dei sunt.

Gal 5.  
Matt. 23.

# INTERROG. VEL. PROP.

sunt, nunq̃d idcirco mysteria uera p̃ eos non dī-  
spēsantur, p̃sertim cū in hoc sacramēto, nō ba-  
ptizet minister, nisi ministerialiter et instrumē-  
taliter, Christi<sup>9</sup> aut̃ sit, q̃ principaliter baptizat?

Porro quod nūc, adijcere operæ precii arbi-  
tratur Vellus pugnare nostrū dogma cum ijs,  
quæ apud Paulū habētur cap. 3. prioris epist. ad  
Timotheū, itēq; cap. primo ad Titū, ridiculū  
est: Suprà enim ostensum est à nobis, Paulū ibidē  
non de finire Episcopū, sed describere Episcopi  
cōditiones & qualitates, q̃bus ornatus esse de-  
beat, modò ad salutē suā Episcopalia munia obi-  
re uelit, & populo sibi subiecto satisfacere, cū  
tñ nihilominus Episcopus reuera sit, etiā si istis  
p̃dictis non sit conditionibus, cū Iudas in uerita-  
te fuerit Apostolus, qui tamen fur erat & la-  
tro, & ea quæ mittebātur portabat. Sed hic ho-  
minem omnia sua demonstratiuè & scientificè,  
ex indubitatis notionibus & principijs (ut in frō-  
tispicio libri sui falsissimè pollicitus est) confu-  
cientē. Superiūs nāque circa interrogatorium  
quintum uoluit simpliciter & absolutè, Paulū  
ibidem ponere Episcopi definitionem, hic autē  
fatetur eū Episcopi ac reliquorum Ecclesiæ mi-  
nistrorum conditiones recēdere, quales nimirū  
esse debeant, secundū idipsum nimirum, quod  
quilibet eorum est ac dicitur, & non per acci-  
dens, ut meritò definitiones quædā esse censi-  
possint,

possint, ut quibus ex ijs quæ ibi continetur, quid desit, secundum hoc et malus iudicetur minister. Possunt autem et tot et talia esse, quæ in ipso considerentur, ut ne minister quidem sit censendus, ut in cultri exemplo superius patuit. Sed ad hoc quoque superius responsum est.

Quæ deinde adfert ex Paulo 1. Cor. 4. Sic nos existimet homo ut ministros Christi, et dispensatores mysteriorum Dei, hic iam quaeritur inter dispensatores, ut fidelis quis inueniatur. Et quæ habet in 1. Timoth. 4. hæc proponens fratribus, bonus eris minister Christi Iesu, enutritus uerbis fidei, et bonæ doctrinæ quæ affecutus es, et cætera quæ ibidem sequuntur, ad finem epistolæ usque, sed et quæ præcesserunt nihilominus, et quæ habet in posteriore ad eundem et etiam ad Titum, omnia hæc eò spectant, ut quid in bono ministro Christi requiratur, et qualis esse debeat ostendat. Eodè spectant uerba Christi apud Matthæum et Lucam docentis, quod sit ueri et fidelis ac prudens serui, et dispensatoris, cui meritò id nomen tribuitur, officium, ut det suæ fidei commissis, oportuno tempore, conuenientem cibi mensuram. Item ea quæ citat ex epistola. 1. Clementis ad Iacobum fratrem Domini. Si enim salubriter suam ipsorum salutem, et subditorum suorum utilitatem ministrare uolunt, necesse est eos eiusmodi conditionibus esse præditos, cum ta

Matt. 24.  
Luc. 21.

# INTERROG. VEL. PROP.

men nihilominus uerum conferant Sacramentum, etiam si mali existant. Nec ualet, quod addit Velsius. Quod perinde est (inquit) ac si quis diceret, nihil ad rem facere, bonus ne ac peritus quis sit medicus, an uerò malus & indoctus. Neque enim ideo esse medicum, quia bonus & peritus sit, sed accidere illi quod talis sit. Quare nihilo secius sanare ipsum posse, etiam si malus & imperitus sit. Certè multum ad rem facit, bonus ac peritus quis sit medicus, an uerò malus & indoctus. Quia bonus & peritus sanat, malus & indoctus minimè. Sed non est eadem ratio medici & ministri baptismi. Nam medicus per semetipsum agit ut agens principale licet utatur famulo sibi subseruiente in confectione medicinae. Sed minister Sacramenti, duntaxat minister est, & ministerium suum tantum adhibet, agens autem principale est ipse Christus, de quo dictum est, hic est qui baptizat. Huius spiritus intus agit. Porro minister Sacramenti, non alio modo operationis huius spiritus minister est, quàm quod exterius baptizat profrendo uerbū super elementum, & perfundendo hominem aqua, ut fiat Deo operante sacramentum. Habemus ergo hic internum agens, sed non consimili ratione, qua natura dicitur morborum medica. Plurimum certè adiuuat medicum, si ager bonae complexionis

xionis sit ac naturæ talēque minori negotio sanat, quemadmodum & infirmus non bonæ complexionis, plurimum remoratur medicum.

At in Sacramenti administratione, ministri malitia (quæ est quædam egritudo animi) nullo modo impedire potest operationem Dei interiorius operantis.

Itaque cum minister nihil agat, nisi quod effundat aquam, proferat uerba ceterasque exteras adhibeat ceremonias ac ritus, sed Christus intus baptizet, ministri malitia nihil obesse potest. Ad illa autem quæ intus peraguntur & in occulto, ut sit baptisma (ut Petrus ait) non carnis depositio sordium, sed conscientie bonæ interrogatio in Deum, per resurrectionem Iesu Christi à mortuis, non alio modo cooperatur minister, quam ut instrumentum, exterius Sacramentum administrando, ad quod faciendum, eius improbitas, malaque animi affectio nihil impedimenti adfert. Habet enim uirtutem à Christo non à ministro sicut semen iactum in terram, æqualiter fructificat. siue bonus sit qui seminat, siue malus. Porro cum superius dictum sit materiam & formam & ministrum esse de substantia huius Sacramenti, falsum esse constat, quod dicit Velsius, ea magis ad mysterij ac sacramenti substantiam facere, quæ intus peragi & in



# INTERROG. VELS. PROP.

occulto oportet, cum illa magis spectent ad baptismi effectum.

Non leui ergo iniuria afficit nos Velsius, asserens Anabaptistici erroris, uel præcipuam causam nos esse, Nō enim nos, sed Martinus Lutherus ansam miseris Anabaptistis dedit. Qui ridiculo quodam libello in pie & Fœlicis recodationis Ioannem Cochleum Theologum inuectus, barbaris ac execrandis Anabaptistis, grauissimi erroris occasionem præstitit, ubi scripsit, paruulos prorsus non esse baptizandos, si uerum sit, eos in baptismo non credere, ne illudatur maiestatis Sacramentum & uerbum, atq; sophistas in hoc docere contraria, dum negant paruulo inesse fidem, & tamen ut baptizari possit, exigunt ab eo fidem, Ante hæc Lutheri uerba, secta Anabaptistarum nobis erat incognita, post uerò sic exorti sunt, ut nullis queant supplicijs aut mortibus absterreri.

Hæc cū occasione Matthiæ Vorsbach utrinq; dicta sint, nunc ad fratris eius Laurentij Vorsbach negociū progrediamur, de quo Velsius ita scribit. Hic cum (quod & Theodoritus facit) dictum Christi urgeret. Hoc enim corpus meum (neq; enim ut Theodoritus inquit, Dominus accepto symbolo dixit, hoc est Deitas mea, sed hoc est corpus meū) indeq; inferre, ut maxime dum panis, aut reponitur, aut circumfertur, corpus

Primo  
dialogo  
Eranista.

Cbria



Christi ibi statuatur, non esse tamen adorandū,  
 quod ipse Christus. Dominum Deum tuum ad-  
 orabis, & illum solum coles. Isti scelerati Sophi-  
 stæ usi apud hominem fraudum istarum & cap-  
 tionum inscium sophistica ratione, qua du-  
 cerent eum ad id, ut falsi quid aut improba-  
 bile dicere uideretur, ipsi tale quid impin-  
 gunt, quasi in ea esset hæresis, quæ duas Chri-  
 sti naturas, in una hypostasi coniunctas, di-  
 uelleret ac distraberet, in qua minimè ipsum es-  
 se opinione credo. Cæterum Hæreticus aliquis  
 nō ex eo, quod sermone ac disputatione illaquea-  
 tur, est censendus, aut ex sermonis & disse-  
 rendi imperitia, sed ex eo quod malè sentiat,  
 & perniciosum errorem, qui cum uerbo Dei  
 & ueritate pugnet, animo conceperit. Hæte-  
 tenus Velsius. Non sumus (ut Sophista Velsius  
 calumniatur) usi apud hunc hominem (quæ Vel-  
 sius dicit fraudum & captionum istarum insci-  
 um, quum tamen sibi tam sapiens & doctus ui-  
 deatur, ut in sacrarum literarum peritia & in-  
 telligentia neminem sibi æqualem existimet) so-  
 phistica ratione, qua duceremus eum ad id, ut  
 falsi quid aut improbabile dicere uideretur, sed  
 ex proprijs eius confessione, & ex supplici li-  
 bello eius quæ Senatui porrexerat, cognouimus eū  
 ut falsi quid aut improbabile nō solū uideretur, sed  
 reuera diceret. Vnde rectissimè uerissimeq; illi

Matth. 4.

# INTERROG. VEL. PROP.

impingim<sup>9</sup>, quòd sit ea heresi, quæ duas Christi naturas, in una hypostasi coniunctas diuellit ac distrabit, eò quòd in hoc Eucharistiæ Sacramēto (quemadmodum ex ijs quæ superius dicta sunt, liquet) duntaxat credat corpus Christi esse, absque diuinitate, atque hoc pacto uerum CHRISTI corpus, & sanguinem, ab eius diuinitate separet ac diuidat, quod tamen est impossibile. In quo reuera sentire comprobatur, cum Nestorio damnatæ memoriæ Hæretico, qui etiam in hoc Sacramento, negabat diuinitatem hypostatica unione esse præsentem: Differt tamen nihilominus ab eodem in hoc, quia licet uterq; neget diuinitatem in Christi persona humanitati hypostaticè coniunctam adesse in Sacramento admittunt tamen ibi adesse diuinitatem, sed diuersimodè. Quia Nestorius, Christum tantum hominem affirmauit, negando eum esse Deum, Dei præsentiam in eo asseruit, tanquam humanitati Christi inhabitantem. Vnde eum deifrum appellabat, quod Deus in eo speciali quadam prerogatiua habitaret. Et, quia nihil sublimius de Christo credere uoluit, non aliter quoq; confiteri potuit eum esse præsentem in diuinissimo Eucharistiæ Sacramento. Laurentius autè, licet credat Christum esse uerum Deum & hominem, tñ in hoc sacramento, diuinitatē ita separat ab humanitate, ut asserat

Nestorius

ibi

ibi non adesse totū Christum, nec psonaliter ibi Deum existere. Admittere tamen uidetur ibi præsentem esse diuinitatem, non quidē humanitati hypostaticē coniunctā, sed quemadmodū est in omnibus rebus. Nā quum urgeretur ab inquisitoribus, ad reddendā fidei suæ rationem, & ad respondendū interrogatorijs sibi propositis, in responsione ad octauum Articulum adiecit etiā hæc. Se credere diuinitatē esse in hoc sacramento, eò quòd Deus sit in omnibus rebus, sed se non credere, q̄ sit psonaliter Deus, uel totus Christus. Ex qua responsione, quid aliud quæso colligas, q̄ q̄ non alio modo Deus sit in hoc sacramento, quā est in omnibus rebus, p̄ essentiā, potentiam, & præsentiam, & non sit ibi psonaliter Deus uel totus Christus? Sed quum iam superius, euidenter demonstratum sit in diuinissimō Eucharistiæ sacramento, uerum & uiuificū corpus & sanguinē Christi existere, & declaratū sufficienter sit, quomodo coniunctio diuinitatis & humanitatis in psona Christi semel facta, sit inseparabilis & ppetua, demiror quid illi uenerit in mentē, ut quū extra sacramētum credat Christum esse uerum Deū & hominē & utrāq; naturam in Christo hypostatica unione coniunctam, sub speciebus autē sacramentalibus, asserat esse duntaxat nudum corpus quod non habeat sibi coniunctam diuinitatem.

## INTERROG. VEL. PROP.

Lib 4.  
mylt mis-  
sa cap. 27.

Matt 3. &  
37.

Sed non sic impie non sic, ubicunq; est corp<sup>9</sup> Christi, ibi necessariò hypostaticè est ei coniuncta diuinitas. Vbicunq; est caro Christi, ibi diuinitas propter unionè. Vbicunq; est Christ<sup>9</sup>, est totus. Totus cœlo, & totus in altari, simul sedet ad dexterā patris, & manet sub specie sacramēti, ut ait Innocentius 3. Miraris (inquit) quod uerbū Dei iuxta sacramēti uirtutē, totum simul in diuersis locis existit, & non miraris quod uerbum hominis, iuxta uocis naturam, totum est simul in auribus diuersorū? Quid quæris naturam in Christi corpore, quum præter naturam sit ipse natus de uirgine? Totus proinde Christus est in hoc sacramēto, uerus Deus, & uerus hmo, uerus fili<sup>9</sup> Dei, cui cœlestis & æternus pater testimoniū perhibuit dicēs. Hic est filius meus dilectus, in quo mihi complacui, ipsum audite. Pater de cœlis Deus uoluit au-  
diri filium suum. Sed ille priusquam pateretur in cœna nouissima accipiens panem, benedixit, fregit, & dedit discipulis suis dicēs, hoc est corpus meū, quod pro uobis tradetur, & calicē similiter dicens, hic est sanguis meus, q̄ pro uobis effundetur. Hic filius Dei Christus Iesus, dixit esse corpus suum & sanguinem quem tradebat illis, & quare non audis eū? quare non credis dicenti? Hoc ipsum siquidem corpus, quod paulò post crucifixum est clauis perforatum, tradidit

eis ad comedendum, & hunc ipsum sanguinem, quē in passione & cruce effudit abundē, dedit eis ad bibendū. At quū Christus hæc loqueretur & daret discipulis suis, nōne tot⁹ erat Christus? nōne erat Deus uer⁹, & uerus homo? Et quū pēderet in cruce, & iā corpus (quod antea sub specie panis dederat discipulis suis) traditū esset, et iā sanguis (quē paulō ante sub specie uini eisdē discipulis suis porrexerat ad bibendū) effunderetur, ac largitur ē cauernis maceriæ, hoc est, ex uulnibus sacramētissimi illi⁹ corporis efflueret, nunq̄ diuinitas à corpore eius fuit separata? Absit. Nunq̄ defuit esse Deus? Haud quāq̄, Sed pmanse uerus Deus & homo, & diuinitas corpori eius inseparabiliter ac indiuisibiliter cōiuncta permāsit. Sed tale corpus, quale tūc habuit, quū pēderet in cruce, tradiderat discipulis in ultima Cœna (dixerat enim, hoc est corpus meum quod pro uobis tradetur, &c.) & cū hoc corpus quod pependit in cruce, habuerit cōiunctā sibi hypostatica unione diuinitatē, et nō fuerit aliud corpus, quod acceperunt Apostoli in Cœna, ab illo corpore quod pependit in cruce, necessariō consequitur, Apostolos in Cœna accepisse & sumpsisse Domini corpus, quod habebat sibi coniunctam diuinitatem, & consequenter totum Christum, & personaliter Deum quā acceperunt Christū, & cuius persona, diuina & hu-

# INTERROG. VEL. PROP.

Rom. 6.

Matth. 16.

Luc 1.

mana natura tā indissolubili uinculo. coierunt, ut nunq̃ possint abinuicē separari. Et quū post Christi resurrectionē ad immortalē uitā (Christus enim resurgens ex mortuis, iam non moritur, mors illi ultrā non dominabitur) discipuli aliq̃; Christiani usq; in hodiernum diem accipiunt in Eucharistia uerum & uiuificum corpus Christi, tale sumūt corpus, quale nunc habet, nimirū immortale & gloriosum. At quū à corpore Christi glorioso nō sit diuisa deitas, nō sit separata diuinitas, confiteri oportet quēlibet Catholicum Christianū, in Eucharistia sumi uerū & uiuificum corpus Christi, quod sibi hypostaticē habeat cōiunctam diuinitatē. Et certē quēadmodū antē à nobis dictū est, propter hāc duarū naturarum in una psona unionē, promiscuē dicuntur quæ Dei sunt de homine, & quæ hominis sunt, de Deo. Quare rectē S. Petrus quū confessus esset Christū dicēs. Tu es Christus, filius Dei uiui, ab eodē laudatus est, & confessio eius approbata q̃ eam haberet non à semetipso, sed p reuelationē patris. Petrus cōfitemur Christū adhuc mortālē, esse filium Dei uiui, & tu eum iam immortalē in Sacramēto Eucharistiæ uerē præsentē, filium Dei negas? Sācta illa Elizabeth, dū uisitaretur à Maria uirgine, habēte iā in utero Iesum, exclamauit uoce magna, dicens. Benedicta tu in mulieribus, & benedictus fructus uētræ



tris tui. Et unde hoc mihi, ut ueniat mater Domini mei ad me? Elizabet Christū latentē adhuc in uirgine, uocat Dominū suū & tu eundē sub speciebus Sacramentalibus in Eucharistia delitescētem, Dominum suū cōfiteri recusās. Diuinus ille Dionysius Areopagita sancti Pauli discipulus Eccles. Hierarchiæ c. 3. appellat Eucharistiæ Sacramentum augustissimum & diuinum, communionem diuinam diuinum penitus & sanctū mysterium, diuinū synaxeos uenerandumq; mysterium diuina munera sacrosancta & ueneranda mysteria diuinum panem, uenerabilia signa, per quæ Christus signatur & sumitur, hostiam salutarem, uenerandissima mysteria, Sanctissimus martyr Ignatius sanctissimi Ioannis Euangelistæ & Apostoli discipulus, in Epist. 11. quæ est ad Romanos, appellat panem Dei, panem cœlestem, panem uitæ. Panem (inquit) Dei uolo, panem cœlestem, panem uitæ, qui est caro Iesu Christi filij Dei uiui, qui natus est in nouissimo ex semine David et Abrahamæ, & potum uolo sanguinem eius, qui est dilectio incorruptibilis, & uita æterna. Et epist. 10 quæ est ad Ephesios, dicit per acceſſionem ad Eucharistiam expelli potestates Sathanæ, & panem Eucharistiæ esse medicamentum immortalitatis, antidotum non moriendi, sed uiuendi per Iesum Christum in Deo Iustinus martyr Apologia 2. ad Antonium



# INTERROG. VELS. PROP.

per orationem (inquit) illius uerbi, consecra-  
tū hoc alimentū (quo sanguis & carnes nostre  
per immutationem enutriuntur) eiusdem incar-  
nati Iesu & carnem & sanguinem esse sumus  
edocti. Si ipsius incarnati Iesu caro est & san-  
guis, & à carne diuinitas non potest separari,  
neceſſe eſt ſequi, ibidem adeſſe carnem Chriſti  
diuinitati coniunctam. Irenæus libro quarto  
capite quinquageſimoquarto Chriſtum in Eu-  
chariſtia, appellat fabricatoris mundi filium di-  
cens. Quomodo conſtabit eis eum panem in quo  
gratiæ actæ ſunt, corpus eſſe domini ſui & cali-  
cem ſanguinis eius, ſi nō ipſum fabricatoris mū-  
di filiū dicant? id eſt, uerbum eius per quod li-  
gnū fructificat, fluunt fontes, dat primum quidē  
fœnum, poſt deinde ſpicā, deinde plenum triticū  
in ſpica. Ecce appellat corpus Domini ſui ipſum  
filiū fabricatoris mundi et uerbū eius per quod  
lignum fructificat, uerbum utiq; erat in princi-  
pio & erat apud Deū, & Deus erat. Omnia per  
ipſum facta ſunt, & ſine ipſo factum eſt nihil.  
Quod uerbū caro factū eſt eſt et habitauit in no-  
bis & cū relinquere uellet mudū & remeare ad  
patrem ſuū per paſſionē & mortē ſuā, reliquit  
ſemetipſum nobis præſentē in uenerabili Eucha-  
riſtiæ ſacramento, quæadmodū ſancta Catholica  
canit Eccleſia dicēs. Verbū ſupernū prodiēs, nec  
patris linguēs dexterā, ad op⁹ ſuū exiēs uenit ad  
uitæ

uitæ uesperā. In mortē à discipulo, suis tradēdus  
 æmulis pri<sup>o</sup> in uitæ ferculo, se tradidit discipulis

Cyprianus in sermone de cœna Domini, dicit  
 panem & calicem, benedictione solenni conse-  
 cratū, ad totius hominis uitā salutemq; profice-  
 re simulq; medicamentū, holocaustū ad sanādas,  
 infirmitates, et purgandas iniquitates existere.  
 Et li. 1. epist. 2. Cū ad hoc (inqt) fiat Eucharistia  
 ut possit accipiētibus esse tutela, quos tutos esse  
 cōtra aduersariū uolumus, munimēto domini-  
 cæ saturitatis armamus. Et iterū idoneus nō po-  
 test esse ad martyrium, qui ab Ecclesia nō ar-  
 matur ad prælium, & mēs difficit quā nō rece-  
 pta Eucharistia, erigit & accendit. Vbi Eucha-  
 ristia dicit accipiētibus esse tutelā & eosdē eri-  
 gere & accēdere. Origenes in leuiticum homil.  
 9. sanguinē uerbi nuncupat dicens. Si tu qui ad  
 Christū uenisti Pontificē uerū, qui sanguine suo  
 Deū tibi propitiū fecit, & reconciliauit te pa-  
 tri, non hæreas in sanguine carnis. sed disce poti-  
 us sanguinē uerbi, & audi ipsum tibi dicentē, q̄  
 hic sanguis meus est, qui pro uobis effundetur  
 in remissionē peccatorū nouit qui mysterijs im-  
 butus est, & sanguinem uerbi Dei. Et homilia.  
 13 appellat sancta sanctorum. Idem facit Ischiz-  
 us Leuit. lib. 6 cap. 22.

Iterū Orige hom. 6. in diuersos Euāgelij locos  
 appellat cibū sanctum incorruptū epulū, panē  
 uitæ

# INTERROG. VEL. PROP.

uita dicens. Quando sanctū cibum illudq; incorruptū accipis epulū, quādo uita pane & poculo frueris, manducas & bibis corpus & sanguinem Domini tunc Dominus sub tectum tuum ingreditur. Et tu ergo humilians temetipsum, imitare hunc centurionem & dicito. Domine non sum dignus ut intres sub tectum meum. Ecce his audis Dominum Iesum Christum ad te ingredi, quando sumis corpus & sanguinem Domini, ubi autem Dominus Iesus Christus ingreditur, nunquid foras relinquit diuinitatem suam, nudum suum corpus introducens? Absit. Sed ingreditur ipse Dominus Deus & homo. Ambrosius in lib. de exitu fratris sui Satyri, appellat diuinum fidelium Sacramentum. Et in lib. de benedict. Patriarcharum cap. 9. citans illa uerba saluatoris Ioan, 6. hic est panis qui de cœlo descendit, ut si quis ex eo manducauerit, nō moriatur. Ne quis putaret (inquit) quia de hac morte dicit, quæ per animæ & corporis secessionē uenit & iure dubitet, cū sciat sanctos Apostolos hac morte esse defunctos, addidit. Ego sum panis uiuus, qui de cœlo descendi, quis manducauerit ex hoc, uiuet in æternum, hoc est, non de temporali uita dixi suprà, nec de morte istius uitæ, quæ etiam si quis mortuus fuerit, tamen si panem meum acceperit uiuet in æternum. Ille enim accipit, qui seipsum probat, qui autē accipit

accipit, non moritur peccatoris morte, quia panis hic, remissio peccatorum est. Hic audis hunc panem, esse remissionem peccatorum. Et in 11. cap. prioris epist. ad Corinth. Eucharistiam dicit esse medicinam spiritualem, quæ cum reuerentia degustata, purificet sibi douotum. Et paulò inferius dicit nos calicem sanguinis, ad tuitionem corporis & animæ nostræ percipere. Chrysostomus homil. 45. in 6. ca. Ioan. Ab illa (inquit) mensa tãquam leones ignem spirantes, surgamus, diabolo formidolosi. Et iterum de sanguine Christi loquens. Hic sanguis (inquit) facit, ut imago in nobis regia floreat, hic sanguis pulchritudinem atq; nobilitatem animæ, quam semper irrigat & nutrit, languescere non sinit, & animam nostram, ui quadam magna imbuat. hic mystic<sup>9</sup> sanguis, dæmones procul pellit, Angelos, & Angelorum Dominum ad nos allicit. Dæmones enim cùm dominicum sanguinem in nobis uident, in fugam uertuntur, Angeli autē procurrunt, hic sanguis effusus, uniuersum abluuit orbem terrarum. Hic nostrarum animarum salus est, hoc lauatur anima, hoc ornatur, hoc incenditur. Hic igne clariorem nostrā mentem reddit, & auro splendidior, huius sanguinis effusio, cœlum peruium fecit. Admiranda sanè Ecclesiæ mysteria, admirabile sacrarium. Ex paradiso fons scaturit, à quo sensibiles fluuij  
ema=

## INTERROG. VEL. PROP.

emanarent. A mensa hac prodijt fons, qui p̄flu-  
 uios spirituales diffundit. Si quis aestuat, ad hūc  
 fontē se conferat & recreabitur. Mundat squa-  
 lorem & sordes, aestus mitigat, non solares, sed  
 quos ignitæ sagittæ imprimunt &c. Hilarius in  
 Psal. 64. circa illa uerba. Paraſti cibum illorū  
 quoniam ita eſt præparatio eius. Habemus etiā  
 (inquit) cibum paratum. Et quis hic cibus eſt? Il-  
 le ſed à quo ad Dei cōſortium præparamur, per  
 communionem ſancti corporis, in communio-  
 nem deinceps ſancti corporis collocādi. Id enim  
 præſens psalmus ſignificat dicens. Paraſti cibū  
 illorum &c. Quia cibo illo quāuis in præſens  
 ſaluemur, tamen in poſterum præparamur. Ecce  
 hīc audis per ſumptionē cibi huius te ad Dei  
 conſortiū præparari &c. Auguſtinus in ſerm.  
 dom. primæ Aduent. In Chriſti corpore (inqt)  
 uita noſtra conſiſtit, ſicut ipſe dixit. Niſi mādu-  
 caueritis carnem filij hominis, & biberitis eius  
 ſanguinem, non habebitis uitam in uobis. Sāctus  
 Ephraem in lib. quem ſcripſit contra eos, qui ſi-  
 lij Dei naturā ſcrutari uolunt cap. 5 participa-  
 (inquit) immaculato corpore Domini tui, fide  
 pleniffima, certus quod agnū ipſum integrē cō-  
 medis. Ignis immortalis ſunt myſteria Chriſti.  
 Et iterū. Hoc ſanē excedit oēm admirationē, om-  
 nē mentē, omnemq; ſermonem, quod fecit nobis  
 unigenitus filius Chriſtus ſaluator noſter. Ignē

Et spiritū māducandū ac bibendū pręstitit nobis carne uestitis corp⁹, scilicet ac sanguinē suū. Vbi audis te agnū ipsū (p quē Christū intelligit. quē Ioānes baptista prędicauit ac demōstrauit agnū esse tollentē peccata mundi) integrē comedere, ut intelligas totū Christū suū in hoc sacramēto. Ibidē quoq; sanctus uir, appellat sancta reuerēda, arcana sacratissimaq; mysteria, quę quī nō capiat, nō audet attingere, neq; si uoluerit, de his procaciter loq. Greg. Nissen⁹ in 2. parte panoplię Euthymij, titulo. 21. appellat corpus dñi, diuinum corpus, et medicamentum, quod morte pręstantius, et salutis nostrę causa est.

Quę sanē nō posset pręstare caro Christi, nisi esset caro uerbi. Nā (ut dicit Theophilaētus) ipse us caro est purgatiua, et uitā tribuēs, sicut exiēs uerbi Dei caro. Gregori⁹ Emissimus uocat Eucharistiā sacrum Dei corpus dicens. Quū reuerendū altare, cibis satiādus ascēdis, sacrū Dei tui corpus et sanguinē, fide respice, et c. Cyril- Lib. 4. ca. 12.  
 lus in Ioannē. Dedit (inqt) pro uita omniū suum corpus Dñs, et p illud rursus uitā in nobis immittit. Nā quum uiuificans Dei filius in carne habitauerit, ad suum bonum eam, id est, ad uitā reformauit, et totus (ut ita dicā) toti, ineffabili modo unionis cōiunctus, uiuificantē ipsam effecit, quia natura uiuificans est, propterea participātes hęc caro uiuificat. Eijcit enim mortē ab eis,



Cap. 14.

eis, & meritum penitus expellit. Et post aliquā  
 ta. Patet (inquit) præparatam sanctis glorifi-  
 simam uitam, sic à saluatore appellatam fuisse,  
 ad quam per participationem uiuificantis car-  
 nis certè perueniemus. Et iterum. Non possunt  
 (inquit) cū sanctificatione, beatæ uitæ fieri par-  
 ticipes, qui per mysticam benedictionem Iesum  
 non susceperunt. Vita enim secundum naturam  
 ille est, qui ex uiuo patre genitus est, sed nō mi-  
 nus corpus quoq; suum uiuificat. Coniunctum  
 enim ineffabiliter est filio Dei, à quo uniuersa  
 uiuificatur. Idcirco corpus suū dicitur, & unus  
 cum eo est. Nempe post incarnationē unus est,  
 & unus manet absq; diuisione ulla, præterquam  
 quod Dei patris uerbum, & templum à uirgi-  
 ne sumptum, idem natura non sunt. Non enim  
 est eiusdem substantiæ uerbo Dei homo assump-  
 ptus, unus tamen cum illo est coniunctione ines-  
 fabili. Quoniam igitur saluatoris caro, uerbo  
 Dei (quod naturaliter uita est) coniuncta, uiui-  
 fica effecta est, quando eam comedimus. tunc ui-  
 tam habemus in nobis, illi coniuncti, quæ uita ef-  
 fecta est. Hac de causa in exuscitandis mortuis,  
 non solummodo uerbo atq; imperio ut Deus u-  
 tebatur, uerumetiam carnem suam quasi co-  
 operatricem nonnunquam adhibebat, ut reipsa  
 ostenderet, carnem quoque suam, quoniam sibi  
 coniuncta est, uiuificam esse, atque fideles do-

ceret;



eretur suum, non alterius corpus esse Nā quando  
Synagoga principis filiolarum suscitabat, manum Math. 9.  
eius apprehendit, ut scribitur, & erexit dicens,  
puella surge ita ut deus & uerbo & carnis suae  
tactu eam excitauit, unā ab uno se Christo, Deo  
uidelicet atq; homine operationem producents.

Quando etiam in ciuitatem. Nam uocatā ingre- Luc. 7.  
diebatur, & efferebatur unigenitus matris filius  
iam mortuus, tetigit corpus eius dicens, Adole-  
scens tibi dico surge. Non ergo uerbo solo sem-  
per (ut diximus) uerum etiam tactu mortuos ex-  
citabat, ut ostēderet corpus quoq; suū uiuificare  
posse. Quod si solo tactu suo corrupta redime-  
gratur, quomodo nō uiuimus, qui carnē illā &  
gustamus & māducamus? Reformabit enim om-  
nino ad immortalitē suā participes sui et c. Et  
in lib. de recta fide ad Theodosiū. Dico (inqt)  
quod lubricū sit & piculosum secare in duos, &  
seorsim cōstituere hominē & uerbū, quū dispēsa-  
tio hoc non ferat, & diuina scriptura unū Chri-  
stū clamet. Dico enim ego, neq; uerbū Dei absq;  
humanitate neq; etiā tēplum natū ex muliere nō  
unitū uerbo, Christū Iesum nominari. Nā huma-  
nitate secundū unionē dispensatiua ineffabiliter  
cōiunctū Dei uerbū, Christus intelligitur, maxi-  
mē quidē ultra humanitatē existēs quōd natura  
Deus et Dei filius nō contempserit etiā propter  
homines in humilitate fieri, hēc ille. Cum itaque

# INTERROG. VEL. PROP.

corpus Christi sit in Eucharistia, et Christi ubique totus est, corpus habēs diuinitati coniūctū, necesse est eum in Eucharistia esse totum secundum utramq; naturam præsentem.

Porro uides q̄ sublimiter de isto sacrosancto Eucharistiæ sacramento patres sint loquuti. Quod utiq; nō fecisset, si corp⁹ Christi absq; diuinitate ibidē præsens esse credidisset. Sed quoniā ueram & uiuificantē, ac uiuificantē Christi carnē, diuinitati illi⁹ indiuisibiliter cōiunctā, reipsa præsentē esse cognouerūt & crediderūt, idcirco tā magnificē de Eucharistia sunt loquuti. Edocti enim uerbis Christi dicētis. Hoc est corpus meū.

Et hic est sanguis meus, tanq̄ discipuli dociles & creduli, fidē adhibēt uerbis illius. Et uide q̄ magna et sublimia ipse Christi⁹ de hoc diuino Eucharistiæ pane loquatur. Pater (inqt) me⁹, dat uobis panem de cœlo uerum. Panis enim uerus est, qui qui de cœlo descendit, & dat uitam mundo.

Item. Ego sum panis uitæ. Hic est panis de cœlo descendens, ut si quis ex ipso manducauerit, non moriatur. Ego sum panis uiuus qui de cœlo descendi. Si quis māducauerit ex hoc pane, uiuet in æternū. Et panis quē ego dabo, caro mea est, pro mundi uita. Amē amen dico uobis, nisi manducaueritis carnē filij hominis, & biberitis eius sanguinē, non habebitis uitā in uobis. Qui māducat meā carnē, & bibit meū sanguinē, habet uitā

æternā

æternā, & ego resuscitabo eū in nouissimo die.  
 Caro enim mea uerè est cibus, & sanguis me<sup>9</sup> ue-  
 rè est potus. Qui manducat meā carnem, & bi-  
 bit meum sanguinē, in me manet et ego in illo. Et  
 q̄ māducat me, ipse uiuet propter me. Hic est pa-  
 nis q̄ de cœlo descendit. Qui manducat hunc pa-  
 nē, uiuet in æternū. Ecce audis panē uitæ, qui dat  
 uitā mundo, quō q̄ eū comederit, maneat in Chri-  
 sto, & Christus in illo, & q̄ nō moriatur, sed ui-  
 uat in æternum, habēdo uitā æternā, & q̄ resusci-  
 tabitur in nouissimo die. Quæ omnia nō posset  
 præstare sola caro absq; diuinitate sumpta, sed  
 cum sit caro uerbi, & filio Dei ineffabiliter con-  
 iuncta, hæc omnia operatur. Itē hic panis de cœ-  
 lo descēdit, sed de cœlis nō descēdit nisi fili<sup>9</sup> Dei,  
 uerbū patris, quod erat in principio apud Deū,  
 et Deus erat, sed caro factū est et habitauit in no- Ioan 1.  
 bis. Porro quū hic panis qui de cœlo descendit,  
 nō edatur, nisi in Eucharistiæ Sacramēto, cōstat  
 in Eucharistia sumi filiū dei, q̄ de cœlo descēdit,  
 & incarnat<sup>9</sup> est, et in Eucharistia semetipsū in ci-  
 bū & potū sumēdū fidelib<sup>9</sup> dereliquit. Rectissime  
 ergo S. Aug. lib. 1. de pecca. mer. et remissiōe scri-  
 bit. Optimè Punici Christiani, baptismū ipsū ni-  
 hil aliud q̄ salutē, et sacramētū corporis Christi,  
 nihil aliud q̄ uitā uocant. Vnde nisi ex antiq̄ (ut  
 existimo) et Apostolica traditiōe q̄ Ecclesiæ Chri-  
 sti insitū tenēt, præter baptismū, et participatio

# INTERROG. VEL. PROP.

nē dominicæ mensæ, non solū non ad regnum Dei, sed nec ad salutem & uitam æternam, posse quēquam hominum peruenire? Quod deinceps scripturis sacris demonstrat, primò de baptisimi salute, & ad comprobandam Eucharistiæ uitam easdem adfert partim, quas ex 6. cā. Ioannis, paulò antè citauimus. Porro quū perspicuum sit uerum & uiuificum corpus Christi ipsi diuinitati hypostaticè coniunctum, in adorando Eucharistiæ sacramento reuera præsens adesse & sumi, constat totum Christum personaliter Deum, ibi esse & sumi, cui omnis debeatur reuerentia, cui soli debetur adoratio, unā cum patre & spiritu sancto. Sed tempus est, ut ad argumenta eius respondeamus.

Pro quorum solutione, primò declarandum erit, quomodo Deus sit in omnibus rebus, quo cognito, absque ullo negotio refutabuntur illius argumenta. Nam ipse (uti diximus) non aliā diuinitatis præsentiā, uel coniunctionem tribuit corpori Christi in Eucharistia, quā alijs creaturis. Sciendum est itaque quòd Deus est in omnibus rebus, tribuens eis esse, & uirtutem & operationem, quod est in omnibus per potentiam, in quātum omnia eius potestati subduntur, & per præsentiā, in quantum omnia nuda & aperta sunt oculis eius, ut S. Paulus ait. Et denique per essentiam, in quantum adest omnibus ut causa

causa essendi, non quòd ipse sit de natura uel essentia rerũ creatarũ (non enim est in eis ut pars naturæ, uel essentiæ, neq; sicut accidens aliquod est in subiecto) sed quemadmodum agens adest ei in quod agit. Quemadmodum enim omne agens coniungitur ei, in quod absq; medio agit, & sua uirtute illud contingit, sic Deus adest omnibus creaturis, quibus naturam largitur, & sua uirtute conseruat, ne ad nihilum redigantur. Est quoq; Deus ubiq; hoc est, in omni loco, quia omnem locum replet, non quidem sicut corpora (quæ dicuntur replere locum, quia nõ compatiuntur sicum alia corpora, in uno & eodem loco) sed quia in omnibus locis est per uirtutem siue potetiam suam. Vnde p hoc quod Deus est in loco, non repugnat alias quoque creaturas ibidem esse. Incorporalia siquidem & spiritalia, non sunt in loco contactu quantitatatis dimensiue, quemadmodum corpora, sed contactu uirtutis. Deus ergo est in omni loco, quia in quolibet loco est, non secundum partem sed secundum seipsum. Propter hos itaque modos presentie Dei, in omnibus reb<sup>9</sup>, dixit S. Paulus Atheniensibus. Deus non longè est ab unoque nostrũ. In ipso enim uiuimus, mouemur, & sumus, sicut & quidam uestrorum poetarum dixerunt. Ipsius enim & genus sumus. Ipse quoq; dat omnibus uitam, inspirationem &

Act. 17

# INTERROG. VEL. PROP.

Hier 21.  
Sap. 8.

Sap. 7.

Psal. 138.

Epist 47.  
ad Carda-  
rum.

oīa. Et Dñs p Hieremiam. Nūquid nō cœlum et  
terrā, ego impleo dicit Dñs? Et p sapientē quen  
dā de æterna sapientia dicitur. Attingit à fine,  
usq; ad finem fortiter, & disponit omnia suavi-  
ter. Et iterum. Spiritus Dñi repleuit orbem ter-  
rarum, & hoc quod cōtinet oīa scientiam habet  
uocis. Et Psalmista ad Dominum. Quo ibo (inqt)  
à spiritu tuo, & quò à facie tua fugiā? Si ascēde-  
ro in cœlum tu illic es, si descēdero ad infernum  
ades. Si sumpsero pennas meas diluculo, & ba-  
bitakero in extremis maris. Etenim illic manus  
tua deducet me, & tenebit, me dextera tua. Vbi  
S. Augustinus. Quia substantialiter (inquit)  
Deus est ubique diffusus. Sed sic est per cuncta  
diffusus, ut non sit qualitas mundi, sed substan-  
tia creatrix mundi, sine labore regens, & si-  
ne onere continens mundum. Non tamen per  
spacia locorum quasi mole diffusa, ita ut in di-  
midio corpore mundi sit dimidius, & in alio  
dimidio dimidius, atque ita per totum totus,  
sed in solo cœlo totus, & in sola terra totus,  
& in cœlo & in terra totus solus, & nullo con-  
tentus loco, sed in ipso ubique totus. Ita pater,  
ita filius, ita spiritus sanctus, ita Trinitas  
unus Deus. Hæc ille. Itaque non ignoramus,  
Deum uel diuinitatem, modo iam exposito, es-  
se in omnibus rebus, & ubique esse præsentem,  
sed falsissimum esse dicimus, hoc modo duntaxat esse

xat esse præsentem, in sacratissimo Euchristie Sacramento, ubi totus adest Christus, perfectus Deus, & perfectus homo. Perfectus homo, quia cum tota humana natura, uidelicet, corpore anima, intellectu uel mente. Perfectus enim homo non esset, si uel anima carni, uel ipsi animæ mens humana deesset. Perfectus Deus quia est uerbum, quod erat in principio, & erat apud Deum & DEVS erat uerbum. Et uerbum caro factum est, in sacratissimo uidelicet utero intemeratæ uirginis Mariæ, in quo filius Dei assumpsit humanam naturam, nexu indissolubili ac fœdere sempiterno, ita ut neque per mortem Christi, facta sit ulla separatio uel diuisio diuinitatis uel à corpore uel ab anima, quemadmodum superius dictum est. Quod autem totus Christus reipsa substantialiter & essentialiter præsens sit in hoc sacramento arbitramur quoque sufficienter probatum esse in præcedentibus. Sed agere uideamus, quàm absurda sit hæc positio, & responde mihi Laurenti, qui tam execrabilem & pestiferam hæresim, niteris defendere. Si Deus uel diuinitas est duntaxat in hoc Sacramento quemadmodum est in omnibus alijs rebus & locis in quo differet hoc Sacramentum ab alijs rebus, aut potius in quo excellit alias res omnes? Quid



## INTERROG. VEL. PROP.

Ioan. 6.

eminentiæ, dignitatis, aut prærogatiuæ conceditur illi super alias res, in quibus Deus est? Si nihil excellentiæ dignitatisq; obtinet præ alijs rebus, cur Christus priusquã institueret, se institutũ ac daturũ promisit, tanq̃ rem singularẽ prius inauditam, ad quam (qui non intelligebant mysterium) scandalizati sunt, & abierunt retro? Cur tanta diligentia præmissis & exhortationibus & preparatorijs (nã prius typicum agnum comederat, & Apostolorum pedes lauerat, & multa præloquutus fuerat) sacramentũ hoc instituit, & sumendum dedit? Cur iussit ut facerent in sui cõmemorationẽ? Cur uoluit celebrari usq; ad finem mundi. Cur Paulus docet probationẽ sui ipsius esse præmittendã, & post exactã ac diligentẽ examinationẽ sumẽdum esse? Cur dicit eos qui indignẽ manducant, iudicium, id est, dãnationem manducare, quia nõ dijudicant aut discernũt corpus Dñi, ab alijs cibis cõmunibus? Sed dices. Ego multũ excellere credo hoc Sacrametum alias creaturas. Audio quidẽ, sed attende quid dicas. Quod enim dicis, non est uerum. Nõ enim corpori Christi in hoc sacramẽto, aliã tribuis præsentiam diuinitatis, quã qua alijs adest rebus. Et quid queso aliud est corpus Christi, seclusa diuinitate ac substantia uerbi, q̃ nudũ corpus? Et in quo differt ab alijs corporibus? Est quidem formatũ uirtute spiritus sancti, in utero

gloz

gloriosissimæ uirginis Mariæ, sed tamē si illi diuinitatē demas, quid habet aliud præter naturā corporum humanorum? Nā quicquid gratiarū et prærogatiuarū homo ille habuit, ratione uerbi æterni à quo assumptus est in unitatē psonæ habuit. Quod si dixeris, Deum in homine esse p gratiā, & homines pios inhabitare. Nā Paulus dicit. Nescitis quia tēplum Dei estis, & spiritus Rom. 8. Dei habitat in uobis. Vnde ecōtrariō de quibusdā idem dicit. Quisquis autem spiritum Christi non habet, hic nō est eius, respōdeo hoc nihil facere contra me. Nā iste modus præsentiae diuinæ non cōprehenditur sub cōmuni illa ac uulgari, quo omnibus adest, sed est peculiaris siue singularis, quo solū adest iustus ac pijs hominibus.

His præmissis argumenta huius hominis excutiamus. Christus (inquit) dixit. Hoc est corpus meū, & non dixit. Hoc sum ego, ergo non est ibi totus Christus. Quid ego audio? Christus dixit, hoc est corpus meum, ergo est ibi tantummodo corpus illius, eò q̄ non dixerit, hoc sum ego. Nō est ergo ibi diuinitas Christi. Principio quāuis argumentum ab autoritate negatiuè ridiculum sit, & nihil apud dialecticos concludat non tamen est necesse nos ad has angustias cōfugere. Vt enim donemus Christum nō dixisse, hoc sum ego, dixit tamen, hoc est corpus meum, & p hæc uerba band obscure indicauit seipsum ibi esse,

## INTERROG. VEL. PROP.

esse, & uerba illa tantundē ualere, ac si dixisset  
 hoc sum ego. Cum enim esset homo perfectus, ue-  
 rū habens corp⁹ & uerā animā, & De⁹ pfect⁹ in  
 una hypostasi subsistēs uerus Deus & uerus hō,  
 q̄ humanā naturā nexu ppetuo in una psona cō-  
 iūxit diuinæ, semetipsum utiq; illis suis discipu-  
 lis dedit ad māducādū totū. Dicēdo ergo hoc est  
 corp⁹ meū nō designauit tātūmodo corp⁹ suū se-  
 clusa diuinitate, sed corp⁹ suū uiuificū aśūptū à  
 uerbo æterno (quod ipse erat) à quo (postq̄ aśū-  
 ptū est) nūq̄ potuit separari. Friuolū est ergo et  
 ridiculū, quod nugatur dicēs. Christ⁹ dixit. Hoc  
 est corpus meū, & nō dixit hoc sum ego, proinde  
 nō est ibi totus Christ⁹ secundū utrāq; naturam.  
 Nā in istis Christi uerbis. Hoc est corp⁹ meū, nō  
 demonstratur corp⁹ ipsi⁹ à diuinitate seiūctū, sed  
 indiuisum ab ea, et in unā Christi psonā unitū.  
 Quāuis enī ibi corp⁹ solū noīatim exprimat⁹,  
 naturali tñ cōsequētia, et animā secū trahit, qua  
 sit uiuēs, & sanguinē quo integretur, & ipsam  
 diuinitatē, sacro corpori indiuidua societate uni-  
 tam. Est enim sacrosanctū illud Christi corpus,  
 caro uerbi uiuifica. Quare adorās sanctissimum  
 illud corpus Christi in Eucharistiæ sacramento,  
 uerē & piē Deū adorat & cōsequēter cōplet il-  
 lud pceptū quo dicitur Dñm Deū tuū adorabis.

Quod aut̄ ex Theodoro adducit Velsius p-  
 cōprobatōe Laurētij, nō dissimili ratiōe dissol-  
 nitur

uitur. Christus enim non dixit inquit ille) hoc est deitas mea, sed, hoc est corp<sup>9</sup> meū, & rursus, hic est sanguis me<sup>9</sup>. Nō legitur quidē ita dixisse, sed tñ suæ ibidē deitatis præsentiā non denegauit, qn poti<sup>9</sup> affirmādo corporis sui p<sup>r</sup>sentiā, diuinitatis quoq; suæ p<sup>r</sup>sentiā luculēter insinuauit cūm (quēadmodū sapi<sup>9</sup> dictū est) duæ istæ naturæ diuina uidelicet & humana in Christo hypostaticē cōiūctæ, sint penit<sup>9</sup> inseparabiles, ita ut ubicūq; fuerit corpus Christi, necossariò adsit eidē diuinitas. Deinde authoritatē Theodoretī tantā esse negam<sup>9</sup> ut illius sentētia ueritati catholicæ præscribere possit. Nā et cōtra Catholicos Sācti Cyrilli anathematismos scripsit, & in Cōcilio Cōstantinopolitano quinto à patribus, impia scripta illius, quæ contra rectā fidem exposita fuerunt & contra primā sanctam Synodum Ephesinam. anathematizata sunt. Qui tamen longē meliūs de transsubstantiatione panis in corpus Christi, & uini in eiusdē sanguinē sentit q̄ Velas<sup>9</sup>, q̄ eadē negat. Nā dialogo primo inquit. Volebat eos, q̄ sunt diuinorū mysteriorū participes, nō attēdere naturā eorū, quæ uidētur, sed propter noīm p<sup>r</sup>mutationē, mutationi quæ fit ex gratia credere. Et dialogo 2. affirmat post inuocationē sacerdotis & sanctificationē mystica illa symbola q̄ Deo à sacerdotib<sup>9</sup> offerūtur appellari corp<sup>9</sup> & sanguinem Christi, nō panē & uinum.

Deinde

## INTERROG. VEL. PROP.

Deinde, & hoc modo fuerat argumentatus  
 Laurētius Vorſbach. Chriſtus dixit. Hoc eſt cor-  
 pus meum, quod pro uobis tradetur uel frangi-  
 tur. Et hic eſt ſanguis meus noui teſtamenti, qui  
 pro multis effundetur. Sed diuinitas eſt impaſſi-  
 bilis, quæ tradi frangi, uel effundi, neq; quicquā  
 pati poteſt. Cū ergo Chriſtus corpus ſuum di-  
 xerit tradendum, frangendumq; , & ſanguinem  
 ſuum effundendum, conſequitur in Euchariftia  
 corpus eius eſſe abſq; diuinitate, & cum corpus  
 Deus non ſit, non erit adorandum, aut ſi dixerit  
 tis, corpori adeſſe diuinitatem, fateamini oportet,  
 deitatem eſſe paſſam. Hæc eſt ſententia ar-  
 gumenti eius. Ad quod reſpondentes concedi-  
 mus diuinitatem eſſe impaſſibile, ſed nos nequa-  
 quam dicimus in paſſione & morte Chriſti di-  
 uinitatem aliquid eſſe paſſam. Nam (ut Dama-  
 ſcenus inquit lib. 3. c. 26. orthodox, fidei) ipſum  
 Dei uerbū omnia ſuſtinuit carne, diuina eius ſo-  
 la natura impaſſibili perdurante. Nā uno Chri-  
 ſto, ex deitate et humanitate cōpoſito, in deitate  
 et humanitate exiſtente, patiēte, hoc quidē paſſi-  
 bile ut natum erat pati, patiebatur, at non ſimul  
 patiebatur, quod erat impoſſibile. Nam anima  
 paſſibilis exiſtens, incifo corpore, ipſa non in-  
 ciſa condolet & compatitur patienti. At diui-  
 nitas impaſſibilis exiſtens, non compatiebatur  
 corpori. Et id ſciendum, quod dicimus Deum  
 corpore

corpore passum, diuinitatē autē carne passam, aut Deum per carnem passum nequaquam. Nā quemadmodum sole arborem superillucēte, si securis incidat arborem, in incisus, et impassibilis perseuerat sol, multo magis impassibilis uerbi diuinitas secundum hypostasim carni copulata carne patiente impassibilis perseuerabit. Et quemadmodum si quis ignito ferro superinfundat aquam, quod quidem natum est pati, ab aqua (ignis dico) extinguitur, incolume uerò manet ferrum, non natum enim est ab aqua corrumpi. Multo magis carne passa, sola impassibilis, diuinitas, passionem non admittit, inseparabilis ab ipsa permanens, hæc ille. Itaq; passionem Christi, haudquaquam diuinitati eius attribuiamus, ueruntamen quoniam unio humanæ naturæ et diuinæ, facta est in persona et hypostasi, manente tamen distinctione naturarum, ut sed sit eadē persona et hypostasis diuinæ et humanæ naturæ salua tamen utriusque naturæ, proprietate, ideo hypostasi uel supposito diuinæ naturæ attribuenda est passio, non ratione diuinæ naturæ quæ est impassibilis, sed ratione humanæ naturæ passibilis assumptæ à uerbo eterno.

Neq; igitur fatemur diuinitatem esse passam, sed filium Dei esse passum, non secundum diuinā naturam, quæ erat impassibilis, sed secundum humanam

## INTERROG. VEL. PROP.

humanam. Fatemur quoque corpus non esse Deum, sed negamus corpus eius esse absque diuinitate. quæ à corpore Christi nunquam fuit separata. Vnde rectè quoque illi adorationis cultum exhibemus, non quidè separatum à uerbo, sed ut ipsi uerbo indiuiduè inseparabiliterque unitum. Nam in ipsis uerbis, hoc est corpus meum, non demonstratur post consecrationem corpus à diuinitate seiunctum, sed ab ea indiuisum, & in unâ uerbi Christi personâ, quemadmodum paulò antè dictum est. Quare adorans sacrosanctum illud corpus in Eucharistia, uerè & piè Deum adorât, & complet mandatum Domini præcipientis. Dominum Deum tuum adorabis, et illi soli seruias. Non enim ipsum nudum Christi corpus, sed corpus cõiunctum deitati, non ipsam panis substantiâ, quæ post pactâ consecrationem nulla penitus superest, quæ mutata uel cõuersa est, in substantiâ corporis Christi, non ipsas species panis, quæ uidentur (illæ enim creaturæ sunt, quæ adorari non debent, sed ipsum uerum et uiuificum corpus Christi, diuinitati inseparabiliter unitum, quod sub illis speciebus uerè continetur, suppliciter & Religiosè adoramus.

*Vigesimoprimum, An credat ciues huius urbis, ab hoc die usque in tẽpus, quo primum fidẽ susceperunt, qui Eucharistiâ cùm eleuatur, reponitur*



*& deportatur, adorant, pro idololatriis habendos esse.*



*Non habendos eos pro idololatriis, iam constare ex superioribus existimo. At Velsiū credere eos pro idololatriis habendos esse, & ex superioribus patet, & responsio eius hoc loco comprobatur, qua affirmat, non quidem omnes huius urbis ciues, sed eos tantum, qui eiusmodi idololatriam committunt aut commiserunt, pios diuinissime Eucharistiæ adoratores, idololatrias appellās, & eos qui recusant adorare (si tamen eiusmodi ciues habet Colonia) quum sint uerè impij, pios existimans.*

## DE COMMVNIONE alteriùs speciei.

*Vigesimosecundò. An credat verum corpus & sanguinem Christi, atque adeò totum Christum, sub vna qualibet specie sacramenti contineri, ideòque cuilibet homini Christiano, non sacrificanti, sub una specie communicari.*

# INTERROG. VEL. PROP.



Totum Christum in hoc Sacramento contineri, superius est ostensum, hinc iam queritur, num totus Christus, sub una qualibet specie Sacramenti continetur, et idcirco cuilibet homini Christiano, non sacrificanti, satis sit sub una specie communicari. Porro certissime tenendum est, sub utraq; specie Sacramenti, totum esse Christum, licet diuersimode. Quod ut intelligi possit, reuocanda sunt hinc in memoriam, quæ circa interrogationem decimamquartam à nobis dicta sunt. Siquidem sub specie panis, est corpus Christi, ex ui sacramenti, sanguis autem ex reali concomitantia, quemadmodum superius in loco iam citato, dictum est, de anima & diuinitate Christi. Sub specie uero uini, est quidem sanguis Christi, ex ui sacramenti. corpus autem eius, ex reali concomitantia quemadmodum superius dictum est, de anima & diuinitate Christi. Et hæc quidem scholasticorum doctorum de naturali concomitantia sententia quam uera sit ac rationabilis, facile perpendet, qui nouerit Christum in corpore glorificato totum & integrum regnare, omni passione superiorem, de quo sit absurdum ullam diuisionem fateri. Quum enim (ut Paulus ait) Christus iam amplius non moriatur, nunquam sanguis eius à corpore iterum separatur, sed ubi corpus,

corpus, ibi & sanguis, ibi & integer ipse Christus est. Item sanguis Christi nunquam potest reperiri, absque illius uero & integro corpore. Vbicunq; enim fuerit sanguis Christi, ibi quoque necesse est illius uerum & integrum corpus adesse. Nam Christus suum sanguinem, quem in passione sua semel pro nobis effudit, in resurrectione sua totum resumpsit, nunquam cum iterum fusurus, quia nunquam iterum moriturus. Vbi est ergo Christi sanguis uerus, ibi est etiam Christi uerum corpus. Porro si sub specie uini, solus sanguis maneret, toties sanguinem fundi deberet, quoties uinum consecraretur, eo quod ui consecrationis, sanguis ibidem existens a corpore separaretur. Itaque ut hanc absurditatem effugiamus, credere oportet in Sacramento Eucharistiae, sub specie panis totum Christum integrum contineri, & etiam sub specie uini. Quum ergo haec ita se habeant, & corpus Christi non mortuum, sed uiuum sit & animatum & sanguine uegetatum (anima enim corpus exanguem minime uegetare potest) & sanguis Christi sine corpore eius non sit, an non recte dicunt, qui affirmant, ibi comitari sanguinem, ubicunque fuerit uiuum Christi corpus, & ubicunq; rursus sit sanguis, ibi comitari corpus? Non est ergo existimandum, sub altera specie corpus tantum, sub altera autem sanguinem dudgetat contineri,

# INTERROG. VEL. PROP.

timeri, cum sub utraq; specie corpus & sanguis, imò Christus ipse sit totus, licet ad designandum nobis corpus, species panis, & ad designandum sanguinem, uini species instituta sit. Sunt enim corpus Christi & sanguis hic ceu duo primaria signata, & utrique suum signum adhibetur. Nam species panis, corporis ipsius signum est, species autem uini, signum & sanguinis. Contineatur tamen nihilominus totus CHRISTVS, sub qualibet specie huius Sacramenti. Cum itaque tantum sub una specie uenerabilis sacramenti contineatur ac porrigatur quantum sub utraq; non solum laicis, sed etiam sacerdotibus non celebrantibus, sufficit ad corporis & anime salutem communio alterius speciei. Nam qui accipit totum Christum sub specie panis tantum gratia confertur ei uirtute sacramenti quantum ei qui sub utraq; specie sumit. Non enim confertur gratia in hoc Sacramento, uirtute specierum aut signorum, sed signati.

Non enim illae species panis & uini, quae exterius patent, animam uiuificant, sed inhabitans uita nimirum diuinitas, uiuificat. Itaque quum exceptis speciebus (quae gratiam nequaquam conferre possunt) aequè totum & integrum Christum sumat, qui unam speciem sumit. Sicuti qui utramque, nihilo plus gratiae uirtute sacramenti accipit

accipit hic quàm ille. Nihil ergo gratiæ deperit laicis, sumentibus alteram speciem tantum. Si autem uirtus & efficacia huius sacramenti deperderet, à speciebus illis uisibilibus, & non à rebus contentis sub illarum tegmine & operimento, iusta esset querimonia laicorum, dolentium sibi alteram speciem esse ademptam. Nunc autem hoc non est, sed res contentæ in hoc Sacramento, gratiam largiuntur, & ita uerè & integrè subsistunt, sub alterutra illarum specierum seorsum, sicut sub utraq; simul. Efficacia idè tidem & spiritualis fructus, proueniens ex sumptione sanctæ Eucharistiæ sub una specie solum, tantus profectò est, quantus ille, qui sumenti obuenit, ex sumptione eiusdem sacramenti sub utraq; specie, modo cætera omnia, ex suscipientium deuotione & dispositione, consimiliter se habeant, cum & hîc & illic sumatur integrè Christus, bonorum omnium author, de cuius plenitudine fidelis anima secundum sui dispositionem largiter suscipit diuinorum charismatum munera.

Porro ex hoc fundamento, non ualet argumentum aduersariorum dicentium. Si propterea una pars sacramenti laicis tolli potest, quòd sub una tantum contineatur, quantum sub utràque, eadè autoritate & pars baptismi, & pars poenitentiae tolli potest. Non inquam hoc sequitur.

# INTERROG. VEL. PROP.

Nā de baptismo & pœnitentia, non est simile. Neutrū enim horum duas partes habet, in quarum utraq; tota res Sacramenti continetur, sicut in hoc Sacramēto Eucharistiæ quod accipiēs uel sub specie panis, uel sub specie uini, totū Christum sumit utrobiq;. Nam qui speciem alteram sumit, tantum accipit commodi ac utilitatis, quā tum cōprehenditur sub utraq; specie & nihil magis sub utraq; specie suscipit, q̃ sub altera tantū. Species enim signa duntaxat sunt & non res, neque uirtutis quicquam adijciunt, quod in re signata ( quæ est Christus ) non contineatur.

Sed dicunt. Christus sciebat sub specie panis, totū & integrum seipsum contineri, et omnia accipi, sciebat non carnē solam sine sanguine, sed illā uiam & uiuificā, de qua Ioannes ait. Et uerbum caro factum est, totum inquam & integrū Christum ipsum sub specie panis contineri, & tū nihilominus uinum instituit. Sed pro huius argumenti solutione & pleniori huius materiæ declaratione, illud secundo loco in hoc Sacramēto obseruandū est, Eucharistiā nō solū esse Sacramentum, sed etiam sacrificium, unde interdū de ea loquimur, ut est sacramentum interdum autem ut est sacrificium. Quod autem sit sacrificium paulò post ostendemus.

Loquēdo ergo de hoc diuinissimo & ineffabili mysterio, ut est sacramentū sicut à specie panis illud

illud ipsum sufficientissimè significatur, ita intègra eius plenitudo & efficacia, sub eadem exhibitur fidelibus, & idcirco non requirit utramq; speciem. Quia Christi fidelibus tantùm præstat<sup>r</sup> ab illa sacrosancta carne, uerbo unita, sub uen<sup>i</sup> panis specie, quantũ præstaretur sub utraq;.

Considerando autem idẽ augustissimũ sacramentum, ut est sacrificium, tunc refert oblationem illius agni immaculati, pro mundi salute in ara crucis factam, & illius munde & salutaris hostiæ semel in cruce factæ, nobis reiterationem quandam repræsentat, & sic utrâque requirit speciem. Ita enim refert illam hostiam, ut in ara crucis oblata est. In qua in remissionem peccatorum nostrorum, uniuersus eius sanguis effusus est, & separatus à corpore. Quare alia illic corporis, alia sanguinis figura est, quamuis sub utrâque totus integerq; Christus. Et cùm sacerdotum, non laici populi sit sacrificare & offerre illam hostiam, quæ semel in ara crucis pro nobis oblata est, ad eosdem quoque utriusq; speciei usus necessariò pertinet, quando hoc faciunt, hostiam illam nobis referunt. Legitima enim exposcit ratio, ut sacerdotes celebrantes, utrâque sumant speciem, quia sacerdotes ut Ecclesiæ ministri, in sacratissimo sacrificio & mysterio missæ, dominicam repræsentant passionem, & cruentam illam in cruce ob-



# INTERROG. VELS. PROP.

lationem, in qua sanguis Christi preciosus, à sacro eius corpore fuit separatus. Cum itaq; Eucharistia sacrificium sit, sacrificia autem offerre Domino, sacerdotum esse cōstet, non laicorum, propterea sacerdotes in hoc sacramentum Christum offerre debent Deo patri, in memoriam uespertini sacrificij in ara crucis pro nobis oblati. Omnis nanq; Pontifex (inquit Paulus) ex hominibus (uidelicet laicis assumptus, pro hominibus constituitur in hijs quæ sunt ad Deum, ut offerat dona & sacrificia pro peccatis. Atqui Christus instituit corpus suum, ad consecrandū, sumendum & offerendum in hoc sacramento sub utraq; specie per Apostolos, quos tūc sacerdotes ad id muneris cōsecrauit, dicens. Hoc facite in meam commemorationem. Quum ergo sacerdos, qui offert sacrificium, & dispensat sacramentum populo eiusdem sacrificij prius debeat esse particeps, ut docet Dionysius in lib. Eccles. Hierar. cap. 3. parte 3. in fine, quā ipsum populo dispenset. Est (inquit) hic rerum diuinarum decentissimus ordo, ut prius communicet, atq; impleatur sanctus præsul ijs, quæ per illum distribuenda sunt cæteris diuinis donis & alijs tradat, & sumendo sacrificium, ipsius particeps efficiatur, iuxta illud Apostoli. Nōne qui edūt hostias, participes sunt altaris? Ex cuius auctoritate desumpta est determinatio Concilij Tolentani

Heb. 5-

Luc. 22.

1. Cor. 10.

tani dicentis. Quale erit sacrificium, cui nec ipse sacrificans, particeps esse dinoscitur?

Itaq; qui sacrificant, & participes sacrificij non sunt, rei sunt Dominici sacramenti. Vnde de Conf. dist. 2. Can. Relatum habetur. Quicūque sacerdotum, deinceps diuino altario, sacrificium altaris oblaturus accesserit, & se à cōmunionē suspenderit, ab ipsa qua se indecenter priuauit gratia communionis, anno uno repulsum se nouerit. Nam quale erit sacrificium, cuius nec ipse sacrificans, particeps. esse dinoscitur? Ergo modis omnibus tenendum est, ut quotiescūq; sacrificans, corpus & sanguinem Domini nostri Iesu Christi in altario immolat, toties perceptionis corporis & sanguis Domini nostri Iesu Christi, participem se præbeat. Huic consonat quòd Gelasius Papa, de Conf, Dist. 2. Can. Comperimus scribit dicens. Cōperimus autem quod quidam sumpta tantummodo corporis sacri portione, à calice sacrati cruoris abstineant, qui proculdubio (quoniam nescio qua superstitione docentur adstringi) aut integra sacramenta percipiant, aut ab integris arceātur, quia diuisio unius eiusdem mysterij, sine grandi sacrilegio non potest peruenire. Itaq; fate-mur Christum non ignorasse, quā sub panis specie, totus integer sumeretur, & tamen nihilominus etiam speciem uini instituit, quia

Q 4 . sciebat

## INTERROG. VEL. PROP.

*sciebat Eucharistiam habere rationem Sacramenti & etiam sacrificij. Vt ergo Sacramentum est, sufficit sumere à laicis & etiam sacerdotibus non celebrantibus sub specie panis tantū. Vt autem sacrificij rationem habet, in missa sacrificio offertur à sacerdotib<sup>9</sup>, quales erāt Apostoli in cœna, quibus Christus præcepit dicens. Hoc facite in meam commemorationē. Vnde sacerdotes celebrantes utrāque sumere debent speciem, quia ut Ecclesiæ ministri in missa saluatoris nostri repræsentant passionem, in qua sanguis CHRISTI ab eius corpore fuit separatus, ut dictum est. Deinde quum sacerdotes Eucharistiā offerant, sub utrāq; specie, & eos oblationis suæ prius oporteat esse participes, quàm illam populo administrent, æquum est, ut ipse Eucharistiam sub utrāq; specie in sacrificio missæ accipiant. Concedimus itaque Christum hoc Sacramentum, sub utrāque specie instituisse, sed negamus eum omnibus præcepisse, qui memoriam eius essent facturi, ut ipsum sub utrāque specie acciperent, quem admodum deinceps ostendemus. Cæterum quoniam Ecclesiæ aduersarij, qui sumunt utramq; huius sacramēti speciem, eandē adeò pertinaciter defendunt, ut communionē alterius speciei dicāt illicitam & utriusq; speciei omnibus esse præceptam, iā adiuvante Christo dāclārabimus, cōmunionem*

nionem utriusq; speciei, nec omnibus esse mandata, nec communionem alterius speciei esse illicitam, & non adeò institutioni Christi aduersari, ut ab initio Ecclesiæ & tempore Apostolorum in Catholica Ecclesia fuerit in usu.

Quoniam si esset præcepta omnibus atque omnes obligaret atq; constringeret, hoc esset, uel ex usu Christi, uel ex eius præcepto, sed non ex usu Christi, neq; ex eius præcepto, proinde nec ex ui usus Christi, nec ex ui præceptorum eius, illicitum est populum communicare sub altera specie tantum. Hoc siquidem demonstrato, perspicuum erit, non teneri populum Christianum diuina lege ad communionem Eucharistiæ sub utraq; specie. Et primo quidem demonstrandum erit usum Christi (qui in ultima cœna instituens hoc sacramentum, usus est eo sub utraq; specie communicando Apostolos (& apostolorum, non habere uim legis, similiter distribuendi & dispensandi Eucharistiam sub utraq; specie. Non enim rectè infertur ex illo usu, sacerdotem non nisi sub utraq; specie, dare debere populo Eucharistiam, quæadmodum illam dedit Christus, & omnes similiter debere communicare, quemadmodum communicauerunt Apostoli. Nam si ille usus Christi & Apostolorum, uim legis haberet, necessario obligaremur ad omnia, in illo usu seruata. Quod constat esse falsum, nam

# INTERROG. VEL. PROP.

obligamur duntaxat ad quædam in usu illius distributionis seruata, & ad quædā, & non ad omnia, quemadmodum ostendemus. unde nec tenemur distribuendo Eucharistiam, etiam hoc obseruare, ut uidelicet distribuamus Eucharistiam sub utrâque specie. Porro ad declarandum, quod non tenemur ad seruandum omnia, quæ in illo usu gesta sunt, percurramus primò summam omnia quæ ibi gesta sunt. Itaq; cœna facta, surrexit Christus à cœna & posuit uestimenta sua, & cum accepisset lintheum præcinxit se, deinde misit aquam in peluim, & cœpit lauare pedes discipulorum suorum, & extergere lintheo quo erat præcinctus. Postquam autem lauerat eorum pedes dixit. Si Ego laui pedes uestros Dominus & magister, & uos debetis alter alterius lauare pedes. Exemplum enim dedi uobis, ut quemadmodum ego feci uobis, ita & uos faciatis. Hæc Ioannes. Matthæus autem exprimit numerum coenantium cum Christo in illa cœna. Vespere (inquit) facto, discumbebat cum duodecim discipulis suis. Coenantibus autem eis accepit Iesus panē, & benedixit, ac fregit deditq; discipulis suis, & ait. Accipite & comedite &c. Et accipiens calicem postquam cœnauit gratias egit, & dedit illis dicens, Bibite ex hoc omnes &c. Hic habes Christum in institutioni Eucharistiæ præmississe pedum lotionē, & post

Non omnia quæ Christus fecit in cœna habent uim legis. Ioan. 13.

Match. 26.

Luc. 22.

Et post cœnam sacram corporis Et sanguinis sui Eucharistiam tradidisse discipulis suis. Ecclesia tamen non pransis, sed ieiunis eandem administrat. Sed Et præter tempus cœnæ dominicæ, pedum quoque lotio non remansit, quæ tamen præcepta à Domino, magnum sacramentum dilectionis continet. Quia ergo non lotis pedibus, sed interdum ne manibus quidem, sacrosanctum Domini corpus accipimus, num propterea uanum sacramentum erit? Absit. Quid ita? Quia non externis rebus, sed fide excipitur diuina munificentia, nec tam spectat DEVS quid agatur, quam quis Et qua mente, ad dona sua accedat. Non uult contemni aut negligi Sacramenta sua, nec tamen gratiam eorundem, uisibilibus rerum mensura coercescit? Quis baptizauit latronem in cruce? Et tamen dixit ei os ueritatis. Hodie mecum eris in paradiso. Quis tot agmina martyrum, tot milites CHRISTI, cum raperentur ad supplicia, quis illis corpus Domini Et sanguinem eius porrexit? Et tamen fructu eorundem minimè fraudati sunt.

Sic eis qui non percipiunt tota sacramentorum signacula, qui calicem ore non attingunt, nihil decedit salutis, nihil perit gratiæ, Et nihil detrimenti sentiunt. Sed et Ecclesia longè alijs uerbis utitur quàm aut Paulus,

# INTERROG. VEL. PROP.

1 Cor. 11.  
Luc. 22.  
Mar 14  
Matt. 26.

lus, aut alius cuius Euangelistarum usurpauit. Nam Paulus & Lucas ita recenset dixisse Christum. Hic calix nouum testamentum in meo sanguine Marcus autem ita. Hic est sanguis meus noui testamēti, qui pro multis effundetur. Matthaeus aliqd adjicit dicēs. Hic est enim sanguis meus noui testamenti, qui pro multis effundetur in remissionem peccatorum. Ecclesia uerò sic habet. Hic est enim calix sanguinis mei, noui & æterni testamenti, mysterium fidei, qui pro uobis & pro multis effundetur in remissionē peccatorū. Christus quoq; fregit fractamq; dedit panis speciem, ridiculum autem est dicere, quòd sacerdos teneatur dare hostiam fractam Christus præterea dedit Eucharistiam sub specie panis azymi (Erant enim dies azymorum, in quibus non licebat uesci fermentato) sed tamen Ecclesiam aliquādiu confecit in fermentato, quum tamen in azymis Christum consecrassē non dubitauerit. Et primū quidem exemplo Christi edocta, confecit sacratissimum Christi corpus in pane azymo postea uerò ad destruendam hæresim Ebionitarum, dicentium legem Moysi, simul cum Euangelio obseruari debere, cōstituit sub Leone summo Pōtifice, consecrationem dominici corporis esse faciendam in pane fermentato. Sed extincta illa hæresis, sanxit rursus Ecclesia, esse redeundum ad morem cōsecrandi pristinum, utpote in



azymo. Sunt qui aliam huius mutationis causam assignant, nimirum ne iudaizare uideretur Ecclesia. Nam quia, aperta iam luce ueritatis euangelicæ diffusæ in orbem, abolendus erat in uniuersum Iudaismus (qui tamē ab Apostolis ex consilio spiritus sancti, quò lucraretur Christo Iudæos, & ouili Christi incorporarent) in hoc toto studio Ecclesia incūbebat, maximè cum etiā in illo ipso azymo, quidam iudaizantes, imaginarentur quiddam iudaicum. Idcirco quò hoc ipsum euelleret, ecclesiastico decreto introductum est, ut ubiq; consecratur in fermentato non in azymo, sanè intelligens sancta Ecclesia columna & firmamentum ueritatis Christi exemplum non induxisse obligationem, ut sic perpetuò fieret, quamuis azymus panis, significantiæ & mysterio magis congruat, quàm fermentatus. At cessante illa causa, ob quam primitus ille ritus immutatus fuerat, Romana, & cum ea uniuersa Occidentis, meridiei & Septentrionis Ecclesia, ad eundem, ut Christi exemplo conformem, & mysterio congruentiorem reuersa est. Græcanica uerò Ecclesia, iam semel receptum fermenti usum, mordicus retinuit, singularitatis nobilem se, ut in alijs plerisque faciens.

Ex omnibus his perspicuū est, in quot et quā-  
tis Ecclesia uariarit ab exemplo usu & insti-  
tuto

## INTERROG. VEL. PROP.

humanam. Fatemur quoq; corpus non esse Deum, sed negamus corpus eius esse absq; diuinitate. quæ à corpore Christi nunquam fuit separata. Vnde rectè quoq; illi adorationis cultū exhibemus, non quidē separatū à uerbo, sed ut ipsi uerbo indiuiduè inseparabiliterq; unitum. Nam in ipsis uerbis, hoc est corpus meum, nō demonstratur post cōsecrationem corpus à diuinitate seiunctum, sed ab ea indiuisum, & in unā uerbi Christi psonā, quemadmodum paulò antè dictū est. Quare adorans sacrosanctum illud corp⁹ in Eucharistia, uerè & piè Deum adorat, & complet mādatum Dñi præcipientis. Dñm Deum tuum adorabis, et illi soli seruias. Non enim ipsum nudū Christi corpus, sed corpus cōiunctū deitati, nō ipsam panis substantiā, quæ post pactā cōsecrationē nulla penit⁹ supest, q̃a mutata uel cōuersa est, in substantiā corporis Christi, nō ipsas species panis, quæ uidentur (illæ enim creaturæ sunt, quæ adorari nō debent, sed ipsum uerum et uiuificū corpus Christi, diuinitati inseparabiliter unitum, quod sub illis speciebus uerè continetur, suppliciter & Religiosè adoramus.

*Vigesimoprimum, An credat ciues huius urbis, ab hoc die vsq; in tēpus, quo primum fidē susceperunt, qui Eucharistiā cū eleuatur, reponitur*

*& deportatur, adorant, pro idololatriis habendos esse.*



Non habendos eos pro idololatriis, iam constare ex superioribus existimo. At Velsiū credere eos pro idololatriis habēdos esse, & ex superioribus patet, & responsio eius hoc loco comprobatur, qua affirmat, non quidem omnes huius urbis ciues, sed eos tantum, qui eiusmodi idololatriam committunt aut commiserunt, pios diuinissimæ Eucharistiæ adoratores, idololatrias appellās, & eos qui recusant adorare (si tamen eiusmodi ciues habēt Colonia) quum sint uerē impij, pios existimans.

## DE COMMVNIONE alteriùs speciei.

*Vigesimosecundò. An credat verum corpus & sanguinem Christi, atque adeò totum Christum, sub vna qualibet specie sacramenti contineri, ideòque cuilibet homini Christiano, non sacrificanti, sub una specie communicari.*

To-



Totum Christum in hoc Sacramento contineri, superius est ostensum, hinc iam quaeritur, num totus Christus, sub una qualibet specie Sacramenti contineatur, et idcirco cuilibet homini Christiano, non sacrificanti, satis sit sub una specie communicari. Porro certissime tenendum est, sub utraq; specie Sacramenti, totum esse Christum, licet diuersimode. Quod ut intelligi possit, reuocanda sunt hinc in memoriam, quae circa interrogationem decimam quartam à nobis dicta sunt. Siquidem sub specie panis, est corpus Christi, ex vi sacramenti, sanguis autem ex reali concomitantia, quemadmodum superius in loco iam citato, dictum est, de anima & diuinitate Christi. Sub specie uero uini, est quidem sanguis Christi, ex vi sacramenti, corpus autem eius, ex reali concomitantia quemadmodum superius dictum est, de anima & diuinitate Christi. Et haec quidem scholasticorum doctorum de naturali concomitantia sententia quam uera sit ac rationabilis, facile perpendet, qui nouerit Christum in corpore glorificato totum & integrum regnare, omni passione superiorem, de quo sit absurdum ullam diuisionem fateri. Quum enim (ut Paulus ait) Christus iam amplius non moriatur, nunquam sanguis eius à corpore iterum separatur, sed ubi  
corpus,

corpus, ibi & sanguis, ibi & integer ipse Christus est. Item sanguis Christi nunquam potest reperiri, absque illius uero & integro corpore. Vbicunq; enim fuerit sanguis Christi, ibi quoque necesse est illius uerum & integrum corpus adesse. Nam Christus suum sanguinem, quem in passione sua semel pro nobis effudit, in resurrectione sua totum resumpsit, nunquam cum iterum fusurus, quia nunquam iterum moriturus. Vbi est ergo Christi sanguis uerus, ibi est etiam Christi uerum corpus. Porro si sub specie uini, solus sanguis maneret, toties sanguinem fundi oporteret, quoties uinum consecraretur, eo quod ui consecrationis, sanguis ibidem existens à corpore separaretur. Itaq; ut hanc absurditatem effugiamus, credere oportet in Sacramento Eucharistiae, sub specie panis totum Christum integrum contineri, & etiam sub specie uini. Quum ergo hæc ita se habeant, & corpus Christi non mortuum, sed uiuum sit & animatum & sanguine uegetatum (anima enim corpus exanguine minimè uegetare potest) & sanguis Christi sine corpore eius non sit, an non rectè dicunt, qui affirmant, ibi comitari sanguinem, ubicunq; fuerit uiuum Christi corpus, & ubicunq; rursum sit sanguis, ibi comitari corpus? Non est ergo existimandum, sub altera specie corpus tantum, sub altera autem sanguinem dudtaxat contineri,

# INTERROG. VEL. PROP.

timeri, cum sub utraq; specie corpus & sanguis, imò Christus ipse sit totus, licet ad designandum nobis corpus, species panis, & ad designandum sanguinem, uini species instituta sit. Sunt enim corpus Christi & sanguis hic ceu duo primaria signata, & utrique suum signum adhibetur. Nam species panis, corporis ipsius signum est, species autem uini, signū & sanguinis. Contineatur tamen nihilominus totus CHRISTVS, sub qualibet specie huius Sacramenti. Cum itaque tantum sub una specie uenerabilis sacramenti contineatur ac porrigatur quantum sub utraq; non solum laicis, sed etiam sacerdotibus non celebrantibus, sufficit ad corporis & anime salutem communio alterius speciei. Nam qui accipit totum Christum sub specie panis tantum gratiae confertur ei uirtute sacramenti quantum ei qui sub utraq; specie sumit. Non enim confertur gratia in hoc Sacramento, uirtute specierum aut signorum, sed signati.

Non enim illae species panis & uini, quae exterius patent, animam uiuificant, sed inhabitans uita nimirū diuinitas, uiuificat. Itaque quum ex ceteris speciebus (quae gratiam nequaquam conferre possunt) aequè totum & integrum Christum sumat, qui unam speciem sumit. Sicuti qui utramque, nihilo plus gratiae uirtute sacramenti accipit

accipit hic quàm ille. Nihil ergo gratiæ depen-  
dit laicis, sumentibus alteram speciem tantum. Si  
autem uirtus & efficacia huius sacramenti de-  
penderet, à speciebus illis uisibilibus, & non à  
rebus contentis sub illarum tegmine & operi-  
mento, iusta esset querimonia laicorum, dolen-  
tium sibi alteram speciem esse ademptam. Nunc  
autem hoc non est, sed res contentæ in hoc Sa-  
cramento, gratiam largiuntur, & ita uerè &  
integrè subsistunt, sub alterutra illarum specie-  
rum seorsum, sicut sub utraq; simul. Efficacia idē  
tidem & spiritalis fructus, proueniēs ex sum-  
ptione sanctæ Eucharistiæ sub una specie solum,  
tantus profectò est, quantus ille, qui sumentis ob-  
uenit, ex sumptione eiusdem sacramenti sub u-  
trâq; specie, modo cætera omnia, ex suscipien-  
tium deuotione & dispositione, consimiliter se  
habeant, cum & hic & illic sumatur integrè  
Christus, bonorum omnium author, de cuius  
plenitudine fidelis anima secundum sui disposi-  
tionem largiter suscipit diuinorum charisma-  
tum munera.

Porro ex hoc fundamento, non ualet argu-  
mentum aduersariorum dicentiū. Si propterea  
una pars sacramēti laicis tolli potest, quod sub  
una tantum contineatur, quantum sub utraque,  
eadē autoritate & pars baptismi, & pars poeni-  
tentiae tolli potest. Non inquam hoc sequitur.



# INTERROG. VEL. PROP.

Nā de baptismo & pœnitentia, non est simile. Neutrū enim horum duas partes habet, in quarum utraq; tota res Sacramenti continetur, sicut in hoc Sacramēto Eucharistiæ quod accipiēs uel sub specie panis, uel sub specie uini, totū Christum sumit utrobiq;. Nam qui speciem alteram sumit, tantum accipit commodi ac utilitatis, quā tum cōprehenditur sub utraq; specie & nihil magis sub utraq; specie suscipit, q̃ sub altera tantū. Species enim signa duntaxat sunt & non res, neque uirtutis quicquam adiiciunt, quod in re signata ( quæ est Christus ) non contineatur.

Sed dicunt. Christus sciebat sub specie panis, totū & integrum seipsum contineri, et omnia accipi, sciebat non carnē solam sine sanguine, sed illā uiam & uiuificā, de qua Ioannes ait. Et uerbum caro factum est, totum inquam & integrū Christum ipsum sub specie panis contineri, & tñ nihilominus uinum instituit. Sed pro huius argumenti solutione & pleniori huius materiæ declaratione, illud secundo loco in hoc Sacramēto obseruandū est, Eucharistiā nō solum esse Sacramentum, sed etiam sacrificium, unde interdū de ea loquimur, ut est sacramentum interdum autem ut est sacrificium. Quod autem sit sacrificium paulò pōst ostendemus.

Loquēdo ergo de hoc diuinissimo & ineffabili mysterio, ut est sacramentū sicut à specie panis illud

illud ipsum sufficientissimè significatur, ita intègra eius plenitudo & efficacia, sub eadem exhibetur fidelibus, & idcirco non requirit utramq; speciem. Quia Christi fidelibus tantum præstatur ab illa sacrosancta carne, uerbo unita, sub uni<sup>9</sup> panis specie, quantum præstaretur sub utraq;.

Considerando autem idē augustissimū sacramentum, ut est sacrificium, tunc refert oblationem illius agni immaculati, pro mundi salute in ara crucis factam, & illius munda & salutaris hostiæ semel in cruce factæ, nobis reiterationem quandam repræsentat, & sic utramque requirit speciem. Ita enim refert illam hostiam, ut in ara crucis oblata est. In qua in remissionem peccatorum nostrorum, uniuersus eius sanguis effusus est, & separatus à corpore. Quare alia illic corporis, alia sanguinis figura est, quamuis sub utraq; totus integerq; Christus. Et cum sacerdotum, non laici populi sit sacrificare & offerre illam hostiam, quæ semel in ara crucis pro nobis oblata est, ad eosdem quoque utriusq; speciei usus necessariò pertinet, quando hoc faciunt, hostiam illam nobis referunt. Legitima enim exposcit ratio, ut sacerdotes celebrantes, utramque sumant speciem, quia sacerdotes ut Ecclesiæ ministri, in sacratissimo sacrificio & mysterio missæ, dominicam repræsentant passionem, & cruentam illam in cruce oblatio-

# INTERROG. VEL. PROP.

lationem, in qua sanguis Christi preciosus, à sacro eius corpore fuit separatus. Cum itaq; Eucharistia sacrificium sit, sacrificia autem offerre Domino, sacerdotum esse cōstet, non laicorum, propterea sacerdotes in hoc sacramentum Christum offerre debent Deo patri, in memoriam uespertini sacrificij in ara crucis pro nobis oblati. Omnis nanq; Pontifex (inquit Paulus) ex hominibus (uidelicet laicis assumptus, pro hominibus constituitur in hijs quæ sunt ad Deum, ut offerat dona & sacrificia pro peccatis. Atqui Christus instituit corpus suum, ad consecrandū, sumendum & offerendum in hoc sacramento sub utraq; specie per Apostolos, quos tūc sacerdotes ad id muneris cōsecrauit, dicens. Hoc facite in meam commemorationem. Quum ergo sacerdos, qui offert sacrificium, & dispensat sacramentum populo eiusdem sacrificij prius debeat esse particeps, ut docet Dionysius in lib. Eccles. Hierar. cap. 3. parte 3. in fine, quā ipsum populo dispenset. Est (inquit) hic rerum diuinarum decentissimus ordo, ut prius communicet, atq; impleatur sanctus præsul ijs, quæ per illum distribuenda sunt cæteris diuinis donis & alijs tradat, & sumendo sacrificium, ipsius particeps efficiatur, iuxta illud Apostoli. Nōne qui edūt hostias, participes sunt altaris? Ex cuius auctoritate desumpta est determinatio Concilij Tolentani

Heb. 5.

Luc. 22.

1. Cor. 10.

tani dicentis. Quale erit sacrificium, cui nec ipse sacrificans, particeps esse dinoscitur?

Itaq; qui sacrificant, & participes sacrificij non sunt, rei sunt Dominici sacramenti. Vnde de Conf. dist. 2. Can. Relatum habetur. Quicūque sacerdotum, deinceps diuino altario, sacrificium altaris oblaturus accesserit, & se à cōmunionē suspenderit, ab ipsa qua se indecenter priuauit gratia communionis, anno uno repulsum se nouerit. Nam quale erit sacrificium, cuius nec ipse sacrificans, particeps. esse dinoscitur? Ergo modis omnibus tenendum est, ut quotiescunq; sacrificans, corpus & sanguinem Domini nostri Iesu Christi in altario immolat, toties perceptionis corporis & sanguis Domini nostri Iesu Christi, participem se præbeat. Huic consonat quòd Gelasius Papa, de Conf. Dist. 2. Can. Comperimus scribit dicens. Cōperimus autem quod quidam sumpta tantummodo corporis sacri portione, à calice sacrati cruoris abstinuant, qui proculdubio (quoniam nescio qua superstitione docentur adstringi) aut integra sacramenta percipiant, aut ab integris arceātur, quia diuisio unius eiusdem mysterij, sine grandi sacrilegio non potest peruenire. Itaq; fateamur Christum non ignorasse, quā sub panis specie, totus integer sumeretur, & tamen nihilominus etiam speciem uini instituit, quia

Q 4 sciebat

## INTERROG. VEL. PROP.

*sciebat Eucharistiam habere rationem Sacramenti & etiam sacrificij. Vt ergo Sacramentum est, sufficit sumere à laicis & etiam sacerdotibus non celebrantibus sub specie panis tantū. Vt autem sacrificij rationem habet, in missæ sacrificio offertur à sacerdotib⁹, quales erāt Apostoli in cœna, quibus Christus præcepit dicens. Hoc facite in meam commemorationē. Vnde sacerdotes celebrantes utrāque sumere debent speciem, quia ut Ecclesiæ ministri in missa saluatoris nostri representant passionem, in qua sanguis CHRISTI ab eius corpore fuit separatus, ut dictum est. Deinde quum sacerdotes Eucharistiā offerant, sub utrāq; specie, & eos oblationis suæ prius oporteat esse participes, quàm illam populo ministrarent, æquum est, ut ipse Eucharistiam sub utrāq; specie in sacrificio missæ accipiant. Concedimus itaque Christum hoc Sacramentum, sub utrāque specie instituisse, sed negamus eum omnibus præcepisse, qui memoriam eius essent facturi, ut ipsum sub utrāque specie acciperent, quem admodum deinceps ostendemus. Cæterum quoniam Ecclesiæ aduersarij, qui sumunt utramq; huius sacramenti speciem, eandē adeo pertinaciter defendunt, ut communionē alterius speciei dicāt illicitam & utriusq; speciei omnibus esse præceptam, iā adiuuante Christo dāclārabimus, cōmunionem*

nionem utriusq; speciei, nec omnibus esse mandata, nec communionem alterius speciei esse illicitam, & non adeò institutioni Christi aduersari, ut ab initio Ecclesiæ & tempore Apostolorum in Catholica Ecclesia fuerit in usu.

Quoniam si esset præcepta omnibus atque omnes obligaret atq; constringeret, hoc esset, uel ex usu Christi, uel ex eius præcepto, sed non ex usu Christi, neq; ex eius præcepto, proinde nec ex uiusui Christi, nec ex ui præceptorum eius, illicitum est populum communicare sub altera specie tantum. Hoc siquidem demonstrato, perspicuum erit, non teneri populum Christianum diuina lege ad communionem Eucharistiæ sub utraq; specie. Et primo quidem demonstrandum erit usum Christi (qui in ultima cœna instituens hoc sacramentum, usus est eo sub utraq; specie communicando Apostolos (& apostolorum, non habere uim legis, similiter distribuendi & dispensandi Eucharistiam sub utraq; specie. Non enim rectè infertur ex illo usu, sacerdotem nõ nisi sub utraq; specie, dare debere populo Eucharistiam, quæadmodum illam dedit Christus, & omnes similiter debere communicare, quemadmodum communicauerunt Apostoli. Nam si ille usus Christi & Apostolorum, uim legis haberet, necessario obligaremur ad omnia, in illo usu seruata. Quod constat esse falsum, nam

# INTERROG. VEL. PROP.

obligamur duntaxat ad quædam in usu illius distributionis seruata, & ad quedã, & non ad omnia, quemadmodum ostendemus. unde nec teneamur distribuendo Eucharistiam, etiam hoc obseruare, ut uidelicet distribuamus Eucharistiam sub utrâque specie. Porro ad declarandum, quod non tenemur ad seruandum omnia, quæ in illo usu gesta sunt, percurramus primò summam omnia quæ ibi gesta sunt. Itaq; coena facta, surrexit Christus à coena & posuit uestimenta sua, & cum accepisset lintheum præcinxit se, deinde misit aquam in peluim, & cepit lauare pedes discipulorum suorum, & extergere lintheo quo erat præcinctus. Postquam autem lauerat eorum pedes dixit. Si Ego laui pedes uestros Dominus & magister, & uos debetis alter alterius lauare pedes. Exemplum enim de di uobis, ut quemadmodum ego feci uobis, ita & uos faciatis. Hæc Ioannes. Matthæus autem exprimit numerum coenantium cum Christo in illa coena. Vespere (inquit) facto, discumbebat cum duodecim discipulis suis. Coenantibus autem eis accepit Iesus panẽ, & benedixit, ac fregit deditq; discipulis suis, & ait. Accipite & comedite &c. Et accipiens calicem postquam coenauit gratias egit, & dedit illis dicens, Bibite ex hoc omnes &c. Hic habes Christum institutioni Eucharistiæ præmississe pedum lotionẽ, & post

Non omnia quæ Christus fecit in coena habent uim legis. Ioan. 13.

Matth. 26.

Luc. 22.



Et post cœnam sacram corporis & sanguinis sui Eucharistiam tradidisse discipulis suis. Ecclesia tamen non pransis, sed ieiunis eandem administrat. Sed & præter tempus cœnæ dominicæ, pedum quoque lotio non remansit, quæ tamen præcepta à Domino, magnum sacramentum dilectionis continet. Quia ergo non lotis pedibus, sed interdum ne manibus quidem, sacrosanctum Domini corpus accipimus, num propterea uanum sacramentum erit? Absit. Quid ita? Quia non externis rebus, sed fide excipitur diuina munificentia, nec tam spectat DEVS quid agatur, quam quis & qua mente, ad dona sua accedat. Non uult contemni aut negligi Sacramenta sua, nec tamen gratiam eorundem, uisibilibus rerum mensura coercet? Quis baptizauit latronem in cruce? Et tamen dixit ei os ueritatis. Hodie mecum eris in paradiso. Quis tot agmina martyrum, tot milites CHRISTI, cum raperentur ad supplicia, quis illis corpus Domini & sanguinem eius porrexit? Et tamen fructu eorundem minimè fraudati sunt.

Sic eis qui non percipiunt tota sacramentorum signacula, qui calicem ore non attingunt, nihil decedit salutis, nihil perit gratiæ, & nihil detrimenti sentiunt. Sed et Ecclesia longe alijs uerbis utitur quàm aut Paulus,

azymo. Sunt qui aliam huius mutationis causam assignant, nimirum ne iudaizare uideretur Ecclesia. Nam quia, aperta iam luce ueritatis euangelicæ diffusæ in orbem, abolendus erat in uniuersum Iudaismus (qui tamē ab Apostolis ex consilio spiritus sancti, quò lucraretur Christo Iudeos, & ouili Christi incorporarent) in hoc toto studio Ecclesia incūbebat, maximè cum etiam in illo ipso azymo, quidam iudaizantes, imaginarentur quiddam iudaicum. Idcirco quò hoc ipsum euelleret, ecclesiastico decreto introductum est, ut ubiq; consecratur in fermentato non in azymo, sanè intelligens sancta Ecclesia columna & firmamentum ueritatis Christi exemplum non induxisse obligationem, ut sic perpetuò fieret, quamuis azymus panis, significantiæ & mysterio magis congruat, quàm fermentatus. At cessante illa causa, ob quam primitus ille ritus immutatus fuerat, Romana, & cum ea uniuersa Occidentis, meridiei & Septentrionis Ecclesia, ad eundem, ut Christi exemplo conformem, & mysterio congruentiorem reuersa est. Græcanica uerò Ecclesia, iam semel receptum fermenti usum, mordicus retinuit, singularitatis nobilem se, ut in alijs plerisque faciens.

Ex omnibus his perspicuū est, in quot et quātis Ecclesia uariarit ab exemplo usu & instituto

# INTERROG. VEL. PROP.

tuto Christi. Quam uariationem forsitan ab Apostolis edocta fuerat. Nam & Paulus ubi apud Corinthios, de hoc sacramento sermonem habet, tandem subiicit. Cætera quum uenero disponā Quibus mirū uerbis, pollicetur se quantum ad usum & ritum huius sacramēti spectat) traditurum alia, quorum hactenus in epistolis suis nullam fecerat mentionem, Vtcunq; fuerat clarè constat ex præmissis, distributionem Eucharistiæ, qua usus est Christus, non habere uim legis statuentis, ut similiter fiat distributio à nobis. At si quispiam contenderit, in hoc uno imitandam esse Christi distributionem, quod sub utraq; specie dedit Eucharistiam, animaduertat Christum dedisse sub utraq; specie solis Apostolis, & non dedisse matri suæ nec multitudini illorum, qui credebant in illum, ut uel ex hoc satis sit inferre ab exemplo Christi, successoribus ergo Apostolorum dandam esse Eucharistiam sub utraq; specie. Ex usu itaq; Christi, non potest inferri, communionem populi sub altera specie tantum, esse illicitam. Et multo minus inferri hoc potest, ex usu Ecclesiæ Corinthiorum, cuius meminit Paulus in prima epist. ad Corinthios, quia quæ ibi scripta sunt, pertinent ad Ecclesiæ illius, & temporum consuetudinem (quando plurimis in Ecclesiis communiō Eucharistiæ sub utraq; specie porrigebatur) quā nō dānāremus.

Eccle

Ecclesiæ (quæ illā mutauit) authoritate restituatur, ne scindatur unitas Ecclesiastica, nèue uarietas in usu sacramentorū admittatur. Sed & hoc dicendum beatum Paulum hoc loco minimè præcepisse Corinthijs, communionem sacramenti Eucharistiæ sub utraq; specie. Nam postquam recensuit primam sacramenti illius institutionē, secundum trium Euangelistarum sententiā ipsis tantum permisit, sumptionis panis & calicis ritum, admonuitq; sollicitè, ut illam facerent panis manducationem & calicis potationem, in dominicæ passionis memoriam facta prius diligenti sui ipsius probatione. ne tantum mysterium sumerent indignè. Deniq; usus Ecclesiæ illius particularis fuit. Constat autem usum unius Particularis Ecclesiæ non statuere uel præscribere legem alijs Ecclesijs. Porro nos haud diffitemur huiusmodi consuetudinem illo tēpore, & subsequentibus, ad tempus in Ecclesijs plurimis fuisse & perdurasse, non solū tēpore persecutionū & martyrum, sed etiā tēpore pacis Ecclesiæ, quū legimus factas non solum patinas, sed etiā calices ministeriales, sic proculdubio dictos, quod ad Christi sanguinē populo ministrandum deferuebant. Nunq̃ tamen fuisse uidetur in tota uniuersali Ecclesiā, imò nec in primitiua, uniuersalis cōsuetudo communicandi populum sub utraq; specie, sed uidetur fuisse indifferens uel sub altera

INTERROG. VEL. PROP.

altera, uel utrâque, quum Hierosolymis (ubi  
 & ingens erat multitudo fidelium) legamus com=  
 munionem, sub sola specie panis factam. Erant  
 Act. 2. (inquit Lucas) perdurantes unanimiter in tem=  
 plo, & frangentes circa domos panem, de quo  
 postea nobis erit sermo. Sed & postmodum  
 multis exemplis compertum est, Eucharistiam  
 sub specie panis tantum fuisse distributam &  
 acceptam. Supra enim ubi exempla posuimus de  
 reseruatione Eucharistiæ, attulimus exemplum  
 Satyri fratris S. Ambrosii, qui diuinum fidelium  
 Sacramentum poposcit, et ligari fecit in orario,  
 & orarium uoluit in collo. Quod utiq; de so=  
 la specie panis intelligi debet, cum Sacramen=  
 tum sub speciem uini, non potuerit ita ligari & in=  
 uolui in collo, Adduximus quoque ibidem ex=  
 emplum ex Eusebio Eccles. Histo. lib. 6. c. 33. sed  
 succinctus, quàm ut huic nostro instituto suffra=  
 gari possit, quapropter magis explicandũ erit.  
 Est ibidẽ epistola Dionysii uetustissimi Episco=  
 pi, qua non obscure significatur, Eucharistiæ Sa=  
 cramentum, unica specie iam tunc solitum tradi  
 ad minus infirmis. Verba eius sunt hæc. Dionysi=  
 us uerò ad hoc scribẽdo ad suprã dictum Fabia=  
 num, intexit etiam quandam historiam, dignã  
 memoria, dicens Serapionẽ quẽdam fuisse apud  
 Alexandriam, unum ex his qui lapsi sunt, eun=  
 demq; sæpe deprecatur, ut susciperetur, nec tamẽ  
 impe=

impetrasse. Oppressum deinde hunc esse ægritudine, ita ut triduo iam sine uoce prorsus iaceret. Paululum uerò quarta die respirantem, uocasse ad se filiam suam, & dixisse. Quousque me detinetis? Quæso uos, citò aliquis presbyterum roget, ut possim aliquando dimitti, & cum hoc dixisset, rursum sine uoce permansit. Abijt cura su puer ad presbyterum noctis tempore. Infirmabatur presbyter, uenire non potuit. Tamen quia præceptum fuerat à me, ut lapsis in exitu nemo consolationis solatia denegaret, & maxime his, quos prius id rogasse constaret, parum Eucharistiæ puero dedit qui ad se uenerat, quod infusum iussit seni præberi, & c. Vbi quod Sacramentum commissum est puero, quod parum Eucharistiæ datum, quod infundi iussum, uino scilicet aut aqua, quo sumi posset ab ægroto, qui moribundus & æstuans glutire nequibat, omnia hæc declarant, in sola specie panis accepisse. Sed & S. Paulinus Sanctum Ambrosium, & S. Gregorius S. Benedictum sub finem uitæ scribunt Eucharistiam duntaxat sub specie panis accepisse. Porro ubicunque communio utriusque speciei fuit usitata ac recepta, ob id præcipue factum est, ut Christi fideles sumptione sancti calicis in persecutionum procellis ad subeundum martyrij agonem redderentur animosiores. Quemadmodum Elephantos aiunt, specie

# INTERROG. VELS. PROP.

sanguinis ostensa atq; ipsis obiecta, reddi ad bel-  
lum acriores atq; concitatiores. Tunc enim ani-  
mandi erant fideles ad martyrium, grassante ty-  
rannorū persecutione, & excitandi ut nō dubi-  
tarent sanguinē suū pro Christo effundere. Ad  
quod efficaciter incitabātur memoria dñicæ pas-  
sionis, ipsis uisibiliter representata, p sumptio-  
nē sacri sanguinis ē calice in sacra cōmunionē.  
Qua inducti in recordationem effusi sanguinis  
Dñi pro oīm redēptione, maiore in modū robo-  
rabātur, ad suum quoq; sanguinē, pro cōfessione  
fidei effundendū, quēadmodū testatur. S. Cypria-  
nus cū nonnullis alijs Episcopis ad Corneliū Pa-  
pam scribentibus in hac uerba. Lib. 1. epist. 2. At  
nunc nō infirmis, sed fortibus, pax necessaria est;  
nec morientibus sed uiuētibus, cōmunicatio à no-  
bis danda est, ut quos excitamus & exhortamur  
ad prēliū, nō inermes & nudos relinquamus, sed  
protectiōe sanguinis & corporis Christi munia-  
mus, & cū ad hoc fiat Eucharistia, ut possit acci-  
piētibus esse tutela, quos tutos esse uolumus, cō-  
tra aduersarium, munimento dominicæ securi-  
tatis armamus. Nā quomodo docem⁹ aut prouo-  
camus eos, in confessione nominis sanguinem suū  
fundere, si eis militaturis, sanguinē Christi dene-  
gamus? aut quomodo ad martyrij poculum ido-  
neos facimus, si nō eis prius ad bibendum in Ece-  
clesia poculum Domini iure cōmunicationis ad-  
mitta-



mittimus? Hactenus illi. Nō inficiamur proinde,  
tunc temporis in plurimis Ecclesiis, laicis fidelibus  
permissam fuisse communionē utriusq; speciei,  
qui tamen mos non uidetur fuisse uniuersalis  
in omnibus Ecclesiis, uel si fuit uniuersalis, fuit  
indifferens ut apparet, cum constet plerōsq;  
Eucharistiam tantum sub specie panis accepisse.  
Nec etiam certò constat, quādiu ille mos cōmu-  
nicandi sub utraq; specie populū permāserit. Vnde  
intelligi datur eum paulatim desisse cōsensu  
fidelium, tandemq; decreto Concilij abrogatū fuisse.  
Cū enim cessasset psecutionis tēpus, et multa  
inconueniētia quotidie magis magisque insurgerent,  
quibus horrere coeperunt fidelium animi,  
sensim consensu quodam tacito altera species fuit  
adempta, atque ita populis ob euitanda crebra  
pericula tacitis omnium suffragijs, sub una  
tantum specie sacramentum istud exhibitum est.

Ceterum quod mos ille comunicādi populum  
sub utraq; specie, non tam fuerit uniuersalis, q̃  
indifferens etiam in primitiua Ecclesia, uel hinc  
liquet, q̃ etiā sacra communio alterius speciei,  
in primitiua Ecclesia fuerit usitata. Siquidem  
in Actis Apostolorū de cōuersis Iudæis dicitur,  
q̃ erant quotidie perdurantes unanimiter in tēplo,  
et frangentes circa domos panem. Vbi Lucas  
nō facit mentionē uini, sed fractionis panis.  
Porro Glossa interlinearis et Nicola<sup>us</sup> Lyranus,

# INTERROG. VEL. PROP.

exponunt non solum de corporali cibo, sed etiā de sancto pane Eucharistiae, qui tum quotidie sicut  
**Ador. 17.** delibus administrabatur. Item Act. 27. Solius panis sit mentio, quem sumens Paulus, gratias egit Deo & fregit. Adhuc Luca 24. ita scriptum est. Factum est cum recumberet cum eis, accepit panem & benedixit ac fregit, & porrigebat illis, &c. Vbi habes quod ad esum huius benedicti panis, protinus eorum oculi fuerunt aperti. Quo iudicio patres colligunt, ipsos sumpsisse uerum corpus Christi. Nam Theophylactus & Beda, hunc locum intelligunt de carne Domini. Aug. quoque lib. 3. de Consensu Euang. & Chrys. Homil. 17. in Matthaeum, exponunt de Sacramento panis. Quod etiam ex uerbis ipsis patet, quum & simili prorsus modo sit usus, in sacri sui corporis consecratione. Sed & S. Hieronymus narrans peregrinationem sanctae Paulae. Repetito (inquit) itinere Nicopolim (quae prius Emmaus uocabatur) apud quam in fractione panis cognitus Dominus, Cleophae domum in Ecclesiam dedicauit. Porro praedicta consuetudo, etiam Apostoli testimonio uidetur posse confirmari. Nam  
**3 Cor. 16.** S. Paulus in Epistola ad Corinthios. Vnus panis (inquit) & unum corpus multi sumus, omnes qui de uno pane & de uno calice participamus. In Graecis exemplaribus, quo sermone Paulus eam epistolam scribit, perhibent ita inueniri. Vnus panis,

panis, unum corpus, multi sumus. Nā omnes ex eodē pane participamus. Ita enim Erasmus uertit. Græcè tamen sic legitur. οἱ γὰρ πάντες ἐκ τοῦ ἐνὸς ἄρτου μετέχομεν. quoniam omnes ex uno pane participamus. Vt cunq; autem legas, secundū S. Pauli uerba, satis est cunctis, ut de pane uno uel ex eodem pane participant, ut necessario nō requiratur calicis cōmunicatio. Quod si dixeris Paulum non multò superius de calicis benedictione fuisse loquutum, etiam hoc magis facit pro parte nostra, si quis ea uerba diligentius excutiat. Calix (inquit) benedictionis, cui benedicimus. Quis quæso calici unquam benedixit, nisi sacerdos? aut quis alius frangit cœlestē illum panē? Vtrunq; profectò ad sacerdotes pertinet, qui & mystici corporis non iniuria portio melior existimantur. Caterum quum ijs adiunguntur laici, & de toto corpore loquitur Paulus, iam solius panis fit mētio. Vnus (inquit) panis, & unum corpus multi sumus omnes qui ex eodem pane participamus.

Sed & Dominus ipse, quum ex quinque panibus, quinque millia pauiisset hominum, nullum credibile est ibi unum adfuisse, & tamen illa refectio quasi quædam umbra fuit, communionis carnis sue. Quod uel ex eo patet, quod inde sumpserit occasionem plurima differendi, super carnis sue cōmestione, quam & panem uocat.

Ioan. 6.

# INTERROG. VELS. PROP.

Huc accedit quod sæpenumero Christus, pro panis huius sumptione multa pollicetur, & pro specie vini, nec tantillum quidem promittit. Pro illo dicitur. Panis uerus est, qui de cælo descendit, & dat uitam mundo. Ego sum panis uitæ. Et panis quem ego dabo, caro mea est, pro mundi uita. Hic est panis de cælo descendens, ut si quis ex ipso māducauerit nō moriatur. Si quis manducauerit ex hoc pane uiuet in æternum. Et qui manducat hunc panem, uiuet in æternum. Ecce quotiens uitam pollicetur, pro panis huius sumptione, de reliqua uerò specie, ne uerbum quidem producere quis poterit. Nam illud. Hic calix nouum testamentum est in meo sanguine, nihil facit pro calicis potatione, nec si quod apud Matthæum sequitur adiunxeris. Qui pro multis effundetur in remissionem peccatorum. Non enim hic remissio peccatorum, pro calicis potatione promissa est, sed pro sanguinis effusione: Deniq; apud Matthæum in oratione Dominica petere docemur, panem illum supersubstantialem, hoc est, panem corporis Christi, sicuti expositum est superius, ubi tamen alterius speciei nulla fit mentio. Ex quibus omnibus constat, communionem alterius speciei à Christo non solum non uetitam, sed etiam insinuatam, imò ab ipso Christo & Apostolis exhibitam & usitatam fuisse. Ostendant ergo

ergo aduersarij ubinam Christus in Euangelio utramq; speciem aut instituerit, aut ipso facto porrexit, præterq̃ in ultima cœna, in qua sacerdotem egit, & sacerdotes duntaxat communicauit. Sed nec ex Paulo unquam probabunt, q̃ Christus utramq; speciẽ, aut dederit alijs q̃ Apostolis, aut iusserit dari populo, nisi prorsus nullum discrimen faciant, inter pastores & gregem, atque inter plebem & sacerdotes. Pastorum & hunc sacratissimum cibum ministrare gregi, neq; ad gregem pertinet ullo pacto Eucharistiam conficere sibi. Itaq; neq; Euāgelistæ habent, neq; Apostolus dicit, quòd Christus laicis utrāq; speciem dederit, aut dandam præcepit. Loquitur quidem ibi Apostolus in genere de utrāq; specie absq; discrimine inter præbyteros & laicos dicens. Itaq; quicumq; manducaueris panem, uel biberit calicem Dñi indignè, reus erit corporis & sanguinis Domini. Eo enim tēpore in Missæ sacrificio & præcipuè in Ecclesia Corinthiorum laicis quoq; dabatur sacramentū sub utrāq; specie. Nusq̃ tñ præcipit, neq; Paulus, neq; ullus Apostolorū aut Euāgelistarū, ut uniuersaliter semp & ubiq; sub utrāq; specie laicis. Et tñ st Paul⁹ etiā præcepisset (quod tñ non fecit) laicis utrāq; speciẽ dandā, posset nihilominus Ecclesia, imò spiritus sanctus. Rector & Cōsolator Ecclesiæ, præceptū illud ex iustis causis

1. Cor. 11.

## INTERROG. VEL. PROP.

*relaxare, quemadmodum inferius ostendemus.*

Nunc restat ut discutiamus præcepta Christi, tam antè institutionem Eucharistiæ, quàm in ipsa Eucharistiæ institutione promulgata, & ex ijs colligamus communionem utriusque speciei, non esse omnibus à Christo præceptam, neque communionem unius speciei nimirum panis, esse illicitam. Et ut ordine progrediamur, accipiamus Patris in manibus præceptum Christi de Eucharistia apud Ioannem capite. 6. Vbi inquit. Nisi manducaueritis carnem filij hominis, & biberitis eius sanguinem, non habebitis uitam in uobis. Et quidem si eorum sententiam sequeremur, qui negant illa uerba intelligi posse, de cibo & potu sacramentali Eucharistiæ, sed exponunt de spiritali manducatione tantum, facilis esset responsio. Verum quoniam non de spiritali solum, sed etiã de sacramentali manducatione rectè possunt intelligi, idcirco nunc ostendendum erit, ex illo præcepto Christi, communionem utriusque speciei, non mandari omnibus. Nam Christus ibi nihil definit, de utraque specie panis scilicet & uini, sed loquitur expresse, de carne et sanguine suo. Nihil enim de uini specie tradit ibidem, sed de sanguine, qui nusquam ab hoc sacratissimo pane separatur. De pane est ibi multus sermo, ac de uino, ne uerbum quidem ullum. Nusquam enim in  
toto

toto illo capite, speciei calicis aut uini meminit Christus. Speciem uero panis crebrius repetens expressit, et panem manducantibus uitam eternam promisit, id quod neutiquam fecisset, si panis manducatio ad salutem non suffecisset. Qui enim uitam pręstaret eternā panis māducatus, si ad salutē non sufficeret? Inde dicit. Panis quē ego dabo caro mea est pro mundi uita. Si quis manducauerit ex hoc pane, non morietur in eternum. Qui manducat me, uiuet propter me, et uiuet in eternum. Hoc ergo Christi beneplacitū est, ut manducans panem, quod ad salutem sufficit, atq; uiuat in eternum. Oportet ergo, aut nō esse de necessitate salutis utrāq; speciē, aut Christum primam et summam ueritatem, nō uerum dixisse ubi ait. Qui manducat hunc panem, uiuet in eternum. Simul enim stare non possunt, ex manducato pane, habere uitam eternam, et panem manducatum non sufficere ad salutem. Qui ex manducato pane, uiuet in eternum, nihil deest illi eorum, quę ei ad eternam uitam, necessaria sunt, sed habet quod ei ad salutem sufficiat. Valeant igitur qui dicunt panis huius māducationem ad salutem non sufficere, sed utriusq; speciei sumptionem sub pręcepto necessariam, cum uerbum CHRISTI, cum eorum impia assertionē manifestē pugnet dicentis. Panis quem ego dabo, caro mea est. Et qui manda-



## INTERROG. VEL. PROP.

eat hunc panem, uiuet in æternum. Alterius speciei hic non recordatur, nullamq; facit de uini potione mentionem. Qui manducat (inquit) me uiuet in æternum, clarissimè subindicans, corpus Christi sub specie panis sufficere ad salutem. Sed & hoc aduerte, quod sub specie panis (quemadmodum antea docuimus) utrumq; sumitur, corpus scilicet & sanguis Christi. Nam qui sub specie panis Christum sumit, idem & carnem eius manducat & sanguinem bibit, cum eius carnem integrā accipiat, cuius acceptio esus dicitur, & sanguinē integrū, cuius sumptio, potatio dici poterit. Cū itaq; nihil ampliùs sub utraq; specie continetur, quàm altera tantum, quemadmodum ostensum est, nihil minus sub specie panis, cuiquā cōfertur, quā sub specie panis & uini. Totus enim Christ⁹ cū corpore anima, sanguine & diuinitate non minus sub altera, quàm utraq; datur.

Nūc discutiamus præcepta Christi de Eucharistia promulgata quando instituit Eucharistie sacramentum. Et certè in Euangelijs, nullū inuenies de Eucharistia præceptum, nisi apud Lucā statim post Eucharistiā sub specie panis. Hoc facite in mei cōmemorationē Tamen apud Apostolū Paulū, duo p̄cepta legūtur data à Christo in Eucharistia institutione. Primū statim post Eucharistiam sub specie panis. Hoc facite in mei cōmemorationē. Alterū statim post Eucharistiam

stiā, sub specie uini, uidelicet hoc facite quotiescunq; biberitis in mei commemorationem. Quæ præcepta si perspicaciùs fuerint cōsiderata, nullū secū ferunt mādatū, de cōmunionē sub utraq; specie: Nā præceptum statim post speciē panis datum, tam apud Lucam, quā apud Paulum, manifestē refertur ad Eucharistiā sub specie panis, ut ipse contextus testatur, hoc est (inquit) corpus meum, quod pro uobis tradetur. Et statim subiungens. hoc facite (ait) in meā cōmemorationem. Quod non potest referri, nisi Luc. 22. ad Eucharistiā sub specie panis, de qua fuerat loquutus. Nā de Eucharistia sub specie uini, postea loquitur dicens. Similiter et calicē, &c. Præceptum autē solum apud Paulum scriptum de imitatione Christi in Eucharistia sub specie uini nimirum, hoc facite, quotiescunq; biberitis in meam commemorationem, manifestissimē restringitur ad uices, quibus bibimus in commemorationem Christi. Ita quod nō est præceptū absolute, sed est præceptū ex hypothesi uel suppositione, uidelicet si biberimus in Christi memoriā, faciamus hoc, quod fecit Christus. Nō præcipit ut bibamus in eius memoriā, sed præcipit, ut quoties in ei⁹ memoriā biberimus, faciam⁹ quod fecit ipse. Quasi dicat. Quotiescūque in mei cōmemorationem biberitis, hoc facite, hoc est, quoties utemini calice Eucharistiæ, sacrificate hoc.

## INTERROG. VEL. PROP.

hoc bibere namq; manifestè significat usum calicis, & deinde facere hoc, quod distinguitur cōtra bibere significat consecrare hoc. Si igitur facere hīc cōsecrare intelligimus (quemadmodum Damasceus ac ceteri intelligunt) nemo bibiturus est ex calice, qui non prius consecrauerit. Nam dicit. Quotiescūq; biberitis &c. Atqui laicum nemo sanæ mentis, dixerit posse consecrare. Non igitur laicis hoc dictum fuit, sed Apostolis (qui sacerdotes erant) qui hoc facerent id est, consecrarent. Præcipitur ergo ad literā, ut usus calicis, iungatur, sacrificio calicis. Et ex hoc ipso, quod similem coniunctionem uel associationem non præcepit, circa usum Eucharistiæ sub specie panis, insinuat, usum quidem calicis illicitum esse seorsum à sacrificio, usum uerò sub specie panis esse licitum, unde rectè Ecclesia reseruat Eucharistiam, sub specie panis duntaxat, pro infirmis & communicantibus extra missarum solennia, & non sub specie potus. Sed dicet fortasse quispiam, hoc præceptū non solum sacerdotes, sed etiam populum cōprehendere ac obligare. Nam ex eo, quod bibentibus in Christi memoriam, præcipitur, hoc facite, manifestè sequitur, quod sacerdotibus celebrantibus missas (quos constat bibere in Christi commemorationem) præcipitur, hoc facite sub quo comprehenditur etiam dare alijs calicem. Ergo  
ex hoc

ex hoc præcepto tenetur sacerdos, quoties ipse bibit, etiam alijs dare calicem, & alij tenentur accipere & bibere. Sed si literam inspiciamus, minimè quadrabit hic sensus contextui literæ. Nam in textu facere, distinguitur contra bibere, ac per hoc conficere sacramentum, contra usum sacramenti distinguitur, ac per hoc non tam largè hic extenditur. Hoc facite, sed ex ipso contextu restringitur, ad demonstrandum ipsum sacramentum, contra usum sacramenti, eò ipso distinguitur contra usum calicis. Quæcunq; igitur spectant ad usum calicis, comprehenduntur hic sub bibere, et quæ spectant ad ipsum sacramentum sub hoc facere, secundum suauè contextus sensum. Perspicuum autem est, quod dare alijs calicem, spectat ad usum Sacramenti, & non ad sacramentum ipsum. Nō igitur comprehenditur in hac litera, sub hoc facite, dare alijs calicem. Quod dum dicunt aduersarij, sibiipsis non constant, quia si hoc uerum est nimirū quod hoc facite comprehendit etiam dandum esse sacramentum ut Christus dedit manifestè sequitur, quòd sacerdos celebrans, teneatur dare calicem omnibus præsentibus. Nam Christus dedit omnibus præsentibus: quòd tamen constat aduersarios non seruare. Non igitur obligatur Christianus populus ex hoc Christi præcepto, ad sumendum utramq; speciem. Nec obest quòd Christus  
sub

# INTERROG. VEL. PROP.

Luc. 22.

sub utraq; specie distribuit Apostolis. Hoc enim æquum ac par fuit, non minus ob id, quod iam huius sacramenti prima fuerat facta institutio, quã ob id, quod iam illi erant sacerdotes constituti, quibus quia sacramenti cõficiendi potestatem cõtulit, uoluit eisdem id ipsum exhibere sub utraq; specie. Erant enim in mensa cum Christo duodecim Apostoli recumbentes, quod & S. Lucas testatur inquit. Et cũ facta esset hora, discubuit, & duodecim Apostoli cũ eo. Nec est uerisimile, si plures cõuiuæ fuissent, quin eos S. Lucas expressisset, q̃ duodecim cũ Christo discubuisse nūmerauit. Et inde est quod sacerdotes sub utraq; specie dum sacrificant communicant, quoniã in locum Apostolorum subrogantur, & quoniam ipsi sacrificant, et mortem Christi sacrificio suo representant, sanguinem scilicet à corpore separatum. Cæteris uerò nō sacrificantibus, satis fuerit speciem panis accipere, in quo totus accipitur Christus, cõsecrauit quidem Christus uinũ: non tamen propterea necessum est laicis sub ea specie impartiri. Quia solis sacerdotibus, quibus & consecrandi tribuit potestatem, utramq; speciem Christus porrexit, & ab eis utramq; uoluit sacrificari, quaten⁹ hoc ipsum representarent sacrificium, quod olim ipse patri pro nobis in altari crucis immolauit. Vnde ex illa Apostolorum, (quibus succedunt sacerdotes & Episcopi)

Episcopi) communione sub duplici specie, nihil potest concludi, pro usu futuro in Ecclesia continuando, ut necessarium sit dicere, communionem utriusque speciei omnibus fidelibus esse sub præcepto salutis dandam. Imò si ex Apostolorum communicatione argumentum sumitur pro modo utendi hoc sacramento in Ecclesia sequetur solos eorum successores in ministerio Ecclesiæ ius habere communicandi sub utraque specie, cuiusmodi sunt Episcopi & sacerdotes. Quod autem ex eorum communicatione, non sequatur, etiam ita dandum esse omnibus uel hinc liquet, quòd non dum Christus instituerat hoc sacramentum, pro futuro tempore frequentandum. Nam hoc facit per illa uerba quæ subiecit, dicens. Hoc facite in meam commemorationem. Adhæc Euangelistæ circa hoc narrant duntaxat rem à CHRISTO in cœna gestam, affirmantes eum tria fecisse. Primò quidem panem & uinum consecrassè, & in corpus suum & sanguinem uertissè, deinde utrumque consecratum, discipulis suis dedissè. At per nullum horum, habetur sacramenti institutio, sed commemorantur res duntaxat gestæ, in præsentia discipulorum. Neque enim ullum uerbum est à Christo prolatum, ante illa uerba. Hoc facite in meam commemorationem, quod uirtute ac uis  
SUA

cite distributionem comprehendimus. Itaq; quòd  
 hic quoque sensus eliciatur. Distribuite, sicut  
 ego distribui. Distribuite itaq; non minus cali-  
 cem, quàm panem. Præterea Paulus non solis lo-  
 quitur sacerdotibus qui erant Corinthi, sed lo-  
 quitur omnibus tam sacerdotibus quàm laicis, i. Cor. xij  
 qbus nō solum permisit, sed etiā præcepit cōmi-  
 nionē calicis. Ego (inquit) accepi à Dño, quod et  
 tradidi vobis. Quid quæso Paule tradidisti? Hoc  
 quod à Dño accepi. Et quid illud? Vt integrū p-  
 cipiant Corinthij sacramentum. Sicut tradidi  
 vobis præcepta mea tenetis. Vbi tradere idem  
 est, quod præcipere. Quid enim aliud est præ-  
 cepta tradere, quàm præcipere? Præcipio itaq;  
 ut id fiat, quod sicut accepi à Domino tradidi  
 vobis, ac totiens panem ac calicem repeto, laicis  
 interim scribens, ut dubitare de utroq; sumendò  
 nequeas. Ad hæc Ioannis 6. cap. Christi non mi-  
 nus laicis quàm sacerdotibus loquitur, dicens:  
 Nisi manducaueritis carnem filij hominis, &c.  
 In quo capite, non sit neganda susceptio spiri-  
 tualis, intelligitur tamen rectè ac conuenienter  
 de susceptione sacramentali, quod uelex eo so-  
 lo probabitur, quod Pontifices cum doctoribus,  
 ac reliquis frerè Concilijs, hunc locum, quoties  
 commemoratio fieret huius sanctissimi sacramē-  
 ti, legendum censuerunt, quod sanè nequaquā  
 indicassent, si non sacramenti fieret mentio. Et



illum discumbentium, tam decernimatè expressissent, tres Euangelistæ, si alij tū adfuissent conuiuæ præter 12. Apostolos. Neq; id ita certò numero definitū esset in Euāgelio, aut tā exactè ibi foret explicatū, si nō soli fuisset ibi Apostoli, sed interfuisset illi cōuiuio et alij. Porro si plures q̃ 12. fuissent, unū poculū tot conuiuis non suffecisset. Adhæc, non alijs tum loquebatur, q̃ ijs quibus ante porrexerat poculū dicēs. Accipite hoc, & diuidite inter uos. Et hij 12. erāt, ut planè testatur Lucas. Solis ergo 12. loquitur est Christus.

Matth. 26.

Lucæ 22.

Quare tā rationi, q̃ scripturæ cōsentaneū est, solis Apostolis dictū fuisse. Bibite ex hoc oēs. Male ergo hoc loco scripturam deprauāt, qui cōtendūt istud omnibus Christianis fuisse dictū, quod solis dictū fuit Apostolis. Huc accedit, q̃ Christus q̃ dixit. Bibite ex hoc oēs, etiā adiecit. Hoc facite in meā cōmemorationē. Quod utiq; solis Apostolis dixit, q̃bus cōsecrādi potestātē tribuit & sacerdotes ordinauit. Nā non solū se ipsum sub specie panis & uini sumēdū discipulis suis tradidit, sed etiā præcepit, ut in sui cōmemorationē hoc ipsum facerent, quod ipse tū faciebat dicēs. Hoc facite in meam cōmemorationem. Contulit itaq; Christus Apostolis suis potestatem super corpus suū uerū, ut consecrarent & conficerent Eucharistiæ sacramentū, in quo ipse uerè sumitur præcepit ergo Apostolis, ut in sui memoriā sacræ

# INTERROG. VEL S. PRO P.

mentū hoc conficerent, consecrarent, offerrent,  
 & sumerent. Horum autem successores sunt.  
 Episcopi et sacerdotes, nō laici. Si enim ista uer-  
 ba. Bibite ex hoc omnes, citra discrimen, tām lai-  
 cis quām sacerdotibus dicta sunt, nihil distabit  
 inter sacerdotem & laicum, sed omnes ex æquo  
 erunt sacerdotes. Non ergo sine discrimine quos-  
 uis fideles comprehendit particula illa uniuersa-  
 litatis, sed duntaxat eos qui tūm aderant præ-  
 sentes, ad quos sermo ille Christi tunc dirigebat-  
 tur, nimirum ad 12. Apostolos, quibus tunc di-  
 xit dominus. Hoc facite, &c. Non autē dixit, hoc  
 date, aut tradite alijs sacramentū, neq; etiā ait il-  
 lis, hoc mysterium cōmunicate populo sub gemi-  
 na specie, quia de faciēda alijs communionē, ibi-  
 dem nullum uerbum fecit. Itaq; particula illa u-  
 niuersalitatis laicos nō complectitur. Deinde sū-  
 hæc uerba. Bibite ex hoc omnes, non solos A-  
 postolos, sed omnes obligant fideles, ubi manea-  
 bunt infantes, quibus neutra specierum datur?  
 quomodo saluabuntur, quia non manducant car-  
 nem, nec bibunt sanguinē Christi? Sed dicis, olim  
 infantes quoq; ad communionē admissos. Quod  
 nos quoq; non negamus, sed ex eo argumentum  
 pro Ecclesia contra te colligimus. Quum Chri-  
 stus dicit. Bibite ex hoc omnes, & tamen nibi-  
 lominus Ecclesia bonis iustissimisq; rationibus  
 permota, infantes penitus à communionē amo-  
 uerit,

uerit, quare non eadem autoritate ob legitimas  
 & æquas rationes credis Ecclesiam permotam,  
 & potuisse, & iuste aboleuisse consuetudi-  
 nem, qua laici olim, sub utrâque specie sole-  
 bant recipere hoc sacramentum? Itaque si illa  
 uerba Christi complecterentur omnes in uni-  
 uersum fideles, sequeretur sacramētum hoc sub  
 duplici specie dandum esse pueris & uagienti-  
 bus in cunis, qui per baptismum uerè facti fide-  
 les, utpote membra Christi, qui ius habent in o-  
 mnibus bonis & donis ipsius. Sequeretur præ-  
 terea dandum esse morionibus ac usu rationis  
 priuatis. Quod est contra Paulum dicentem.  
 Probet autem seipsum homio, & sic de pane illo  
 edat, & de calice bibat pueri autem & stulti, se-  
 ipsos probare nō possunt. Vnde nec pueris, nec  
 morionibus dandū est hoc sacramentum. Si autē  
 uolueris hæc uerba Christi contrahere ad eos so-  
 los, qui rationis usu potiuntur, eadem liberta-  
 te contrahere & mihi licebit ad solos Aposto-  
 los & eorum successores sacerdotes, cū hæc  
 uerba sine utrâque exceptione ponantur expres-  
 se. Hoc idem uidetur probari per clausulam  
 quam saluator adiecit ad calicem (uidelicet &  
 pro multis) dum ait. Hic est calix sanguinis mei,  
 q̄ pro uobis & pro multis effundetur. Si enim  
 in uerbis Christi ad Apostolos in cœna circa hoc  
 sacramentum dictis, hæc uerba. Bibite ex hoc

## INTERROG. VEL. PROP.

omnes, ad omnes fideles referuntur, ad quos  
 quæso referuntur uerba præmissa. Et pro mul-  
 tis? Nam qui sunt illi multi, pro quibus sanguis  
 Christi effusus est? Non utiq; erunt fideles uni-  
 uersi, inter quos plurimi sunt, qui hinc migrant  
 antequam rationis usum habeant, ut probare  
 seipsos non possint, & sic de pane illo edere. Sūt  
 etiam inter eos plurimi, pro quibus licet sit ef-  
 fusus sanguis Christi, non tamen in remissionem  
 peccatorum, non quidem defectu aut uitio san-  
 guinis Christi (quem scholastici dicunt pro om-  
 nibus passum sufficiēter, licet non efficaciter, eò  
 quòd passio Christi quosdam non saluet, quibus  
 non communicatur per fidem aut fidei sacramē-  
 ta, aut suo ipsorum uitio aut neglectu) sed sua i-  
 psorum culpa ac impœnitentia. Proinde in illis  
 uerbis Christi, non retinentur uniuersi fideles  
 inclusi. Præterea cū Marcus scribat. Et bibe-  
 runt ex illo omnes, sequetur omnes fideles re-  
 uera ac reipsa tunc communicasse, in præfata  
 cœna, cum 12. Apostolis, si ista uerba Christi. Bi-  
 bête ex hoc omnes, comprehendunt omnes in u-  
 niuersum fideles, & tamen non fuerunt præsen-  
 tes omnes. Ex quibus omnibus infertur prædicta  
 uerba ad solos Apostolos esse referenda, qui so-  
 li tunc aderant Christo, quos omnes hoc modo  
 communicauit, tanquam primos huius sacra-  
 menti perceptores, & futuros Ecclesiæ mini-  
 stros,

stros, & non ad omnes fideles. Referuntur quoque ad Apostolorum communicationem, non ad sacramenti institutionem, & legis (de modo sumendi) promulgationem. Nam hæc per uerba subnexa exprimitur. Hoc facite in meam commemorationem. Nec enim Euangelistæ, nec Paulus Corinthijs præscripserunt modum communionis, sed tantum proponunt mysterium in sancta Eucharistia contentum, & modum in quo à Christo institutum est, modus autem sumendi, illis uerbis exprimitur. Hoc facite in meam commemorationem, quod ad Apostolos & eorum successores pertinere, satis abundè demonstratum esse confidimus. Itaque propter hæc Christi uerba, immerito damnatur tota Ecclesia Catholica, quæ sufficere iudicat, non solum laicis, sed etiam sacerdotibus extra missæ sacrificium communicantibus, alteram duntaxat speciem. Quum enim non consecrant ipsi, sed laicorum more suscipiunt ab alterius sacerdotis manu, iam solum sub specie panis eis istud sacramentum communicatur. Quotiens autem ipsi hoc sacramentum consecrant, & tanquam sacrificium offerunt Deo communicare debent sub utraq; specie quemadmodum supra declaratum est. Et hæc quidè pro solutione posterioris argumenti dicta sufficiant.

Quantum ad sextum cap. Ioannis attinet ad-

mittimus libèter uerba Christi ibidè prolata de

## INTERROG. VEL. PROP.

sacramentali susceptione esse intelligenda, sed negamus ibi Christum communionem utriusque speciei præcepisse. Vti enim dictum est, nihil definit de utraq; specie panis & uini scilicet, sed expressè duntaxat loquitur de carne & sanguine suo, panis subinde faciens mentionem, nullam prorsus uini. Loquitur quidem non solum sacerdotibus, sed etiam laicis, quia solius speciei panis meminit. Neque etiam tantum urget quantum apparet prima fronte quod continent Paulum præcepisse communionem utriusque speciei, eò quòd acceperit à Domino, quod & tradiderit eis, nimirum ut Corinthij integrum percipiant sacramentum, quod tradere idem sit quod præcipere, & tradat nò solùm sacerdotibus, sed etiã laicis scribens. Verũ quidẽ est Paulũ non solũ præbyteris, sed Ecclesiæ & omnibus Christi fidelibus, qui erant Corinthi, tradidisse de hoc sacramẽto, sed negandũ est Paulum ibidem præcepisse omnibus fidelibus cõmunionem calicis. Nam Paulus recenset tantũ Corinthijs, id quod ipse prius de hoc sacramento acceperat à Christo, & quid Christus in ultima cum discipulis cœna hoc instituendo sacramentum egerit & dixerit, nudis & simplicibus uerbis recenset, quẽadmodũ & Euãgelistæ fecerũt, hoc maxime spectans, ut maiorem eis erga sacramentũ hoc reuerentiã incuteret ac inculcaret, si  
mũlq;

múlque tolleret abúsum qui iam apud eos ali-  
quantulum inoleuerat ac inualefcere cœperat.  
Nullum autem illis Paulus præceptum de Eu-  
charistia dedit. Cum enim ad Eucharistiæ ma-  
teriam peruenisset, nullius præcepti mentionem  
fecit. Quod autem ait. Hoc autem præcipio non  
laudans, quòd non in melius sed in deterius con-  
uenit, &c. Præcepit inordinationem, abúsum, et  
reliqua (quæ malè irrepperant) tolli. Nā Corin-  
thios intellexerat, in multis deliquisse in usu hu-  
ius sacramenti. Sed & Paulus in illa epistola  
uniuersalitatem illam, cui potissimùm, sed fru-  
stra (uti ostensum est) innituntur aduersarij, ni-  
mirum. Bibite ex hoc oēs, penitus omisit, ne qua  
fortassis inde raperetur ansa credēdi à posteris,  
sibi uidelicet fore necessariũ, ut sanguinem è ca-  
lice potarent, quemadmodum & sacerdotes iā  
faciunt. Et fortè Paulus præuidit (Propheta  
enim erat) hunc tan tem aliquando inualiturũ  
morem, quem iam prorsus inoleuisse conspici-  
mus. Sed Paulus dicit se accepisse à Domino,  
quod & tradidit, non solũ de pane, uerum eti-  
am de calice. Tradere autem idem est quod præ-  
cipere. Quid enim aliud est tradere quàm præ-  
cepta dare? Sicut tradidi uobis præcepta mea te-  
netis. Certè quamuis traditionis nomen aliquan-  
do cōtractiũs, & aliquando largiũs accipiat  
pro doctrina quouis modo primit⁹ tradita, siue



## INTERROG. VEL. PROP.

oretenus, siue per scripturam, quemadmodū accipit S. Paulus 2. Tess. 2. ubi doctrinam per Epistolam & per sermonem acceptam, generali nomine Traditiones uocat, & S. Stephanus Act. 6. legem scriptam Moysi, traditionem nuncupat, tamen apud Paulum hoc loco contractius sumitur, pro doctrina oretenus primit<sup>o</sup> accepta, siue postea scripturis sacris fuerit demandata, siue non: prius enim quod à Domino acceperat, tradiderat illis uiua uoce, deinde postmodū epistola missa (quæ locum in canonicis scripturis obtinuit) scripto tradidit. Si enim in priore ad Thesalo. epist. cap. 4. nonnulla quæ prius tradiderat, scripto recenset. Rogamus (inquit) uos, & obsecramus in Iesu ut quemadmodum accepistis à nobis quomodo oporteat uos ambulare et placere Deo, sic etiam ambuletis ut abundetis magis. Scitis enim quæ præcepta dederim uobis per Dominum Iesum, &c. Sic etiam Matthæi ultimo Christus Apostolis præcepit, ut docerent gētes seruare omnia, quæcunq; ipse mandauit & tradidit illis, quorum multa postea ab Apostolis & discipulis Domini, sunt scripturis commēdata. Deniq; totū Euangeliū hoc modo sub Traditionis nomine comprehenditur, quia primò Christi et Apostolorum uiua uoce disseminatū, postmodum per sanctos Euangelistas in scripturas est digestum. Sed quocūq; modo accipias  
siue

siue largiùs, siue contractiùs, tradere idem (inquit) est quod præcipere. Quid enim aliud est præcepta dare quàm præcipere? Sicut tradidi uobis (inquit) præcepta mea tenetis. Sed ibi non loquitur de Eucharistia, sed de alijs, & maximè de ijs quorum mentionem facit subiiciendo, nimirum ut uir oret aperto capite, mulier autem uelato. Quod autè de ijs præceptis loquatur, quæ priùs dederat uel tradiderat, sed nõ ab omnibus obseruabantur, sed à quibusdam tantum. Theophylactus haud obseuris uerbis indicat dicēs. Postquã de idolothytis sermonem absoluit, qui certè de rebus grauibz habitus est leuius quoddam in præsentiarum delictum castigat & corrigit. Solet enim grauioribus nimiora intermiscere facinora. Quæ erant illa scilicet quæras. Nimirum quod detecta & reuelata facie orabant mulieres, & prædicabant futura. Quippe quæ tunc temporis uaticinarentur. Viri autem comã supplicando & uaticinãdo promitterent, ut qui philosophiæ studerent. Quod sanè Græcæ erat legis uel institutio, uel eius gentis mos patrius & prisca consuetudo. Hos itaq; & si prædicando antea castigasset, præsentibus sibi paruerunt nonnulli multi etiam in pertinacia perstiterunt. Eos itaque quos sibi morigeros habuisset, hunc in modum alloquitur. Laudo equidem uos quoniã mei in cunctis memoriã habuistis.

# INTERROG. VEL. PROP.

buiſtis. Nā ſi unum erat, cuius eos inſtimulaſſet, ſed ne capillum promitterent, nēue protenderēt Romam. Vos tamen (inquit) per omnia mei me mores eſtis. Solet Paulus mitioribus uerbis lenire, quos à uitijſ ſperat ad bonum traducere. Sicut tradidi uobis præcepta mea tenetis. Liqueſt ex his cum Paulum, tum Apoſtolos reliquos, haud quaquam omnia literis mandaſſe præcepta, que populus tradidiſſent, haſtenus ille. Ex cuius uerbis manifeſtum eſt, Paulum non ſolum loqui de præceptis quæ dederat de uelandis mulieribus, & non uelandis uiris, ſed etiam de illis que epistoſis ſuis uō inſeruerat. Sed tradere (inquit) idem eſt quod præcipere. Quid enim aliud eſt præcepta dare, quàm præcipere? Verum eſt, præcepta dare, idem eſt quod præcipere, ſed negamus Paulū hoc loco de Euchariftia aliquod præceptum dediſſe, niſi quod præcepit abuſum tolli. Deinde quod dicit, tradere idem eſt quod præcipere, non eſt uniuerſaliter uerum, cum plerumq; pura doctrina fidei tradi ſoleat, ut perſuadeatur hominibus abſq; aliquo præcepto quo cogantur ad credendum, quemadmodum ſecit Paulus. 1. Corint. 15. dicens. Notum uobis facio fratres Euangelium quod prædicaui uobis &c. Tradidi enim uobis in primis, quod & accepi, quoniam Chriſtus mortuus eſt &c. Sic & Theſſalonicenſibus tradidit Euāgelium dicens. 1. Theſſ. 2.

Vole

Volebanus tradere vobis, non solum Euangelium Dei, sed etiam animas nostras. Deniq; argumentum quod sequitur, iam superius solutum est & partim motum ubi ostensum est, sub hoc verbo facite, minimè comprehendere dare alijs calicem aut distribuere. Ergo quod dicit, confectum esse, solis Apostolis esse dictum, hoc facite in meam commemorationem, & in verbo facite distributionem debere comprehendere, ut hic sensus eliciatur, distribuite sicut ego distribuui, & ideo non minus calicem, quam panem esse distribuendum omnibus, falsum est. Iam enim ostendimus ea verba hoc facite, & cat. Solis Apostolis esse dicta quibus CHRISTVS præceptum dedit, ut hoc facerent, quod ipse fecit, ut videlicet ex pane & uino conficerent Eucharistiæ sacramentum in suam commemorationem, ut in sui memoriam sacramentum hoc ipsi conficerent, consecrarent, offerrent et sumerent, Non autem præcepit illis ut sic distribuerent. Non ergo comprehendere debet in hoc verbo facite distributio, ut hic sit sensus, distribuite sicut ego distribuui. Nam facere potius idem est quod consecrare ac offerre, non autem distribuere. In illis. nempe verbis, nudum factum proponitur, quod debeat in Ecclesia continuari, & nullum datur præceptum, de modo sumendi uel faciendi, uel distribuendi. Quæadmodum enim dictum est, pronomen

## INTERROG. VEL. PROP.

men demonstratiuum hoc respicit Sacramentum Eucharistiæ in singulari, non partiales eius consecrationes & distributiones uel porrectiones in plurali. Pronomē enim hoc demonstrat uni uiuersitatē præmissorū quæadmodū dictū est.

Cœterum iam clarū ac perspicuū esse credimus, hanc sacræ cōmunionis consuetudinē, sub altera tantū specie, nulli scripturarum præcepto repugnare. Et quoniā nusquā in sacra scriptura reperitur mādātū aliquod de cōmunionē Eucharistiæ sub utraq; specie, manifestū est nō obligari Christi fideles p præceptū in diuino iure scriptū ad cōmunionē utriusq; speciei, ut certum sit et indubitātū, aduersarios nō autoritate scripturæ, sed uoluntariē asserere, illicitā esse communionem sub specie panis tantū. Nō igitur damanda est Ecclesia Catholica, quæ consuetudinem quam inuenit, tandem decreto Concilij œcumenici firmauit. Nō enim existimandū est, hūc ritum communicandi sub specie panis tantū receptum esse ex ulla institutione, aut Synodali, aut Romani Pontificis (quæ nullum huic rei inuenitur dedisse initium) sed ex interno quodam consensu Christi fidelium, atq; orthodoxū præsulū, cōsiderantium, nullā esse necessitatē, laicos cōmunicandi sub utraq; specie, neq; ulla utilitate eosdem fraudari, sed sub specie panis integrū Christum, & gratiæ plenitudinē illis exhiberi.

Cōm-

Consensu ergo quodam tacito, tam populi quā cleri sensim irrepsit dicta consuetudo. Nam uisis tot periculis, quæ toties pridē acciderūt per Ecclesias, ubi cōmunio utriusq; speciei frequētari solebat, ea res quasi tacitis omniū suffragiis recepta fuit, priusquā ullo Conciliorū decreto, fuisset firmata, Quod euidenter patet, cōplurib<sup>9</sup> diuersorū authorū libris, lōgē ante conciliū Cōstantiense aut Basiliense cōscriptis ac editis, ut nulla penitus egeat probatione. Vnde Conciliū Cōstantiense Sessione. 13. definiuit, ut cōsuetudo (quā de cōmunionē sub una duntaxat specie exhibēda tū asserēbāt ab Ecclesia fuisse receptam, deinceps obseruaretur. Et cunctis sacerdotibus inhibuit, atq; id sub excōmunicationis pœna, ne quisquā eorum populū cōmunicaret sub utraq; specie. Insuper uelut hæreticos puniēdos decreuit, q̄cunq; suæ sanctioni de cōmunicatione sub una specie cōtradixerint. Idq; factū fuit nō solū ob lōgeuā cōsuetudinē quæ p̄cesserat in Ecclesia: uerumetiā post exactissimā ei<sup>9</sup>, ab eruditissimis iuxtā ac sanctissimis uiris discūssionē habitā. Sētētia Cōcilij hæc est. Cū in nonnullis mundi partibus, quidam temerariē asserere præsument, populū Christianū debere sacramentū Eucharistiæ, sub utraq; panis & uini specie suscipere & nō solū sub specie panis, sed etiā sub specie uini, populū laicū passim cōmunicent etiā post cœnā

Primus  
ver. sequē  
tis pag re-  
dundat.

uel

## INTERROG. VEL. PROP.

men demonstratiuum hoc respicit Sacramentum  
 uel aliàs & non ieiuni, et communicandum esse  
 pertinaciter asseuerant, contra laudabilem cō=  
 suetudinē rationabiliter approbatā, tanq̃ sacri  
 legā dānabiliter reprobare conantur, hinc est,  
 quod hoc præsens Cōciliū sacrū generale Cōstā=  
 tiense, in spiritus sancto legittimē cōgregatum, ad=  
 uersus hūc errorē, salutī fideliū prouidere sata=  
 gēs, matura plurimū doctorū, tā diuini q̃ huma=  
 ni iuris, deliberatione præhabita declarat, de=  
 cernit, & definit, quod licet Christus post cœ=  
 nā instituerit, & suis discipulis administrauerit,  
 sub utraq; specie panis & uini hoc uenerabile sa=  
 cramentū, hac nō obstante, sacrorū canonū aūto=  
 ritas laudabilis, & approbata cōsuetudo Eccle=  
 siæ seruauit & seruat, quod huiusmodi sacramē=  
 tū nō debet cōfici post cœnā, neq; à fidelibus reci=  
 pi nō ieiunans, nisi in casu infirmitatis, aut alteri=  
 necessitatis, à iure uel Ecclesia concessō & ad=  
 missō. Et sicut hæc consuetudo ad euitanda peri=  
 cula aliqua & scandala, rationabiliter introdu=  
 cta est, sic potuit simili aut maiori ratione intro=  
 duci, & rationabiliter obseruari, quod licet in  
 primitiua Ecclesia, huiusmodi sacramentum re=  
 ciperetur à fidelibus sub utraq; specie, tamen po=  
 stea à conficientibus sub utraq; & à laicis tan=  
 tū sub specie panis suscipiatur, cū firmissimē  
 credendum sit & nullatenus dubitandum, inte=  
 grum



grum Christi corpus & sanguinem, tam sub specie panis & quam sub specie uini, ueraciter contineri. Vnde cum huiusmodi consuetudo ab Ecclesia & Sanctis patribus rationabiliter introducta, & diutissime obseruata sit, habenda est pro lege, quam non licet reprobare, aut sine Ecclesie autoritate pro libito mutare. Quapropter dicere, quod hanc consuetudinem aut legem obseruare, sit sacrilegum aut illicitum, censeri debet erroneum. Et pertinaciter asserentes oppositum premissorum, tanquam haeretici arcendi sunt, & grauiter puniendi per diocesanos locorum seu officiales eorum, aut inquisitores haereticae prauitatis, in regnis seu prouincijs, in quibus contra hoc decretum, aliquid fuerit forsitan attentatum aut praesumptum, iuxta canonicas & legitimas sanctiones, in fauorem Catholicae fidei, contra haeticos & eorum salubriter adiuuentas &c. In Concilio quoque Basiliensi, dicta consuetudo omnibus Christianis pro lege seruari praecipitur, Sessione. 30. ubi sic legitur. Laudabilis quoque consuetudo, communicandi laicum populum sub una specie, a sanctis patribus rationabiliter introducta, & hactenus diutissime obseruata & a doctoribus diuinae legis. sacrorum canonum, atque sanctarum scripturarum multam peritiam habentibus, iam a longo tempore commendata pro lege habenda est, nec alicui licitum est eam reprobare;

Luc. 22.

## INTERROG. VEL. PROP.

aut sine autoritate Ecclesiæ, ipsam immutare.

Porro hæc consuetudo, magno consensu & magna Laicorum omnium pace ac concordia, obseruata fuit seculis aliquot (neq; enim certum ullum eius obseruationis inuenitur initium) usq; ad Ioannem Hus & Hieronymum Pragensem, qui eam reuocauerunt in dubium, donec à Concilio Constantiensi approbaretur, & contrarium dogmatizantes condemnarentur. Et certè longè ante Conciliū Constantiense p̄ uniuersam Ecclesiam hæc laudabilis consuetudo per aliquot secula inoleuerat, & consensione fidelium roborata erat, ut hoc meritò potuerit & debuerit sufficere omnibus Christianis. Nam (ut ait S. Aug. in epist. quā uocāt fundamētī contra Manichæū) illud uerè securum est asserere, quod in gubernatione Ecclesiæ Dei, saluatoris nostri Iesum Christi, uniuersalis Ecclesiæ consensione roboratū est. Ceterū quoniā nunc satis liquet longo tēpore ante Conciliū Cōstantiēse, cōsuetudinē priorē penitus desisse, & posteriorem per totam Ecclesiā unanimiter fuisse receptā, & postmodum decreto Ecclesiæ confirmatam, iam paucis demonstrandum erit, adimere laicis alteram speciem, Ecclesiam decuisse. & hoc eam fecisse instinctu spiritus sancti: denique eam hoc potuisse facere.

Decuit itaque Ecclesiam hoc facere quia in hoc nō solum imitata est exēplum Christi, qui  
duobus

duobus in Ema<sup>o</sup> corp<sup>o</sup> suū dedit sub specie panis tantū, et Apostolorū, q̄ in Actis Apost. idipsum fecerūt, quēadmodū ostēsum est, sed etiā plurima pericula euitauit, quæ cōmunionem utriusq; speciei cōsequebantur. Poterat enim nasci error plerisq; simpliciorib<sup>o</sup> q̄ sub specie panis solū corp<sup>o</sup>, uelut quoddā exāgue cadauer, et sub uini specie, sol<sup>o</sup> sanguis Christi cōtineretur, nō uerō sub utraq; integer tot<sup>o</sup> Christi<sup>o</sup>, aut q̄ crederēt q̄ddā ampli<sup>o</sup> sub uini, q̄ sub specie panis cōtineri, & cū fortē q̄busdā laborātib<sup>us</sup> in extremis, cōmodē nō poterat exhiberi uini species, q̄dā poterāt suspicari nō esse integrē cōmunicatos. Plerumq; etiā (q̄ horrēdū cogitatu(cōtingebat, ut Christi sanguinis in terrā effunderetur. Quod nō benē p̄caueri poterat, in tāta hoīm turba, in qua sunt iuuenes & uirgines, senes cū iunioribus, pueri & stupidi pleriq;. Sed & in uasis non benē seruatis creberrimē corrūpebatur: neq; enim diu seruari potest eiusmodi liquor, quātāuis adhibita fuerit diligētia periculū ergo erat in cōseruatione uini, ne uini species in acetū uerteretur, tempore æstatis, uel hyeme congelaretur quum parochi tenerentur eā propter aegrōtos semp habere paratā. Periculū etiā erat cū ad morituros portaretur, siue q̄s eques aut pedes sanguinē ferret. Defrendum enim plerumq; erat, per lōga uiarū interualla, in quibus sacerdos deferens posset

INTERROG. VEL. PROP.

collabi in terram, & sacrum sanguinem effunde  
re periculum quoq; sumpturis, maximè his qui  
nauseā (ut nōnulli solēt) ex gustato uino facili  
pateretur. Adhæc apud nationes quasdam uini  
raritas non sufficeret ad communionem omniū.  
Si enim in quibusdā regionibus uix satis est uini  
pro missarum celebratione, quomodo sufficeret  
in tanta multitudine? propter hæc itaq; & alia  
multa emergētia pericula cuitāda, decuit Ecce  
lesiā laicis uini speciē subtrahere. Decuit enim Ec  
clesiam omnia illa tollere, per quæ hoc diuini  
sacramētū quouis modo posset inhonorari.  
Cum enim ei honor maximus debeatur, reuerē  
tiāq; maxima, summopere cauendū erat, ne alia  
qua fieret iniuria aut irreuerentia tanto sacra  
mēto. Summa aut iniuria, summaq; ei fieret irre  
uerētia, si in sumentibus non fuisset adhibita de  
bita cura, ne quid sanguinis effunderetur, & da  
retur sanctum canibus ac margaritæ spargantur  
ante porcos. Cū itaq; nō desinit (ea enim est quo  
rundam hominū rusticitas & socordia) qui uix  
citra discrimen aut iniuriā sacramēti huius, il  
lud suscipiūt sub specie panis, quomodo absq; in  
iuria ac irreuerentia etiam sub specie uini susci  
piēt? & propterea rectè dicimus Ecclesiā hoc fe  
cisse instinctu spiritus sancti eō quòd consuetudi  
nē consensu fidelium cōfirmatā decretis œcume  
nicorum Cōciliorū (quæ spiritus sancti instinctu

& magisterio regūtur) cōfirmavit ac corrobora-  
 ravit. Quis enim addubitare poterit, quin Eccle-  
 sia spiritus sancto regatur? nisi fortē Christi cre-  
 dere nolit Euangelio, in quo Ecclesiæ promissus <sup>Ioan 14.</sup>  
 est spiritus sanctus, spiritus ueritatis. Docebit omnes & 16.  
 nia (inquit) & suggeret uobis omnia. Ad quid  
 est aliud suggerere, quā insinuare siue ministra-  
 re menti, quicquid est ueritatis Christianæ? Cer-  
 tū est ergo spiritū istū ueritatis, in Ecclesia ppe-  
 tuō manere, Ecclesiā instruere, eā ducere in oēm  
 ueritatē, ei annunciare, suggerere, subministra-  
 re ac insinuare qcquid est ueritatis Christianæ,  
 & illustrare ea, quæ à Christo dicta sunt. Nunq̃  
 enim permisit Ecclesiā errare. Errasset autē, si cō-  
 tra uerbū Christi (ut aduersarij dicūt laicks unā  
 speciē subtraxisset. Adhæc, quoniā de scripturis  
 plerumq; dissidia nascuntur, etiā apud doctissi-  
 mos, necesse est præter scripturas) & pter unie-  
 us aut alterius interpretationē Christianis sco-  
 pū quendā, aut normā quandā ac regulā præfi-  
 gi, cui se in cūctis, quæ sunt credituri, cōformēt,  
 & quæ in omnibus cōtrouersis debeat spectari.  
 Sed ijs scopus atq; eadē regula, est totius Eccle-  
 siæ consensus, atq; decretū. Is autem consensus,  
 quum aliter haberi non possit, saltem explici-  
 tus, quam per præsidium cuiuslibet nationis, to-  
 tius orbis Christiani cōgregationē in unū aliquē  
 locū accitā (nā ut oēs Christiani, simul unā cōuo-

## INTERROG. VEL. PROP.

centur, prorsus est impossibile( congruum fuit. ut quoties inter Christianos lis aliqua de credendis suboriretur, Episcopi de quaque natione Christianitatis statim conuenirent, litis illius dirimendæ gratia. Quibus spiritussancti afflatû, nunquã defuisse aut defuturû in legitime coacto Cõcilio, certò confitendû est. Quia itaq; hæc lis in Cõcilijs œcumenicis determinata ac definita est, nō dubiû quin hoc spiritussancti afflatu ac instinctu factum sit. Quapropter Eucharistiæ dispensatio, quã maior et sanior pars Ecclesiæ, tot annis approbavit, & hodie approbat, et quæ iam ex autoritate Ecclesiæ recepta est, defendenda ac tenenda est, donec Ecclesiæ autoritate restituatur prioris dispensationis modus, nec quisquã ante Ecclesiæ determinationē recedere debet ab ea sententiã, quã modò tenet Ecclesia Catholica et Orthodoxa, si uerò germanò et obediens Ecclesiæ filius cēseri uelit. Caterû doceãt si possunt aduersarij, aut errasse Ecclesiã, aut aliquas proferãt scripturas, quibus contentiosas suas obiectiones probet, aut in statuẽdo sapiẽtiores se esse demonstrarent, quã illa, in qua tot doctissimi, sanctissimique homines tanto tempore fuerunt, ut meritò tribuendum ampliùs sit, tot milibus hominum, tot doctis præstantibûsque uiris, tam longinquæ temporum autoritati, atque adeò totius Ecclesiæ Catholicæ consensui quã aduersariorum

reriorum nouitati ac paucitati. Ecclesiam autem hoc potuisse iam comprobandum erit. Et quidem etiam si Ecclesia, nullum haberet uel exemplum uel testimonium ex sacris scripturis de una specie (quod tamen superius demonstraui-  
mus esse falsum) haberet tamen nihilominus facultatem ac potestatem id faciendi, propter euitanda pericula, quum nusquam sit ei prohibitum. Siquidem unam speciem laicis dandam, Christus nusquam prohibuit, sed Ecclesie dispositioni reliquit & liberum fecit. Imò id ipsum proprio quoque exemplo & doctrina sua confirmauit, quemadmodum de duobus euntibus in Emaus ostensum est, quibus Christus corpus suum sub specie panis duntaxat exhibuit. Apud Ioānem uerbo capite sexto id ipsum quoque doctrina sua confirmauit, ubi (sicuti dictum est) plerumque loquitur de pane, nullam mentionem faciens calicis. Sed & in ueteri testamento, plerumque figuraliter huius panis fit mentio, ubi calicis nulla. Exod. 16. hic est panis, quem dedit uobis Dominus ad uescendum. Psal. 77. Panem cœli dedit eis, panem Angelorum māducauit homo. Sap. 16. Angelorum esca nutriui-  
sti populum tuum, & paratum panem de cœlo præstitisti illis. Vbi nulla fit mentio uel calicis uel uini. Caterum etiam si clarè in scripturis cōprehensum expressumq; esset (quod tamē



## INTERROG. VEL. PROP.

non est) ut laicis utraq; species dari debeat, nihilominus tamen haberet Ecclesia, ius facultatem, ac potestatem mutandi ex iustis causis eiuscemodi præceptum, quarum multa superius à vobis commemoratæ sunt. Huius rei exempla, habemus in scripturis plurima. Nimirum de sabbato Exod. 20. 31. Leuit. 25. Num. 15. Deutr. 5. &c. Quod Ecclesia absque scriptura abrogauit, & in locum eius Dominicam diem, de qua nulla extat scriptura, abrogauit. Item de circumcisione Genes. 17. Io: sue quinto, quæ Apostolorum adhuc tempore erat. 1. Corinth. 7. Actorum decimosexto. & 21. Postea uerò est ab Ecclesia prorsus abrogata & prohibita. Item de celebrando paschate Exod. 12. Leuit. 23. Num. 28. &c. Quod Ecclesia itidem absque scriptura mutauit, ne Iudaizare uideamur. Quod si quis dixerit, hæc ad cæremonialia ueteris legis pertinere, quæ Christus morte sua abrogauit, ueniamus ad nouum testamentum, & inuenimus Christum præcepisse Apostolis suis Matth. 28. & Marci 16. ut baptizarent credentes in nomine patris & filij & spiritus sancti. Attamen sancti Apostoli præceptum hoc ex iustis causis, aliquādiu intermiserunt baptizantes in nomine Iesu Christi. Act. 2. 8. 10. 19. &c. Imò nusquā scriptum inuenies, baptizasse eos in nomine S.

& inuiduæ Trinitatis, neq; in scriptis suis eius  
 nominis mentionem fecerunt, quum esset in fi-  
 de paruulis, nimis altum ac incomprehensibile.  
 Porro si Ecclesia potuit immutare Christi in-  
 stitutum in re maioris momenti & necessitatis,  
 cur non idipsum possit in re minoris neces-  
 sitatis? Constat autem baptismum, esse sacra-  
 mentum maioris necessitatis, quàm sit Eu-  
 charistiæ sacramentum, cum ingredi quis non  
 ualeat cœlum, qui lauacro regenerationis nō  
 fuerit ablutus, possit autem absque Eucharis-  
 tiæ perceptione. Quis igitur ex hoc non intel-  
 ligit potuisse Ecclesiam nonnihil circa Eucha-  
 ristie sacramentum dispensare, quæ circa ba-  
 ptismum tantum ausa fuit immutare? Si enim  
 illud Christi de baptismo institutum, quod Chri-  
 stianis omnibus adeo necessarium est, non formi-  
 dauit Ecclesia in aliam uariare formam (id quod  
 neutiquam fecisset, si nō secura fuisset, id sibi ut  
 faceret licuisse) quare nō concedimus Ecclesiæ,  
 eandem autoritatem in hoc Sacramento? Aut di-  
 cant mihi aduersarij, quo loco Christus hanc ua-  
 riationem fieri permisit, aut quibus scripturis  
 præcepit? Quod si non possunt, concedant Ec-  
 clesiam ampliùs aliquid posse, quàm sacris scri-  
 pturis proditum est. Et ut ad alia ueniamus,  
 nōne Actorum 15. præcipiebant Apostoli,  
 abstinere à sanguine & suffocato, quod tamen

# INTERROG. VEL. PROP.

Christus Matth. 15. antea liberum fecerat quod nihilominus Ecclesia absq; scriptura rursus liberum fecit? Nónne Paulus in 1. epist. ad Cor. c. 11. præcepit ut uiri comam non nutriant, & mulieres non sint detecto capite, quod tamen Ecclesia similiter absq; scriptura liberum fecit? Itaq; cum decuerit Ecclesiam laicis alteram speciem adimere, hocq; fecerit instinctu spiritus sancti, & potestatem ac facultatem id ipsum faciendi habuerit, & Christus iubeat nos audire Ecclesiam Matt. decimo octauo & Paulus præcipiat nobis, ut obediamus propositis nostris, Hebr. 13. ut quid Ecclesiæ ex iustis rationibus iubenti ut hoc sacramentum laicis sub una specie porrigatur, resistimus amplius, cur non obtemperamus? Præcipue cum Dominus dicat eum esse habendum ut Ethnicum & Publicanum, qui Ecclesiam non audit? Cum etiam qui Ecclesiam in prædicto decreto spernit, is spernat Christum, & patrem eius Deum. Qui uos spernit (inquit) me audit, & qui uos spernit, me spernit, & qui me spernit, spernit & eum qui misit me. Qui ergo spernit hoc edictum Ecclesiæ, is spernit Christum & patrem eius. Mendacij quoque arguit Christum in sua promissione Ioan. 14. & 16. qui existimat Ecclesiam in hoc errasse, & peccat contra ueritatem in spiritum sanctum, & spernit eundem qui cum Ecclesia est in æternum, eamq; docet.

docet omnia. Quàm graue autem sit eiusmodi peccatum, declarat Christus Matt. 12. quia non remittetur, neq; in hoc seculo, neq; in futuro.

Ex omnibus quæ nunc dicta sunt, rectè colligitur, quod in proximè sequenti interrogatorio habetur, nimirum.

*Vigesimotertiò. An credat piè et religiose, ob euitationē multorum periculorum & scandalorum, à Constantiensi & Basiliensi Concilijs cōstitutum esse, consuetudinem Ecclesiæ, communicandi laicos sub vna specie, non vt sacrilegam damnam, sed vt piam & rationabilem obseruandam esse, donec generali cōcilio aliud statuatur.*



Ed & haud difficulter responderi potest ad ea, quæ Velsius ad præcedens interrogatorium aduersus ueritatem respondit. Nam symbola, uini quidem & efficaciam ex instituto Christi habent, inuisibilis gratiæ cuius sunt symbola, circumscribende, ac in se cōplectende, representande,  
ac fia



stamentum ratum firmumq; est, ita, ut ne homi-  
 nis quidem licet sit, nemo id irritum faciat, aut  
 addat aliquid, præuaricando ac uiolando Christi  
 institutū, tantundē sub una, quantū utraq; specie  
 cōtineri, asserere, maximē cum eius contrariū  
 apertē doceat Paulus, inquit. Poculum bene-  
 dictionis, cui benedicimus, nōne communicatio  
 est sanguinis Christi? Panis quem frangimus,  
 nōne communicatio est corporis Christi? Slo-  
 tanus. Iam ostendimus dissimilitudinem, quæ  
 est inter has uoces, & symbola huius sacramen-  
 ti. Nam illæ uoces nihil præter notiones earum  
 rerum quas representant animo exhibent. Hic  
 autem sub externis symbolis uera caro & san-  
 guis Christi continentur. Et cum non sit caro  
 mortua, neq; exanguis, quemadmodum superi-  
 ūs satis expositum est, tantundem sub specie pa-  
 nis continetur, percipitur, ac sumitur, quantum  
 sub utraq;. Quod autem Christus, sub distinctis  
 symbolis, panis quidem, corpus, uini autem san-  
 guinem suum, credentium animis offerri & ex-  
 hiberi instituerit ut Velsius loquitur, quid ue-  
 ritatis habeat iam dicendum. Et quidem superi-  
 ūs dictum est, quomodo cibus iste sit spiritalis, &  
 animæ pabulum, ut tamen nihilominus reuera  
 sit uera caro & sanguis Christi, ut etiam hoc lo-  
 co cognoscas, quomodo credentium animis cor-  
 pus suum offerre & exhiberi instituerit Chri-  
 stus.

1, Cor. 10.

# INTERROG. VEL. PROP.

stus. Porro Christus instituit quidem corpus & sanguinem suum sub distinctis symbolis panis & uini in nouissima cœna, ueruntamē nusquā præcepit ut sub distinctis symbolis panis & uini omnibus Christi fidelibus daretur ac exhiberetur, neque usquam docuit communionem alterius speciei esse illicitam, impiam & sacrilegam, quinimò exemplo & doctrina ipsam potius confirmauit, quemadmodum ex superioribus dilucidum est. Deinde etiam quoniam perfectio huius sacramenti, non est in usu fidelium, sed in cōsecratione materiæ, quam facit sacerdos, ad quē spectat hoc sacramentum, consecrare & perficere, ipse quidem corpus & sanguinem Christi sub distinctis speciebus sumit, nihil tamen derogat perfectioni huius sacramenti, si laici sumāt corpus & sanguinem Domini sub specie panis duntaxat, modo sacerdos consecrans accipiat sub utraq; specie. Sacerdotum munus est, sacramentum hoc consecrare, non laicorū, & ideo eorum est eandem sub utraq; specie sumere, quod laicorum non est, qui eandem cum sacerdotibus in hoc sacramento non habent potestatem. Eucharistia etiam sacrificium est. Sacrificia autem offerre Domino, sacerdotum est, non laicorum. Propterea sacerdotes in hoc sacramento, Christum offerre debent Deo patri, in memoriā unici illius sacrificij, in ara crucis semel oblatis, in quo  
san



sanguis Christi reuera separatus fuit à corpore eius, unde seorsum quoque sacerdotes sanguinem consecrant & sumunt, quòd sanguis seorsum consecratus à corpore, expressius representet passionem Christi. Denique Christus instituit corpus suum consecrandum, sumendum, offerendum in hoc sacramento sub utraq; specie per Apostolos, quos tùm sacerdotes ad id muneris consecrauit, dicens. Hoc facite in meam commemorationem. Quum ergo sacerdos qui offert sacrificium, eiusdem sacrificij prius debeat esse particeps, quia corpus & sanguinem Domini sub utràque specie offert, etiam sub utràque specie sumere debet, quemadmodum superius declaratum est fusius.

Quantum uerò attinet ad hoc quod Christus instituerit corpus suum & sanguinem exhibendum credentium animis sub distinctis symbolis panis & uini, per modum testamenti, intercedente ipsius testatoris morte, &c. respondeo Christum instituisse quidem corpus suum & sanguinem per modum testamenti, intercedente ipsius testatoris morte, qua ratione testamentum ratum firmumq; est (nam sanguis Christi est confirmatiuus noui, quemadmodum etiam sanguis hircorum & uitulorum erat ueteris testamenti) & instituisse sub distinctis symbolis, ratione promissa, uerumtamen non instituit ut p modis  
testa

# INTERROG. VEL. PROP.

testamenti sub distinctis symbolis omnibus indifferenter exhiberetur: Vt enim nusquam utrámque speciem omnibus dandam præcepit, ita alteram quoque neutiquam tanquam illicitam inhibuit. Non ergo Ecclesia, quæ laicis alteram adimit speciem, irritum facit testamentum Christi, neque addit aliquid, præuaricando ac uiolando Christi institutum, sed ipsius institutum, exemplum & doctrinam ad amussim obseruat. Nā quemadmodum Christus solis Apostolis corpus suum & sanguinem sub distinctis symbolis exhibuit, duobus autem discipulis euntibus in Emmaus, qui Apostoli non erant, nec ultime cœnæ interfuerant, duntaxat sub panis specie sumendum dereliquit, ita Ecclesia solis sacerdotibus, Apostolorum successoribus, sub distinctis symbolis panis & uini consecrandum offerendum & sumendum tradit, alijs autem tantum sub specie panis.

Nec est uerum quod uelsius ait: Paulum contrarium aperte docere cum inquit. Poculum benedictionis, cui benedicimus, &c. quemadmodum ex supradictis liquet. Hoc enim de sacerdotibus. non de laicis intelligendum est. Quis etenim calici unquam benedixit, nisi sacerdos? aut quis alius frangit cœlestem illum panem? Vtrumque profectò ad sacerdotes, nō autem ad laicos pertinet. Falsissimum est itaque quod calumniator  
Vel=

Velsius adijcit Catholicos & Orthodoxos, te-  
meritatis, impietatis, & sacrilegij damnandos,  
cum suis, non adulterinis ut ipse ait, sed legiti-  
mis et in spiritus sancto congregatis concilijs. Nā  
haudquaquam Dei præceptum (non enim Chri-  
stus utramq; speciē omnibus præcepit) propter  
suam traditionem transgressi sunt, sed Christi  
exemplum & doctrinam sequuti, cōsuetudinem  
laudabilem quam in Ecclesijs introductam in-  
uenerunt, aduersus quosdam nouatores &  
præcipuē Bohemos, tanquam rationabilem  
& bonam, suo decreto comprobarunt. Et licet  
laicos altera specie priuarunt, nō tamen fructu  
& utilitate eiusdem, quemadmodum ex supe-  
rioribus liquet.

Quare quicumq; pius & Catholicus censeri  
uult, hac in re Ecclesiæ obtemperare debet, &  
altera specie esse contentus, donec generali Con-  
cilio aliud statuatur.

## DE SACRIFICIO

### Missæ.

Vigesimoquartò. An credat ve-  
rum corpus & sanguinem Christi in  
Eucharistia, verum & Deo gratum  
sacrificium esse, quod Deo pro viuis  
& mortuis, in Ecclesia iugiter do-

INTERROG. VEL. PROP.

*nec Christus ad iudicandum redierit, sit offerendum.*



Stensuri corpus & sanguinem Christi in Eucharistia, uerum sacrificium esse, opera precium duximus admonere lectorum, missam (in qua corpus & sanguis Christi, offeruntur Deo patri) secundum propriam rationem, non esse ipsum altaris sacramentum, sed diuinum officium quo secundum constitutionem Ecclesie, ab Apostolis edocte, Eucharistie sacramentum consecratur, complectens sacrarum literarum lectiones, fidei professionem, pias orationes, oblationem corporis & sanguinis Domini, tanquam partes suas. Est autem antiquum uocabulum, à synagoga (ut plerique uolunt) ad Ecclesiam traductum, eo quod ab Apostolis ex Hebraica lingua, in usum Ecclesiasticum assumptum sit, & deinde à patribus ab Apostolorum tempore, in hunc usque diem retentum, illoque, hoc altaris sacrificium nuncupatum.

Et certe antiquitatem missæ, de qua loquimur, in qua hostia salutaris offertur Deo abunde testatur sanctissimus Pontifex, & inuictissimus martyr Dionysius Arcopagita, beatissimi Pauli Apostoli discipulus, qui in lib. de Eccles. Hiera. c. 3. (si rectè expendatur) inuenitur admodum mul-

ta scribere, quæ ceremonijs, quas in missa obseruamus) conueniunt, quas non est dubium ipsum ab Apostolis accepisse, ut argumentum aduersariorum planè appareat ridiculum & uanum, quo solent sacrosanctum ac uenerandum missæ sacrificium, sordidis ac adco foedis rebus comparare, ut illud conferant cum pannis medicorum, uolentes missam à pluribus & diuersis esse compositam & augmentatam, quemadmodum læcerum cuiuspiam mendici pallium, quod ex alijs atque alijs pannis consutum atq; contextum est.

Sed percurramus quid sanctissimus pater Dionysius de sanctissimæ synaxeos mysterijs scriptum nobis reliquit ex ritu Apostolico. Pontifex (inquit) ubi orationem sanctam, supra diuinum altare peregit, ex ipso incensum adolere inchoans, omnem phani ambitum circuit. Demum ad sanctum altare iterum rediens, Psalmorum incipit melos, concinentibus secum sacra carmina omnibus Ecclesiastici ordinis gradibus, deinde ministrorum officio, sanctarum scripturarum lectio, suo ordine recitatur. Post hæc extra delubrum cathedumini fiunt, & cum ipsis energumini, & ij quoq; qui in poenitentia sunt, manent autem intus soli, qui diuina spectare merentur atque percipere. Porro ministrorum, alij quidem pro clausis templi foribus astant, alij proprij aliquid muneris agunt. Qui uero

Mysteria  
deificæ synaxeos,  
hoc est,  
sanctissimæ cōmunionis tēpore beatissimi  
Dionysij.

## INTERROG. VEL. PROP.

ipsius ordinis præcipui sunt, unà cum sacerdotibus sanctum panem & benedictionis calicem sacrosanctis altaribus imponunt, cū antè præcesserit ab omni clero uniuersalis laus atq; confessio. Ad hæc uenerandus Antistes, orationem sanctissimam peragens, pacem sanctam omnibus nunciat, & cum se mutuò omnes salutauerint, mystica sanctorum recitatio fit. Vbi uerò manus, tum Antistes, tum sacerdotes aqua lauerunt, Pontifex ad medium diuini assistat altaris, circumstant autem soli cum sacerdotibus electi quicq; ex ministrorum numero.

At uerò Pontifex cum diuina munera laude prosecutus fuerit, sacrosancta & augustissima mysteria conficit, & quæ antè laudauerat uenerandis opta atq; abdita signis, in conspectū agit, diuinæque munera reuerenter ostendens, ad sacram illorum cōmunionem & ipse conuertitur, et reliquos ut cōmunicent hortatur. Sūpta demū atq; omnibus tradita cōmunione diuina, gratias referēs finem mysterijs imponit. Hæc ille. Et ut clariùs omnia pspicias optimè lector, subijcere non grauabor formulam quam Stapulensis ibidem in scholijs suis subiecit, qua representarentur mysteria deifica synaxeos, hoc est, sanctissimæ communionis, quæ fuerunt tempore Apostolorum. Et sunt hæc.

Quæ præsentis Ecclesiæ ritus obseruat.

Pontifex

Pōtifex ſupra ſacroſanctū altare orat, obſervat.  
Ab altari incenſum adolere incipiens, phanum  
circuit obſervat particulariter.

Ad altare rediens, Pſalmos cum Eccleſiaſticis  
ordinibus canit

Sacrarum ſcripturarum lectio recitatur, obſer-  
uat, ſed alio modo.

Post ſacram lectionem, Cathecumini, Apoſtatae,  
Energumini, et pœnitentes, extra tēplū agūtur.

Intus ſoli manent, qui diuina uidere merentur,

Pontifex, ſacerdotes, miniſtri, & plebs ſancta.

Miniſtrorum quidā clauſis tēpli foribus aſtant,  
quidā altaribus inferuiunt, alij uerò quisq; quod  
ſuum eſt officium peragunt.

Omniū Catholica laus, et ſymboli fidei confeſ-  
ſio canitur. obſervat.

Miniſtrorum præcipui cum ſacerdotibus, ſanctū  
panem & benedictionis calicem, ſanctis altari-  
bus imponunt obſervat partim.

Pontifex omnibus pacem nunciat. obſervat.

Se caſtiſſimo pacis osculo ſalutant omnes.

Postea myſtica piorum ſanctorum recitatio fit.

Pontifex & ſacerdotes, manus abluunt obſervat  
partim.

Pontifex ad medium ſacrati regreditur altaris  
obſervat.

Eum ſacerdotes & ſelecti miniſtrorum aliqui  
circumſtant, obſervat.



INTERROG. VEL. PROP.

Pontifex diuinorum numerū laudes sanctiſſimā  
Conficit ſacramentum obſeruat.

In cōſpectum agit, diuinarum operationum mu-  
nera, reuerenter oſtendens. obſeruat.

Communicat.

Reliquos ad ſanctiſſimam & conſummantem cō-  
munionem adhortatur. (ſeruat.

Gratias agēs, ſinē ſanctis myſterijs imponit, obe-

Ecce habes ritū, cōſectionis ſacraſſimæ Eu-  
chariſtiæ, tēpore Apoſolorū obſeruari ſolitū à  
Dionyſſo explicatū, q̄ in tertia parte capituli ter-  
tij Eccleſ. Hierarchia, horū ſanctorū rituum ra-  
tionē copioſe explicat, ubi inter cætera rationē  
reddens cur myſtica piorū ſanctorū fiat recita-  
tio, ſic inq̄t. Enimvero ſanctorū poſt pacē illam  
noīſ prædicatio, eos præconio attollit, qui piē  
ſancteq̄; uixerūt, & ad finē uſq; uirtutis uitā cō-  
ſtanter nuſq; ab ea deſcēdēdo tenuerunt, nos q̄  
dē ad imitandū beatiſſimū illorū habitū, atq; ad  
diuina appetēda p̄mia, promocās ac ducēs, & c.

Et poſt pauca. Sed et illud quoq; ſacraſſius intue-  
re, q̄ impoſitis ſancto altari uenerabilib⁹ ſignis,  
p̄ quæ Chriſtus ſignatur ac ſumitur, adeſt pro-  
nus atq; incunctāter ſanctorū deſcriptio, cōiun-  
ctionē eorū indiuiduā, unionēq; cū illo altiſſimā  
indicās. Hic habes qd ſignificet ſanctorū in hoc  
ſacrificio miſſæ recitatio, ac ſanctorū noīſ præ-  
dicatio, quod etiā modò obſeruat Eccleſia, q̄ in  
ſacro

sacro canone ante cōsecrationē et post, sanctorū  
 hoīm, cū Christo regnātū memoria recenset, ut  
 mirū sit hoc Stapulensem non adnotasse p uerbū  
 obseruat. Porro quū Ecclesia Apostolorū tem-  
 poribus tot ritus in celebratione missæ obserua-  
 rit, et id proculdubio ex Apostolorū institutio-  
 ne, nōne rectē fecisse cōsentur pij eorū successo-  
 res, qui tēporis successu, crescēte religione Chri-  
 stiana, et deuotione fidelū, quādā addiderunt,  
 quæ uel ad laudē Dei et gratiarum actionē, uel  
 ad orationem, uel deuotionē spectarent? Et tamē  
 inter ea sunt pleraq; quæ non tā addidisse cre-  
 dendi sunt, q̄ definiuisse ac determinasse, ut ea  
 quæ Ecclesia ab Apostolis acceperat, nec tamen  
 unanimiter propter persecutiones paganorum  
 obseruabat, concordī sententia ubiuis gentium  
 seruarentur. Ipsi enim ea nō per se primo statue-  
 runt, sed prius ab Apostolis instituta, publica-  
 runt, et per totā Ecclesiā obseruanda, demanda-  
 runt, aut minutulū quid immutarunt. Quēadmo-  
 dū enim Moyses circūcisionē instituisse dicitur,  
 cū tū antē longo tēpore ipsius uidelicet Abrahæ  
 tradita fuerit. Vnde Christi<sup>9</sup> ait. Moyses dedit uo-  
 bis circūcisionē, nō q̄a ex Moysē est, sed ex patri-  
 b<sup>9</sup>. Sic etiā Pōtifices qdā pleraq; in missa statuisse  
 dicūtur, nō q̄ primū ab ipsis sint statuta, sed ab  
 Apostolis iā antea tradita fuerint, Pōtificib<sup>9</sup> tū  
 tribuūtur, quoniā ab ipsis fuerūt uniuersaliter

Ioan. 17.

## INTERROG. VEL. PROP.

publicata. Valeant igitur aduersarij, qui uolunt missam esse tam nudam ut simpliciter fiat, sicut primus à Christo instituta fuit, abiectis omnibus cæremonijs & additamentis. Quia si nihil debet in missa fieri, nisi quod Christ<sup>9</sup> cū Apostolis fecit in cœna, deberet Ecclesia semp missā celebrare inter cœnandū, siue post cœnam, quod tamen nec facit, nec facere debet, quemadmodū S. Cyprianus testatur lib. 2. epist. 3. ad Cæciliū scribens. Quum cœnamus ad conuiuium nostrū, plebem conuocare nō possumus, ut sacramēti ueritatē omni præsente celebrem<sup>9</sup>. At enim nō manē, sed post cœnam, mixtum calicē obtulit Dñs. Nunquid ergo dominicam post cœnam celebrare debem<sup>9</sup>, ut sic mixtū calicē frequentādīs dñicis offeramus? Christum offerre oportebat circa uesperam diei, ut hora ipsa sacrificij ostenderet, occasum & uesperā mūdi, sicut in Exod. scriptum est. Et occidēt illū omne uulgus synagoga filiorum Israel ad uesperā. Et iterum in Psalmis. Eleuatio manuum mearum sacrificium uesperinum. Nos autē resurrectionē Dñi manē celebramus. Et S. Aug. ad inquisitiones Ianuarij. Li quidō apparet (inquit) quando primum acceperunt discipuli, corpus & sanguinē Dñi, non eos accepisse ieiunos. Nunquid tñ propterea, calicem niādum est uniuersæ Ecclesiæ, quod à ieiunis semper accipitur? Ex hoc enim placuit spiritui sancto,

ut in honore tanti sacramenti, in os Christiani, prius dominicum corpus intraret, quam ceteri cibi. Nā ideo p̄ uniuersum orbē mos iste seruatur. Neq; enim quia post cibos dedit Dominus, propterea pransi aut cœnati fratres ad illud sacramentum accipiendum conuenire debent, aut sicut faciebant, quos Apostolus arguit & emendat, mensis suis ista miscere. Nā saluator quò uehemētius cōmendaret mysterij illius altitudinē, ultimum hoc uoluit infigere cordibus & memoria discipulorum, à quibus ad passionem digressus erat. Et ideo non præcepit, quo deinceps ordine sumeretur, ut Apostolis (per quos Ecclesias dispositurus erat) seruaret hunc locum. Vnde dicit Apostolus. Cætera quum uenero ordinabo. Vnde intelligi datur, quia multum erat, ut in epistola totum illum agendi ordinem insinua-  
ret, quem uniuersa per orbē seruat Ecclesia, ab ipso ordinatum esse, quod nulla morum diuersitate uariatur. Idē quoq; ibidē tantum tribuit consuetudini, ut dicat nullam esse in his meliorem disciplinam, graui prudentiq; Christiano, q̄ ut eo modo agat, quo agere uiderit Ecclesiā, ad quācunq; fortē deuenierit. Quod enim (inqt) neq; contra fidem, neq; contra bonos mores iniungitur, indifferenter est habendum, & pro eorū inter quos uiuitur societate seruādū est. Illa enim, quæ non scripta, sed tradita custodimus,

## INTERROG. VEL. PROP.

*quæ quidem toto terrarum orbe obseruantur, datur intelligi, uel ab ipsis Apostolis, uel plenarijs Concilijs (quorum est in Ecclesia saluberrima autoritas, commendata atq; statuta retineri, sicuti quod Domini passio, & resurrectio, & ascensio in cælum, & aduentus de cælo spiritus sancti, anniuersaria solennitate celebrantur. Haftenus ille. Itaque ea quæ in sacrosancto missæ sacrificio, his quæ à Christo in nouissima cœna sunt instituta, sunt addita, non dubium quin ab ipsis Apostolis, sint adiecta, quemadmodum nunc ex Dionysio demonstratum est, aut certè si qui successores eorum aliquid uideatur adiecisse, id potius quod Apostolis quidem traditum, sed ob persecutiones gentilium nõdum adhuc satis diuulgatum, & pròinde non unanimiter obseruatum, credendũ uideatur eorũ decreto ita obseruandũ sancitũ ac roboratum esse. Qui aut dubitat etiã hodie Ecclesiã posse, sicut et olim potuit, rit⁹ & ceremonias & ei⁹ generis multa, supaddere, dubitet etiã oportet, Christũ Apostolis in cœna dixisse. Adhuc multa habeo uobis dicere, sed nõ potestis portare modò. Quĩ autem uenerit spiritus ille ueritatis, docebit uos oẽm ueritatẽ, & quæ uentura sunt annuntiabit uobis. Neq; enim deferere potest Ecclesiã suam, q̃ in cælũ cõsensusurus, promisit sese mansurũ cũ ea usq; ad consummationẽ seculi. Quis enim usq; uiuit*

uiuit, aut tā impius, aut tā omnino stupidus, qui  
 Ecclesiam corpus Christi mysticum, sic laceratā  
 censeat, ut ubi mēbrorum omnium cōpago sit il  
 linc caput putet esse diuulsum, ut is qui carnem  
 (quā sumpsit) nunquam deseruit Ecclesiā, pro  
 pter quam sumpsit carnem, deseruerit, & cum  
 qua (ut dictum est) se promisit ad finem usq; se  
 culi permāsulum, ab ea prorsus ita abfuerit, ut  
 nō erudiret eā in religione & cultu diuino? Sed  
 de his hactenus ista sufficiant. Nam propter men  
 tionem sanctissimi patris Dionysii, cuius uerba  
 citauimus, longiūs fortasse progressi, nunc reuo  
 camus pedem ad ostendendum missam esse sacri  
 ficiū, & rem optimam ac saluberrimā, in qua  
 pro uiuorum ac defunctorum salute quotidie of  
 fertur in Ecclesia Dei Eucharistia sacrosancta  
 corporis & sanguinis Domini nostri Iesu Chri  
 sti, & idcirco pessimē agere, qui rem tantæ uti  
 litatis ac excellentiæ exhibant, ac hæreticorum  
 more blasphemant: principio itaq; sciendum est,  
 Eucharistiam non solū esse sacramentum, sed et  
 tiam sacrificiū uerū nouæ legis, à Christo in  
 stitutum, non solū ut in cibum detur populo,  
 sed etiam ut in sui memoriam offeratur Deo. Nā  
 Christus in cœna nouissima, transiurus de hoc  
 mundo ad patrem, accepto pane gratias egit &  
 fregit, deditq; discipulis suis dicens. Hoc est cor  
 pus meū, quod pro uobis tradetur. Quib⁹ uerbis  
 Chri

Matth. 26.

Marc 14.

Luc. 22

1. Cor. 11.

## INTERROG. VEL. PROP.

Ephes 5.

Christus aperte insinuauit Eucharistiā, et sacramentū & sacrificiū esse. Sacramentū quidem in eo quod dixit. Hoc uidelicet quod porrigebat sub specie panis) est corpus meum. Sacrificiū autē in eo quod addidit, quod pro uobis tradetur, scilicet in mortem, per mortem enim suam tradidit semetipsum pro nobis oblationem & hostiā Deo in odorem suauitatis. Idē enim corpus suū quod sub specie panis discipulis porrexerat in cœna, sub propria specie obtulit in cruce, atque id quod in cœna inchoauit, in cruce consummauit. Sed & alijs Christi uerbis, comprobatur institutio immolationis Eucharistiæ, apud Lucam peculiariter, & Paulum, qui tradunt Dominum Iesum post multas actiones in cœna mandasse, hoc facite in mei commemorationem. Hoc inquam, quod ego in cœna feci, & in cruce perfeci, hoc ipsum facite in meam commemorationem. Quum autem constet Apostolis sacerdotalem potestatem à Christo in cœna collatā, quibus & iussit, ut quod ipse fecerat, hoc ipsum etiam facerent, consequens profecto est, ut sacerdotes non solum consecrent & sumant Christi corpus in missa, sed etiam immolent seu offerāt, & proinde Eucharistiam siue missam etiam uerum esse sacrificiū, nēdum sacramentum. Porro hæc uerba Domini. Hoc facite &c, quia uerba sunt Christi, benè sunt expendēda, tum pro-

nomen



nomen hoc, tūc uerbum facite, tūc in mei commemorationem. Ad intelligendum itaq; demonstratum per pronome hoc, inspicienda sunt quæ præmittuntur. Præmittitur autem quod Iesus accepit panem, gratias egit, fregit dedit, dixit accipite comedite, hoc est corpus meum, quod pro uobis frangitur, uel secundū Lucam datur. Statimq; subiunxit. Hoc facite in mei commemorationem. Pronomen itaq; hoc, quum non arteatur, ad demonstrandum aliquod præmissorum, & ad aliquod præmissorum non demonstrandum, consequens est demonstret omnia quæ præmittuntur. Verbum quoq; facite, multa inuoluit mysteria. Nam nō dixit, hoc dicite, sed hoc facite, ut significaretur id quod mandat, non consistere in dicendo, sed in faciendo, quodq; dicere hic interueniens, nō propter dicere, sed propter facere sit, ut intelligeremus, uerba consecrationis, esse uerba efficientia illud quod significant. Et adiungendo in mei commemorationem, distinguit facere à cōmemorare, ut significantius non dixerit, hoc commemorate, sed hoc facite in mei commemorationem. Mandat itaq; Dominus Iesus, hoc, id est, uniuersa præmissa. facere in memoriam sui. Actus ergo faciendi hoc, mandatur relatus, ad recordationem Domini Iesu. Ex eo autē, quod sub illis uerbis hoc facite, compræhēditur nō solum facere corpus Christi, sed etiam facere

Chri-

# INTERROG. VEL. PROP.

corp<sup>o</sup> Christi quod frāgitur seu datur p nobis, manifestū est Dñm Iesum mādasse, facite corpus meū, quod p uobis frāgitur & datur. Perinde aut est quod pro uobis frangitur & datur, ac si diceretur quod pro uobis immolatur, Neq; enim aliter frāgitur aut datur nisi pro quanto in cruce, frāgitur & datur, (hoc est immolatur) pro uobis, facere autem corpus meum quod pro uobis immolatur ut sic, perinde est ac facere corpus meum, quatenus pro uobis immolatur.

Dicēdo itaq; quod pro uobis frāgitur seu datur, significat faciendū esse corpus suum quatenus pro nobis offertur. & hoc in sui cōmemorationem. Porro ex eo quod facere hoc in Christi memoriam, plus est quā consecrādo facere corpus Christi, quia est etiam facere corpus Christi, quod datur & frāgitur pro nobis, et plus est quā recordari Christi (quia est facere Christi corp<sup>o</sup> quod datur ac frāgitur pro nobis in Christi recordationem) & dari ac frangi pro nobis est immolari pro nobis, (Nam dari significat in genere offerri, frangi uerò significat in specie modum offerendi, per fractionem scilicet. Dedit enim semetipsum Deo in cruce fractione manuum pedum ac lateris pro nobis) consequitur Christum mādasse ut hoc facerent immolatio modo in sui commemorationem: facere enim corpus Christi quod immolatur, est facere illud immolando

molando, seu per modum immolationis. Nā sic duntaxat fit à nobis corp<sup>9</sup> Christi, quatenus im molatur, Nā factio non fit à nobis corpus Christi quatenus immolatur, nisi utrūq; factio implea tur, uidelicet & cōsecrādo facere corpus Chri sti, & immolando facere quod datur & fran gitur pro nobis adiuncto tertio, uidelicet in Ie su Christi memoriam. Caterū si ipsas res gestas in cœna dominica obseruemus, inueniem<sup>9</sup> quia quadret institutio institutioni, factum factio, & immolatio immolationi. Cœna siquidem a gni paschalis, instituta in memoriam eductio nis de Aegypto, in factio consistebat immolatio nis, ita quod ipsa cœna, erat immolatio pascha lis agni. Similiter nāq; Dominus Iesus, cōpleto sacrificio paschalis agni, instituit nouum no strum pascha seipsum ut immolatur, dicendo hoc est corpus meum quod pro uobis datur ac frāgitur, hoc facite in mei memoriā, ut ipsa sur rogatione, noui paschatis pro ueteri, loquere tur ac diceret. Pascha illud fecistis immolando communi cœna, & hoc facite immolando cōmu ni mensa, in mei cōmemorationē ita quod ex ipsa surrogatione noui paschatis ueteri signi ficatur, quòd dicendo hoc facite in mei memo riā intelligitur de facere immolatio modo, nā & immolatio modo fecerat uetus pascha. Hūc autem esse germanū sensum mādati istius testā tur

## INTERROG. VEL. PROP.

tur etiam facta recitata à Paulo 1. Cor. 10. Cōnu-  
merat siquidem Paulus, panem sanctum & po-  
culum & sanguinis Christi inter immolata, sup-  
putat mensam nostram inter altaria, decernit  
medentes & bibētes de mensa Domini, inter cō-  
edentes & bibentes immolata. Ex quibus clare  
patet, tum Apostolos intellexisse mandatū Chri-  
sti hoc facite in mei memoriam, de facere immo-  
lando Eucharistiā, tum Apostolorū tēpore Eu-  
charistiā, fuisse in Christi Ecclesia, non solum sa-  
cramentum, sed etiam sacrificium, tum in sacra  
scriptura, & non solū in usu Ecclesiæ & libris  
doctorum, haberi, immolationem corporis &  
sanguinis Domini. Verba autem Apostoli sunt  
hæc. Fugite ab idolorum cultura ut prudenti-  
bus loquor uosipsi iudicate quod dico. Calix be-  
nedictionis cui benedicimus, nōne communica-  
tio sanguinis Christi est? Panis quem frangimus  
nōne participatio corporis Christi est? Quoni-  
am unus panis, unum corpus multi sumus, omnes  
qui de uno pane & de uno calice participamus.  
Videte Israel secundum carnem. Nōne qui es-  
dunt hostias participes sunt altaris. Quid er-  
go? Dico quod idōlis immolatum sit aliquid aut  
quod idōlum sit aliquid? Sed quæ immolant gen-  
tes, dæmonijs immolant & non Deo. Nolo autē  
uos socios fieri dæmoniorum. Non potestis men-  
sæ Domini particeps esse & mēsa dæmoniorū.

EX

Ex his enim manifestè patet, Apostolum inter uictimas Israelis & immolata demonijs, recēdere panē quem frangimus, & poculū benedictionis, & inter altare Israelis, & mensam demoniorum, mensam Domini, & inter edentes uictimas altaris Israel, & edentes immolata demonijs, edentes de mensa Domini, & bibentes de illius poculo, & huiusmodi ratione inferre, quod non possunt immolatorum Deo & demonibus participes esse. Nisi enim immolata essent Deo, panis & calix Christi, uniuersa Pauli fabrica ex immolatis tam Deo uerò ab Israele, quàm immolatis demonijs à gentibus, surgēs, rueret. Sed hoc tam clarum est testimonium, quòd panis & calix Christi, tempore Pauli immolabātur, ut nostra clarificatione non indigeat. Porro hæc non solū sunt intelligenda, de hoc sacramento, ut offertur sub specie panis, ut uidelicet sit sacrificiū, quia non minùs euidenter patet hoc sacramentum esse sacrificium, ut offertur sub specie uini, quàm ut offertur sub specie panis. Euangelistæ enim dominicam cœnam describentes, quæadmodum de pane referunt Christum dixisse, hoc est corpus meū, & addidisse, quod pro uobis frangitur uel datur, ita quoque de calice narrant, Christum dixisse, hic est sanguis meus Noui Testamenti, uel, hic est calix Nouum Testamentum in meo sanguine, & addidisse, qui

# INTERROG. VEL. PROP.

pro multis effundetur in remissionē peccatorū, uel q̄  
 pro uobis fundetur. Quorū testimonio liquet Eucha-  
 ristia siue missā, simul esse sacramētū & sacrificiū, ut  
 offertur sub specie uini. Ex hoc enim quod Christi san-  
 guinē suū, sub specie uini discipulis dedit, manifestū  
 est Eucharistia esse sacramētū. Quod aut addit, q̄ p̄  
 multis siue p̄ uobis effundetur, quod adimpletū est in  
 cruce, indicat eā esse sacrificiū. Quū igitur Apostoli  
 eūdē sanguinē sub specie uini sumpserint in cœna, quē  
 Christi effundēdo obtulit in cruce, & sacerdotib⁹ ius-  
 sū sit, ut idē faciāt celebrādo, quod ipse fecit, sequitur  
 p̄culdubio, Eucharistia siue missā, nō tātū esse Sacra-  
 mētū, sed etiā nouæ legis uerū sacrificiū, à Christo in-  
 stitutū. Porro ex uerbis eiusdē Apostoli aptissimē col-  
 1. Cor. 11. ligitur, Christū hoc sacrificiū, nō solū ut sacramētū,  
 sed etiā ut sacrificiū instituisse. Satis enim nobis docu-  
 mēto esse potest, si iste textus iungatur p̄cedēti, Chri-  
 stū Eucharistia nō solū instituisse ut sacramētū, sed  
 etiā ut sacrificiū, Apostolos quoq; hoc sacramentum  
 Ecclesiæ commēdasse, ut sacrificium. Quid enim ait?  
 Ego accepi à Domino, quod et tradidi uobis, &c. Ex  
 hoc quod Paulus dicit se tradidisse Corinth. quod ac-  
 cepit à Domino, de Eucharistia, discimus, id quod ac-  
 ceperat à Dño, et eis tradiderat, fuisse ritū cōmunicā-  
 di & accipiēdi hoc Sacramētū, q̄ iā usitat⁹ erat apud  
 Corint. de quo ritu mētionē fecerat cap. p̄cedēti, quū  
 diceret: Fugite ab idolorū cultura, &c. quēadmodū  
 iā citatū est: Quæ quidē uerba S. Aug. lib. 20. cōtra

Faustū ca. 18. tactās, ita scribit. Verū sacrificiū, quod uni uero debetur Deo, quo ei<sup>9</sup> altare solus Christi<sup>9</sup> impleuit, in uictimis pecorū imitata demonia, sibi arrogāter exposcūt. Vnde dicit Apostolus. Quæ immolāe gētes, demonijs immolāt, et nō Deo, nō quod offerebatur culpās, sed q̄a illis offerebatur. Hebræi aut̄ in uictimis pecorū, quas offerebāt deo, multis et uarijs modis, sicut re tāta dignū erat, pphetiā celebrabāt futura uictima, quā Christi<sup>9</sup> obtulit. vnde iā Christiani, p acti eiusdē sacrificij memoriā celebrāt sacrosancta oblatiōe et participatiōe corporis et sanguinis Christi. Et li. 1. cōtra aduersariū legis et prophetarū c. 32. ap̄ti<sup>9</sup> scribit in hęc uerba. Ideo addidit Apostol<sup>9</sup> secūdū carnē, q̄a est Israel secūdū spiritū, q̄ ueteres umbras iā nō seq̄tur, sed eā consequētē, quæ illis umbris præcedentibus significata est, ueritatē. Hęc q̄ppe Ecclesia est Israel secūdū spiritū, à quo distinguitur ille Israel secūdū carnē, q̄ seruiebat in umbris sacrificiorū, q̄bus significabatur singulare sacrificiū, quod nūc offert Israel secūdū spiritū. De hui<sup>9</sup> domo non accepit uitulos, neq; de gregibus ei<sup>9</sup> hircos. Iste immolat Deo sacrificiū laudis, nō secūdū ordinē Aarō, sed secūdū Psal. ordinē Melchisedech. Nouerūt q̄ legūt, qd̄ ptulerit 109. Melchisedech, qñ benedixit Abrahā. Et si iā sunt participes ei<sup>9</sup>, uidēt tale sacrificiū, nūc offerri Deo toto Gen. 14 orbe terrarū. Vei aut̄ iuratio, incredulorū est increpatio, et q̄ deū nō pœnitebit, significatio est, q̄a hoc sacerdotiū nō mutabit. mutauit q̄ppe sacerdotiū secūdū



## INTERROG. VEL. PROP.

Mala. i

ordinem Aaron. Vnde alius propheta dicit ad eum, qui carnaliter est Israel. Non est mihi uoluntas in uobis dicit Dominus, & hostiam nō accipiam de manibus uestris. Ecce quid est secundum ordinem Aaron. Cur autem hoc non accipiat, addidit, & dicit. Quia ob ortu solis usq; ad occasum, glorificatum est nomen meū in gentibus, & in omni loco incensum offertur nomini meo, & hostia pura, quia magnū est nomen meū in gentibus, dicit Dominus omnipotens. Ecce qd est secundum ordinem Melchisedech. Ex uerbis ergo Apostoli liquet, ipsum ritum in Ecclesia fuisse, qui & nunc obseruatur, ita quod sumentes Eucharistiam, sumant etiam de sacrificio altaris. Et quia de sacrificio participant, de immolatis & idolothyis monet Corinthios, ut fugiāt culturam idolorum. Quam ob causam & ueteris legis consuetudinem in medium adfert, secundum quam edentes hostias, erant altaris participes, sicut & gentes demonijs immolantes, mēse demoniorum erant participes. Itaque quum Paulus tam accuratē omnia ista de pane & calice attulerit, non est existimandum eum hoc sine causa aut non in loco fecisse, ut clarum sit panē & calicem Domini tēpore Apostolorum in usu sacrificij fuisse. Porro hoc sacrificium corporis & sanguinis Christi purum & incontaminatum, Dominus ipse Malachiā prophetam, longē antē

antè prædixerat futurum. Ab ortu enim solis  
(inquit) usq; ad occasum, magnum est nomen me-  
um in gentibus, & in omni loco sacrificatur &  
offertur nomini meo, oblatio munda, quia ma-  
gnum est nomen meum in gentibus dicit Domi-  
nus exercituum. Præter illa, quæ in festo purifi-  
cationis Mariæ in fine expositionis Epistolæ,  
circa hanc prophetiam conscripsimus, pauca  
quædam ex Ioanne Damasceno adijcere pla-  
cuit, qui lib. 4. cap. 14. Orthodoxæ fidei, hanc  
eandem prophetiam de hoc altaris sacrosancto  
sacrificio, exposuit dicens. Hæc est pura scilicet  
& incruenta hostia, quam ab ortu usq; ad occa-  
sum, ipsi offerri per prophetam Dominus loqui-  
tur, corpus uidelicet & sanguis Christi, in sta-  
bilimentum animæ nostræ & corporis, in con-  
sumptum & incorruptum, non in secessum iens  
(absit enim) sed in nostram substantiam & con-  
seruationem, omnimodi nocumenti reparatio,  
sordis omnis purgatio. Hæc ille. Nec solum iste  
uenerandus pater, uerumetiam doctores omnes  
& patres hanc prophetiam, de reprobatione sa-  
crificij Iudæorum, ac electione sacrificij Chri-  
stianorum, quod nos missam, seu corporis & san-  
guinis Christi sacrificium nuncupamus, intellex-  
erunt. Nec ualet si quispiam sacrificij missæ ne-  
gator dicat, prophetam loquutum fuisse, de ob-  
latione, qua Christus semetipsum obtulit in cru-

## INTERROG. VEL. PROP.<sup>1</sup>

ce, hostiam uiuam & cruentam Deo patri in odorem suauitatis, quoniam ne de hac oblatione possit intelligi, duo prohibent, quorum primum est, quod hæc oblatio prædicatur offerenda in omni loco ab ortu solis usque ad occasum. Christus autem non in omni loco, sed in certo ac determinato & unico loco duntaxat, nimirum extra Hierosolimorum portas, in monte caluarie oblatus est. Secundum est quod hæc munda oblatio describatur offerenda in gentibus, cum illa cruenta hostia, oblata sit tantummodo in Iudæa. Dicitur autem ista oblatio (qua offertur Christus Deo patri in adorando sacrificio altaris) munda, illibata & incontaminata, magis ex seipsa quam ex offerentium merito.

Ad hæc S. Cyprianus lib. 2. Epist. 3. Si Christus (inquit) in sacrificio sequendus est, utique id nos audire & facere oportet quod ipse fecit, quodque faciendum mandauit. Sed Christus summus Dei sacerdos, sacrificium primus Deo patri in cœna obtulit, & hoc fieri in sui commemoratione præcepit, debet igitur sacerdos, qui uice Christi uerè fungitur, id imitari quod Christus fecit ipse. Quod autem Christus in cœna immolauerit sacrificium corporis & sanguinis sui, pro confesso habet fides Christiana, sed & ex ordine sacerdotij Melchisediaci facile

cile

cilè comprobatur. Refert enim sacra historia Melchisedech fuisse sacerdotem Dei altissimi. Proprium autem officium sacerdotum, quod in sacerdotio primas partes obtinet, est offerre sacrificium, est enim ipsissimum sacerdotij munus, necesse est ergo Melchisedech obtulisse sacrificium aliquod uel oblationē, cum enim præcipuum & proprium sit sacerdotij munus, consecræneum est, ut indiuulſe illi cohæreat. Sed Melchisedech obtulit sacrificiū, in quo typus fuit Christi. Christus autem fuit sacerdos secundū ordinē Melchisedech. Consequitur obtulisse eum aliqd, quo ordinem ac ritum sacerdotij Melchisedechi referret. Porro non ob quoduis sacrificiū, quouis ritu celebratum, sacerdos dici potest secundū ordinem Melchisedech. Consecræneum itaque est Melchisedechem peculiare aliquod sacrificium (non sacerdotum instar legalium, sed ritu incruento) obtulisse, cui Christus responderit. Et quia non aliud possumus dare, q̃ panis & uini sacrificium, conficitur hoc ipsum esse, cui Christus in negotio cœnæ responderit, corpus suum & sanguinem, sub panis & uini speciebus offerens. Nam si panem & uinum obtulit Melchisedech in typo & figura sacerdotij Christi, necesse est ut illi CHRISTVS sacrificio aliquo, nimirum corporis & sanguinis, in negotio cœnæ responderit. His suffragatur

## INTERROG. VEL. PROP.

S. Cyprianus in serm. de cœna Dñi. Significata (inquit) olim à tempore Melchisedech prodeunt sacramenta, & filijs Abraham, facientibus opera eius, summus sacerdos panem profert & uinum. Et lib. 2. epist. 3. ad Cornelium. In sacerdote (inquit) Melchisedech sacrificij domini ci sacramentum præfiguratum uidemus, secundum quod scriptura diuina testatur & dicit. Et Melchisedech Rex Salem, protulit panem & uinum fuit autem sacerdos Dei summi, & benedixit Abraham. Quod autem Melchisedech typum Christi portaret, declarat spiritus sanctus in Psalmis, ex persona patris ad filium dicens. Ante Luciferum genui te. Iurauit Dominus & non poenitebit eum, tu es sacerdos in æternum secundum ordinem Melchisedech. Qui ordo utique hic de sacrificio illo ueniens, & inde descendens, quod Melchisedech sacerdos Dei summi fuit, quod panem & uinum obtulit, quod Abraham benedixit. Nā qui magis sacerdos Dei summi, quam Dominus noster Iesus Christus, qui sacrificium Deo patri obtulit? Et obtulit hoc idem, quod Melchisedech obtulerat, id est, panem & uinum, suum scilicet corpus & sanguinem. Hæc ille. Huius autem sententiæ, totus subscripsit sanctorum & Orthodoxorum, patrum cœtus, qui hunc propheta sermonem ita explicant, ut dicant ex eo descendisse ordinem, quod Melchisedech panem & uinum obtulerit.

Sed

Sed adhuc nemini dubium esse potest, quin agnus ille paschalis, qui olim immolabatur in lege veteri, typus fuerit & figura veri & immaculati agni paschalis Domini nostri Iesu Christi, qui tulit peccata mundi. Nam inter omnia legalia sacrificia, nullum aliud fuit reli- Ioan. 1.  
Exod. 12. quum, quod adeò expressit ipsum Christum, ac agnus ille Paschalis. Fuit enim hoc præceptum agni Paschalis, primum præceptum Mosaicæ legis, quod primo cis in ordine inter caeremonialia constitutum est. Fuit similiter primum sacrificium, à toto populo Israelitico celebratum, & quinquagesimo deinde die, lex fuit data in monte Sinai, sicut quinquagesimo die post resurrectionem agni mystici Iesu Christi, spiritus sanctus missus est, ad nouæ Euangelicæ legis promulgationem. Et sicut agnus paschalis fuit primum sacrificiū à populo Iudæorum in illo statu celebratum, & Deo gratum ac acceptum, sic etiam fuit ultimum sacrificium ab eodem populo in illo statu celebratum, & à Deo acceptum, & hoc in nouissima coena saluatoris nostri Iesu Christi, in qua ipse figuram & figuratum simul celebrabat, dans terminum figuris, & uera incipiens mysteria corporis & sanguinis sui celebrare, ut ea quæ in lege figurabantur (Vmbra enim habens lex futurorum bonorū Heb. 10. non ipsam imaginem rerum secundū Apostolū)

## INTERROG. VEL. PROP.

- Luc. 22** in Euangelio, ipsa ueritate terminarentur. De agno typico scriptum est: Venit dies azimorum in qua necesse erat occidi pascha. Et iterum dicunt discipuli: Vbi uis paremus tibi pascha? hoc est,
- Matth. 26.** agnum paschalem, qui secundum legem occidebatur. De uero agno nostro paschali scribitur, Ecce agnus Dei, qui tollit peccata mundi. De quo Apostolus ait: Quia pascha nostrum immolatus est Christus. Nam & agnus paschalis, & ipsum etiam festum pascha dicebatur. Ex quibus omnibus perspicuum est nos habere abolito agno typico uerum agnum paschalem, immaculatum dominum nostrum Iesum Christum, saluatorem ac redemptorem mundi. Oportet ergo ut quod olim agebatur cum agno typico in figura, agatur iam cum agno nostro in ueritate. Sed agnus ille typicus primo immolabatur, deinde edebatur. Vt ergo ueritas responderet figuræ, necesse fuit in ultima coena Christum uerum & immaculatum nostrum agnum, priusquam à discipulis sumeretur immolari, quemadmodum etiam nunc primo immolatur in sacrificio missæ, deinde manducatur caro agni paschalis in sumptione & communione. Ceterum agnum typicum fuisse immolatum ante esum eius, scriptura in Exod. testatur dicens: Decima die mensis huius, tollat unusquisque agnum per familias & domos suas. Erit autem agnus absque macula, masculus amicu-
- lus



lus & cat. Immolabitq; eum uniuerſa multitudo filiorum Iſrael ad ueſperam & cetera: & edent carnes nocte aſſas igni, &c. Vide quæ de hac ratione homiliam noſtram in die paſchæ in epiſtolam circa illa uerba: Etenim paſchæ noſtrū immolatus eſt Chriſtus. Sed & hoc obſerua, quod Chriſtus in agno paſchali (quem ſecundum ritum Iudæorū cum diſcipulis manducauit) ſemetipſum prius figuraliter obtulit, finem imponens umbratili Iudæorum ſacerdotio ſimul & ſacrificio, abſtulit enim primum, ut ſequens ſtatueret ſecundum Apoſtolum, & deinde mox finita cœna, inſtituit nouum ſacerdotium, & nouum ſacrificium Euangelium in pane & uino ſeipſum offerēs ſacramentaliter. Pro qua re eſt animaduertendum, Chriſtum eodem die ſe ter obtuliſſe, ſecundum Catholicorum doctorum ſententiam. Nam primò quidem in iſſa cœna in agno paſchali cum diſcipulis edendo, ſecundum ritū Iudæorū figuraliter. Secundò ſe Chriſtus obtulit facta iam cœna, in pane & uino benedicendo ſecundum ritum Chriſtianorum ſacramentaliter. Vbi tam ſacerdotium quā ſacrificium Chriſtianorum, nouum illud ac mūdum, hoc eſt, miſſam & cōmunionē inſtituit. Negare enim non poſſumus, miſſam ac cōmunionē ritum eſſe à Chriſto inſtitutum. Tertiò ſe Chriſtus obtulit, non iam typicè aut ſacramentaliter,

Heb. 10.

ter,

## INTERROG. VEL. PROP.

ter, sed in persona propria, moriendo in cruce uerè ac realiter. Vbi tanquam hostia pacifica (quæ non aperuit os suum, cum ad occisionē duceretur) omnia per sanguinē suum pacificauit, quæ in cœlo sunt & in terra. Coloss. 1. Porro quemadmodum oblatio agni paschalis, ad uetus testamentum pertinebat, ita nemini dubium esse potest, quin corporis & sanguinis Christi mysteria ad testamentū Christi ptineant. At testamentū, mortē inuoluit testatoris secūdum Apostolū, quia ubi testamentū est, mors necesse est intercedat testatoris, testamētum enim in mortuis cōfirmatū est, alioquin nōndū ualet dū uiuit, q̄ testatus est. Mortuo itaq; Christo pro nobis, testamētum nouum confirmatum fuit in sanguine eius, ut nos cohæredes eius essemus. Vnde Paul⁹. Ideo noui (inquit) testamenti mediator est, ut morte intercedente in redemptione earum præuariationum, quæ erant sub priori testamento, re-promissionem accipiant qui uocati sunt æternæ hereditatis. Hoc itaq; constituto, quod testamētum mortem inuoluat testatoris, tunc etiam ea quæ sequuntur testamento inuoluentur, sicut est oblatio facta in cruce. Nam Christum fuisse hostiam ac sacrificium in ara crucis oblatum, quū scriptura noui & ueteris testamenti apertè testetur, quis negabit? Cum ergo institutio Eucharistiæ ad testamentum Christi pertineat, testamētum

mentum autem inuoluat mortē testatoris, mors autem testatoris Domini Iesu fuit sacrificium & hostia pro peccatis nostris Deo oblata, testamentum quoq; hanc oblationem inuoluit. Ideo cum discipulis præcepit, hoc facite in meam commemorationem, uoluit sacrificij & oblationis, iugem memoriam & reiterationem fieri in Ecclesia usque ad consummationem seculi, ac si diceret discipulis. Haftenus in ueteri testamento fecistis multa sacrificia, & præcipue quotannis sacrificium agni paschalis, at ego sum dator noui testamēti, ideo nouū iam institui sacrificiū. omnium ueterum impletium, hoc amodò facite in mei memoriā, in recordationem passionis & oblationis meae iam instantis. Vbi obseruandum est missam non esse memoriam & typū cœnæ dominicæ, sed esse memoriam passionis eius & mortis & oblationis factæ in cruce. Quotiescunq; (inquit Apostolus) manducabitis panem hunc, & calicem bibetis, mortem Domini annunciabitis, donec ueniat. Non cœnam Domini, sed mortem Domini (inquit) annunciabitis. Nam non tantum afficimur deuotione & charitate, ex recordatione cœnæ dominicæ, quantum ex memoria passionis mortis & oblationis suæ, quibus eximiam & ardentissimam in nos testatus est charitatem. Maiorem enim charitatem nemo habet, quam ut animam suam ponat  
quis

IOAN. 15,

## INTERROG. VEL. PROP.

quis pro amicis suis. Itaque mortis suae memoriam uel commemorationem uoluit nos habere, quemadmodum etiam uerba ipsius indicant. Nam cum dixisset: Hoc est corpus meum, statim adiecit, quod pro uobis datur, scilicet in oblatione crucis: similiter quoque de pretioso sanguine addidit, qui pro uobis, uel pro multis effundetur, utique in passione & cruce, quia corpus meum dabitur pro uobis in sacrificium, & sanguis meus pro uobis fundetur in noui & aeterni testamenti confirmationem. Hoc itaque nouum sacrificium facite uos noui sacerdotes, in meae passionis, mortis & oblationis memoriam. Ad haec sanctus Paulus in epistola ad Hebraeos scribit in haec uerba: Omnibus Pontifex ex hominibus assumptus, pro hominibus constituitur, in his quae sunt ad Deum, ut offerat dona & sacrificia pro peccatis &c. Vult Paulus omnem sacerdotem, omnemque adeo Pontificem ad offerenda munera & hostias constitui. Christus autem sacerdos est & pontifex summus, proinde etiam Christo pontifici opus est hostia aliqua quam offerat. Porro cum potioris testamenti mediator sit, gratiae nimirum & gloriae, ut est apud Hieremiam capite decimotertio, & prius testamentum immolato sanguine firmari sit solitum, necesse est melioribus hostijs, id est,

non

Heb. 5.

non brutorum, sed suo ipsius sanguine testamentum suum obsignet ac roboret. Cum autem non solum sanguis in cruce effusus, sed & idem cum ex altario dispensatur, obsignatio sit testamenti, CHRISTO dicente: Hic est sanguis meus Novi Testamenti, consequens fuerit, & hunc immolatum esse in altari. Ceterum quemadmodum Christus summus sacerdos hostiam corporis & sanguinis sui in ultima coena immolauit, sic & sacerdos Hierarchicus idem illud unicum & propiciatorium sacrificium offert in altari. Sacerdos enim quum sit, ex proprio suo munere offerre debet sacrificium. Et mirum quur aduersarios adeò offendat sacrum sacerdotij munus, quum eos non adeò offendat sacerdotij nomen, quo Ecclesiae ministros libenter appellari patiuntur. Sed & hoc mirum ualde est, qua temeritate audeant tollere nobis in noua lege Euangelica & gratiae sacrificium, cum omni legi semper fuerit coniunctum sacrificium sicut & sacerdotium? In lege siquidem naturæ (quæ dictat authorem naturæ, colendum esse sacrificijs) obtulerunt sacrificia iusti quique, & dictante natura & impellente spiritu, quibus ceu tesservis quibusdam ac symbolis, protestabantur sese DEO omnium authori ac principi subditos ac deditos esse.

Impijs

# INTERROG. VEL. PROP.

Impijs quoq; uel natura docente notū fuit, Deo sacrificandū esse: unde & demonibus quos Deos putauere, sacrificandū esse existimabant. Habuerunt quoq; in lege naturæ sacerdotes. Nam apud cultores unius ueri Dei, sacerdotium administrabant primogeniti. Cultores uerò idōlorum etiam suos sacerdotes habebant. Ita in lege scripta, quæ per Moysen populo Iudæorum data est, inuenimus sacerdotium & sacrificium illi adeò fuisse coniuncta, ut per eam & sacerdotes constitui mandarentur, & sacrificia præscriberentur Deo exhibenda. Relinquant proinde quoq; nobis obsecro sacrificium & sacerdotes, non spirituales solum, quales sunt omnes Christiani, qui spirituales oblationes ut orationes eleemosinas preces & hoc genus alia offerant Deo, sed etiam Hierarchicos, qui externo sacerdotio fungantur, de quo nobis sermo est, quod per solos sacerdotes Hierarchicos, offerri est solitum in Ecclesia fidelium, non solum ut Deo pro acceptis beneficijs gratificemur, protestemurq; nobis, & filium, & cum illo omnia donata esse, & contestemur nos illi quanti quanti sumus esse deditissimos, sed etiam ut Deo satisfiat pro peccatis et erratis malè admissis, quod offeratur in Ecclesia pro uiuis & defunctis, ut omnibus prosit, quod est pro salute omnium institutū. Est enim hostia pro expiatione peccatorū.

Quod

Quod quanquam aduersarij negent, facile tamen ex mandato Domini nostri Iesu monstratur, quemadmodum Caietanus demonstrat in hæc uerba. Nam Matthæi 26. Dominus Iesus accepto calice, non solum dixit: Hic est sanguis meus qui pro multis effundetur, sed adiunxit, in remissionem peccatorum, & subiunxit, hoc facite in mei recordationem. Sub mandato itaque hoc facite, comprehenditur facere immolando sanguinem Christi in poculo, non solum quatenus effunditur, sed etiam quatenus effunditur pro multis in remissionem peccatorum. Sermo enim formalis significat, quod quemadmodum effusio sanguinis in remissionem peccatorum, est ipsa cruenta hostia pro peccatis nostris, ita facere poculum sanguinis, qui effunditur in remissionem peccatorum, ut sic, est immolare poculum sanguinis, quatenus effunditur in remissionem peccatorum, quatenus operatur remissionem peccatorum. Effundi enim in remissionem peccatorum, est operari remissionem peccatorum, quantum est ex parte sua, quicquid sit de effectu. Non igitur humana est adinuentio, sed intelligentia, sed obedientia diuini mandati, tum offerre corpus & sanguinem Christi, sub specie panis & uini, in memoriam Domini nostri Iesu Christi, tum hæc ipsa offerre, pro expiatione peccatorum, ut (optima legis inter-



## INTERROG. VEL. PROP.

p̄res) consuetudo uniuerſarum Eccleſiarum,  
 non ſolùm Latinarum & Græcarum, ſed Ar-  
 meniarum, Perſarum, & reliquarum per orbem  
 diffuſarum, ab antiquo ſemper interpretata  
 eſt. Primùm enim in hoc ſacrificium miſſæ of-  
 fertur in Eccleſia, ut iugis illa corporis & ſan-  
 guinis Chriſti oblatio, memoriam eius quod ſe-  
 mel in cruce actum eſt, renouet. Sic enim ipſe  
 Saluator præcepit diſcipulis, ut hæc in ſui com-  
 memorationem facerent. Porro mors Domini,  
 non tantùm uerbis, uerumetiam ſacrificijs an-  
 nunciari ſolita eſt. Nam non ſolum prophetarũ  
 oraculis, ſed & figurarum inuolucris, ſacri-  
 ficiarũque ritibus annunciata eſt ueteribus,  
 quorum ſacrificia deliniabant ac uelut adum-  
 brabant ſacrificium Chriſti. Ne itaque Chri-  
 ſtiani frigidius mortem Domini annunciare  
 uideamur ueteribus illis, conuenit ſanè ut non  
 ore tantum prædicemus Chriſtum crucifixum,  
 uerumetiam corporis & ſanguinis ſui oblatio-  
 ne, imaginem hoſtiæ crucis offeramus. Poſtea-  
 ergo Apoſtolus docuit in cæna dñica annuncian-  
 dā eſſe mortē Domini, id p̄fectiſſimo quoad fieri  
 poteſt modo faciendum eſt. Sed p̄fectiùs annũ-  
 ciari & exprimi nō poteſt mors Chriſti & paſ-  
 ſio, quàm hoc altariſ ſacrificio. Deinde ut ſa-  
 crificando, magis magiſq; propitiũ nobis redda-  
 mus patrē miſericordiarum, ipſumq; exoremus,

ut ea quæ crucis sacrificio donata sunt nobis, commodè cedant. Ea enim est communis sacrificiorum ratio, ut his homines diuinum sibi fauorem magis magisque concilient. Inter ea autem quibus Deo gratiores et chariores reddimur, primas fert sacrificium altaris. Cui sententiæ, receptissima suffragatur sententia patrum, qui unanimiter et sacrificium nuncupant, quod pro uiuis et defunctis in Ecclesia semper fuerit oblatum. Quod deinceps ostendendum erit, Beatus Apostolus Christi Andreas, missam esse sacrificium coram procōsule Aegea testimonio suo luculenter confirmauit, quod licet non scripturæ testimonio, sanguinis tamen sui cyrographo consignauit. Ego (inquit) omnipotenti Deo, qui unus et uerus est, omnidie sacrifico, non thuris fumum, nec hircorum aut taurorum sanguinem, sed immaculatum agnum quotidie in altari sacrifico. Cuius carnes, postquam omnis credentium populus manducauerit, et eius sanguinem biberit, agnus qui sacrificatus est, nihilominus integer perseuerat et uiuus: & cum uerè sacrificatus sit, et uerè eius carnes manducatae sint à populo, et uerè eius sanguis haustus, tamen (ut dixi) integer permanet, et immaculatus et uiuus. Hæc refert Philatetus, ex literis sacerdotum Achaiae capite trigesimonono. Dionysius

## INTERROG. VEL. PROP.

*fus Areopagita, ubique sacrificium facit ex missa, imò totam missandi formulam tempore Apostolorum consuetam & usitatam describit. quemadmodum in principio sermone præcedentis tractatus ostendimus. Nam in lib. Eccles. Hierarchie cap. 3. parte 3. appellat hostiæ salutaris oblationem, & dicit Pontificem hostiam salutarem, quæ supra ipsum est, litare. Ignatius Martyr & Episcopus in epist. ad Smyrneneses. Nemo (inquit) in Ecclesia aliquid agat eorum, quæ ad Ecclesiam pertinent. Firma Eucharistia reputetur, quæ ab Episcopo concessa fuerit. Vbi Episcopus præsens fuerit, illuc & plebs cõgregetur, sicuti & ubi Christus est, omnis militia cœlestis adest, tanquã principi militiæ uirtutis Domini, & ipse est dispensator totius intelligibilis naturæ. Propterea non licet sine Episcopo, neque offerre, neque sacrificium immolare, neque missas celebrare. Anacletus Pontifex Clemētis successor, in epist. quam scripsit omnibus Ecclesiarum Episcopis, sic ait. Episcopus Deo sacrificans, testes secum habeat. In solennioribus quippe diebus, aut septem aut quinq;, aut tres diaconos, qui oculi eius dicuntur, & subdiaconos atque reliquos ministris secum habeat. Irenæus lib. 4. c. 32. Eum (inquit) qui ex creatura panis est accepit, & gratias egit dicens: Hoc est corpus meum. Et calicem*

licem similiter, qui est ex ea creatura secundum nos, suum sanguinem confessus est, & Novi Testamenti, nouam docuit oblationem, quam Ecclesia ab Apostolis accipiens, in vniuerso mundo offert Deo, de quo Malachias, & c. Et cap. 34. testatur nos Eucharistiam corporis & sanguinis Christi offerre Deo patri creaturam sanctificanti, gratias agentes pro sua donatione. Alexander Papa eius nominis primus, continuo post Apostolorum tempora sub Traiano scilicet, eidem ueritati testimonium perhibet, cuius testimonium supra recēsuimus, cum patrū sententias de ueneratione & adoratione Eucharistiæ poneremus. Cyprianus quoque gloriosus martyr & Pontifex lib. 2. epist. 3. ad Ceciliū dicit Christum Dominum & Deum nostrum huius sacrificij autorem, ubi & sacrificium Dominicum uocat, & tandem scribit in hac uerba. Nam si Iesus Christus Dominus & Deus noster, ipse est summus sacerdos Dei patris, & sacrificium Deo patri ipse primus obtulit, & hoc fieri in sui commemorationem precepit, utique ille sacerdos vice Christi uerè fungitur, qui id quod fecit Christus imitatur. Et sacrificium verum & plenum tunc offert in Ecclesia Deo patri, si sic incipiat offerre, secundum quod ipsum Christum videat obtulisse, Et epist. 4. Nos (inquit) ue-

## INTERROG. VEL. PROP.

*stri, diebus ac noctibus memores, & quando in sacrificijs precē cum pluribus facimus, & cū in secessu, priuatis precibus oramus, coronis ac laudibus uestris, plenam Domini fauentiam postulamus. Tertullian⁹ in lib. de Exhortatione castitatis, duo exprimit officia sacerdotis, uidelicet oblationem Eucharistiæ & baptismationē, dicens: Differentiam inter ordinē & plebem cōstituit Ecclesiæ autoritas, & offert & tingit sacerdos, per tinctionē baptismū intelligens, quem Cyprianus quoq; tinctionē appellat. Et in lib. ad Scapulā præsidem Aphricæ. Itaq; sacrificam⁹ pro salute Imperatoris, sed Deo nostro, & ipsius, quō præcepit De⁹, pura prece. Et ne dicas Tertullianū ibi loqui de sacrificio orationis, & nō potius de sacrificio Eucharistiæ, quod à fidelibus, pro imperatoribus offerebatur, purissima prece, eò quòd à ministro sacerdote, in persona Ecclesiæ, cuius oratio pura est, offerebatur Deo. Audi qd in lib. de Virginibus uelandis dicat. Nō permittitur mulieri in Ecclesia loqui, sed nec docere, nec tingere, nec offerre, nec ullus uirilīs muneri. Vnde liquet Tertullianū loqui de aliquo uero ac magno sacrificio externo, quod mulieribus non conueniat. Nam sacrificium precum uel orationum, nemini est interdictum nēdum mulieribus. Origenes Homil. 5. super Leuit. Quæ (inquit) est hostia,*

stia, quæ pro peccatis offertur, & est sancta sanctorum, nisi unigenitus filius Dei, Dominus meus Iesus Christus, &c. Porro ne dicas eum loquiduntaxat de hostia quæ in cruce oblata est, audi uerba eius, quæ habet homil. 10. in Leuit. In Ecclesia (inquit) Christi, modò uera sunt sacrificia in lege præfigurata. Et li. 1. super Iob sic inquit. Primo mundabat, purificabat, sanctificabat, & ita demum pro eis hostiam offerebat, ut cunctis in perpetuū ostenderet, quia mūdōs & castos cōdeceret sacrificia, ut sanctè atq; dignè immolata, sanctè atq; dignè à sanctis accipiantur. Sic nāq; Apostolus post hæc dicit, probet seipsum homo, hoc est, mūdet seipsum, & ita de sanctissimis domini sacrificijs fruatur. Idē quoq; hom. 13. in Leuit. apertissimis uerbis scribit Eucharistiā nō solū esse cōmemorationē, sed etiā nostrā propiciationē. Si referantur hæc (inquit) ad mysterij magnitudinem, inuenies commemorationem istam habere ingentis repropiciationis effectū, si redeas ad illum panem, qui de celo descendit, & dat huic mundo uitam, illum panem propositionis, quem proposuit Deus propiciationē per fidem in sanguine eius. Et si respicias ad illam cōmemorationem, de qua dicit Dominus, Hoc facite in meam commemorationem, inuenies quod ista est commemoratio sola, quæ propiciū facit hominibus DEVM. Eusebius Casariensis

## INTERROG. VEL. PROP.

*lib. 9. Eccles. hist. c. 10. ubi recenset quomodo pax Ecclesie sub Constantino reddita est, & quo modo fideles in Ecclesia se habuerint, inter cætera sic scribit. Simpliciores quiq; admirabantur & suspiciebant eos, qui per sapientiam uerbi populos instruebāt. Sapientes uerò & eruditi uiri, præferebant eos, quibus pura uita ac syn-  
 tēra simplicitas, offerendi Deo hostias, maiorem fiduciam dabat, eisq; immolandi sacrificij permittebatur officium, quos familiarior uitæ simplicitas, in cordis puritate seruabat.*

*Emissemi auctoritatem superius recensuimus. Gregorius Nazianzenus cognomento Theologus in apologetico suo inter alia inquit. Ipsa quoque sacrificia, non passim omnibus, sed certis quibusdam indulgentur insumere, & intra certum tempus, & intra præfinitum locum. Et infra. Nemo dignus est summi Dei, uel sacerdos esse, vel sacrificium offerre, qui non prius exhibuit semetipsum, hostiam uiuam, sanctā, Deo placentem, & c. Et in quodam carmine de dignitate sacerdotali inter cætera ita cecinit. O sacrificia mittentes incruenta sacerdotēs, ô animarum custodes gloriosi, ô magni figmentum Dei, uestris in manibus ferentes. Epiphanius Cypri Episcopus in epist. ad Ioannem Hierosolymitanum Episcopum. Quando) inquit)*



quit) complemus orationem secundum ritum  
 mysteriorum, & pro omnibus & pro te di-  
 cimus. Custodi illum qui prædicat ueritatem.  
 Et prius ita scribit. Illud quoque audiens ad-  
 miratus sum, quidam te quoque turbaue-  
 runt, & dixerunt quod in oratione, quando  
 offerimus sacrificia Deo, soleamus pro te dice-  
 re. Domine præsta Ioanni ut rectè credat. Hic  
 audis sacrificiorum assertionem, & hoc secun-  
 dum ritum mysteriorum. Lactantius Firmianus  
 li. 4. diuinarum institutionum, asserit sacrifici-  
 um in Ecclesia, in qua Christus habeat sacerdo-  
 tium sempiternum. Ambrosius præter illa quæ  
 pro adstructione huius rei habet lib. 4. de sa-  
 cram. cap. 6. & alijs pluribus locis, in oratione  
 preparatiua ad missam, ita precatur dicens.

Quanta enim Domine Iesu Christe cordis con-  
 tritione, &c. istud diuinum & cæleste sacri-  
 ficiu est celebrandum &c. ubi adest præ-  
 sentia sanctorum angelorum, ubi tu es sacer-  
 dos & sacrificium, mirabiliter & ineffabi-  
 liter constitutus? Et post pauca. Per hanc (in-  
 quit) omnipotentiam tuam te rogo, ut con-  
 cedas mihi peccatori, hoc cæleste sacrifici-  
 um celebrare cum timore & tremore &c.  
 Ego enim memor Domine, uenerandæ pas-  
 sionis tuæ, accedo ad altare tuum licet pec-  
 cator, ut offeram tibi sacrificium, quod

## INTERROG. VEL. PROP.

tu instituísti, & offerri præcepisti in commemoratione tui pro salute nostra. Suscipe ergo quæso istud summe Deus, dulcissime Iesu Christe, pro Ecclesia tua sancta, & pro cuncto populo tuo, quem acquisisti sanguine tuo precioso. Vbi apertissimis uerbis appellat sacrificium, quod CHRISTVS instituit & offerri præcepit, quod quum precatur suscipi pro toto populo, haud obscure indicat, etiam pro populo offerri. Et 1. capite Luca Euangelij: Vtinam (inquit) nobis quoque adolentibus altaria & sacrificia deferentibus, assistat angelus, imò præbeat se uidendum. Non enim dubites assistere angelum, quando Christus assistit, Christus immolatur. Etenim pascha nostrum immolatus est Christus. Hieronymus contra Vigilantiũ ita scribit. Male facit ergo Romanus Episcopus, qui super mortuorum hominum Petri & Pauli, secundum nos, ossa ueneranda, secundum te uilem puluisculum, offert Domino sacrificia, & tumulos eorum, Christi arbitratur altaria. Ioannes Chrysostomus in missa sua ita deprecatur & alloquitur CHRISTVM dicens: Propter ineffabilem & immensam tuam humanitatem, intrepide & irreuocabiliter, factus es homo & summus Pontifex noster. Sacrificiorum ritum instituísti, ac solennis huius

&

1. Cor. 1.

& immaculati sacrificij celebrationem nobis tradidisti, tanquam Dominus omnium. Tu enim sol<sup>9</sup> Domine Deus noster dominaris super coelestibus & terrestribus, qui super thronum Cherubicū ueheris, qui Seraphim Dominus rex Israel, qui solus sanctus es, & in sanctis requiescis. Te igitur exoro solum bonum & placabilem, respice ad me peccatorem, & antiquum seruum tuum, ac purga animam meam & cor à conscientia mala, & idoneū me redde, uirtute tui sancti spiritus indutū tui sacerdotij gratia, ut assistā sanctæ tuæ huic mensæ, consecrē sanctū & immaculatum tuū corpus, & preciosum sanguinem. Et hom. 51. in Mattheum, & homil. 83. & homil. posterioris epist. ad Thimotheum. Aug. quoq; ad stipulatur lib. 10. de ciuit. Dei c. 20. Et lib. de spiritu & litera cap. 11. Et lib. confess. 9. Et lib. 1. contra aduersarium legis & prophetarum cap. 32. & lib. 20. contra Faustū c. 14. Et li. 1. contra Cresconium grammaticum cap. 25. & multis alijs in locis testatur missam esse sacrificium. Greg. homilia 37. Singulariter (inquit) ad absolutionem nostram oblata cum lachrymis & benignitate mentis, sacri altaris hostia suffragatur, quia is in se resurgēs à mortuis iam non moritur, adhuc per hanc in suo mysterio pro nobis iterum patitur. Et lib. 4. Dialogorū c. 56. scribit Cassium Narniensem Epif.

## INTERROG. VEL. PROP.

Episcopum quotidianum Deo obtulisse sacrificium & inter ipsa sacrificiorum arcana, se in lachrymis mactasse, & idcirco mandatum domini, per cuiusdam præbyteri sui uisionem suscepisse, ut ageret quod agebat, & operaretur, quod operabatur. Non cesset (inquit) pes tuus, non cesset manus tua, natali Apostolorum uenies ad me, & retribuam tibi mercedem tuam. Et cap. 57. scribit quendam in captiuitate positum & in uinculis religatum, uirtute sacrificij liberatum, & nautam Baracam nomine ab undis ereptum. Et cap. 58. Debemus (inquit) quotidiana Deo lachrymarum sacrificia quotidianas carnis eius & sanguinis hostias immolare. Hæc nanq; singulariter uictima, ab æterno interitu animam saluat, quæ illam nobis mortem unigeniti per mysterium reparat, qui licet resurgens à mortuis iam non moritur, & mors illi ultrà nō dominabitur, tamen in seipso immortaliter atq; incorruptibiliter uiuens, pro nobis iterum in hoc mysterio sacræ oblationis immolatur. Eius quippe ibi corpus sumitur, eius caro in populi salutem partitur, eius sanguis non iam in manus infidelium. sed in ora fidelium funditur. Hinc ergo pensemus quale sit pro uobis hoc sacrificium, quod pro absolutione nostra, passionem unigeniti filij semper imitatur. Quis enim fidelium habere dubie

dubium possit in ipsa immolationis hora ad sacerdotis uocem coelos aperiri, in illo IESV Christi, Angelorum choros adesse, summis imas sociari, terrena coelestibus iungi unum quoque ex uisibilibus & inuisibilibus? S. Leo in serm. 6. de ieiunio septimi mensis. Tunc (inquit) sacrificij munda est oblatio, & misericordiae sancta largitio, quando ij, qui ista dependunt, quid operentur intelligunt. Nam dicente Domino. Nisi māducaueritis carnem filij hominis, & biberitis eius sanguinem, nō habebitis uitam in uobis, sic sacrae mensae communicare debetis, ut nihil prorsus de ueritate corporis & sanguinis ambigatis. Beda in cap. 15. Marci, circa illa uerba Ioseph mercatus sindonem &c. Hinc (uidelicet ex hoc quod Ioseph. Christi corpus inuoluit in sindone munda) Ecclesiae mos obtinuit, ut sacrificium altaris non in serico, neq; in panno tincto, sed in lino terreno celebretur, sicut corpus est Domini in sindone munda sepultum, iuxta quod in gestis pontificalibus, à beato Papa Syluestro, legimus esse statutum.

Theophilactus quoq; in Epist. ad Hebraeos, explicat quomodo saluator noster Christus Iesus, sit sacerdos in aeternū secundū ordinē Melchisedech & dicit, quia quotidie offertur, vel in perpetuū offertur per ministros Dei oblatio, Christum Dominum & pontificem habens

## INTERROG. VEL. PROP.

habens & sacrificium qui seipsum nostri ob gratiā sanctificat, frāgit & tribuit. Et super eadē epistola. Christi (inquit) tunc reminiscitur obitus & vna nobis est immolatio, non multæ, quandoquidem est & ille semel oblat<sup>us</sup>, eundē enim semper offerimus, quin potius oblationis illius memoriā facimus, perinde ac esset hoc tēpore immolatus &c. Idē in 26. cap. Matthæi ita habet. Sicut uetus testamentum immolationem habebat & sanguinē, ita nouū testamētum sanguinē habet & immolationem. Hoc modo docēt & reliqui patres omnes, ne totum illorum catalogū recenseā. Sacrificium etiam uocatur à compluribus sacrosanctis Concilijs. Siquidem canon 13. Niceni Concilij sic habet: Ex qua autem oblatione uiaticum dabimus infirmo, nisi ex sacrificio missæ, uenerabile corpus Christi? Canon item 18 ita habet: Nec regula, nec consuetudo tradidit ut ab his qui potestatem non habent offerendi, illi qui offerunt corpus Christi accipiant. In Concilio Anciranō eiusmodi reperitur canon: Presbyteros immolantes, & iterum luctamen adeuntes, si hoc non per illusionem aliquam, sed ex ueritate fecerunt, nec ante parentes, nec affectantes, ut iterum teneri uiderentur, & tormentis subijci, quo facinus pati uiderentur inuiti. hos placuit quidem honorem propriæ sedis retinere: offerre

offerre autem illis, & sermonem ad populum  
facere, aut aliquibus sacerdotalibus officijs fun-  
gi, non licet. In Concilio Laodicensi Can. 19.  
ita legitur. Tunc laici pacem sibi tribuent,  
& ita sancta celebrabitur oblatio. Conci-  
lij Neocasariensis canon ultimus ita decer-  
nit. Presbyteri ruris in Ecclesia ciuitatis, E-  
piscopo prasente, uel presbyteris urbis ipsi-  
us, offerre non possunt, nec panem sanctifica-  
tum dare, calicemq; porrigere, a Concilijs quo-  
que Carthaginensi, Toletano & alijs multis ap-  
pellatur sacrificium, ut uidere potes de Consecra-  
t. dist. prima & secunda. Sed & ex. 3. apo-  
stolorum canone, itidem et ex. 9. colligimus missam  
esse oblationem uel sacrificium. Idem testan-  
tur patres in Concilio Ephesino, in synodali epi-  
stola ad Nestorium. Necessario (inquiunt) & hoc  
adijcinimus. Annunciantes enim secundum carnem  
mortem unigeniti filij Dei, id est, Iesu Christi,  
& resurrectionem eius, & in calos pariter asce-  
sionem confitentes, incruentam celebramus  
in Ecclesijs sacrificij veritatem, si etiam  
ad mysticas benedictiones accedimus & sanctifi-  
camur, particeps facti corporis & pre-  
tiosi sanguinis Christi omnium redemptoris  
nostri. Et in Anathematismo quodam sancti Cy-  
rilli pontificis Alexandrini (Cuius autoritas  
in eo Concilio precipue enituit) sancti Conci-  
lij



# INTERROG. VELS. PROP.

*lij sententia atque adeò Catholicæ Ecclesiæ, clariùs explicatur in hæc uerba. Sanctam & uiuificatricem & incruentam immolationem in Ecclesijs celebramus, non unius secundum nos corpus hominis quod offertur esse credentes, similiter autem & preciosum sanguinem, suscipientes autem potius tanquam proprium corpus factum, nec non et sanguinem omnia uiuificantis uerbi. Communis enim caro uiuificare non potest. In Lateranensi autem concilio sub Innocentio. 3. ita definitum est. Vna est fidelium uniuersalis Ecclesia, extra quam nullus saluatur. In qua idem ipse sacerdos est & sacrificium Christus Iesus &c.*

*Porro sacrificium istud pro mortuis quoque offerri solitum. Tertull. in lib. de corona militis, insinuat dicens. Oblationes pro defunctis pro natalitijs annua die facimus. Et Sanctus Cyprianus libro primo Epistola nona indicat dicens. Quod Episcopi antecessores nostri religiosè considerantes, & salubriter prouidentes, censuerunt ne quis frater excedens, ad tutelam uel curam, clericum nominaret, ac si quis hoc fecisset, nō offerretur pro eo, nec sacrificium pro dormitione celebraretur. Neque enim ad altare Dei meretur nominari in sacerdotū prece, qui ab altari sacer-*

*hic*

Hic audis pro illius (qui clericum curatorem uel tutorem testamenti sui esse uoluisset) dormitione non celebrari debere sacrificium, quemadmodum pro ceterorum dormitione, qui hoc non faciebant.

Hic autem mos orandi pro fidelibus defunctis in sacrificio missæ traditione Apostolica ab Ecclesiæ primordiis inoleuit. Nam et tunc usque tatus fuit. Quod facile colligitur ex Dionysio Areopagita, qui in lib. Eccles. Hierarchiæ cap. 7. parte 3. ita scribit. Precatur oratio illa diuinam clementiam, ut cuncta dimittat per infirmitatem humanam admissa peccata defuncto, eumque in luce statuatur et regione uiuorum, in sinibus Abrahamæ, Isaac et Iacob, in loco unde aufugit dolor et tristitia et gemitus. Et post alia quanta ait. Quenam uero de huiusmodi prece (quam super defuncto peragit præsul) ex diuinis ducibus nostris, traditio puenit ad nos, operæpretium est ut dicamus. Vbi per diuinos duces, Apostolos intelligit. Huic sanctissimo patri subscribit Ioannes Damascenus in sermone quodam quem scribit de ijs qui in fide hinc migrarunt, in quo ita dicit. Apostoli discipuli saluatoris, qui totius mundi circulum cœpere, prædicando uerbum uitæ, quod suis oculis uiderant, in tremendis uitalibusque sacramentis memoriam eorum, qui fideliter obdormierunt, habendam

## INTERROG. VEL. PROP.

edixerunt. Isidorus quoque libro de Origine of-  
ficio-*r*um. Sacrificium (inquit) pro defuncto-  
rum requie offerre (quia per totum orbem cu-  
stoditur) credimus ab ipsis Apostolis esse tradi-  
tum. Et Augustinus: Hoc (inquit) à patribus tra-  
ditum, uniuerſa tenet Eccleſia, ut pro eis qui in  
corporis ac ſanguinis Chriſti communionem de-  
functi ſunt, oretur, cum ad ipſum ſacrificiũ, ſuo  
loco commemorantur. Et in lib. Confeſſ. 9. c. 13.  
matrem ſuam Monicam commendat, quòd inſtã-  
te reſolutionis die, nõ de ſepulchri honore, nec  
de funeris pöpa, ſed ſolũ de hoc uno ſolicita fue-  
rit, ut frequens ipſius memoria fieret ad altare,  
in quo ſciret diſpẽſari uictimam illam ſanctam,  
qua deletum eſt cyrographum peccati. Et lib.  
20. de Ciuit. Dei cap. 9. ait: Neque enim priorũ  
animæ mortuorum ſeparantur ab Eccleſia, quæ  
etiam nunc eſt regnum Chriſti. Alioquin nec ad  
altare Dei fieret eorum memoria in cõmunio-  
ne corporis Chriſti. Et in Enchiridio ad Laurẽ-  
tium ca. 110. Negandum non eſt (inquit) defun-  
ctorum animas pietate uiuentium releuari, cũ  
pro illis ſacrificium mediatoris offertur, &c.

S. Ambroſi⁹ in oratione præparatiua ad miſ-  
ſam teſtatur hoc ſacramētum mortuis prodeſſe,  
ita deprecans. Rogamus etiam te ſancte pater,  
pro ſpiritibus fidelium defunctorũ, ut ſit illis ſa-  
lus æterna ac perpetua ſanitas, gaudium & re-  
frige-

frigerium sempiternum : hoc magnum pietatis sacramentum Domine Deus meus, sit illis hodie magnum & plenum gaudium, de te pane uiuo & uero, qui de cælo descendisti, & das uitam mundo de carne sancta & benedicta, agni uidelicet immaculati, qui tollis peccatum mundi. Et potari de fonte pietatis tuæ, qui per lanceam militis de latere emanauit crucifixi Dñi nostri, ut consolati exultent in laude & gloria sancta tua. Et in oratione funebri de obitu Valentiniani Imperatoris. Date manibus (inquit) sancta mysteria. Pio requiem eius poscamus affectu. Date sacramenta, cælestia mysteria. Animam piam & matris oblationibus prosequamur. Chrys. homil. 21. in Acta Apost. Non temerè (inquit) diaconus clamat pro his qui defuncti sunt in Christo, & pro his qui illorum memoriam faciunt. Non diaconus est, qui talem illam uocem emittit, sed spiritus, non sanctus inquam, sed Domini. Quid dicit? In manibus est hostia, & omnia proposita sunt bene ordinata, adsunt angeli, adsunt archangeli, adest filius Dei, cum tanto horrore adsunt oēs, adsunt illi clamantes omnibus silētibus, & putas temerè hæc fieri? Igitur & alia temerè, & quæ pro Ecclesia, & quæ pro sacerdotib⁹ offeruntur, & quæ p plenitudine ac uniuersitate? Absit. Sed oīa cū fide fiunt. Quid tibi uidetur q̄ p martyrib⁹ offertur,

## INTERROG. VEL. PROP.

quòd inuocantur in illa hora . Licet martyres sint, etiam pro martyribus offertur. Magnus honor nominari Domino præsente, dum mors illa celebratur, & horrendum sacrificium, & ineffabilia sacramenta. Et Homil. 41. in cap. 15. prioris epistolæ ad Corinthios. Non est temerè (inquit) hoc excogitatum, nec frustra memoriæ mortuorū inter sacra mysteria celebramus, aut accedimus, pro istis agnum illum iacentem, & peccata mundi tollentem deprecantes, sed ut his consolatio aliqua hinc fiat . Nec temerè qui altari adstipit, inter horrenda mysteria clamat, pro omnibus in Christo dormiētibus, & pro his qui memoriam celebrant illorum. Nam nunquā ista fiant, neque hæc dicantur, si pro illis commemorationes non fierent. Neque enim scena iā amplius nostra sunt, sed spiritus ordinatione fiunt. Opitulemur igitur his fratres, memoriam pro ipsis faciamus. Nam si Iob illius liberos patris uictima purgauit, quid dubites è nobis quoque si pro dormientibus offeramus, solatij quiddam illis accessurum? Gratificari Deus propter alios alijs solet, quod Paulus hic ostendit. Ut ex multis (inquit) personis, pro dono in nos collato, per multos gratiæ pro uobis agantur. Ne defatigemur mortuis auxilium ferendo, preces pro ipsis offerendo, communis totius orbis, uictima, preces sunt. Hinc pleni fiducia, pro  
toto

toto etiam orbe supplicamus, inter martyres,  
 inter confessores, inter sacerdotes, mortuos re-  
 censemus, &c. Et Homilia 69. ad populum An-  
 tiochenū. Non temerè (inquit) ab Apostolis hæc  
 sancita fuerūt, ut in tremendis mysterijs, defun-  
 ctorum agatur commemoratio. Sciunt enim il-  
 lis inde, multum contingere lucrum, utilitatem  
 multam. Cū enim constiterit populus extensis  
 manibus, & tremendum proponatur sacrificiū,  
 quomodo Deum non exorabimus, pro his depre-  
 cantes? Athanasius ad Antiochum Principem  
 quæstione 34. ita interrogationem proponit.  
 Num sentiunt aliqua beneficia etiam peccato-  
 rum animæ cū super illos fiunt conuentus, & p-  
 actiones bonorum operum? Et respondet. Si nō  
 aliquo beneficio participarēt ex illo, nō utiq; in-  
 cura & exequijs fieret cōmemoratio. At sicut  
 uitis florescit extra in agro, & odorē eius sentit  
 in uase uinum reclusum, sicq; conflorescit etiam  
 ipsum, ita intelligimus peccatorum animas par-  
 ticipare aliqua beneficentia ab exangui immo-  
 latione & gratificatione pro ipsis facta, sicut  
 solus ordinat & præcipit, qui uiuorum &  
 mortuorum potestatem gerit DEVS noster.  
 Gregorius lib. 4. Dialogorum cap. 57. scri-  
 bit Agathum Episcopum Panormitanum pro  
 nauta quodam, quem submersum existima-  
 bat, omnipotenti Deo, pro absolutione eius ani-

## INTERROG. VEL. PROP.

ma offerri sacrificiū uictimæ salutaris iussisse. Siue igitur pro uiuorū, siue pro mortuorū salute Ecclesia sacrosactū offert Eucharistia sacrificiū, non est recens inuentū, sed Apostolica traditione præscriptū, qui in hoc secuti sunt exemplū ueteris testamenti pontificum. Sic enim Aaron inter uiuos & mortuos medius olim stetit incensum & preces pro utrisq; offerens. Quod autem defunctis efficaciter prosit sacerdotale officiū, sacra Machabæorū historia testatur lib. 2. c. 12. de Iuda Machabæo, q̄ facta collatione duodecim milia drachmas argēti misit Hierosolymā, offerri pro peccatis mortuorū sacrificiū. Ex qua historia discere poteris etiā ante Christū, fide illorū ueterū, sacerdotale sacrificiū, tametsi umbraticū, profuisse defunctis. Quod si hoc in synagoga, an inaniter in Ecclesia? Quare S. Aug. in li. de Cura p̄ mortuis agēda, post q̄ allegasset hāc historiā ex lib. 2. Machabæorū, de Iuda Machabæo, q̄ pro mortuis fecit offerri sacrificiū, subiecit. Sed etsi nusquā in scripturis ueterib. omnino loggeretur, nō parua hac consuetudine claret authoritas, ubi in precib⁹ sacerdotis, quæ Dño Deo ad eius altare funduntur, locū habet etiā cōmendatio mortuorū. Porro noui testamenti author Dñs noster Iesus Christus, uer⁹ sacerdos secundū ordinē Melchisedech, missā suā in cruce pficiēs, primò pro uiuis orat dicēs: Pater ignosce illis.

Deinde



Match. 27.

Deinde ad mortuos se conuertit, unde & monumēta eorū apta sunt, & multa corpora sanctorū, q̄ dormierāt, surrexerūt. Hūc imitati Apostoli eorumq; successores, obtulerunt missæ sacrificiū pro uiuis & mortuis, quēadmodū etiānum hodie offertur in Ecclesia sancta Dei, cuius institutionē habet à Christo, modū autem & nomen celebrādi ab Apostolis. Deniq; Canō missæ adstruit missam esse sacrificiū, in quo frequēter nominatur, oblatio, hostia pura, sancta, immaculata, sanctum sacrificium, &c. Sed Canonem nostrū reiicient aduersarij tanquā rem ab ipsis explosam & abiectā. Subsistite paulisp, & nolite contemnere, & audite quā uetusti temporis præscriptione Ecclesia hoc sit usus canone. Nam recens esse non potest, quod Apostolus tradidit, & nō solum Ambrosii & Augustini, uerum etiā Tertulliani tēpore (qui uicin⁹ Apostolorū fuit) in canone receptū inuenitur. Nam Tertullianus in Apologetico suo cap. 30. nō solū fatetur Christianos in sacris suis, pro Imperatoris salute orare, uerū etiam uerba Canonis tā hīc, q̄ cap. 39. refert, dum dicit uota nos reddere eterno uiuo ac uero Deo pro Imperatoribus ac potestatibus. Amb. lib. 4. de sacramentis cap. 5. totius ferme canonis, atq; adeo oīm ferē uerborū eius mētionē facit. Vt scire (inqt) q̄a cælestib⁹ uerbis ōsecratur? Accipe quæ sunt uerba. Dicit sacerdos. Fac

De cons.  
dist. 2.  
can panis  
est.

# INTERROG. VEL. PROP.

1. Tim. 2.

nobis hanc oblationem adscriptam, rationabilē,  
acceptabilē, quod est figurā corporis & sangui-  
nis Dñi nostri Iesu Christi. Et ne præsumptione  
ac temeritate solita, negent hos libros esse Am-  
brosii, legant S. Augustinum lib. 2. Retractatio-  
nū cap. 4. ubi manifestē dicit Ambrosiū librum  
scripsisse de Sacramentis. Et ut donemus Hereti-  
cis, illos libros de sacramentis nō esse Ambrosii,  
quod tamen (si Augustino credimus) facere non  
debemus, est interim alius locus Ambrosii in cō-  
mētarijs epistolæ ad Timotheū, ubi satis aper-  
tē canonis meminit. Nam ubi Apostolus ait: Ob-  
secro igitur primū omnium fieri obsecratio-  
nes, oratiōes, postulationes, gratiarū actiones,  
pro omnibus hominibus, pro regibus qui in sub-  
limitate constituti sunt, ut quietā & tranquillam  
uitā agam⁹, in omni pietate & castitate, ita scri-  
bit. Hæc regula ecclesiastica tradita est à Magi-  
stro gētiū, qua utūtur sacerdotes nostri, ut pro  
omnib⁹ supplicēt, deprecātes etiā pro regib⁹ hu-  
ius seculi, ut in pace positi, in trāquillitate mētis  
& quiete, Dño nostro seruire possimus, &c. Et  
Aug. epist. 59. ad Paulinum, dicit se in iā citatis  
uerbis Apostoli. Obsecro igitur, &c. hoc intelli-  
gere, quod oīs uel penē oīs frequētat Ecclesia, ut  
precationes accipiamus dictas, quas facimus in  
celebratione sacramentorū, &c. Cuius uerba cū  
sequētib⁹ bene expēs, indicabūt illo etiā tēpore,  
mis-

missas celebratas eo modo quo nūc celebrantur. Porro nō tantū Aug. sed etiā Cyprianus, nō solū Canonis, sed etiam præfationis meminit, q̄ explicant, quare sacerdos dicat. Sursum corda. Et Cyp. quidē in serm. 6. de orat. Dom. Quādo stamus (inq̄t) ad orationē fratres dilectissimi, uigilare & incūbere ad preces, toto corde debemus. Cogitatio omnis secularis & carnalis abscedat, nec quicq̄ tūc animus, q̄ id solū cogitet quod præcatur. Ideo & sacerdos ante orationē, præfatiōe præmissa parat fratrum mētes dicēdo, sursum corda, dū respōdet plebs habemus ad Dñm, admoneatur nihil aliud se q̄ Dñm cogitare debere. Aug. autē in lib. de uera relig. c. 3. Si (inq̄t) p̄ urbes atq; oppida, castella, uicos & agros uillasq; priuatas intantū aptē suadetur et appetitur à terrenis auersio, & in unum Deū uerumq; conuersio, ut quotidie per uniuersum orbē, humanum genus una penē uoce respōdeat, sursum corda se habere ad Dñm, qd̄ oscitam⁹ adhuc crapulā hesternā, & in mortuis pecudibus, diuina eloq̄a p̄scrutamur. Idē quoq; B. Augustinus ex dictis Basilij testatur canonē missæ longē se uetustiorē dicēs. Ecclesiasticarū institutionū, quasdā in scriptis, quasdā uerò apostolica traditione p̄ successores in ministerio cōfirmatas accepim⁹, quasdā uerò cōsuetudine corroboratas approbauit usus. Et post pauca. Quæ enim (ut inde exordiamur) scri

Recitatus  
2. dec  
dist. cap.  
Ecclesiasticarum.

## INTERROG. VEL. PROP.

ptura crucis signaculo, fideles docuit insigni-  
 ri. Vel quæ tripharia digesta super panē & ca-  
 licē proluxæ orationis (canonē designat) uel con-  
 secrationis uerba cōmmandauit. Nam non modò  
 quod in Euangelio continetur, uel ab Apostolo  
 quod est insertum secretis, dicimus, sed & alia  
 plura adiicimus, magnā quasi uim commendātia  
 mysterijs. Vbi tripharia digesta uerba sunt se-  
 cundum Glossam, quæ eadem tertio repetuntur  
 in secretis, ut est, hostiam sanctam, hostiam pu-  
 ram, hostiam immaculatam. Et in sermone de sa-  
 cramento calicis, alia uerba canonis pertra-  
 ctans ait. Eucharistia est oblatio benedicta, per  
 quam benedicimur, adscripta, per quam in cæ-  
 lo adscribimur, rata, per quam in uisceribus  
 Christi censetur. Rationabilis, per quam à be-  
 stiali sensu exuimur, acceptabilis, ut qui non  
 his displicemus, per eam acceptabiles, unico  
 Dei filio simus. Denique Chrysostomus homil.  
 83. in Matthæum, testatur nos in missa gratias  
 dicere, quod & CHRISTVS fecit. Gra-  
 tias enim egit, antequam discipulis suis dedit,  
 ut etiam nos, ab actione gratiarum incipia-  
 mus. Et gratias egit posteaquam dedit, &  
 hymnum cecinit, ut nos quoque similiter fa-  
 ciamus. Ita etiam sacerdos ante consecratio-  
 nem gratias agit, quam orationi principali in-  
 cludit, deinde in fine missæ, etiam gratias agit,  
 dicendo

dicendo Benedicamus Domino Deo gratias. Vel qua respondetur ad *Ite missa est*, Deo gratias.

Cæterum quod hoc sacrificiū sit Deo gratū, nemini potest esse dubium. Siquidem ratione filij Dei unigeniti Domini nostri Iesu Christi, qui in hoc sacrificio offertur Deo patri, non potest Deo patri nō esse quā acceptissimum gratissimūque. Deinde etiam ratione sponsæ sibi dilectissimæ, Ecclesiæ uidelicet catholicæ, in cuius persona offertur. Denique ex seipso est Deo gratissimum. Cum enim res sit bona, imò et optima, in quo tanta perficiuntur mysteria, unde tā multa & magna bona, ad populū promanant Christianum, nōne meritò censebitur Deo esse quā gratissimum? Quod autē res sit optima, & populo Christiano lōgē saluberrima credimus nos sufficienter demonstrasse lib. 2. homiliarum nostrarum, de Præcipuis mysterijs diuinæ incarnationis & humanæ redemptionis ac salutis, Homilia .2. de sacrificio missæ. Denique quod hoc sacrificium sit iugiter offerendum, donec Christus ad iudicium redierit, Paulus testatur dicēs. Quotiescunq; manducabitis panē hunc & calicem bibetis, mortem Domini annuntiabitis donec ueniat, nimirum ad iudicium in fine seculi. Istud enim sacramentum frequentabitur, offeretur & durabit usque ad finem mundi. Sed & in epist. ad Thessalonicēses, docet

## INTERROG. VELS. PROP.

1. Tim. 4.

Antichristum non uenturum, nisi primùm uenerit discessio. Rogamus (inquit) uos fratres, per aduentum domini nostri Iesu Christi, & nostræ congregationis in ipsum, ut non citò moueamini à uestro sensu, neq; terreamini, neq; per spiritum, neq; per sermonem, neq; per epistolam tanquàm per nos missam, quasi instet dies Domini. Ne quis uos seducat ullo modo. Quoniam nisi uenerit discessio primùm, & reuelatus fuerit homo peccati, filius perditionis &c. Porro qd p discessionem uelit intelligi, ex epistola illi<sup>9</sup> ad Timotheũ accipere oportet, ubi seipsum explicans, ait. Spiritus manifestè dicit, quia in nouissimis temporibus discedent quidam à fide, attendentes spiritibus erroris & doctrinis demoniorum, in hypocrisi loquentium mendacium &c. Vbi satis graphice Velsum & uniuersos Antichristi præcursores depingit hæreticos qui nunc strenuè uiam parant diabolo, attendentes spiritibus erroris, & doctrinis demoniorum, & in hypocrisi loquentes mendacium. An non hos rectè Antichristi præcursores, & satellites diaboli nuncupamus, per quos iam incipit tollere iuge sacrificium missæ, & deijcere loca sanctificationis eius, per templorum & altariũ demolitionem, & sacramentorum sanctorum conculcationem? Nõne in ipsis prophetiam Danielis impletam uidemus, prophetantis de Antichristo,

christo, quemadmodum in uisione sua uiderat. De uno (nimirū) quatuor cornuū) ex eis, egres-  
sum est cornu unum (inquit) modicum, & factū  
est grande contra meridiem, & contra orientē,  
& contra fortitudinem. Et magnificatum est,  
usq; ad fortitudinem cœli, & deiecit de fortitu-  
dine & de stellis, & conculcavit eas. Et usq; ad  
principem fortitudinis magnificatum est, & ab  
eō tulit iuge sacrificium, & deiecit locum san-  
ctificationis eius. Robur autem datum est ei con-  
tra iuge sacrificium, & propter peccata pro-  
sternetur ueritas in terra, & prosperabitur &  
faciet. Ecce ut uiam parant Antichristo, qui iu-  
ge missæ sacrificium abrogāt, aut explodere co-  
nantur, nō solū ipsissimos sese Antichristi præ-  
cursores, constituentes, uerumetiam cum uerbo  
Dei pugnantes. Cū enim hoc sacramentum  
& sacrificium iam inde à morte Christi semper  
fuerit, & permansurum sit usq; ad finem mun-  
di, donec reuelatus fuerit homo peccati, qui hoc  
iuge sacrificium tollet, nōne sese Antichristi sa-  
tellites constituunt? pugnant quoq; cum uerbo  
Dei, quia cū habeamus expressum uerbū Dei,  
sacramentum siue sacrificium hoc frequentan-  
dum & celebrandum, usq; dum ueniat, & ipsi  
contra tam apertum Dei uerbum idipsum abo-  
lere contendunt, nōne sese uerbo Dei præuale-  
re posse existimant, dum quod diuino præcepto  
factum



# INTERROG. VELS. PROP.

factum est perpetuum, ipsi conantur efficere  
temporarium? Verum de his satis, restat ut Vel  
sij nugamēta excutiamus. Velsius. Magna profe  
ctō & deplorāda hominum cecitas, quaq; haud  
scio, an alia grauior sit cēsenda, qui huiusmo  
di constituere non erubescunt, quo funditus se  
mel uniuersa nostra religio, & fides euerti  
tur, cuiusmodi certē hoc ipsum est, quod nunc  
præ manibus habemus interrogatorium. Slotan  
nus. Maxima pfectō et deplorāda est cecitas, imō  
poti⁹ malitia Velsij q per id quod à Christo est  
institutū & præceptū & ab Ecclesiā Catholica  
semper religiose creditum, & piē obseruatum,  
quodque præcipuum caput est religionis no  
stræ, audet sacrilego & blasphemo ore asserere  
funditus nostram religionem & fidem euerti.

Heb à 4.

Vsq; ad. 11

Velsius. Nam cum apertē doceat scriptura, &  
sacrificiorum oblationumq; , atq; qui hæc quo  
tidie pro suis peccatis prius, quandoquidem &  
ipsi circumdati erant infirmitate, utpote ex ho  
minibus sumpti, deinde & pro aliorum ac po  
puli offerebant, sacerdotum, citra iusiurandum  
factorum, plurium, propterea quod per mortē  
non sinerentur permanere, sæpius ingredientiu  
per tabernaculum manufactum in alieno san  
guine, in sancta mundana, multitudinem, qua  
tutorū ac uerorū adumbratio quādā erāt, Chri  
sti aduentu, qui pontifex pius, innocens, impol  
lutus,

lutus, segregatus à peccatis, seipsum semel inmaculatum Deo unam uictimā pro peccatis nostris offerendo, cum iure iurando unicus, utpote immortalis redditus, perpetuò sedet ad dexteram Dei, factus sacerdos in æternum secundum ordinem Melchisedec, semel ingressus per non manufactum tabernaculum, in proprio sanguine in sancta coelestia, abolitam esse ac cessare. grauissimus mihi certè animi morbus esse uidetur, & quauis insania peior, his tam apertis & manifestis non attentis, cum Christi & eterni eius sacrificij in sanctis coelestibus, quo nunc aditus nobis & ingressus in sanguine Iesu patet, ea uia quam dedicauit nobis recentem & uiuam per uelamentum, hoc est, per carnem suam ipsiusq; uitæ in carne actæ imitationem, deinceps peragendi maximā iniuria, nescio quæ Iudaica sacrificia, imò ipsis Iudaicis longè deteriora cōmimisci, eosq; qui ab elementis mundi cum Christo mortui sunt, ad huiusmodi oblationum cōmentitiarum umbras ac laruas detrahere. An non hoc, est manifestè Antichristi doctrinam amplecti? Slotanus. Affirmare uerum corpus & sanguinem Christi in Eucharistia, esse uerum & Deo gratum sacrificium, quod Deo pro uiuis & mortuis in Ecclesia iugiter sit offerendum, non est Antichristi, sed Domini nostri Iesu Christi & sanctorum Apostolorū eius sanā & catho-

# INTERROG. VEL. PROP.

catholicam doctrinam amplecti, sed potius Vel-  
 sius Antichristi (qui hoc sacrificium abrogabit)  
 doctrinam amplectitur, qui summa temeritate  
 & execranda blasphemia dicit nos ipsis Iudai-  
 cis sacrificijs longè deteriora comminisci, eosq;  
 qui ab elemētis mundi cum Christo mortui sunt,  
 ad oblationum commentitiarum umbras ac lar-  
 uas detrahere. Longè enim distat hoc augustissi-  
 mum nouæ legis sacrificium, à sacrificijs Iudai-  
 cis ueteris legis, longeq; illa antecellit. Omnia  
 enim sacrificia ueteris legis, huius unici nouæ le-  
 gis sacrificij typum ac figuram quandam gere-  
 bant, atq; ad hoc demonstrandum præcurrebāt.  
 Omnia siquidem sacrificia Iudaica, propter hoc  
 offerebantur in ueteri lege, ut hoc unum singu-  
 lare & præcipuum sacrificium adumbrarent,  
 quo ipse Christus semetipsum obtulit Deo in o-  
 dorem suauitatis ut Paulus ait, & propterea  
 hoc unicum sacrificium præfigurabant, tanquā  
 perfectum per imperfecta. Vnde Apostolus dicit  
 in epist. ad Hebræos sacerdotes ueteris legis,  
 easdem sæpè protulisse hostias, quæ nunquam  
 possunt auferre peccata, Christum autem pro  
 peccatis, obtulisse unam in sempiternum. Porro  
 quoniam ex figurato sumenda est ratio figuræ,  
 idcirco rationes sacrificiorum figurarum ue-  
 teris legis, sumendæ sunt ex uero sacrificio Chri-  
 sti, quod rationem & uirtutem omnium sacri-  
 ficiarum

Ephes. 5.  
 Heb. 10.

ficiorum in se continet, & perfectio, consummatio & adimpletio est omnium sacrificiorum. Sed & unum & idem numero est sacrificium, una & eadem utroque oblatio, unum inquam & idem corpus oblatum, quantum ad rem sacrificij attinet, in cruce & in altari, licet in modo sacrificandi sit differentia. Idem corpus & sanguis Christi, secundum ueritatem & substantiam suam adsunt & offeruntur in altari in missæ sacrificio, sicut in cruce fuerunt, licet alius sit in altari quam in cruce offerendi modus. In cruce siquidem semel oblatus est Christus, cruento & passibili modo: in altari autem incruento & impassibili, iuxta sententiam Ambrosij & Damasceni, quorum primus lib. 4. de Sacram. c. 6. Posterior uero lib. 4. c. 14. eam hostiam quæ in altari est appellant incruentam. In cruce oblatum est corpus Christi pœnaliter per mortem corporalem, in altari autem offertur mysteria- liter & sacramentaliter, per passionis quidem & mortis eius memoriam, sed tamen nihilominus essentialiter & substantialiter. Cum itaque unum & idem sit sacrificium crucis & altaris, unum idemque sacrificium, legalia sacrificia præfigurabant. Cæterum non ignoramus quin scriptura aperte doceat, & sacrificiorum oblationumque & sacerdotum ueteris legis multitudinem, Christi aduentu, abolitam esse ac cessare,

## INTERROG. VEL. PROP.

Christumque seipsum semel immaculatum Deo unam uictimam pro peccatis nostris obtulisse. sed dicimus illam hostiam fuisse cruentam, nimirum Dominum nostrum IESVM CHRISTVM in ara crucis semel pro peccatis totius mundi oblatum, sed præter illam hostiam cruentam, aliam agnoscimus incruentam à CHRISTO institutam, corpus scilicet & sanguinem eius sub specie panis & uini, ut demonstratum est. Sed hostia cruenta & incruenta, non sunt hostiæ duæ, sed una hostia, quia res utrobique est eadem, nempe ipsum corpus CHRISTI. Non enim corpus Christi in altari est aliud ab illo CHRISTI corpore; quod oblatum est in cruce, nec sanguis CHRISTI in altari alius est ab illo CHRISTI sanguine qui fusus est in cruce, licet modus, hanc unam eandemque hostiam immolandi, alius sit. Nam ille prior immolandi modus in cruce fuit cruentus, iste uerò quotidianus modus est incruentus, non in propria specie per corporis fractionem & sanguinis effusionem, sed sub specie panis & uini, oblatum in cruce CHRISTVM immolatio modo representans. Ex parte ergo rei oblatae (licet ex parte modi offerendi sit diuersitas) hostia cruenta & incruenta unicus est, neque propriè loquendo possunt as-

fir

firmari, duo sacrificia, aut duæ hostiæ ac oblationes, esse in nouo testamento, ex hoc quod est in eo hostia cruenta CHRISTVS in cruce, & hostia incruenta Christus in altari, sed est unica hostia semel oblata in cruce, perseverans modo immolatio quotidiana repetitione ex institutione CHRISTI in Eucharistia. Porro hanc perseverantiam hostiæ in cruce oblatæ, non fingimus in altari, sed quia eadem est res oblata, in cruce & in altari. Quia enim unum atque idem Christi corpus est, quod oblatum est in cruce, & quod offertur in altari, constat non esse aliam hostiam in altari & in cruce, sed eam quæ in cruce oblata est semel, perseverare, licet alio modo in altari, mandante Christo, & dicente: hoc facite in mei commemorationem. Si namque iunxeris hæc duo (videlicet hoc facite, & in mei memoriam) perpendes unum atque idem illud, quod tunc fiebat, nos facere in CHRISTI memoriam, quod est illud unum atque idem, quod tunc frangebatur, & effundebatur, perseverare sub specie panis & vini in memoriam CHRISTI. Sed & hoc adiiciendum est, in nouo testamento unicū esse sacerdotem Christum, etiam in nostro altari. Nam sacerdotes ministri Domini, non in personis proprijs, sed in persona Christi con-

## INTERROG. VEL. PROP.

secrant corpus & sanguinem Christi, ut uerba consecrationis testantur, ac per hoc uices Christi agentes offerunt. Non enim dicit sacerdos, hoc est corpus Christi, sed hoc est corpus meum, faciendo sub Christi persona sub specie panis corpus Christi, iuxta mandatum Christi: hoc facite &c. Ex quibus omnibus constat, eiusmodi incruentum sacrificium constituere, non debere estimari grauissimum animi morbum, & quauis insania potiore: sed sanam & catholicam doctrinam, neq; per hoc ullam fieri iniuriam aeterno Christi sacrificio, sed summam eidem exhiberi reuerentiam, quod fiat ex institutione Christi & mandato.

Velsius. Diligentius rem perpendamus, & ita se omnino habere inueniemus. Leuiticum sacerdotium, et ab ipsis factæ oblationes ac sacrificia, & hircorum ac taurorum sanguinis effusio, cuiusnam testamenti mediatio seu intercessio erat? Nonne eius quod litera constabat, & in externis lapideis tabulis inscriptum erat, quod cum perficere non posset, atq; hac parte non irreprehensibile esset, præstantiore aduentante aboleri debebat? Merito igitur tale cum esset testamentum, eiusmodi etiam & illius intercessores sacerdotes, & sacrificia oblationesque erant, quæ cessatura essent, finemque habitura.

Rursus Christi sacerdotiū, & facta ab ipso oblatio



latio, sanguinisq; eius effusio, cuius? Vis propheta  
 tam à Paulo adductum audiamus? Ecce (inquit) <sup>Heb. 8.</sup>  
 dies uenient dicit Dominus, & consummabo su- <sup>Hier. 31.</sup>  
 per domum Israel, & super domum Iuda testa-  
 mentū nouū &c. Ex quibus perspicuū est, quod  
 testamenti quod spiritu constat, & in corde ac  
 mente interne ab ipso inscribendū est, quod per  
 ficere potest, ut nullius amplius alterius & ex-  
 terni indigeamus, eoq; omni ex parte irrepre-  
 hensibile sit, eius sacerdotiū & facta ab ipso sui  
 ipsius in ara crucis oblatio, sanguinisq; eius pro  
 peccatis nostris effusio, intercessio sint & me-  
 diatio. Slotanus. S. August. in lib. de Spiritu &  
 litera. c. 21. declarat quid intelligere debeamus  
 per leges Dei scriptas in cordibus hominum di-  
 cens. Quid sunt leges Dei ab ipso Deo scriptae  
 in cordibus, nisi ipsa praesentia spiritus sancti,  
 qui est digitus Dei, quo praesente diffunditur  
 charitas in cordibus nostris, quae plenitudo le-  
 gis est, & praeccepti finis? Nam quia ueteris te-  
 stamenti promissa terrena sunt, licet exceptis  
 sacramentis, quae umbra erant futurorum, si-  
 cut est circumcisio & sabbatum, & aliae dica-  
 rum observationes, & quarundam escarum cae-  
 remonia, & multiplex sacrificiorū sacrorumq;  
 ritus, quae uetustati carnalis legis, iugoq; serui-  
 li congruebant, talia contineant praeccepta ius-  
 titiae, qualia nūc quoq; obseruare praecipimur,

## INTERROG. VEL. PROP.

2. Cor. 3:

quæ maximè duabus illis tabulis, sine figura adumbratæ significationis expressa sunt, sicut est, Non adulterabis: Non homicidium facies, Non concupisces, & si quod aliud est mandatum, quod in hoc sermone recapitulatur: Diliges proximum tuum sicut teipsum, tamen quia in eo, sicut dixi, promissa terrena & temporalia recitantur, quæ bona sunt huius corruptibilis carnis quamvis eis sempiterna atque celestia, ad nouum scilicet testamentum pertinentia, figurarentur: nunc ipsius bonum cordis promittitur, mentis bonum, spiritus bonum, hoc est, intelligibile bonum, cum dicitur: Dabo leges meas in mente eorum, & in cordibus eorum scribam eas. Vnde significauit eos, non forinsecus terrentem legem formidaturos, sed intrinsecus habitantem ipsam legis iustitiam dilecturos. Hactenus Augustinus. Porro licet Deus dederit hoc modo leges suas in mentibus hominum & scripserit in cordibus eorum, non atramento (ut Apostolus ait) sed in tabulis cordis carnalibus, hinc tamen non consequitur, ut nullius amplius alterius & externi indigemus, ut Velsius inquit. Nam si nullius amplius alterius & externi indigemus, cur Christus septem Ecclesiæ Catholicæ sacramenta, id est, formas uisibiles inuisibilis gratiæ, instituit? Et ut de Sacramento, quod omnibus est necessa-

rium dicamus, nimirum baptismi, cur in eo per externam corporis tinctionem, & S. Trinitatis inuocationem, uoluit nobis dari remissionem peccatorum?

Velsus. Quod si sit, patet eos, qui post unicum hoc sacrificium, quod eius nobis testamenti conciliandi uim obtinet, quo plenè perfectæque Deo reconciliati sumus, ita ut iam Deū nostrum se profiteatur, nōsq; sibi in populum assummat, noua quædā cōmentitia ac imaginaria pro uiuis ac mortuis iugiter in Ecclesia offerēda sacrificia, donec Christ⁹, q̄ ipsis pegrè ac lōgè abest, utpote cuius oblationis & sacrificij efficaciam nō sentiunt, ad iudicium redierit, inuehūt, quoniam Christi crucem euacuant, imò se crucis eius hostes statuunt, testamentūque æternum in sanguine eius confirmatum, nescio quæ delicata & incruenta pro peccatis sacrificia, cum tamen dicat Paulus absque sanguinis effusione non fieri remissionem, somniantes, irritum faciant, et quod grauissimum est, ab eo, qui quod idem maneat in æternum, perpetuum habet sacerdotium, unde & saluos nos facere ad plenum potest, qui p̄ ipsum adimus Deū, cum semper uiuat ad hoc ut interpellet pro nobis, ad hominū, q̄ de extremis populi, nō uocati à Deo, sibiipsis usurparunt honorem, frequēti morte interpolandū sacerdotiū, quod non nisi perdere potest, qui per idolum ac

Heb. 9.

Heb. 7.

3. Reg. 13.

Heb. 5.

## INTERROG. VEL. PROP.

idolotriam horrendam accedunt ad diabolum,  
uiolenter ac contra naturam Dei; institutum,  
homines abducere & detrahere conantur, An-  
ticristi prorsus partium esse, atque in illius  
castris contra saluatorem nostrum Christum ar-  
ma ferre, ut si uehemētius in istos cōmoueamur,  
nemo miretur quód aliter cum manifestis hosti-  
bus quique omnem conscientiam semel repule-  
runt, & ad exemplum Achab uenundati sunt,  
ut facerent malum in conspectu Domini, aliter  
cum fratribus ex imbecillitate, aut alia quapi-  
am occasione humana peccantibus sit agendum.

2. Reg. 11.

Slotanus. Nos non noua commentitia ac  
imaginaria pro uiuis ac mortuis iugiter in Ec-  
clesia offerenda sacrificia inuehimus, neq; deli-  
cata & incruenta pro peccatis sacrificia som-  
niamus, sed sacrificium missæ, quod Christus in-  
stituit, apostoli comprobarunt, patres defen-  
dunt, & Catholica per orbem terrarum Eccle-  
sia semper credidit & frequentauit, propugna-  
mus. Quod quidem sacrificium (quemadmodum  
diximus) unum & idem est, cum illo sacrificio,  
quo Christus semetipsum obtulit in ara crucis  
DEO patri, licet utrobique diuersus sit offe-  
rendi modus. Quod proinde iugiter offeretur  
in Ecclesia, donec Christus (qui ei nunquam de-  
est, utpote cuius oblationis & sacrificij effica-  
ciam probè experitur & intelligit) ad iudican-  
dum

dum redierit. Falsissimum quoque est assertores huius sacrificij, crucem Christi euacuare, imò se crucis eius hostes statuere, & testamentum æternum in sanguine eius confirmatum irritum facere. Nam crucem Christi non euacuant, sed eius uirtutem ac efficaciam asserunt, dum eandem esse oblationem prædicant, quæ semel facta est in cruce, & quotidie fit in altari. Vnde multò minus hostes crucis Christi censendi sunt. Sed Velisius & hæretici uniuersi, reuera inimici crucis Christi sunt, qui eos quos Christus per crucem suam congregauit in unum, per diuersas hæreses & sectas dispergere moliuntur. Nam quum per crucem suam, Dominus uenerit filios Dei qui erant dispersi congregare in unum, non secus ac cuiuspiam Regis milites, ad unius eleuationem signi congregantur, iuxta illud Esaiæ. Leuabit Dominus signum in nationibus, & congregabit dispersos Israel à quatuor plagis terræ: hæretici tamen ausu nefario per hæreses, sectas & schismata dispergunt, quos cruce & morte sua Christus Dominus congregauit. Quos ipse designans ait: Qui non est mecum, contra me est, & qui non colligit mecum, dispergit. Hi profectò Christi et crucis eius hostes sunt omnium infestissimi, minime autem qui huius incruenti sacrificij sunt assertores & sacrificatores, qui etiam multominus irritum faciunt testamentum æternum in

Ioan. 11.

Esai. 11.

Luc. 12.

## INTERROG. VEL. PROP.

Heb. 9.

sanguine eius confirmatum, sed potius idipsum confirmant, & obediunt Christo dicenti: Hoc facite in mei commemorationem. Quàm ridiculum autem & ineptum est, quòd Velsius aduersus incruentum hoc sacrificium missæ (ipse autem delicata & incruenta pro peccatis sacrificia derisorie appellat) producit autoritatē Apostoli ex epist. ad Hebræos, ubi dicit absque sanguinis effusione, non fieri remissionem, cum (quemadmodum textus ipse declarat) loquatur de oblationibus ueteris legis. Lecto (inquit) omni mandato legis à Moysè uniuerso populo, accipiens sanguinem uitulorum & hircorum, cum aqua & lana coccinea & hyssopo, ipsum quoque librum, & omnem populum aspergit dicens. Hic sanguis testamenti, quod mandauit ad uos DEVS. Etiam tabernaculum, & omnia uasa ministerij sanguine similiter aspergit. Et omnia penè in sanguine secundum legem mundantur, & sine sanguinis effusione non fit remissio. Necesse est ergo, exemplaria quidem cælestium his mundari, ipsa autem cælestia melioribus hostijs, quàm istis. Vbi per exemplaria cælestium (secundum Theophylactum) nostram Ecclesiam designat. Horum enim & argumenta prætulerant, & figuras, Iudæi ritus, eoq; & uitulorum sanguine purgabantur olim Iudæi, & buccule cinere siue hirci, &

huc

huiusmodi uilioribus. Necesse est ergo, exemplaria quidem celestium, his hostijs mundari. Ipsa autem celestia, id est, quæ ipsius Ecclesie sunt nostra, melioribus hostijs, quàm ista. Cum enim longè sint nostra Iudaicis potiora, & tantum excellant, quanto cælum est terra præstantius (siquidem illorum terrena sunt bona, nobis uerò in sortem cesserit cælum) iure ipsi uidemur, maiori quadam immolatione dignati, Dei scilicet filij sanguine, qui nos penitus repurgauit. Porro idem sanguis Christi, qui semel in ara crucis effusus est pro multis in remissionem peccatorum, offertur etiam quotidie in sacrosancto missæ sacrificio, licet alius hic sit offerendi modus, quemadmodum iam frequentius dictum est. Nec est cogitandum quod offeratur in missa sanguis Christi, ad supplementum efficaciam sanguinis CHRISTI effusi in cruce. Nam missa celebratur tanquam uehiculum remissionis peccatorum per Christum in cruce factæ, ita quod quemadmodum non est alia hostia, ita non aliam adfert remissionem peccatorum. Nam quemadmodum CHRISTVS per proprium sanguinem penetrauit cælos, perseverans sacerdos ad interpellandum pro nobis (ut dicitur in epistola ad Hebræos capite 7. & 9.) ita perseverat nobiscum per Eucharistiam immolatio modo



## INTERROG. VEL. PROP.

modo intercedendo pro nobis. Sicut enim sufficientia & efficacia summa sacrificij in ara crucis, non excludit perseverantiam Christi in cœlis in officio interpellandi pro nobis, ita non excludit perseverantiam eiusdem nobiscum immolatio modo ad intercedendum pro nobis. Nam quemadmodum continua intercessio Christi pro nobis in cœlo, non derogat unicæ intercessioni mortis Christi, ita non, imò multò minus, eidem derogat perseverantia Christi immolatio modo ad intercedendū pro nobis, ut participes simus remissionis peccatorum, in ara crucis factæ, quando ista intercessio fit per mysterium, sub specie panis & vini. Illa autem in cœlo fit per Christum in propria specie, in qua crucifixus est. Falsissimum præterea est, assertores sacrificij missæ, ab eo, qui quod idem maneat in æternum, perpetuum habet sacerdotium, ad hominum, frequenti morte interpolandum sacerdotium, uiolenter ac contra naturam Dei; institutum homines abducere & detrahere. Non enim contra naturam, & Dei institutum agūt, sed Christi institutum sequuntur, qui dixit Apostolus & eorum successoribus. Hoc facite in mei commemorationem. Reliqua quæ habet Velsus, nimirum quòd sacerdotes nostri sint de extremis populi, non uocati à Deo, & sibiipsis usurpent honorem, quòd sacerdotium eorum non

nisi

nisi perdere potest, quòd per idolum ac idololatricam horrendam accedant ad diabolum, quòd Antichristi partium sint, atq; in illius castris còtra saluatorem nostrum Christum arma ferant: deniq; quòd omnem conscientiam semel repulerunt, & ad exemplum Achab, uenūdati sint, ut facerent malum in conspectu Domini, præterquam quod uirulentissimum ad maledicendum Velsii animum declarant, partim apertissimæ sunt calumniæ, partim horrendæ blasphemie, quibus pñ uniuersi meritò commoueri deberent.

## DE ECCLESIAE SE- ptem Sacramentis.

*Vigesimoquinto: An credat lauacrum baptismatis, esse aquam regenerantem, & purificantem, seu (vt Cyprianus vocat) undam genitalem, qua abluto conferatur gratia regenerans & iustificans, ipsi per spiritum sanctum indita.*



Hoc interrogatorio queritur primò, num aqua baptismatis sit unda regenerans, uel (ut Cyprianus ait lib. 2. epist. 2. ad Donatum) unda genitalis.

Nam

# INTERROG. VEL. PROP.

Nam Cypriani uerba sunt ista. Sed postquam unda genitalis auxilio, superioris cui labe deteresa, in expiatum pectus ac purum, desuper se lumen infudit, postquam cœlitus spiritu hausto, in nouum me hominem natiuitas secunda reparaui, mirum in modum protinus confirmare se dubia, patere clausa, lucere tenebrosa, facultatem dare quod prius difficile uidebatur, geri posse, quod impossibile putabatur, ut esset agnoscere terrenum fuisse, quod prius carnaliter natum, delictis obnoxium uixisset, Dei esse cœpisse, quod iam spiritus sanctus animaret. Hæc ille.

Porro baptismatis lauachrum, esse aquam regenerantem, ipse Christus in Euangelio suo satis euidenter indicauit, quando Nicodemus dixit. Nisi quis renatus fuerit, & cæt. Quem sequutus Paulus Apostolus, appellat baptismum, lauachrum regenerationis & renouationis spiritus sancti. Et optimè. Nam ex diuina institutione, aqua est propria materia huius sacramenti, & ipsa ratio baptismi, est quædã regeneratio in spiritualem uitã, quod aquæ humiditas maximè designat: Nam & semina, & quibus omnia uiuentia generantur animalia & plantæ, humida sunt, & ad aquam pertinent. Quod etiam ipsius aquæ proprietates, si conferantur cum effectibus baptismi, declarant. Aqua enim adhibetur lotioni, ad significandam

Ioan. 3.

Tit. 3.

et causandam ablutionem peccatorum. Habet autem uim ablutiua, ex uirtute sanguinis Christi. Sua frigiditate temperat caloris ac aestus abundantiam, ut per hoc designet, hac salutari unda, concupiscentiam fomitis mitigari. Sua diaphaneitate luminis quum sit susceptiua, indicat baptismum esse sacramentum fidei, per quam illuminamur.

Conuenienter quoque dicitur aqua purificans. Nam Apostolus Paulus in epistola ad Ephesios, dicit Christum dilexisse Ecclesiam, et seipsum tradidisse pro ea, ut illam sanctificaret, mundans (inquit) eam, lauachro aquae in uerbo uitae. De quo lauachro Dominus per prophetam longè antè prædixerat, dicens. Effundam super uos aquam mundam, et munda-  
 bimini ab omnibus inquinamentis uestris. Et  
 rursum per alium quendam. In die illa (inquit) erit fons patens domui Dauid, et  
 habitantibus Hierusalem, in ablutione peccatoris et menstruatae. Rectè proinde Augustinus et Beda affirmant CHRISTVM  
 tactu suae mundissimae carnis, non solum uim regeneratiuae, sed et purgatiuae contulisse aquae. Nam quae de saluatoris baptismo benedictio fluxit, tanquam fluuius spiritalis, omnium gurgitum tractus, uniuersorum fontium uenas impleuit. Porro aqua ista puri-  
 ficat

Eph. 5.

Ezech. 36.

Zach. 13.

## INTERROG. VEL. PROP.

Roma 6.

ficat baptizatum ab omni peccato . Moritur enim uetustati peccati , & incipit uiuere nouitati gratiæ , quemadmodum Apostolus in epistola ad Romanos indicat dicens . Quicumq; baptizati sumus in Christo Iesu , in morte ipsius baptizati sumus . Et postea concludens , subiungit . Ita & uos existimate mortuos quidem esse peccato , uiuentes autem Deo , in Christo Iesu Domino nostro . Quum autem peccatum ad pristinam uetustatem pertineat , consequitur omne peccatum per baptismum tolli . Sublato autem peccato , purgatus est homo à peccato .

Titum 1.

Deinde habet etiam interrogatorium , per hanc undam abluto conferri gratiam regenerantem & iustificantem . Quod hæc unda , quæ elementi uel materiæ loco adhibetur in hoc Sacramento designat . Quemadmodum enim aqua baptismi , per suam ablutionem ( abluit enim aqua sordes corporis ac uestis ) significat emundationem & ablutionem macularum animæ , & absterisionem sordium uitiorum , & per suum refrigerium , liberationem à pœna peccatis debita , ita quoq; naturali sua claritate ac limpидitate , splendorem designat cælestis gratiæ . Quod Apostolus in epist. ad Titum indicat , quum nuncupat baptismum lauachrum renouationis spiritus sancti , quem effudit in nos abunde , nimirum ad remissionem peccatorum consequendam , & uir-

tutum

tutum ac gratiarum copiam. Deinde cum sententia Augustini, ad hoc baptismus ualeat, ut baptizati Christo incorporentur ut membra illius, & à capite Christo, in omnia membra eius, gratiarum & uirtutum plenitudo deriuetur: de plenitudine siquidem eius (inquit ille) omnes accepimus gratiam pro gratia, manifestè consequitur, per baptismum conferri gratiam. Ioan. 1.

Rectè autè hæc gratia dicitur regenerans & iustificans, quia per hanc gratiā regeneratur & renouatur homo in nouā & spirituales uitā, & iustificatur remissione peccatorum accepta. Est autem hæc gratia ipsi per spiritum sanctum imbuta, qui mox (ut Ruperti uerbis utamur) ut uirtute sua, qua ubi uult spirat, emisit se super aquas, mirificum agit opus suæ potentiae, ut elementum inanimatum uiuificetur, non quidem uita animali, sed uirtute spiritali, fiatq; ianua regni Dei, sit thorus cælestis gratiæ, fiatq; uenter supernæ matris Ecclesiæ. Quod enim agunt uiscera materna, ut susceptum semen coalescat & uiuificetur, hoc agit elementum, hoc, superueniente sancto spiritu, ut homo natus de massa perditionis & mortis, renascatur in coetum uiuentium, & populum acquisitionis. Renascitur planè, quia spiritu mentis suæ renouatur, ut ueterem hominem cum actibus suis exuat, & induat nouum, qui secundum Deum creatus est, in-

Lib. 3. in  
Ioan.

Ephe 2.  
1. Pet 2.

Ephe 4.

## INTERROG. VEL. PROP.

De conf.  
Dist. 4.

iustitia & sanctitate ueritatis. Porro ut sacramentum perficiatur, fit accedente uerbo ad elementum. Vnde Aug. tract. 8. in Ioannem. Verbo baptisma consecratur, detrahe uerbum, & quid est aqua, nisi aqua? Accedit uerbum ad elementum & fit sacramentum. Vnde est hæc tanta uis aquæ, ut corpus tangat, & cor abluat, nisi faciente uerbo, non quia dicitur, sed quia creditur. Nam & in ipso uerbo, aliud est sonus transiens, aliud est uirtus intus manens. In duobus ergo consistit sacramentum baptismi, in uerbo scilicet & elemento. Et ut iterum ait, necessarium est uisibile sacramentum aquæ, ad ablu-tionem uisibilis corporis, sicut necessaria est doctrina inuisibilis fidei, ad sanctificationem inuisibilis animæ. Item: Renascitur homo ex aqua, uisibili sacramento, & spiritu inuisibili, scilicet intellectu, ut symbolum baptismi uisibiliter accipiat, & spiritualem intellectum ipsius symboli percipiat, uel ex aqua uisibili & spiritu sancto. Istud ergo sacramentum, neq; extra hominẽ, nec in parte hominis ponitur, sed quo totus homo, intus & exterius, uisibili sacramẽto, pariter & inuisibili uirtute, regeneratur & sanctificatur. Vnde nõ solũ sacramentorũ nucleos ruminare, sed & externorũ signorũ corticem ruminare nos cõuenit: nõ solũ interna, quæq; in occulto sunt, sed etiã externa, quæq; in oculos incurrunt

tenent



tenenda & obseruāda sunt. Caterū docere ac asserere hæc externa symbola ad sacramentum pertinere, & efficaciam undæ baptismatis ostendere, non est ab internis, quæq; in occulto fiūt, ad externa quæq; in oculos incurrūt, id est, ab eo, quo p symbola manuducendi sumus, ad symbola ipsa et manuductionē, ut in ijs acquiescam⁹, de trahere, ut calūniosissimè Velsi⁹ adscribit architecto interrogatoriorū. Nō enim dicimus hominē in ipsis symbolis acquiescere debere, sed externa symbola necessaria esse ad perficiendum sacramētum, deberēque hominem per ipsa symbola manuduci, & prouehi ad ea quæ interiūs aguntur.

Quod autem Christus aquæ adiungit spiritū, ab aqua incipiens, & in spiritum desinens (ut in quid Velsius) & ne in elemento ac symbolo hæreat, aut plusquam oportet ei tribuat Nicodemus, in quo præcipua regenerationis consistat vis ostendat, deinceps subiiciens. Quod natum est ex carne, caro est, & quod natum est ex spiritu, spiritus est, spiritui nimirum in regenerando præcipuas partes tribuens, qui quod intus peragendum est, in quo rei summa consistit, perficiat. Libenter amplectimur, nec quicquā contra nos faciunt. Nam & nos spiritui in regenerando præcipuas partes tribuimus. Vnde Theophylactus in 3. cap. Ioan. Homo (mgt) cum ex duobus

## INTERROG. VEL. PROP.

constet, ex corpore & anima, habet natiuitatis quoq; duplicem modū. Aqua enim si uisibiliter accipiat, ad corporis pertinet purificationē, spiritus uerò inuisibiliter concurrens, ad inuisibilis animæ regenerationem pertinet. Quod si rogas, quomodo aqua potest generare? interrogabo & ego quomodo semen & ipsum aquosum existens, potest in hominem transformari? Igitur sicut in corporali semine, totum est gratiæ diuinæ, ita & in baptismo, aqua subdita est, & spiritus omnia operatur, & inuocatio per preces, immo Dei præsentia. Symbola enim sepulture & resurrectionis, in aqua illa perficiuntur. Tres mersiones, triduane sepulture symbola sunt, deinde regreditur homo, sicut Dominus, fulgidior & clarior, incorruptionis ferens indumenta, qui in aqua corruptionem submersit. Hæc ille.

Non ergo in externis symbolis quiescendum docemus, neque tantum elementum seu exteriorem speciem respicimus, sed magis uerbum & spiritus sancti operationem. Non enim uirtus sacramenti adscribenda est elemento exteriori, sed Deus est qui pro bona uoluntate sua, per hæc sensibilia in uerbo fidei, gratiam inuisibilem operatur.

Vigēst-

*Vigesimosexto. An credat septem esse Ecclesiæ catholicæ sacramenta, id est, formas visibiles, inuisibilis gratiæ, quas simul significant & conferunt, videlicet baptismi, confirmationis, Eucharistiæ, poenitiæ, ordinis, matrimonij, & extremæ vñctionis.*



*A*ec septem sacramenta à Christo instituta, Ecclesia semper & credidit & religiose obseruauit, tanquam signa quædam efficacia ad hoc instituta, ut significarent in nobis certum quendam diuinæ operationis & gratiæ effectum, qui signis illis nunquam deest, nisi quid desit aut obest, in ijs qui utuntur eisdem. Est autem primum baptismus, ablutio à peccatis, & character ac inauguratio quædam ciuitatis ac militiæ regni Christi. Secundum confirmatio, spiritus sancti singularis quodammodo inhabitatio, quo Christi miles, ad perferendos huius militiæ spiritualis labores & pericula, reddatur confirmatior & magis intrepidus. Tertium Eucharistia,

## INTERROG. VELS. PROP.

animæ nostræ, uelut nutritio uegetatiôque  
 quedam & pinguedo, insuper & singularis  
 quedam ac uelut substantialis unio cum Chri-  
 sto, cum communicatione plenitudinis gratiæ  
 diuinæ, quæ in eodem exundat. Quartum pœ-  
 nitentia, per quam datur remissio peccato-  
 rum, quibus in baptismo acceptam maculaui-  
 mus innocentie tunicam. Quintum ordo, qui  
 est gradus in Hierarchia Ecclesiastica, cum di-  
 uinæ uirtutis & energia & gratia, qua distri-  
 buere possit efficaciter omnia, quamuis huma-  
 nam imò omnem creaturæ uirtutem excedant,  
 quæ ad eius officium pertinent, ut consecrare  
 panem & uinum in CHRISTI corpus, &  
 sanguinem, & Deo offerre immaculatam ho-  
 stiam, atque etiam populo eandem porrigere.  
 Sextum matrimonium est, indissolubilis con-  
 iunctio coniugum, quo eos connectit Deus, non  
 humanum arbitrium, in quo diuina gratia, car-  
 nalem usum alioqui illicitum sanctificat, & ho-  
 norabilem immaculatūq; thorum reddit. Sep-  
 timum est extrema unctio, sanantis diuinæ  
 gratiæ dulcedo, quæ aliquando etiam in cor-  
 pus redundat, & à corporali agitudine nos  
 subleuat, quando nobis hoc utile DEVS di-  
 dicat. Porro licet Velsius suadeat repudiandum  
 magistrum sententiarum, & negligendum  
 Aquinatem & Scotum, quia tamen Ecclesia  
Dei

DEI S. Thomæ Aquinatis ut uitam ita & doctrinam, ut Ecclesiæ utilem & necessariam, approbavit, subiiciemus quo ordine & qua ratione hæc septem explicet sacramenta. Sacramenta (inquit) Ecclesiæ ordinantur ad duo, scilicet ad perficiendum hominem in his, quæ pertinent ad cultum DEI, secundum religionem Christianæ uitæ: & etiam in remedium contra defectum peccati. Vtroque autem modo conuenienter, ponuntur septem sacramenta. Vita enim spiritalis, conformitatem aliquam habet ad uitam corporalem, sicut & cætera corporalia, conformitatem quandā spiritalium habent. In uita autē corporali, dupliciter aliquis perficitur. Vno modo, quantū ad personā propriam. Alio modo p̄ respectum ad totā communitatē societatis in qua uiuit, quia homo naturaliter est animal sociale. Respectu autē suiipsius, perficitur homo in uita corporali dupliciter. Vno modo p̄ se, acquirendo scilicet aliquam uitæ perfectionem. Alio modo per accidens, scilicet remouēdo impedimenta uitæ, puta egritudines uel aliquid huiusmodi. Per se autem perficitur corporalis uita tripliciter. Primò quidem p̄ generationem, per quam homo incipit esse & uiuere. Et loco huius in spiritali uita est baptismus, qui est spiritalis regeneratio, secundum illud ad Titum 3. Per lauacrum regenerationis, & cæt. Secundo

## INTERROG. VEL. PROP.

cundo per augmentum, quo aliquis perducitur ad perfectam quantitatem & uirtutem. Et loco huius in spiritali uita, est confirmatio, in qua datur spiritus sanctus ad robur. Vnde dicitur discipulis iam baptizatis Luc ult. Sedete in ciuitate, quoadusque induamini uirtute ex alto. Tertiò per nutritionem, qua conseruatur in homine uita & uirtus. Et loco huius in uita spiritali est Eucharistia. Vnde dicitur Ioan. 6. Nisi manducaueritis carnem filij hominis, & biberitis eius sanguinem, non habebitis uitam in uobis. Et hoc quidem sufficeret homini, si haberet & corporaliter & spiritaliter, impassibile uitam. Sed quia homo incurrit interdum corporalem infirmitatem & spiritualem, scilicet peccatum, ideo necessaria est homini curatio ab infirmitate. Quae quidem est duplex. Vna quidem est sanitatio, quae sanitatem restituit. Et loco huius in spiritali uita est poenitentia, secundum illud Psalmistae: Sana animam meam, quia peccauit tibi. Alia autem est restitutio uoletudinis pristinae, per conuenientem dietam & exercitium. Et loco huius in spiritali uita, est extrema unctio, quae remouet peccatorum reliquias, & hominem paratum reddit ad finalem gloriam. Vnde dicitur Iacobi 5. Et si in peccatis sit, dimittentur ei. Perficitur autem homo in ordine ad totam communitatem dupliciter,

ter, Vno modo per hoc, quod accipit potestatem regendi multitudinem, & exercendi actus publicos. Et loco huius in spiritali uita, est sacramentum ordinis, secundum illud ad Heb. 7. Quod sacerdotes hostias offerunt, nō solum pro se, sed etiam pro populo. Secundò quantum ad naturalem propagationem, quod fit per matrimonium, tam in corporali, & in spiritali uita, eo quod est non solum sacramentū, sed etiam nature officium. Ex his etiam patet sacramentorū numerus, secundum quod ordinatur contra defectum peccati. Nam baptisnus ordinatur cōtra carentiam uite spiritalis. Confirmatio contra infirmitatē animi, quæ in nuper natis inuenitur. Eucharistia contra labilitatem animi ad peccandum peccata contra actuale peccatum, post baptismum commissum. Extrema unctio contra reliquias peccatorum, quæ scilicet non sunt sufficienter per pœnitentiam sublata aut ex negligentia, aut ex ignorantia. Ordo cōtra dissolutionem multitudinis. Matrimonium in remediū contra concupiscentiam personalem, & contra defectum multitudinis, qui per mortem accidit. Quidam uerò accipiunt numerum sacramentorum, per quandam adaptationem ad uirtutes, & ad defectus culparum & pœnalitatum, dicentes, quod fidei respondet baptisnus, & ordinatur contra culpam originalem. Spei extre-



## INTERROG. VEL. PROP.

ma unctio, & ordinatur contra culpam ueniam  
 lem. Charitati Eucharistia, & ordinatur  
 contra poenalitatem malitiæ. Prudentiæ ordo,  
 & ordinatur contra ignorantiam. Iustitiæ poe-  
 nitentia, & ordinatur contra peccatum mor-  
 tale. Temperantiæ matrimonium, & ordinatur  
 contra concupiscentiam. Fortitudini confirma-  
 tio, & ordinatur contra infirmitatem. Hacten-  
 us ille. Huc adesto Velsi, qui tanto supercilio  
 hunc sanctum doctorem aspernaris, cumque  
 repudiandum suades, & si quid scientificis &  
 demonstratiuis tuis rationibus (ita enim nugæ  
 tuas appellas) potes, demonstra, explica om-  
 nes ingenij tui vires, & conuelle ista si uas-  
 les. Sed scio, non poteris. Solida enim ueritate  
 subsistunt. Porro de sacramento baptismi Chri-  
 stus loquitur in Euangelio ad Nicodemum. A-  
 men amen dico tibi, nisi quis renatus fuerit ex  
 aqua & spiritu sancto, non potest introire in  
 regnum Dei. Et iterum.

Ioan. 3.

Mat. vlt.  
 Marc. vlt.

Euntes docete omnes gentes, baptizantes eos  
 in nomine patris & filij & spiritus sancti. Qui  
 crediderit & baptizatus fuerit, saluus erit.  
 De sacramento confirmationis, quod manu-  
 um impositionis, aut etiam ex ritu (quo in eo-  
 ab initio est usa, & usq; nunc utitur Ecclesia, cõ-  
 signando uidelicet frontem confirmati ex sacro  
 chrismate signo crucis) cõsignationis dicitur, lo-  
 quitur.

quitur liber Actuum apostolorum. Cum audis-  
 sent (inquit) apostoli, qui erant Hierosolymis, quod  
 recepiisset Samaria uerbum Dei, miserunt ad e-  
 os Petrum & Ioannem. Qui cum uenissent, ora-  
 uerunt pro ipsis ut acciperent spiritum sanctum.  
 Nondum enim in quenquam illorum uenerat,  
 sed baptizati tantum erant in nomine domini  
 Iesu. Tunc imponebant manus super illos, & ac-  
 cipiebant spiritum sanctum. Itē Paulus cum uen-  
 isset Ephesum, inuenit quosdam discipulos, di-  
 xitq; ad eos: Si spiritum sanctum accepistis cre-  
 dentes? At illi dixerunt ad eum. Sed neque si spi-  
 ritus sanctus est, audiuius. Ille uerò ait: In quo  
 ergo baptizati estis? Qui dixerunt, in Ioannis ba-  
 ptismate. Dixit autem Paulus: Ioannes baptiza-  
 uit baptismo poenitentiae populum dicens, in eū  
 qui uenturus esset post ipsum ut crederent, hoc  
 est in Iesum. His auditis baptizati sunt in nomi-  
 ne domini Iesu. Et cum imposuisset illis manus  
 Paulus, uenit spiritus sanctus super eos, & lo-  
 quebantur linguis & prophetabant. De sacra-  
 menti Eucharistiae institutione habes apud Ma-  
 theum cap. 26. apud Luc. cap. 22. apud Mar-  
 cū c. 14. apud Paulū 2. Cor. 11. De sacramento  
 poenitentiae saluator apud Matt. ait: Poeniten-  
 tia agite, appropinquabit enim regnū celorum. & 4.  
 Vbi nō solū docet, ut corde poeniteam⁹, sed etiā  
 ut poenitentiā totis uirib⁹ agamus, ubi etiā certos  
 quosq;

Act. 8.

Act. 19.

Match. 23.

## INTERROG. VEL. PROP.

quosdam actuum modos ostendit, quos exigit sacramentum poenitentiae. Item Matt. 16. huius sacramenti ministros, illorum officium determinauit & instituit, dicens Petro. Tibi dabo clauis regni coelorum. Et quodcunq; ligaueris super terram, erit ligatum & in coelis, & quodcunq; solueris super terram, erit solutum & in coelis. Et iterum Matt. 18. Apostolis omnibus: Quorum remiseritis peccata, remittuntur eis, & quorum retinueritis retenta sunt. Et. Ioan. 20. Hæc cum dixisset, insufflauit & dicit eis: Accipite spiritum sanctum. Quorum remiseritis peccata, remittuntur eis, & quorum retinueritis retenta sunt. In quibus uerbis confessio sacramentalis, secunda poenitentiae pars, fundatur, & comprobatur esse iuris diuini. De hac poenitentia Christus post resurrectionem suam discipulis suis ait apud Lucam. Quoniam sic scriptum est, & sic oportebat Christum pati, & resurgere à mortuis tertia die, & prædicari in nomine eius poenitentiam & remissionem peccatorum in omnes gentes. Quibus uerbis nonne satis aperte indicat sacramentum poenitentiae, uim suam & efficaciam habere uirtute clauium spiritualium, remittendi peccata?

Luc. 14.

Quantum ad sacramentum Ordinis attinet, sciendum est Christum in ultima coena, cum porrigeret discipulis suis corpus & sanguinem suum  
sub

sub specie panis & uini, etiā præcepisse, ut in sui  
 cōmemorationē hoc ipsum facerēt, dicēs: Hoc fa-  
 cite in meā cōmemorationē. Cōtulit itaq; Chri-  
 stus sacerdos inaternū secundū ordinē Melchise-  
 dech apostolis potestatem super corpus suum ue-  
 rum, ut nimirum ex pane & uino conficerent  
 Eucharistiæ sacramentum, in quo ipse uerē su-  
 mitur, ut antea à nobis demonstratum est. Quē  
 ergo ordo præcipuē institutus sit, ad corporis  
 Christi consecrationem, quæ solis competit sa-  
 cerdotibus, consequitur Christum in ultima coe-  
 na, apostolos in sacerdotes ordinasse, & ipsum  
 ordinis sacramentum instituisse. Post resurre-  
 ctionem quoq; suam, apostolis suis tribuit pote-  
 statem super corpus suum mysticum, quod est  
 Ecclesia, dicens: Sicut misit me pater, & ego  
 mitto uos. Hæc quum dixisset insufflauit & di-  
 xit eis: Accipite spiritum sanctum, quorum re-  
 miseritis peccata &c. Hanc autem potestatem,  
 sicut & priorem constat ad ordinis sacramentū  
 pertinere. Ex quibus perspicuum est ordinis sa-  
 cramentum à Christo in Euangelio institutum.  
 Sed & Apostolus Paulus ordinis sacramentum  
 designat, ubi ait Timotheo discipulo suo scribēs  
 in hæc uerba. Noli negligere gratiam, quæ est  
 in te, quæ data est tibi per prophetiam, cum im-  
 positione manuum presbyterij Et rursus. Admo-  
 neo te, ut resuscites gratiam quæ est in te, per  
 ima

Ioan. 20.

1. Tim. 4.

2. Tim. 1.

# INTERROG. VEL. PROP.

Tit. 11

impositionem manuum mearum. Et iterū qui bene præsunt presbyteri, duplici honore digni habeantur, maximè qui laborant in uerbo & doctrina. Et post aliquanta: Aduersus presbyterū accusationem noli recipere, nisi sub duobus aut tribus testibus. Et iterū: Manus citò nemini imposueris, neque communicaueris peccatis alienis. Tito quoque scribens ait: Huius rei gratia reliqui te Cretæ, ut ea quæ desunt corrigas, & constituas per ciuitates presbyteros, sicut & ego disposui tibi. In Actis item apostolorum, spiritus sanctus dixit ministris Ecclesiæ, quæ erat Antiochiæ: Segregate mihi Paulum & Bernabam in opus ad quod assumpsi eos. Tunc ieiunantes & orantes, imponentesq; eis manus, dimiserunt illos. Et ipsi quidem missi à spiritu sancto abierunt Seleuciam, & inde nauigauerunt Cyprū. Et Paulus ipse ad maiores natu Ephesiorū

Acto. 13.

Act. 20.

Attendite (inquit) uobis & uniuerso gregi, in quo uos spiritus sanctus posuit Episcopos, regere Ecclesiā Dei, quā acquisiuit sanguine suo. Unde colligitur nō humanā, sed planè diuinā hanc esse auctoritatē ac potestātē, nec ex humano nutu pendere, quāuis humano & manū episcopaliū conferatur ministerio. Timotheus & Titus, Pauli ministerio sunt ordinati, at à Deo est illis data sacerdotalis auctoritas. Nam in grege Christi (ut Paulus inquit) posuit eos spiritus sanctus

etus Episcopos, ad regendam Ecclesiam Dei. Vnde etiam eos qui pontificali ministerio, ordinati  
 et consecrati sunt in sacerdotes et Episcopos, ab eodem Apostolo, ad eiusmodi honorem, dicuntur à Deo uocari. Nec quisquam (inquit) sibi sumit Heb. 5.  
 honorem, sed qui uocatur à Deo tanquam Aaron. Quo uerbo, neque ordinatis à se Timotheo, Tito, et ceteris, honorem, de quo loquitur, sacerdotalē et pontificium abrogat: sed quemadmodum illos, quāuis humano ministerio, tamē à spiritu sancto constitutos Episcopos affirmavit, ita eosdē hic significat uocatos à Deo. Matrimonium extra omnē cōtrouersiam sacramentū est, quoniā ipse Paulus apostolus expresso sacramēti nomine, ipsum sacramentis adnumerat, dicens in epist. ad Ephes. 1.  
 os: Viri diligite uxores uestras, sicut et Christus dilexit Ecclesiam etc. Propter hoc relinquet homo patrem et matrem suā, et adhærebit uxori suæ, et erunt duo in carne una. Sacramentum hoc magnū est, ego autē dico in Christo et in Ecclesia. De sacramēto extremæ unctionis S. Iacobus apostolus ita loquitur. Infirmatur quis in uobis, inducat presbyteros Ecclesiæ, et orēt super eū, ungētes eū oleo in nomine domini et oratio fidei saluabit infirmum, et alleuiabit eum dominus: et si in peccatis sit, remittetur ei. Sunt autem hæc sacramenta, formæ uisibiles, inuisibilis gratia, quas simul significant et conferunt.

Nam

## INTERROG. VELS. PROP.

Nā in sacramento baptismi, forma uisibilis est  
 elemētum aquae. Verbum autem ipsa inuocatio  
 Trinitatis, huic diuinæ promissioni innixa.  
 Qui crediderit & baptizatus fuerit, saluus e-  
 rit, quæ peragitur hisce uerbis à Christo tradi-  
 tis, uidelicet, ego te baptizo in nomine patris &  
 filij & spiritus sancti. Significat autem hæc for-  
 ma uisibilis inuisibilem gratiam quam confert.  
 Nam aqua corpus tingit, & faciente uerbo cor  
 abluit. Præstari autem per hoc sacramentū gra-  
 tiam spiritus sancti, & remissionē peccatorum,  
 Petrus apostolus testatur, dicens. Pœnitentiam  
 agite, & baptizetur unusquisq; uestrū in no-  
 mine Iesu Christi, in remissionem peccatorum  
 uestrorum, & accipietis donum spiritus sancti.  
 In sacramento confirmationis forma uisibilis est  
 chrisma, quod manu Episcopi in frontem con-  
 firmandi illinitur, & ex oleo oliuarum & bal-  
 samo cōficitur, & per Episcopum consecratur.  
 Hinc additur uerbum, quo hoc sacramētum tra-  
 ditur, nimirum: Signo te signo crucis, & confir-  
 mo te chrismate salutis, in nomine patris & filij  
 & spiritus sancti. Hoc sacramento datur spiri-  
 tus sanctus (qui in baptismo ad purificationem  
 & emundationē accipitur) ad robur & augmē-  
 tum uirtutis, ut aduersus peccatorum, mundi,  
 & diaboli insultus confirmemur, & facti intre-  
 pidi, nullis perturbationibus frangamur, nullis  
 tribu-



tribulationibus succumbamus, nullis deniq; ter-  
roribus ac cruciatib<sup>9</sup>, à Christo separemur. Pro-  
missio cui uerbum huius sacramenti innititur,  
& ex qua eruitur, apud Lucam legitur, dicente  
Christo apostolis: Ego mittam promissum pa- Lucæ 24.  
tris mei in uos. Vos autem sedete in ciuitate,  
quoadusq; induamini uirtute ex alto. Et iterū:  
Accipietis uirtutem spiritus sancti in uos, & Acto. 1.  
eritis mihi testes in Hierusalem, & in omni Iu-  
dea, & Samaria, & usq; ad ultimum terræ. Hæc  
autem promissionem postea in die penteco-  
stes in signo uisibili euidentissimè præstitit, ut  
quod in apostolis semel in forma sensibili factum  
esse credimus, per sacramentum confirmationis  
fieri in nobis minime dubitaremus. Nam quod in  
primitiua Ecclesia, spiritus sancti descensio in  
credentium populos donauit uniuersis, hoc in  
confirmandis neophytis, impositio manus Epi-  
scoporum tribuit singulis, unicuique tamen se-  
cundum mensuram donationis Christi. Alioqui Ephē. 4.  
Christus frustra orasset dicens: Non pro eis ro- Ioan. 17.  
go tantum, sed & pro eis qui credituri sunt per  
uerbum eorum in me, ut omnes unum sint, &c.  
Quod ex superiorib<sup>9</sup> scripturis ex Actibus apo-  
stolorum adductis comprobatur. In Eucharis-  
tiæ sacramento forma uisibilis, est panis & ui-  
num aqua mixtum, ad quæ quum accedit uerbū,  
transseunt in uerum corpus & sanguinem Chri-  
sti.

# INTERROG. VEL. PROP.

sti, & fit sacramentum. Verbum enim huius sacramenti est sermo Christi, cuius uirtute hoc sacramentum conficitur. Nomen autem huius sacramenti significat gratiam eo conferri. Quid est enim Eucharistia, nisi bona gratia? Et rectè, In eo siquidem Christus, qui gratia & ueritate plenus est, seipsum nobis exhibet, ac testatur carnem suam, quã ipse æternum patris uerbum, mortalis factus, nostri causa suscepit, pro nobis crucifixam, & sanguinem suum pro nobis in cruce effusum esse in remissionem peccatorum nostrorum. In poenitentiae sacramento forma uisibilis, sunt actus poenitentis, cuius materia sunt peccata, de quibus dolet, & quæ cõfitetur, & pro quibus satisfacit. Non enim peccata sunt materia huius sacramenti, ut acceptanda, sed detestanda & destruenda. Accedit etiam corporis ille gestus & actus, quo sacerdos absoluit confitentem, similitudinem habens cum interiori absolutione, qua Deus animam à peccatorum nexibus exuit. Nam uerba absolutoria externè prolata, Deum intus dimittentem significant. Verbum autem huius sacramenti est: Ego te absoluo, &c. Et hoc congruit uerbis, quæ Dominus dixit, uirtutem clauium ostendens, p quas sacerdotes absoluunt, Nam Petro dixit: Quod-

Matt. 16.

Matt. 18.

cunque solueris super terram, erit solutum & in calis. Et apostolis omnibus: Quæcun-

que

que alligaueritis super terram, erunt ligata & in celo, & quaecunque solueritis super terram, erunt soluta & in celo. Operatur autē sacramentum poenitentiae remissionē peccatorū, quæ absque gratia non fit per uirtutē passionis Christi, sicut & cætera sacramenta. cū scriptum sit: Ipse est propiciatio pro peccatis nostris, non solum nostris, sed etiam totius mundi. In sacramento ordinis, uisibilis forma uel elementum, maxime quantum ad maiores ordines attinet, est impositio manuum, quemadmodum plurima loca in Actis apostolicis, & apud Paulum ostendūt, paulo antē à nobis citata. Apostoli quoq; septem diebus manus imposuerunt, quēadmodū Lucas testatur dicens: Hos statuerunt ante conspectum apostolorum, & orantes imposuerunt eis manus. In ueteri quoq; testamento, impositio manuum non carebat mysterio. Nam cum præcepisset Dñs Moysi, ut tolleretur Iosue filiū Nū, uirum in quo erat spiritus Dei, ut poneret manū suā super eū, fecit Moyses ut præceperat ei Dominus. Cūq; tulisset Iosue, statuit eū corā Eleazaro sacerdote, & omni frequentia populi, & impositis capiti eius manibus cūcta replicauit, quæ mādauerat Dominus. Sed & Christo in Euangelio leguntur paruuli oblatis, ut imposeret eis man⁹ & oraret. Mysteriū impositionis man⁹ B. Amb. in lib. de Dignitate sacerdotali cap. 5. explicat

Acto. 6.

Num. 27.

Matt. 29.

## INTERROG. VEL. PROP.

in hæc uerba. Homo imponit manus, Deus largitur gratiam, sacerdos imponit supplicem dexteram, & Deus benedicit potenti dextera, Episcopus initiat ordinem, & Deus tribuit dignitatem. Deinde etiam unctio, quæ adhibetur sacerdotio initiandis, elementum est ordinis, quæ ab unctioe legis originem habet, non recens complementum, sed in Ecclesia catholica à tēpore apostolorum celebrata. Verbum in hoc sacramento, desumptum est, ex uerbis Christi dicentis ad apostolos suos apud Ioannem cap. 20. Accipite spiritum sanctum, &c. Nam Pontifex ei qui consecratur in sacerdotem, dicit: Accipe spiritum sanctum, quorum remisero peccata, remittuntur eis, & quorum retinueris, retenta sunt, &c. Virtus siue efficacia ac effectus huius sacramenti, est gratia diuina, ordinato collata, qua efficacia & rata sunt quæcunq; ordinatus, secundū Christi & Ecclesiæ institutionem, gerit in Ecclesia. De hac gratia apostolus ad Timotheum ait:

1. Tim. 4. Noli negligere gratiam quæ in te est, quæ data est tibi per prophetiam, cum impositione manus presbyterij. Vbi per prophetiam, sanctorū electionē intelligit. Sic enim in principio nascentis Ecclesiæ, electiones celebrabantur, nec facile aliquis assumebatur ad episcopalem dignitatē, nisi per electionem diuinam, quam apostolus prophetiam appellat. Impositio autem manu-

um,

um, gratiæ collationem significabat. Vnde iterū ad eundem scribit: Admoneo te ut resuscites gratiam Dei, quæ in te est, per impositionem manuum mearum. Non est autem hæc gratia propriè iustificans, sed uelut energia quædam, ad functiones eius quod ordinatus suscepit officij, in utilitatem Ecclesiastici corporis, membrorumque eius, efficaciter obeundas, necessaria. Christus siquidem illis primis sacerdotibus suis, dimittendi hominibus peccata auctoritatem confrens, cū præuio insufflationis actu. Accipite (inquit spiritum sanctum: non equidem ad iustificationis effectum, ad quem iamdudum spiritum sanctum acceperant, sed ad hoc, ut quorum remitterent peccata, ea remissa forent, & quæ retinerent, retenta. Quemadmodum ad doni linguarum fortitudinis cæterorumque charismatum, ipsis, ad Euangelicæ doctrinæ in orbem uniuersum (ad quod destinabantur) propagationem necessariorum, paulò post in die pentecostes eundem spiritum sanctum iterum acceperunt. Quæ tamen ipsa charismata, etiam in peccatoribus fuisse & perdurasse, qui in die iudicij à Christo audituri sunt, Quia nunq̃ cognoui uos, discedite à me operarij iniquitatis. Idem ipse Christus nobis certissimus testis est. Operatur ergo hæc gratia, non tantū in bonis, sed & in malis sacerdotibus. Nam et si mali sacerdotes spiritu careāt, quo ipsi san-

2. Tim. i.

Matt. 7.

## INTERROG. VEL. PROP.

Eti sint, habent tamen spiritū sanctum, qui ministris, quæ per eos aguntur, adstipit. Porro qui dignè & ut oportet, ordinis sacramentum suscipiunt, non solum illam gratiā efficaciter exequēdi, quæ ad suum munus spectant, accipiunt, sed etiam eam quam Gratumfacientem uocant, quæ dignè & salubriter, illud ipsum adimplere ualeant, cum augmento præexistentis in eisdem gratiæ & charismatum.

In Matrimonij sacramento elementi uel materiæ locum obtinent personæ contrahētes, ipsa uerò contrahentiū uerba, quibus mutuus consensus exprimitur, sunt forma. Est enim uerbum huius sacramenti, quo accedente ad elementum fit sacramentum, id nimirum, quo ambo mas & femina, sibi mutuò fidem coniugalem dant accipiuntq; & legitime coniunguntur, seu in nomine Patris & filij & spiritus sancti copulantur. Est autem tale uerbum, Christi uerbis uti, firmissima basi subnixum, cum inquit: Quos Deus coniunxit, homo nō separet. Quibus sanè uerbis sacramentū matrimonij nouæ legis ualidissimè stabilitur, et Christianorū cōiūgia, ab omniū aliarū gentiū connubijs, separantur. Quo etiā ostenditur, quod q̄cūq; legitimo cōiugio copulatur, eos nō temerè, neq; humanis tātum cæremonijs, sed ipso Deo inuisibiliter assistēte, & insensibiliter cooperāte coniūgi: atq; etiam Deū non solū

inter-

interesse, sed & præesse legitimè contracto coniugio. Deinde eodē Christi uerbo principalis res seu uis Christiani matrimonij declaratur, quæ est indissolubilis firmitas fœderis, seu uinculi cōiugalis, insigni Dei gratia redimita. Nā si Deus coniuges sic nectit ac copulat, ut nulli hominum potestas sit eos separandi, omnino consequens est, ut eisdem à se coniunctis coniugibus, eam etiam gratiam impertiatur, qua sibi hoc mutuò atque inuiolabili fœdere, per pium ac castum amorem perpetuò coherere, seq; mutuò ad eum modum, quo Christus Ecclesiam, pro suo modulo complecti ac diligere possint, ab omni immunditia alieni. Magnum est ergo sacramentum, duos esse in carne una, hoc est, duos Deo iungente, in unam carnem constringi nectique: non secus quàm CHRISTVS & Ecclesia, indissolubili affectus & naturæ communionē, una & caro & corpus efficiuntur. Denique in sacramento extremæ unctionis, quòdnam sit elementum, & uerbum, Beatus Apostolus Iacobus uerbis suprā citatis insinuat. Nam exprimit omnia quæ ad sacramenti rationem pertinent: nempe sensibile signum, in unctione olei consecrati, quod est materia huius sacramenti: formam quoque quam dicit esse orationem, unde addit: Et orent super eum. Et quia dominus Deus præ-



# INTERROG. VEL. PROP.

Esaiæ 7.

cipue operatur in sacramentis suis, quorum ipse est autor, ideo subiungit: Vngentes cum in nomine Domini, & alleviabit eum Dominus per misericordiam suam. Postremo effectum siue fructum principalem huius sacramenti subnectit, dicens: Et si in peccatis sit, remittentur ei. Hic est enim omnis fructus (ait Prophetæ) ut tollatur peccatum. Hunc fructum significat oleum, quo delinitur qui morbo afficitur. Solet enim oleum sanitati haud parum conferre, & infirmis auxilio esse. Ex quibus omnibus constat septem esse Ecclesiæ catholicæ sacramenta, hoc est, septem esse formas visibiles, invisibilis gratiæ quas simul significant & conferunt, quemadmodum nunc singulatim declarauimus. Porro licet certissimum sit, & indubitatum meritò apud omnes esse debeat, hunc septenarium sacramentorum numerum, non nuper cœpisse, sed multis retrò seculis, magno cōsensu ab initio nascentis Ecclesiæ, p uniuersam Ecclesiam, absq; ulla quæstione & controuersia, creditum & obseruatū, & ad hoc comprobandum priscorum patrum & aliorum eos sequentiū autoritates, et sententias huc producere possēmus, unicum tamen irrefragabilem testem ueritatis (quem Velsius contra ueritatem & plerunque insyncerè citat) huc adducere placuit, & quid ille de sacramentis istis

et ritu eorundem scripserit summam subi-  
ciemus. Is est insignis ille doctor et Martyr  
S. Dionysius Areopagita, gentium doctoris  
Apostoli Pauli discipulus, et Atheniensium Epi-  
scopus ac Galliarum Apostolus. Hic itaque in lib.  
Ecclesiastica Hierarchia, de baptismo (quod vo-  
cat sacramentum regenerationis et illuminatio-  
nis) capite secundo, diuinam et sufficientissi-  
mam compleuit determinationem.

Sacramentum Confirmationis, nuncupat charis-  
matum et donorum spiritus sancti, de quo agit  
cap. 4. sub nomine dignissimi unguenti, ac conse-  
crandi munus, teleten, ab effectu rei, quæ in eo  
perficitur nominati. Telete siquidem perfectio  
et sanctificatio interpretatur. Ipsi (inquit) qui  
sacratissimo regenerationis mysterio consecra-  
tur, aduentum sancti spiritus, consummans inun-  
ctio largitur unguenti, subsignificante (quantum  
arbitror) sacra descriptione signorum, ab ipso qui  
propter nos in assumpta carne, diuino spiritu san-  
ctificatus est immutabili substantialis Deitatis  
habitu, sanctissimum spiritum dari. Hactenus il-  
le. Et solebat hoc sacramentum dari, statim post  
regenerationis lauachrum, maxime quando ad-  
ulti baptizabantur. De Eucharistia sacramen-  
to, quod sanctissimam synaxim et communio-  
nem nuncupat, determinat cap. 3. De sacris ordi-  
nibus agit quinto capite, nimirum de consecratio

# INTERROG. VEL. PROP.

Ioc. 5.

ne Pontificis, consecratione sacerdotis, & consecratione ministri, ubi etiam sacrorum ordinum mysteria explicat. Vnctionis extremæ sancto Christianitatis uoto dignæ, ritus recenset capite 7. Fiebat eo in tempore, supra iam dormientes ( ut Stapulensis asserit ) corporibus magnam munditiæ cura, ab illuuiibus (quas terrenæ mortis necessitas, & dissolutionis claustri uitæ uolentia, plerunque secum adferre solent) purgatis, & ad uiuificationis nostræ matrem adductis. Nunc uerò faciunt super extremè ( ut humana fert coniectura ) laborantes inducti beatissimi Iacobi Apostoli auctoritate, dicentis : Tristatur quis uestrum, & cat. Et dubium non est, utramque inunctionem, tempore apostolorum fieri solitam. Sed cum pro salute infirmantium, suffragia presbyterorum & inunctio petebantur, non preestolabatur summa rerum desperatio, imò ut in libris mysteriorum legitur, Ecclesiæ longissimus fuit mos, presbyteros, orationes & inunctionem, per septem dies (si oportere uidebatur) continuare pro salute infirmantium, ad Deum uotis & inuocationibus supplices. Porro quia poenitentes de ordine purgandorum sunt, & extra Ecclesiasticam Hierarchiam, neque diuinorum contuitu, neque tanto magis deifica communionis participatione dignati

gnati (ut ex sexto capite cognoscitur) non uideatur pium patrem de eorum pœnitentia, amplius protrahere oportuisse sermonem, & sanctissimis inferuisse teletis. Quæ quidem suscipiendorum perficientium sacramentorum potius præparatio quædam, introitus & ianuam quàm sacramentum esse uidetur. Hic autem de sacramentis, aut mundorum, aut quæ statim mundant, & sacrorum consortium tradunt, prosequutus est determinationem. Quæ quum ita sint, nihilominus tamen circa peccatorum remissionem, prouisum est sacramentum, quemadmodum superius ostensum est, quod ritè appellari potest, & remissionis peccatorum, & reconciliationis sacramentum. De quo tamen exactam determinationem non facit, quia exploratum habebat beatissimus pater, sacramentum reconciliationis, non statim mundos & pueros efficere, & cõunionis participes, quod baptismo, cõfirmationi, Eucharistiæ, sacro ordini, & ad beatam quietem unctioni conuenit, de quibus solis exactam suscepit determinationem. Matrimonium autem, in sua significatione, Ecclesiæ sacramenta, quodammodo debebat præuenire. Ecclesia enim sponsa Christi est. Christus autem prius sponsam delegit, quàm sacramenta ad ipsius & suæ prolis ueram sanctificationem instituerit. Porro de sacramentorum signis aut formis uisibilibus

## INTERROG. VEL. PROP.

bilibus, beatissimus pater in eodem lib. cap. 2. parte. 3. ita loquitur. Nos (inquit) sacris ascensibus uisibilium rerum aspicientes initia, ubi ea sacratiore modo didicerim<sup>9</sup>, sciemus quæ nã exemplaria, formæ huiusmodi, & quæ inuisibilia, imagines istæ significant. Sunt enim (ut in libro de Intelligibilibus & sensibilibus apertè docuimus) uisibilia sacramenta, intelligibilium imagines quædã, quibus ad ea recto itinere ducimur. Porro intelligibilia, uisibilium sacramentorum, initium sunt atque scientia.

Cæterum in tertio tomo Conciliorum, habetur Decretum Eugenij papæ quarti, in quo septem sacramentorum ueritas, sub breuissima re digitur formula. Ibidem quoq; in Concilio Pronunciali Senonensi cap. 10. agitur de septem sacramentis à Christo institutis, & ostenditur illa conferre gratiã obicem non ponenti. At Vel sius, duo salutis nostræ continentia mysteria, baptismum nimirum & cœnam domini, citra omnem controuersiam esse statuit sacramenta, reliquas ordinationes bonas & uerbo Dei consentaneas, suo loco, quo scriptura eas habendas docet, habens, cum nullo, qui & ipse hoc faciat, digladiaturus, si sacramenta ea appellari uelit: quòd iubeat Paulus ne uerborum pugnas sequamur, &c. Sacramentum tamẽ ordinis, apud nos iam diu desisse sacramentum esse, quod de extremis popu-

populi, id est, hominum facce, qui à Deo uocati ad ministerium nō sunt, si manum impleuerint, <sup>2. Tim 2.</sup> assumentes, contra Christi & Apostolorum institutum, sacerdotes faciamus, ita ut externa illa adhibenda, præter ludibria mera nihil sint et circulatorum præstigijs, quàm sacramentis similiora, ut taceat interim ad unum omnes, qui à nostris ordinantur, simoniacos esse, nosq; ordinationes huiusmodi uendentes, Iudæ furis & proditoris æmulatores esse. Quid quæso pie lector, hoc aliud quàm mera est calumnia, imò & blasphemia? Non enim externa illa adhibenda, sunt ludibria cēsenda, neq; circulatorum præstigijs assimilanda, sed sacrosanctæ ceremoniæ, quæ in ordinatione sacerdotum adhibentur, ex institutione apostolorum, quemadmodū ex Dionysio Areopagita constat. Has ergo taxans Vel <sup>Eccl. Hierar. capis.</sup> flus, non intelligit, non tam taxari eos qui hodie uiuunt, quàm ipsos apostolos, & illorum successores, quorum uestigijs insequimur, qui nobis hos ritus tenendos tradiderunt: falsissimum quoq; est apud nos sacramentū ordinis destitisse esse sacramentum, neq; unquam hoc Vel flus cōprobabit: nec minus falsum, quod contra Christi et apostolorum institutum sacerdotes faciamus. Licet enim tam ignobiles quàm nobiles ad sacerdotium admittantur, non tamen hoc fit contra Christi institutū, q̄ ignobiles piscatores elegit, quos

## INTERROG. VEL. PROP.

quos sacerdotes & Episcopos ordinauit, & Paulus dicit. Videte uocationē uestram fratres, quia non multi sapientes secundū carnē, nō multi potentes, nō multi nobiles, sed quæ stulta sunt mundi elegit Deus ut confundat sapientes, & infirma mundi elegit Deus, ut confundat fortia & ignobilia mundi, & contemptibilia elegit Deus, & ea quæ non sunt ut ea quæ sunt destrueret, ut non gloriatur omnis caro in conspectu eius.

## DE VENERATIONE & inuocatione sanctorum.

*Vigesimo septimo.* An credat gloriosam virginem matrem, apostolos, martyres, aliosq; sanctos apud Deum viuentes, piē venerandos, & ad patrocinādum pro nobis apud Deum, implorādos & inuocādos esse: & an credat Vigilantiū aliter sentientē, iure ab Ecclesia damnatum fuisse.

Matt. 22.

19.



Ancti qui obdormierunt in domino, non sunt mortui appellandi, quia uiuunt apud Deū. Nam Christus in euangelio dixit: Deus Abraham, Deus Isaac,



Et Deus Iacob non est Deus mortuorum, sed uiuentium. Omnes enim illi uiuunt. Nō sunt ergo tam uilibus contemptis, imō prophanis uocibus homines mortui appellādi, quēadmodū prophani faciunt heretici. Deniq; ut Hieronymus ait, sancti non appellantur mortui, sed dormientes. Vnde et Lazarus qui resurrecturus erat dormisse perhibetur, et Apostolus uetat Thessalonicenses de dormientibus contristari. Porro sancti isti apud Deum uiuentes, pie uenerādi sunt, quod etiam Velsius hoc loco admittit, non ignorans, quod quicquid excellit, et diuinis uirtutibus conspicuum est, uenerationem iustam habere, quod nec Ethnici ignorarunt philosophi. Sed non aliā uerā et legitimam ex sacris literis eius faciendi proponit rationē, quā ut in ipsorum, sanctē pieq; actam uitam, quāq; pro Christo et ueritate, uel passi sunt, oculis animi intuentes, illorum imitatores efficiamur, quemadmodum et ipsi fuerunt Christi. Sic enim (inquit) et caput obtinebit, quod uniuersa hac ueneratio, in Christi boni omnis, et excellentiæ autoris ac fontis, gloriam redundet, et maximā inde utilitatem reportabit, huiusmodi imitatione cum Christo seipsisq; coniūgens. sed et uiuus lapis ad exedificationis complementum, cœlestis illius Hierusalem ciuitatis nouæ redditus, illorum quā maximē desiderio ac uotis responde-

bis.

## INTERROG. VEL. PROP.

*bis. Hæc ille. Sed Vnde hoc comprobabit? unde affirmabit? fortè aliquando interfuit Concilio sanctorum, quando eò promotus fuit, ut ad dexterā Dei patris in caelestibus confidentem Christum conspiceret, ubi factus etiam sit de sanctorum uoluntate & sentētia certior. Et nos quidē ingenuè fatemur, sanctos esse imitandos. Imò etiam sanctorum honorificentia, prodest nobis ad imitationis studium, quo ardenter accendimur, cum ipsorum uirtutes, nostræ mentis oculis obijciuntur. Sunt enim egregia sanctorum opera, tanquam sacræ quædam faces, nos ad emulationem sequendamq; uitā eorum, suo feruore succendentes. Sed hic imitationis cultus, non est duntaxat sanctis impendendus. Nam prosequendi etiam sunt laudibus, præconijs & honoribus. Agimus quoque eorum memōrias anniuersarias celebrando eorum festiuitates, osculamur & colimus sacrosanctas eorū reliquias, ac auro, argento, margaritis, & purpura includimus, basilicas & martyria, in quibus Christus adoratur & colitur, eorum nominibus denominamus, imagines quoque quibus representantur, statuimus, ab adoratione tamen & sacrificijs, quæ soli Deo debentur, prorsus abstinemus. Reliquos quoq; seruitutis nostræ honores & cultus principiò & ante omnia Deo debemus, non autem soli. Quales sunt diligere, uenera-*

uenerari, honorare, laudare, prædicare, timere, obedire, & his similia. Taliū enim uoluit creaturas quasdā propter bonitatem suam fieri participes, ita tamen ut ipse supremum in eis fastigium obtineret ac præcipuè spectetur. Hinc est quòd Deum diligimus & proximum, licet non eodē modo. Diligimus eū Deū super omnia propter se, proximū uerò post Deum, & propter eundē. Est autē diligere cultus quidā. Laudamus et ueneramur cultores Dei, sed propter Deum ipsum uerò magis. Honoramus parētes, sed secū dū Deum, nec aliter eos colimus. Obedimus suis quisq; præpositis, Deū potius cogitantes, quā ipsos, qui præposuit illos super capita nostra. Nā diuina ordinatione præpositi cōstituuntur. Recipimus apostolos, propter illū qui misit illos. Nā qui accipit (ut Christus inquit) si quē mi sero, me accipit. Et quis meritò negabit omnia ista esse cultus quosdā? Porro huius generis est etiam ueneratio sanctorū. Quòd enim colimus, quòd tantopere ueneramur sanctos, in nullius creaturæ gratiam facimus, neque planè ob id quòd per seipsos uideantur nobis hoc honore digni, neq; quiescētes in sanctis, ponimus carnē brachium nostrum, sed ueneramur in sanctis, sanctum illū sanctorū, in quē omnis honor redūdat: ueneramur seruos propter Dominū, filios propter patrē, dilectos propter diligentem, sanctos

D d d propter

propter eum qui sanctificauit eos. Et si enim uita sanctitate, multisq; alijs uirtutibus, beati illi homines fuerint in uita & in morte spectabiles, ingenuè tamen profiteamur hæc omnia à Deo profecta, eius esse dona, & ad ipsum rursus referenda. Propter eiusmodi autem uenerationem nihil expectamus à sanctis, quod reddant nobis de suo, quos scimus nihil habere quod non acceperint, sed Dominus est, qui hæc libenter aspicit & remunerat, cuius est ista uoluntas, imò qui procurat in nobis, ut suos electos, tali honore afficiamus. Hæc est enim exigua quedam pars præmij, quo ipsos Deus honorat, secundum illud: Qui me honorificauerit, honorificabit eum Pater meus, non tantum in cœlis (quanquam ibi præcipue) sed etiam in terris ita uidelicet, quæ excitat pios homines in laudes sanctorum in quibus ipse refulget. unde tantum concipiunt sancti uoluptatis & gaudij, quantum Deus inde honoratur. Non amat enim nisi in ipso uenerari & coli. Ille ergo autor est, nos ministri, ille inspirat, ille dirigit & promouet nostras actiones, ille ducit, nos ducentem uolentes sequimur, ille inuitat multò manifestius per diuinæ potestatis miracula, quam si uoce loquatur, nos obtemperamus illud animo uersantes, omnino debere honorari, quos Rex regum uult esse honoratos, ut consequens sit, à patre cœlesti dissentire illos, qui sanctis negant suam uenerationem.

Si quis mihi (inquit) ministrauerit, honorificabit eum pater meus qui est in coelis. Filij Dei ministri fideles & seduli (quales proculdubio fuerunt sancti Dei omnes) post decursum presentis uitae stadium, honore caelestis praemij & immarcescibilis gloriae afficiuntur à Deo, nonne dignum & iustum est, eosdem quoque honorificare filij Dei famulos & ministros adhuc in presentis uitae curriculo desudantes, ut conformes sint caelesti patri, & bonitati illius respondeant? Improbi enim & maleuoli sunt serui illi, qui dedignantur honorare eos quos Dominus eorum, singulari beneuolentia complectitur, & insigniter honorat. Porro cum non dubitemus sanctos omnes, à patre caelesti esse mirifice honorificatos, æquum & iustum est, ut ipsis dignum honorem impendamus, ut eo studio conformemur Deo, sanctorum omnium glorificatori.

Denique Regius ille Psalter in spiritu Dei loquens de apostolis Dñi et uiris apostolicis. Mihi (inquit) nimis honorati sunt amici tui De⁹, nimis confortatus est principatus eorū. Vbi eos eadē nomē clatura dignatur, qua Christ⁹ in Euāgelio, ubi ait: Vos amici mei estis, si feceritis quae ego precipio uobis. Iam nō dicam uos seruos, quia seruus nescit, qd faciat Dominus ei⁹. Vos autē dixi amicos, quia omnia quae audiui à patre meo, nota feci uobis. Si ergo amici Dei sunt sancti, & à sancto

Ioan. 12.

Psal 138.

Ioan. 15.

## INTERROG. VEL. PROP.

propheta nimis honorati, quid moramur, quid deferimus etiam ipsos honorare tãquam amicos Dei regis omnipotentis? Precipue cum istiusmodi honor redundet in ipsum Deum, sanctorũ sanctificatorem & glorificatorem? Qui enim laudat insigne opus, pariter & ipsius operis laudat autorem, quod (ut uulgò fertur) ingenium artificis nobile prodat opus. Cũ itaq; Deus sit primus & precipuus autor, admirandæ sanctorum excellentiæ, quippe qui illis largiorem contulit gratiã, qua ad tantæ sanctitatis culmen & apicẽ sunt euecti, consequitur, encomia illa sanctorũ & honorem qui illis impenditur, ob anteaclæ uitæ excellentiam, & gloriæ cœlestis (qua nũc potiuntur) eminentiã, ad Deũ etiã pertinere, tãquam primum sanctorum autorem, & totius sanctificationis fontẽ. Vnde ad hũc præcipuã nostræ intentionis aciem dirigere debemus. Porro si sanctis honor delatus redundat, ac refertur in Deũ, uicissim quoq; sanctorũ inhonoratio ac cõtemptus in eundem cadit. Qui enim dicturus est: Amẽ dico uobis, quãdiu fecistis uni de his fratribus meis minimis, mihi fecistis: etiam dicturus est reprobis. Amen dico uobis, quamdiu non fecistis uni de minoribus his, nec mihi fecistis. Ut perspicuum sit, quemadmodum honor impensus sanctis, ipsi quoq; Deo impendatur: si enim nõ perdet mercedem suam, qui potum dederit calicem aque

Matt. 25.

Mat. 10.

aque frigide tantum in nomine discipuli, proculdubio non defraudabitur sua apud Deum mercede, qui sanctos Dei amicos condigno afficit honore: ita quoque ediuerso si quid debiti honoris sanctis subtrahatur, itidem quoque ipsi Deo subtrahi: quodque negatur sanctis honoris obsequium, Deo quoque negari, imò contemptum & blasphemiam in sanctos deriuari in Deum. Quemadmodum enim persecutionem suis membris illatam, sibi quoque irrogari testatur ad Saulum de cœlo proclamans: *Saule Saule, Acto. 9.* quid me persequeris? Et: Ego sum Iesus Nazarenus, quem tu persequeris. Ita inhonorationem sanctorum suorum in æterna beatitudine secum regnantium, sibi reputat irrogatam. Et uide quàm grande sacrilegium admittunt sanctorum aspernatores, quiq; eis debitum honorem denegat, & animaduerte quàm bene illis conueniat cum promissis Christi, cum Euangelij documentis. Siquidem Christus nonne sub *Luc. 12.* patrifamiliâs parabola, se ijs ministraturum dicit, quosquos è famulis inuenerit uigilantes, & sanctis in æternam beatitudinem auctoratis, ministerium uenerationis denegabis? Beati (inquit) serui illi, quos cum uenerit Dominus, inuenerit uigilantes. Amen dico uobis quod præcurret se & faciet illos discubere, & transiens ministrabit illis. Nonne uides Christum hoc loco



## INTERROG. VEL. PROP.

tibi euidenter exemplum præbuisse honorandi  
sanctos? Nam humilis Dominus se præcinget,  
ut sanctis & amicis suis famuletur, & tu per-  
tinax sanctorum contemptor, animum obfirmasti  
ut sanctis & electis insultares? Creator à se  
conditæ creaturæ accubitus parat, & tu crea-  
tura quoque Dei, creatorem in sanctis suis mira-  
bilem aspernaris? Illic redemptor transiens mi-  
nistabit, & tu uesane homuncio, quos honora-  
re redemptor mandat, recusas honorare? Quos  
regius propheta Deos uocat, & filios excel-  
sos omnes, quos Deus (teste Paulo) præde-  
stinavit conformes fieri imaginis filij sui, quos  
denique Christus apud Matthæum & Mar-  
cum fratres suos, sorores, & matres appel-  
lat, nonne tu hos tanquam diuinæ excellen-  
tiæ quodammodo consortes, dignis celebra-  
bis encomijs & laudibus, & suis prosequeris  
honoribus?

Psal. 81.

Roma. 8.

Matth. 12.

Matth. 3.

Itaque laudare & prædicare sanctorum uir-  
tutes prodest quidem ad confirmationem fidei,  
& ad imitationis exemplum, quo prouocemur  
ad eorum fidem & sanctimoniam imitandam,  
& ( ut Velsus ait ) ut in ipsorum sanctæ piæ-  
que actam uitam, quæque pro Christo &  
ueritate eiusque iustitia, uel egerint, uel pas-  
si sint, animi oculis intuentes, illorum imi-  
tatores efficiamur, sed non est hic uenera-  
tio

tionis modus solus, sed pluribus etiam alijs modis ( uti diximus ) ueneramur sanctos . Est quoque uerum, uniuersam hanc imitationis uenerationem, in Christi, omnis boni & excellentiæ autoris ac fontis, gloriam redundare, sed non minus uerum quoq; est, alios uenerationis modos à nobis explicatos in eiusdem etiam gloriam quàm maximè redundare. Nam omnes sanctorum honores, quos recensuimus, quòsque sanctis exoluimus, non tam ipsis sanctis (ut dictum est) quàm ipsi Deo sancto sanctorum, neq; tam creaturæ, quàm creatori, & artifici potius, q̃ operi, impendimus, cuius bonitatem, uirtutem, potentiam atq; maiestatem, cum oporteat in omnibus operibus eius laudare & prædicare, illic tamen ubi hæc magis elucent, ubi bonitas, uirtus, & potentia maior apparet, æquum est ut laus & ueneratio maior reddatur. Apparet enim ille in magnis, admirandus & magnus, in maioribus maior, in maximis uerò ter maximus, & incomprehensibiliter gloriosus. Non conquiescunt igitur honores isti in sanctis, sed pertranscunt ipsos quodammodo, & in Deum referuntur, cui debemus gratiarum actionē pro suis beneficijs, quæ gratuito sanctis suis, quos uoluit donorum suorum esse uelut sacraria quædā, impendit, atq; in hoc fine q̃escit tandē omnis iste honor, qui sanctis uidetur exhiberi. Valet

## INTERROG. VEL. PROP.

quoque ad alia non postremo loco habenda, nimirum ut meritis eorum confociemur, & orationibus adiuuemur, sed præcipue ad magnificandum & prædicandum, ut dictum est, sanctum sanctorum Deum deorum in Sion. Porro non est nouitius hic uenerationis modus qui sanctis impenditur, neq; nuper natus, sed longè ante tempora Hieronymi per orbem Christianum receptus, quem impius hæreticus Vigilantius ferre non sustinens, & sanctorum gloriæ inuidens, aduersus eum blasphemando erupit in hæc uerba. Quid necesse est tanto honore, non solum honorare, sed etiam adorare illud nescio quid, quod in modico uasculo transferendo colis? Et rursum. Quid puluerem lini heamine circumdatum adorando oscularis? Et in consequentibus. Propè ritum gentilium uidemus, sub prætextu religionis introductum in Ecclesiis, sole adhuc fulgente, moles cereorum accendi, & ubicunq; puluisculum nescio quid in modico uasculo pretioso lini heamine circumdatum, osculantes adorant. Magnum honorem præbent huiusmodi homines beatissimis martyribus, quos putant de uilissimis cereolis illustrandos, quos agnus qui est in medio throni, cum omni fulgore maiestatis suæ illustrat. Hactenus ille. Sed S. Hieronymus perdurus omnium hæreticorum malleus, & ipsius blasphemiam contudit, & laudabilem Ecclesie

*clesiæ cōsuetudinem comprobauit, dicens: Quis,  
 ô insanum caput, aliquādo martyres adorauit?  
 Quis hominem putauit Deum? Nōne Paulus  
 & Barnabas, cum à Lycaonibus Iuppiter &  
 Mercurius putarentur, & eis uellent hostias im-  
 molare, sciderunt uestimenta sua, & se homines  
 esse dixerunt? Non quòd meliores non essent,  
 olim mortuis hominibus Ioue atque Mercurio,  
 sed quòd sub gentilitatis errore, honor eis Deo  
 debitus deferretur. Quod & de Petro legimus, Act. 10.  
 qui Cornelium se adorare cupiētem, manu sub-  
 leuauit & dixit: Surge, Nam & ego homo sum.  
 Et audes dicere, illud nescio quid, quod in mo-  
 dico uasculo transferendo colis? Quid est illud,  
 nescio quid, scire desidero? Expone manifestius,  
 ut tota libertate blasphemēs, puluisculum ne-  
 scio quid in modico uasculo, pretioso linthea-  
 mine circumdatum. Dolet martyrum reliquias,  
 pretioso operiri uelamine, & non uel pannis  
 uel cilitio colligari, uel proijci in sterquilini-  
 um, ut solus Vigilantius dormiens & ebrius ado-  
 retur. Ergo sacrilegi sumus, quando Apostolo-  
 rum basilicas ingredimur? Sacrilegus fuit Con-  
 stantinus Imperator, qui sanctas reliquias An-  
 dree, Lucæ & Timothei transtulit Constā-  
 tinopolim, apud quas dæmones rugiunt, & c.  
 Sacrilegus dicendus est & nunc Augustus Arca-  
 dius, qui ossa beati Samuelis longo post tempo-*

## INTERROG. VEL. PROP.

re de Iudæa transtulit Thraciam. Omnes Episcopi non solum sacrilegi, sed & fatui iudicandi, qui rem uilissimam & cineres dissolutos, in serico & uase aureo portauerunt. Stulti omnium Ecclesiarum populi, qui occurrunt sanctis reliquijs, & tanta letitia sunt iucundati, quasi præsentem uiuentemque prophetam cerne-  
rent atque susciperent, ut de Palestina usque ad Calcedonem, iungerentur populorum examina, & in Christi laude una uoce resonarent? Videlicet adorabant Samuelem & non Christum, cuius Samuel & Leuita & Prophetes fuit? Et post multa de cæcis loquens: Quod si aliqui, inquit, propter imperitiā & simplicitatem secularium hominum, uel certè religiosarum fœminarum, de quibus uerè possumus dicere, Confiteor zelum Dei habent, sed non secundum scientiam, hoc pro honore martyrum faciunt, quid inde perdis? Causabantur quondam & apostoli, quòd periret unguentum, sed Domini uoce correpti sunt. Neque enim Christus indigebat unguento, nec martyres lumine cæcorum, & tamen illa mulier in honore Christi hoc fecit, deuotiōque mentis eius recipitur. Et quicumque accendunt cæcos, secundum fidem suam habent mercedem, dicente Apostolo, Unusquisque in suo sensu abundat. Et post pauca: Illud faciebat idolis, & idcirco detestandum est,  
hoc

hoc fit martyribus, & idcirco recipiendum.  
Nam & absque martyrum reliquijs, per totas orientis Ecclesias, quando legendum est Euangelium, accenduntur luminaria iam sole rutilante, non utique ad fugandas tenebras, sed ad signum letitiæ demonstrandum. Vnde & uirgines illæ Euangelicæ, semper habent accensas lampades suas. Et ad Apostolos dicitur: Sint lumbi uestri præcincti, & lucernæ ardentes in manibus uestris. Et de Ioanne Baptista. Ille erat lucerna ardens & lucens, ut sub typo luminis corporalis, illa lux ostendatur, de qua in Psalterio legimus. Lucerna pedibus meis uerbum tuum Domine, & lumen semitis meis. Haftenus ille. Quibus uerbis quanquam quodammodo notet imperitiam et simplicitatem secularium hominum, uel zelum non secundum scientiam religiosarum foeminarum, ingenuè tamen addit, eos qui accedunt cæreos, secundum fidem suam habere mercedem. Nequaquam ergo culpandi sunt, qui pro honore sanctorum martyrum, ante ueneranda eorum corpora, cæreos ac luminaria accendunt, siue id fiat per noctem siue per diem. Siquidem flamma illa lucida luminarium est, signum letitiæ sanctorum, & significat lucem illam perpetuam superne celestisque regionis, quam affecuti sunt æternæ beatitudinis, in qua ascripti sunt ciues illius

# INTERROG. VEL. PROP.

illius ciuitatis æternæ, quæ non indiget sole neq;  
 luna: quia dominus Deus claritas illius est, &  
 lucerna eius est agnus. Quam quidem causam  
 Christianorum poëta insignis Baptista Man-  
 tuanus eleganti carmine expressit, dicens:  
 Virtuti debetur honor, licet inclyta & expers  
 Noctis & umbrarum, per totum effulgeat orbẽ.  
 Ante Deum lychni in templis, funialia ad aras,  
 Non ut clara dies fiat lucentior, ardent,  
 Verũ ut calituum patriam splendore nitentem  
 Aethereo, & semper uersari in lumine diuos  
 Significent, ubi nulla diem contaminat umbra.

Deinde flamma illa lucida cereorum, signat  
 lumen fidei, quam professi sunt sancti, in quo-  
 rum honorem acceduntur. Signat præterea mi-  
 rum splendorem uirtutum, quibus in hac uita mi-  
 rabiliter effulserunt, iuxta præceptum Chri-  
 sti, dicentis: Sic luceat lux uestra coram homi-  
 nibus, ut uideant opera uestra bona, & glorifi-  
 cent patrem uestrũ qui in cælis est. Adhæc quo-  
 niam flamma illa cereorum sursum emicat, re-  
 ctè designat spem illorum firmam, quæ animos  
 eorum semper in cælestia bona erexerat atque  
 subuexerat. Deniq; & charitatis feruorem, qua  
 inflammati hîc suauiter arserant, & in cælesti-  
 bus ppetuò flagent. Porro ut adhuc altius mo-  
 rem uenerationis sanctorum repetamus, obser-  
 uandum est Vigilantium non fuisse primum in-  
 uento

Matt. 5.



uentorem huius hæreseos, sed Eunomium, quem Hieronymus huius hæreseos autorem testatur, dicens: Rides de reliquijs martyrum, & cum autore huius hæreseos Eunomio, Ecclesijs Christi calumniam struis, nec tali societate terreris, ut eadem contra nos loquaris, quæ ille contra Ecclesiam loquitur: Hic audis, quomodo Eunomius autor fuerit illius hæreseos, quam Vigilantius seminavit De non uenerandis sanctorum reliquijs. Quod si hæresis fuit, consequitur catholicos rectè & piè fecisse, qui contra Eunomium sanctos uenerati sunt. Sed ut adhuc altius progrediamur: tempore Tertulliani eiuscemodi fuerunt hæretici, ut constet catholicos & orthodoxos istiusmodi sanctorum uenerationem habuisse in usu. Nam (ut Hiero. ibidem ait) aduersus hæresim Vigilantij, quæ olim erupit aduersum Ecclesiam, ne & in hoc quasi repertor noui sceleris gloriatur, scribit Tertullianus uir eruditissimus in signe uolumen, quod Scorpiaciū uocat, rectissimo nomine, quia arcuato uulnere in Ecclesiæ corpus uenena diffudit, quæ olim appellabatur Caicia hæresis, quæ multo tempore dormiens, uel sepulta, à Vigilantio, quem ipse Dormitantiū uocat, sepulta est. Ceterum adhuc calente sanguine martyrum in primitiua Ecclesia olim inter medias cædes sanctorum, nihil horum Christiana pietas negligebat. Siquidem ex-

# INTERROG. VEL. PROP.

tat apud Eusebium lib. 4. Eccles. Historiæ cap.  
 13. 14. & præcipue 15. Epistola, ex persona  
 Ecclesiæ Smyrnæorum, ad Ponthi Ecclesiæ  
 data de sanctissimi martyris Polycarpi agone  
 conscripta, in qua postquam descriptum est mar-  
 tyrium eius, ita subiungitur. Sed ille æmulus  
 totius bonitatis, & aduersarius omnium iusto-  
 rum, postquam uidit quod & pro martyrij glo-  
 ria, & pro uitæ egregiæ uirtutibus coronatus  
 est, & per mortem præmia immortalitatis in-  
 deptus, satisfacere cœpit, ut reliquias eius ad  
 sepulturam, nostris desiderantibus nemo conce-  
 deret. Instigabatur ergo Nicetas Herodis pater,  
 frater autē Dalcæ, adire iudicē & petere ab eo,  
 ne humandum concederet corpus, ne fortē (inqt)  
 relinquētes illum qui crucifixus est Christiani,  
 hunc colere incipiant, Iudæis maximè ista ma-  
 chinantibus, qui & nostros intentis oculis ob-  
 seruarunt, ne eum è flammis adhuc ardentibus  
 raperent, ignorantes miserrimi, quia neque  
 Christum aliquando possumus derelinquere,  
 qui mortem pro totius mundi salute sustinuit,  
 neque alium quenquam colere, quoniam ue-  
 rum Deum, & qui solus colendus sit, nouerim-  
 us. Martyres uerò tanquam discipulos Do-  
 mini diligamus & ueneremur, quasi integrè  
 fidem magistro seruantes & Domino, quorum  
 nos quoque in fide & persēuerantia charitatis,  
 optas

optamus esse participes . Vbi autem uidit Centurio , tam obstinatum Iudæorum contentionem, positum in medio ipsum corpus exussit, & ita nos postmodum ambusta ossa, pretiosissimis gemmis chariora, & omni auro probabiliora per ignem facta, collegimus, ac (sicut conueniebat) ex more condidimus . Quo in loco etiam nunc præstante Domino , solennes agimus celebrésque conuentus , maxime quidem in die passionis eius , sed & cum eorum memorias, qui prius passi fuerant, celebramus, ut sequentium animi ad præcessorum uiam, exemplis insignibus suscitentur . Ecce quanto studio Christiani, beatissimi martyris Polycarpi ossa collegerunt, & quam religiose condiderunt, Euidenter quoque colligitur ex hac historia, qualem cultum ac honorem Christiani illius ætatis detulerint sanctis Christi martyribus . Non enim eodem cultu, quo Deus ipse colitur, quemadmodum uerba Smyrnæorum Ecclesiæ testantur, licet Gêtiles crediderint Christianos adorationis cultum impendere solere sanctis martyribus. Quod ex cap. 6. lib. 8. Ecclesiasticæ historiæ liquet. Nam cum Diocletianus Augustus, Dorothei, Petri & Gorgonij sanctissimorum martyrum corpora, quia cubicularij eius fuerant, humanitatis gratia sepulturæ tradi pmisisset, nihilominus tñ postea effodit ea, & proiecit in mare, ne per

Chria

# INTERROG. VEL. PROP.

Christianos colerentur. In tantum (inquit Eusebius) apud eos rabies crudelitatis exarsit, ut regiones pueros martyres effectos, cum secundum humanitatis ordinem fuissent sepulturae mandati, effoderent denuò, & corpora eorū proijceret in mare, hoc dicentes: Ne fortè Dij efficiantur Christianorum, & illi qui Deos nostros adorare nolunt, seruos nostros incipiant adorare. Putant enim quod diuinus apud nos honor, martyribus deferatur: Vnde Augustus talem concepit de Christianis opinionē? ut uereretur occisos à Christianis adorandos? Certè non ex leui causa. Nam animaduertit, quanto studio ac diligentia Christiani beatorum martyrum cineres, ossa ac reliquias colerent, quanquam non adorarent, id tamen quod ipse existimabat, ut uel hinc ad inuidiam fuerit commotus.

Porro quàm longè sit hic cultus & ueneratio sanctorum ab idololatria S. Hieronymus contra Vigilantium (qui eos qui sanctorum reliquias suscipiebant, & uenerabantur, cinerarios & idololatrias appellabat, qui mortuorum hominum ossa uenerarentur) scribens in epist. ad Riparium presbyterum: ita testatur. O infelicem (inquit) hominem, & omni lachrymarum fonte plangendum, qui hæc dicens, non se intelligit esse Samaritanum & Iudæum, qui corpora mortuorum pro immundis habent, & etiam uasa  
quæ

quæ in eadem domo fuerint pollui suspicantur, sequentes occidentem literam, & non uiuificantem spiritum. Nos autem non dico martyrum reliquias, sed ne solem quidem & lunam, non angelos, non archangelos, non Cerubim, non Seraphin, & omne nomen quod nominatur, & in presenti seculo & in futuro colimus & adoramus, ne seruiamus creaturæ potius quàm creatori, qui est benedictus in secula. Honoramus autem reliquias martyrum, ut eum cuius sunt martyres adoremus. Honoramus seruos, ut honor seruorum redundet ad Dominum, qui ait: Qui uos suscipit, me suscipit. Et post aliquanta. Si non sunt (inquit) honorandæ reliquie martyrum, quomodo legimus: Pretiosa est in conspectu Domini mors sanctorum eius?

Cæterum hæc omnia idcirco prolixiori sermone profecuti sumus, ut perspicuum euaderet, quibus modis antiquitas sanctos uenerari sit solita, ut etiam hoc exploratum sit ac manifestum, non sola imitatione uenerandos ac honorandos, licet illa cum primis necessaria sit.

Quæ cum ita sese habeant, nõne Vigilantius aliter sentiens iure ab Ecclesia damnatus fuit?

Nunc de inuocatione sanctorum, & eorum pro nobis patrocínio & intercessione dicturi sumus. Principiò itaq; ostēdemus sanctos orare pro

Ecc nobis,

# INTERROG. VEL. PROP.

nobis, & idcirco à nobis quoq; uicissim inuocandos. Id enim rationi admodum est consonum, & utile nostræ salutis, ut sanctos qui apud Dominum pro salute nostra intercedunt, sedulo oremus atque inuocemus.

Ius. 10.

Zach. 1.

Tob. 12.

Matt. 18.

Quod autem sancti apud Dominum pro nobis intercedant, ex angelorum oratione liquet. Eadem enim ratio uidetur, spirituum angelicorum & beatorum hominum, cum, saluatore teste, æquales sint angelis, cum sint filij Dei. Porro angelos orare pro hominibus ac intercedere, Zacharias propheta clarissime contestatur, dicens: Et respondit angelus Domini & dixit: Domine exercituum usque quo tu non misereberis Hierusalem, & urbium Iuda, quibus iratus es? Iste iam septuagesimus annus est. Huius quoque assertionis euidentis testimonium sumitur ex eo quod habetur Genes. 48. Benedixit Iacob filiis Ioseph, & ait: Deus in cuius conspectu ambulauerunt patres mei, qui pascit me ab adolescentia mea usque in præsentem diem, angelus qui eruit me de cunctis malis, benedicat pueris istis. Nonne hic angelorum benedictionem & auxilium implorauit Iacob, unde eorum apud Deum intercessio comedari & probari queat? Et Christus in Euangelio. Videte (inquit) ne contemnatis unum ex his pusillis. Dico enim uobis, quia angeli eorum in cælis semper uident faciem patris mei, qui

qui in cælis est. Ad quid? proculdubio ad patrocinium præstandum pusillis contemptis. Agunt ergo causam pusillorum qui contemnuntur, apud Lucæ 1. patrē. Deinde cum testetur Christus, angelos in cælis gaudere super uno peccatore poenitentiam agente, cur non hoc credendi sunt facere sancti? Si enim hoc faciunt, quorum est conditio à nostra aliena, quid censendum de fratribus? Nam fratres nostri sunt: Porro quod animæ sanctorum intercedant pro nobis, habemus ex Apocalypsi Ioannis, in qua sic legitur. Vidi sub altari Apoc. 6. animas intersectorum propter uerbum Dei, et clamabant uoce magna dicentes. Usquequo domine sanctus et uerus non iudicas et uindicas sanguinem nostrum de ijs qui habitant in terra? Ex hoc enim, quod animæ sanctorum orant DEVM contra malos et persecutores suos habitantes in terra, manifestè discimus, quod multò magis orant pro salute bonorum ac electorum, quanto propensior est uoluntas sanctorum ad bonum nostrum, quàm ad malum.

Rursum in eadem Apocalypsi describuntur Apoc. 8. uigintiquatuor seniores procidentes coram agno, habentes singuli cytharas et phialas aureas plenas odoramentorum, quæ sunt orationes sanctorum. Et in alio eiusdè libri loco, angelo stanti Apoc. 8. ei ante altare, et habenti thuribulum aureum, di-



## INTERROG. VEL. PROP.

cuntur fuisse data incensa multa, ut daret de orationibus sanctorum omnium super aureum altare, quod est ante thronum Dei. Et ascendit fumus incensorum de orationibus sanctorum, de manu angeli coram Deo. Sanctorum (inquit) omnium, ut non tantum intelligas, orationes sanctorum hominum hic pie & sancte uiuentium, qui non complent sanctorum omnium numerum, sed etiam sanctorum illorum orationes, qui celestia tenent regna, qui à sanctitatis integritate amplius decidere haudquaquam possunt, quemadmodum ij qui adhuc inhabitant terram. Porro cum sancti in celestibus regnis recepti, non indigeant ut pro seipsis orent Deum, consequitur ut orationes suas ad Deum pro nobis fundant.

**LUC. 16.** Adhæc, nonne Christus apud Lucam optime consulit, dicens: Facite uobis amicos de mammona iniquitatis, ut cum defeceritis recipiant uos in æterna tabernacula? Iam quomodo potest quisquam benefactorem suum aliter recipere in æterna tabernacula, quam precibus suis intercedendo apud Deum? Non enim aliquis in hoc regnum maius potest habere imperium. Solius enim Dei est, admittere defunctos in æterna tabernacula. Illius est hoc munus, qui uitæ & mortis habet imperium. Proinde non alio modo, recipere nos possunt in æterna tabernacula, quam

quàm orationibus suis. Sed utri pauperum suis orationibus in æterna tabernacula nos certius & melius recipere possunt, uiuētēsne in carne, qui de seipsis nōdum sunt securi, & multis adhuc peccatis obnoxij: an illi potius, qui accepta beneficia prætulerunt in calum, qui cum Lazaro in sinu Abraham, atq; inter beatos spiritus modò uersantur, & orant pro nobis?

Deinde apud eundem Euāgelistam reuelauit Luc. 16. nobis Dominus, diuitem in inferno intercessisse pro fratribus suis in hac uita manētibus. Ex hoc enim reuelatum esse insinuauit, multo magis sanctorum animas, intercedere pro salute suorum. Nā si diues, cui, dum esset in hac uita, nulla fuit cura salutis fratrum, in tormentis positus, etiam importunè supplicat pro salute fratrum, multo magis sancti homines, quorum in hac uita magnum studium fuit circa salutem fratrum, exuti carnem iamque beati, continuant charitatis affectum, & intercedunt pro salute fratrum. Sed hic obstrepit nobis Vigilantius, & tota cohors Lutheranorum, quòd dum uiuimus, mutuò pro nobis orare possumus: postquā autē mortui fuerimus, nullius sit pro alio exaudienda oratio. Sed S. Hieronymus occurrens & opponens sese impijs uocibus ait: Si apostoli et martyres adhuc in corpore constituti, possunt orare pro ceteris, quādo pro se adhuc debent esse solliciti, quā-

## INTERROG. VEL. PROP.

tō magis post coronas, uictorias & triumphos?  
 Vnus homo Moses, sexcentis milibus armato-  
 rum impetrat à Deo ueniam: & Stephanus imi-  
 tator Domini sui, & primus martyr in Christo,  
 psecutoribus ueniā deprecatur: & postq̃ cū Chri-  
 sto esse cœperint, minus ualebunt? Paul⁹ Apосто-  
 lus ducetas septuaginta sex sibi dicit in naui ani-  
 mas condonatas, & postq̃ resolutus cœperit esse  
 cū Christo, tunc ora clausurus est, & pro his qui  
 in toto orbe ad suum Euangelium crediderūt, mu-  
 tire non poterit? Meliorq̃ erit Vigilanti⁹ canis  
 uiuens, q̃ ille leo mortuus. Hæc ille. Porro sancti  
 qui fruuntur Deo in æterna beatitudine, diligūt  
 nos in ipso Deo, & dilectionis officia (quæ sunt  
 bene precari, & orare pro amicis, ut promouea-  
 tur in his quæ pertinet ad eorū salutē, atq; ubi  
 salutem suam peccādo neglexerint, ad obtinendā  
 ueniā & misericordiā intercedere ac patrocina-  
 ri, custodire in aduersis & periculis & malis o-  
 mnibus) quibus possunt modis apud Deum erga  
 nos exercent, & quos magis diligunt, pluribus  
 officijs & beneficijs prosequuntur. Nō quod hæc  
 suis uiribus præstent, sed quia hæc ut consequa-  
 mur, uel impetrant à Deo, uel accepta à Deo po-  
 testate in nos conferunt. Nō enim simul cū cor-  
 pore deposuerunt præstantissimā illā charitatis  
 uirtutem, qua Deum & proximū, qua caput &  
 membra, qua patrem & cōfratres consueuerunt  
inter-

in terris diligere. Quid enim ait Apostolus? Siue (inquit) prophetiæ euacuabuntur, siue linguæ cessabunt, siue scientia destruetur, charitas uerò nunquam excidit. Fides & spes euacuatur, quia fidei succedet uisio, spei apprehensio, ut ubi datur diu speratis frui, & quæ fide credita sunt coram uidere, ibi credendi & sperandi nullum sit amplius officium. Charitas autem nunquam excidit. Excideret autem, si per mortem extingueretur. Charitati ergo nihil succedit nisi charitas, quæ officio suo non destituitur, quin potius quæ fuerat hic inchoata, in cælo perficitur. Cum ergo diues epulo damnatus apud inferos, fuerit pro fratribus (quos reliquerat in terra) sollicitus, sancti in cælo non erunt? Num ualidiori dilectione prosequuntur mali malos, quàm boni bonos? aut concessum est aliquid malis, quod bonis & sanctis non conceditur? Et ne hæc Euāgelica narratio huic rei persuadendæ, parum uirium uideatur adferre, uide quis hunc affectum attribuat homini damnato. Certè non homo quispiam, qui possit & uelit nos fallere, sed Christus, qui quum ueritas sit, fallere nos non potest. Sufficit ergo ad doctrinam, quod hunc affectum Christus homini attribuit damnato. Vnde apparet tales affectus non esse à damnatis alienos.

Præterea Dñs apud eundē Euāgelistā cap.

Ecc 4. sexto

## INTERROG. VEL. PROP.

*sexto ita loquitur: Date & dabitur uobis. Mensuram bonam & confertam & coagitatam & supereffluentem dabunt in sinum uestrum. At quomodo pauperes quibus in hac uita misericordiae opera impēdimus, huiusmodi mensuram tam cumulatam nobis rependent? Non alio certē modo, quā quod ad cālestia regna hinc translati, & illuc diuites effecti, suis suffragijs & intercessionibus apud DEVM, terrena beneficia in se collata, abundē compensabunt, orantes Dominū pro salute benefactorum suorum. Adde quod S. Petrus ait in 2. epist. c. 1. Iustum (inquit) arbitror, quamdiu sum in hoc tabernaculo, suscitare uos in commonitione, certus quod uelox est depositio tabernaculi mei, secundum quod & Dominus noster Iesus Christus significauit mihi. Dabo autem operam & frequenter habere uos post obitum meum, ut horum omnium memoriam faciatis. Hectenus ille. In tabernaculo corporis constitutus, suscitauit fideles in commonitione, deposito autē tabernaculo post obitum suum, dat operam ut horum memoriam faciant, utique per orationem atque intercessionem apud Deum.*

Hebr. 7

Huc accedit quod iuxta Paulum Christus accedens per semetipsum ad Deum, semper uiuens sit ad interpellandum pro nobis. Et Apost.

1. Ioan. 2

Ioan. ait: Si quis peccauerit, aduocatum habemus

mus apud patrem Iesum Christum iustum, & ipse est propiciatio pro peccatis nostris. Et rur Rom. 8.  
 sus Paulus in epist. ad Romanos de eodem scribit, quod etiā interpellat pro nobis. Quid? quod ipse Christus in nouissima cœna discipulis suis Ioan. 14.  
 pollicitus sit, dicens: Ego rogabo patrem, & alium paracletum dabit uobis. Hoc iam transsurus ex hoc mundo ad patrem promissit, atq; post suam gloriosam ascensionem in cælum exhibuit atque adimpleuit. Cum itaque Christus secundum quod homo (nam quatenus Deus, nostras & eorum qui pro nobis orant exaudit preces) oret pro nobis, quid obstat, quin & illius membra cum illo iam glorificato idem faciant, ut capiti suo se conforment? Aut facti sunt deteriores, permutatione huius uitæ in æternam, ut hic potuerint multis obnoxij perturbationibus, & de propria adhuc salute solliciti pro alijs rogare, & modò non poterunt, præsertim cum non ignorent, eos quos relinquunt in hac uita, indigere illorum precibus & patrocinij? Quis dubitare potest eos pro nobis orare, quibus magnum est gaudium, ex nostra ad ipsos adnumeratione? An non orarent pro illis, quos sciunt esse coheredes & domesticos Dei, præsertim cum iuxta Eph. 1.  
Heb. 11. Paulum non sint sine nobis consummandi?

Porro si dixerit aduersariorum quispiam & obiecerit, Christi preces esse potentiſſimas,

# INTERROG. VEL. PROP.

idque non latere sanctos, & idcirco eos à precando abstinere, ne iniuriam faciant Christo, quasi scilicet illius preces reputent insufficientes, sitq; ille impotens ad exorandum patrem. Respondebimus ei, scire utique sanctos CHRISTI preces esse efficacissimas, non tamen rectè inde concludi, sanctos cessare ac abstinere ab oratione pro nobis. Sciunt planè Christum non posse non obtinere, quicquid apud patrem postulat. Sciunt sufficientes & efficaces esse illius preces, nihilominus tamen pro nobis orant. Paulus dum toties rogabat fratres per epistolas ut pro se orarent, nunquid diffidebat Christo? Haudquaquam. Et tamè nihilo secius fratrum preces efflagitabat, qui etiam sedulò creduntur Dominum pro eo deprecatos esse. Nouerant profectò sufficientes & efficaces esse Christi preces, & tamen pro se inuicem orabant, ac uicissim alter alterius precibus iuuari postulabant. Non quasi Christo diffidentes, sed potius eius seruientes ordinationi, ipsiusq; implentes mandatum, quo mandauit unicuique de proximo suo, uolens scilicet ut singuli singulis sua communicent bona, singulique singulorum in se recipiant onera, ac alius alij porrigat manum. Et quod ipse præstare non potest, ab illo impetrare contendat, à quo omne datum optimum & omne donum perfitur.

Eccl. 17.

Gal. 6.

12.

Iac. 5.



perfectum descendit, nimirum à patre lumimum. Quod si dixerint diuersam esse rationem uiuorum & defunctorum, legē autem illā de mutuo auxilio ac adiuuamento orationum, ad solos uiuos spectare, nihil simile esse de illis, qui hac uita excedentes in aliam transferunt coloniam, qui uita & cōuersatione remotissimē à uiuis separantur, reuocabo eos ad Paulum, qui in epistola ad Rom. & priore ad Corinthios & alijs quibusdā locis, corpus Christi mysticū naturaliter corpori non absimile esse describit. Quemadmodum enim naturalis corporis membra sunt connexa, ut unius uis, præsertim superioris in alterius commodum transfundatur, estq; omnium unus uitalis spiritus, mutuum obsequium, commune gaudium in prosperis, & idem dolor in aduersis: sic sanè omnes sumus unum Christi corpus mysticum, singuli membra adinuicē, ab uno capite dependentes, siue in beatitudine, siue in uia. Et si enim secundum status conditionem, distent à nobis beati, ex utrisq; tamen una constat Ecclesia, quæ est unica Christi sponsa, una columba. Communicant enim nobiscum in illis, quæ felicitati illorū non repugnant. Non uidentur aduersarij satis attendere, communionē corporis Christi, quod est Ecclesia. Vna enim est Ecclesia Dei indiuisa & simplex, quæ est corpus Christi, cōtinens non eos duntaxat, qui in carne

Rom. 12.

1. Cor. 12.

Cant. 6.

adhuc.

## INTERROG. VELS. PROP.

Rom. 14.  
Ephe. 5.  
Matt. 16.

adhuc uiuunt, uerum & eos qui carne deposita, securius & felicius cum Christo degunt in cælis. Nō oportet imaginari in Christo corpora duo, ut sit unum uiuentium in carne, alterum secundum carnem mortuorum. Mortuus est enim Christus secundum carnem, ut uiuentium dominaretur & mortuorum. Et pater cōstituit eum super omnem Ecclesiam, quam non facit caro et sanguis, sed Petri illa confessio. Tu es Christus filius Dei uiui. In hac sunt omnes quotquot manent in Christo. Audito ergo corporis illius Christi nomine, cogitare simul oportet & eos, qui sunt cum Christo in gloria, et qui modò adnituntur, ut eò perueniant. Itaq; secundū supradictam corporis legem, diligunt adhuc laborantes, proximos peregrinantes, & nunc eo quò ipsi euaserunt anhelantes, precanturque talibus optima quæq; , potissimum uerò quæ promouent eorum salutem, quò tantò facilius ad optatum portum perueniāt. Cōpatiuntur quoq; infirmitatibus nostris. Quod non debet absurdū uideri de sanctis, cum de Christo scriptum sit. Habemus pontificem, qui nouit compati infirmitatibus nostris. Et si bene habet membrum unū, compatiuntur omnia membra. Licet enim legē carnis deposuerint sancti, secundum quam erant proximi nostri, fratres & membra nostra, deniq; longo à nobis distet interuallo, & absentes sint,

Heb. 4.

sint, nec uideatur à nobis, præsentes tamen sunt  
charitate. Interuallum istud, charitatem eorū  
non interfecat. Dilectio præsentiā non requi-  
rit, cui sufficit cordis oculus. Paulus absens cor-  
pore, spiritu præsens erat Ecclesiæ Corinthio-  
rum, & tanquam præsens iudicauit tradere ma-  
gnū illum fornicatorem satanæ, præsens erat  
& in Ecclesia Colossensium, gaudens & uidēs  
ordinem eorum. Sunt itaq; sancti etiam corpore  
exuti fratres, proximi & membra nostra. Nihil  
est in sanctis & nobis, quod nos adhuc discrimi-  
net, quod religionis uinculo coniunctos hactē-  
nus alienet, ut uideri possint non esse amplius  
proximi nostri fratres & membra. Si unum  
habemus patrem, si matrem unam cœlestem Hie-  
rusalem, cur non simus confratres? Si caput u-  
num & corpus unum, cur non eiusdem corporis  
membra? Christus non habet corpora duo, neq;  
aliud nobis est caput, aliud sanctis, aut aliud cor-  
pus illis, aliud nobis, dedit enim illū pater esse ca-  
put super omnē Ecclesiā, quæ est corpus ipsius,  
et plenitudo ipsius qui oīa in omnibus adimplet.  
Quod autem illi sunt in melius commutati, nos  
autem languemus & hæremus in terris, non im-  
pedit quin sint adhuc membra & fratres nostri.  
Illi acceperunt quod nos quærimus. Ipse præcef-  
serunt, nos per eadem uestigia sequimur. An i-  
deo sumus ab illis alieni, & non proximi atque  
fratres?

# INTERROG. VEL. PROP.

fratres? An quia nos peregrinamur, & ad patriam properamus, quò illi iam peruenerunt, ideo non sumus illorù ciues? Aut quia currimus, quia certamus, quia nondū coronā accepimus, illi uerò præcurreūt, uicerūt, coronati sunt, idcirco nō sumus eiusdē exercitus milites? Si autē (quod est uerissimum) sumus fratres proximi, et unius corporis membra, sunt utiq; sancti secundum legem corporis mystici, quam habet Apostolus, pro nobis solliciti. Cum enim nō desierint esse membra, consentaneum est, eos membrorum officio uti erga eos, qui eorum indigent auxilio. per mortem quidē mutatur status hominum, non tamen mēbrorum soluitur connectio, neq; charitatis officia cessāt. Proinde quoq; nihil iniuriæ Christo irrogatur, si sancti cū Christo simul ad patrem pro nobis precatōres accedant. Imò diuinæ subseruiūt ordinationi, qua Deus statuit, ut omnia unius corporis mēbra, ab influxu unius pendeant capitis, & simul sibi sic cohereant, ut alterum alteri ad salutem coopereatur, nihil prohibente beatitudinis statu. Cum & angelici spiritus sint beāti, & tamen nihilominus nostram procurent salutem. Omnes enim (Paulo teste) sunt administratorij spiritus in ministerium missi propter eos, qui hereditatem capiunt salutis. Procurant ergo angeli sancti nostram salutem, & ministerium suum erga nos diligē-

diligēter exequuntur, non tū interim ob id fraudantur suis gaudijs, dicente Christo. Dico uobis quod angeli eorum in cœlis, semper uident faciem patris mei qui in cœlis est. Quod semper sit, non habet remissionē. Pari modo cura nostri nō perturbat sanctos, nec gaudium eorum minuit, sed quærūt & agūt sedulò, quo ea gaudia amplientur magis, & fratribus quoque fiant communia. Sed de his hactenus, ad reliqua properemus. In Psalmo 31. dicit Propheta ad Dominum. Pro hac orabit ad te omnis sanctus in tempore oportuno. Qui dicit pro iniustitia hominum remittenda omnem sanctum oraturum, nō exclusit sanctos, qui nunc in æterna requie gaudent, & orant pro nobis, ut iniustitia nostra remittatur nobis. Apud Hieremiam prophetam Dominus ita loquitur. Si steterint Moses & Samuel coram me, non est anima mea ad populum istum. Quibus uerbis insinuat aperte Dominus, sanctos illos uiros in limbo patrum adhuc constitutos, pro uiuentibus solitos fuisse orare. Nequaquam enim dixisset Dominus de illis pro tēpore illo quo adhuc in limbo patrum detinebantur, sicut tunc aut non orarent, aut non essent orare soliti pro uiuentibus. Quod nobis secundus Machabeorum liber ostendit, narrās quomodo Onias summus Iudæorū sacerdos, tū uita defunctus, apparuerit Iudæ Machabeo, manye

Matt. 18.

Psal. 31.

Hiere. 15.

2. Mach. 10.

## INTERROG. VEL. PROP.

manus protendens & orans pro omni populo Iudæorum. Cum quo uisus sit & alter, admiranda gloria decorus, ipsi Oniæ in sacro illo spectaculo socius, de quo ait Onias ad Iudam. Hic est fratrum amator & populi Israel. Hic est qui multum orat pro populo, & uniuersa sancta ciuitate, Hieremias propheta Dei, qui tamē antea longo tempore obdormierat in Domino. Porro utriusq; orationem nō omnino fuisse inane, ea quæ ibidem sequuntur indicant: Nam ilico subiungitur Hieremiam dexteram extendisse, & dedisse Iudæ gladium aureum, & dixisse. Accipe sanctum gladium munus à Deo, in quo deijcies aduersarios populi mei Israel. Itaq; si patres ueteris testamenti in limbo existentes, nondum clara diuinæ faciei uisione beati, pro suis orabant, quantò magis sancti in æterna beatitudine, Deum facie ad faciem perpetuò contēplantes, credendi sunt orare pro nobis? Quod si dixerit aduersarius hunc librum non esse de Canone Bibliæ apud Hebræos, quēadmodum indicat S. Hieronymus in prologo quem uocant galetatum, illi continuò respondebimus, quod quāuis non sit in Canone Hebræorum, non tamen ob id sequi, falsa esse quæ in eo scribuntur. Alioquin & sacra Euangelia falsa erunt, quia Iudæi ea non recipiunt in suum Canonem. Recipimus autem testimonia ex his libris, quoniam Ecclesia

eos recepit, non quia Iudæi recipiunt uel reijciunt, idq; authore S. Augustino lib. 18. de Ciuit. Dei ca. 36. ubi aptis uerbis testatur, nō Iudæos, sed Ecclesiā illos libros p̄ canonicis habere. Deniq; apud Baruch Prophetā cap. 3. Iudæi q̄ erāt in captiuitate Babylonica, ita leguntur orasse: Dñe omnipotēs Deus Israel, audi nunc orationem mortuorum Israel, & filiorum ipsorū qui peccauerunt ante te & c. Itaq; si sanctis una nobiscum est societas, si corpus unum, si sumus alter alterius membra & fratres & proximi, si diligunt nos, si non sunt pro se, sed pro nobis solliciti, si orant pro nobis, si uiuunt & regnant cum Christo in patria, ad quā nos tendimus, cur non licet etiam illos interpellare, inuocare, orare & comparare nobis intercessores?

Porro de inuocatione sanctorū dicturi, prius ostendemus angelos esse inuocandos à nobis: deinde sanctos. Et quidem quantum ad angelos attinet, liber Geneseos testatur Iacob patriarchā angelum inuocasse ad benedicendum sibi. Non dimittam te (inquit) nisi benedixeris mihi. Deinde S. propheta Daniel de seipso dicit. Accessi ad unum de assistentibus, & ueritatem querebam ab eo. Nec dubium quin de sanctis angelis assistentibus loquatur.

Adhæc Apostolus in epistola ad Hebræos de sanctis angelis dicit, quod omnes sunt admini-



## INTERROG. VEL. PROP.

stratorij spiritus in ministerium missi propter eos qui hereditatem capiunt salutis. Ex hoc enim quod Deus disposuit gubernare nos per medios Angelos, non propter se Deum, sed propter nos heredes uitæ æternæ, ordinasse intelligitur, ut nos sanctos Angelos inuocemus, tanquam medios inter nos et Deum. Cum igitur sancti angeli sint nobis dati à Deo, tanquam aduocati quidam, nonne meritò à nobis sunt inuocandi? Aduocatus siquidè datur alicui, ut illius patrociniū imploret, alioquin frustra daretur: et insuper cum datur alicui aduocatus, datur quoque aduocato potestas patrocinandi. Porro cum angelis et animabus beatissimis communis sit sollicitudo, et communis cura nostræ salutis, quæadmodum et communis est charitatis dilectio, quæadmodum angeli, ita quoque inuocandi sunt à nobis sancti. Duobus autem potissimum modis eos consuevit Ecclesia catholica inuocare: uel rogando et inuocando sanctos, quemadmodum Ecclesia facit in Letania dicendo S. Maria ora pro nobis. S. Petre ora pro nobis etc. Vel rogando Deum per sanctorum merita, quæadmodum Ecclesia facit in Canone missæ, dicendo. Quorum meritis precibusque concedas etc. Vterque autem modus scripturarum auctoritatibus comprobatur. Extant enim, quæ nemo queat improbare, tam in ueteri quam noua lege exempla plurima. Filij Israel uenerunt ad Moysen atque  
dixe-

dixerunt. Peccauimus, quia locuti sumus contra Nume. 23.  
 Dominum & contra te, ora ut tollat à nobis ser- 1. Reg. 7.  
 pentes. Iudæi quoq; qui erant tēpore Samuelis,  
 cum uidissent se Philistæis hostibus suis im-  
 pares, magna trepidatione dixerunt ad Sa-  
 muelem. Ne cesses clamare pro nobis ad Do-  
 minum, ut saluet nos de manu Philistinorum.  
 Nōne liber Iob testatur, quomodo tres amici  
 Iob (contra quos iratus fuerat Dominus) iussi  
 sunt ire ad seruum Dei Iob, ut oraret pro illis,  
 & sic indulgeret eis Deus? Apostolus Paulus uin Coloss. 4.  
 ctus propter Euangelium Christi, interpellat  
 Colossenses, dicens: Orationi instate, uigilantes  
 in ea, in gratiarum actione, orantes simul & pro  
 nobis, ut Deus aperiat nobis ostium sermonis ad  
 loquendum mysterium Christi. Idem precatur  
 ut faciant Thessalonicenses. Orate (inquit) pro 1. Thess. 5.  
 me fratres. Et in epist. 2. c. 3. inquit. De cetero  
 fratres orate pro nobis, ut sermo Dei currat &  
 clarificetur, sicut & apud uos, & ut liberemur  
 ab importunis et malis hominib<sup>9</sup>. In epist. quoq;  
 ad Hebræos instāter exposcit eorum orationes, Heb. 13.  
 dicens: Orate pro nobis, amplius autem depre-  
 cor uos hoc facere, quò celerius restituar uobis.  
 In epist. ad Rom. obsecrat eos per Dominum Ie Roma. 15.  
 sum Christum & per charitatem spiritus san-  
 cti, ut se adiuuent in orationibus. Quod si Apo-  
 stol<sup>9</sup> ille cōfratres suos, nullis ei meritis pares,

## INTERROG. VEL. PROP.

qui fortè peccatis quibusdam erant obnoxij, nō est ueritus inuocare, ac tam sedulò interpellare, nec difidit se posse ab illis (qui adhuc ipsi gratia & misericordia egebant) adiuuari: indignū censebimus, ut nos sanctos, pro meritis suis in cælo coronatos, ad orandum pro nobis imploremus? Si permittitur nobis miseros peccatores, in carne uiuentes, destinare intercessores ad Deum, nō licebit interpellare & comparare nobis intercessores, beatos illos qui iam cum Christo regnant? An minus ualēt qui sunt in cælo, quā qui adhuc in terra? Cum illi exuti miseria omni, hi autem adhuc peregrinentur à Domino? Nōne illi à carne expediti, ad orandum quoq; sunt expeditiores? Cū habeant alia quoq; multa, orandi facultatem promouentia, quæ in uiuis desiderantur, nisi quis fortè credat, carnem orationem promouere, & iam non ampliùs dicendum esse, Veri adoratores adorabūt in spiritu, sed ita, Veri adoratores adorabunt in carne. Porro nō me latet, quid ad hæc responsuri sint hæretici. Dicent exempla ista ad uiuos duntaxat pertinere, neq; se reprehendere, quod inuocantur uiui, sed quod inuocātur mortui. Bene ergo habet, quod cōcedunt nobis submittere intercessores uiuos. Hic iam corruunt tam multa eorum argumenta, quæ nobis opponunt, nimirum, intercessores obscurare gloriam mediatoris, auocare nos à ue-

ra inuocatione, & similia. Quod ergo habent amplius argumentum, quo inualident inuocationem sanctorum? An hoc unum, quod hi sunt mortui, illi uiui? Ita scilicet plus ualebunt qui apud homines uiuunt, quàm qui apud Deum? Quorum orationes ob fœliciores eorum statũ, confirmatiorem in bono, & malo liberiores, meritò creduntur efficaciores, quàm eorum qui adhuc in uia peregrinationis huius consistunt? Ceterum cum ordo diuinæ gubernationis erga nos sit, ut gubernet nos instruendo, nō solum per sanctos angelos, sed etiam per sanctos homines, perspicuum ac euidens fit, recurrendum esse, nō solum ad sanctos angelos, uerumetiam ad sanctos homines regnantes cum Christo, alioquin recurret inconueniens illud paulo antè productum ac explicatum, si non possemus inuocare sanctos angelos. Dati sunt enim sancti ad nostram utilitatem, medij inter Deum & nos. Ad datos autem diuinitus medios siue mediatores, posse nos recurrere atque eorum patrociniũ implorare, iam dictum est, cum alioquin frustra darentur, & absurdũ ualde esset, si nobis non liceret ad intercessores nostros recurrere, p quos Deus gubernare nos disposuit. Quod autem Deus disposuit nos gubernare, non solum per sanctos angelos, sed etiã per sanctos homines, ex Euangelio Matthæi liquet, in cuius capite 27.

# INTERROG. VEL. PROP.

scribitur, multa corpora sanctorum, qui dormierant surrexisse, & uenisse in sanctam ciuitatem & apparuisse multis. Hinc enim habetur ac colligitur, Deum post resurrectionem Christi, gubernasse nos instruendo, non solum per sanctos angelos, sed etiam per sanctos homines. Non enim inaniter apparuerunt multis, sed ad instruendum eos de uero Christo siue Messia, deque illius passione, morte ac resurrectione, prout à prophetis omnia illa erant prædicta. Ex hoc enim quod usque ad tempus illud, gubernauit nos per angelos sanctos, & non ita per sanctos, qui nondum erant celestis gloriæ participes, licet tamen suo modo orarent & ipsi quoque pro uiuis, ut dictum est, & tunc incepit gubernare homines per sanctos, qui non multo post erant traducendi per Christum ad cælum, proculdubio insinuaui, non a se adhibuisse media gubernationi electorum. Nisi enim ordini ordinationis diuinæ erga nos adiunctos (ex merito passionis & resurrectionis Christi) sanctos homines manifestare uoluisset Deus, misisset utique angelos in Hierusalem ad apparendum multis, & instruendum illos, uerum quoniam non solum ministerio angelorum, qui in sepulchro & circa sepulchrum apparuerunt mulieribus, sed etiam per sanctos homines apparentes multis in Hierusalem, manifestauit resurrectionem Christi, insinuaui.

uit se ea, quæ sunt nostræ æternæ salutis, non solum per angelos, sed etiam ministerio angelorum, adiunxisse hominum beatorum ministerium. Et hinc postremò consequitur, ex ipso ordine gubernationis, quo gubernat nos etiam per sanctos homines, recurrendum esse nobis ad inuocationem & patrociniū sanctorum.

Christus apud Ioānem cap. 5. Est (inquit) qui uos accusat apud patrem Moyses in quo uos speratis. Vbi duo dicit. Primum, Moysen iāduum uita functū Iudæos incredulos apud patrē accusare. Alterum, Iudæos in Moysæ, non quidē tanquā in Deo, cū illum utiq; purum hominem fuisse scirent, sed sicut intercessorem apud Deum, sperare. Nam Christus cōtrarium eius quod sperabant, ipsis insinuat, nimirum Moysi accusationem apud patrem, cum ipsi econtrariò sperarent illius apud patrem intercessionem. Approbavit ergo dominus, non tam Iudæorum per Moysen accusationem, quā Moysi speratā intercessionem, illā uerbis expressis certificando, istam uerò tacitè denegando. Intercessionem si quidē Moysi apud patrē denegat, non quòd pro eis intercedere non potuerit, sed quòd noluerit, q̄ digni esset, nō intercessiōe, sed poti⁹ accusatione apud patrē. Testatur itaq; Christ⁹ et insinuat hisce uerbis, pro Iudæis Moysen intercedere posse

## INTERROG. VEL. PROP.

tuisse. Vnde & addidit, In quo speratis. Est autem sperare in aliquē inuocationis quasi quoddam genus, dum speramus ab eo auxilium & patrocinium & similia.

Deniq; cum Dominus & redemptor noster pro nostra omniumque salute penderet in cruce, & circa horam nonam uoce magna exclamasset, dicens: Eli Eli lamazabathani, quidam illic stantes & audientes, dicebant: Ecce Heliam uocat iste. Ac si dicerent. Hactenus filium Dei se nominauit, at modò postquam pœnis doctus est, Heliam inuocat in adiutorium. Vnde cum unus ei acetum uellet porrigere, cæteri dicebant: Sinite uideamus an ueniat Helias ad deponendum eum. Vnde certè elicitur ac colligitur tunc temporis aliquo modo usitatam fuisse sanctorum inuocationem. Sunt enim in lege ueteri multa, inuocationi sanctorum tam proxima, ut nihil propius: qualia sunt quæ paulo pòst sub secundo inuocationis membro subiiciemus. Et tamen ut donemus non fuisse in ueteri lege morem inuocandi sanctos, non tamen hinc oportet concludere, nobis nunc non licere. Alia est enim huius temporis, alia illius ratio. Siquidem populus ille ueteris legis, rudis fuit & intractabilis, atq; ad idololatriam ualde propensus, à qua tot terroribus uix abstrahi poterat. Proinde nō mirum, si de beatorum spirituum inuocatione, nō  
sit



sit eis facta traditio clara. Non enim expediebat procliuis illis, uiam ad idololatriæ crimen facere, quod per implorationem sanctorum, populus ille poterat incidere, potissimum regnante adhuc diabolo, qui totum mundum idololatria sibi habebat deuinctum. Adhæc nondum inclaruerat fides resurrectionis. Nondum uulgò credebantur, qui defuncti erant, in beatitudine uiuere, quod tempore legis nouæ primùm reuelatum est. Nōdum etiā Christus resurrexerat, & captiuam duceret captiuitatem. Iā quomodo implorarēt eos, quos nesciebant uiuere? Et hæ sunt duæ rationes doctissimi uiri Euerhardi Billikij prouintialis Carmelitarum, quare non conueniebat ut in ueteri lege esset clara traditio de interpellatione sanctorum. Fuit tamen nihilominus in ueteri lege inuocationum istarum obumbratio quædam, & quædam sanctorum inuocationi admodum propinqua.

Iam ad alterum inuocationis modum progredimur, ostensuri Deum orandum esse à nobis per merita sanctorum. Cui si adiunxeris, quod iam ostensum est, sanctos orare & intercedere pro nobis: consequitur, non solum per merita, sed etiā per preces sanctorum, supplicare nos Deo rectè posse. Quod si his etiam hoc addideris, quòd tamen ferè idem est (nam res est eadem, licet sit dispar modus, & utrobique licet

## INTERROG. VEL. PROP.

Exod. 32.

diuersimodè, est inuocatio sanctorum ) orare Deum per merita & preces sanctorum, & orare sanctos, ut merita & preces proponant apud Deum, facile ppendes, omnino concludi ex scripturarum inuocatione sanctorum. Sed scripturas proferamus in mediū. Cum populus Israeliticus ob adoratione uituli grauitè offendisset Deū, & Dñs eum uellet delere. Tunc moyses orabat Deum, dicens: Cur Dñe irascitur furor tuus contra populum tuum &c. Quiescat ira tua, & esto placabilis sup nequitia populi tui. Recordare Abraham & Isaac & Israel seruorum tuorum, quib⁹ iurasti per te ipsum, dicens: Multiplicabo semen uestrum, &c. Et cōtinuò sequitur. Placatusq; est Dñs ne faceret malū, quod locut⁹ fuerat aduersus populum suū. Ex qua scriptura euidentè est, sanctum Moysen merita sanctorum patriarcharum opposuisse furori Domini, ac eum fuisse deprecatum pro populo. Sed & hoc perspicuū est, merita illa profuisse populo. Nam sequitur, Dominum fuisse placatum. Quod alijs adhuc scripturis comprobandum erit. Nam Dominus sæpenumero, se uiuentibus contulisse, aut collaturum pollicetur beneficia, ob defunctorum patrum sanctimoniam & bonitatem. Vt cū in

Gene. 26.

Genesi dicit Dominus ad Isaac. Tibi & semini tuo dabo uniuersas regiones has, complens iuramentum quod spondi Abraham patri tuo,

& multiplicabo semen tuum sicut stellas celi,  
 daboq; posteris tuis uniuersas regiones has, &  
 benedicentur in semine tuo omnes gentes terræ,  
 eo quòd obedierit Abraham uoci meæ, & custo-  
 dierit præcepta & mandata mea, & cæremon-  
 nias, legesq; seruauerit. An non Deus his uerbis  
 apertissime, non solum fœdus, quod cum Abra-  
 ham iniit; sed & promptam Abrahæ obedientia-  
 am, præceptorũ custodiam, & cæremoniarũ ob-  
 seruantiam, pro causa adducit, ob quam sit be-  
 nedicturus Isaac? Cesserunt igitur illius merita  
 in huius commodum. Quapropter rursus appa-  
 ruit ei Dominus, dicēs: Ego sum Deus Abraham  
 patris tui. Noli timere, quia ego tecũ sum. Bene-  
 dicam tibi, & multiplicabo semē tuum, propter  
 seruum meũ Abraham. Rursus cum populo He-  
 bræorum exhibiturus erat Dominus beneficiũ li-  
 berationis ex Aegypto p Moysen, se Deũ Abra-  
 ham, Isaac & Iacob denominauit, insinuans se  
 illorum sanctorum patriarcharum, & iuramēti  
 illis facti contemplatione, collaturũ illis id be-  
 neficiũ ipsorum posteritati. Quum Dñs Salo-  
 moni (qui propter alienigenas mulieres Deum  
 reliquerat) comminaretur regni scissuram, ad-  
 didit: Veruntamen in diebus tuis non faciam il-  
 lud, propter Dauid patrem tuum, de manu filij  
 tui scindā illud. Nec totũ regnũ austrā, sed tribũ  
 unā dabo filio tuo, propter Dauid seruũ meũ et  
 Hic

Ibidem,

Exod. 3,

3. Reg. 11,

## INTERROG. VEL. PROP.

Hierusalē quam elegi. Nōne hic Salomoni Deus pepercit, propter David patris sui merita? 4. Reg. 19. Denique cum sanctus rex Ezechias imminens sibi periculum deprecaretur, audiuit à Domino: Protegam urbem hanc & saluabo eam propter me, & propter David seruum meum. Nōne hic merita sancti & fidelis regis David, cesserunt ad commoditatem regis Ezechie, & ciuitatis Hierusalem? Nōne ergo Ecclesia rectè merita sanctorum in oratione recensens, Deum obtestatur, ut ob merita illa gloriosa sanctorum, quibus ipse & promisit & reddidit mercedem, dignetur petitioni suæ annuere? Psal. 137. Memento (inquit ille) domine David, & omnis mansuetudinis eius. Quemadmodū itaque merita David, Abrahæ, Isaac & Iacob, aliorumque prophetarum profuerunt, ut quibusdam placatus sit dominus, alijs uerò ut benedictionē copiosorem consequerentur, quis audebit negare, merita uirginis matris, sanctorum apostolorum, ac inuictissimorum martyrum nobis prodesse, uel ut pœnam effugiamus nostris peccatis debitam, uel gratiā uberiores consequamur? Si enim fiat comparatio patriarcharū, sanctorumque ueteris testamenti cum gloriosissima uirgine Maria, præclarissimis apostolis, & fortissimis martyribus reliquisque sanctis, quis non uidet, quàm longo intervallo à se inuicem distent? Si ergo Deus respexit

ad

ad illorum merita, nōne & ad istorum miseri-  
corditer respiciet? Si enim ob priscorum illorū  
patrum, ante legem & sub lege ueteri merita,  
Deus præstitit beneficia populis, & mala ab  
eis auertit, nōne non solum minora, sed etiam  
maiora beneficia præstabit uiuentibus propter  
sanctos qui in Euangelica lege uirtutibus excellen-  
ter effloruerunt, præcipuè cum non minoris fue-  
rint sanctimonia, perfectionis, claritudinis &  
præstantiæ, quàm illi?

Sed iam tempus est ut expendamus quibus  
telis hanc de sanctorum inuocatione doctrinam  
Velsius impugnet. Vt unum Deum (inquit) ita 1. Tim. 2.  
unum quoq; habemus mediatorem Dei & homi Matt. 11.  
num Christum Iesum, qui nos tam benignè ad se  
uocat, inquiens: Venite ad me omnes qui labora-  
tis & onerati estis, & ego refocillabo uos. Hæc  
ille. Sed hoc respōsionis clypeo retundenda sunt  
Velsii tela. Respondemus Christum duobus mo-  
dis nostrum esse mediatorem: nimirum per re-  
demptionem, & intercessionem. Per redemptio-  
nem quidem, quia semetipsum obtulit in ara cru-  
cis Deo patri, cui nos reconciliauit, nos redimē-  
do insuper sanguine suo à diabolo, peccato &  
morte æterna. Per intercessionem autem, quia  
ipse est aduocatus noster apud patrem, & in-  
terpellat pro nobis, quemadmodum superius di-  
ctum est. Prior ergo mediatio, soli Christo con-  
uenit.

## INTERROG. VEL. PROP.

uenit, qui tradidit semetipsum in redemptionem pro nobis. Vnde hæc mediatio alijs prorsus incommunicabilis est. Posterior autem, etiam cōpetit Christo, sed non soli, quia sanctis communicatur. Dicimus ergo & ingenuè confitemur, Christum esse primum & summum mediatorem nostrum ac aduocatum apud patrem, & etiam solum esse mediatorem, quantum ad communionem naturæ cum ijs, inter quos mediator est, cū Deo scilicet & hominibus, solus enim ipse uerè Deus est & homo. Solus quoq; mediator noster est Christus, quātum ad redemptionis opus, pro nobis saluandis expletū. Ipse enim solus est propiciatio pro peccatis nostris, solus ipse deleuit quod aduersum nos erat chyrographum mortis affigens illud cruci, solus tulit peccata totius mundi, & uerè portauit dolores nostros, solus de forti armato triumphauit, solus morte profligata, uitam nobis restituit, gratiam meruit & gloriam, atque suo sanguine cœlum reserauit. Hæc enim omnia cum ad redemptionis opus pertineant, rectè dixit Apostolus unum esse mediatorem DEI & hominum. Sed non in hunc modum sanctos facimus mediatores. Nihil enim ad opus redemptionis nostræ contulerunt. Sed intercessores eos esse dicimus, quia scilicet oratione sancta pro nobis Deo supplicant. Non ergo solus est mediator, quantum ad  
suppli-

supplicandi pro nobis munus ac officium, cū sint sub eo & cum eo sancti quoque mediatores per intercessionem, quemadmodum superius abunde demonstrauius.

Quando autem Christus dicit. Venite ad me omnes qui laboratis &c. non excludit sanctos intercessores ac interpellatores pro nobis. Non enim imaginari debemus, Deū & intercessores sanctos, esse quasi duo contraria, alterum alteri opposita, ut qui intercessorem querit, uideatur à Deo recedere, cū tamen per intercessores, non nisi Deus adeatur. Aditur ergo seu inuocatur duobus modis, per intercessores medios, & absq; ullo intercessore medio. cū dicitur: Non loquatur nobis Deus, ne fortè moriamur, tu loquere nobis, & audiemus, statuitur inter Deū & nos mediator, qui Dei uoluntatē ad nos referat. Cum uerò dicitur: Doce me iustificationes tuas, nullus mediator intercedit. Paulum apostolum docuit Deus omnē ueritatem absq; ullis mediatoribus. Ego (inquit) accepi à Domino quod & tradidi uobis. Sic ad Galat. Neq; (inquit) ego ab homine accepi illud, neq; didici, sed per reuelationē Iesu Christi. Potuit eodē modo Deus docere Corneliū Centurionē, sed noluit. Iussit aut ut accerferet Petrum, qui diceret ei omnia quæ oporteret eum facere. Latroni in cruce dimissa sunt omnia peccata absq; ullis medijs, non erat qui

Exod. 20.

Psal. 118.

1. Cor. 11

Gal. 1.

Act. 10.

Luc. 23.



## INTERROG. VEL. PROP.

qui catechizaret, baptizaretq; , qui à peccatis absolueret, qui cōmunionem sacram porrigeret. Potest et nos Deus eodem saluare modo, sed placuit ipsi ut per ministros suos hæc nobis exhiberet, atq; ut per mediatores, doctrinam, fidem, sacramenta, & ipsius dona acciperemus. Fit igitur manifestum, Deum erga nos uti mediatoribus, ubi & quādo ipsi uisum fuerit. Ad eundem modum, nos uicissim exhibemus nos Deo, duobus modis, per mediatores, & sine mediatorib<sup>9</sup>. Cum dicitur: Libera me Domine à persequentibus me, nullus interponitur mediator. Cum dicitur autem: Orate pro me fratres, ut liberer ab infidelibus qui sunt in Iudæa, mediatores statuuntur. Vtramq; inuocationem exaudit Deus, & mediatam & immediatam. In utraq; ipse unicus respicitur, spectatur, inuocatur, & solus nouit De<sup>9</sup>, qui arbiter est animorum nostrorum, quænam inter has duas sit acceptior, & maiorem referat fructum. Respicit enim in orationem humilium, & pauperes suos non despicit, ut illa sit Deo acceptior, in qua fuerit humilitas maior, & nisi mediata illa uim magnam haberet, non uteretur ea tam frequenter Apostolus Christi. Vtrumq; ergo dicimus: Dimitte nobis peccata nostra, sine intercessore: &, orate pro me peccatore uos intercessores. Cum autem intercessorem statuimus, quem inuocamus? intercessores.

rem ne ipsum, an Deum? Arbitror tam stupidum neminem esse, ut putet hic intercessorem inuocari, sed ipsum Deum tantummodo. Ergo cum dicimus: Sancta Maria ora pro nobis, solus utique inuocatur Deus propriè, ad quem intercessor mittitur: Maria autem quæ mittitur, interpellatur, & generali tantum acceptione inuocatur.

Sed pergit Velsius & dicit. Cum ipsum Deum, non solum se Deum nostrum profiteri, sed Matt. 21.  
Ioan. 14.  
16. & patrem, & tutorem, & curatorem passim in scripturis audiamus: insuper autem à Christo didicerimus, quod quæcunq; cum uera fide, re- Iacobi 4. ctè in nomine ipsius petierimus, accepturi sumus, totaque nos scriptura huc exhortetur & uocet, nec alios aut angelos aut sanctos nos nobis intercessores ac patronos sine scripturæ autoritate, constituere debere, eosque qui huc nos pertrahere conantur, suspectos habere: Pau- Coloss. 2: li illius memores, qui inquit: Ne quis uobis palmam interuertat, data opera per humilitatem & superstitionem angelorum, &c.

Principiò dicimus, nos nimis absq; scripturæ autoritate constituere angelos aut sanctos nobis intercessores ac patronos, cum superius id ipsum satis luculenter multis scripturis & de angelorum & sanctorum inuocatione comprobauerimus. Sed fingamus nos nullam habere

# INTERROG. VEL. PROP.

de inuocatione sanctorum scripturarum auctoritatem. quid tum postea? nihilne licet, nisi sit expressum in scripturis? nihilne pium, nisi quod mandatur in scripturis? Si enim non haberemus exempla scripturarum, habemus tamen exempla Ecclesiae, conscripta per patres, quibus indubitata fides in Ecclesia habetur. Præter unum Paulum reliqui Apostoli, aut parum aut nihil scripserunt, tradiderunt autem plurima, quæ in Ecclesiis retenta sunt, & ab eorum successoribus fideliter conscripta, in quibus est & ipse modus inuocandi sanctos cum CHRISTO regnantes, qui tamen, quemadmodum declaratum est, scripturarum auctoritate firmatur. Porro tam uetus est hæc Ecclesiae consuetudo, ut quotquot inuocationis meminerunt, non referant primam eius originem, sed de ea tanquam antiqua, olim tradita, usitata atque recepta, loquuntur. Non ergo suspecti habendi sunt, sed uerè catholici & orthodoxi, qui huc nos pertrahere conantur, qui docent sanctos esse inuocandos: sed reuera tanquam hæretici & suspecti cauendi sunt & deuitandi, qui nos à sanctorum interpellatione auocant, memores illius Pauli, qui ait: Ne-  
mo uos seducat uolens in humilitate & religionem angelorum quæ non uidit ambulans frustra, inflatus sensu carnis suæ, & non tenens ca-

Coloss. 2.

put.

put, ex quo totum corpus per nexus & coniunctiones subministratum & constructum, crescit in augmentum Dei. Ex qua Pauli auctoritate infert Velsius, ad CHRISTVM caput à Paulo nos reuocari: nimirum ut reuocet nos à sanctorum inuocatione. Sed si contextus uerborum Pauli inspiciatur, ipse neminem ibi reuocat ad caput Christum, sed duntaxat simpliciter affirmat illum qui uult in humilitate & religione angelorum ambulare, cum sit inflatus sensu carnis suæ, non tenere caput, cuius nimirum corpus mysticum quod est Ecclesia contendit per hypocrisim diuidere. Et tamen ut admittamus eum ibi nos reuocare ad caput, nūquid reuocat ab inuocatione sanctorum? Iam uerò quod dicit, Ipsum Deum, non solum se Deum nostrum profiteri, sed & patrem, & tutorem, & curatorem passim in scripturis audiamus, quid hoc facit aduersus inuocationem sanctorum? Est enim solus Deus noster, nec alium habemus Deum, quàm eum quem nobis scriptura commendat. Sed superius diximus solum Deum adorandum, sanctos autem honorandos propter Deum. Est etiam Deus pater & tutor & curator precipuus, sed nō solus. Nam si solus est pater, ubi manebit illud Apostoli, Ex quo oīs paternitas in cælis & terra nominatur? Si solus est tutor, expūgantur uerba Pauli in epistola ad

Ephesij.

# INTERROG. VELS. PROP.

**Galat. 4.** Galatas, dicentis: Quanto tempore hæres parvulus est, nihil differt à seruo, cum sit Dominus omnium, sed sub tutoribus & actoribus est, usq; ad præfinitum tempus à patre. Si solus Deus est curator, malè scribitur missus sanctus angelus

**Tob. 3.** Raphael ut curaret ambos (nimirum Tobiam & Saram) quorum uno tempore sunt orationes in conspectu Domini recitatæ. Malè scribi-

**Matt. 10.** tur Christum dedisse apostolis suis potestatem, ut curarent omnem languorem & omnem infirmitatem. Deus itaque summus & præcipuus est curator, tutor & pater, à quo habent angeli & homines, quòd sunt patres, curatores & tutores. Porro sancti, quòd nos diligunt, quodq; nobis patrocinantur, ab aduersis & periculis custodiunt, & alia beneficia invocantibus conferunt, non suis uiribus hæc præstant, sed quia hæc ut consequamur, uel impetrant à Deo, uel accepta à Deo potestate miseris mortalibus conferunt, & idcirco dicuntur quodam modo nobis ea conferre, & appellantur post Deum etiam patres, curatores, tutores nostri, & nostri apud Deum suffragatores, intercessores & mediatores.

Quod uerò ait à Christo nos didicisse, quod quæcunq; cum uera fide, rectè in nomine ipsius petierimus accepturi simus, totaq; nos scriptura hac exhortetur & uocet, quis negat? Ita e-

nim

nim inquit: Amen amen dico uobis, si quid petieritis. patrem meum in nomine meo dabit uobis. Ioan. 16. Sed quid est in nomine Iesu petere? Secundum nomen eius petere. Quod est nomen eius? Iesus, quod saluator interpretatur. Cuius nominis rationem angelus beato Ioseph Matt. 1. exprimens ait: Ipse enim saluum faciet populum suum à peccatis eorum. In nomine ergo Iesu petere, est illud petere, propter quod ipse, qui hoc nomen sibi elegit, descendit de cælo & homo factus est, mortuus, sepultus & resurrexit, ascendit in cælum, & sedet ad dexteram patris. Et quur hæc omnia, nisi ut per nomen eius remissionem peccatorum & uitam æternam acciperemus? Cum ergo quid petimus, quod huic causæ cooperatur, in nomine Iesu petimus: Vel in nomine Domini petimus, quando absque cordis nostri reprehensione, in uera & sincera Domini nostri Iesu Christi fide patrem pro aliquo ad salutem conducente, secundum suam uoluntatē exoramus. Sed cum sanctos inuocamus, non in illorum nomine, extra nomen Domini Iesu, à Deo patre aliquid petimus, sed sanctos interpellamus ac imploramus, quatenus unà nobiscū pro nobis patrē in nomine Iesu precentur, ut obtineamus quod desideramus. Nec hoc prohibuit Dominus quando discipulis suis dixit. Si quid petieritis. patrem in nomine meo dabit uobis.

## INTERROG. VEL. PROP.

Non enim prohibet hic Dominus sanctorum interpellationem neque excludit, sed simpliciter indicat, instruit ac docet, in cuius nomine Apostoli essent petaturi. Proinde sanctorum inuocatio, petitioni quæ in nomine Domini fieri iussa est adeò non aduersatur, ut eam quoque prorsus includat. Cum enim sanctos inuocamus, non nuda eorum reteximus nomina, aut eorum in clamato nomine non Dei dono uolumus saluari, sed sanctos imploramus, ut unà nobiscum patrem in nomine IESV orent, & in eodem nomine rectè desiderata nobis impetrent. Certum est enim plurimorum & præcipuè iustorum orationes apud DEVM magis exaudiri atque ad impetrandum efficaciores esse. Cæterum quantum delirent, qui hæc Christi uerba ita credunt esse intelligenda, ut dicantur petere in nomine Domini, qui duntaxat petunt expresso nomine Christi, idcirco negantes sanctos inuocandos, quòd eam nihil aliud existiment, nisi quandam petitionem nomine sanctorum Deo porrectā, uel hinc liquet, quòd extra nominis sui expressionem nos idem Dominus orare docuit, dicens: Sic orabit. Pater noster qui es in cælis, &c. In hac namq; precatione, nulla fit illius nominis memoria, & tamen absit, ut ille qui dicit hanc orationem dominicam, integra fide & seruenti affectu, negetur . patrem

Matth. 18.  
Iacob. 5.

Matth. 6  
Lucæ 11.



patrem petere in nomine Domini. An non potuit ipse saluator ultimæ petitioni adijcere, ut diceremus, Libera nos à malo, per Dominum nostrum Iesum Christum filiũ tuum? Aut ergo non licebit eam patri profundere, pro eo quòd non fiat in nomine Dñi, hoc est, cum expressa nominis Domini inuocatione aut si licet, sicut utiq; licet, petere in nomine Dñi, non est solum petere cum expressa Christi nominis inuocatione, sed etiam suppresso nomine Christi, petere salutem & ad salutem pertinentia. Sanctorum ergo inuocatio haud min⁹ illicita est, quàm omnino Dominica, quæ similiter absq; expressa nominis Domini inuocatione ad Patrem porrigitur. Nec est incõueniẽs à sanctis tẽporalia & corporalia beneficia poscere, quæ ordinantur ad corporis incolumitatem, cum in oratione Dominica poscamus panem nostrum quotidianum nobis dari, qui ordinatur ad corporis sustentationem, cum corporis sanitas ordinetur ad animæ salutem, ut sit mens sana in corpore sano.

Ex quibus omnibus perspicuè discimus, non (quẽadmodum Velsius falsò affirmat) sanctorũ superstitionem esse uenerationem ac cultũ, quo sibi quis ex his, aliquos patronos & intercessores apud Deum constituat, sed esse cultum piũ, uerbo Dei consentaneum, iam inde ab initio nascentis Ecclesiæ frequentatum ac usitatum,

## INTERROG. VEL. PROP.

quemadmodum ex patribus absque ullo negotio ostendere possemus, nisi nos prolixitas operis (ad quam nos Velsii impietas impulit) deterreret.

Quod autem addit absurdius esse, salutis spem ac fiduciam aliquam in his repositam habere, nos non abnuimus. Nam in Christo collocanda est nobis fiducia saluationis ab ipso obtinenda, simul & intercessionis, quod & noster sit saluator, & deprecator apud Deum patrem. In sanctis uero unica à nobis est constituenda fiducia: nempe intercessionis apud Deum pro nostra salute porrigenda. Intercedunt enim pro nobis, ut obtineamus salutem æternam, quam ab eis ut authoribus ac largitoribus non speramus, sed ut ab intercessoribus. Maior itaq; (nam gemina & saluationis scilicet & intercessionis) in Christo nobis est confidentia reponenda, post quem & in sanctis tanquam patrocinatoribus ac intercessoribus, salutis spem ac fiduciam aliquam repositam habere nullus rectè damnauerit.

Porrò licet Velsius irrideat sanctorum in nos beneficia, quæ tot seculis confessa & experta est Ecclesia Christi, & non honestius de sanctis, quàm de dijs gentium loquatur: haud tamen est improbanda illa fidelium deuotio, qua ad uarios ac diuersos sanctos, pro diuersis subleuandis defectibus, aut corporis aut animi, recur-

runt,

runt, nunc quidē ad hūc pro uno sustollēdo morbo, nunc ad aliū, pro alio morbo dimouendo, ad aliū uerò, pro hoc gratiæ dono, ad aliū autem, pro alio munere spiritali impetrando. Nam Deus pro sua admirabili sapientia, ipsīs diuersis sanctis, diuersa contulit priuilegia, aut cōtra morborū uaria genera præstandæ sanitatis, aut cōtra multiformia peccatorum genera, peculiaris gratiæ impetrandæ, quò eluceat in illis admiranda Dei sapientia, suis amicis modis multis distribuentis sua munera, pro qualitate ac dignitate ipsorum, & conspiciatur ipsa sanctorum foelicißima societas, diuinorum pro hominibus subleuandis donorum, circumamicta uarietatibus. Porro constat Dominum discipulis suis secum in terra conuersantibus dedisse potestatem super omnia demonia, & ut languores curarent. Infirmos (inquit) curate, demones ei⁹ eijcite. Et alibi. Amen amen dico uobis, qui credit in me, opera quæ ego facio, & ipse faciet, & maiora horum faciet. Et hanc acceptam à Domino potestatem, executi sunt apostoli, etiam ante tēpus Dominicæ passionis, euangelizantes & curantes ubiq; . Sed nunquid credendum est, postq̃ corpore exuti sunt, ademptam illis esse eam potestatem, eosq; nunc minimè posse miracula operari, in subsidium eorum, qui eos inuocauerint? Effet enim tunc per resolutionē à corpore, de-

Lucæ 9.

Matt. 10.

Ioan. 14.

## INTERROG. VEL. PROP.

terior facta eorū conditio, minúsque nunc posset,  
 q̄ prius poterant. Quomodo igitur confortatus  
 esset principatus eorū nimis (ut Psalmista ait de  
 amicis Dei) & nō poti⁹ imminut⁹ ac debilitatus?

Ceterū quemadmodum cum adhuc uiuerēt  
 in terris sancti Dei homines, per diuersos uaria  
 & diuersa miraculorū genera operatus est Do-  
 minus, per hos quidem immundorum spirituum  
 expulsionem, per illos cecorum illuminatio-  
 nem, per alios uerò mortuorum suscitationē fre-  
 quentius quā alia miracula aut eminentius q̄  
 per ceteros: ita per ipsos iam cælestis regni con-  
 sortes, diuersa mortalibus impartit sanitatum  
 aut gratiarum beneficia. Vt per hunc sanctum  
 tanquam per oratorem & deprecatores, æstū  
 febrilem depellit, per alium uerò ignis sacri  
 restinguit incendia, atque ita de cæteris.

Ita quoque per hunc sanctum à nobis inuo-  
 tum, castitatis largitur gratiam, per illam  
 mansuetudinis, per alium uerò patientiæ, &  
 de cæteris similiter, prout quisque sanctorum,  
 hac aut illa uirtute, cum adhuc esset in certa-  
 mine ac labore, excellentiūs claruit atque se  
 diligentius exercuit. Cum itaque per hos san-  
 ctos tanquam riuos, exuberantissimus diuinæ  
 bonitatis fons, distribuens unicuique prout  
 uult, & per quos uult, nobis donorum suorum  
 fluentia elargiri constituit, non abs re sanctos  
 ipsos

ipſos tãquam patronos et mediatores nobis ad-  
ſciſcimus, per quos diuinorum munerum parti-  
cipes efficiamur. Sed quid adhuc Velfius? Abſur-  
dum exiſtimat, aut uotis nuncupandis, aut do-  
narijs offerendis, uel ut mala auertant, aut bo-  
na concilient ac tribuãt, ab ipſis tanquam à Dijs  
noſtra opinione factis poſtulare. Sed quis un-  
quam ſanctos appellauit Deos, aut quorũ opi-  
nione facti ſunt dij? Nos enim unum Deum per  
eſſentiam agnoſcimus, patrem & filium & ſpi-  
ritum ſanctum, & præter eum alium neminem,  
quem etiam cultu latriæ ſolũmodo colimus, cæ-  
terum per participationem plures nõ immeritò  
dicuntur dij. Ego dixi (inquit) dij eſtis, & filij  
excellſi omnes. Si illos (inquit Chriſtus) dixit  
Deos, ad quos ſermo Dei factus eſt, quur non  
ſancti dicantur Dij participatiuè?

Mirum autem eſt Velfiũ dicere ſibi exquiſi-  
tè non cõſtare, quid Vigilantiſſime hic ſenſerit, cũ  
tamen in reſponſione ad hoc interrogatorium,  
fateatur ſe ante annos plus minus octo legiſſe  
Hieronymi epiſtolam, in qua contra Vigilanti-  
ſſimum diſputat, quã nequiter & fallaciter dicit,  
argutam magis quã ſolidam, quantum ad hãc  
rem pertinet, argumenta quoq; ac rationes cõti-  
nere, quæ alioq; Hieronymi in pluriſq; diſcepta-  
tionibus (pace tamen tanti uiri dicit) differen-  
di ſit ratio ac conſuetudo. Hæc quidẽ nudè pro-  
nunciat

## INTERROG. VELS. PROP.

nunciat Velsius, absq; ulla uerborū suorū probatione uel assertionē. uerū quibus uerbis ac rationibus siue scripturis reprobatur quod asserit ille? Sed reuera longē firmior ac ualidior est S. Hieronymi assertio, quā ut à Velfio, aut ab ulla inferorum porta destrui queat.

## DE PURGATORIO.

*Vigesimooctauo. An credat defunctorum animas, quæ non satis defæcatæ ob non peractam dignē pœnitentiam, hinc discesserunt, purgatorij pœnas sustinere, easdemq; orationibus, eleemosynis & sacrificijs, quæ pro eis in Ecclesia fiunt & offeruntur, adiuuari, & Aërium hæreticum contra sentientē ante mille annos, iustē ab Ecclesia dānatum esse.*



On latet in hoc interrogatorio (ut cauillatur Velfi<sup>o</sup>) multa impietas obtecta, neq; purgatoriū est figmētum papyſticum, quæſtus & lucri gratia, in multorum hominum pernitiem excogitatum, sed est res quæ neceſſario creditur, & utiliter

ac necessario cognoscitur. Est enim Christianis omnibus scitu necessaria, plurimūq; confert ipsius notitia: primū quidem ut ex charitate subuenire studeant, animabus eorum, qui poenis illis detinentur: deinde ut nobis ipsis metum incutiat, ne leuiore culpas facile admittamus, quum certò nobis constet nos ob eas in illis purgationis ignibus graues luituros poenas, nec antè nobis in cœlum aditum patère, quàm ab illis per acerbos purgatorij cruciatus, fuerimus purgatissimi. Confert item & spei nostræ, ne protinus ut morbus aliquis grauis et lætiferus, nos oppresserit inopinatos, desperem⁹ credētes oīa uel leuissima, de quibus hic nō satisfecimus, in gehēna perpetuò debere puniri. Sperare enim possum⁹ admissa leuiora, quæ nō satis in hac uita defleuimus, sic in purgatorijs ignibus clementer expiari posse, ut non necesse sit, eorum ultionem ad gehennam reseruari. Vnde elucet immensa misericordia Dei, qui per purgatorium clementer hominibus prospexit, ut temporaliter expiarentur, & sic tandem plenè expurgati, ad beatitudinis participationem admitterentur, ne si expurgatio illa denegaretur, ad æternam damnationem protruderentur. Itaq; apprimè necessaria res est Christianis nosse purgatorium esse locū, in quo pro minutis delictis, & pro quibus hic condignam non egerunt poenitentiam

anime



# INTERROG. VEL. PROP.

animæ corporibus exuta, uelut aurum in fornace purgatione accipiant, priusquam in cœlū admittantur. Falsum est ergo quod Velsius ait hominibus licentius ac dissolutius uiuendi fenestrā aperire, dum inani redemptionis propter orationes, eleemosynas, sacrificia, pro ipsis post mortem fienda & offerenda spe, minus de salute sua hic cum timore ac tremore (ut docet Apostolus) perficienda, sollicitos reddit. Nam quemadmodum dictum est, cognitio purgatorij metū nobis incutit, ne leuiore culpas admittamus, ut condignam poenitentiam agamus, ut nosmetipsos dijudicemus, ut cū timore & tremore salutē nostram perficiamus. Simili ferè modo olim Aërius hæreticus fideles auocabat à suffragijs mortuorum, dicens: Si omnino preces eorum, qui hīc sunt, profunt illis qui isthīc sunt, igitur nemo sit pius neq; boni quicquā faciat, sed acquirat amicos quosdam per quem uult modum, aut per pecunias persuadens, aut amicum id in obitu demandans, & orent pro ipso ut ne quid illic patiat, neq; immedicabilia peccata ab ipso perpetrata requirantur. Porro quoniam scriptura sacra, conclaue quoddam est ueritatis, tentabimus purgatorij ueritatem, ex ipsa quoq; comprobare, idq; ex una uel pluribus scripturis simul cōiunctis. Itaq; apud Matthæum dicit Saluator, Omne peccatum & blasphemia remittetur

mittetur hominibus, spiritus autem blasphemie non remittetur. Et quicumq; dixerit uerbum cōtra filium hominis, remittetur ei. Qui autem dixerit contra spiritum sanctum, non remittetur ei neq; in hoc seculo, neq; in futuro. Hic aliquod peccatum esse insinuat Dominus, quod nō remittetur neq; in hoc seculo, neq; in futuro, & quædā esse peccata, quæ remittuntur in futuro, hoc est, post hanc uitam, alioqui frustra addidisset in futuro, si post hanc uitam, nulla esset remissio peccatorum. De quo uide Augustinū lib. 21. de Ciuit. Dei. c. 24. & Greg. lib. 4. Dialog. Et Bernardum serm. 67. in Cant. Cant.

Necessariò ergo concedendum est, aliquam peccatorum in futuro seculo fieri remissionem, quæ cum non exhibeatur eis qui æternaliter dānati sunt, neque eis qui saluati sunt, necesse est ut dicamus aliquibus remitti peccata in alio seculo, qui neq; sint in æterna damnatione, neque in æterna beatitudine collocati. Nulli autem medij sunt, inter æternam beatitudinem, & æternā damnationem, nisi illi de quibus dicimus, quod in pœnis purgatorijs sint. Potrò remittit Deus peccatori homini peccata sua duobus modis: in hac uita uidelicet, quando duritiam cordis illius, per interiorē gratiā, ad conuersionē emoluit, & conuersum ad se à debito gehennalis pœnæ, quæ ei pro peccatis debebatur, absoluit.

Quibus

## INTERROG. VEL. PROP.

Quibus autem in hac uita, his modis peccata remittit, si ita migrant ex hac uita, priusquam de peccatis suis ad plenum satisfaciant Deo, permittit eos ad tempus puniri quibusdam pœnis, quas constituit ad hoc, ut electi sui in his purifi-

**1. Pet. 2.** centur. Quando autem illas pœnas remittit, & eos ad refrigeriũ educit, tunc eis peccata remittere dicitur, quia & pœnæ peccatorum peccata uocantur, secundum illud Apostoli. Christus peccata nostra pertulit in corpore suo super lignũ. Non autem aliter ipse peccata nostra portauit, nisi quod pœnas quæ nobis debebãtur pro reatibus nostris, ipse sustinuit.

**Matth. 5.** Sunt qui & illud saluatoris huc producunt, dicentis: Esto consentiẽs aduersario tuo citò, dũ es in uia cũ eo, ne fortè tradat te aduersarius iudici, & iudex tradat te ministro, & in carcerẽ mittaris. Amen dico tibi, non exies inde, donec reddas nouissimũ quadrantẽ. Per hunc carcerẽ Augustinus intelligit pœnas tenebrarum. Et ne quis (inquit) hũc carcerẽ contēnat, sequitur: Amen dico tibi, nõ exies inde &c. Quadrãs teste Hieronymo genus nũmi est, quod habet duo minuta. Tantũ est ergo ac si dicat. Non egredieris de isto carcere, donec etiã minuta peccata persoluas. Quũ aut hoc fieri non possit in inferno damnatorum, relinquitur aliquem alium esse expiationis locum, ubi hæc pœna peccatis irrogatur.

S. Apo-

S. Apostolus Ioannes in prima epistola sua: Est (inquit) peccatum usq; ad mortem, non dico ut pro eo roget quis. Hoc omnes orthodoxi intelligunt esse peccatum finalis desperationis. Dicit proinde S. Euangelista, pro eo non esse orandum, quem constat hinc emigrasse cum desperatione clementiæ Dei, insinuans nihilominus pro alijs esse orandum, qui hinc recesserunt cum fiducia obtinendæ remissionis: frustra enim monuisset pro illis desperantibus non esse orandum, si pro alijs nõ desperantibus non esset orandum. Porro si illis profutura sit oratio, constat eos alicubi detineri in tormentis ac cruciatibus, unde per orationes eripi valeant, sed id nec est in gehēna, quoniam inde nulla prorsus est redēptio, nec in cœlo, quoniā illic nihil intrat purgandū, oportet ergo ut sit tertius aliquis locus, in quo crucientur & expurgentur à peccatorū suorū impuritatibus. Et ne q̄s cauilletur propter uerbū Viderit, quum paulo antè dixisset: Si quis uiderit fratrem suum peccare, peccatum non ad mortem, intelligat, Videre nõ aliter hinc accipi quàm intelligere, quū nemo corporeis oculis desperationem cernere ualeat, sed solo mentis iudicio percipere. Sed nec res ista potest antè deprehēdi, quàm quisq; hinc emigraverit, quū multos à desperatione, qua pridē infestati fuerant, constet resipuisse. Adhæc Paulus

# INTERROG. VEL. PROP.

- Phi. 2.** in epistola ad Philippenses. Vt in nomine Iesu (inquit) omne genu flectatur cœlestium, terrestrium, & infernorum, & omnis lingua cōfiteatur, quia Dominus Iesus Christus in gloria est Dei patris. Hic Apostol<sup>9</sup> triplicē ordinē eorum facit curuantium genua ad nomen Iesu. In
- Apoc. 5.** Apocalypsi quoq; traditur, neminē inuentū esse in cœlo, nec in terra, nec subtus terram qui dignus esset aperire librum scriptū intus & foris, & signatū sigillis septē. Nemo (inquit) poterat, neq; in cœlo, neq; in terra, neq; subtus terram aperire librū, neq; respicere illū. Sed palām est, quantum ad hos attinet, qui subtus terram in gehenna sunt, quod non flectant genua nomini Iesu, neq; nomen illud honorent, dicente David: In inferno quis confitebitur tibi? Sed contrā potius ipsum iugiter blasphemant. Sed nec de his aliqua probabilitas est aperiendi libri. Constat proinde de purgandis, qui in purgatorio subtus terrā expiantur utrumq; debere intelligi. Præterea S. Apostolus Paulus in priore epistola ad
- 1. Cor. 3.** Corinthios, Fundamentum (inquit) aliud nemo potest ponere, præter id quod positū est, quod est Christus Iesus. Si quis superædificat super fundamētum hoc aurum, argentū, ligna, fœnū, stipulam, uniuscuiusq; opus manifestum erit, dies enim Domini declarabit, quia in igne reuelabitur, & uniuscuiusque opus quale sit ignis proba-

probabit. Si cuius opus manserit, quod super-  
ædificauit, mercedem accipiet. Si cuius opus ar-  
serit, detrimentum patietur, ipse autem saluus  
erit, sic tamen quasi per ignem. Quem locum  
Eckbertus presbyter sermone. 9. aduersus Catha-  
ros explicat in hæc uerba. Fundamentum spiri-  
tualis ædificij, quod intus in anima cōstruimus,  
fides Christi est, quam qui uerè habet, Christum  
in mente gerit, qui est initium & consummatio  
omnis boni in electis suis: ideoq; & ipse funda-  
mentū uocatur. Fundamentū nostrū dicitur fi-  
des, quia à fide bonā uitā inchoamus. Nam si nō  
sit in nobis recta fides, nihil in nobis potest Deo  
placitū esse quicquid faciamus bonū siue malū.  
Ex quo autem in nobis esse cœperit fides, placē-  
re incipimus Deo, iamq; securè possumus ope-  
rari bona opera, quia de cætero mercedem suam  
accipient. Lapidēs pretiosos super fundamentū  
ædificamus, quando hoc fidei rectæ adiicimus,  
ut bonis moribus simus ornati, uidelicet humi-  
litate, patientia, temperantia, iustitia, misericor-  
dia & cæteris huiusmodi moribus quos uirtutes  
animi uocamus, quotienscunq; etiam opera fa-  
cimus, quæ ex huiusmodi uirtutibus proce-  
dunt, lapides pretiosos fundamento superædifi-  
camus. Lapidibus autem pretiosis talia dignè  
comparatur, quia sicut lapides pretiosi, aurū et  
alias res, quæ in se pulcræ sunt ornare solēt, ita

# INTERROG. VEL. PROP.

uirtutes & bona opera, decorem magnum præstant animæ rationali, quæ secundum Deum formata est, & pretiosior est omni auro. Decor autem iste non potest in anima dissolui, etiam si in ignem purgatorium, pro aliquibus leuioribus culpis fuerit missa, sicut & lapides pretiosi liquesceri non possunt, si in ignem mittantur. Argentum quoque fundamento super ædificant, quibus hoc studium est, ut scripturas diuinas intelligant, & sermonibus sapientiæ alios instruant. Argento autem quod habet dulcem & acutam sonoritatem comparari solet scriptura sacra, ut ibi, Eloquia Domini, eloquia casta, argenteum igne examinatum. Quid enim dulcius sonat, quam sacra scriptura, in qua uitæ æternæ gaudia promittuntur? Quid acutius diuino sermone, qui est penetrabilior omni gladio ancipiti, & pertingente usque ad diuisionem animæ & spiritus? Item & aurum in edificio suo collocat, qui tam perfectæ contemplationi cor suum tradit, ut possit iugiter de Deo meditari, & trahere de occultis sapientiam, qua gustatur suauitas eius, ipsumque sine intermissione orare, ipsum incessabili charitatis ardore circuire. Talis contemplatio rectè auro comparatur, quia cunctis uirtutibus excellentior est, sicut cæteris metallis pretiosius est aurum, estque effectrix operum summæ perfectionis, quæ & ipsa quasi aurum sunt in edificio

Psal. 17.

Heb. 4.



ædificio animæ, comparata cæteris operibus bonis. Facit enim abstinere propter Deum, etiam ab his, quorum usus licitus est: facit contemnere mundum, et omnem gloriam eius, castitatem immaculatam custodire, animam pro Deo et fratribus ponere, ac cætera huiusmodi. Ligna uero, fœnum et stipulam, super fundamentum suum coaceruant, qui cum rectam fidem habeant, nimis occupant corda sua curis et cogitationibus, quæ pertinent in hunc mundum, quique maiorem quam oportet amorem habent ad ea, quæ probibita ipsis non sunt, filios et filias, seculares amicos, domos et possessiones et dignitates et huiusmodi. Hi inquam in anima sua ædificare dicuntur super fundamentum ligna, fœnum et stipulam, quia talibus rebus mentem occupant, quæ cremabiles sunt, sicut lignum, fœnum et stipula. Nam hæc quæ dicta sunt, obscuram et grauem faciunt animam, ne possit liberè cogitare ea quæ Dei sunt, ipsumque amare sicut oportet, sed omnis ista obscuritas et grauitas, in purgatorio igne exurenda est, ita ut ipsum fundamentum nihil destructionis patiatur, si tamen inter hæc omnia præ cunctis rebus habeatur Deus, ita ut si necesse sit, potius ista relinquantur, quam Deus abnegetur. Coaceruant etiam in anima sua res cremabiles, qui se non custodiunt à leuioribus culpis, uelut est otio-

## INTERROG. VEL. PROP.

*ſus ſermo, riſus & ioci, ira, uana letitia, exceſſus in cibo & potu, qui non eſt frequens nimis, & huiusmodi quotidiana peccata, quæ capitalia non dicuntur. Hi inquam ligna, fœnum, ſtipulam aggregant ſuper fundamentum ſuum, & hæc quoque excoquenda ſunt per ignem. De leuioribus dixi peccatis. Nam criminalia peccata ſi admiſſa fuerint, non po-  
teſt dici, quòd ſuper fundamentum aliquo modo collocentur. Siquidem ipſa deſtruunt fundamentum & fidem, quia enecant eam, & pro his dicitur mortua fides. At ſi pro his pœnituerit homo & non ſatiſfecerit DEO pro his in hac uita, reputabuntur quaſi illa quæ comparata ſunt ligno, fœno & ſtipulæ, & annihilabuntur per ignem in die Domini, ſicut & leuiora quæ prædicta ſunt. Dies hominis dicitur tempus illud, in quo unicuique homini permittit Deus facere ſecundum arbitrium ſuum quod uult, & quo poteſt promereri bona ſiue mala ſecundum opera ſua. Dies autem Domini, tempus illud, quod inſtat unicuiq; , quando ſeparatur à corpore anima eius, & de cætero non poteſt incedere ſecundum arbitriũ ſuum, ſed ſecundũ iudicium Dei ducitur, uel ad requiem, uel ad pœnam, ad accipiendam mercedem quam promeruit, ſiuntq; manifeſta, quæ prius in eo erant occulta, ſiue bona, ſiue mala. Vnde & dicitur*

*tur:*

tur. Vniuscuiusque opus manifestum erit. Dies enim Domini declarabit, & uniuscuiusque opus quale sit ignis probabit. Ignis autem dicitur pœnalitas illa, quam ad hoc Deus ordinauit, ut in ea affligantur & purgentur electorum animæ, à maculis quas in hac uita contraxerunt. Quæ nullum quidem detrimentum inferre poterit ædificationi eorum, qui fundamento superædificauerunt, aurum & argentum, & lapides pretiosos, etiam si per medium illius eis transire cōtingat. Propter hos ergo ait, Si cuius opus manserit, quod superædificauit, mercedem accipiet, eam uidelicet, quam sua superædificatione promeruit. Propter eos autem qui superædificauerunt ligna, fœnum, stipulam, dicit: Si cuius opus arserit, detrimentum patietur, ita uidelicet quod nullū pro sua ædificatione præmium habebit, imò amaram afflictionem, ipse autē saluus erit, sic tamen quasi per ignem, id est, non aliter nisi per examinationem ignis. Diuersis autem nominibus ligni & fœni & stipulæ, designauit ea quæ in quolibet exurenda sunt, propter diuersitatem ipsorum, secundum quam, quedam diutius alijs ignem sustinebunt, uelut lignum diutius fœno ardet, fœnum diutius stipula. Est autem ignis iste idem, quod Psalmista irā appellat, quū dicit: Dñe ne in furore tuo arguas me, neq; in ira tua corripas me, uel emēdes

## INTERROG. VELS. PROP.

Mat. 25.

me, ut habet alia translatio. In furore arguentur & non emendabuntur, quibus dicitur: *Ite maledicti in ignem æternum. In ira autem corripientur & emendabuntur, qui per ignem salvi erunt. Vtrumq; autē formidans deprecatur, dicens: Domine ne in furore tuo arguas me, ac si diceret, Non sū inter eos quibus dicturus es, Ite maledicti in ignem æternum, neq; in ira tua emendes me, sed in hac uita me ure & seca, & talem me redde, cui emendatorius ignis necessarius non sit. Iste ignis est, quem Ioannes Baptista significauit, quando de Domino saluatore prædicabat, dicens: Ille uos baptizabit in spiritu sancto & igne. Nam in hac uita baptizat in spiritu sancto, quando in baptismo foris quidem per uisibiles ministros baptizat nos in aqua, intus autem animas nostras propria operatione baptizat in spiritu sancto, donans nobis remissionem omnium peccatorum. In igne autem nos baptizat, quando post hanc uitam in purgatorijs poenis, animas nostras purificat à maculis peccatorum, quas in habitaculo corruptibilis corporis contraxerunt, quia nihil in illa sua purissima ciuitate recipere uult, quod non sit ab omni sorde defæcatum. Hactenus ille, secutus Origenem, Ambrosium, Augustinum & Gregorium, qui locum Pauli de igne purgationis exponunt, quanquam & de igne tribu-*

tribulationis, nobis in hac uita exhibito, possit intelligi.

In libro 2. Machabæorum ita scribitur: For= 1. Mach.  
tissimus Iudas, facta collatione duodecim millia  
drachmas argenti misit Hierosolymam offerri  
pro peccatis mortuorum sacrificium, bene &  
religiose de resurrectione cogitans. Nisi enim  
eos qui ceciderant resurrecturos speraret, su-  
persuum uideretur & uanum orare pro mor-  
tuis. Et quia considerabat quod hi qui cum pie-  
tate dormitionem acceperant, optimā haberent  
repositam gratiam. Sancta ergo & salubris est  
cogitatio pro defunctis exorare, ut à peccatis  
soluantur, hoc est, à pœnis peccatis debitis libe-  
rentur, ut dictum est.

Felicis recordationis uir doctissimus & insi-  
gnis martyr Christi Ioannes Rossensis Episco-  
pus, ex pluribus sibi mutuò connexis scripturis,  
confirmat purgatorium hoc modo. Primū istud  
ex scripturis constat, damnatorū animas in ge-  
hēna, iam interea torqueri, donec ueniat iudiciij  
dies, id quod ex parabola diuitis epulonis mani-  
festum est. Constat item ex eisdem scripturis,  
quorūdam animas in cœlo iam beatas esse, præ-  
cipuè sanctorum patrum, quos è limbo capti-  
uas eduxerat Christus, quemadmodum ex Psal-  
mis & diuo Paulo dilucidum est: Ascendit (in-  
quit) Christus in altum, captiuā duxit captiuita

Lucæ 16.

## INTERROG. VEL. PROP.

tem. Quod si p scripturas patet, quasdam animas in gehenna cruciari, quasdam uerò iam in cælis summa uoluptate frui, an non inde perspicuum est, alias, quæ nec adhuc beatæ cælo potiuntur, nec detrusæ sunt in gehennâ, nō esse penitus otiosas? Nam aut boni quicquam patiantur, aut mali necessum est. De bonis illis & malis loquor, de quibus Euangelium ait: Fili mi, recepisti bona in uita tua, & Lazarus similiter mala. Nec est credibile quòd ij omnes, qui non fuerint in gehennam coniecti, quòd euestigiò mi-  
grauerint in cælum. Quamobrem & intereà pro uoluptatibus uenialibus, quibus in hac uita plusculum quàm par fuit indulserunt, molestias aliquas oportet subeant, quibus emaculentur & expientur, digniq; reddantur illa cælesti ciuitate, in quam (ut in Apocalypsi traditur) nihil intrabit coinquinatum. Vide nunc num istæ scripturæ non apertissimam fidem faciant, oportere purgatorium esse, hoc est, locum quendam ad expiationem animarum deputatum? Nam cum multæ sint animæ, quæ nec ab hoc seculo usque adeò puræ migrarunt, ut in cælum protinus recipiantur, nec tam impuræ, ut mereantur gehennæ ignibus tradi, nec demum unà cum corporibus extinctæ sint, consequens est, ut suas intereà præparationes patiantur quibus idoneæ fiant, ut cælesti ciuitate donentur aliquan-

Luc. 16.

Apoc. 21.

aliquando. Quid enim absurdius, quàm ut credatur animā (inquit Eckbertus) à sentina turpitudinum recenter extractam, & earū memoria adhuc quodammodo foetentem, in illud tam limpidissimū lumen tā repente irrūpere, & purissimorum spirituum cœtibus admisceri, ita ut sit uno eodēque die mane quidem in peccatorum turpissimo coeno, & uespere in angelorū purissimo cœlo? Nōne debuerat uel septem dierum rubore suffundi, pro multis criminosis excessibus, cum pro solo uerbo iurgij, Maria soror Num. 12. Moysi lepra pessima correpta sit à Domino, ac septē diebus sequestrata à castris filiorū Israel? Ex auro purissimo omnia uasa sanctuarij, quib⁹ administrandum erat corruptibile sacrificium in deserto, fieri iussa sunt, quantò magis uasa, quibus incorruptibilis gloria purissimæ diuinitatis seipsam dignabitur infundere omnimoda examinatione antequā ad sancta sanctorū inferatur, probata esse conuenit? Manifestum est igitur per omnia necessarium esse purgatorium illum ignem in quo animæ eorum qui in hac uita non plenariam satisfactionem Deo pro peccatis suis exhibuerunt, tamdiu examinentur, donec idoneæ fiant intromitti ad illam supernam ciuitatem Dei, quæ nihil recipit, quod perfectum & plenè examinatum non sit. Porro si præoccupatus fuerit homo grauioribus peccatis,



## INTERROG. VEL. PROP.

Et conuersus fuerit ab iniquitate sua, et poenitent  
 tuerit ex toto corde de perpetratis malis, præter  
 illam interiorem poenitentiam cordis, opus  
 habet adhuc aliqua exteriori satisfactione quã  
 exhibeat Deo pro peccatis suis: uidelicet ele-  
 mosynas dando, ieiunando et alijs modis cor-  
 pus affligendo propter Deum, quod euidentibus  
 sanctæ scripturæ testimonijs declaratur. Dicit  
 enim Dominus per prophetam Iohel: Conuer-  
 titi ad me in toto corde uestro, in ieiunio et  
 fletu et planctu, et scindite corda uestra et nõ  
 uestimenta uestra. Ecce euidenter præter interio-  
 rem conuersionem cordis, exteriorem quoque  
 satisfactionem exposcit. Ioãnes quoq; Baptista,  
 ut in Euangelio legimus, ad utrumq; hortatus  
 est dicēs. Poenitentiam agite. Et post pauca sub-  
 iungit; Facite ergo fructus dignos poenitentiae:  
 fructus aut poenitentiae sunt opera bona, quibus  
 Deus placatur pro peccatis, et uariæ castiga-  
 tiones carnis. Quæ qualem effectum habeant ad  
 placandum Deum, declarant gesta Niniuitarũ,  
 et humiliatio Achab regis Israel, cum arguere  
 tur per Helyam post occisionem Naboth, qui  
 scidit uestem suam, et operuit cilitio carnem su-  
 am, ieiunauitq; et dormiuit in sacco, et ambu-  
 lauit demisso capite. Factusq; est sermo Domi-  
 ni ad Helyam dicens: Nõne uidisti humiliatum  
 Achab coram me? Quia igitur humiliatus est  
 mei

Ioel 2.

Matth. 3.

Ione 3.

3. Reg. 21.

mei causa, non inducam malum in diebus eius, sed in diebus filij eius inferam malum Domini eius. Ex quibus constat, Deum non solum internam cordis compunctionem, sed etiam externam satisfactionem peccatis congruentem exigere, eaq; exhibita placari, neglecta autem ad vindictam commoueri. Hoc enim indubitatum est, & sacris scripturis comprobatur, uerè poenitentibus, & ad Deum toto corde se conuertentibus, remitti quidem peccata à Deo, & absolui à reatu quo constringuntur aeternæ damnationis, nō tamen impunita eorum peccata dimitti, sed secundum iustitiam Dei, punitionem quoque illis deputari.

Huius rei sanctus David testis est locupletissimus; qui post impetratam à Deo ueniam adulterij et cōmissi in Vriam Hethæum homicidij, nihilominus tamen denunciabatur ei per Nathan prophetam, pœna peccato constituta à Domino: nimirum quod moriturus esset natus illi filius. Postquam enim Propheta parabolam proposuisset regi, & ille contra semetipsum protulisset ignoranter sententiam, & Nathan dixisset: Tu es ille uir, qui fecisti hanc rem, & reliqua quæ sequuntur. dixit David ad Nathā: Peccaui Domino: Dixitq; Nathan ad David. Dominus quoq; transtulit peccatum tuum, non morieris. Veruntamen quoniam blasphemare fecisti mi-

# INTERROG. VEL. PROP.

sti inimicos nomen Domini, propter uerbū hoc, filius qui natus est tibi morte morietur. Et prius ei dixerat. Quare contempsisti uerbum Domini ut faceres malum in conspectu meo? Vriam Hethæum percussisti gladio, & uxorem illius accepisti in uxorem tibi, & interfecisti eum gladio filiorum Ammon. Quamobrem non recedet gladius de domo tua usq; in sempiternum, eo quod despexeris me, & tuleris uxorem Vriæ Hethæi, ut esset uxor tua. Itaque hæc dicit Dominus, Ecce ego suscitabo super te malum de domo tua, & tollam uxores tuas in oculis tuis, & dabo proximo tuo, & dormiet cum uxoribus tuis, in oculis solis huius. Quæ omnia ipse Dauid post dimissum peccatum, expertus est, quemadmodum secundus liber Regum copiosissimè testatur. Adhæc cum numerasset populum, & animaduerneret se offendisse Deum (percussit enim cor Dauid eum, postquam numeratus est populus) dixit ad Dominum. Peccaui ualde in hoc facto, sed precor Domine, ut transferas iniquitatem serui tui, quia stultè egi nimis. An hic existimandum misericordiæ suæ Dominum fuisse oblitum, ut agnoscenti confitentiq; peccatum suum, & de eo ex animo poenitenti, & corde humili contritòque ueniam poscenti, non ignouerit? Et tamen nihilominus, manè cum surrexisset Dauid, sermo Domini factus

2. Reg. 24  
& 1. Paralip.  
21. & 27

Hæc est ad Gad Prophetam & uidentem, di-  
 cens: Vade & loquere ad David. Hæc di-  
 cit Dominus. Trium tibi datur optio, elige u-  
 num quod uolueris ex his ut faciam tibi. Cùm-  
 que uenisset Gad ad David nunciauit ei, dicens:  
 Aut septem annis ueniet tibi fames in terra tua,  
 aut tribus mensibus fugies aduersarios tuos, &  
 isti te persequentur, aut certè tribus diebus erit  
 pestilentia in terra tua. Nunc ergo delibera,  
 & uide, quem respondeam ei qui me misit ser-  
 monem. Dicit autem David ad Gad. Coar-  
 tor nimis, sed melius est, ut incidam in manus  
 Domini (multæ enim misericordiæ eius sunt)  
 quàm in manus hominum. Immisitq; Dominus  
 pestilentiam in Israel, de mane usque ad tem-  
 pus constitutum. Et mortui sunt ex populo,  
 à Dan usque Bersabee, septuaginta millia uiro-  
 rum. Moyses quoque & Aaron Deo proculdu-  
 bio acceptissimi & dilectissimi in pœnam culpæ  
 ad aquas contradictionis commissæ, atq; iamdu-  
 dum remissæ, in satisfactionem debitam, exclusi  
 sunt ab ingressu terræ promissionis. Quia (in-  
 quit) non credidistis mihi, ut sanctificaretis me  
 coram filiis Israel, non introducetis hos popu-  
 los in terram, quam dabo eis. Rursus in Leui-  
 tico, multa præcipiebantur opera afflictiua, in  
 expiationem delictorum facienda. Quid autem  
 iuberet DEVS affligere animas talibus ope-  
 ribus

Num. 206

INTERROG. VEL. PROP.

ribus pœnalibus, nisi ut Deo satisfaceret? Culpa enim mortalis deleri non potest per opera quæcunq; sed sola Dei gratia & misericordia, alioqui impius seipsum posset iustificare, quod est impossibile. Erant ergo opera illa in satisfactionem pro peccatis iam dimissis à Deo iniuncta. Quare post peccati remissionem, superest adhuc per satisfactionem pœnæ persolutio. Aliud est enim in peccato malum culpæ, & aliud malum pœnæ, & plurimum interest, inter culpam peccati, & pœnam peccato debitam. Quod propheta insinuans dicebat: Dominus in Christo posuit iniquitatem omnium nostrum, non quidē culpam, quia peccatum non fecit, nec inuentus est dolus in ore eius, sed posuit in eo nostrarum iniquitatum pœnam. Ipse enim uulneratus est propter iniquitates nostras, attritus est propter scelera nostra. Quod enim (inquit Hiero.) Pro nostris sceleribus sustinere debuimus, ille pro nobis suscepit. Proinde aliud est culpam deleri, aliud à culpis exui, aliud à pœnis quas pro his meremur, eripi. Peccata sæpe remittuntur, manēte obligatione ad pœnam sufferendam peccatis debitam. Quantum autem hæc discretio pœnæ à culpa, quantumue distet culpæ deletio à persolutione reatus pœnæ, hinc satis liquet quod patres ueteris testamenti, & qui fuerunt sub lege naturæ, uiri utiq; sanctissimi, multo tempore ab  
omni

omni immunditia culpæ, extiterint mūdati, qui  
 nihilominus in pœnam præuaricationis, in re-  
 quiem non introierunt cælestem, donec Chri-  
 stus deleret cyrographum, quod erat contrariū  
 omnibus nobis, affigens illud cruci, factus in hoc  
 propiciatio pro peccatis totius mundi. Coloss. 1. Quod  
 autem post remissionem culpæ, necessaria sit  
 persolutio pœnæ debitæ S. Aug. Tract. 124.  
 in Ioannem testatur, dicens: Productior est pœ-  
 na, quàm culpa, ac per hoc ad demonstratio-  
 nem debitæ miseriæ, uel ad emendationem labi-  
 lis uitæ, uel ad exercitationem necessariæ patienti-  
 tiæ, temporaliter detinet hominem pœna, quem  
 iam ad sempiternam seu æternam non detinet  
 culpa. Sed dices. Profer nobis etiam scriptu-  
 ras noui testamenti, quibus dogma tuum con-  
 firmes. Protulisti quidem ueteris testamenti scri-  
 pturas, sed in nouo testamento nullam prorsus  
 inuenies, quàm potius Christus mulieri adulteræ  
 dixit: Vade & amplius noli peccare, nulla pœ-  
 nalis satisfactionis habita mentione. Ioan. 8. Sed discere po-  
 tius omnes, qui in noua lege iusti leguntur, per  
 baptismum fuisse iustificatos. Talibus autem  
 (quia non manent alicuius pœnæ obnoxij, sed de-  
 mittitur omnis culpa & pœna) nulla debuit in-  
 iungi satisfactio. Porro pauci describuntur post  
 baptismum lapsi, & per pœnitentiam denuò iu-  
 stificati. Proinde nequaquam mirandum, si non

# INTERROG. VEL. PROP.

1. Cor. 5.

2. Cor. 2.

Luc. 23.

multi legantur post iustificationē, pœnas persoluisse pœnitētiales. Et tamen si noui testamēti scripturas expendamus, inuenimus fornicarium illum Corinthium ab Apostolo post peccatū traditum sathanæ in interitū carnis, ut spiritus eius saluus fieret in die Domini nostri Iesu Christi. Quantum autem ad adulteram illam attinet, dici potest, quòd etsi non legatur eius satisfactio, ipsam tamē semetipsam uoluntariē postea diiudicasse. Multa enim facta sunt, quæ nō sunt scripta. Et præterea quis nouit quàm uehementem ipsa mulier habuerit, donante Christo, fidem & peccatorum suorum contritionem? Nōne peculiariter concessum est latroni, propter admirabilem fidei illius uirtutem qua hominem quem uidit non habentem speciem neque decorem, & quasi nouissimum uirorum, ignominiosissimæ morti traditum, credidit esse Deum, dicens: Domine memento mei dum ueneris in regnum tuum? Quæ fides (ut credendum meritò est) coram diuino examine, maioris meriti habita est, quàm multorum annorum grauis pœnitentia.

Clarum itaque euasit, non solum necessarium esse, offensam peccati, per gratiam & misericordiā Dei remitti, sed præter hoc quoq; oportere, per pœnam comméritam ac debitam, diuinæ iustitiæ satisfieri. Vnde peccata piorum ac iusto-



iustorum hominum, pro quibus in hac uita non satisfecerunt, etiam post mortem satisfactione quadam pœnali expiantur, detinenturque animæ eorum in locis quibusdam purgatorijs, donec perfectæ & ad plenum fuerint expurgatæ ac emundatæ: imò & pro peccatis suis fuerint satis passæ, & tunc tandem admittantur ad gaudium æternæ beatitudinis. Nam inter diem iudicij & exitum animæ à corpore tempus quoddam est medium, quo purgantur animæ à corpore exutæ, quemadmodum S. Aug. testatur in lib. de Vera & falsa pœnitentia cap. 18. Prius (inquit) purgandus est igne purgationis, qui in aliud seculum distulit fructum conuersionis. Hic autem ignis, etsi æternus non sit, miro tamen modo est grauis. Excellit enim omnem pœnam, quam unquam passus est homo in hac uita. Nunquam enim in carne tanta inuenta est pœna, licet mirabilia passi sint sancti martyres tormenta. Et lib. 21. de Ciuit. Dei cap. 13. Temporarias (inquit) pœnas, alij in hac uita tantum, alij post mortem, alij nunc & tunc, ueruntamen ante illud iudicium seuerissimum nouissimumq; patiuntur. Et in Enchiridio cap. 110. Neq; negandum est (inquit) defunctorum animas, pietate suorū uiuentium releuari, cum pro illis sacrificium mediatoris, uel elemosynæ in Ecclesia fiunt, sed eis hæc prosunt,

## INTERROG. VELS. PROP.

qui cum uiuerent, ut hac sibi postea prodesse posset, meruerunt. Et in lib. de Cura pro mortuis agēda cap. 1. ita scribit: In Machabæorum libris legimus, oblatum pro mortuis sacrificium. Sed etsi nusquam in scripturis ueteribus omnino legeretur, non parua est uniuersæ Ecclesiæ, quæ in hac consuetudine claret autoritas, ubi in precibus sacerdotis, quæ Domino Deo ad eius altare funduntur, locum habet etiam commendatio mortuorum. Sed quod missæ sacrificium non solum pro uiuis, sed etiam pro mortuis sit offerendum, & fuerit semper in Ecclesiâ oblatum, superius ex patribus demonstrauius. Porro consuetudo ista, ab ipsis apostolis instituta & introducta est, quemadmodum Damascenus affirmat in quodam sermone de suffragiis mortuorum, sic dicens: Ministeriorum consciij discipuli saluatoris & sacri Apostoli, in tremendis & uiuificis mysterijs, memoriam fieri eorum qui fideliter dormierunt, sanxerunt.

Porro Velsius dicit ueteres, quique proximi apostolorum temporibus fuerunt, purgatorium non agnouisse, idq; ex Dionysij Areopagitæ ultimo cap. Eccl. Hierarchiæ sententia cognoscere licere, ubi de ijs tractat, quæ circa eos, qui pie in Christo obierant, fieri solebant. Quo quidem (inquit) profecto loco, cum περι τῶν ἐν Χρῶ πρῶτον παύων agat, quibus pie tantummodo

modo uita defunctos, quasi in patriam profici-  
scentes, leto omine ac imprecatione prosequen-  
tur, minimè autem impiè, materia & argumen-  
to id exigente, siquidem purgatorium esse cre-  
didisset, omnino eius mentionem fecisset, quod  
cum ab illo factum non uidemus, hinc meri-  
tò colligimus, huiusmodi poëtarum figmenta,  
nòndum eo tempore in Ecclesiam irrepstisse. Hæc  
ille. Obserua pie lector obsecro, quàm scien-  
tificè & demonstratiuè Velsius ratiocinetur  
hoc loco. Si (inquit) Dionysius esse purga-  
torium credidisset, omnino eius mentionem fe-  
cisset, quod cum ab illo factum non uidemus,  
colligimus, & cæt. Quasi Dionysius omnia de-  
scribenda suscepisset, quæ necessariò creduntur:  
Vnde non rectè concluderis: Dionysius non  
facit mentionem purgatorij, ergo non est. Non  
enim ualet locus ab autoritate negatiuè.

Adde falsissimum esse sanctissimum Diony-  
sium purgatorium non credidisse, quia licet il-  
lius nominis non faciat mentionem, facit ta-  
men mentionem precationum, quas præsul su-  
per defuncto peragebat. Vt quid autem ora-  
ret pro defuncto, nisi crederet illi sacratissimas  
preces prodesse? Vt quid oraret, nisi crede-  
ret eum precibus indigere? Est quidem uerum  
præsulem ipsum precem cum gratiarum actio-  
ne peragere solitum, ut quasi in patriam pro-

## INTERROG. VELS. PROP.

*fificientem, leto omine ac imprecatione prosequeretur, sed tamen nihilominus precem super mortuum peragebat, ut diuina clementia, cuncta dimitteret per infirmitatem humanam admissa peccata defuncto, quemadmodum paulo post ex ipso Dionysio demonstrabimus. Et tamen nihilominus etiam illi qui in purgatorijs poenis detinentur, suo tempore, cum fuerint perfecte expiati, in patriam proficiscuntur, ut merito illis congratulari debeamus, et eos leto omine prosequi, quod in gratia et in Domino mortui, tandem beatitudinis perpetuae consortia obtinebunt. Quod ut celerius fiat, ex charitate, qua eos afficimur, suffragijs nostris adnitimur obtinere.*

*Refram itaque, quae sacer ille pater scribit de ritu quo in primitiua Ecclesia pro mortuis orabatur, ut etiam manifestum fiat quam insyncere Velsius et ueteratorie Dionysij autoritate abutatur. Quare libet nunc diutius his immorari, ut etiam agnoscat lector, qualis olim in primitiua Ecclesia fuerit ritus celebratus pro ijs, qui obdormierunt in Domino, quaeque ecclesiastico ritu recte et caste circa eos peraguntur, qui ex hac uita migrarunt. Nam expleto uitae cursu, obdormire foeliciter, et sancte quiescere, non est commune sacris ac qui pie uixerunt, et prophanis, qui a fidei synceritate et mandatis Dei aberrarunt, sed quemadmodum diuersum est uitae amborum ge-*

nus, ita & differens post obitum, status animarū atq; conditio, & pro operum suorum hic peractorū diuersitate, alia & alia post mortē qualitas ac dispositio animarū. Ita enim inquit. Ne istud quidem sacris (id est initiatis, qui extra communionis participationem non sunt) prophanisq; (id est, non initiatis, & qui extra communionem sunt & reiecti) commune est, verū vt vtrorumque vitæ est species varia, ita vbi in mortem ierint. Hi quidem, qui sacram tenuere vitam, in veras Dei promissiones intuentes (vt qui veritatem ipsarū, in sua inspexerint resurrectione) firma & certissima cum spe, diuinæque læticia ad mortis tendunt finem, quasi ad sanctorum certaminum vacationem, non ignorantes in exactissima & immortali vita & salute, fore sua omnia, per futuram integram resurrectionem suam. Quibus uerbis docet eos qui sanctā duxerunt uitā, animo attēdere, ueras Dei repromissiones, sacris & pijs factas (quarū ueritatē & exhibitionē, in ipsius Christi resurrectione pspexerūt, ut in propria etiā resurrectione, eas cōplendas firmitus sperarent, idq; futurū proculdubio in mēbris crederēt, quod iam præcessit in capite) cū firma et certissima æternorū bonorū spe, ingētiq; animæ læticia, ad uitæ tēdere exitū, quasi ad assiduorū certaminū, q̄ in hoc

## INTERROG. VEL. PROP.

*mundo gesserunt completionem & terminum, certum habentes, quod in immortalī celestis uitae gloria, erunt rursum eis omnia reddita per integrā resurrectionem suā, quae ad humanae cōstitutionis attinent complementum, & nunc per mortem ipsis adimuntur. Deinde subiungit: Sanctae profectō animae, cum in hac vita possint ad deteriora conuerti, in regeneratione id habituræ sunt, vt ex Dei similitudine, ad inconuertibile trāseant. hoc est, cum in hac uita, propter liberi arbitrij uertibilitatem, possint ad peiora deflecti, & non deflectantur, in extrema omniū resurrectione, id pro premio assequuntur, ut ex Dei formitate Deiq; similitudine, ad inconuertibilem à bono statum sint transiturae. Deinde sequitur: At verò calta sanctarum animarum corpora (cū quibus vnā & vitæ mortalis iter egerunt, & simul descripta sunt, simulq; certarunt) pro sacris sudoribus suis in animarum immutabili secūdam diuinam vitam firmitate ac sede, resurrectionē quoq; vnā recipient propriā. Inserta enim animabus sanctis (quibus hac in vita iuncta fuerant, vt Christi effecta mēbra) diuinā atq; immortalem, beatāmq; recipient requiē. In ijs ergo est sanctorū quies obdormitio, in lætitia & spe immobili, cum ad sanctorū certaminum peruenerint finem.*

finem. Et post pauca, cum prophanorū errores  
et exitum descripsisset: Norunt (inquit) san-  
cti, se totos percepturos, exactissimam ad  
Christi speciem requiem, cū ad præsenti-  
tis vitæ finem peruenerint, viamq; ad im-  
mortalitatem suam è vicino iam clarius in-  
tuentes, diuinitatis laudant munera, diui-  
nâq; lætitia gestiunt, non iam ad deteriora  
conuersionem metuentes, sed parata bona  
se firmiter perpetuoq; habituros probè no-  
scentes. Et post pauca. In sanctorum vi-  
rorum dormitione, is qui ad finem suorum  
certaminum properat, sancta lætitia imple-  
tur, magnaq; cū iucunditate, foelicitissimæ  
regenerationis iter scandit. Defuncti verò  
propinqui, sancta propinquitate, morumq;  
similitudine, ipsum qui talis est prædicant,  
quod ad optatum victoriæ peruenerit fi-  
nem, auctoriq; victoriæ, laudes cū gratia-  
rum actione persoluunt, seipsos quoq; orā-  
tes, ad similem requiem admitti. Sumen-  
tes autem ipsum, ad Pontificem ducunt,  
quasi coronis donandum sacris. Hunc ille  
libenter suscipit, eaque peragit, quæ diui-  
no instituto, super sanctè quiescentibus fi-  
unt. *Obserua quod dicitur, quæ diuino institu-  
to, hoc est, ex diuina cōstitutione sup ijs qui piè  
ebdormierūt fieri debēt. Sequitur: Coacto san-*



## INTERROG. VELS. PROP.

Et o cœtu venerandus antistes, siquidem sacerdotalis ordinis fuerat, qui obdormiuit, ante sanctū altare inclinās eum, orationem ad Deum inchoat, & gratiarum actionē. Si autem honestissimis monachis, aut sanctæ plebi insertuserat, ad venerandum sacrarium, ipsum ante sacerdotum reclinat ingressum, deinde precem cum gratiarum actione peragit præsul. Deinceps verò ministri, diuinis inserta eloquijs, verissima de nostra resurrectione promissa recitantes, consentanea tantundemq; valētia, canunt Psalmorum cantica. Deinde ministrorum primus (*id est archidiaconus principalisq; minister*) dimittit cathecuminos, sanctosq; iā defunctos concelebrat, cum quibus & nuper vita functum, pari laudatione prosequitur, hortaturque omnes, vt sibiipsis identidem postulent beatam in Christo consummationem. Postea accedens venerabilis præsul, precem super eo sacratissimam peragit, & post orationem ipse quoque Pontifex defunctum salutatur, & post illum, qui astant omnes. Vbi verò cuncti consalutauerunt, super defuncto fundit oleum Pontifex, & oratione pro omnibus facta, honesto in loco ponit corpus, cū æqualibus alijs corporibus sanctis.

Et deinceps multis uerbis declarans, quid hæc omnia significant, inter cætera ita scribit. Accedens deinde venerandus antistes, precē sacrā sup mortuum pagit. Precatur oratio illa, diuinā clementiā ut cūcta dimittat, p infirmitatē humanā admissa peccata, defuncto, eumque in luce statuatur & regione uiuorū, in sinibus Abraham, Isaac & Iacob, in loco ubi aufugit dolor & tristitia & gemit⁹. Ista (ut reor) pspicua sunt beatissima sanctorū p̄mia. Quid enim immortalitati pfectæ, omniq; tristitia vacuæ ac plenæ ppetui luminis, cōferri possit? Licet multū sanē, pmissiōes illę oī sublimiores nostra mēte sint, q̄ uocabulis nobis cōgruis designātur, lōge tamē inferiores earū re & ueritate appellationes habēt. Verū enim profectō illud existimandū eloquiū est, quod oculus nō uidit nec auris audiuit, neq; in cor hominis ascendit, quæ præparauit Deus diligentibus se. Sinus autem beatorum patriarcharum, reliquorumq; sanctorum omnium, sunt (ut reor equidē) sacratissimæ illę, ac beatissimæ sedes, quæ oēs diuinā effigie p se ferētes, in sua suscipiūt in senescibili & beatissima requie. Sed iā catholicē lector uel auditor, expēdas uelim hanc sacratissimā precē, & confer illā cum nostris precibus,

quas

## INTERROG. VEL. PROP.

*quas modò Ecclesia in defunctorum exequijs ad Deum precando effundit, & perspicies quomodo nostræ preces promanent ex traditione apostolica, imò ex institutione diuina, quia paulo antè docui obseruandum, quod dictum est, quæ diuino instituto, super sanctè quiescentibus fiunt. Porro Ecclesie oratio sic habet: Deus cui omnia uiuunt, & cui non pereunt morièdo corpora nostra, sed mutantur in melius, te supplices deprecamur, ut quicquid anima famuli tui, uitiorum tuæq; uoluntati contrarium, fallente diabolo & propria iniquitate atque fragilitate contraxit, tu pius & misericors abluas uel absoluas indulgendo, eamq; suscipi iubeas per manus sanctorum angelorum tuorum deducendam in sinum patriarcharum tuorum, Abraham scilicet amici tui, & Isaac electi tui, atq; Iacob dilecti tui, quo aufugit dolor atq; suspirium, fidelium quoque animæ felici iucunditate letantur, & in nouissimo magni iudicij die, inter sanctos & electos tuos, eã facias perpetuæ gloriæ percipere portionem, quam oculus non uidit, nec auris audiuit, & in cor hominis ascendit, quam preparasti diligentibus te, per Christum Dominum nostrum. Dionysius dicit antistitem oratione sua precari diuinam clemētiam, ut cuncta dimittat per infirmitatem humanā admissa peccata defuncto, & Ecclesia orat Deū suppliciter,*

ut quicquid anima uitiorum & uoluntati diuina contrarium, fallente diabolo & propria iniquitate atq; fragilitate contraxit, Deus pius & misericors abluat & absoluat indulgendo. Antistes orat ut defunctum in luce statuatur & regione uiuorum, in sinibus Abraham &c. in loco ubi aufugit dolor & tristitia & gemitus. Ecclesia precatur ut animam defuncti sancti angeli deducant in sinum patriarcharum Abraham scilicet &c. Dionysius dicit, uerum illud existimandum eloquium esse, quod oculus non uidit, nec auris audiuit, nec in cor hominis ascendit: & Ecclesia in fine orationis iam præmissæ, rogat Deum, ut animam defuncti faciat perpetuæ gloriæ percipere portionem, quam oculus non uidit &c. Ex quibus efficax sumitur argumentum, Ecclesiæ preces quas pro defunctis facit, ex apostolica descendere traditione. Vnde & Dionysius ibidem dicit. Quænam uero de huiusmodi prece (quæ super defuncto peragit præsul) ex diuinis ducibus nostris (per quos apostolos intelligit) traditio peruenit ad nos, operæpretiū est ut dicamus. Venerandus antistes (ut scriptura ait) interpret est iudiciorum diuinorum, angelus enim domini omnipotens est. Didicit igitur de scripturis diuinitus traditis, ut ijs qui piè uixerunt, lucidissima diuinaq; uita, p merito ab æquif-

lumis

## INTERROG. VEL. PROP.

simis lancibus redditur, nō recordāte diuina bonitate per summam clementiā maculas, quæ illis ex humana infirmitate adhæserunt. Nullus enim (inquit) est mundus à labe. Ista quidem nouit pontifex promissa à sanctis eloquijs, pētit ea fieri donariq; eis, qui piē vixerunt, præmia sacra, simul quoq; seipsum ad imitationes Dei benigniūs formās, & aliorum dona quasi proprias expetens gratias, neq; ignorās veras re promissiones futuras, p̄sentibus etiā apertē demonstrat q̄ quæ ab eo sacro iure postulātur, omnino illi consequentur, q̄ in vita diuina consummati sūt. Neq; enim vnquam peteret pōtifex diuinę iustificationis prædicator, quæ Deo sciret nō esse gratissima, & quæ largiturū se ille nequaquā promississet. Et post pauca postulat itaq; sanctus antistes, quæ sunt promissa diuinitus, atq; accepta Deo, & quæ largienda nō ambigit, vna & diuinū ac benignum habitum præferens clementissimi Dei, & præsentibus apertē insinuans, quibus bonis donādi sūt sancti. *Interpretatur sanctissimus martyr & reliqua, quæ tum adhibebantur mysteria super ijs qui sanctē quicuerunt, paulò superiūs commemorata, quæ breuitatis gratia intermitto.*

*Ceterum quod Velsius scribit hoc interrogatorio,*

torio, et Christi passionis ac effusi pro nobis sanguinis merita, non solum non obscurari, sed etiam funditus e medio tolli, itidem efficaciam eorundem obscurari purgatorii doctrina, cum quod Christi solius est, in quo habemus redemptionem per sanguinem ipsius, remissionem peccatorum, id mortuarijs sacrificulorum ac impijs operibus et sacrilegis sacrificijs tribuat, falsum est. Non enim obscurantur per purgatorii doctrinam, sed magis illustratur, dum non solum uiuentibus, sed in Domino defunctis adhibentur Christi merita atque applicantur. Adhibentur autem uiuentibus per fidem, et sacramenta Ecclesie quae uirtutem siue efficaciam habent a passione et morte Christi. Passio autem Christi praecessit ut causa quaedam uniuersalis remissionis omnium peccatorum, unde necesse est singulis hominibus illam adhiberi ac applicari ad deletionem priorum peccatorum. Per fidem enim applicatur eis passio Christi, ad percipiendum fructum ipsius, quia (ut Paulus testatur) Christum proposuit Deus propiciatorem per fidem in sanguine eius. Sed illa fides, non est informis fides, sed formata per charitatem, ut sic passio Christi applicetur, non solum quantum ad intellectum, sed etiam quantum ad affectum. Per baptismum autem et poenitentiam itidem applicatur nobis passio Christi, unde habent

Roma. 3.

uirtute

## INTERROG. VEL. PROP.

Rom. 6.

1. Pet. 3.

uirtutem suam. Oportet quoque uiuentes Christo configurari, modò consequi uelint effectum passionis Christi. Configurantur autem ei in baptismo sacramentaliter, quia (ut Paulus ait) consepulti sunt ei per baptismum in mortem, unde baptizatis nulla pœna satisfactoria imponitur, eo quòd sint omnino ab omni pœna liberati per satisfactionem Christi. Quia uerò Christus semel duntaxat pro peccatis nostris mortuus est, ut Petrus ait, idcirco non nisi semel homo ei configurari potest per sacramentum baptismi, sed post peccatum per pœnitentiam conformatur Christo patienti, opera satisfactoria & afflictiua in seipso sustinendo, cooperante satisfactione Christi, quæ habet effectum in eo, in quantum incorporatur ei ut mēbrum capiti. Deinde & hoc obseruandum est, quod licet Christus pro peccatoribus sanguinem suum fuderit, et abundè satisfecerit, nihilominus tamē propria satisfactio nobis post peccata necessaria est, & possumus mutuo unus pro alio satisfacere, non solum uiui pro uiuis, sed etiam pro mortuis. Cui rei, tam Augustinus quā Gregorius palàm adstipulantur, & quatuor operū genera memorant, quibus defunctis prodesse possumus: nimirum altaris sacrificium, elemosynas, ieiunia & sanctas orationes. Pro sunt autem eis hæc opera, per expiationis accelerationem, & per quandā satisfactionis modum pro



pro pœnis scilicet, quarum debitum, ex peccatis in hac uita perpetratis antea contraxerant. Porro licet Velsus sacrilego ore hæc opera appellet mortuaria sacrificulorum ac impia opera, et sacrilega sacrificia, nos tamen potius Dominum audiamus, orationes, ieiunia & eleemosynas in Euangelio commendantem, atq; huc nos prouocantem, quàm Velsum hæc opera subsannantem, præcipue cum superius palam fecerimus ex patribus missæ sacrificiū semper fuisse in Ecclesia etiam pro defunctis oblatum.

Que deinde producit cōtra purgatorij assertionem, nihil faciunt aduersus eiusdem ueritatem. Nam libenter admittimus, imò & docemus illud quod profert ex regio propheta & Paulo. Psal. 94.  
Hebr. 3. Hodie si uocem eius audieritis, nolite obdurare corda uestra &c. Et qui hodie, id est, in hac uita, uocem Dei audiunt, eiq; fidem habent & obtemperant, atq; ita Deo adhærent, in requiem cœlestem illam regionē ingressuros ex Dei promissione, eos autem in quibus fuerit cor prauū incredulitatis, quiq; rebelles ipsius extiterint uerbis, nec promissiones eius, nobisq; in Christo oblata beneficia fide apprehenderint, iuramento etiam interposito cum ira & indignatione, Deum cōminari, non ingressuros. Amplectimur quoq; quod Paul<sup>9</sup> ait: Nolite errare, Deus nō iridetur. Galat. 6. Que enim seminauerit homo (intelligit

K k k      autem

# INTERROG. VEL. PROP.

Lucæ 16.

autem in hac uita) hæc et metet &c. Scimus de-  
 nique diuisionem Christi in Euangelio suo factā  
 de lata spatiosaq; angusta et stricta uia, et quod  
 (quemadmodum est uidere apud Lactantiū lib.  
 6. c. 3. unde hoc Velsius desumpsit) in hac uita Y  
 cuiusdam in modū, hæc findatur rationes ac uia,  
 nihilq; habeat altera cū altera cōmune, & posse  
 hoīem in hac duntaxat uita, ad diuerticulū, hoc  
 est, à lata uia ad strictā puenire, post mortē aut  
 minimē, cū hæc iā longius à seimicē sint diductæ,  
 ita ut inter ipsas, quod & scriptura testatur, hia-  
 tus ingens sit firmatus, ut ab altera ad alteram  
 transitus amplius non detur. Porro Theophyla-  
 ctus in duodecimū caput Lucæ Euangelistæ scri-  
 bens circa illa uerba Domini: Ne terreamini ab  
 his qui occidunt corpus &c. Affirmat non om-  
 nes peccatores hinc decedētes mitti in gehennā,  
 sed esse in potestate Dei ut dimitti possint, nimi-  
 rum à supplicijs ad gloriam. Deo (inquit) puni-  
 ente, non carnis solum damnum est (mors scilia-  
 cet corporis) sed & misera anima cum suppli-  
 cijs uadit. Scito aut hoc loco quod peccatoribus  
 mors ad supplicium infertur, & in hac uita puniū-  
 tur quū occiduntur, & in alia dū in gehennā cōij-  
 ciuntur. Perscrutans autem uerbum, etiam aliud  
 quiddam simul intelliges. Vide enim quod nō di-  
 xit: Metuatis eū qui postquā occiderit, mittit  
 in gehennam, sed habentem potestatem mittēdi.

Non

Nō enim semper qui moriuntur peccatores, mittuntur in gehennam, sed sunt in potestate Dei, ut etiam dimitti possint. hæc ille. Ex cuius uerbis liquet, quosdam peccatores statim post mortem mitti ad gehennam, quosdam quoq; peccatores non mitti ad gehennam, sed esse in potestate Dei et etiam dimitti possint e carcere quo detinentur. Et ij sunt qui in purgatorio detinentur, qui suffragijs uiuorum adiuuari possunt. Nā statim sequitur in Theophylacto. Hoc autem dico (inquit) propter oblationes & distributiones, quæ fiunt pro defunctis, quæ non parum conducunt etiam his, qui in grauib; peccatis mortui sunt. Non omnino igitur postquam occidit, mittit in gehennam, sed potestatem habet mittendi. Quodam autē (inquit S. Aug. in lib. de Cura pro mortuis agenda. cap. 1.) uitæ genere acquiritur, dum in hoc corpore uiuitur, ut aliquid adiuuēt ista defunctos, ac secundum hoc quæ per corpus gesserunt, eis quæ post corpus, religiose pro illis facta fuerint, adiuuantur.

Sunt enim quos nihil omnino adiuuant. ista, siue pro eis fiant, quorū tā mala sunt merita ut neq; lib<sup>o</sup> digni sint adiuuari: siue pro eis, quorum tam bona ut talibus non indigeant adiumentis. Genere igitur uitæ, quod gessit quisq; per corpus, efficitur ut prosint uel nō prosint, quæcunq; pro illo piè fiunt, cum reliquerit corpus.

## INTERROG. VEL. PROP.

Nam meritum per quod ista prosint, si nullum comparatum est in hac uita, frustra queritur post hanc uitam. Ita fit ut neq; inaniter Ecclesia uel suorū cura pro defunctis, quod potuerit religionis impendat, & tamen ferat unusquisq; secundū ea quæ per corpus gessit, siue bonum siue malū, reddente domino unicuiq; secundū opera eius. Vt enim hoc quod impeditur, possit ei prodesse post corpus, in ea uita acquisitum est, quā gessit in corpore. Hæc ille. Inter illos ergo qui mittuntur in gehennam, & eos qui recipiuntur ad æternam beatitudinē, cahos magnū firmatū est, ut illi qui sunt in gehenna, non possint transire ad beatos in cœlo, neque illi econtrā ad dānatos in gehenna, sunt tñ nihilominus alij q nec sunt in gehenna, nec unquam ad gehennam ituri, necdum etiam in cœlo, sed ad cælum (ubi ad plenum expiati fuerint & expurgati) ituri, sed non nisi per purgatorias pœnas. Et hi sunt de eorum numero, qui dum hodie, id est, in hac uita fuerunt, uocem Dei audierunt quidem, sed nō in omnibus eidem obtemperarunt, sed frequēter aduersus legem Dei egerunt. Verū quoniam præuaricationis suæ memores, priusquā ex hac uita migrarent, uerē de illa doluerunt, & illius relaxationem consecuti sunt, & ex hac uita sublati sunt, priusquam condigna satisfactione emundarentur, necesse est eos purgato-

gatorijs pœnis affligi, quousq; immaculati reddantur, & beatitudine digni iudicentur. Hij sunt, qui dum in hac uita essent, quandoque quidem strictam siue angustam uiam ambulauerunt, à qua nonnunquam ad latā siue spatiosam declinauerunt, licet priusquam hinc recederent, denuò ad angustam sint regressi: quia tamē pro eo quòd in hac mortali uita nonnunquam latam ingressi sunt uiam, non satis ac sufficienter passi sunt, idcirco pœnas adhuc luunt post hanc uitam. Nec est necesse purgatorium ex altera harum uiarum parte constituere, cum hæ uia calcantur in hac uita, & post eam illis reddatur retributio, qui easdem ambulauerunt, siue suppliciorū, siue præmiorū. Et tamē illi qui adhuc in purgatorio sunt, quoniā nondū ad terminū æternæ beatitudinis peruenerunt, ad quē in hac uita ambulādo cōtenderunt, quodāmodo sunt adhuc in uia, nō in spatiosa, p̄ quā multi ingrediūtur, uia positos dicimus, sed potius in angusta in qua pœnas & supplicia patiuntur. Dicimus aut̄ eos quodāmodo adhuc esse in uia, in quantū uidelicet eorum progressus adhuc retardatur ab ultima retributione. Et quāuis cōmunicatio ciuiliū operum non possit esse mortuorum ad uiuos (à uita enim ciuili exclusi sunt) potest tamen inter eos esse communicatio, quantum ad opera uitæ spiritualis quæ est p̄ charitatē ad Deū, cui mor-

## INTERROG. VELS. PROP.


Ioan. 4.

tuorū spirit⁹ uiuūt. Quod autē adfert ex apostoli epistola ad Gal. Nolite errare, Deus nō irridetur. Quæ enim seminauerit homo, hæc & metet &c. Nihil prorsus cōtra ueritatē purgatorij facit. Nā messio illa nihil aliud est, ꝫceptio uitæ æternæ, dicēte Dño, Qui metit mercedem accipit, & cōgregat fructū in uitā æternam. Vita autē æterna nemini datur, nisi proprijs operibus ac meritis, ut quæ ipse hic seminauit, metat in æterna beatitudine. Possunt tñ nihilominus iuari suffragijs uiuorū, qui uitā æternā in purgatorio præstolantur, ut ad eam citius perueniant.

Deniq; quod dicit Epiphaniij tēporibus, multos abusus in Ecclesiam irrepsisse, facile cōcesserim, sed si per hoc insinuare uelit suffragia quæ pro defunctis ab Ecclesia fiunt, inter abusus numeranda esse, errat toto cœlo, quemadmodum commonstratum est à nobis.

Nec alienū est à calūnia, quod asserit Epiphaniū in describēdis hæresibus, nō caruisse suis affectibus, ut extenuet autoritatē tanti uiri qui sua tēpestate sciens in Ecclesia esse receptissimū orare pro defunctis, Aërium inter hæreticos numerat, qui id præsumpserat impugnare

Itaq; non ut Velsius malè concludit à purgatorio expurgati atq; liberati, sed purgatorij ueritate confirmata ac constabilita, ad ultimum progrediamur interrogatorium, quod sic habet:



DE

## DE TEMPLORVM

ædificatione, & vtilitate cæ-  
remoniarum.

*Postremò. An credat pium esse,  
templa & oratoria externa Deo cō-  
struere, & cæremonias quæ in Ec-  
clesia frequentātur, ad pietatem ex-  
citandam, & religionem in plebe re-  
tinēdam, vtiles & proficuas esse, &  
propterea non abolendas, sed conser-  
uandas fore.*



**P**ium esse, templa & oratoria  
externa Deo construere, li-  
quet ex eo quòd sacra scriptu-  
ra cōmendat pietatem Dauid,  
qui voluit Domino tēplum æ-  
dificare. Et licet fuerit à Domino prohibitus id  
facere, prædictū tamen est ei filiū suum id factū  
rum. Dauid quoq; ante mortem suam præcepit  
ut cōgregarētur oēs profelyti de terra Israel, et  
constituit ex eis latomos, ad cedēdos lapides &  
poliendos, ut ædificaretur domus Dei. Ferrum  
quoq; plurimū ad clauos ianuarū & ad cōmis-

1. Reg. 7.

1. Par. 2.



# INTERROG. VEL. PROP.

*suras atque iuncturas præparauit, & æris pondus innumerabile. Ligna quoque cedrina non poterant æstimari, quæ Sidonij & Tirij deportauerunt ad Dauid. Et dixit Dauid: Salomon filius meus, puer paruulus est & delicatus. Domus autem quam ædificare uolo Domino, talis esse debet, ut in cunctis regionibus nominetur. Præparabo ergo ei necessaria. Et ob hanc causam ante mortem suam, omnes præparauit impensas. Vocauitque Salomon filium suum, & præcepit ei ut ædificaret domum domino Deo Israel. Dixitq; Dauid ad Salomonem. Fili mi, uoluntatis meæ fuit, ut ædificarem domum nomini domini Dei mei, sed factus est sermo Domini ad me, dicens: Multum sanguinem effudisti, & plurima bella bellasti, non poteris ædificare domum nomini meo, tanto effuso sanguine coram me. Filius qui nascetur tibi erit uir quietissimus. Faciam enim eum requiescere ab omnibus inimicis suis per circuitum, & ob hanc causam pacificus uocabitur, & pacem & otium dabo in Israel cunctis diebus eius. Ipse*

*Par. 1. &*

*7.*

*ædificabit domum nomini meo. Et cum Salomō templum consummasset, impleta est domus Dei nube, ne possent sacerdotes stare & ministrare propter caliginem, compleuerat enim gloria Domini domum Dei. Ignis quoque descendit de celo, & deuorauit holocausta & uictimas, &*

*maie-*

maiestas Domini impleuit domum. Nec poterant sacerdotes ingredi templum Domini, eo quod impleffet maiestas Domini templum Domini. Sed & omnes filij Israel uidebant descendentem ignem, & gloriam Domini super domum. Porro quemadmodum Christus praesentia sua & nouo miraculo in Cana Galileae exhibitio, approbavit nuptias debita castitate celebratas, & thorum immaculatum: sic diuina maiestas praesentia gloriae suae comprobauit templi aedificationem & Salomonis pietatem. Denique Dominus apparuit Salomoni secundo, sicut apparuerat ei in Gabaon. Dixitque Dominus ad eum. Exaudiui orationem & deprecationem tuam, quam deprecatus es coram me, sanctificauim domum hanc, quam aedificasti, ut ponerem nomen meum ibi in sempiternum, & erunt oculi mei & cor meum ibi cunctis diebus, & elegi locum istum mihi, in domum sacrificij.

Ioan. 1.

3. Reg. 9.

2. Par. 7.

Si non esset pium aedificare Deo templa & oratoria externa, Dominus non suscitasset spiritum Cyri regis Persarum, ut traduceret uocem in omni regno suo, etiam per scripturam, dicens: Haec dicit Cyrus rex Persarum: Omnia regna terrae dedit mihi Dominus Deus caeli, & ipse praecepit mihi ut aedificarem ei domum in Hierusalem, quae est in Iudaea. Quis est in uobis de uniuerso populo eius? Sit dominus illius cum eo.

1. Esdr. 1.

## INTERROG. VEL. PROP.

Ascendat in Hierusalem, quæ est in Iudæa, & ædificet domum Dei Israel, ipse est Deus qui est in Hierusalem. Et post pauca sequitur. Et surrexerunt principes patrum de Iuda & Benjamin, & sacerdotes & Leuitæ, & omnis cuius suscitauit Deus spiritum, ut ascenderet ad ædificandum templum Domini, quod erat in Hierusalem. Si non esset pium ædificare templa Deo, propheta Domini Aggæus & Zacharias non confortassent ac adiuuissent ædificantes templum Domini. Prophetauerunt (inquit scriptura) Aggæus propheta, & Zacharias filius Addo, prophetantes ad Iudæos qui erant in Iuda & Hierusalem, & in nomine Dei Israel. Tunc surrexerunt Zorobabel filius Salathiel, & Iosue filius Iosedech, & coeperunt ædificare templum Domini in Hierusalem, & cum eis propheta Dei adiuuantes eos. Cum autem aduersarij Iudæorum uellent impedire eos, oculus Dei eorum factus est super senes Iudæorum, & non potuerunt inhibere eos.

**Aggæi.** Sed & per Aggæum prophetam corripuit Dñs populū cessantē ab ædificatione tēpli. Nā factum est uerbum Domini in manu Aggæi propheta, ad Zorobabel filium Salathiel ducem Iuda & ad Iesum filium Iosedech sacerdotem magnum dicens. Hæc ait Dominus exercituum dicens: Populus iste dicit, Nondum uenit tempus domus

domus Domini edificandæ. Et factum est uerbū Domini in manu Aggæi prophetæ dicens. Nunquid tempus uobis est, ut habitetis in domibus laqueatis, & domus ista deserta? Et nunc hæc dicit dominus exercituum, Ponite corda uestra super uias uestras. Seminaastis multum, & intulistis parum. Comedistis, & non estis satiati, bibistis & non estis inebriati. Operuistis uos, & non estis calefacti. Et qui mercedes congregauit, misit eas in sacculū pertusum. Hæc dicit Dominus exercituum. Ponite corda uestra super uias uestras. Ascendite in montem, parate ligna, & edificate domum, & acceptabilis mihi erit, & glorificabor dicit Dominus. Respexistis ad amplius, & ecce factū est minus. Et intulistis in domū, & exsufflaui illud. Quā ob causam dicit Dominus exercituum? Quia domus mea deserta est, & uos festinatis unusquisq; in domum suam: propter hoc super uos prohibiti sunt cœli, ne darent rorem, & terra prohibita est, ne daret germen suum. Et uocaui siccitatem super terrā, & super mōtes, & super triticum, & super uinum, & super oleum, & quæcunq; profert humus, & super homines, & super iumenta, & super omnem laborem manuum. Et cap. 2. confortat eos in opere Dñi. Si nō esset pium edificare Deo tēpla Aggæus propheta ex præcepto Dei nō animasset populū ad tēpli extructionem, nec

Deus

## INTERROG. VEL. PROP.

Deus Iudæos in hoc negligētes, eiusmodi plagis attriuiſſet. Ruffinus lib. 10. Ecclesiasticæ hystoriæ ca. 11. refert ecclesiā extructā ab Iberorū gente nouiter conuerſa ad fidem, cuius exædificationem Deus ingenti miraculo confirmauit.

Eusebius lib. 8. Eccles. Hystoriæ cap. 1. refert, quomodo propter multitudines coëntium intra ecclesias populorum, & præcipuè in diebus festis, propter innumerabiles cateruas, per loca singula confluentes, ne ipsa quidem antiqua receptacula suffecisse, sed quotidie orationum domus dilatatas, ita ut amplitudo earum concludere instar urbium uideretur.

Sosomenes lib. 2. Trip. Hysto. cap. 18. affirmat Constantinum Constantinopolim multis & magnis exornasse ecclesijs. Iuuabat enim diuinitas Imperatoris uota, & apparitionibus multis indicabatur, quia sanctæ salutarisque essent, quæ illic ædificabantur ecclesiæ. Extant ad nostram usque ætatem plurimæ per eundem toto Romano imperio constructæ ecclesiæ. Socrates quoque lib. 7. Trip. Hysto. testatur in Edissa Mesopotamiæ urbe Apostoli Thomæ basilicam esse, claram nimis pariter & ornatam. Et cap. 19. locus exprimitur, ubi olim Vesta colebatur, & postea ecclesia facta est, qui nunc locus Michaelum nuncupatur. Et denuò cap. 18. scribit Theodoritus Helenam Constantini matrem postquam  
crucem

crucem Christi apud Hierosolymam reperisset, undique congregasse artifices, & maximas illic ornatasque ædificasse ecclesias. Hæc eadem Helena apud Coloniam Agrippinam, Bonnæ item, & apud Vetera, basilicas regali ambitione construxit, in tanta ueneratione olim habitas, ut cum irrumpentes barbari, Vetera excidissent soloque æquassent, à sanctorum basilica maiestatis & religionis ergò abstinuerint, ubi postea conditum oppidum, ab extante templo sanctorum (ut scribit R. P. Euerhardus Billikius) obtinuit nomē ad Sanctos, quod Bataui sua lingua Tsancten appellant.

Ex quibus omnibus perspicuum fit, pium esse templa & oratoria externa Deo construere. Sed Velsius non aliter, nec ullius alterius rei occasione templa externa ex ædificare pium existimat, nisi fiat in appposito loco, ubi honestè ac commodè ad uerbum Dei audiendum, & sacramentis participandum ac Deum orandum, et communi consensu ac conuentu laudandum, conuenire queant fidelium cœtus & Ecclesia. Dicit præterea priuato motu ac uoluntate nemini huiusmodi quippiam tentandum esse, & quæ publica autoritate construenda sunt ab hominibus pijs, Deiq; spiritu imbutis, huc (quod omnino à talibus fiet) referri debere, ut absq; ambitione & luxu, amputataq; omni superuacanei operis

# INTERROG. VEL. PROP.

ris curiositate, quam Græci περιεργία uocant. hæc ille. Exposcit planè Deus à sua Ecclesia in tèplo suo unanmem orationem. Nam (ut Christus ait) ubi duo uel tres congregati fuerint in nomine meo, ibi sum in medio eorum. Et iterū: Si duo ex uobis consenserint super terram, de omni re quamcunq; petierint, fiet eis. Sic enim Apostoli, simul cum omnibus qui credebāt, quotidie perdu-  
**Matth. 18.** rauerunt unanimiter in templo. Non quod à loco, oratio uim recipiat, aut quod ibi solum sit orandum, quum Paulus dicat: Volo autem uiros in omni loco manus puras leuare, sed quòd Deus unanmem poscat orationem, ad quam nos templa inuitant. Quum enim unum corpus simus, debet noster conuentus cōcors esse et unanimis oratio. Dicuntur autem templa & alia loca sacra oratoria, quòd sint domus orationis, ut proinde in illis nihil aliud agi oporteat quàm id ad quod sunt facta. Quæ an Velsius sufficienter enumerauerit facile perpendet, qui nouit non solum ad hoc facta & consecrata esse, nimirum ad uerbum Dei audiendum, sacramentis participandum, Deum orandum ac laudandum, sed etiam ad inuocanda sanctorum patrocinia, quorū imagines & sacrosanctæ exu-  
**Act 1.** uie siue reliquiæ religiose & piè asseruantur, nisi cum Vigilantio deridere uelit sanctorum reliquias, & cum Carolstadio, imagines è templis  
**1. Cor. 6.** detur-  
**Ephes. 4.**



deturbare. Deinde ut sunt à pijs hoīib⁹, Deiq; spiritu imbutis constructa & construenda templa, non tamen uideo quid peccauerint Constātinus & Helena, qui tanta ambitione, tam regalia templa ubiq; erexerunt, quorum ornatus & splendor indies creuit, & adhuc amplius cresceret, nisi pestifera dogmata Lutheranorum aliorūque hereticorum, animos Christi fidelium ab hac persuasione pia reuocarent. Si templum Salomonis spectemus, quod iubente Deo conditum est, nōne permultam superuacaneam operis curiositatem habuit? Et tamen Deus præsentia maiestatis suæ, illius exædificationem approbavit. Poterat quidem minoribus impensis, minori luxu, amputata omni superuacanei operis curiositate, exædificari, sed debebat esse templum eiusmodi (ut David dicebat) ut in cunctis regionibus nominaretur.

Altera interrogatorij pars insinuat cæremonias, quæ in Ecclesia frequentantur, ad pietatem excitandam, et religionem in plebe retinendam, utiles & proficuas esse, & propterea non abolendas, sed conseruandas fore.

Quæ enim in catholica Ecclesia ad pietatem excitandam & religionem in plebe retinendam, frequentantur cæremoniæ, tam sunt utiles & proficuae, ut absque illis cultus Dei subsistere nequeat. Tolle siquidem cæremonias ab Ecclesia,

## INTERROG. VEL. PROP.

*clesia, & apud maximam Christianorum partem, Dei cultum statim extinxeris. Fac ne quisquam leuet manus nec flectat genua, aut ne tundat pectus, aut oret non uelato capite, aut non in pedes erectus stet, dum legitur Euangelium, ne humi prostratus adoret, ne Eucharistia cum ostenditur populo, omnia reuerentiae, & honoris signa non exhibeantur, aut id genus reliqua prætermittantur, uidebis infra paucos dies, eam (quam uocamus deuotionem) euanescere penitus. Nam ea, quæ adhuc uiget in paucorum Christianorum pectoribus, quanquam sit per tenuis illius cultus scintillula, cæremonijs tamen enutritur, excitatur, augetur & fouetur. Et nisi ad has cogentur Christiani, propediem, aut nullus, aut quàm frigidissimus cultus Dei futurus est. Porro eiusmodi cæremoniæ & ritus Ecclesiastici qui in sacramentorû administrationibus adhibentur plurimum prosunt ad fidem & charitatem edificandam alendamque. Non enim temerè adhibentur, sed ut uiua quædam incitamenta fidei & pietatis, ad formandam religionem necessaria, quibus manuducitur uulgus ad intelligendû & retinendû mysteria Christi. Sunt enim pædagogia ad secretiora mysteria capeffenda, ut sacra reuerentiùs tractanda, ut sint imagines pietatis & fidei in oculos & aures influentes, ut sint fulcimenta uirtutis, & sti-  
muli*

multi quidam nos admonentes, quid, à quo, quo tempore, quòue pacto agi, tractariq; conueniat. Nec dubium est, maximam caeremoniarum partem, quæ circa administrationem sacramentorum adhibentur, à primitiua & apostolica Ecclesia ad nos deuenisse, ut impiè abiiciatur, quod tot seculis, tot sanctissimis uiris sacrosanctum est habitum. Idem de pijs Ecclesiæ inter orandum caeremonijs sentiendum est, ut nequaquã contemnantur, quæ rectè & magno cum fructu adhibentur, si uel ad incitandum nos, uel ut omnia secundum ordinem fiant in Ecclesia, & decenter ac ordine gerantur omnia, secundum Pauli apostoli præscriptum, uel ut hæc exterius representent, quod intus agitur, adhibeantur, atq; hæc non mentis intentionem præcedant, sed subsequantur. Nam quum mens & ratio, in hoc nostro corpore conclusa sit, sic ut animus totam molem hominis debeat regere, nequaquam à pietate abhorret, si corpus dominam suam rationem seu spiritum tendentem in Deum, & ad illud propius se applicare cupientem, suis quoque motionibus, compositionibus & figuris, suo habitu ac gestu, subsequi conetur. Quod si in omnibus planè agendis, tractandis considerandisq; rebus, corporis ministerio animus utitur, num in adorando ac uenerando Deo, illius tantum reiiciet societatem? Nonne itaq; iure ac piè fit,

# INTERROG. VEL. PROP.

ut siue animus peccati & culpæ conscius, se pro  
sternat atq; abijciat coram Deo, corpus quoq;  
eundem gestum, eundemq; actum subeat, siue a-  
gendis pro accepto beneficio gratijs, mentem  
ad Deum cogitationemq; tollamus, eandem men-  
tis ad Deum sublationem, uultus, oculi manusq;  
sequantur? Iam illæ pectorum tunsiones ac per-  
cussiones, capitum inclinationes, genuum infle-  
xiones (quæ passim in communi Ecclesia adhibē-  
tur) imitationes sunt & simulachra animi, ua-  
rios in se affectus erga Deum susipientis. Quæ  
si falso & per simulationem usurparentur, es-  
sentq; ementita atq; ficta, maximum nimirum  
hoc crimen, & nefaria improbitas sceleratæ mē-  
tis esset. Sed si ita res se intus habet, si est uolun-  
tas rite conuersa ad Deum, si animus, si mens, si  
ratio in ipso Deo uerè collocata est, cur repella-  
mus corpus, à pietatis huius & uenerationis er-  
ga Deum consortio? quod Paulus non ad dubita-  
uit uocare templum spiritus sancti, & quod in  
partem immortalitatis & gloriæ apud Deum  
aliquando futurum est. Nam quod & detecto  
capite uiros, uelata comâ mulieres in Ecclesia  
orare uult Paulus, nonne ad externas id perti-  
net cæremonias? Præterea percussio pectoris,  
nec non deiectus oculorum in terram, quæ sunt  
in publicano illo sibi ueniam à Deo precante,  
per Dominum Iesum Christum exposita, nonne

2. Cor. 6.

1. Cor. 11.

Luc. 18.

in corpore sunt testimonia animi cum Deo humiliter colloquētis? Atq; adeò quid est quod Dominus ipse ad orationem accinctus, uix unquam aliter quàm subleuatis in cœlum oculis, ac genibus flexis in terra, totoq; gestu corporis, affectum mentis indicante, orasse legitur. Sanctæ ergo hæc, ac in uniuersum cæteræ piæ illæ, ac antiquissimæ cæremoniæ Ecclesiæ, in Ecclesia adhibentur, non ut in illis spem salutis ponamus (quis enim hoc autumat, longè fallitur) neq; ut charitatem impediant, sed potius ut fidem & charitatem prouehant, quales sunt ieiuniorum, feriarum, ac alij innumeri pij ritus, qui huc spectant, ut expeditiores simus ad audiendum uerbum Dei, sacramenta participandum, et seruiendum Deo uiuenti, & proinde non tātum utiles, sed & necessariae sunt in præsentī Ecclesia, quæ multos carnales complectitur, quibus manuductione opus est. Rectissimè ergo Augustinus, unam hanc saluberrimam regulam in hisce ritibus retinendam esse docet: nempe ut quæ non sunt contra fidem, neq; contra bonos mores, & habent aliquid ad mouendum piè animum, aut ad exhortationem uitæ melioris non inutile, ea ubicunq; instituta cognoscimus, non solum non improbemus, sed etiam laudando & imitando sectemur, sic tamen ut ea quæ præcipua sunt, etiam præcipuas partes teneant, & cæremonijs

Ioa. 11. 16.

Matth 26.

Mar. 14.

Luc. 22.

## INTERROG. VELS. PROP.

non aliter quàm cæremonijs utamur. Qui ergo has spernit & reijcit, aut ut mera figmenta hominũ irridet, aut à Deo uetitas esse dicit, is cum Deo & discipulo eius Paulo pugnat. Nam (ut cætera sileamus) prior ad Corinthios epistola satis ostendit, quàm fuerit Apostolus in ritibus istis pijs ordinãdis atq; adeò obseruãdis sollicitus, ut pronũciarit reijciẽdos secus sentientes. Si q̃s (inq̃t) uult cõtentiosus esse, nos talẽ cõsuetudinẽ nõ habemus, nec Ecclesia Dei. Ex his p̃spi cuũ est falsissimũ esse quod Velsius impudẽter et calumniose adfingit nobis, nimirum nos nomine cæremoniarũ, innumeras superstitiones cõprehẽdere, quarũ pleræq; à circulatorũ præstigijs nihil differre uideãtur, quas dicit esse Antichristi Ecclesiæ, et ut impias, hypocriticas, pharisaicas, abolẽdas & respuẽdas, nullaq; ratiõe diutius tollerãdas. Itẽ quod dicit nostras cæremonias hoĩes supstitiose facere acquiescere in externis, cũ iã dictũ sit eas adhiberi ut incitamenta fidei & charitatis pietatisq; , q̃bus hoĩes manuducãtur ad intelligendum & retinendũ mysteria Christi &c. Vnde cũ docemus piũ esse tẽpla & oratoria externa, Deo construẽre, & cæremonias utiles & proficuas esse, nõ reuocam⁹ hoĩes ab internis ad externa, sed potius p̃ externa manuducim⁹ eos ad interna & spiritualia. Falsissimũ proinde est, sed & ingēs est calũnia, q̃ asserit architectũ horũ  
inter

interrogatoriorum (quē contēptim *sophistam* appellat, cū ipse sit *sophisticissimus*) semper sibi esse similē, ad externa semp nos ab internis reuocare. Itē & hoc q̄ dicit eas solas cæremonias retinēdas, quæ ex uerbo Dei institutæ sunt. Cū multæ piæ, utiles & necessariae sint in Ecclesia catholica cæremonia, quæ sacris literis nō sunt cōprehensæ, sed traditione apostolica Ecclesiæ tradita, cuiusmodi multas describit Tertullian⁹ in lib. de Corona militis, & Basilius Magnus in lib. de spiritu sancto cap. 27. Deniq; quod dicit nos, nō suos, sed Christi & ueritatis cōiuratos hostes, q̄ uenūdati nostra uolūtate simus diabolo, ut faceremus malū in cōspectu Domini. Vtri cōueniat potius ne Velsio, q̄ nobis, is demū intelliget, q̄ eius blasphemias, calūnias, impietates & imposturas legerit. Nō enim nō potest Christi esse hostis, q̄ Christū tā immaniter in ter sacrosancto Eucharistiae sacramēto blasphemat. Nec minor hostis ueritatis, q̄ catholicā fidei orthodoxæ ueritatē tā hostiliter impetit, eamq; tā nepharijs ausib⁹ subuertere cōtendit ac molitur, sed nequicquā: fundata enim est supra firmam petrā. Reliqua quæ calūniose obijcit nobis, trāseant cū cæteris calūnijs, & cōtēnamus potius q̄ respōdeamus. Haud tñ dissimulandū, quod tandē hæretic⁹ hæreticū, & sacramētarius sacramentariū iniustis laudibus euehēs, Adolphū Clarēbach (q̄ hic Coloniae



## INTERROG. VELS. PROP.

ob suā perfidiā fuit exustus) dicit ob Christi & ueritatis testimonium martyrio esse affectum. Quis enim ferat sacrilegum hominē & blasphemū & ob nefandas hæreses exustū, martyre appellari? Nisi fortē (uti reuera fuit) diaboli martyrem eum quis dixerit. Christi autem martyre non facit pœna, sed causa, quæ in impio Adolpho Clarenbach locum non habuit.

## FINIS.

ERRATA\* SIC CORRIGENDA SVNT.

primus numerus folium, secundus pagi  
nam, tertius lineam designat.

Fo 2. fa. 2. li. 1 le. peregrināti 3. 1. 13. qui probaret 13. 1. 9. expositione 15. 1. 17. Et quia idē est esse 18. 1. 23. Ecclesia, pollicitus sit, nō solū 18. 1. 24. & 25. sed & successioni 19. 2. 27. professionē 27. 2. 14. antistes 29. 1. 19. obtinent 36. 1. 4. largitate 39. 1. 6. sacerdotiū 41. 2. 9. etiā per 54. 2. 5. arcē 57. 1. 22. primas 59. 1. 8. funibus & fa. 2. 9. Vides & 11. uti 69. 2. 3. præcipiēti, & lin 19. authoritatē 13 & 21. cathedræ 65. 1. 8. inuenies 67. 2. 15 ad fidei 69. 1. 24. sed pro sci licet 73. 1. 4. cuius 75. 1. 3. eidē facta 77. 1. 1. primatus & li 8. primatū & 13. amittit 81. 1. 1. cōditiones 89. 1. li. ul. nobis aut 92. 2. 7. mala dānare 94. 2. 13. institutionē 97. 2. 26. causam 120. 1. 12. interrogatorijs 122. 1. 10. urgeret 124. 1. 19. antiquitus 126. 2. 23. pergemus 129. 2. 4. nec alius unquā 137. 2. 1. adorationē 41. 1. 16. tactu 141. 1. 9. noīatur 145. 1. 17. inuisibili 147. 1. 28. substantia 148. 1. 11. Verbum Est substantia liter & li. 26. claritatē 150. 2. 20. representa



